

সাহিত্য-সংহিতা ।

(নব পর্যায়)

পঞ্চম খণ্ড ।

১৯২৩ সাল ।

শ্রীশ্যামাচরণ কবিরত্ন সম্পাদিত ।

সাহিত্য-সভা হইতে প্রকাশিত

১০৬।১নং গ্রে ষ্ট্রীট, কলিকাতা ।

১৩২৩ সালের সাহিত্য-সংহিতার

লেখকগণের নামের বর্ণানুক্রমিক সূচী ।

লেখকের নাম ও বিষয় ।	পৃষ্ঠা :
১। শ্রীঅনিলচন্দ্র মুখোপাধ্যায় । বল্লাল কাহিনী	৪৩৭
২। শ্রীঅমরচন্দ্র ঘোষ বি, এ, । মাধবীকুঞ্জ (নাটকীয় চরিত্রাবলী)	৩৮৩
৩। শ্রীআশুতোষ মিত্র মি, এ, । বিশুদ্ধ সিদ্ধান্ত পঞ্জিকা	১৭
৪। শ্রীআশুতোষ মুখোপাধ্যায় । কুন্তিবাস-স্মৃতিচিহ্ন স্থাপন সভার সভাপতির অভিভাষণ উত্তর বঙ্গ সাহিত্য-সম্মিলনে সভাপতির অভিভাষণ	১৮০ ১৯৫
৫। (রায়সাহেব,) ঈশানচন্দ্র ঘোষ এম, এ, । সুধা ভোজন জাতক	৩৯
৬। শ্রীকৈলাশচন্দ্র জ্যোতিষার্ণব । “আর্য্য জ্যোতিষ”	৭৮
৭। শ্রীগণপতি রায় । মিথিলার প্রাচীন কাহিনী	১৪৩, ২২৯, ২৮৭
৮। শ্রীগোপালচন্দ্র ভট্টাচার্য্য এম, এ, । ইউরোপীয় সাহিত্যে হুঃখবাদ ও বঙ্গ-সাহিত্যে তাহার প্রতিবাদ । শ্রীচণ্ডীচরণ মিত্র । মহাগীত (কবিতা) প্রেম-নিলয় ঐ দ্রাবিড় উপমা ঐ	৪৭৬ ১৬৭ ঐ ২৭২

	সুসঙ্গাধিপতির স্বর্গারোহণে (কবিতা)	...	৩২৪
	যতিপঞ্চকম্	৩৩২
	অমরা ও অমর	ঐ	৪৪৬
	দেয়লা	ঐ	৪৬০
	স্বরণ	ঐ	৪২৮
১০।	শ্রীজগদানন্দ রায় ।		
	ডাক্তার জগদীশচন্দ্র বসুর আবিষ্কার	২৩
	প্রকৃতির কোশল	৩২৭
	শ্রাণী ও উদ্ভিদের বৃদ্ধি	৪৮২
১১।	শ্রীহর্গাদাস চট্টোপাধ্যায় ।		
	বৈজ্ঞানিক তত্ত্বানুসারে মানবের স্বাভাবিক আহার বিচার ।		৩২৫
১২।	শ্রীদেবেন্দ্রনাথ বন্দ্যোপাধ্যায় ।		
	পূজার ছুটি	১১৪
১৩।	শ্রীনবকৃষ্ণ ঘোষ ।		
	৮ষিজেন্দ্রলাল, রবীন্দ্রনাথ ও অক্ষয়কুমারের জীবিত্রোগের কবিতা সম্বন্ধে	২৫৩
১৪।	৮প্রাণকৃষ্ণ বিজ্ঞানাগর ।		
	প্রাচীন কবিতা	৭৭
১৫।	শ্রীবটুকনাথ ভট্টাচার্য ।		
	বঙ্গমান ভারতী	৪৬৫
১৬।	শ্রীবাসুদেব সার্কভৌম বিদ্যালকার কাব্য-ব্যাকরণতীর্থ ।		
	মহাকবি বাণভট্ট	১৭৫
১৭।	কবিরাজ শ্রীবিনোদলাল দাস গুপ্ত ।		
	বর্তমান সময়ে শিক্ষিত সম্প্রদায়ের মধ্যে ক্ষয়রোগের আধিক্য তৎপ্রতিকারোপায়	২৪৩
১৮।	শ্রীবটকনাথ শ্যুতিতীর্থ ।		
	ভোগের অত্যাচার	৩১

১৯।	শ্রীবেদ্যানাথ কাব্যপুরাণতীর্থ।			
	বিন্দু (গল্প)	১৬৮
	পিতৃনারায়ণের প্রতি (কবিতা)	১৭৪
২০।	মহারাজ মনীন্দ্রচন্দ্র নন্দী বাহাদুর, কে, সি, আই, ই।			
	সভাপতির অভিভাষণ	১
২১।	কবিরাজ শ্রীমধুরানাথ মজুমদার কাব্যতীর্থ কবিচিন্তামণি।			
	সুশ্রুতের আদর্শ	৫৯
	মহাকবি ক্ষেমেন্দ্রের "চারুচর্য্যা"	...	৬৭, ১০৩, ১৫১,	
	প্রণয়-পারিজাত বা বসন্তসেনা।	...	২৯৩, ৩৪১, ৪২৫	
	পুরাণ-প্রসঙ্গ	৪২৯
	মহাকবি ক্ষেমেন্দ্রের সেব্যসেবকোপদেশ	৪৩৪
	স্বাস্থ্যরক্ষায় রোগবিজ্ঞান	৪৯৯
২২।	শ্রীমাণিকচন্দ্র ভট্টাচার্য্য।			
	৮পঙিত লালমোহন বিদ্যানিধি	৩৩৫
২৩।	শ্রীরাখালদাস মুখোপাধ্যায়।			
	সুন্দাবন দর্শনে (কবিতা)	৫১১
২৪।	শ্রীরাজেন্দ্রনাথ বিদ্যাভূষণ।			
	সমাজ ও সাহিত্য	১২১
২৫।	শ্রীরাজেন্দ্রনাথ রায়।			
	পাঁচ ফুলের সাজি	১৬০
২৬।	শ্রীরাজেন্দ্রনাথ ঘোষ।			
	আমাদের জাতীয় উন্নতির একটু স্বপ্ন	৩৬৪, ৪৫৭
২৭।	শ্রীরাহলাল সরকার।			
	চীন ও হিন্দু সভ্যতা	৩০১
২৮।	শ্রীরামচন্দ্র কাব্যস্মৃতি মীমাংসাতীর্থ।			
	মণিভদ্র	৪৭৯

২৯। শ্রী :—

৮মহারাঙ্গ কুহুদচন্দ্র সিংহ বাহাদুর বি, এ, ... ৩১৫

৩০। শ্রীসত্যজীবন মুখোপাধ্যায় ।

মধুসূদনের নাট্য-সাহিত্য এবং বাঙ্গালা নাট্য-সাহিত্যে তাহার স্থান ২১১

৩১। শ্রীস্নাতকড়ি সিদ্ধান্ত ভূষণ ।

পঞ্জিকা সংস্কার ... ২৭৮

৩২। শ্রীসারদারঞ্জন রায় এম, এ ।

কালিদাস ও দ্বিতীয় চন্দ্রগুপ্ত ... ৫১৪

৩৩। শ্রীশুরেন্দ্রনাথ গুপ্ত ।

পুনর্জন্ম ... ২৫১

(ক)—বাঙ্গালা ও সংস্কৃত সাহিত্যের আদর্শ ... ৩৫৭

(খ)—৮মহেন্দ্রনাথ বিদ্যানিধির ছুঃস্থা কল্পার সাহায্যার্থ চাঁদা সংগ্রহ ৩৫৪

(গ)—সমালোচনা ... ৯৮, ৩০০, ৩৫৩, ৩৯৮, ৪৬১

(ঘ)—সাহিত্য-সভার অধিবেশনের কার্য্য বিবরণী ... ৫৩৯-৫৪৬

(ঙ)—সাহিত্য-সভার ১৩২৩ সালের কার্য্যনির্বাহক সমিতি ।

(জ্যৈষ্ঠ সংখ্যার শেষভাগে অর্থাৎ ১০১ পৃষ্ঠার পর ক—ড পর্য্যন্ত) ।

সাহিত্য-সংহিতা।

নবপর্ষায়, ৫ম খণ্ড ।] ১৩২৩ সাল, বৈশাখ ।

[১ম সংখ্যা ।

সভাপতির অভিভাষণ । *

সমবেত স্রষ্টাংশুলি—

আজ সাহিত্য-সভার পঞ্চদশ বার্ষিক উৎসব উপলক্ষে সভার সভাপতি-রূপে আপনাদিগকে সম্বাধন করিবার সুযোগ পাইয়া আমি আপনাকে ধন্য মনে করিতেছি। আপনারা আমাদের জাতীয় সাহিত্যের সাহিত্যসেবীদের সম্বন্ধে।

রক্ষক ও পরিপোষক। যে বাঙ্গালা সাহিত্য প্রায় পঞ্চাশৎ বৎসর পূর্বে পল্লী-সাহিত্য বলিয়া পরিগণিত হইত, যাহার গতি পল্লীপ্রান্তবাহিনী কীর্ণকায় তটিনীর স্থায় মন্থর ও তরঙ্গলীলাবিহীন ছিল, সেই সাহিত্য আজ বর্ষার উদ্যম তরঙ্গিনীর স্থায় কুল ছাপাইয়া ছুটিয়াছে; দরিদ্র পল্লীবাসী বঙ্গবাণীর পূজার জন্ত যে ক্ষুদ্র দেউল নিষ্ঠা করিয়াছিলেন, আজ তাহা গগনচূষী বিরাট মন্দিরে পরিণত হইয়াছে। আপনারা সেই বাঙ্গালা সাহিত্যের সেবক। বঙ্গবাণীর একনিষ্ঠ সাধক, বঙ্গীয় স্রষ্টাবৃন্দ, সাহিত্য-সভার সভাপতিরূপে আজ আমি আপনাদের সাদর সম্বন্ধনা করিতেছি।

জীবনের 'গুণা' দিন অক্ষয়ে নিঃশব্দে চলিয়া যাইতেছে—আমরা ক্রমেক্ষণে করি না। কিন্তু যেমনই একটি বর্ষ অতীত হইয়া নূতন বর্ষের সূত্রপাত হয়, তখনই

যেন আমাদের চেতনা হয়; আমরা জাগিয়া উঠি, আর সাহিত্যসভার মাত লোকসান।

গত বর্ষের লাভালাভের হিসাব করিতে বসি। আমাদের সভাসমিতির বার্ষিক উৎসব, জন্মতিথির উৎসব, এই চেতনা, এই জাগরণ। হাঁর, এই আর ব্যয়ের সমাধান করিয়া করজনের ওষ্ঠাধরে হাশ্বের রেখা পরিষ্কৃত হয়? করজনের আয়ের অঙ্ক করে অঙ্ক ছাপাইয়া উঠে? লাভের আনন্দ অপেক্ষা কত

* সাহিত্য-সভার পঞ্চদশ বার্ষিক উৎসব উপলক্ষে সভাপতি মাননীয় মহারাজ সারি মনীন্দ্রচন্দ্র নন্দী কে সি আই টি কর্তৃক পঠিত।

দুঃখ ও লজ্জাতেই অনেকের মস্তক অবনত ও চক্ষু অশ্রুভারাক্রান্ত হইয়া আসে, সাফল্যের উৎসাহ অপেক্ষা বিফলতার অবসাদেই অনেকের হৃদয় অবসন্ন হইয়া পড়ে । আমরা বন্ধুবান্ধব লইয়া উৎসব করিয়া সেই দুঃখ ও অবসাদ ভুলিতে চাই ।

সাহিত্য-সভার ভাগ্যেও অনাগিল আনন্দ ভগবান্ লিখেন নাই । আলোচ্য বর্ষে আমরা মহামহোপাধ্যায় পণ্ডিত প্রসন্নচন্দ্র বিদ্যারত্ন, অধ্যাপক কালীপদ বসু, সাহিত্যসংহিতার ভূতপূর্ব সম্পাদক পণ্ডিত নৃসিংহচন্দ্র মুখোপাধ্যায় বিদ্যারত্ন, বাবু বিপ্রদাস মুখোপাধ্যায়, রায় বাহাদুর নবীনচন্দ্র দাস কবিগুণাকর, রায় হরিচরণ চৌধুরী বাহাদুর ও বাবু বটকৃষ্ণ পাল, এই কয়জন সভ্যকে হারাইয়াছি । ইঁহা-দিগকে হারাইয়া সভা যে নিরতিশয় ক্ষতিগ্রস্ত হইয়াছেন, তাহা বলা বাহুল্য । মহামহোপাধ্যায় পণ্ডিত প্রসন্ন চন্দ্র বিদ্যারত্ন ও ৬বটকৃষ্ণ পালের স্মরণ কর্তব্যের আমাদের দেশে প্রকৃতই বিরল । ঢাকার দারস্বত সমাজ বিদ্যারত্ন মহাশয়ের অক্ষয় কীর্তি, আর বটকৃষ্ণ পাল মহাশয়ের কর্ম জীবনের নিদর্শন বঙ্গের সর্বত্রই বিদ্যমান । কর্মের দিনে প্রকৃত কর্মীর সংখ্যার হ্রাস হইতে দেখিলে হৃদয়ে স্বতঃই নিরাশা ও আতঙ্কের উদয় হয় ।

নববর্ষের সঙ্গে সঙ্গে সভা তাহার চিরপোষিত আশাগুলি হৃদয়ে লইয়া কার্যে অগ্রসর হইয়াছিল । নূতন আবার পুরাতন হইয়া চিরবিদায় গ্রহণ করিল ; কিন্তু সেই আশার অধিকাংশই অপূর্ণ রহিয়া গিয়াছে । অতীত আশার শেষ লইয়া নববর্ষে আবার নবীন উৎসাহে কার্যে প্রবৃত্ত হইয়াছি, বৎসরান্তে আবার তাহার হিসাব নিকাশের দিন আসিবে । ভগবান্ করুন তখন যেন আমরা তাহাদের কথা বলিয়া গৌরব অনুভব করিতে পারি ।

আমাদের বার্ষিক সাহিত্যিক সম্মিলনী সমূহ বর্ষব্যাপী সাহিত্যিক লাভ ক্ষতির বিবরণী । ব্যবসায়িক যখন বৎসরান্তে লাভক্ষতির সমাধানের ফল দেখিয়া আগামী বর্ষের স্তম্ভ কার্য প্রণালী নিরূপণ করেন, সেইরূপ এই সকল সম্মিলনীতে অতীত বর্ষের সাহিত্যের নিরপেক্ষ সমালোচনা দেখিয়া সাহিত্যিকগণ ভবিষ্যতের স্তম্ভ স্ব স্ব কর্তব্য নিরূপণ করিবেন এইরূপ আশা স্বতঃই মনে উদ্ভূত হয় । কিন্তু দুঃখের বিবরণ এ পর্যন্ত কোন সম্মিলনেই বাঙ্গালা সাহিত্যের লাভ লোকসানের আলোচনা হয় নাই । হইলে বোধ হয় বুঝিতে পারা যাইত যে, এই সকল সম্মিলন প্রকৃতই সাহিত্যের উন্নতির পরিচায়ক কি না । কিন্তু আমার

সন্দেহ এই যে, বোধ হয় সম্মিলনের সাহিত্যরথী সভাপতিগণ ইচ্ছা করিয়াই বাঙ্গালা সাহিত্যের লাভ লোকমানের আলোচনা করিতে বিরত হইয়া থাকেন। লাভের অপেক্ষা কতির ভাগ অধিক আশঙ্কা করিয়াই কি তাঁহারা এই অপ্রীতিকর প্রসঙ্গের আলোচনার হস্তক্ষেপ করেন না ?

কিন্তু অপ্রীতিকর হইলেও ইহার আলোচনা করিতে হইবে। যদি প্রকৃতই দোষ থাকে তাহা ঢাকিয়া রাখিবার চেষ্টা করিলে সংশোধনের সম্ভাবনা অল্প। একজন তীক্ষ্ণদর্শী, সুবিজ্ঞ সাহিত্য-সমালোচক বলিয়াছেন, সাহিত্যে যাহা দেখিব, বিনা বিচারে তাগই ভাল বলিয়া করতালি দিলে সাহিত্যের গৌরব বৃদ্ধি ত হইবেই না, বরং তাহার অবনতি হইবে।

“তোমরা সবাই ভাল,

কেউ দিব্যি গৌর বরণ, কেউ দিব্যি কাল—”

এ কথা অন্ত যেখানেই সুসঙ্গত হউক, সাহিত্যে শোভনীয় নহে।

কিন্তু আমার শক্তি ক্ষুদ্র। সাহিত্যরথিগণ যে গুরুতর বিষয়ে হস্তক্ষেপ করিতে কুণ্ঠিত হইয়াছেন, সে বিষয়ে কোন কথা বলিতে যাওয়া আমার পক্ষে ধৃষ্টতা বলিয়া পরিগণিত হইতে পারে। কিন্তু তাহা হইলেও আমি যে বাঙ্গালা সাহিত্যকে প্রাণাঙ্গীকা ভালবাসি, তাহার অনিষ্টকর কোন কার্য অস্বীকৃত হইতে দেখিলে বা তাহার উন্নতির পরিপন্থী কোন চেষ্টা বা প্রভাবের প্রাবল্য দেখিলে, যথাঙ্গান যথামতি তাহার প্রতিবাদ না করিয়া নীরব থাকিতে পারি না। সে বিষয়ে নিজের ভ্রম বুদ্ধিতে পারিলে, আমার আশঙ্কা অমূলক প্রতিপন্ন হইলে, আমার অপেক্ষা কেহই অধিকতর আনন্দিত হইবেন না।

হুই দিক হইতে আমি আজ বাঙ্গালা সাহিত্যের আলোচনা করিবার চেষ্টা করিব। প্রথম, আবার দিক; দ্বিতীয় ভাবের দিক। আমার মনে হয়, বাঙ্গালা

সাহিত্যে এমন একটি প্রভাবের সূত্রপাত হইয়াছে যাহা উন্নতির অতিকূল প্রভাব।

সাহিত্যের ভাষা।

অচিরে বিনষ্ট না হইলে, তদ্বারা এই উভয় দিকেই

সাহিত্যের বিশেষ ক্ষতি হইবে। বাঙ্গালা সাহিত্যের

ভাষা কিরূপ হইবে, এই হইয়া মানা জল্পনা করনা চলিতেছে। কলিকাতার এক দল লেখক স্থির করিয়াছেন যে, বর্তমান বাঙ্গালা সাহিত্যের ভাষা বাঙ্গালী জনসাধারণের বোধগম্য নহে; অতএব তাহাকে এমন ভাবে গড়িতে হইবে

যাহাতে তাহা আপামর সাধারণের পক্ষে সুগম হয় । ইহা কিরূপে সম্ভব তাহা আমার ক্ষুদ্র বুদ্ধিতে বুঝিতে পারি না । যে দেশে শতকরা নব্বই জনেরও অধিক লোক নিরক্ষর বলিলে অত্যাঙ্কি হয় না ; যে দেশে প্রধানতঃ হিন্দু মুসলমান জাতি-ভেদে দুইটি সম্পূর্ণ বিভিন্নপ্রকৃতির মৌখিক ভাষাপ্রচলিত ; আবার প্রদেশভেদে এই দুই শ্রেণীর ভাষার প্রত্যেকের মধ্যে নানা প্রাদেশিক বিভিন্নতা পরিদৃষ্ট হইয়া থাকে, সেই দেশে শিক্ষিত অশিক্ষিত সর্বসাধারণের সুগম বাঙ্গালা সাহিত্যের ভাষা কিরূপ হইবে, তাহা ভাবিয়া পাই না । এত দিন বাঙ্গালা সাহিত্যের ভাষাকে এক আদর্শের অনুযায়ী করিয়া গঠন করা হইতেছিল । শিক্ষার বিস্তারের সঙ্গে সঙ্গে সেই আদর্শ বাঙ্গালা দেশের সর্বত্র নির্বিবাদে গৃহীত হইয়া আসিতেছিল । তাহার ফলে ঈশ্বরচন্দ্র বিদ্যাসাগর বা অক্ষয়কুমার দত্তের ভাষা হৃদয় চট্টগামের অধিবাসীদিগের যেরূপ বোধগম্য হইয়াছিল, সেইরূপ নবীনচন্দ্র সেনের ভাষাও কলিকাতার আদৃত হইয়াছিল ; এখন সাহিত্যের ভাষাকে সেই আদর্শ হইতে বিচ্যুত করিয়া প্রাদেশিকতাভূষ্ট করা হইতেছে । আমার মনে হয় ইহা হইতে উদ্দেশ্যের বিপরীত ফলই ফলিবে । সাহিত্যের সার্বজনিকতা বিনষ্ট হইয়া এক বিরাট সাহিত্যের স্থলে এতগুলি প্রাদেশিক সাহিত্যের সৃষ্টি হইবে যে এক প্রদেশের সাহিত্য অল্প প্রদেশের অধিবাসীদিগের পক্ষে আদৌ সুগম হইবে না ।

যাহা কোন দেশে কখনও হয় নাই, তাহা আমাদের দেশে হইবে, এরূপ মনে করা কতদূর সঙ্গত তাহা সুধীগণ বিচার করিবেন । কোন দেশে কোন কালে সাহিত্যের ভাষা আপামর সাধারণের সহজবোধ্য হয় নাই । Milton, Locke, Burke, Carlyle প্রভৃতির ভাষা ইংলণ্ডের এই অপূর্ব শিক্ষা বিস্তারের দিনেও কি কর্ণওয়ালের শ্রমজীবীদিগের অনায়াসবোধ্য ? কতকটা শিক্ষা হইলে সাহিত্য আরম্ভ করা যায় না । কেবল আমাদের দৈনন্দিন জীবন ধারণের উপযোগী শিক্ষা দিবার জন্য সাহিত্যের সৃষ্টি নহে । তাহা হইলে, Milton, Shakespeare, Tennyson, কালিদাস, ভবভূতি, বাণভট্ট, বঙ্কিমচন্দ্র, হেমচন্দ্র, রবীন্দ্রনাথের কোনই প্রয়োগন ছিল না । সাধারণ ক্রমককে আলু পটোলের চাষ শিক্ষা দিবার জন্য যদি গৃহ লিখিতে হয়, তাহাতে প্রাদেশিক মৌখিক ভাষার ব্যবহার দুর্গম নহে । কিন্তু সাহিত্যের উদ্দেশ্য আরও উচ্চ । সুলভাবে বলিতে গেলে

হৃদয়ে উচ্চভাব উৎসুক করা, সৌন্দর্য্য-বুদ্ধির বিকাশ করা, রসের সৃষ্টি করা প্রভৃতি সাহিত্যের উদ্দেশ্য। এই উদ্দেশ্য সাধনের জন্তু বিবিধ Style বা রচনা পদ্ধতি অবলম্বিত হইয়া থাকে; যাহা সাধারণ তাহা কোথাও অসাধারণ ভাবে বর্ণিত হয়; যাহা এক কথায় বলা যায় তাহা প্রকাশ করিবার জন্তু বিবিধ শব্দবিন্যাস করা হয়; যাহা স্পষ্ট তাহা হয় ত অস্পষ্ট করিয়া বলিবার প্রয়োজন হয়। এই art বা লিপিকৌশল বহুকালব্যাপিনী একনিষ্ঠ শিক্ষা ও সাধনার ফল। শক্তি-শালী লেখকদিগের প্রত্যেকেরই Style বা রচনা পদ্ধতি স্বতন্ত্র। তাহা সুশিক্ষিত ব্যক্তির সাহিত্য সহজে আয়ত্ত করিতে পারেন না, ইতর লোকের ত কথাই নাই। আবার ভাষার অন্তরালে যে ভাব রহিয়াছে তাহা বুঝিতে হইলেও শিক্ষার প্রয়োজন। সাধারণ লোকের শিক্ষাদৈন্ত্য হেতু যে বিশেষ ভাবদৈন্ত্যও আছে, এ কথা কি কেহ অস্বীকার করিবেন? তার পর ভাষার কথা। ভাষা ভাবেরই বাহ্য আকৃতি। মানবের আকৃতির যেমন একটি standard বা সাধারণ আদর্শ আছে, যাহার ন্যূন হইলে আকৃতি নিম্ননীর বা উপহসনীয় হয়, সাহিত্যের ভাষারও সেইরূপ একটি আদর্শ আছে, যাহা হইতে হীন হইলে ভাষা নিম্ননীয় ও উপহসনীয় হইয়া থাকে। স্বাভাবিক নিয়মে বাঙ্গালা ভাষার সেই আদর্শ ধীরে ধীরে গঠিত হইয়া উঠিয়াছে। স্বাভাবিক নিয়মে সেই আদর্শে অল্পবিস্তর পরিবর্তনও ঘটিয়াছে; কিন্তু তাহা প্রকৃতির নিয়মে এমন নিঃশব্দে অনাড়ম্বরে হইয়াছে যে তাহা গ্রহণ করিতে কেহ আপত্তি করেন নাই।

মোট কথা, উপযুক্ত শিক্ষা ভিন্ন কেহ উচ্চাঙ্গের সাহিত্যের রস গ্রহণ করিতে পারে না। সুতরাং মৌখিক ভাষা ব্যবহার করিলেই যে সে উদ্দেশ্য সিদ্ধ হইবে, একরূপ মনে করা যায় না।

স্বামি দৃষ্টান্তের দ্বারা আমার বক্তব্য বিশদ করিবার চেষ্টা করিব—

“লাঠি কব্বার স্বাভাবিক অধিকার আছে বলেই লোভ করা স্বাভাবিক। কোনো কারণেই কিছু থেকে বঞ্চিত হব প্রকৃতির মধ্যে এমন বাণী নেই। মনের দিক থেকে যেটা চাচ্ছে, বাইরের দিক থেকে সেটা পেতেই হবে, প্রকৃতিতে ভিতরে বাইরে এই রকটাই সত্য। এই সত্যকে যে শিক্ষা মানতে দেয় না ডাকেই আমরা বলি নীতি, এই কোনোই নীতিকে আজ পর্যন্ত কিছুতেই মানুষ মেনে উঠতে পারছে না।

যারা কাড়তে জানে না, ধরতে পারে না, একটুতেই যাদের মুঠো আলগা হয়ে যায়, পৃথিবীতে সেই আধ-মরা একদল লোক আছে নীতি সেই বেচারাদের সাহসনা দিক্ । কিন্তু যারা সমস্ত মন দিয়ে চাইতে পারে, সমস্ত প্রাণ দিয়ে ভোগ করতে জানে, যাদের দ্বিধা নেই সঙ্কোচ নেই, তারাই প্রকৃতির বরপুত্র । তাদের জন্যই প্রকৃতি যা-কিছু সুন্দর যা-কিছু দামী সাজিয়ে রেখেছে । তারাই নদী সাঁৎরে আসবে, পাঁচিল ডিঙিয়ে পড়বে, দরজা লাথিয়ে ভাঙবে, পাবার যোগ্য জিনিস ছিনিয়ে কেড়ে নিয়ে চলে যাবে । এতেই যথার্থ আনন্দ, এতেই দামী জিনিসের দাম । প্রকৃতি আত্মসমর্পণ করবে,—কিন্তু সে দস্যুর কাছে । কেননা চাওয়ার জোর, নেওয়ার জোর, পাওয়ার জোর সে ভোগ করতে ভালবাসে—তাই আধ-মরা তপস্বীর হাড়-বের-করা গলায় সে আপনার বসন্ত-ফুলের স্বয়ম্বরের মালা পরাতে চায় না । নহবৎখানায় রসনচৌকি বাজচে—লগ্ন বয়ে যায় যে, মন উদাস হয়ে গেল । বর কে ? আমিই বর—যে মশাল জালিয়ে এসে পড়তে পারে, বরের আসন তারই । প্রকৃতির বর আসে অনাহুত ।”

উপরি উক্ত অংশে লেখক তাঁহার যথাসাধ্য সহজ ভাষা প্রয়োগের চেষ্টা করিয়াছেন । কিন্তু ভিজ্ঞাসা করি, ঐ ভাষার অন্তর্নিহিত ভাব ভাষা মজুরেরা বুঝিতে পারে কি ? তাহা যদি না পারিল, তবে সাহিত্যকে একরূপে প্রাদেশিকতা-ছষ্ট করা কেন ? ঐ ভাষা ও ভাব লেখকের ভাষা ও ভাবদৈন্তের সূচক । অশিক্ষিত ব্যক্তিদিগকে বুঝাইবার চেষ্টা একটি ভাগ মাত্র ।

ভাষা এত সহজ হইলেও ভাব সাধারণের বোধগম্য হইল না । কিন্তু বাঙ্গালী দেশের জনসাধারণ আদরের সহিত কালীপ্রসন্ন সিংহের সাধুভাষার অনূদিত মহাভারত পাঠ করিয়া থাকে । এখানে ভাষা সহজ নহে, কিন্তু ভাবের সহিত পাঠক বা শ্রোতার পূর্ব পরিচয় আছে । তাই ভাষার কঠিন আবরণে ভাব সম্পূর্ণরূপে আত্মগোপন করিতে পারে নাই ।

নব্যসম্প্রদায় এই কথার উত্তরে বলেন—

“মৌখিক ভাষার অনুসরণ করিলে সাহিত্যে প্রাদেশিকতা এসে পড়বে—এ ভয় অনেকেরই পাল ; এবং সাহিত্যকে এ দোষ হতে মুক্ত রাখবার অভিপ্রায়ে তাঁরা প্রস্তাব করেন যে, সমস্ত বঙ্গদেশের জন্য এমন একটি ভাষা রচনা করতে হবে, যা বাঙ্গালার কোন প্রদেশেরই ভাষা নয় । সাধুভাষার স্বপক্ষে এই হচ্ছে

সর্বপ্রধান যুক্তি। সাহিত্যের রাজ্য অধিকার করবার জন্য নানা প্রাদেশিক ভাষার ভিত্তর প্রথমে লড়াই চলে। সে লড়াইয়ে যে প্রাদেশিক ভাষার রসনা বল সব চেয়ে বেশি, সেই ভাষা জয়লাভ করে—বাদবাকি সব উপভাষা হয়ে পড়ে। পৃথিবীর সকল দেশেই সাহিত্যের ভাষা তার কোন একটি বিশেষ প্রদেশের মৌখিক ভাষার উপর প্রতিষ্ঠিত। এবং সেই মৌখিক ভাষার সঙ্গে যোগ রক্ষা করেই সাহিত্যের ভাষা পুষ্টি এবং শ্রীবৃদ্ধি লাভ করে। যুগে যুগে মৌখিক ভাষার অল্প বিস্তর পরিবর্তন ঘটে, এবং সঙ্গে সঙ্গে লিখিত ভাষারও রূপান্তর ঘটে। বঙ্গদেশে সাহিত্যের ভাষা দক্ষিণ বঙ্গের মৌখিক ভাষা ব্যতীত আর কিছুই নয়। সুতরাং কালক্রমে দক্ষিণ বঙ্গের মুখের কথা যে বদল হয়েছে, আমাদের নব সাহিত্যের ভাষাকেও সেই বদল অস্বাভাবিক পরিমাণে অঙ্গীকার করতে হবে—নইলে আমাদের সাহিত্য রসরক্তহীন হয়ে পড়বে।”

বেশ কথা। তাহা হইলে নব্যপন্থীরাও স্বীকার করিতেছেন যে, সাহিত্যের ভাষা প্রত্যেক প্রদেশের মৌখিক ভাষার অনুসরণ করে না, সেই সমস্ত উপভাষার মধ্যে যাহার রসনাবল বেশী, অর্থাৎ যাহা সর্বাপেক্ষা পরিপুষ্ট ও ভাবপ্রকাশে সমর্থ, সেই ভাষার উপরই সাহিত্যের ভাষা প্রতিষ্ঠিত হয়। দক্ষিণবঙ্গের বা কলিকাতার ভাষার এ পরিপুষ্টি কোথা হইতে আসিল? একটু অনুধাবন করিলেই বুঝা যাইবে যে কলিকাতাবাসীরা বঙ্গদেশের অন্যান্য প্রদেশের অধিবাসীদের অপেক্ষা অধিকতর শিক্ষিত ও সভ্য বলিয়া তাঁহাদের ভাষাও সংস্কৃতশব্দবহুল ও বহু পরিমাণে গ্রাম্যশব্দবর্জিত। ভাবপ্রকাশে অধিকতর সমর্থ বলিয়া সাহিত্যের ভাষা স্বভাবতঃ সেই ভাষাকেই আশ্রয় করিয়াছে এবং স্বাভাবিক নিয়মে নিজের পরিপুষ্টির জন্য নানা স্থান হইতে, বিশেষতঃ সংস্কৃতের অক্ষয় রত্নভাণ্ডার হইতে শব্দ সংগ্রহ করিয়া পরিপুষ্ট হইয়াছে। ইহাই বাঙ্গালা সাধুভাষা নামে পরিচিত। তার পর কথা হইতেছে যে, মৌখিক ভাষার পরিবর্তনের সহিত সাহিত্যের ভাষার পরিবর্তনের কতদূর সম্বন্ধ। আমরা সকল দেশেই দেখিতে পাই, সাহিত্যে উন্নতির স্রোতাবেগের সহিত মৌখিক ভাষা প্রতিযোগিতা করিতে পারে না। গত পঁচিশ ত্রিশ বৎসর পূর্বে কলিকাতার মৌখিক ভাষা যেমন ছিল, আজও তেমনি আছে; কিন্তু এই কালের মধ্যে বাঙ্গালা সাহিত্যের ভাষার অনেক পরি-

বর্ধন হইয়াছে । সাহিত্যের সহিত জনসাধারণের পরিচয়বৃদ্ধির সঙ্গে সঙ্গে মৌখিক ভাষারও উন্নতি হইবে ; কিন্তু সাহিত্যের ভাষাকে ছোট হইয়া মৌখিক ভাষার সঙ্গে মিশিতে হইবে এবং তাহা না করিলে সাহিত্য “রসরক্তহীন” হইয়া পড়িবে, এ কথা আমরা স্বীকার করিতে পারি না ।

যাহা হউক, প্রাদেশিকতার পক্ষপাতী লেখকগণ আমাদের দেশের জনসাধারণকে সাধু ভাষায় যতটা অনভিজ্ঞ মনে করেন, প্রকৃত প্রস্তাবে তাহারা ততদূর অনভিজ্ঞ নহে । ১৩২০ সালের মাঘ মাসের সাহিত্য-সংহিতার প্রকাশিত “বাঙ্গালা সাহিত্যের ভাষা” শীর্ষক প্রবন্ধের লেখক যথার্থই বলিয়াছেন—“জীবনের উষাকাল হইতেই যে দেশের আপামর সাধারণের কর্ণে সংস্কৃত ভাষা ও ছন্দ ধ্বনিত হইতে থাকে, যে দেশের পূজা ও উৎসবের ভাষা সংস্কৃত, যে দেশের গৃহে গৃহে ব্যাস বাল্মীকির সমাদর, যে দেশের আবালবৃদ্ধবনিতা যাত্রা ও কথকতায় সংস্কৃতশব্দবহুল ভাষায় পুরাণের আখ্যায়িকা শ্রবণ করিয়া অতুল আনন্দ উপভোগ করে, যে দেশে ভিখারীরা পর্যন্ত অন্নদেব, বিজ্ঞাপতির সাধু ভাষায় রচিত পদাবলী গান করিয়া লোকের মনোরঞ্জন করিতে সমর্থ হয়, যে দেশে গ্রাম্য পাঠশালার পর্যন্ত চাপক্য শ্লোক পঠিত হইয়া থাকে, সে দেশের লোক হঠাৎ কিরূপে এমন মূর্থ হইয়া পড়িল যে আর তাহারা সাধু ভাষা বুঝিতে পারে না ?”

আর এক কথা, প্রাদেশিক ভাষার দৈন্ত সর্ববাদিসম্মত—সকল প্রকার ভাব প্রকাশে ইহার শক্তি নাই । এই জন্তই আমরা দেখিতে পাই, সাধারণের বোধগম্য ভাষায় গ্রন্থ লিখিব বলিয়া যাহারা লেখনী ধারণ করেন, তাঁহাদিগকেও বাধ্য হইয়া সাধু ভাষার শরণাগত হইতে হইয়াছে । কেবল “হচ্চে” “যাচ্চে” “হলুম” “গেলুম” এইরূপ কয়টি ক্রিয়া পদের প্রয়োগ করিয়াই তাঁহারা প্রতিজ্ঞা রক্ষা করিয়াছেন । দৃষ্টান্ত স্বরূপ তাঁহাদের নেতৃস্থানীয় কোন লেখকের একটি রচনার কিয়দংশ মিলে উদ্ধৃত করিলাম :—

“অগতে সং চিৎ ও আনন্দের প্রকাশকে আমরা জ্ঞানের ল্যাভরেটরিতে বিশ্লেষ্ট করিয়া দেখিতে পারি, কিন্তু তাহারা বিচ্ছিন্ন হইয়া নাই । কাষ্ট বধু গাছ নয়, তার রস টর্নিকার ও প্রাণ ধরিবার শক্তি ও গাছ নয় ; বস্তু ও শক্তিকে একটি সমগ্রতার মধ্যে আবৃত করিয়া যে একটি অখণ্ড প্রকাশ তাহাই গাছ—তাহা একই কালে বস্তুময়, শক্তিময়, সৌন্দর্যময় । গাছ আমাদের কাছে যে আনন্দ দেয় সে এই

জন্মই। এই জন্মই গাছ বিশ্ব পৃথিবীর ঐশ্বর্য। গাছের মধ্যে ছুটির সঙ্গে কাজের, কাজের সঙ্গে খেলার কোনো বিচ্ছেদ নাই। এই জন্মেই গাছ পালার মধ্যে চিত্ত এমন বিরাম পায়—ছুটির সত্য রূপটী দেখিতে পায়। সে রূপ কাজের বিরুদ্ধ রূপ নয়। বস্তুত তাহা কাজেরই সম্পূর্ণ রূপ। এই কাজের সম্পূর্ণ রূপটীই আনন্দরূপ সৌন্দর্য্যরূপ। তাহা কাজ বটে, কিন্তু তাহা লীলা, কারণ তাহার কাজ ও বিশ্রাম এক সঙ্গেই আছে।”

ইহা হইতে কি বুঝা যায় না যে, বিষয় ভেদে ভাষার তারতম্য হইয়া থাকে, এবং সমস্ত প্রকার ভাবপ্রকাশে প্রাদেশিক বা মৌখিক ভাষা অক্ষম ?

যাহা হউক, নবীন সম্প্রদায় তাঁহাদের এই সাধুভাষাবিবেকের দ্বারা এক ভীষণ রাক্ষসের সৃষ্টি করিয়াছেন। এখন তাহাকে নিবারণ করিবেন কিরূপে ? অথচ নিবারিত না হইলে সে ভীষণ অনর্থপাত করিবে। নবীন সম্প্রদায় প্রচলিত সাধুভাষাকে বাঙ্গালা ভাষা বলিয়া স্বীকার করিতেছেন না ; দক্ষিণ বঙ্গের মৌখিক ভাষাকেই বাঙ্গালা সাহিত্যের ভাষা বলিতেছেন। কিন্তু অন্য প্রদেশের লোকেরা দক্ষিণ বঙ্গের প্রাদেশিক ভাষাকে সে প্রাধান্য দিতে চাহিতেছেন না। তাহার উপায় কি ? আসাম তু অনেক দিন আমাদের কাছে ছাড়িয়া গিয়াছে। মুসলমানেরা বলিতেছেন, এতদিন আমরা বাঙ্গালা সাহিত্যের প্রচলিত ভাষাকে স্বীকার করিয়া চলিতাম—সেই ভাষায় গ্রন্থ লিখিতাম—কোনও আপত্তি করিতাম না, কারণ, তাহাতে সকল প্রদেশের সমান অধিকার ছিল। কিন্তু এক্ষণে তোমরাই যখন সেই সর্ববাদিসম্মত ভাষাকে সিংহাসনচ্যুত করিয়া প্রাদেশিক মৌখিক ভাষাকে সেই সিংহাসনে বসাইতে চাহিতেছ, তখন আমাদের মৌখিক ভাষাকে উপেক্ষা করিবে কেন ? তোমরা যতদিন “হইতেছে” লিখিতে ততদিন আপত্তি করি নাই, কিন্তু এখন যদি “হচ্ছে” বা “হছে” লেখ, তবে আমরাই বা “হবারি লাগছে” লিখিব না কেন ? ক্রমে প্রত্যেক প্রদেশের উপভাষাই এইরূপ এক একটা দাবি উপস্থিত করিবে। তখন তাহার কি উত্তর দিবে ?

আমার নিবেদন এই যে, যে সকল লেখক এইরূপ নূতন করিয়া বাঙ্গালা সাহিত্যের ভাষা গড়িবার জন্ত বন্ধপরিকর হইয়াছেন, তাঁহারা তাঁহাদের লেখনী সংযত করুন। আমি প্রবীণ, স্মরণ্য সংস্রাকুল ও বিধিনিষেধের শৃঙ্খলে

শৃঙ্খলিত, সবুজের লেশমাত্রহীন, “আধমরা”, বিষম “পাকা” হইতে পারি, কিন্তু, হে নবীন, আমি যে অনেক নবীনের উচ্ছ্বলতার ফল মর্শে মর্শে অসুভব করিয়াছি। অতীতের অভিজ্ঞতা উন্নতির সোপানপংক্তি; তোমরা তাহাকে নিশ্চিহ্ন করিয়া ভাঙ্গিয়া ফেলিতে চাহ।

তোমরা “মনঃ” না লিখিয়া “মন” লেখ, কোনও আপত্তি করি নাই—করিবও না; “মনঃ কষ্ট” না লিখিয়া “মনকষ্ট” লেখ—সহ করিব; কিন্তু “মনো-কষ্ট” লিখিলে সহ করিব না। তখনই বিধিনিষেধের কথা তুলিব। সহজ সরল ভাষার লেখ আপত্তি নাষ্ট, যদি অযথা গ্রাম্য শব্দের ব্যবহার বা বিজাতীয় রচনা পদ্ধতি অবলম্বন না কর। যদি লেখ—“মাগো, আজ মনে পড়চে তোমার সেই সিঁথের সিঁহুর, চণ্ডা সেই লাল পেড়ে সাড়ি, সেই তোমার ছুটি চোখ—শান্ত, স্নিগ্ধ, গভীর। সে যে দেখেছি আমার চিত্তাকাশে ভোর-বেলাকার অরণ্যগগনরেখার মত। আমার জীবনের দিন যে সেই সোণার পাথের নিরে যাত্রা করে বেরিয়েছিল। তার পরে? পথে কানের মেঘ কি ডাকাতের মত ছুটে এল? সেই আমার আলোর সম্বল কি এক কণাও রাখল না? কিন্তু জীবনের ব্রাহ্ম মুহূর্তে সেই যে উষা সতীর দান, ছুঁয়োগে সে ঢাকা পড়ে তবু সে কি নষ্ট হবার? আমাদের দেশে তাকেই বলে সুন্দর যার বর্ণ গৌর। কিন্তু যে আকাশ আলো দেয় সে যে নীল। আমার মায়ের বর্ণ ছিল শামলা, তাঁর দীপ্তি ছিল পুণ্যের।”—তবে এই রচনা পদ্ধতির নিন্দা করিব।

আর এক কথা, যেমন সম্মুখে অত্যাচ্ছ আদর্শ না থাকিলে, মানুষ সর্বপ্রথমে আত্মোন্নতি করিতে পারে না, সেইরূপ লেখকের সম্মুখে ভাবারও একটি অত্যাচ্ছ আদর্শ না থাকিলে ভাষা সর্বদা সুন্দর হইতে পারে না। সকল লেখকেরই ভাষা সেই আদর্শে উপনীত হইতে পারিবে, এমন আশা করা যায় না; তবে সেই আদর্শে উপস্থিত হইবার জন্য যদি সকলেই চেষ্টা করেন, তাহা হইলে ভাষার অধোগতি নিবারণিত হইয়া অবিচ্ছিন্ন উর্দ্ধগতির টান আসিয়া পড়িবে। কিন্তু আদর্শ হ্রাস হইলে অথবা এক আদর্শ ভাঙ্গিয়া খণ্ড খণ্ড হইলে, সমস্ত শক্তি কেন্দ্রীভূত না হইয়া নানা দিকে বিকিণ্ড হইয়া পড়িবে। হে নবীন, এই বিকিণ্ড শক্তি লইয়া কুমি কি স্বর্গবাসীর বিরাট স্বর্ণমন্দির নির্মাণে সমর্থ হইবে?

নবীন সম্রদায় আমাদের সাহিত্যে যে নূতন idea বা ভাব আনিতেন,
এবার আমি তৎসম্বন্ধে দুই একটি কথা বলিব
সাহিত্যে নূতন ভাব।

তাঁহারা তাঁহাদিগের স্বদেশবাসিগণকে স্বতঃ পরতঃ
এই শিক্ষা দিতেছেন যে, শাস্ত্রোক্ত বিধান সকল তাঁহাদিগের মনুষ্যত্ব বিকাশের
প্রধান অন্তরায়। শাস্ত্র তাঁহাদিগকে চিরকাল অপরিণত শিশুর স্থায় রাখিতে
ভাল বাসে ও “পলুতের করে ফোঁটা ফোঁটা পুঁথির বিধান খাইয়ে তাকে
বাঁচিয়ে রাখতে” চায়। এই জন্ত তাঁরা উপদেশ দেন—শাস্ত্রের বিধি নিষেধ
ও সেই সঙ্গে সেই বিধি-নিষেধ-শাসিত সমাজের বিধি নিষেধ চরণে দলিত
করিয়া তোমরা উচ্ছৃঙ্খল ও উন্মত্তভাবে চল। “যারা” নীতির উপবাসে শুকিয়ে
শুকিয়ে অনেক কালের পরিত্যক্ত খাটিয়ার ছারপোকায় মত একেবারে পাংলা
সাদা হ'য়ে গেছে, তাদের চী—চী—গলার ভৎসনা কাণে করিও না।” সমাজ
পুরুষদিগকেই যখন এত উৎপীড়ন করে, তখন নিশ্চয়ই স্ত্রীলোকদিগের
উপর তাহার অত্যাচারের সীমা নাই! তাই তাঁহারা বলেন—“সমস্ত সমাজ
চারিদিক থেকে আমাদের মেয়েদের মনকে ঘেন ছোট করে বাঁকিয়ে রেখে
দিরেছে। ভাগ্য ওদের জীবনটাকে নিয়ে জুয়ো খেলেছে—দান পড়ার উপরই
সমস্ত নির্ভর, নিজের কোন অধিকার ওদের আছে!” হায় সীতা সাবিত্রী
দময়ন্তী—শাস্ত্র ও সমাজের কি অযথা অত্যাচার ও উৎপীড়ন তোমরা সহ্য করিয়া
বাঁকিয়া ছোট হইয়া গিয়াছ! যে পতি তোমাকে নিঃসঙ্গ জানিয়াও বনে
দিয়াছিলেন, জনকনন্দিনি, তুমি তাঁহার প্রতি ক্রোধের লেশমাত্র না করিয়া
অনন্তমনে তাঁহারই চরণ ধ্যান করিয়াছ! যখন সভাস্থলে বিশাল জনতার
সমক্ষে নিজ পবিত্রতার প্রমাণ দিবার জন্ত আহুত হইয়াছিলে, তখন নিদারুণ
মর্ষণপীড়ার কাতর হইয়াও বলিয়াছিলে—

বধাহং রাঘবাদম্ভুং মনসাপি ন চিন্তয়ে ।

তথা মে মাধবী দেবী বিবরং দাতু মর্হতি ॥

মনসা কৰ্মণা বাচা বধা রামং সমর্চয়ে ।

তথা মে মাধবী দেবী বিবরং দাতু মর্হতি ।

হা ধিক! তুমি নিতান্ত নিবুড়ির কাব্য করিয়াছিলে! তুমি বৃদ্ধ বাস্তুকির

তোমার নিন্দা করিবেন। তাঁহারা বলিবেন—“স্ত্রী পুরুষের পরস্পরের প্রতি সমান অধিকার, সুতরাং তাদের সমান প্রেমের সম্বন্ধ।” সুতরাং স্ত্রী স্বামীকে পূজা করিবে কেন? “তীর্থের অর্ধপিণ্ড পাণ্ডা পূজার জন্ত কাড়াকাড়ি করে কেন না সে পূজনীয় নয়; পৃথিবীতে যারা কাপুরুষ তাহাই স্ত্রীর পূজা দাবী করে থাকে। তাতে পূজারি ও পূজিত দুইয়েরই অপমানের এক শেষ।” সমাজ-স্থিতির প্রধান সহায় দাম্পত্যপ্রেম ও পতিভক্তির অতুল্য আদর্শকে এইরূপে ক্ষুণ্ণ করার মার্জ্জনা আছে বলিয়া মনে হয় না। কেবলই কি পতিভক্তি? গুরুজন মাত্রেই প্রতি ভক্তিকে এইরূপে অবজ্ঞা করা হইয়াছে। যে আদর্শ সহস্র সহস্র বৎসর ব্যাপিয়া কোটি কোটি লোকের জীবন পথের প্রধান অবলম্বনস্বরূপ হইয়া আসিতেছে, স্তনস্করী হিন্দুবালিকা প্রত্যহ মাতৃস্তন্যের সহিত যে আদর্শকে গ্রহণ করিয়া পরিপুষ্ট হইয়া উঠিতেছে, সেই আদর্শকে এইরূপে নষ্ট করিবার অধিকার নবীন প্রবীণ কাহারও নাই। এই আদর্শ দূরীভূত বা ক্ষুণ্ণ হইলে সমাজ পিশিতপিণ্ডপ্রিয়তার তাণ্ডবনৃত্যে টলটলায়মান হইবে। তাহার পরিণাম চিন্তা করিয়াছ কি?

এই সকল মহান্ আদর্শকে ক্ষুণ্ণ করিবার চেষ্টা আজই যে হইতেছে তাহা নহে। জগতের ইতিহাসে কখনও কালাপাহাড়ের অভাব হয় নাই। কালাপাহাড়-দিগের চেষ্টা সম্পূর্ণ ফলবতী হয় নাই বটে; কিন্তু তত্তৎ সমাজের অঙ্গে এমন কলঙ্কের রেখাপাত করিয়া গিয়াছে যে তাহা পরবর্তী শত চেষ্টাতেও অপনীত হইতেছে না।

‘হে নবীন! বিধিনিষেধের উপর তোমার এত বিরাগ কেন? জগৎ একে-বারেই প্রবীণ হইয়া উঠে নাই—সেও একদিন নবীন ছিল, সেও একদিন কোন বিধি নিষেধ না মানিয়া উচ্ছৃঙ্খল ভাবে ছুটাছুটি করিয়াছে। সংঘমকে কাপুরুষতার নামান্তর ভাবিয়া পদদলিত করিয়াছে। কিন্তু তাহাতে সুখ পায় নাই—শান্তি পায় নাই। তখন আপনি ইচ্ছা করিয়া বিধি নিষেধের লৌহশৃঙ্খল গঠন করিয়া পায়ের পরিয়াছে। সেই দিনই তাহার উন্নতির ইতিহাসের প্রথম পৃষ্ঠা।

বলিতে পার, বিধিনিষেধের মাত্রা দিন দিন বাড়িয়া উঠিতেছে। কিন্তু তোমাদের অবস্থা উচ্ছৃঙ্খলতাবৃদ্ধিই ইহার প্রধান কারণ নহে কি? হস্তিপক হর্ষিনীত হস্তীকে প্রয়োজনাতীতিক্ত শৃঙ্খলে বদ্ধ করিয়া থাকে। হস্তী বিনীত

হইলে বন্ধনেরও প্রয়োজনাত্যাব হয় । যতই চেষ্টা কর না কেন, সংসারে প্রবীণের অভ্যস্ত্যাব কখনও ঘটবে না । এই অকালমৃত্যুর দেশেও তোমাদিগকে প্রবীণের উৎপীড়ন সহ্য করিতে হইতেছে । কালে তোমরাই যে প্রবীণের সংখ্যা বৃদ্ধি করিবে । তখন যে মুখে “চেঙ্গমুড়ী-কাণী” বলিয়াছ, সেই মুখেই “জয় বিষহরি” বলিবে ।

আমি অতিরিক্ত বিধিনিষেধের পক্ষপাতী নহি । এস নবীন প্রবীণ মিলিয়া, একই উদ্দেশ্যে প্রণোদিত হইয়া, সমাজের মঙ্গলের পক্ষে কোন্টা প্রয়োজনীয়, কোন্টাই বা অপ্রয়োজনীয়, তাহার বিচার করি । দেশ কাল পাত্র ভেদে ব্যবস্থা প্রবীণই ত করিয়াছে । কিন্তু এ কার্যে পরস্পরের সহানুভূতি চাই—অসহিষ্ণুতা একেবারে বর্জন করিতে হইবে । তোমরা “টিকি-মঙ্গল” কাব্য লিখিলে আমরা “টেরি মঙ্গল” লিখিব । তাহাতে কলহ বাড়িবে—কাজ হইবে না । আমরা প্রবীণ স্বভাবতঃ কলহপ্রিয় নহি । যতদূর সম্ভব, মিলিয়া মিশিয়া কাজ করিতে পারিলে আমরা অত্র পথ অবলম্বন করি না । শাস্ত্রে ইহার দৃষ্টান্ত ভূরি ভূরি পাওয়া যায় । শাস্ত্র এক মহান্ উচ্চ আদর্শ সম্মুখে ধরিয়াছেন, বলিয়াছেন, যদি প্রকৃত মনুষ্যপদবাচ্য হইতে চাহ, এই আদর্শের প্রতি প্রাচীন ও নূতন শিক্ষার মধ্যে প্রভেদ ।

অনুসরণ করিতে পারিবে না বা চাহিবে না ; তাই শাস্ত্র অধিকারিত্বে উন্নতির অত্র বহু পথেরও নির্দেশ করিয়াছেন, কারণ; যে উঠিতে না চায়, তাহারকৈ নিশ্চয়ই পড়িতে হইবে, উন্নতি অবনতির মধ্যবর্তী কোন পুথ নাই । ভূয়োদর্শন ও গভীর চিন্তার ফলে শাস্ত্র দেখিয়াছেন যে—

ন জাতু কামঃ কামানামুপভোগেন শাম্যতি ।

হবিষা কৃষ্ণবস্ত্রে ব ভূয় এবাভিবর্দ্ধতে ॥

তাই শাস্ত্র ভোগের মধ্যেও সংযমের শিক্ষা দিয়াছেন । এই শিক্ষা ও নূতন শিক্ষার মধ্যে প্রভেদ আমি একটি দৃষ্টান্ত দ্বারা বুঝাইবার চেষ্টা করিব ।

সন্দীপচন্দ্র ও বিমল আধুনিক শিক্ষা প্রণালীতে সুশিক্ষিত । বিমল প্রথমে প্রাচীন পদ্ধতিতেই শিক্ষিত হইয়াছিল । তাই সে প্রথম প্রথম স্বপ্নের বাড়ীতে আসিয়া স্বামী নিখিলেশের পদধূলি লইয়া শর্যাত্যাগ করিত । স্বামী বলিলেন— ছি ছি ও কাজও করে, স্বামী জ্বর মধ্যে পূজা পূজকের স্বপ্ন নাই; উভয়েরই যে

সমান অধিকার । তিনি জীকে বলিলেন—তোমাকে বাহির হইতে হইবে, কারণ “তোমাকে বাইরের দরকার থাকতে পারে । এখানে আমাকে দিয়ে তোমার চোখ কান মুখ সমস্ত মুড়ে রাখা হয়েছে,—তুমি যে কাকে চাও তাও জান না, কাকে পেয়েচ তাও জাননা ।” স্বামীর নিকট এইরূপ শিক্ষা পাইয়া বিমলের চরিত্র গঠিত হইতে লাগিল । এমন সময় স্বামীর বন্ধু সন্দীপচন্দ্রের সহিত তাঁহার সাক্ষাৎ । সন্দীপচন্দ্রের শিক্ষাও আধুনিক—তাহা এইরূপ—“আমি যা চাই তা আমি খুবই চাই । তা আমি দুই হাতে করে চটকাব, দুই পারে করে দলব । সমস্ত গায়ে তা মাখব, সমস্ত পেট ভরে তা খাব । চাইতে আমার লজ্জা নেই, পেতে আমার সঙ্কোচ নেই । যারা নীতির উপবাসে শুকিয়ে শুকিয়ে অনেক কালের পরিত্যক্ত খাটিয়ার ছারপোকায় মত একেবারে পাংলা সাদা হয়ে গেছে তাদের চীঁ চীঁ গলার ভৎসনা আমার কানে পৌছবে না ।” কি উৎকট ভোগলালসা । নিখিলেশ জীর চরিত্ররক্ষার প্রধান সহায় পতিভক্তির মূলে কুঠারাঘাত করিয়া তাহাকে নিতান্ত অবলম্বনহীন করিয়াছিলেন । সন্দীপচন্দ্রের নীতির বালাই একেবারেই ছিল না । তাই পরস্পরের সাক্ষাৎ মাত্র উভয়েই মরিল । বন্ধুর জীকে দেখিবামাত্র মাংসলোভূর্ণ মার্জারের স্তায় সন্দীপ লাফাইয়া উঠিল । সে বলিল—“আমি যে স্পষ্ট দেখছি ও’ আমাকে চায়—ওই ত আমার স্বকীয়া । গাছে ফল বোটার ঝুলে আছে—সেই বোটার দাবীকেই চিরকালের বলে মানতে হবে না কি ? ওর যত রস, যত মাধুর্য্য সে যে আমার হাতে সম্পূর্ণ ধসে পড়বার জন্মেই—সেই খানেই একেবারে—স্বপ্ননাকে হেঁড়ে দেওয়াই ওর সার্থকতা,—সেই ওর ধর্ম, ওর নীতি । আমি সেইখানেই ওকে পেড়ে আনব, ওকে ব্যর্থ হতে দেব না ।”

এই চিত্রের সহিত ব্যাধ কালকেতুর চিত্রের তুলনা করুন । অশিক্ষিত ব্যাধ হাতে মাংস বেচিয়া খায়, বনে বাস করে । পুরাণ পাঠ ও কথকতার যে শিক্ষা সমাজের বাতাসে মিশিয়া আছে, নিখাসের সহিত সেই শিক্ষাই তাহার জন্মে প্রবেশ করিয়া তাহার চরিত্র গঠন করিয়াছে । তাহার কুটীরে অনিন্দ্য-হৃদয়ী যুবতী আসিয়া অবাচিত ভাবে তাহাকে আত্মসমর্পণ করিতে চাহিল । যুধ ব্যাধ ত বলিল না—“ও আমাকে চায়—ওই ত আমার স্বকীয়া ।” সে তাহার সজ্ঞাপূর্ণ শিক্ষার প্রেরণায় বলিল—

“ত্যাগিয়া বাঁধের বাস,
চল বন্ধুজন পাশ,
থাকিতে থাকিতে দিননাথে।
যদি হয় পাপনিশা,
লোকে ঘোষিবে ছুঁড়াবা,
রজনী বঞ্চিলে কার সাথে।”

তাহাতেও যখন কোন ফল ফলিল না, তখন সে মাতৃসম্বোধন করিয়া
নিতান্ত বিরক্তভাবে বলিল—

“বুঝিতে না পারি গো তোমার ব্যবহার।
যে হোক সে হোক, মোর আগে নমস্কার ॥
ছাড় এই স্থান মাতা, ছাড় এই স্থান।
আপনি রাখিলে রহে আপনার মান ॥”

এখানে সন্দীপ ও কালকেতু—কাহাকে উচ্চ আসন দিব ?

এক প্রত্নসম্পদ লেখক লিখিয়াছেন—“আজ পর্যন্ত আমাদের সাহিত্যে
যদি কবিকঙ্কণ চণ্ডী, ধর্মমঙ্গল, অন্নদামঙ্গল, মনসার ভাসানের পুনরাবৃত্তি নিরন্তর
চলিতে থাকত তাহলে কি হত ? পনেরো আনা লোক সাহিত্য পড়া ছেড়েই
দিত।.....বহুদিন আনুলেন সাত সমুদ্র পারের রাজপুত্রকে আমাদের সাহিত্য
রাজকন্টার পালকের শিয়রে। তিনি যেমন ঠেকালেন সোণার কাঠি অমনি
সেই বিজয়বসন্ত লয়লামঙ্গলুর হাতের দাঁতে বাঁধানো পালকের উপর রাজকন্টা
নড়ে উঠলেন, চুল্লী কালের সঙ্গে তাঁর মালা বদল হ'য়ে গেল, তার পর থেকে
তাঁকে আজ আর ঠেকিয়ে রাখে কে ?”

বিদেশ হইতে সোণার কাঠি আনিয়া রাজকন্টার চেতনা সঞ্চার
করিয়া বহুদিন তাই করিয়াছেন। কিন্তু তিনি সেই সাত সমুদ্র পারের
বিদেশী রাজপুত্রের সহিত রাজকন্টার যে বিবাহ দেওয়াইয়াছেন। স্ত্রী যে তাহার
গোত্র হারাইয়া বিদেশীর সগোত্র হইয়া গেল। যত গোল যে এই খানে।
প্রাচীন শিকার যত দোষই থাকুক, সে শিকার নারীজাতিকে কেবল মাত্র
ভোগের সুস্থ বলিয়া জান হয় না—সে শিকার নারীর মাতৃস্বকেই অধিকতর
পরিষ্কৃত করিয়া তুলে। আধুনিক শিকার তাহার সম্পূর্ণ বিপরীত। বহুদিনের
রাজকন্টা চিরদিনই বিলাসপর্যায়শায়িতা ভোগসুকৃত-হৃদয়া রাজকন্টাই রহি-

লেন—মাতৃহের স্বর্ণসিংহাসনে ভুবনেধরী মূর্তিতে সন্তানকে ক্রোড়ে লইয়া
বসিয়া তাহার মুখে ছন্দস্বরীরোদের পীযুষধারা ঢালিয়া দিবার গৌরব অশুভব
করিতে পারিলেন না !

আমি আর আপনাদের ধৈর্যচ্যুতি ঘটাইব না। এই প্রীতিসম্মিলনে
বন্ধুবর্গকে লাভ করিয়া হৃদয়ের আবেগে অনেক কথা বলিয়াছি, বিদ্বেষবুদ্ধি
প্রণোদিত হইয়া নহে, কেবল মাত্র মাতৃভাষার মঙ্গল কামনায়। যদি অগ্রায়
বলিয়া থাকি আপনারা ক্ষমা করিবেন। শক্তির
উপসংহার।

দৈন্তে বিষয়গুরুত্বের মর্যাদা রক্ষা করিতে পারি
নাই। যদি উপযুক্ত সাহিত্য-সমালোচকগণ এ বিষয়ে অসত্বোচে হস্তক্ষেপ
করিতেন, তাহা হইলে আমার এ নীরস শক্তিহীন অভিভাষণের উৎপীড়ন
আপনাদিগকে সহ করিতে হইত না। আমি প্রবীণ হইলেও, অথবা প্রবীণ
বলিয়াই, নবীনকে ভালবাসি—সে যে আমাদেরই পুত্র, কন্যা, জ্ঞাতি, বন্ধু।
নবীনের উপরে কি আমার কোন বিদ্বেষ থাকিতে পারে? বিদ্বেষ নাই—
দুঃখ আছে। তাই উপসংহারে তাঁহাদেরই কথায় তাঁহাদিগকে বলি—

“গড়ে তোলাবার কাজে তোমার সমস্ত শক্তি দাও, অনাবশ্যক ভেঙে
ফেলবার উদ্বেজনায় তার সিকি পরমা বাজে খরচ করতে নেই।”

শ্রীমণীপ্রচন্দ্র নন্দী ।

বিশুদ্ধ সিদ্ধান্ত পঞ্জিকা ।

বর্তমান-অয়নাংশ-অয়নগতি ।

রাষ্ট্রবিপ্লবের সময় যেমন বলবান দুর্ব্ব ব্যক্তিগণ স্ব স্ব প্রধান হইয়া উঠেন ; সে সময়ে রাজার দুর্ব্বলতা নিবন্ধন যেমন বৈধ ও অবৈধ ক্ষমতার প্রভেদ থাকে না ; ইদানীং আমাদের বঙ্গদেশে জ্যোতির্জ্ঞানাভাবাকারে সেইরূপ ষথার্থ বিজ্ঞা ও বিজ্ঞাভিমান মিশ্রিত হইয়া গিয়াছে । যে কেহ যদৃচ্ছ জ্যোতিষোপাধি-গ্রহণপূর্ব্বক প্রগল্ভতা সহকারে যে কোন কথা বলিতে সাহস করেন । সত্য-সত্য বিচারের কোন নির্দিষ্ট উপায় না থাকিতে জনসাধারণের চক্ষে পণ্ডিত ও অভিমাত্রীর মধ্যে কোন পার্থক্য নাই, তাঁহারা অধিকারী ও অনধিকারীর কথা তুল্যমূল্য বিবেচনা করেন । সুতরাং সরল বিষয়েরও সমালোচনা, উপেক্ষণীয় কথারও প্রতিবাদ আবশ্যিক হয় ।

সম্প্রতি একজন লিখিয়াছেন (১) বিশুদ্ধ সিদ্ধান্ত পঞ্জিকার অয়নাংশ ভ্রমপূর্ণ ও বিজ্ঞানবিরুদ্ধ । সাধারণের অবগতির জন্ত আমরা এই পঞ্জিকার বর্তমান, অয়নাংশ, ও অয়ন গতি আলোচনায় প্রবৃত্ত হইলাম ।

প্রথমতঃ দেখুন, বিশুদ্ধ সিদ্ধান্ত পঞ্জিকার প্রত্যেক দিনের গ্রাহ যে অয়নাংশ তাহা সেই দিনের প্রত্যেক গ্রহের ক্ষুটে যোগ করিলে সেই সেই গ্রহের পাশ্চাত্য বিজ্ঞানসম্মত মায়ন ক্ষুটে পাওয়া যায় (২) । বিজ্ঞান চাহে সত্য; সত্যই বিজ্ঞানের লক্ষ্য । যেমন ভাবেই গ্রহক্ষুট প্রদান করা হউক না কেন, সেই গ্রহক্ষুট হইতে গগনমার্গস্থ প্রকৃতবস্তুর পাওয়া গেলেই, সে গ্রহক্ষুট বিজ্ঞানসম্মত । পাশ্চাত্য জ্যোতিষে সুবিধার জন্ত সর্বজ্যোতির্বিদের সম্মতি-ক্রমে পাত (৩) বিন্দুকে আরম্ভ বিন্দুরূপে গ্রহণ করা হইলেও অস্ত্র যে কোন

• (১) লেখকের অধিকার স্বত্বকে আলোচনা পরে হইবে।

• (২) যে কেহ এই সামান্য অক্ষপাতের পরিগ্রহ স্বীকার করিয়া সত্যাসত্য নিরূপণ করিতে পারেন ।

• (৩) "By universal agreement the origin on the equator is the first point of Aris," from which longitude is to be measured. R. S. Ball,

বিন্দুকে আরম্ভবিন্দু বলিখুর অমুমতি অক্ষপাত্রে আছে । (১) কেবল এই-টুকু আবশ্যক যে, যে বিন্দুকে আরম্ভবিন্দু বলা হইয়াছে তাহার সম্পূর্ণ সুস্পষ্ট নির্দেশ থাকে । এক্ষণ নির্দেশ বিশুদ্ধ সিদ্ধান্ত পঞ্জিকার অন্ননাংশ নংখা ৩ বিন্দুর সচলত্ব উল্লেখ সম্পূর্ণ সুস্পষ্ট করা হইয়াছে । দ্বিতীয়তঃ বিশুদ্ধ সিদ্ধান্ত পঞ্জিকাধৃত অন্ননাংশ অনেক পণ্ডিত স্বীকার করিয়াছেন । সর্বজনসমাদৃত বেনারস্ কুইনস্ কলেজের ভূতপূর্ব পণ্ডিত ৬ বাপুদেব শাস্ত্রীর গণিত অন্ননাংশ আমাদের সহিত অভিন্ন । যাত্রাবর রায় যোগেশ চন্দ্র রায় বাহা-ছর তাঁহার পুস্তকে লিখিয়াছেন “আজ ১৮১৯ শকে প্রত্যক্ষান্ননাংশ প্রায় ২২।১৪।” ইনি একজন অসাধারণ বৈজ্ঞানিক, F. R. A. S, অর্থাৎ বিলাতের জ্যোতিষ সভার সদস্য । ইনি বিজ্ঞানবিরুদ্ধ কথা কহিবেন এমন ধারণা যদি কাহারও থাকে তাহা হইলে বড় দুঃখের বিষয় । আবার দেখুন, বঙ্গ পঞ্চাঙ্গ সংশোধন সভার গ্রন্থ অন্ননাংশ ২২ ও ২৩ শের মধ্যবর্তী । ১৯০৪ খৃষ্টাব্দের ডিসেম্বর মাসে আহুত হইয়া এই মহতী সভা কয়েকটি প্রশ্ন মীমাংসা করেন । তন্মধ্যে তৃতীয় প্রশ্ন এই—“অন্ননাংশ ভিন্ন ভিন্ন মতে ১৮ হইতে ২৩ পর্য্যন্ত পাওয়া যায় । গ্রন্থারম্ভ কালে অন্ননাংশ কত স্বীকার করিতে হইবে ?” উত্তর “আমাদের গ্রন্থারম্ভ (২) কাল ১৮২৬ শকাক । ইহাতে ২২ অংশের অধিক ও ২৩ অংশের কম অন্ননাংশ স্বীকার করিতে হইবে ।” অগ্গাণ্ড প্রশ্নোত্তরের মধ্যে এই প্রশ্ন ও এই উত্তর ১৯০৫ খৃষ্টাব্দের ৩রা ফেব্রুয়ারি শুক্রবারের হিতবাদী পত্রিকায় সংকৃত ভাষায় মুদ্রিত হইয়াছিল ; যে কেহ সেই কাগজখানি পাঠ করিতে পারেন ।

তৃতীয়তঃ, বিশুদ্ধ সিদ্ধান্তের অন্ননাংশ সৌর পুস্তকের উপদিষ্ট দৃষ্টিমূলক । “প্রাকচক্রং চলিতং হীনে ছায়াকাঁৎ করণাগতে অন্তরাংশৈঃ” । ছায়াকাঁৎ করণাগতে হীনে = when the longitude of the sun as ascertained by calculation, is less than that derived from the shadow. চক্রং অন্তরাংশৈঃ প্রাক চলিতং = the zodiac has turned eastward

(১) Transformation of co-ordinates implies this.

(২) বঙ্গ সভা বাবুজীর উচিত প্রশ্ন মীমাংসা করিয়া সেই মীমাংসা অনুযায়ী করণ গ্রন্থ প্রস্তুত করিবার জন্য দুই সহস্র টাকা পুরস্কার ঘোষণা করেন ।

by the degrees of the difference. বিষয়টি দৃষ্টিমূলক, সূত্রাং বিজ্ঞান সম্মত । আকাশে যাহা প্রতীয়মান তাহাই পঞ্জিকাসম্মিষ্ট অঙ্ক ; দর্শনোৎপন্ন অয়নাংশ ১৩২৩ সালে ২২।৩৩ ; ইহাই পঞ্জিকার অয়নাংশ ।

ভাস্করাচার্য্য, যাহার বৈজ্ঞানিকত্ব ইউরোপে স্বীকৃত ও আদৃত, তিনি লিখিয়াছেন “যদা যেহংশা নিপুণৈরুপলভ্যন্তে তদা স এব ক্রান্তিপাতঃ” অর্থাৎ যখন যত অংশ সূর্য্যোতির্বিদ উপলব্ধি করিবেন, তখন তাহাই ক্রান্তিপাতের অবস্থান ; দৃষ্টি দ্বারা পাত নিরূপণ করাষ্ট বিধি । কিরূপে দৃষ্টি করিতে হয়, সে কথাও সূর্য্যোতির্বিদ বিশদ রূপে বুঝাইয়াছেন । “অথ সমায়াং ভূমাবভীষ্টকর্কটকেন বৃত্তমালিখ্য তচ্চক্রকলাঙ্কিতং ঞ্জববিলোকনাদিনা সম্যগ্দিগঙ্কিতঞ্চ কৃত্বা দিগ্মধ্যে ঋজুঃ সূক্ষ্মঃ কীলকশ্চ নিবেশ্যঃ । প্রাতঃ পশ্চিমভাগস্থো দ্রষ্টা করকলিতাবলম্বক-সূত্রেণ তেন চ কীলকেন প্রত্যহং অকৌদিতমাদিত্যং বিদ্ধ্বা ত্রিজ্যাবৃত্তস্য প্রাণি-ভাগে তত্র তত্র চিহ্নানি কুর্ষ্যাৎ । এবং বিধ্যতা যস্মিন্ দিনে সম্যক্ প্রাচ্যাং রবিক্রদিতো দৃষ্টস্তৎ বিযুবদিনম্ । তস্মিন্ দিনে গণিতেন স্ফুটো রবিঃ কার্য্যঃ । তস্মৈ রবেঃ মেঘাদেশ্চ যদন্তরং তেহয়নাংশা জ্ঞেয়াঃ ।” On level ground draw a circle, cross it with the east-and-west and north-and-south lines, set up a straight thin pin at the centre, and graduate the circumference. Look at the half-risen sun from beyond the western part of the circle in such a manner that the pin may be projected right across the disc. Mark the point on the eastern part of the circumference of your circle, where it is cut by the diameter through your eye. Proceeding like this when you find the sun rising due east you know that he has attained the equinoctial point. Calculate the longitude of the sun of that day and that longitude is অয়নাংশ । (১) এইরূপে নির্দিষ্ট অয়নাংশ ভাস্করের গ্রন্থরচনাকালে একাদশ অংশ ছিল । “যদা বিলৈকাদশ অয়নাংশস্তদা গোলসঙ্কিতঃ”^১ কিন্তু সূর্য্য-

(১) These lines are not a translation but a modernised and popularised version of the direction given by Bhaskara.

সিদ্ধান্তের গণনার তাহা তখন হইত না । কারণ, ভাস্করের গ্রহকাল ১০৭২ শক
 $১০৭২৪২১ = ৬৫১$; $৬৫১ \times ৯ = ৫৮৫৯$; $৫৮৫৯ \div ১০ = ৫৮৫.৯$ কলা অর্থাৎ ৯
 অংশ ৪৫.৯ কলা । সূর্য্যসিদ্ধান্ত অনুসারে ১০৭২ শকে ভাস্করের গ্রহকালে
 অয়নাংশ ৯৪৬ হওয়া উচিত ; কিন্তু চাক্ষুষ অয়নাংশ তখন ১১ অংশ বলিয়া
 জ্যোতির্বিদ, 'সর্ব্বঃ প্রত্যক্ষিবান' ভাস্করাচার্য্য তাহাই লইয়াছিলেন । বিগুহ
 সিদ্ধান্ত পঞ্জিকাও ভাস্করের পন্থা অনুসরণ করিয়াছেন ।

চতুর্থতঃ, সৌরসিদ্ধান্তিক বর্ষমান লইয়া পঞ্জিকাকে বিজ্ঞানসম্মত রাখিতে
 হইলে বর্তমান বর্ষে দৃকসিদ্ধ ২২।৩৩ অয়নাংশ লইতে হয় । কেবলমাত্র বিজ্ঞান
 হিসাবে অথবা বর্ষমান গ্রহণ দোষাবহ নহে । যে কোন বর্ষমান অঙ্গীকার করিয়া
 সেই নির্দিষ্ট কালান্তে সূর্য্য কোথায় উপস্থিত হইলেন দেখিয়া বা দৃষ্টিমূলক গণনা
 দ্বারা নির্ধারণ করিয়া আদি বিন্দু নির্দেশ করিলে বৈজ্ঞানিক আপত্তি থাকে না ।
 একথা যেন কেহ মনে না করেন যে চাক্ষুষ বর্ষমান লইতে বিগুহ সিদ্ধান্ত
 পঞ্জিকা অনিচ্ছুক ; আমরা বলিয়া রাখিতেছি যে, স্বযোগ উপস্থিত হইলেই
 বর্ষমান পরিবর্তন করা হইবে । আপাততঃ পঞ্জিকাখানি সম্পূর্ণ বিজ্ঞানসম্মত
 ও বহু সভার মীমাংসাসম্মত করিয়া রাখা হইয়াছে । এ সকল কথা পঞ্জিকার
 ভূমিকার আছে । সম্পূর্ণ তত্ত্ব আমরা শীঘ্রই প্রকাশ করিব । সে বাহা হউক,
 সৌরপুস্তকের বর্ষমান লইয়া অয়নাংশ পরিবর্তন করিলে ও সৌরপুস্তকোৎপন্ন
 সচল আদিবিন্দু নিরূপণ করিয়া দিলে পঞ্জিকা পাশ্চাত্যমতে দৃকতুল্য হয় । বহু
 সভায় সমবেত জ্যোতির্বিদমণ্ডলীও এই হিসাবেই সৌরপুস্তকের বর্ষমান বজার
 রাখিয়া ২২ অংশ হইতে ২৩ অংশের মধ্যে অয়নাংশ লইতে আদেশ করিয়া-
 ছিলেন । সাধারণের জ্ঞাপনার্থ বহু সভার নির্দেশ পুনঃ প্রদর্শিত হইল ।

প্রথম প্রশ্ন । পঞ্জিকা গণনা করিতে সূর্য্যের বৎসরের পরিমাণ কত দিন,
 কত দণ্ড, কত পল ইত্যাদি স্বীকার করিতে হইবে ? এবং সূর্য্য ভিন্ন অন্য গ্রহের
 গতির মান (যেমন একদিনের গতি) কিরূপ স্বীকার করিতে হইবে ?

উত্তর । সূর্য্যসিদ্ধান্তোক্ত বর্ষমান স্বীকার করিতে হইবে । সূর্য্যাত্তিরিক
 গ্রহগতিতে, 'বেদোপলঙ্ক বীজ (বজ্রাদির দ্বারা) গ্রহ গতির পরীক্ষা করিয়া যে
 অন্তর-পাওরা দ্বারা ত্যুহা) সংশোধন করিয়া লইতে হইবে ।

দ্বিতীয় প্রশ্ন । বৎসরে অয়নগতির মান, কি স্বীকার করিতে হইবে ?

উত্তর। সূর্য্যসিদ্ধান্তোক্ত সূর্য্যের বর্ষপরিমাণ, যাহা স্বীকার করা হইয়াছে, তদনুসারে বর্ষে অয়নগতি কিঞ্চিৎ অধিক ৫৮ বিকল হইবে। তাহাতেও যদি বেধস্থলে বৈশুণ্য উপলব্ধি হয়, তাহা হইলে, বেধোপলব্ধ বীজ সংস্কার করিয়া গ্রহণ করিতে হইবে।

তৃতীয় প্রশ্ন। অয়নাংশ, ভিন্ন ভিন্ন মতে, আঠারো হইতে তেইশ অংশ পর্য্যন্ত পাওয়া যায়। গ্রহসংক্রান্ত কালে অয়নাংশ কত স্বীকার করিতে হইবে ?

উত্তর। আমাদের গ্রহসংক্রান্ত কাল শকাব্দা ১৮২৬, ইহাতে বাইশ অংশের অধিক ও তেইশ অংশের কম অয়নাংশ স্বীকার করিতে হইবে।

উপর্যুক্ত কথাই সামান্য পুনরালোচনায় প্রবৃত্ত হইলাম। আমরা বলিয়াছি যে—

(১) বিজ্ঞান সিদ্ধান্তোক্ত গ্রহক্ষুটে, বিজ্ঞান সিদ্ধান্তনির্দিষ্ট অয়নাংশ যোগ করিলে পাশ্চাত্য সাধন ক্ষুট পাওয়া যায়। সুতরাং পঞ্জিকা অবৈজ্ঞানিক নহে।

(২) বিজ্ঞান সিদ্ধান্তধৃত অয়নাংশ কাশীর ৮ বাপুদেব শাস্ত্রীর নিরূপণ হইতে অভিন্ন।

(৩) রায় বাহাদুর F. R. A. S. যোগেশ বাবু এই অয়নাংশের অনুমোদন করেন।

(৪) দ্বারকা মঠস্থ শ্রীশঙ্করাচার্য্যচালিত বহু পঞ্চাঙ্গ সভার সমবেত দেড়শত পণ্ডিতের অনুমোদিত অয়নাংশই বিজ্ঞান সিদ্ধান্ত পঞ্জিকায় গৃহীত।

(৫) শঙ্করাচার্য্যের সন্দর্শন প্রক্রিয়া সমুদ্ভূত অয়নাংশ আমাদের অয়নাংশ হইতে অভিন্ন।

(৬) আমাদের গৃহীত অয়নাংশ সূর্য্য সিদ্ধান্তের দর্শনমূলক আদেশানুযায়ী।

বর্ষমানের আন্তিতে যে জ্যোতিষিক বিজ্ঞান বিধ্বস্ত হয় না সে বিষয়ে যদি কাহারও সন্দেহ থাকে, তাহা হইলে ইউরোপীয় বর্ষমানআন্তির সংশোধন সম্বন্ধে অগভিখ্যাত জ্যোতির্বিদ নিউকোম সাহেব কি বলেন তাহা পাঠ করা আবশ্যিক। ইহার মতে এই আন্তির সংশোধনের আবশ্যক ছিল না।

“If there were any object in having the calendar and the astronomical years in exact coincidence, the Gregorian year would be accurate enough for all practical purposes during

many centuries. In fact, however, it is difficult to show what practical object is to be attained by seeking for any such coincidence. It is important that summer and winter seed-time and harvest, shall occur at the same time of the year through several successive generations ; but it is not of the slightest importance that they should occur at the same time now that they did 5000 years ago, nor would it cause any difficulty to our descendants of 5000 years hence if the equinox should occur in the middle of February, as would be the case should the Julian calendar have been continued.

“The change of calendar met with much popular opposition, and it may hereafter be conceded that in this instance the common sense of the people was more nearly right than the wisdom of the learned.”

আমাদের দেশে কিংবদন্তী আছে যে সূর্যগ্রহে বীজ সংস্কার করিলে বংশলোপ হয় । জ্যোতিষিক তত্ত্ব অনুসারে এই কিংবদন্তী ও নিউকোম সাহেবের কথার ঐক্য দেখিতে পাওয়া যায় । সূর্য্যে বীজ সংস্কার না করা আর অশুদ্ধ বর্ষমান বজায় রাখা একই কথা । নিউকোম সাহেব যাহা বলিতেছেন সেই বৈজ্ঞানিক সত্য ভারতে বহুপূর্বে আবিষ্কৃত হইয়া দীর্ঘপ্রচলনফলে কিংবদন্তীর আকার ধারণ করিয়াছে ।

তবে আমরা একথা আদৌ বলি না যে, বর্ষমান পরিবর্তনের আবশ্যিক নাই । অশুদ্ধতার প্রবন্ধে আমাদের এই মাত্র বক্তব্য যে সৌরপুস্তকের বর্ষমান গ্রহণ বিজ্ঞানবিরুদ্ধ নহে । অবশ্য অশুদ্ধ বর্ষমানকে শুদ্ধজ্ঞান করিলে দোষ হয় ; কিন্তু অশুদ্ধ জানিয়া অশুদ্ধজ্ঞানিত আবশ্যিক পরিবর্তন করিয়া লইলে কোন বৈজ্ঞানিক দোষ বর্তায় না । এইরূপ কথাই বিগ্গত সিদ্ধান্ত পঞ্জিকার ভূমিকায় আছে । কিন্তু ভূমিকার ভাষার অস্পষ্টতা নিবন্ধন একটি ভ্রম জন্মাইতে পারে । যাহারা বহু সভার প্রশ্ন ও সমাধান পাঠ না করিয়া কেবল বিগ্গত সিদ্ধান্ত পঞ্জিকার ভূমিকা পাঠ করিবেন তাঁহারা মনে করিতে পারেন যে, সেই মহতী সভা বর্ষমানাংশ সম্বন্ধে

কোন সিদ্ধান্তে উপনীত হইয়াছেন নাই। ভূমিকার লেখা আছে “বর্ষমান ও আদিবিন্দু এই বিষয় দুইটি বহু পঞ্চাঙ্গ সংশোধন সভার ভবিষ্যতে বিচার্য বলিয়া রাখা হইয়াছিল”। ইহার তাৎপর্য এই যে বহু সভা যে সাতটি প্রশ্ন মীমাংসা করেন তন্মধ্যে এই দুইটি ভবিষ্যতে পুনর্বিচার্য, এই দুইটি পরিবর্তিত হইতে পারে, অন্তঃগুলির কখন পরিবর্তন আবশ্যিক হইবে না। ভাষার দোষে ঠিক একথা বুঝা যায় না; তবে, বিস্তৃত সিদ্ধান্ত পঞ্জিকার অস্পষ্ট ভাষা বহু সভার উদ্দেশ্য পরিবর্তন করিতে পারে না। বস্তুতঃ বিস্তৃত সিদ্ধান্তের বর্ষমান, অয়নাংশ ও অয়নগতি বহু সভার আদেশ অনুযায়ী ও সম্পূর্ণ বিজ্ঞানসম্মত।

শ্রীআশুতোষ মিত্র, এম্ এ।

ডাক্তার জগদীশচন্দ্র বসুর আবিষ্কার

বৈজ্ঞানিকের জগদীশচন্দ্রের আবিষ্কারের কথা এখন কেবল ভারতবর্ষেই আলোচিত হইতেছে না; পৃথিবীর সর্বত্র স্থধীগণের মুখে ইহার কথা শুনা যায়। আজ কাল বিদেশীয় নানা বৈজ্ঞানিক পত্রিকাতেও তাহার আলোচনা হইতেছে। এজন্য জগদীশচন্দ্রের আবিষ্কারগুলি এখন কেবলমাত্র ভারতবর্ষের সম্পত্তি নয়, ইহা সমগ্র পৃথিবীবাসীর সম্পদ। আমাদের এতি প্রাচীন পূর্ব-পুরুষগণ জ্যোতিষ ও দর্শনাদি প্রসঙ্গে যে সকল সত্য আবিষ্কার করিয়াছিলেন, তাহা যেমন সমগ্র সভ্যজাতির জ্ঞানভাণ্ডারকে পূর্ণ করিয়াছে, সেই প্রকারে জগদীশচন্দ্রের আবিষ্কারগুলি বিশ্বমানবের জ্ঞানবৃদ্ধির সহায়তা করিতেছে। ইহা আধুনিক ভারতবাসীর অল্প গৌরবের কথা নয়।

জগদীশচন্দ্র প্রায় অষ্টাদশ বৎসর হইতে নানা আবিষ্কার দ্বারা দেশে এবং বিদেশে পরিচিত হইয়া আসিতেছেন। প্রায় বিংশতি বৎসর পূর্বে কলিকাতার প্রেসিডেন্সি কলেজে তিনি প্রথম গবেষণা আরম্ভ করেন। পাঠক বোধ হয়

অবগত আছেন,—আধুনিক বিজ্ঞানে বিখ্যাত ব্যক্তিমাড্রেই বিখ্যাতী ঈথর নামক একটি পদার্থকে তাপ আলোক এবং বিজ্ঞানের উৎপাদক বলিয়া স্বীকার করেন । স্থির ক্ষেত্রে লোষ্ট্র নিক্ষেপ করিলে তাহাতে যেমন তরঙ্গ উৎপন্ন হয়, ঈথরকে আলোড়িত করিলে তাহাতেও সেই প্রকার তরঙ্গ জন্মে । যখন কোনও দ্রব্য পদার্থ পৃথিতে থাকে, তখন তাহার অণুগুলি বিশেষ ভাবে কম্পিত হইয়া পার্শ্বস্থ ঈথরে তরঙ্গের সৃষ্টি করে, এই তরঙ্গই তাপ তরঙ্গ । ইহা কোনও পদার্থ স্পর্শ করিলে তাহাতে তাপের সৃষ্টি করে । প্রজ্বলিত পদার্থের আলোকও অবিকল এই প্রকারে উৎপন্ন হয় । প্রজ্বলিত পদার্থ মাত্রেরই অণুসকল অতি দ্রুতবেগে স্পন্দিত হয়, এবং সেই স্পন্দনে পার্শ্বস্থ ঈথর স্পন্দিত হইয়া তরঙ্গের উৎপত্তি করে,—এই তরঙ্গ তাপোৎপাদক তরঙ্গ অপেক্ষা অনেক ক্ষুদ্রতর । এইগুলিই আমাদের চক্ষুতে আসিয়া আঘাত করিলে আমরা আলোক দেখিতে পাই । পঁচিশ বা ত্রিশ বৎসর পূর্বে বৈজ্ঞানিকগণ ঈথরের এই দুইটি কার্যের কথাই বিশেষ ভাবে জানিতেন । বিজ্ঞান যে ঈথরের দীর্ঘতর তরঙ্গ হইতে উৎপন্ন হয়, তাহা জানা ছিল না । ইহার কিছু কাল পরে ইংলণ্ডের বিখ্যাত বৈজ্ঞানিক ক্লার্ক ম্যাক্সওয়েল সাহেব বিজ্ঞান ঈথরের তরঙ্গ হইতে উৎপন্ন হয় বলিয়া কাগজ কলমে প্রমাণিত করিয়াছিলেন, কিন্তু তাঁহার আকস্মিক মৃত্যু হওয়ার বিষয়টির প্রত্যক্ষ পরীক্ষা সম্ভবপর হয় নাই । কিন্তু এই বৃহৎ আবিষ্কারের প্রত্যেক প্রমাণ গ্রহণের জন্য অধিক কাল প্রতীক্ষা করিতে হয় নাই । জর্মানিতে হার্জ সাহেব এবং ভারতবর্ষে ডাক্তার জগদীশচন্দ্র বসু মহাশয় বিষয়টির গবেষণার নিযুক্ত হইয়াছিলেন । গবেষণার ফল প্রচারিত হইলে বসু মহাশয়ের সুখ্যাতি বিদেশে পর্যন্ত বিস্তার লাভ করিয়াছে । তিনি কি প্রকারে পেসিডেন্সি কলেজে বৈজ্ঞাতিক তরঙ্গ উৎপন্ন করিয়া দূরবর্তী স্থানে তাহার বিচিত্র কার্য দেখাইয়া ছিলেন, আমাদের আগও তাহা স্মরণ আছে । তখন ভারতীয় বার্তাবহনের (Wireless Telegraphy) কোনও ব্যবস্থা ছিল না । বসু মহাশয়ের এই আবিষ্কার ভারতীয় বার্তাবহ-ব্যবস্থা নির্মাণের পথ নির্দেশ করিয়া দিয়াছিল ।

প্রাণিদেহের যে সকল কার্য ইন্দ্রিয়াদির সাহায্যে অসম্ভব করা যায় না, প্রাণিতত্ত্ববিদগণ তাহা বিজ্ঞান-প্রবাহের দ্বারা বুঝিয়া লইতে পারেন । পূর্বোক্ত

আবিষ্কারের পর জগদীশচন্দ্র বিদ্যুতের সাহায্য লইয়া জড় পদার্থের নানা অবস্থা পরীক্ষা করিতে আরম্ভ করিয়াছিলেন। সজীব প্রাণীর পেশী বা স্নায়ু উত্তেজিত হইলে, উত্তেজনা-প্রাপ্ত অংশে অতি মৃদু বিদ্যুতের প্রবাহ চলিতে আরম্ভ করে। উৎকৃষ্ট তড়িদ্বীক্ষণ যন্ত্র (Galvanometer) সাহায্যে এই প্রবাহের পরিচয় পাওয়া যায়। কিন্তু মৃত প্রাণীর দেহে অবিরাম আঘাত দিলে, তাহাতে বিদ্যুৎ স্রোত না। ধাতু লইয়া পরীক্ষা করায় জগদীশচন্দ্র দেখিয়াছিলেন, প্রাণীর স্নায়ু ধাতুও আঘাত-উত্তেজনাতে বিদ্যুৎ-প্রবাহ উৎপন্ন করিয়া “সাদা” দেয়। তাহারও জীবন মরণ ক্ষুণ্ণ ও ক্রান্তি আছে। এতদ্ব্যতীত বিষপ্রয়োগে প্রাণীর পেশী যেমন মৃতপ্রায় হয় এবং ঔষধ প্রয়োগে পুনর্জীবিত হয়, ধাতুপিণ্ডে বস্তু মহাশয় জীবনের এই সকল লক্ষণও দেখাইয়াছিলেন। প্রাণীর দেহ শীতে নিষ্ক্রিয় হয়, এবং দেহে বার বার চিমটি কাটিলে তাহা বেদনায় উত্তেজিত হইয়া বিদ্যুতের উৎপত্তি করিতে থাকে। ধাতুপিণ্ডে চিমটি কাটিয়া জগদীশচন্দ্র ঐ প্রকার বেদনাজ্ঞাপক বিদ্যুতের প্রত্যক্ষ পরিচয় পাইয়াছিলেন। মাংসপেশীতে পুনঃপুনঃ আঘাত দিলে তাহা অসাড় হইয়া যায়; কিন্তু যদি কিছুকাল আঘাত প্রয়োগ রোধ করা যায়, তবে সেই পেশীই আবার স্নায়ু হইয়া পড়ে। বার বার আঘাত প্রয়োগ করিয়া জগদীশচন্দ্র ধাতুপিণ্ডকে প্রাণীর স্নায়ুই অসাড় হইতে দেখিয়াছিলেন, এবং বিশ্বাসের অবকাশ দিয়া সেই পরিশ্রান্ত ধাতুকেই আবার প্রকৃতিস্থ করিয়াছিলেন।

এই সকল আবিষ্কার সংক্রান্ত প্রত্যক্ষ পরীক্ষা ফ্রান্স ও ইংলণ্ডের প্রসিদ্ধ বিজ্ঞান-সভায় দেখাইলে জগদীশচন্দ্র বিদেশে কি প্রকার সম্মান প্রাপ্ত হইয়াছিলেন, তাহা সর্বজনবিদিত। আঘাতে সাদা দেওয়া কেবল জীবেরই জীবনের লক্ষণ বলিয়া যে একটি সংস্কার বৈজ্ঞানিকদিগের হৃদয় অধিকার করিয়াছিল, জগদীশচন্দ্রের এই আবিষ্কারে তাহার উচ্ছেদ হইয়াছিল। সকলে বুঝিয়াছিলেন, আঘাত উত্তেজনাতে সাদা দেওয়া যদি জীবনের লক্ষণ হয়, তাহা হইলে ধাতুপিণ্ডে নির্জীব নয়।

জগদীশচন্দ্র এই সকল আবিষ্কার করিয়াই নিশ্চিন্ত হইয়া নাই। প্রাণী ও উদ্ভিদের জীবনের কার্যে যে কতকগুলি স্থল একত্র আছে, অতঃপর তাহাই তাহার দৃষ্টি আকর্ষণ করিয়াছিল। তিনি মনে করিয়াছিলেন, জীবন-মরণ,

পৃষ্টি-বৃদ্ধি ইত্যাদি কতকগুলি ব্যাপারে প্রাণী ও উদ্ভিদের মধ্যে যে সকল ঐক্য দেখা যায়; সেগুলিতেই উভয়ের জীবনের কার্যের ঐক্য শেষ হইতে পারে না। সৃষ্টির আদিম কালে প্রাণী ও উদ্ভিদের পার্থক্য ছিল না। তখন একমাত্র আদিম জীবকেই বর্তমান কালের বিচিত্র প্রাণী ও উদ্ভিদদিগের জনক স্বরূপে ঈশ্বর সৃষ্টি করিয়াছিলেন। সেই জীবেরই বংশধরগণ বিচিত্র অবস্থায় পড়িয়া বিচিত্র মূর্তি গ্রহণ করিয়া আধুনিক প্রাণী ও উদ্ভিদে পরিণত হইয়াছে। বস্তু মহাশয় মনে করিয়াছিলেন,—জীবের অভিব্যক্তির এই কথাই যদি সত্য হয়, তাহা হইলে প্রাণী ও উদ্ভিদের জীবন-কার্যের ঐক্য জন্ম-মৃত্যু প্রভৃতি স্থল ব্যাপারে শেষ হইতে পারে না; পরীক্ষা করিলে উভয়ের জীবনের কার্যের অতি সূক্ষ্ম ব্যাপারগুলিতেও একতা প্রকাশ হইবার সম্ভাবনা আছে। বস্তু মহাশয় এই অজ্ঞানের উপর নির্ভর করিয়া তাঁহার গবেষণা আরম্ভ করিয়াছিলেন। ইহাতে উভয়ের যে সকল ঐক্য আবিষ্কার করিয়াছেন তাহা অদ্ভুত। মুক উদ্ভিদ মাত্রেই প্রাণীর স্তায় আঘাতে বেদনা জ্ঞাপন করে, মাদক দ্রব্যে প্রথমে উত্তেজিত এবং পরে অসাড় হয়; পুনঃপুনঃ আঘাতে ধসুষ্টকার-প্রস্তু হয়, বিষ প্রয়োগে মৃতপ্রায় হয় ও উপযুক্ত ঔষধে সুস্থ হয়;—প্রাণী-জীবনের এই সকল সূক্ষ্ম ব্যাপার তিনি উদ্ভিদেও প্রত্যক্ষ দেখাইয়াছেন। হুইথানি বৃহৎ গ্রন্থে জগদীশচন্দ্র তাঁহার এই সকল আবিষ্কারের বিবরণ লিপিবদ্ধ করিয়াছেন।

আধুনিক উদ্ভিদতত্ত্ববিদগণ উদ্ভিদের স্নায়ুসংগণী (Nervous System) নাই, এই কথা সুস্পষ্ট প্রচার করিয়া থাকেন। জগদীশচন্দ্র তাঁহার নিজের নির্মিত যন্ত্রের সাহায্যে সম্প্রতি উদ্ভিদের দেহে স্নায়ুজালের অস্তিত্বের অব্যর্থ প্রমাণ প্রদর্শন করিয়াছেন। এতদ্ব্যতীত উদ্ভিদের জীবনের যে সকল কার্যের কারণ আবিষ্কার করিতে না পারিয়া বৈজ্ঞানিকগণ হতাশ হইয়া পড়িয়াছিলেন, জগদীশচন্দ্র সেই সকল ব্যাপারেরও কারণ নির্দেশ করিয়াছেন।

ডাক্তার জগদীশচন্দ্র বস্তু মহাশয় আবিষ্কারের স্থল ইতিহাস দিতে “সংহিতার” অনেক স্থান অধিকার করিলাম। এখন আমরা তাঁহার আবিষ্কৃত একটি মাত্র তত্ত্বের উল্লেখ করিয়া পাঠকের নিকট বিদায় গ্রহণ করিব।

প্রাণিদেহের কতকগুলি পেশী আপনা হইতেই তালে তালে স্পন্দিত হয়। প্রাণিদেহের কার্ডিয়াক-পেশী (Cardiac Muscles) এই গুণবিশিষ্ট। প্রাণীর

হৃদপিণ্ডে ইহার প্রাচুর্য্য দৃষ্ট হয়। জীবন্ত প্রাণীর দেহ হইতে হৃদপিণ্ড পৃথক করিয়া রাখিলে তাহার স্বতঃস্পন্দন রোধ পায়, কিন্তু কোন প্রকার উত্তেজক বস্তু প্রয়োগ করিলে তাহা বিচ্ছিন্ন অবস্থায় থাকিয়াও তালে তালে পূর্ব্ববৎ স্পন্দিত হইতে থাকে। এইগুলি সর্বজন-বিদিত পরীক্ষাসিদ্ধ ব্যাপার। হৃদপিণ্ডের নিয়মিত স্বতঃস্পন্দনের কারণ জিজ্ঞাসা করিলে শরীরতত্ত্ববিদগণ বলেন, হৃদপিণ্ডেই বায়ুর কেন্দ্র আছে; ইহাই হৃদপিণ্ডের পেশীকে তালে তালে স্পন্দিত করে। বলা বাহুল্য হৃদ স্পন্দনের এই ব্যাখ্যাকে কখনই সম্ভাবজনক বলা যায় না;—বায়ুজালই স্পন্দনের চালক হইলে, বায়ু সকল কি প্রকারে হৃদপিণ্ডকে নিয়মিত স্পন্দিত করে, এই প্রশ্নটি স্বঃই মনে উদ্ভিত হয়। শারীরবিদগণ ইহার উত্তর দিতে পারেন না।

যাহা হউক, হৃদস্পন্দন যে বিশেষ বায়ুকেন্দ্র দ্বারা চালিত হয় না, তাহার কয়েকটি প্রমাণ আছে। বায়ুজাল হইতে সম্পূর্ণ বিচ্ছিন্ন করিয়া ডেকের হৃদপিণ্ডে উত্তেজনা প্রয়োগ করিলে তাহা পূর্ব্ববৎ তালে তালে স্পন্দিত হয়। কচ্ছপের হৃদপিণ্ডে পরীক্ষা করিয়াও এই প্রকার ফল পাওয়া যায়। সুতরাং স্বীকার করিতে হয়, স্থানীয় বায়ুর সহিত হৃদপিণ্ডের নিয়মিত স্পন্দনের বিশেষ সম্বন্ধ নাই।

ডাক্তার জগদীশচন্দ্র বসু মহাশয় কতকগুলি উদ্ভিদে হৃদ-স্পন্দনের স্থায় নিয়মিত স্পন্দন লক্ষ্য করিয়াছিলেন, এবং ইহার কারণ আবিষ্কার করিয়া প্রাণীর হৃদস্পন্দনের কারণ-সম্বন্ধে অনেক নূতন কথা বলিয়াছেন। “বন-চাঁড়াল” গাছ পল্লীবাসী পাঠক অবশ্যই দেখিয়া থাকিবেন। ইহার বৃহৎ পত্রগুলির নিম্নে যে দুইটি ক্ষুদ্রতর পত্র থাকে, তাহা স্বতঃই উঠা-নামা করে। আমরা বালাকালে বন-চাঁড়ালের পত্রের নৃত্য দেখিয়া আশ্চর্য্য পাইতাম। অনেকের বিশ্বাস আছে, এই ক্ষুদ্র বৃক্ষগুলির নিকটে দাঁড়াইয়া “তুড়ি” দিলে পত্রগুলি “তুড়ির” তালে তালে নৃত্য করে। কিন্তু এই বিশ্বাস অমূলক; বন-চাঁড়ালের পত্র প্রাণীর হৃদ-স্পন্দনের ন্যায় স্বতঃই স্পন্দিত হয়। কিন্তু ইহা সকল সময়েই দেখা যায় না,—বৃক্ষ বা স্মৃতি শিগু বনচাঁড়ালের পত্র নৃত্য করে না। যখন ইহার বেষ সতেজ থাকে তখনই পত্রের উঠা-নামা প্রত্যক্ষ করা যায়। বনচাঁড়ালের পত্রাবলীর এই স্বতঃ স্পন্দন জগদীশচন্দ্রের দৃষ্টি আকর্ষণ করিয়াছিল। ইহার পরে লক্ষ্যবতী

জাতীয় আর একপ্রকার উদ্ভিদের (Biophytum) তিনি ঐ প্রকার স্বতঃস্ফূর্তন আবিষ্কারও করিয়াছিলেন ।

জগদীশচন্দ্র পূর্বোক্ত দুইটি উদ্ভিদ লইয়া যে সকল পরীক্ষা করিয়াছিলেন, তাহার সম্পূর্ণ বিবরণ এই ক্ষুদ্র প্রবন্ধে লিপিবদ্ধ করা অসম্ভব । তিনি প্রত্যেক পরীক্ষা দেখাইয়া উদ্ভিদের স্বতঃস্ফূর্তন-সম্বন্ধে যে সিদ্ধান্তের প্রতিষ্ঠা করিয়াছেন আমরা তাহারই উল্লেখ করিব । জগদীশচন্দ্র নানা পরীক্ষা দ্বারা দেখাইয়াছেন, উদ্ভিদগণ বাহিরের তাপ আলোক মূলস্থিত রসের রাসায়নিক পদার্থাদি হইতে নিয়তই যে শক্তি দেহস্থ করিতেছে, জীবনের কার্যে তাহার সকলই ব্যয়িত হয় না; সঞ্চিত শক্তির উক্ত অংশও উদ্ভিদের দেহেই সঞ্চারিত থাকে । কিন্তু এই শক্তিধারণ করিয়া রাখিবার ক্ষমতার একটা সীমা আছে । সঞ্চিত শক্তি সেই সীমা লঙ্ঘন করিলে, তাহা আর সঞ্চারিত দেহে থাকিতে পারে না; তখন উহা পত্রের উঠা-নামা দেখাইয়া ফরিত হইয়া পড়ে ?

এখন প্রশ্ন হইতে পারে, বাহিরের শক্তি দেহস্থ রাখা যখন উদ্ভিদের সাধারণ ধর্ম, তখন আম জাম ইত্যাদি বৃক্ষও লজ্জিতী ও বনচাঁড়ালের জায় দেহে শক্তির সঞ্চয় করে । কিন্তু এই সকল বৃক্ষের পত্র কেন " স্বতঃ স্ফূর্তিত হয় না ? এই প্রশ্নের উত্তরে বহু মহাশয় নানা পরীক্ষার সূচনা করিয়াছেন এবং প্রমাণ করিয়াছেন যে, বনচাঁড়াল প্রভৃতি কয়েক জাতীয় উদ্ভিদের পত্রমূলে উঠা-নামার উপযোগী একটি অংশ স্বভাবতঃই আছে, কিন্তু আত্মাদি বৃক্ষের পত্রের মূলে সেই স্বাভাবিক ব্যবস্থা থাকে না; এই কারণে প্রচুর শক্তি দেহস্থ করিয়াও এই সকল সাধারণ বৃক্ষ, পত্র স্ফূর্তিত করিয়া বনচাঁড়ালের মত শক্তির পরিচয় দিতে পারে না ।

বনচাঁড়ালের পত্রাবলী অনিয়মিতভাবে উঠা-নামা না করিয়া কি প্রকারে তাহা তাহা স্ফূর্তিত হয়, জগদীশচন্দ্র ইহারও রহস্য উদ্ঘাটন করিয়াছেন । তিনি নানা পরীক্ষা দ্বারা দেখাইয়াছেন যে, মূল বস্তু অর্থাৎ জীব-সামগ্রী (Protoplasm) দিয়া জীবমাত্রেরই দেহ গঠিত, যন্ত্রবৎ কার্য দেখাইলেও তাহা যন্ত্রবৎ জড় পদার্থ নয় । জীব-সামগ্রী পত্রের সন্দনাদি কার্য দেখাইয়া পরিপ্রাপ্ত হইয়া পড়ে এবং এই প্রমজাত অবসাদ দূর করিয়া প্রকৃতিস্থ হইতে তাহার অস্বাভাবিক সময় যায় । যতক্ষণ স্বাভাবিক অবস্থা পুনঃপ্রাপ্ত হইতে না পার,

ততক্ষণ প্রবল শক্তি প্রয়োগ শক্তির অধীনে থাকিয়াও জীবসামগ্রী শক্তির কার্য দেখাইতে পারে না। জগদীশচন্দ্র এই প্রত্যক্ষ পরীক্ষাসিদ্ধ ব্যাপারটী অবলম্বন করিয়া বলিতেছেন বনচাঁড়াল বৃক্ষের পত্রগুলি জীবসামগ্রী স্পন্দিত হইয়া অবসন্ন হইয়া পড়ে। কাজেই এই অবসাদ দূর করিতে তাহার কালক্ষয় হয়। ইহার পরে নির্দিষ্ট সময়ান্তে তাহা প্রকৃতিস্থ হইয়া পড়িলে, দেহস্থ স্তম্ভশক্তির ক্রিয়ায় আবার একবার পত্রের স্পন্দন দেখায়। এই প্রকারে শ্রম ও বিশ্রামের ধারার সঙ্গে সঙ্গে পত্রের তালে তালে উঠানামা চলে।

জগদীশচন্দ্র এই আবিষ্কারের দ্বারা উদ্ভিদের দেহে শক্তির লীলার যে পরিচয় দিয়াছেন, তাহা অীজকাল সর্বত্র অভ্রান্ত বলিয়া স্বীকৃত হইতেছে। তিনি উদ্ভিদের স্বতঃস্পন্দন সম্বন্ধে গবেষণা এখানেই শেষ করেন নাই। পরবর্তী গবেষণায় তিনি প্রাণীর হৃৎস্পন্দন এবং বৃক্ষের পত্রস্পন্দনের মধ্যে যে ঐক্য আবিষ্কার করিয়াছেন, তাহা অতীব বিস্ময়কর।

তাপের ন্যূনাদিক্যে প্রাণীর হৃৎপিণ্ডের ক্রিয়ার পরিবর্তন দেখা যায়। জগদীশচন্দ্র সুকৌশলে বনচাঁড়াল বৃক্ষে তাপ ও গৈত্য বিভিন্ন পরিমাণে প্রয়োগ করিয়া তাহার পত্রের স্পন্দন অবিকল হৃৎপিণ্ডের স্পন্দনের অনুরূপ দেখিতে পাইয়াছিলেন। বসু মহাশয়ের স্বহস্তনির্মিত সূক্ষ্মযন্ত্রে প্রাণীর হৃৎপিণ্ড এবং বনচাঁড়াল বৃক্ষের পত্র যে সকল রেখাপতি করিয়া স্পন্দনের মাত্রা লিপিবদ্ধ করিয়াছিল, তাহার ঐক্য দেখিলে সত্যই অবাক হইয়া যাইতে হয়।

প্রাণীর হৃৎপিণ্ডে চাপ প্রয়োগ করিলে বা কয়েক জাতীয় রাসায়নিক দ্রব্য দিলে, তাহার স্পন্দন অনিয়মিত হয়। আবার এমন কতকগুলি রাসায়নিক দ্রব্য আছে যাহার প্রয়োগে বিকৃত হৃৎপিণ্ডের অনিয়মিত স্পন্দন নিয়মিত হইয়া পড়ে। ভেরাট্রিন (Veratrin) এবং বেরিয়স্ নামক ধাতুঘটিত দ্রব্য হৃৎপিণ্ডের নিয়মিত ক্রিয়া লোপ করে। জগদীশচন্দ্র এই দুইটি রাসায়নিক দ্রব্য বনচাঁড়ালের পত্রে প্রয়োগ করিয়া তাহারও স্পন্দন অনিয়মিত হইতে দেখিয়াছিলেন। তার পরে সূচিকিৎসক যে সকল ঔষধ প্রয়োগে হৃৎপিণ্ডের গতি নিয়মিত করেন, সেই সকল ঔষধ বনচাঁড়াল বৃক্ষে প্রয়োগ করার তাহারও অনিয়মিত স্পন্দন অল্প-কালের মধ্যে নিয়মিত হইয়া দাঁড়াইয়া ছিল।

কার্বক ও অল্প-দ্রব্য অধিকমাত্রায় প্রয়োগ করিলে প্রাণীর হৃৎপিণ্ডের বিকার

উপস্থিত হয়। অম্ল (Acid) হৃদয়ের পেশী শিথিল হয়। এবং ইহার অন্ত স্পন্দন রোধ প্রাপ্ত হয়। ফার পদার্থের ফল ইহার বিপরীত। ফারে হৃদপিণ্ড সঙ্কুচিত হয় এবং ইহার ফলে যন্ত্রের কার্য্য লোপ পায়। জগদীশচন্দ্র বসু মহাশয় বনট্যাডাল প্রভৃতি উদ্ভিদের পত্রমূলে অম্ল ও ফার উভয় পদার্থ প্রয়োগে পরীক্ষা করিয়াছেন। ইহাতে পত্রের স্পন্দন অবিকল হৃদপিণ্ডের স্পন্দনের স্থায় লোপ পাইয়াছিল এবং অম্ল যে সত্যই উদ্ভিদের দেহবহু শিথিল হয় ও ফারে সঙ্কুচিত হয় তাহাও প্রকাশ পাইয়াছিল।

জগৎপিতা পরমেশ্বর এই অনন্ত মহাবিশ্বকে যে শক্তির দ্বারা নিয়ন্ত্রিত করিতেছেন, তাহা মূলে এক। বিচিত্র আধারে এবং বিচিত্র অবস্থায় পড়িয়া সেই একমাত্র মহাশক্তিই বিচিত্ররূপ গ্রহণ করে। অন্ধারের অন্তর্নিহিত শক্তিতে রেলের গাড়ী চলে, আবার সেই শক্তিই যন্ত্রবিশেষে পড়িয়া বিদ্যুতের উৎপত্তি করে এবং সেই বিদ্যুৎ আলোক দেয়। বাষ্পীয় শক্তির গতি এবং বৈজ্ঞানিক দীপের আলোক বিচিত্র ব্যাপার হইলেও মূলে উভয়েই এক নয় কি? জগদীশচন্দ্র বসু মহাশয় এই সার সত্য অবলম্বন করিয়া দেখাইয়াছেন, জড় ধাতুপিণ্ডের কার্য্য এবং প্রাণময় উদ্ভিদ ও প্রাণীর জীবনী শক্তি মূলে একই মহাশক্তির লীলা। অণুপরম্পরার বিস্তার ধাতুপিণ্ডে অতি সরল, উদ্ভিদ-দেহে তাহাই কিঞ্চিৎ জটিল আকার ধারণ করিয়াছে। একত্র বাহিরের শক্তির কার্য্যাবলী ধাতুপিণ্ডে এবং উদ্ভিদে কোন কোন অংশে সূক্ষতঃ এক হইলেও ক্ষুদ্র ক্ষুদ্র বিষয়ে তাহাদের মধ্যে ঐক্যের সন্ধান পাওয়া যায় না। উদ্ভিদ ও প্রাণী উভয়েরই শরীরস্থ অণুপরম্পরা বিচিত্ররূপ গ্রহণ করিয়া নানা শারীর যন্ত্রের সৃষ্টি করিয়াছে। উদ্ভিদের শারীর যন্ত্র অপেক্ষা প্রাণীর শারীর যন্ত্র অতীব জটিল। কাজেই উভয়ের জীবনের কার্য্যে সূক্ষতঃ ঐক্য থাকিলেও অতি সূক্ষ্র ব্যাপার গুলিতে সহজে একতার সন্ধান পাওয়া যায় না; কিন্তু একতার অনুসন্ধান করিলে অনুসন্ধিৎসকে কখনই বিফলমনোরথ হইতে দেখা যায় না। জগদীশচন্দ্র বসু মহাশয় এই প্রকারেই অনুসন্ধান আরম্ভ করিয়াছিলেন। হৃদপিণ্ডের স্পন্দন এবং বৃক্ষ পত্রের নিষ্পিত উঠা-নামা যে একটি ব্যাপার তাহা ইহারই ফল আবিষ্কার করিয়াছেন।

শ্রীজগদানন্দ রায় ।

ভোগের অত্যাচার ।

শত শত তরঙ্গ সমুদ্র হইতে উঠে আবার সমুদ্রে বিলীন হয় । উঠা, পড়া তরঙ্গের স্বভাব, তবে প্রবাহরূপে তরঙ্গের ধ্বংস নাই । একই সমুদ্র, কখন তরঙ্গ বা আবর্ত, সময়ে ফেন বা বৃন্দ । আমরা এই সংসার সমুদ্রের তরঙ্গ বৃন্দপ্রায় । কখন উঠি কখন পড়ি, তাই কখন পশু, পক্ষী, কীট, পতঙ্গাদি নানারূপ ধারণ করি । আবার যেখানকার বস্তু তথায় গীন হই । যে ব্যক্তি সমুদ্রের যে স্থান হইতে বহির্গত হয়, চেষ্টা থাকিলে, ভাল কর্ণধার পাইলে আবার তথায় সে আসিয়া উপস্থিত হইতে পারে । তবে পথচেনা চাই । পথ হারাইলে পথের খবর লইতে হয় । সদগুরুরূপ কর্ণধারের কৃপায় যেখান হইতে প্রবাসে বাহির হইয়াছি তথায় আসিয়া উপস্থিত হইতে পারি । চেষ্টা চাই । বিনা যত্নে রত্ন মিলেনা । পুরুষকার 'ব্যতীত পুরুষার্থ সিদ্ধ হয় না । চেষ্টার অভাবে কেবল ঘুরা, ফেরা সার হয় । যদি ঘুরিতে হয়, তবে খুঁটি ধরিয়া ঘোরা ভাল । তাহা হইলে ঘুরের কষ্টের তত অনুভব হইবে না এবং পড়িবার ভয়ও থাকিবে না । আর যদি খুঁটি না ধরিয়া ঘুরিবার বাহাদুরি লইতে যাই, তবে একেবারে অধঃপাতে 'যাইতে হইবে । সাধের জীবন বিফল হইবে । সেই খুঁটি ত্রিবর্গসাধক ধর্ম । যাই কর, ধর্ম ছাড়িও না ।

ভগবান্ যেমন মৎস্য, কূর্ম, বরাহ ও নরসিংহ এইরূপ ক্রমোন্নতিতে অবশেষে মনুষ্যশরীর হইয়া অবতীর্ণ হইয়াছেন, তদ্রূপ আমরা কুমি, কীট, পতঙ্গ প্রভৃতি নানায়োনি প্রিমণ করিয়া শেষে মনুষ্য হইয়াছি । ভোগে পাপের এবং তমোগুণের ক্রমে সঙ্কণ্ডের বিকাশ হওয়ায়, প্রাণিসাধারণ প্রবৃত্তিনিচয় এবং ইতরপ্রাণিতুল্য মনুষ্যমাত্রবৃত্তিপ্রবৃত্তিপুঞ্জ লইয়া মানবদেহ ধারণ করিয়াছি । চুলভ মনুষ্যরূপ শ্রেষ্ঠ প্রাণী হইয়া যদি প্রাণিমাত্রতুল্য কামক্রোধাদির অহুশীলন করিতে- করিতে ভবলীলা সঞ্চরণ করি, তাহা হইলে আর আমাদের উন্নতির সম্ভাবনা নাই, বরং আবার তির্ধ্যগ্‌স্থানিতে জন্মগ্রহণরূপ অধঃপতন অবশ্যস্থানী । আমরা অনেক তির্ধ্যগ্‌স্থানিতে জন্মগ্রহণ করিয়া কামাদি প্রবৃত্তির অহুশীলনে অভ্যস্ত হইয়াছি । উহা আমাদের অস্থি-মজ্জায় জড়িত ।— উহা নিখিতে গুরুপদেশ বা সংসার প্রয়োজন হয় না । জন্মের সঙ্গে সঙ্গে স্বতঃ

বিকাশিত হওয়ায় উহার অনুশীলন বড়ই প্রীতিকর হয়। অভ্যস্ত কর্মকরার প্রবৃত্তি প্রাণীর স্বভাবসিদ্ধ ধর্ম। তাই অধিকাংশ লোক ভোগের জন্য পশব প্রবৃত্তির পরিচালনায় জীবন মরুভূমি করিতেছে। ক্রোধে অন্ধ হইয়া রক্তনদী প্রবাহিত করিতেছে। লোভপরবশ হইয়া মৃত্যুকে আহ্বান করিতেছে। জ্বীপুত্রের মায়ায় মুগ্ধ হইয়া কত অকার্য্য করিতেছে। মদমাৎসর্যের উত্তেজনার শাস্তিময় সংসার অশাস্তিময় করিতেছে। এই সব প্রবৃত্তির চরিতার্থতা অন্য প্রাণীতে শোভা পায়। মনুষ্যও পশুপক্ষীর গ্রাম প্রাণী; সুতরাং প্রাণিসুলভ ঐসব প্রবৃত্তি মনুষ্যের সহজাত। সংঘের আওতায় তাহাকে রাখিতে হয়। সংসঙ্গপ্রসূত ও সদনুশীলনজনিত জ্ঞানের কর্ষণে তাহার মূল উৎপাটন করিয়া মানবধর্মের বীজবপন করিবে। ধরতি ধর্মঃ—যে ধরে রাখে অর্থাৎ যাহার অভাবে বস্তুর সত্তা লোপ হয়, তাহা তাহার ধর্ম; যেমন—ক্ষিতির ধর্ম গন্ধ, তেজের ধর্ম রূপ, সেইরূপ মনুষ্যের অসাধারণ ধর্ম ক্ষমাদি।

ক্ষমা দমো দয়াস্তেয়ং শৌচমিন্দ্রিয়নিগ্রহঃ ।

ধীর্বিদ্যা সত্যমক্রোধো দশকং ধর্মলক্ষণম্ ॥

যেমন গন্ধ না থাকিলে মৃত্তিকা থাকেনা, রূপের অভাবে তেজের অভাব হয়, সেইরূপ যতক্ষণ ক্ষমা, দম ও দয়া প্রভৃতি থাকে, ততক্ষণ প্রাণী মনুষ্যপদবাচ্য। যাহার ক্ষমাদি মনুষ্য ধর্ম নাই, ক্রোধাদি প্রাণীর ধর্ম আছে সে মনুষ্য শরীর ধারণ করিয়াও লোমলাঙ্গুলহীন মনুষ্যচর্মাচ্ছাদিত প্রাণী বা পশু। অতএব উক্ত হইরাছে—

আহারনিদ্রাভয়মৈথুনঞ্চ

সামান্তমেতৎ পশুভি নরাণাং ।

ধর্মো হি তেভ্যো হ্যধিকো বিশেষঃ

ধর্মেণ হীনাঃ পশুভিঃ সমানাঃ ॥

এজন্মে প্রকৃতিতে পশু, জন্মান্তরে আকৃতিতেও পশু হইতে হইবে। অতএব ছান্দোগ্য পরিশিষ্টে শ্রুতি বলিয়াছেন—

অথ ক্রতুং কুর্বীত । "

যথাক্রতুরগ্নিন্ লোকে ভবতি

তথেষতঃ প্রেত্য ভবতি ॥

অর্থাৎ এক্ষণে সেরূপ মনের ভাব ধারণ করিবে, পরক্ষণে উদমুরূপ শরীর হইবে। উন্মাস্তুর পর্য্যন্ত অগ্রসর হইতে হয় না। আমাদের সেরূপ তীক্ষ্ণদৃষ্টি থাকিলে দেখিতে পাইতাম— ইহ জন্মে আকৃতির আবরণের অন্তরালে অব্যাকৃত পশুর আকৃতি অন্তর্নিহিত আছে। বৃষ দামড়া হইলে স্ত্রী গবীর আকৃতি ও প্রকৃতি লাভ করে। আমরা যদি মনুষ্য হইতে ইচ্ছা করি, তবে পশু প্রবৃত্তির দমন করিতে হইবে। দমগুণ না থাকিলে মনুষ্য হয় না। ক্ষমার অভ্যাসে দমগুণাদির শিক্ষা হয়। তাই মনু প্রথমে ক্ষমার উল্লেখ করিয়াছেন। ক্ষমাই ক্রোধোৎপাটনের অস্ত্র। ক্রোধের কার্যের পর লাভ লোকসান খতাইয়া দেখিতে পাওয়া যায়, লাভ দূরে থাকে বরং মনুষ্যের মূলধর্ম ক্ষমার অপচয় হইয়াছে। শরীরের, মনের ও বাক্যের দমনে মনুষ্যত্ব উপার্জন করিতে হয়। আমাদের স্বভাব - কাজে খাট হই, তথাপি মুখে খাট হই না। দমের অনুশীলনে এই সকল ভ্রম নিরাকৃত হয়।

অস্ত্রের অর্থাৎ পরের দ্রব্য পরিহার। ভোগস্থখে নিম্পৃহ হইয়া উপবাস করিলে এই সকল দোষের প্রসার থাকে না। ভবিষ্যপুরাণ বলেন—

উপাবৃত্তস্ত পাপেভ্যো যন্তবাসোগুণৈঃ সহ ।

উপবাসঃ স বিজ্ঞেয়ঃ সর্বভোগবিবর্জিতঃ ॥

সমস্ত পাপ হইতে নিবৃত্তি ও সর্বভোগ পরিহার করত ক্ষমাদিগুণের সহিত বাসের নাম উপবাস। নিরাহারে অনায়াসে এই সকল সাধিত হয়, বলিয়া তাহাকেও উপবাস বলা হইয়াছে। আজ কাল বৈধকার্যে ভবিষ্যপুরাণোক্ত উপবাস করা হয় না বলিয়া সমগ্র ফল প্রত্যক্ষ হয় না। মিথ্যা প্রসঙ্গাদি হইতে নিবৃত্ত হইবার জন্য বাক্যের দমন করিতে হয়।

কামক্রোধাদি আমাদের ঘরে বসিয়া শত্রুতা করে। বহিঃশত্রুকে শত্রু বলিয়া চিন্তে পারা যায়। স্তুরাং তাহার হাত হইতে নিস্তার পাওয়া অনায়াসসাধ্য। কিন্তু বিষম শত্রু কামাদি মিত্রের পরিচ্ছদ পরিয়া মনোরঞ্জন করে। মনুষ্য বিশ্বস্তবৎ তাহার অনুসরণ করিয়া মনুষ্য পদবী হইতে স্থলিত হয়। সংঘের প্রসাদে কাণ্ডিক, বাচিক ও মানসিক দণ্ড ধারণ করিয়া ত্রিদণ্ডী হইয়া মনুষ্য ব্রাহ্মণ হয়। কেবল ত্রিদণ্ডী যজ্ঞোপবীত ধারণে ব্রাহ্মণ হয় না।

তবে উহা ব্রাহ্মণের চিহ্ন ও স্মারক বলিয়া উহার ধারণ অবশ্যকর্তব্য । ক্রমাদির অন্তবিধ অর্থ মহাভারতে উক্ত হইয়াছে—

সত্যং ভূতহিতং প্রোক্তং মনসো দমনং দমঃ ।

তপঃ স্বধর্মবর্জিত্বং শৌচং শকরবর্জিতং ।

সন্তোষো বিষয়ত্যাগো হীরকার্যনিবর্তনং ।

কমা হৃদসহিস্রুৎসর্জবৎ সমচিত্ততা ।

জ্ঞানং তৎস্বার্থসংসোধঃ শমশ্চিত্তপ্রশান্ততা ।

দয়া ভূতহিতৈষিত্বং ধ্যানং নির্বিষয়ং মনঃ ॥

অর্থাৎ প্রাণিবৃন্দের হিতসাধনের নাম সত্য । অসত্য ব্যবহারে আপনার বা পরের হিত হয় না । বিষয় হইতে মনের দমনের নাম দম । বর্ণাশ্রম ধর্ম পালনের নাম তপ । সাক্ষ্যাদৌষের পরিহারের নাম শৌচ । বিষয় স্ত্রুথের ত্যাগের নাম সন্তোষ । আত্মা বা মন বিষয়নির্লিপ্ত হইলে স্বতঃই সন্তোষ স্ফুরিত হয় । নিষিদ্ধ কার্য হইতে নিবৃত্তির নাম লজ্জা । সংযোগ বিরোগাদি হৃদয়ে অবিচলিত ভাব কমা । হর্ষবিষাদে সমানভাব সরলতা । স্বার্থ উপলক্ষির নাম জ্ঞান । মনের শান্তি শম । প্রাণীর হিতকামনা দয়া এবং বিষয় হইতে চিত্তবৃত্তির নিরোধের নাম ধ্যান ।

প্রিয়জনের সংযোগ বিরোগ জনিত সুখদুঃখে আত্মহারা হইতে নাই । আসক্তি সুখদুঃখের কারণ । আসক্তি মায়ার কার্য । মায়ার প্রশয় দিতে নাই । পরগাছা না কাটিলে অথবা বৃদ্ধিপ্রাপ্ত হইয়া মূলবৃক্ষকে নষ্ট করে । ভেঁকশাবকের প্রথমে লেজ থাকে ; কিন্তু বয়োবৃদ্ধি হইলে, লেজ আপনি ধসিয়া পড়ে । সেইরূপ সাধুর ভোগ প্রবৃত্তি বয়োবৃদ্ধির সহিত অন্তর্হিত হয় ; কিন্তু অসাধুর প্রকৃতি অন্তবিধ । বানরের লেজ যেমন বয়সের সহিত বাড়ে সেইরূপ বানরপ্রকৃতি নরের ভোগস্পৃহা দিন দিন বাড়ে । বৃদ্ধকালে ভোগের সামর্থ্য থাকে না, তথাপি আকাঙ্ক্ষা, কেন না, সংসারের মায়াও ক্রমেই বাড়ে । এই সময় উহার উচ্ছেদ সাধন না করিলে মৃত্যুর পরও উহার বন্ধনার অস্থির হইতে হয় ।

সুখই একমাত্র কাম্য বস্তু । সুখের জন্ত ছুটাছুটি করি । প্রবল লালসা থাকিলে ভোগ্য বস্তুর উপভোগেও সুখের সাধ মিটে না । তাই মন্থ বলিয়াছেন—

“ন জাতু কামঃ কামানামুপভোগেন শাম্যতি ।

হবিষা কৃষ্ণবস্মৈব ভূয় এবাভিবর্দ্ধতে ॥”

যেমন অগ্নি ঘৃতপ্রক্ষেপে নির্বাণ হয় না, বরং বাড়ে, সেইরূপ কাম ভোগে বাড়ে বই, কমে না ।

ছুরাকাজ্জ্বা আমাদের অশান্তির কারণ। আমাদের চক্ষু আকাজ্জ্বার তীব্রতেজে ঝলসিত হওয়ার সুখের প্রকৃত পথ দেখিতে পাই না । সন্তঃপ্রসূত বৎস যেমন ছুষ্টের আশায় গাভীর অস্বথাস্থানে ঠোকর মারে, আমরাও সেইরূপ অস্থানে সুখের চেষ্টা করি । সুখ শান্তির নিখিল ছায়ায় বাস করে । আকাজ্জ্বায় উপশম শান্তি, স্তত্রাং সুখলাভ করার ইচ্ছা থাকিলে ছুরাকাজ্জ্বার পরিহার করা উচিত ।

মরীচিকায় জলভ্রম হইলে পিপাসা দূর হয় না । উত্তপ্ত পায়স দধিভ্রমে গলাধঃকৃত হইলে শরীর শীতল হয় না । সেইরূপ সুখের আশায় কামাদির সেবা করিলে সুখের লেশমাত্র হয় না । দূর হইতে আকাশ দেখিলে বোধ হয়, একটু অগ্রসর হইলে আকাশ ধরিব ; কিন্তু যতই অগ্রসর হই, আকাশ ততই হটিয়া যায় । সেইরূপ বিষয় সেবার জন্ত যতই অগ্রসর হই, সুখ ততই দূর হইতে প্রলোভিত করে । আমরা মায়ার ঘোরে সাধের চিন্তামণি জীবন কাচমূল্যে বিক্রয় করিতে বসিয়াছি ।

মরণের পর অপরের সহিত শক্রতা থাকে না । কিন্তু মরিলেও বিষয় শক্রর হাত হইতে নিস্তার নাই । প্রভূত তৎকালে অতিতীব্রভাবে শক্রতা আচরণ করে । মরণের পর আমাদের আতিবাহিক দেহ হয় । তথাচ বিষ্ণুপুরাণ—

“তৎকর্ণাদেব গৃহ্নাতি শরীরমাতিবাহিকম্ ।

উদ্ধৈ ব্রজন্তি ভূতানি ত্রীশ্বস্মাস্তস্ত দেহতঃ ॥

আতিবাহিকসংজ্ঞোহসৌ দেহো ভবতি ভার্গব ।

কেবলং তন্মহুয্যাগাং নাশ্বেষাঃপ্রাণিনাং কচিৎ ॥

জীব মরণের পর আতিবাহিক দেহ ধারণ করে । সেই দেহ তেজ, মরুৎ ও ব্যোম—এই তিন ভূতে গঠিত হওয়ার অতি লঘু হয় ; স্তত্রাং শূন্যে গমনাগমন করিতে পারে । তাহার গতিও অতি দ্রুত হয় । মনুষ্যের মধ্যে কেবল পাপীর

আতিবাহিক দেহ হয় । অল্প প্রাণীর আতিবাহিকদেহ হয় না । এই দেহ পুরকপিণ্ডে নষ্ট হইয়া প্রেতদেহে পরিণত হয় । তথাচ

“পুরকৈণৈব পিণ্ডেন দেহো নিস্পাত্ততে যতঃ ।”

যাহার পুরকপিণ্ড দেওয়া হয় না, ভোগে তাহার আতিবাহিক দেহ নষ্ট হয় । যেমন যে রোগ মারাত্মক নয়, ভোগে তাহার উপশম হয়, তবে ঔষধ প্রয়োগে শীঘ্র ফল হয়, এই মাত্র ভেদ । অনন্তর বলিতেছেন—

“প্রেতাপিণ্ডৈস্তথা দত্তৈ দেহমাপ্নোতি ভার্গব ।

প্রেতদেহ ইতি প্রোক্তঃ ক্রমাদেব ন সংশয়ঃ ॥

প্রেতপিণ্ডা ন দীয়ন্তে যস্ত তস্ত বিমোক্ষণম্ ।

শ্মশানভ্যো দেবেভ্য আকল্পং নৈব বিভ্যতে ॥

তত্রাস্ত যাতনা ঘোরা শীতবাতাতপোদ্ভবাঃ ।

ততঃ সপিণ্ডীকরণে বান্ধবৈঃ স কৃতে নরঃ ॥

পূর্ণে সম্বৎসরে দেহমতোহন্যং প্রতিপত্ততে ।

ততঃ স নরকং যাতি স্বর্গং বা স্বেন কর্মণা ॥

(আতিবাহিক দেহের পর প্রেতদেহ হয়) ক্রমশঃ প্রেতপিণ্ড প্রদান করিলে অর্থাৎ সপিণ্ডীকরণানন্তর শ্রাদ্ধ করিলে প্রেতদেহের নাশ হয় । দুর্ভাগাবশতঃ যাহার প্রেতপিণ্ড প্রদত্ত না হয়, শ্মশানবাসী দেবের হাত হইতে তাহার নিষ্কৃতি নাই (অতি দীর্ঘকাল পরে ভোগে তাহার প্রেতদেহ নষ্ট হয়) প্রেতদেহে শীত, বাত, আতপ-জনিত অতি ঘোর যাতনা হয় । বান্ধবেরা পূর্ণ সম্বৎসরে সপিণ্ডীকরণ করিলে ভোগদেহ হয় । তাহার পর তাহার স্বকৃতি থাকে স্বর্গে ‘যায়, স্বকৃতি থাকে নরকে যায় । আবার ভোগে স্বর্গ নরক ভোগের পুণ্যের ও পাপের ক্ষয় হইলে আবার মর্ত্যলোকে আগমন করে । অতএব উক্ত হইয়াছে—

“কীণে পুণো মর্ত্যালোকমাশিশক্তি” ইত্যাদি শ্রুতি ।

এইরূপ স্বর্গ নরকভোগের পর মাহুষ প্রকৃতির অনুরূপ ভাল মন্দ জন্ম পরিগ্রহ করে ।

আমাদের চক্ষুর চক্ষুরাদি ইন্দ্রিয়বর্গ দর্শনাদি ক্রিয়ার বস্তুস্বরূপ । যেমন দূরবীক্ষণ যন্ত্রের সাহায্যে দূরের বস্তু দেখিতে পাই, সেইরূপ চক্ষুরাদি যন্ত্রের যোগে অব্যবহিত নিকটবর্তী রূপাদি দর্শন করি । প্রকৃত চক্ষু লিঙ্গশরীরে জীবাত্মার

সহিত অবিনাভাবে অবস্থিত। সুলদেহে চন্দ্রচন্দ্রের সহায়তা ব্যতীত উপলব্ধি হয় না। আতিবাহিক দেহে বাহু চক্ষু থাকে না। বাহুচন্দ্রের আবরণ না থাকায় সূক্ষ্ম শরীরস্থিত প্রকৃত চক্ষু অবাধে সমস্ত দেখিতে পার। মরণের পর আতিবাহিক-দেহাদিতেও সব দেখিতে শুনিতে পাওয়া যায়। তৎকালেও অভ্যাস দোষ যায় না—ভোগীর ভোগস্পৃহা প্রবল থাকে, অপচ উপকরণের অভাবে ভোগ করিবার ক্ষমতা থাকে না। রজ্জুবদ্ধ ঔনরিকের সম্মুখে উপাদেয় অন্নব্যঞ্জন থাকিলে তাহার ষেক্ষপ মর্ষস্কন্দ যাতনা হয়, সেইরূপ মায়াবদ্ধ যুতঙ্গীভের যাতনা ভুক্ত-ভোগী ব্যতীত অন্যের ধারণাতীত। মরণেও দুঃস্বাদাঙ্কার নিস্পীড়ন হইতে তাহার নিস্তার নাই। দুঃ কলা দিয়া চিরকাল কালসাপিনী পুষ্ণিলে তাহার দংশন যাতনার ছটফট্ করিতে হয়। তাই বলি দিন থাকিতে দুঃস্বাদাঙ্কার কমাইলে ভাল হয়। একেবারে কমাইতে না পার, অহিফেনসেবীর গ্ৰাম একটু একটু করিয়া মাত্রা কমাইলে হয়। দীর্ঘকাল অধিক পরিমাণে মদ খাইলে যেমন মদাত্মরোগ হয়। মদ না খাইলেও নেশা ছোটো না। তখন নেশার স্মৃষ্টিকু বড় থাকে না, কিন্তু দুঃস্বাদু পুরমাত্রায় থাকে, সেইরূপ দীর্ঘকাল বিষয়ভোগে ডুবিয়া থাকায় ভোগের নেশা আর কমে না। সে এখন রোগে পরিণত হয়! ভোগ্যবস্তু থাকুক বা না থাকুক, নেশার বোঁকে মানসিক ভোগের অভাব হয় না। নিদ্রায়ও অব্যাহতি নাই। যুবক দুঃস্বপ্নের অভ্যাচারে প্রপীড়িত হয়। তাই বলি—এস, আমরা সময় থাকিতে সতর্ক হই। ঐ দেখ কাল করালবদন ব্যাদান করিয়া কবলিত করিতে আসিতেছে, এখনও দেহ কিছু স্থির আছে। আতিবাহিক দেহে আরও অস্থির হইতে হইবে।

মানুষ যেখানেই মরুক, মরণের পর মায়ার ঘোরে আতিবাহিকদেহে বাটী আসিয়া উপস্থিত হয়। বাটী আসিয়া দেখে—অশীতিপর বৃদ্ধ পিতা মাতা কাঁদিতেছে। প্রাণাপেক্ষা প্রিয়তমা ভার্যা আর্ন্তনাদ করিতেছে। অনাথ বালকেরা ধূলায় ধূসরিত হইয়া চারিদিক শূন্য দেখিতেছে। চিরসঞ্চিত সাধের অর্থ শত্রুর হস্তগত হইতেছে। স্ত্রী ও পিতৃদির শোকে দিশেহারা হইতেছে। সুলদেহের অভাবে তাহার প্রতীকারের শক্তি নাই। তাহার বুক ফাটিতেছে। কিন্তু মুখ ফুটাইতে পারিতেছে না। কি কষ্ট! রোগ হইয়াছে, ঔষধ আছে, অন্নপান নাই। পিপাসা আছে, জল সম্মুখে, কিন্তু জলপানের শক্তি নাই। সূখা আছে,

অন্ন আছে, ভোগসামর্থ্য নাই । কম আপসোসের বিষয় নয় ! এই অহুতাপে মৃতের হৃদয় তুবানলে দগ্ধ হয়, বজ্রময়যন্ত্রে নিষ্পিষ্ট হয় । আসক্তলিপ্সা এই অনর্থের মূল । যাহার গতিশক্তি আছে, তাহাকে গৃহে রুদ্ধ করিয়া রাখিলে যেরূপ কষ্ট, যাহার বাকশক্তি আছে, তাহার মুখে কাপড় দিয়া বাগ্‌রোধ করিলে যেরূপ কষ্ট, চক্ষুমানের দৃষ্টি রুদ্ধ করিলে যেরূপ কষ্ট, মৃতব্যক্তির কষ্ট ততোধিক—বর্ণনাভীত । যথাসময়ে ঔষধ সেবন না করিলে রোগের যন্ত্রণা অনিবার্য্য । ভুগিতে আসিয়াছ ভুগিয়া যাও ; কিন্তু দিন থাকিতে প্রতীকার করিলে ভাল হয় । ইহা কেবল হিন্দুশাস্ত্রের কল্পিত অলীকবস্তু নয় । যাহারা লিঙ্গশরীর চালনা করিতে পারেন, এখনও তাঁহারা প্রত্যক্ষ করিতে পারেন । জীবিত পিতা, মাতা, ভাৰ্য্যা ও পুত্রগণের অপেক্ষা বিষয়মূঢ় মৃতের কষ্ট অতিতীব্র । সে নিজে এ কষ্টের কারণ । সে যদি মনুষ্যদেহে আসক্তলিপ্সা বিসর্জন দিতে পারিত, ভোগস্পৃহা কমাইতে পারিত, সংপ্রবৃত্তি সঞ্চিত করিয়া দিব্যজ্ঞানলাভ করিতে পারিত, তাহা হইলে তাহার আতিবাহিক প্রভৃতি দেহ ধারণ করিতে হইত না, হৃদিনের পিতা, মাতা, ভাৰ্য্যার নিকট ঘুরিতে হইত না এবং তাহাদের অসার তুচ্ছ শোকে অভিভূত হইতে হইত না । তা'ই বলি দমবলে ইহকালে কামাদি প্রবৃত্তি সংযত না করিতে পারিলে পরপারেও শাস্তি নাই ।

উপসংহারে বক্তব্য—ভোগারতুচিত আশ্রয় মরিলে তাহার জন্ম স্নেহবশতঃ শোক করা নিস্বার্থস্নেহের কার্য্য নয় । শোক করিলে মৃতের হৃৎখের বৃদ্ধি বই, হাস হয় না । অতএব ঋষিরা বলেন—

“শ্লেষ্মাশ্চ বাক্‌বৈমূৰ্ত্তং প্রেতোভূক্তে যতোহবশঃ।”

অতো ন রোদিতব্যং হি ক্রিয়া কার্য্যা বিধানতঃ ॥

অর্থাৎ মরণের পর আশ্রয়বর্গ কাঁদিতে কাঁদিতে যে শ্লেষ্মাশ্চ মোচন করে, মৃতব্যক্তি বাধ্য হইয়া তাহা ভোজন করে । অতএব রোদন করা উচিত নয়, তাহার পারলৌকিক কার্য্য যথাবিধি করাই উচিত ।

শ্রীব্রহ্মেন্দ্রনাথ স্মৃতিভীষণ ।

সুখাভোজন-জাতক ।

(পূর্বানুবৃত্তি)

যে সময়ের কথা হইতেছে তখন শক্রের আশা, শ্রদ্ধা, শ্রী ও হী নামী চারিটা কন্তা ছিলেন । তাঁহারা একদিন প্রচুর দিব্যমালাগন্ধাদি লইয়া জনকেলি করিবার অভিপ্রায়ে অনবতপ্ত হুদে * গমন করিয়াছিলেন । ক্রীড়া শেষ হইলে শক্রকন্তাগণ মনঃশিলাতলে উপবেশন করিলেন । সেই মনঃশিলায় শিখরদেশে কাঞ্চন-গুহায় নারদ নামক এক ব্রাহ্মণ তপস্বী বাস করিতেন । তিনি ঐ দিন দিবাভাগে বিশ্রাম করিবার জন্ত ত্রয়স্ত্রিংশ স্বর্গে গমন করিয়াছিলেন এবং সেখানে নন্দনবনস্থ চিত্রকূট শিলায় এক লতাকুঞ্জে ক্রান্তি 'অপনোদন পূর্বক ফিরিবার সময় আতপ-নিবারণার্থ একটি পারিচ্ছদ্রক পুষ্প † লইয়া আসিতেছিলেন । শক্রকন্তাচতুষ্টয় নারদের হস্তে ঐ দিব্য পুষ্প দর্শন করিয়া উহা যাচঞা করিলেন ।

[অনন্তর শাস্তা সমস্ত বৃত্তান্ত বিশদভাবে বুঝাইবার জন্ত
নিম্নলিখিত গাথাগুলি বলিলেন :—]

নগকুলরাজ	গন্ধমাদনের	সুরম্য শিখরদেশ ;
কেলি করে সেথা	শক্রকন্তাগণ	পরি মনোহর বেশ ।
এমন সময়ে.	দেখা দিলা আসি,	দেবতরু-শাখা ল'রে,
তাপস নারদ,	গমন যাহার	অবাধ ভুবনজয়ে ।
সে তরুর ফুল	সৌরভে অতুল,	ত্রিদশগণের ভোগ্য,
অতি রমণীয়	দেবরাজপ্রিয় ;	অন্তে নয় তার যোগ্য ।
দানব মানব,	সাধ্য কারো নাই	করে তাহা দর্শন ;
সেবিত্তে তাহারে	না পারে অপরে,	বিনা স্বর্গবাসিগণ ।

শ্লোক সাহিত্যে হিমালয়স্থ সপ্তমহাসরোবরের অন্ততম ।

† সংস্কৃতসাহিত্যের 'পারিজাত' । মর্ত্যালোকে এই পুষ্প এদেশে 'পাল্টে মাল্লি' নামে পরিচিত ।

আশা, শ্রদ্ধা, শ্রী, হ্রী, কনকবরনী,	রূপে গুণে অদ্বিতীয়া,
নারদের হাতে	উঠে সবে দাঁড়াইয়া ।
পারিজাত পেল	হবে এই ভাবি মনে,
মুনির নিকট	একবাক্যে চারিজন—
“অপর কাহাকে	নাহি যদি অভিপ্রায়,
দয়া করি তবে	দাও, তব পড়ি পায় ।
বাসব যেমন,	সদয় মোদের প্রতি
সর্বসিদ্ধিলাভ	শুন ওহে মহামতি ।”
দেবকন্যাগণ	পুষ্প পাইবার আশে ;
শুনি তাহা মুনি,	কহিলা মধুর ভাষে :—
“নাহি প্রয়োজন	করিলাম আমি দান ;
শ্রেষ্ঠা যেইজন	করুক সে পরিধান ।”

নারদের কথা শুনিয়া দেবকন্যারা বলিলেন :—

তুমি মহামুনি সর্ব জ্ঞানের আধার,
যাকে ইচ্ছা তাকে দাও করিয়া বিচার ।
তুমি যাকে দিবে পুষ্প, শুন মহাশয়,
তাহাকেই শ্রেষ্ঠ মানি লইব নিশ্চয় ।

মারদ উত্তর করিলেন :—

এ যুক্তি ভাল নহে লো মুন্দরি,
আমি কেন এই ভার যাড়ে করি ?
ঘটাব কলহ, হইয়া ব্রাহ্মণ !
আমা হতে ইহা হবেনা কখন । †

* মূলে ‘স্বগতে’ আছে । চারিজনের সঙ্গে আলাপ করিলেও নারদ একজনের দিকে দৃষ্টিপাত করিয়া উত্তর দিতেছেন এইরূপ বুদ্ধিতে হইবে ।

† অতএব দেখা বাইতেছে এই জাতকের রচনাসময়েও মারদের কলহঘটনটির জন-সাধারণের হৃদয়স্থিত ছিল ।

যাও পিতৃপাশে—ভূতনাথ যিনি,
মীমাংসা ইহার করিবেন তিনি ।
কে উচ্চ, কে নীচ, জানা আছে তাঁর ;
তাঁরি কাছে হবে উচিত বিচার ।

[অনন্তর শাস্তা বলিলেন :—]

বশের গৌরবে মত্তা দেব-কন্ঠাগণ,
নারদের বাক্য শুনি ক্রমিল তখন ।
সহস্রলোচন শক্র বিরাজেন যথা,
ছরা করি সবে গিয়া উতরিল তথা ।
বলে, “পিতঃ, কোন্ কন্ঠা, বল ত তোমার,
শুণগ্রামে শ্রেষ্ঠপদ করে অধিকার ?”

শক্রকন্ঠাগণ এই প্রশ্ন করিয়া উত্তর প্রতীক্ষা করিতে লাগিলেন ।

উৎকণ্ঠিত মনে	কৃতাজলি পুটে	উত্তরের প্রতীক্ষায়
দাঁড়াইয়া আছে	কন্ঠাচতুষ্টয়	দেখি পুরন্দর † কয়,—
তুল্য রূপে শুণে	তোমরা সকলে,	তারতম্য কিছু নাই ;
করিল বপন	এ কলহ বীজ,	কে, বল শুনিতে চাই ।

দেবকন্ঠাগণ উত্তর দিলেন :—

সামুদ্রেশে গিরিবর গন্ধমাদনের
পাইলাম দেখা মোরা ঋষি নারদের,
সত্যের নির্ণয়ে যাঁর অসীম শক্তি,
সর্বকালে সর্বলোকে অব্যাহত গতি ;
করেন ধর্মের পথে সদা বিচরণ,
বলিলেন আমা সবে সেই উপোধন :—
“জানিবারে যদি চাও তোমাদের মাঝে
কে উত্তম, কে অধম, পুছ দেবরাজে ।”

† পালি সাহিত্যে শক্রই ভূতনাথ বা ভূতপতি নামে বর্ণিত হইয়া থাকেন ।

‡ বৌদ্ধমতে, মাদবজ্জয়ে পুরীতে পুরীতে দান করিয়াছিলেন বলিয়া শক্রের এক নাম পুরন্দর ।

শক্র ভাবিলেন, “ইহারা চারি জনেই আমার কন্যা । আমি যদি বলি যে ইহাদের মধ্যে অমুক গুণগ্রামে শ্রেষ্ঠা, তাহা হইলে অপর তিন জন ক্রুদ্ধ হইবে । অতএব এ ক্ষেত্রে কোন মীমাংসা করা আমার পক্ষে অসম্ভব । ইহাদিগকে হিমালয়ে কৌশিক তাপসের নিকট প্রেরণ করা ষাউক ; তিনিই ইহাদের প্রশ্নের সহুত্তর দিবেন ।” ইহা স্থির করিয়া শক্র বলিলেন, “দেখ, তোমাদের এই বিবাদ আমি মীমাংসা করিতে পারিব না ; হিমালয়ে কৌশিক নামক এক তাপস আছেন । আমি তাঁহার নিকট আমার ভোজ্য সূধা প্রেরণ করিতেছি । তিনি অন্যকে না দিয়া কোন জব্য উদরস্থ করেন না ; দিবার সময় ও বিচার করিয়া যাহারা গুণবান্ তাহাদিগকেই দিয়া থাকেন । অতএব তোমাদের মধ্যে যে তাঁহার হস্ত হইতে এই সূধার অংশ পাইবে সেই সর্বশ্রেষ্ঠা বলিয়া পরিগণিত হইবে । হে বরাদি—

মহারণ্যমাঝে	তপস্যানিরত	আছেন সে মহামুনি ;
না দিয়া অপরে	কণামাত্র কভু	নাহি খান অন্ন তিনি ।
উপযুক্ত পাত্রে	দান দেন তিনি,	অপাত্রে কভু না গায় ;
দিবেন যাহারে,	তোমাদের মাঝে	শ্রেষ্ঠ বলি মেন তার ।”

হুহিতাদিগকে এইরূপে কৌশিকের নিকট প্রেরণ করিয়া শক্র মাতলিকে আহ্বান করিলেন এবং তাঁহাকে ও ঐ আশ্রমে পাঠাইবার অভিপ্রায়ে বলিলেন :—

“হিমালয় পর্বতের দক্ষিণ পার্শ্বেতে
গঙ্গাতীরে দেখিবে যে তাপস পূজবে,
কৌশিক তাঁহার নাম ; অতি ক্লিষ্ট তিনি
অন্ডাব বশতঃ খাদ্য আর পানীরের ।
অতএব যাও তুমি, হে দেব-সারথি,
দাও গিয়া সূধা তাঁরে তোজনের তরে ।”

আজ্ঞা পেয়ে দেবেশ্বরের মাতলি তখনি
সহস্রতুরগবৃক্ষ স্যন্দনে আরোহি
ছুটিল অশনিবেগে, উত্তম্বিলা-গিয়া
মুনির আশ্রম বেধা, দিলা সূধাতাও
হস্তে তাঁর ; দেখা কিন্তু নাহি দিলা নিজে ।

কৌশিক সুখাভাণ্ড গ্রহণ করিয়া দণ্ডায়মান অবস্থাতেই বলিলেন,—

অগ্নি-পরিচর্যা করে আসিছ কুটীর-দ্বারে তিমিরারি করিতে বন্দন,
হেনকালে কে গো তুমি, বল দেখি কোন্ দ্রব্য হস্তে মোর করিলা অর্পণ ?
এ নহে অন্যের কাজ, বিনা শক্র দেবরাজ এত দয়া কে দেখায় আর ?
সর্বভূতে অতিক্রমি বিরাজ করেন তিনি ; ধন্য তাঁর মহিমা অপার !
ধবল শব্দের মত ; সুগন্ধে মানস হরে, হেন দ্রব্য পূর্বে দেখি নাই ;
পবিত্র অদ্ভুত ইহা, দেখিলে জুড়ায় আঁখি, তুলনা ইহার কোথা পাই ?
কোন্ দেব বল তুমি, অধমেরে দয়া করি করিয়াছ হেথা আগমন ?
নয়ন-মানস-হর কিবা অপরূপ দ্রব্য হস্তে মোর করিলা অর্পণ ?

মাতলি উত্তর দিলেন :—

মহেন্দ্রের আজ্ঞা পেয়ে আসিয়াছি হেথা ধেয়ে,
তব তরে, মহামুনে, সুখাভাণ্ড লয়ে ;

তোমোত্তম এই সুখা খেয়ে নাশ কর সুখা
মাতলি আমার নাম ; খাও নিঃসংশয়ে ।

রসোত্তম সুখা এই ভোজন করিবে ঘেই

দ্বাদশ দুঃখের তার হবে নিবারণ :—

সুখা, তৃষ্ণা, অসন্তোষ, বৈরভাব, ক্রোধদোষ,
গাত্রব্যথা, ক্লান্তি, তথা কলহে মগন,

শীত গ্রীষ্মে কাতরতা, চরিত্রের পিশুনতা,

আলস্য—এসব হতে পাবে অব্যাহতি ।

সংসার ভোজন কর, নিঃসংশয়ে, মুনিবর,

শক্রদত্ত সুখা, যার এমন শক্তি ।

ইহা শুনিয়া কৌশিক নিজেরে যে ব্রত পালন করেন তাহা বুঝাইবার জন্য
মাতলিকে বলিলেন :—

একাকী ভোজন অসঙ্গত ভাবি ব্রতোত্তম এই করেছি গ্রহণ—

ভোজ্য অংশ কিছু না দিয়া অপরে করিব না কভু গলাধঃকরণ ।

একাকী ভোজন অতি অবিধেয়, শুনিয়াছি আমি আর্ষ্যগণ মুখে ;

না দিয়া অপরে আহার যে করে, বঞ্চিত সে পুণী সকল সুখে ।

মাতলি জিজ্ঞাসা করিলেন, “ভদ্র, অপরকে অংশ না দিয়া ভোজন করিলে এমন কি দোষ হয় দেখিয়াছেন যে আপনি এই ব্রত গ্রহণ করিয়াছেন ?”

কৌশিক বলিলেন,

নারীহৃতা, ব্যভিচারী, মিত্রজনস্রোহকারী,
 দানকুঠ, সাধুধেবী এই পঞ্চজন
 নরাধম বলি খ্যাত ; তাই এই দান ব্রত,
 শুন হে, মাতলে, আমি করেছি গ্রহণ ।
 স্ত্রী-পুরুষ এ বিচার নাহিক দানে আমার
 পণ্ডিতেরা একবাক্য দানশুণগানে ;
 করে দান অকাতরে, এ হেন বদান্য নরে
 শুচি, সত্যপ্রিয় বলি সকলে বাখানে ।

ইহা শুনিয়া মাতলি দৃশ্যমান শরীর পরিগ্রহ করিয়া তাঁহার সম্মুখে দণ্ডায়মান হইলেন। সেই সময়ে দেবকন্যারাও এক এক জন কৌশিকের এক এক দিকে অবস্থিতি করিলেন। স্ত্রী রহিলেন পূর্বদিকে, আশা দক্ষিণদিকে, শ্রদ্ধা পশ্চিমদিকে এবং হ্রী উত্তরদিকে।

[এই ভাব পরিস্ফুট করিবার জন্য শাস্তা বলিলেন :—]

আশা, শ্রদ্ধা, স্ত্রী, হ্রী, কনকবরনী
 বাসবনন্দিনী এ চারি ভগিনী
 পিতার আদেশে স্থখার কারণ
 কৌশিক-আশ্রমে দিলা দরশন ।

চতুরা চারিটা বাসবহৃহিতা
 চৌদিকে মূনির হ'ল অবস্থিতা ;
 উজলি চৌদিক অগ্নিশিখাপ্রায়
 দিব্যদেহবর্টি-রূপের ছটায়া
 নেহারি সে রূপ পরমপুলকে
 জিজ্ঞাসে তাপস মাতলি-সম্মুখে :—

“পুরব আকাশে শুকতারা * সমা,
কনক-লভিকা কিংবা নিরুপমা
দেববালা তুমি, নাম তব বল,
নিবৃত্ত আমার কর কৌতূহল।”

“পূজ্যা নরকূলে শ্রী আমার নাম
পুণ্যাআয় সदा করি অধিষ্ঠান ;
সুখাদানে মোর পূর মনস্কাম
এসেছি করিতে হেথা সুখাপান।

সুখী করিবারে চাই আমি যারে
সর্ব মনোরথ লভিতে সে পারে ;
হোত্বেষ্ট তুমি, মহাপ্রজ্ঞাবান্,
শ্রীকে তুষ্ট কর করি সুখাদান।

ইহা শুনিয়া কৌশিক বলিলেন :—

সর্বশিল্পপটু, পরম বিদ্বান্,
পৌরুষসম্পন্ন, অতি বুদ্ধিমান্,
সেও শ্রী তোমার দয়া নাহি পায়,
অশেষ কেলেশে দিন তার যায়।
এই কি তোমার সাধু ব্যবহার ?
জ্ঞানাত্মারে তব এই কি বিচার ?

দেখি পুনঃ কোন অলস মানব,
উন্নতসর্বস্ব, নীচকুলোদ্ভব,
অতি বদাচার, প্রসাদে তোমার
ভুলে নানা সুখ, ঐশ্বর্য অপার।
কুলীন যন্তান দৈত্তের আলায়
দাস হ'য়ে তার(ই) চরণে লুঠায়।

পণ্ডিত জনের পীড়নে নিরতা,
 মূঢ়া, পাত্ৰাপাত্ৰ-জ্ঞান-বিরহিতা ;
 জ্ঞানের মৰ্যাদা নাহি তব ঠাই ;
 ভূষিতে তোমার ইচ্ছা মোর নাই ।
 সুখা দূরে থাক—উদক, আসন,
 তাও, শ্রি, তোমার দিবনা কখন ।

এই কথা শুনিয়া শ্রী তৎক্ষণাৎ অন্তর্হিত হইলেন । অনন্তর কৌশিক
 আশাকে সম্বোধন করিয়া বলিলেন :—

চিত্রাঙ্গদা গুরুদত্তী কে তুমি, কল্যাণি,
 বিমূঢ়-কনকময়কুণ্ডল-ধারিণি ?
 দিব্য শ্বেত কুকুলেতে গাত্র আচ্ছাদিত ;
 কর্ণিকার, অশোকের মঞ্জরী লোহিত
 কর্ণধরে হলে তব, বাহার ছটার
 কুশাগ্নির উজ্জলতা মানে পরাজয় ।
 যেরূপ ব্যাধের বাণে অবিদ্ধা হরিণী
 চকিত নরনে চায়, বনবিহারিণী,
 সেই মত দৃষ্টি তব, নাহি কি লো ভয়
 একাকী ভ্রমিতে বনে ? কে তব সহায় ?

আশা উত্তর দিলেন :—

সহায় এখানে মোর নাহি কোন জন,
 অমরাবতীতে * আমি লভেছি জনম,
 আশা নাম ধরি আমি, সুখার আশার
 এসেছি তোমার পাশে, গুন মহাশয় ।

* মূলে 'মসকসার' পদ আছে । পালি টীকাকারের মতে ইহার অর্থ 'অরত্রিংশতবন ।'
 সংস্কৃতে কিন্তু এই শব্দের কোন প্রতিরূপ দেখা যায় না । সংস্কৃত মসারক শব্দ ইন্দ্রনীল
 মণিবাচক । ইহা হইতেই কি 'মসারক শালা' বা 'মসকসার' শব্দের উৎপত্তি হইয়াছে ?

তাপস কৌশিক তুমি মহাপ্রজ্ঞাবান্
সুধাদান করি রাখ আবার সম্মান।

ইহা শুনিয়া কৌশিক বলিলেন, “শুনিতে পাই যে তুমি যাহাকে ইচ্ছা কর, কেবল তাহারই আশা পূরণ করিয়া তাহার মনে আবার নব নব আশার উৎপাদন করিয়া থাক, কিন্তু যাহাকে অসুগ্রহ কর না, তাহাকে নিম্নত নৈরাশ্রের মধ্যেই রাখ। শেষোক্ত ব্যক্তির কার্যসাক্ষ্য সম্পূর্ণরূপে তোমার সাহায্যানিরপেক্ষ।” এই ভাবের বিশদীকরণার্থ তিনি নিম্নলিখিত গাথাগুলি বলিলেন :—

আশার ছলনে	ধন অন্বেষণে	বণিক বিদেশে যার,
পণ্যপরিপূর্ণ	পোতে আরোহিয়া	সাগর তরিতে যায়।
দৈবযোগে যদি	মগ্ন হয় তরী,	ধনে প্রাণে মারা যায়,
বাঁচিলেও প্রাণে,	চিরদিন তরে	ধননাশে দুঃখ পায়।

আশার ছলনে	কৃষীবলগণ	ক্ষেত্রের কর্ষণ করে,
বপে বীজ তাহে,	করে কত শ্রম	শস্ত্র লভিবার তরে।
কিন্তু কোন জীতি	দেখা দেয় যদি,	তা হ'লে ত রক্ষা নাই ;
ক্ষেত্র ছারখার ;	অভাগা চাষার	সে আশার পড়ে ছাই।

আশার ছলনে	বিলাসী মানব	তুষিতে প্রভুর মন
যায় যুদ্ধক্ষেত্রে	পৌরুষ দেখাতে,	বল একি বিড়ম্বন ?
শত্রুর বিক্রমে	ছত্রভঙ্গ শেষে ;	যে বাহার প্রাণ লয়ে
কপর্দক মাত্র	না লভি সমরে	পলায় চৌদিকে ভয়ে।

আশার ছলনে	স্বর্গলাভ হেতু	জ্ঞাতিজনে করি দান
ধন ধান্ত্র আদি	সর্কণ, বিষয়ী	সংসার ছাড়িয়া যান ;
কঠোর তপস্তা	করি দীর্ঘকাল	মার্গ-দোষহেতু, হায়,
অশেষ দুর্গতি	লভেন তাঁহারা	দেহের হইলে ক্ষয়।
কুহকিনি আশে,	ত্যজ সুধা-আশা ;	তোমার মতন যারা,
সুধা ত ছলত,	আসন-উদক	তাঁহাও না পায় তারা।

অতিবৃষ্টি, অনাবৃষ্টি, সুবিক, শলভ, শুকপক্ষী ও প্রত্যাসন্ন রাজা এই বড় বিধ-পত্নীশাশক।

এইরূপে প্রত্যাখ্যাত হইয়া আশাও তন্মূর্ত্তেই অঙ্কিতা হইলেন । তখন
কৌশিক শ্রদ্ধার সহিত আলাপ আরম্ভ করিলেন :—

কে তুমি গো যশস্বিনী আলোকিত করি রূপে
অকল্যাণকরী * দিকে লয়েছ আশ্রয় ?
কাঞ্চনবল্লীর সম দেহ তব অমুপম ;
কোন্ দেবী তুমি মোরে বল ত নিশ্চয় ।

ইহার উত্তরে শ্রদ্ধা বলিলেন :—

নরকুলে পূজ্যা আমি শ্রদ্ধা এই নাম ধরি ;
পুণ্যায়-হৃদয় সদা আমার সনন ;
সুধা পাইবার তরে ঘটয়াছে যে বিবাদ,
তাহার(ই) মীমাংসা হেতু হেথা আগমন ।
পরম পণ্ডিত তুমি মহাপ্রজ্ঞাবান,
সুধা দিয়ে রক্ষা কর আমার সন্মান ।

এই পরিচয় পাইয়া কৌশিক বলিলেন, “মহুযোরা যার তার কথার শ্রদ্ধা
স্থাপন করিয়া তদনুসারে পরিচালিত হয় ; এই নিমিত্ত তাহারা কর্তব্য অপেক্ষা
অকর্তব্যেরই অধিকতর অনুষ্ঠান করিয়া থাকে । অতএব প্রকৃতপক্ষে তাহা-
দের এই সমস্ত পাপাচারের জন্ম তোমাকেই দায়ী বলিতে হয় ।

শ্রদ্ধাবশে হয় লোকে কখনও বা পুণ্যত্রত
দাতা, দাত্ত, ভাগী, জিতেন্দ্রিয় ;
কতু বা কুপথে চলি পরপরীবাদ করে,
হয় মিথ্যাবাদী, চৌৰ্য্যপ্রিয় ।
গৃহে পতিব্রতা নারী, সুশীলা, সদবংশজাতা,
রূপে গুণে সদৃশী ভর্তার ;
তাহার সংসর্গে থাকি, বাসনা সংযত করি
পারে লোক করিতে সংসার ।

কিন্তু বারবনিতার ছলনায় ভুলি নর
 হেন ভার্য্যা ত্যাগ করি ষায় ;
 মিটিবে হৃদয়ের তৃষ্ণা পঙ্কিল মলিলপানে
 এই মূর্খ ভাবে হায়, হায় !
 তোমার প্রভাবে, শ্রদ্ধে, পরদারসেবী নর,
 পুণ্যত্যাগী, পাপপরায়ণ ;
 সুধা ত দূরের কথা, জলাসন পাইবারে
 অযোগ্য, যে তোমার মতন।

এই কথা শুনিয়া শ্রদ্ধাও অন্তর্হিতা হইলেন। তখন কৌশিক উত্তর দিকে অবস্থিতা হ্রী-দেবীর সঙ্গে আলাপ আরম্ভ করিয়া দুইটা গাথা বলিলেন :—

কে তুমি কল্যাণি, হোথা, দেবতা কিংবা অপসরী,
 দাঁড়িয়ে রয়েছ রূপে চৌদিক উজ্জ্বল করি ?
 প্রভাতে অরুণোদয়ে বিচিত্রবসনপরা
 শ্মিতমুখে শোভে যেন প্রাচীদিক মনোহরা ;
 কিংবা যেন দক্ষক্ষেত্রে নবজাতা 'কালালতা'
 ছলে যবে বায়ুভরে লোহিতপত্রমণ্ডিতা ?
 নয়নে সলজ্জদৃষ্টি দেখি তব হয় মনে
 কি যেন বলিতে ইচ্ছা করিয়াছ বরাননে।
 অঞ্চ নীরব তুমি রহিয়াছ কি কারণ ?
 বল সত্য কি নিমিত্ত হেথা তব আগমন ?

হ্রী দুইটা গাথা বলিয়া উত্তর দিলেন :—

মানবকুলের পূজ্যা হ্রী দেবী আমার নাম,
 স্পর্শে মম পুত সদা পুণ্যাত্ম-হৃদয়-ধাম।

কাল, কলসীগতা (?)—*ipomoea coerulea* (নীলকগনী)। ইহার বীজ 'কালাদান্য' নামে পরিচিত। কিন্তু প্রথমে ইহার পত্রগুলি কি লোহিতবর্ণ থাকে? বৃষসম্বন্ধে শেবে বা গ্রীষ্মকালে কৃষকেরা বনভূমির বা ক্ষেত্রের শুক উদ্ভিদ কাঁটাদি অগ্নিপ্রয়োগে দহন করিয়া থাকে। বর্ষাকালে তাকা আকার নবকিশলয়মণ্ডিত তৃণলতাগুলিতে স্থলোদ্ভিত হয়।

বিবাহ সুধার হেতু ; তাহার মীমাংসা তরে
 এসেছি তোমার কাছে ; কিন্তু বাক্য নাহি সরে ।
 নিতান্ত অক্ষমা সুধা যাচিতে তোমার ঠাই ;
 যাচ এগ সমা রমণীর নিলজ্জতা আর নাই ।

ইহার উত্তরে কৌশিক দুইটি গাথা বলিলেন :—

সুগায়ে, তোমার এই সুধা পাইবার
 জায়তঃ, ধর্মতঃ আছে পূর্ণ অধিকার ।
 কে বলে চাহিলে শুধু সুধা পাওয়া যায় ?
 অযাচিত নিমন্ত্রণ করিহু তোমায় ।
 পাবে পূজা, খাবে সুধা কুটীরে আমার,
 যার জন্য আগমন এখানে তোমার ।
 অতএব, হে তম্বঙ্গি, করি নিমন্ত্রণ ;
 কর এ আশ্রমে অগ্ন আতিথ্য গ্রহণ ।
 নানারসযুক্ত খাণ্ডে করিব অর্চনা,
 আশ্বাদে যাহার তৃপ্ত হইবে রসনা ।
 যে সুধার তরে তব হেথা আগমন ।
 তাহাও পাইবে অগ্রে করিতে ভোজন ।
 তব ভোজনাশ্তে যাহা অবশিষ্ট রবে,
 তাহাতেই এ দীনের ক্ষুরিবৃত্তি হবে ।’

[ইহার পর শান্তার মুখ হইতে কয়েকটি অভিসম্বুদ্ধ গাথ্য বাহির হইল :—]

দিব্য দ্যুতিবিমণ্ডিতা হ্রীদেবী তখন
 কৌশিকের নিমন্ত্রণে প্রবেশি আশ্রমে
 অপরূপ শোভা তার হেরিলা নয়নে ।
 বিরাজে বিটপিরাজী চৌদিকে সেখানে
 ফলভারে অবনত ; কুল কুল ধ্বনি
 শ্রবণে অমৃত বর্ষে গিরিতুটিনীর ।
 শত শত সাধুজনসমাগমে সদা
 পবিত্র সে ভূমি : পাপ নাহি পশে সেথা

ঘনসন্নিবিষ্ট তথা নানা তরুণতা—

পিয়াল, পনস, আত্র, অশোক, কিংশুক,
শাল, সৌভাগ্যন লোধ, পদ্ম, কেকা, ভঙ্গা,
তিলক, বরুণ, জম্বু, অশ্বথ, তৃণোদ,
মধুক, বেদিশ, বেণু, তিন্দুক, পাটলি,
সুবর্ণক, সিন্ধুবার, কেতকী, কদলী,
ভূর্জ, মুচুকুন্দ আদি কত, কি বলিব ?—
ফলে, ফুলে, সৌরভেতে, অথবা ছায়ায়,
যাহার যেমন শক্তি, বিতরি সর্বশ্ব,
পালে অকাতরে এরা পরহিতব্রত।

কোথাও রয়েছে ক্ষেত্র বিবিধ শস্তের—

শ্যামক, নীবার, ধাত্ত, তণ্ডুল, চীনক, †
মুদগ, মাষ আদি, তথা শিথী নানারূপ। ‡

* এই গাথাগুলিতে বনোষধিবর্গ প্রভৃতির নামের ঘটা দেখিয়া ইংরাজী অনুবাদক হাল ছাড়িয়া দিয়াছেন। আমারও অবস্থা প্রায় তদ্রূপ। অতিকষ্টে যে গুলির স্বরূপ নির্ণয় করিতে পারিয়াছি এবং সে গুলির পারি নাই তাহা নিয়ে দেখাইতেছি। 'সৌভাগ্যন' আমাদের সজ্ঞা। 'পদ্ম' ঘারা এখানে স্থলপদ্ম বুঝিতে হইবে। 'কেকা' কি বুঝিতে পারি নাই। 'ভঙ্গা' ভাঙ্গ বা 'সিন্ধি'। তিলক একপ্রকার পুষ্পগুণ্ড। খেত ও লোহিত পুষ্পভেদে ইহা নাকি দুই প্রকার; কিন্তু ইহা আমি দেখি নাই। 'বেদিশ' কি জানি না। 'সুবর্ণক' সোন্দালি। সংস্কৃতে ইহার নামান্তর বাতঘাতক বা কর্ণিকার; মূলে ইহার পরিবর্তে 'উদ্দালক' শব্দ আছে। পাটলির বর্ণনা অভিজ্ঞানশকুন্তলেও পড়িয়াছি; ইহা বোধ হয় পারুল। 'তিন্দুক' আমাদের গাষ (গালব শব্দজ কি?) বা আবলুস এবং 'সিন্ধুবার' নিবিন্দা। মূল গাথায় 'অশোক' বৃক্ষের উল্লেখ নাই; উহা আমি জোর করিয়া বসাইয়াছি। কদলীর উল্লেখ পরবর্তী গাথায় আছে; সজ্ঞতির অনুরোধে ইহাকেও আমি স্থানচ্যুত করিয়াছি। মূলে মোচ ও কদলী পৃথক পৃথক উল্লিখিত হইয়াছে। পালি টীকাকার বলেন "মোচ" = অষ্টিকদলী, অর্থাৎ বীচে কলা। ইহা হইতেই কি আমাদের মুখরোচক 'মোচার' প্রথম উদ্ভব?

† শ্যামক—'শ্যামা' ঘাসের বীজ। লোকে ইহার চাষ করিয়া থাকে। নীবার—বনজ ধাত্ত। 'তণ্ডুলা—নিরুণকথুসা সরংজাত তণ্ডুলসীমানি' অর্থাৎ ইহা কাণ্ড হইতে তণ্ডুল রূপেই বহির্গত হয়; কঁড়া মাঁখে গায়, ইহাতে তুষও থাকে না। চীনক—চীনা। ইহা প্রথমে চীনদেশ হইতে আনিয়াছিল কি? সংস্কৃতে কিন্তু ইহার নাম ত্রিহিভেদ।

‡ মূলে হরেনুকা এই পদ আছে। পালি সাহিত্যে 'হরেনু' বলিলে মুগ, মাষ, তিল, কুলখ, অলুবা ও কুম্ভাণ্ড বুঝায়। সংস্কৃত ভাষায় 'হরেনু' শব্দে এক প্রকার মটর বুঝায়।

শোভিছে উত্তর ভাগে দর্পণের মত
সর্বত্র অভয়তট দীর্ঘ সরোবর ;
শৈবলাদিবিবর্জিত বারিরাশি তার
দেখিলে জুড়ায় চক্ষু ।

বিচরে নির্ভয়ে

মনের আনন্দে সেথা পাঠীন, শকুল,
শতবক্র, কাকমংস্ত্র, সবক্র, রোহিত,
কাকিণ্ণা, আলিগর্গর, শৃঙ্গী আদি মংস্ত্র ;
না ঘটে অভাব কভু খাণ্ডের তাদের ! *

প্রচুর খাণ্ডের লোভে রহে তার তটে
বিহঙ্গম নানা জাতি নিঃশব্দ হৃদয়ে—
হংস, ক্রৌঞ্চ, চক্রবাক, ময়ূর, কোকিল,
বহুচিত্রা, জীবজীব, উৎকোশ ইত্যাদি । †

করিতে সে বারিপান

আসে যায় অবিরত কত শত পশু—
কেহ হিংস্র, কেহ শান্ত ; মাহাত্ম্য এমনি
কিন্তু সেই আশ্রমের, ছাড়িয়াছে এরা
বৈরভাব স্বাভাবিক ; করে বারিপান
সিংহ-ব্যাঘ্র-তরঙ্গু-ভল্লুক-কোক-পার্শ্ব
গণ্ডার, গবর, অশ্ব, মহিষ, বরাহ,
বিড়াল, শশক, আর মৃগ নানা জাতি—
রোহিত, এগক, রুক, গোকর্ণ, কর্ণিকা, ‡
কদলী প্রভৃতি । পুণ্যক্ষেত্র সে আশ্রম ;

* পাঠীন—বোরাইল মাহ । শকুল—শোল মাহ ; শৃঙ্গী—শিঙ্গী মাহ । শতবক্র প্রভৃতি
কতকগুলি মাহ যে কি প্রকার তাহা বুঝিতে পারিলাম না ।

† পক্ষিপর্ব্যায়ের মূলে ময়ূর ও শিখণ্ডী উভয় শব্দই দেখা যায় । টীকাকার 'শিখণ্ডী' শব্দে
নিখাবুত পক্ষী বুঝিয়াছেন ।

‡ কোক—নেকড়ে । রোহিত, এগক, কদলী প্রভৃতি নানাজাতীর হরিণ ।

বিচিত্র কুম্বাকীর্ণ শিলাপটাসীন-
 দ্বিজকণ্ঠ-সমুখিত শাস্ত্রবাক্যে সদা
 মুখরিত ; সাধুশীল দ্বিজগণ ছাড়া
 না করে বসতি সেথা অন্ত কোন জন ।

ভগবান্ এইরূপে কৌশিকের আশ্রমের বর্ণনা করিলেন । অনন্তর-হ্রীদেবীর
 আশ্রমপ্রবেশাদি বলিতে লাগিলেন :—

তরুর হরিংশাথে ভর দিয়া চাকুগাত্রী কুটারের দ্বারদেশে যায় ;
 নীল মহামেষ হ'তে ছুটিয়া বিজলী যেন সবতীর্ণা হইল ধরায় ।
 কুম্বয় খট্টা এক, শীর্ষ প্রান্তে সুবিষ্ণু সৃগন্ধি উল্লীর শোভে যায়,
 আনি তাহা মহামুনি অজীনে আস্তৃত করি আসনার্থ দিলেন তাঁহার ।
 বলিলেন যুড়ি কর হ্রীদেবীকে অতঃপর, “কর ভদ্রে আসন গ্রহণ ;
 তব পাদস্পর্শে দেবি, পবিত্র আশ্রম এই ; অণু মোর সফল জীবন ।
 হ্রীদেবী বসেন স্থখে ; জটাজীনধারীমুনি ছুটি সরোবরে চলি যান ;
 আনিয়া কমলপত্র, গড়ি পূত পুট তাহে জলসহ করে সুখাদান ।
 দুই হস্তে লয়ে তাহা, পাইয়া পরমা তুষ্টি, হ্রীদেবী মধুর ভাবে কয়
 জটাজীন মুনিবরে, “তব দয়াহেতু আজ, লভিলাম পূজা আর জয় ।
 আজ্ঞা দেহ এবে তুমি, যাইব ত্রিদশভূমি, যথা শক্র সহস্রলোচন
 পথপানে-চরে মোর রয়েছে, মহামুনে, বিলম্ব দেখিয়া এতক্ষণ ।”
 লভি আজ্ঞা-কৌশিকের, যশের আশায় মস্তা হ্রীদেবী স্বরগে চলি যান ;
 বলে, পিতঃ, এই সুখা দেখ লভিয়াছি আমি, জয় মোরে কর এবে দান ।”
 শক্র আদি দেবগণ, কৃতাজ্ঞটিপুটে সবে সম্মান তখন করে তাঁর ;
 দেবকন্যা কুলে শ্রেষ্ঠা হ্রীদেবী হইলা তুষ্টি লভি পূজা স্থানে সবার ।
 বিচিত্র নব আসন তাঁর তরে নিয়োজন দিলা করি সহস্রলোচন ;
 দেবতা, মানব সবে দাঁড়ায় তাহার পাশে করে হ্রীর মহিমা কীর্তন ।
 শক্র এইরূপে হ্রীর যথোচিত সম্মান করিয়া ভাবিতে লাগিলেন “কৌশিক

* উল্লীর—বীর-বুল বা ধসু ধসু (বীরণ = বেণা) ।

অন্ত কাহাকেও না দিয়া হ্রীকেই যে সুধা দিলেন ইহার অর্থ কি ?” প্রকৃত কারণ জানিবার নিমিত্ত তিনি মাতলিকে পুনর্বার তাঁহার আশ্রমে পাঠাইলেন ।

[এই ভাব সুব্যক্ত করিবার জন্য শাস্তা বলিলেন :—]

পুনর্বার মাতলিকে করি সন্বেদন
সহস্রলোচন ইন্দ্র বলেন বচনঃ—
যাও কোশিকের পাশে, শুধাও তাঁহার
হ্রী একা কি হেতু লাভ করিল সুধায় ।

মাতলি ‘যে আজ্ঞা’ বলিয়া বৈষ্ণবস্তরথে আরোহণ পূর্বক যাত্রা করিলেন ।

[শাস্তা নিম্নলিখিত গাথা গুলি দ্বারা রথের সৌন্দর্য্য এবং মাতলির কোশিকাশ্রম-গমন বর্ণনা করিলেন :—]

দেবরথ সুসজ্জিত করিলা মাতলি,
আরোহিলে যায় নাহি হয় অমুভূত
পথক্লান্তি কোনরূপ, অগ্নিশিখা-সমা
উজ্জল তাহার ভাতি নয়ন ঝলসে ।
বিচিত্র যেমন রথ, সাজসজ্জাগুলি
তেমনি বিচিত্র সব; জীবা খানি তার
জাম্বুনদ বিনির্মিত; * পশু পক্ষীকত
খচিত সর্কাজে তার বিবিধ রতনে ।

হেথা নৃত্যশীল শিখী; পুচ্ছে জলে, দেখ,
বিবিধবরণ-মণিবিজ্ঞাস-রচিত
চন্দ্রক-সহস্র অই; নীলকণ্ঠ হোথা;
গো, ব্যাঘ্র, বারণ, স্বীপী, মৃগ নানাজাতি—

* বিশুদ্ধ রক্তাত সুবর্ণ । হিমালয়ে যে মহাজম্বুবৃক্ষ আছে (বাহার নাম হইতে জম্বুবীপের নামকরণ হইয়াছে) তাহার কল নদীর জলে পড়িয়া ও চূর্ণ বিচূর্ণ হইয়া স্বর্ণরেণুতে পরিণত হয় এই বিশ্বাসে বিশুদ্ধ স্বর্ণের ‘জাম্বুনদ’ নাম হইয়াছে ।

বৈদুর্ঘ্যে রচিত কেহ, কেহ মরকতে।

সকলি জীবন্ত বলি ভ্রম হয় মনে—

যেন সবে নিজ নিজ প্রতিদ্বন্দিসহ

রণে মত্ত হইয়াছে অরণোর মাঝে।

তরুণ বারণ সম অতি বীৰ্য্যবান্

সহস্র হরিৎ অশ্ব যুজিলা সে রথে

মাতলি সারথিবর; চামীকর-জালে

আচ্ছাদিত উরঃস্থল প্রত্যেক অশ্বের,

কর্ণে দুলে কনকের মালা সুশোভন।

এমনি শিক্ষিত তারা, দৃঢ়বন্ধ কভু

যোত্র দ্বারা করিবারে নাহি প্রয়োজন;

বায়ুবেগে ছুটি যায় শব্দমাত্র শুনি।

এ হেন স্যন্দনশ্রেষ্ঠে আরোহি মাতলি

চলিলা ছুটিয়া, নিনাদিরা দশদিক্

গন্তীর নির্ঘোষে; কাঁপে নভঃস্থল,

কাঁপে শৈল, বনস্পতি; সমাগরা ধরা

সে নিনাদ-অভিঘাতে উঠিল কাঁপিয়া।

উত্তরি অশনিবেগে আশ্রমে মাতলি,

আবরি একটা অংশ প্রাবরে নিজের

নিবেদন সবিনয়ে কৃতাজ্জলিপুটে

করেন ব্রাহ্মণশ্রেষ্ঠে, † যিনি দেবোপম,

সর্বশাস্ত্রবিশারদ, বৃদ্ধ জ্ঞানবলে—

* . বৌদ্ধভিক্ষুরা উত্তরীয় বস্ত্র পরিধানকালে একটা অংশ আবৃত এবং একটা অংশ অনাবৃত রাখেন। ইহার বিপরীতাচরণ অবিনয়ের চিহ্ন।

† + কৌশিককে ব্রাহ্মণ বলা হইল কেন? তিনি ত শ্রেষ্ঠি (সম্ভবতঃ বৈশ্য) কুলে জন্মিয়াছিলেন। ইহার উত্তরে ধর্মপদ (ব্রাহ্মণবগণো) দ্রষ্টব্য:—ব্রাহ্মণ যোনিজকে আমি ব্রাহ্মণ বলি না; যিনি ধ্যানশীল, আসক্তি-রহিত, একাকী অবস্থিত, কর্তব্যানুষ্ঠায়ী, পুণ্যবিমুক্ত ও অহংপ্রাপ্ত, তাহাকেই আমি ব্রাহ্মণ বলি... ইত্যাদি।

“দূত আমি, মহামুনে, শুনাই তোমারে
বাসবের আজ্ঞা যাহা ; শুধান দেবেন্দ্র :—
আশা, শ্রদ্ধা, শ্রীকে তুমি লজ্জন করিয়া
কি হেতু করিলে দান সূধা হ্রী দেবীরে ?”

মাতলির প্রশ্ন শুনিয়া কৌশিক বলিলেন :—

শ্রীদেবীর দেখি পক্ষপাত দোষ ; শ্রদ্ধার স্থিরত্ব নাই ;
আশা কুহকিনী সর্বশ্রুনাশিনী ; দেই নাই সূধা তাই ।
আর্য্যগুণ যত বিরাজ সতত করে হ্রীদেবীর মনে ;
তিনি ভিন্ন সূধা পাঁইবার যোগ্যা নাহি কেহ ত্রিভুবনে ।

অনন্তর তিনি হ্রী দেবীর গুণবর্ণনা করিতে লাগিলেন:—

রক্ষিতা পিতার গৃহে অদত্তা কুমারী,
বিধবা, সধবা কিংবা যত আছে নারী—
পর পুরুষের সনে মিলন বাসনা মনে
হয় যদি ইহাদের, হ্রী আসি তখন
পাপ পথে বিচরিতে করে নিবারণ ।
ভীষণ সমরে যবে শক্তিশরাঘাতে
কেহ মরে, কেহ ভয়ে যায় পলাইতে,
হ্রী দেবীর গুনি বাণী, নিজপ্রাণ তুচ্ছ মানি
পলায়নপর যারা যুঝে পুনর্বার,
শত্রু হস্ত হতে করে নেতার উদ্ধার ।
বেলা যথা রুদ্ধ করে বেগ সাগরের,
হ্রী তথা রোধেন ছষ্টবৃন্তি পাপীদের ।
সূর্যলোকে আর্য্যগণ হ্রীকে পূজে অমুকুণ
বলিও একথা ইন্দ্রে, হে দেবসারথি ;
হ্রীর অমুগ্রহে সবে লভেন স্মৃতি ।

ইহা শুনিয়া মাতলি বলিলেন :—

ব্রহ্মা, ইন্দ্র, প্রজাপতি, * কে বল, তাপস,
দিয়াছেন তব মনে এহেন বিশ্বাস ;
হ্রীদেবী মহেন্দ্রাঈজা, শুন উপোধন,
সুরলোকে শ্রেষ্ঠা বলি অর্চিতা এখন ।

মাতলির বাক্য শেষ হইতে না হইতেই কৌশিকের কৰ্মফল-জনিত দেহত্যাগের সময় উপস্থিত হইল। তখন মাতলি বলিলেন, “কৌশিক, তোমার আয়ুঃ ফুরাইয়াছে ; দানধর্মেরও অবসান হইয়াছে। এখন আর মনুষ্যালোকের সহিত তোমার সম্পর্ক কি ? চল, আমরা দেবলোকে যাই।”

কৌশিককে দেবলোকে লইয়া যাটবার অভিলাষে মাতলি বলিলেন:—

এই প্রিয় রথ মম আরোহণ করি
এখনই চল স্বর্গে মর্ত্য পরিহরি ।
মহেন্দ্র সগোত্র তব ; ইচ্ছা তাঁর মনে,
তুমি গিয়া বাস কর তাঁহার ভবনে ।
উঠ, মনে, যাই মোরা ইন্দ্রের সভায় ;
অদ্বৈ সকলে সেথা দেখিবে তোমায় ।

মাতলির সহিত এইরূপ আলাপ করিতেছেন এমন সময়ে কৌশিক ঔপপাতিক দেবপুঞ্জের পরিণত হইয়া দিব্যরথে আসন পরিগ্রহ করিলেন এবং মাতলি তাঁহাকে শক্রের নিকট লইয়া গেলেন। কৌশিককে দেখিয়া শক্র পরম পরিতোষ লাভ করিলেন, নিজের কণ্ঠা হ্রীকে তাঁহার অগ্রমহিবীর পদে নিয়োজিত করিয়া দিলেন এবং তাঁহাকে অপার ঐশ্বর্যদান করিলেন।

“মহাপুরুষদিগের কৃতকার্যের এইরূপই বিস্ময়কর হইয়া থাকে” ইহা বলিয়া শাক্ত নিম্নলিখিত গাথা দ্বারা জাতক সমাপ্ত করিলেন :—

ব্রহ্মা ও প্রজাপতি সংস্কৃত ভাষায় একই দেবতার ভিন্ন ভিন্ন নাম। কিন্তু পালি গ্রন্থকার এখানে ইহাদিগকে পৃথক্ কল্পনা করিয়াছেন।

ঔপপাতিক অর্থাৎ শুক্রশোণিত-সংযোগ বিনা জাত। মর্ত্যালোকে স্ত্রীবোৎপত্তির অল্প স্ত্রীপুরুষের সমম আবশ্যিক ; কিন্তু দেবলোকে স্ত্রীশরীরী হইবার অল্প ইচ্ছা প্রয়োজন নাই।

পুণ্যাত্মার কর্মে	ফলে শুভফল,	সদা দেখিবারে পাই ;
সুকৃতির ফল	হয় চিরস্থায়ী ;	বিনাশ তাহার নাই ।
কৌশিক আশ্রমে	হীকে সুধাদান	দেখিল যে সব জন,
দিব্য জ্ঞান লভি	ইন্দ্রের সভায়	দেহান্তে করে গমন ।]

[এইরূপে ধর্মোপদেশ দিয়া শাস্তা বলিলেন, “ভিক্ষুগণ, কেবল এজন্যে নহে, পূর্ব এক জন্মে ও আমি এই দানকুণ্ড কুপণাধমের মতি পরিবর্তন করিয়াছিলাম ।”

সমবধান—তখন উৎপলবর্ণা ছিল হীদেবতা ; এই দানবীর ভিক্ষু ছিল কৌশিক ; অনিরুদ্ধ ছিল পঞ্চশিখ ; আনন্দ ছিল মাতলি ; কাশ্যপ ছিল সূর্য্য ; মৌদ্গল্যায়ন ছিল চন্দ্র ; শারীপুত্র ছিল নারদ ; এবং আমি ছিলাম শক্র ।]

যে সকল জাতক উৎকৃষ্ট বলিয়া পরিগণিত, সুধাতোজনজাতক তাহাদের অন্ততম । কৌশিককর্তৃক সুধাদান-বৃত্তান্ত পাঠ করিলে শ্রীবৎসরাজার নিকট প্রাধান্তপ্রার্থী শনি ও লক্ষ্মীর, কিংবা টুম্বরাজপুত্র পারিশের সম্মুখে সুবর্ণ-সেব ফলপ্রার্থিনী গ্রীকদেবীজয়ের আবির্ভাব-কাহিনী মনে পড়ে । কিন্তু গ্রীকদেবীরূপগর্ভিতা ও রূপজিগীষা-পরায়ণা ; বৌদ্ধদেবীচতুষ্টয় রূপসম্বন্ধে উদাসীনা, গুণপ্রাধান্তের জন্তই লালসিতা । হিন্দু ও গ্রীক আধ্যাত্মিক পরাজিত দেবতার বিচারপতিদিগের চিরশক্র হইয়াছিলেন এবং তাহাদের নানারূপ অনিষ্ট করিয়াছিলেন । কিহুবৌদ্ধদেবীগণ একরূপ নীচতা প্রদর্শন করেন নাই ।

আশার সুন্দরীমূর্তি দেখা যায় গ্রীক পুরাণবর্ণিত প্যাণ্ডোরার আধ্যাত্মিক জাতককার আশার কুহকিনী মায়াবিনী ভাবেই দেখিয়াছেন ।

হী লজ্জা—পাপকার্যের বাধাদায়িনী বিবেকহীতা—“ছি ! আমি মানুষ হইয়া মানুষের অকার্য্যসাধনে অগ্রসর হইতেছি” এই বুদ্ধি, বিবেচনা বা আত্মধিকৃতি ।

সাহিত্য-সংহিতা।

নবপর্যায়, ৫ম খণ্ড।] ১৩২৩ সাল, জ্যৈষ্ঠ। [২য় সংখ্যা

সুশ্রুতের আদর্শ।

(পূর্বানুভূতি)

(২) শারীর স্থান।

সুশ্রুতের আদর্শ সম্বন্ধে প্রথম প্রবন্ধে, বিগত ১৩২২ সালের জ্যৈষ্ঠমাসের সাহিত্য-সংহিতা পত্রিকায়, সুশ্রুতস্থানের কতিপয় অধ্যায় সম্বন্ধে আলোচনা করিয়া আমরা দেখাইতে প্রয়াস পাইয়াছি, যে গ্রন্থের মুদ্রাক্ষন বিষয়ে আদর্শগ্রন্থের প্রাচুর্য্য থাকা বিশেষ আবশ্যিক। কিন্তু নিতান্ত দুঃখের বিষয় এই যে আদর্শ হস্তলিখিত গ্রন্থের অভাব বশতঃ প্রথম মুদ্রাক্ষনে যেরূপ পাঠাদি পরিগৃহীত হইয়াছিল, পরবর্তী সংস্করণগুলিতেও প্রায় সেইরূপ পাঠই স্বীকৃত হইয়াছে। এপর্য্যন্ত সুশ্রুতের মুদ্রাক্ষন অনেকবার হইয়া গিয়াছে, কিন্তু সর্বত্রই সেই “গতানুগতিক” ব্যাপারই পরিদৃষ্ট হয়।

বর্তমান প্রবন্ধে সংক্ষেপে সুশ্রুতের “শারীর স্থানের” মূল ও উল্লনাচার্য্য কৃত টীকার পাঠের অনৈক্য কথঞ্চিৎ আলোচনা করিতে প্রয়াস করা গিয়াছে। আমরা মূল শারীর স্থান ও উল্লনের টীকার হস্তলিখিত পাঁচ খানি আদর্শের একতায় এই পাঠের বিভিন্নতা এইস্থানে প্রকটিত করিতে চেষ্টা করিয়াছি। ইহার মধ্যে পাঁচ খানিতে মূল ও তিন খানিতে মূল ও উল্লনের টীকা আছে। বর্তমানে মুদ্রিত সটীক সুশ্রুতের সহিতও আমরা মিল করিয়া আমাদের এই আদর্শ সংগ্রহের বর্ধ করিয়াছি।

সংস্কৃত গ্রন্থের প্রাচীন হস্তলিপি অবলম্বন পূর্বক আদর্শ প্রণয়ন করা কিরূপ হ্রস্ব কার্য্য, তাহা ভুক্তভোগী মাত্রেই অবগত আছেন। যাহারা এইরূপ

কার্যে হস্তক্ষেপ করিয়াছেন, কেবলমাত্র তাঁহারাষ্ট ইহাতে কিরূপ কঠিন পরিশ্রম স্বীকার করিতে হয় তাহা বুঝিতে পারেন । সংস্কৃত গ্রন্থের মুদ্রাক্ষর বঙ্গদেশেই বোধ হয় সর্বপ্রথম আরম্ভ হইয়াছিল, কিন্তু অধুনা সংস্কৃতগ্রন্থপ্রকাশ ব্যাপারে বোম্বাই প্রদেশই সর্বপ্রধান উদ্যোগী, মাদ্রাজ ও বারাণসী প্রদেশও নিতান্ত উপক্ষণীয় নহে ।

সে যাহা হউক, সূক্ষ্মত গ্রন্থের শারীর স্থানের পাঠান্তর সম্বন্ধে এখন কিঞ্চিৎ আলোচনা করা যাইতেছে ।

(ক)

আহার রস, আত্মার সন্নিকর্ষ, সজ্বাদিগুণের উৎকর্ষ ও গর্ভাধানের পরে শরীরের হিতকর আহারের উপযোগনিবন্ধন গর্ভস্থ শিশুর অঙ্গ ও প্রত্যঙ্গ সমূহের সমুৎপত্তি হইয়া থাকে, আয়ুর্বেদ আচার্যগণ এইরূপ বলিয়া গিয়াছেন । আমরা সূক্ষ্মতের বিভিন্ন আদর্শে পাঠক্রমে ইহার বক্ষ্যমাণ পরিবর্তন দেখিতে পাইয়াছি :—

(অ)

গর্ভস্য কেশ-শ্মশ্রু-নখ-লোম-দস্তাঙ্গি-শিরা-স্নায়ু-প্রভৃতীনি স্থিরানি পিতৃ-
জানি ।” (১৬ আদর্শে)

(আ)

“ × × × কেশ-শ্মশ্রু-লোম-নখ-দস্ত-শিরা-স্নায়ু-ধমনী-রৈতঃ-প্রভৃতীনি
× × × ।” (৩১৭ আদর্শে)

(ই)

“ × × × কেশ-শ্মশ্রু-লোমাঙ্গি-নখ-দস্ত-শিরা-স্নায়ু-ধমনী-রৈতঃ...।”
(২য় আদর্শে)

গর্ভস্থ শিশুর শ্মশ্রু, নখ, লোম, দস্ত, অঙ্গি, শিরা, স্নায়ু, ধমনী ও রৈত প্রভৃতি শরীরের স্থির অংশগুলি পিতা হইতে উৎপন্ন হইয়া থাকে ।

(খ)

নাভি হইতে শিরাসমূহ প্রাদুর্ভূত হইয়া সমস্ত শরীর সমাচ্ছাদিত করিয়া থাকে, এই বিষয়ে সূক্ষ্মতের অন্ততম আদর্শে পাঠ প্রাপ্ত হইয়াছি :—

“প্রাপ্নুবস্ত্যভিতো দেহং নাভিতঃ প্রস্বতাঃ শিরাঃ।

প্রতানাঃ পদ্মিনীকন্দাধিসাদীনাং জলং যথা ॥”

(৭ ম অ० শরীরে)

২।৬।৭ আদর্শে “প্রাপ্নুবস্তি” স্থলে “ব্যাপ্নুবস্তি” এবং “জলং যথা” স্থানে ৩।৬ আদর্শে পাঠ আছে, “যথা জলম্”। কিন্তু এস্থলে উল্লনকৃত টীকার সপ্তম আদর্শে যে পাঠটি প্রাপ্ত হইয়াছি, অগ্ৰত্ৰ মুদ্রিত বা অমুদ্রিত গ্রন্থের সর্বত্রই তাহার প্রচ্যুতি ঘটিয়াছে! নিম্নে উহা সমুদ্রুত হইল :—

“যথা বিশাদীনাং প্রতানা বিস্তারাঃ পদ্মিনী-কন্দাং প্রস্বতা জলং ব্যাপ্নুবস্তি, তথা নাভিতঃ প্রস্বতাঃ শিরাঃ সর্বতঃ শরীরং ব্যাপ্নুবস্তি।”

যে রূপ পদ্যের কন্দ হইতে মৃণালের অঙ্কুরসকল নানাদিকে জল মধ্যে প্রবিষ্ট হইয়া থাকে, সেইরূপ নাভিমূল হইতে শিরাসমূহ বহির্গত হইয়া সকল-শরীরে ব্যাপ্ত হইয়া থাকে।

(গ)

ধাতুসমূহের মর্যাদাজ্ঞাপক রেদবিশেষ “কলা” নামে অভিহিত হইয়া থাকে। শরীরের সপ্ত কলা বিद्यমান, “পুরীষাধরা” উহার অগ্ৰতম — পঞ্চম “কলা”। এই কলার লক্ষণ জ্ঞাপনার্থ সুশ্রুত শারীরের চতুর্থ অধ্যায়ে বলিয়া ছেন ;—

“পঞ্চমী পুরীষ-ধরা নাম, যাহন্তঃ কোষ্ঠে মলং বিভজতি পকাশয়শ্চেতি।”

মুদ্রিত বা অমুদ্রিত গ্রন্থ সর্বত্রই এই স্থানের উল্লনকৃত ব্যাখ্যার প্রস্থলন দেখা যায়, কিন্তু দ্বিতীয় ও সপ্তম আদর্শে এই স্থানের ব্যাখ্যায় দেখিতে পাই-তেছি ;—

“পকাশয়শ্চ অস্তঃ কোষ্ঠ ইতি কোষ্ঠশান্তমধ্যমস্তঃকোষ্ঠং পুনস্তম্বিন্ মলং মুত্রপুরীষতয়া বিভজতি। গয়ী তু অস্তঃকোষ্ঠে কোষ্ঠমধ্যে তত্রাপি রসবভাগে কিটুশ্চ পুরীষতাত্তং পুরীষং কোষ্ঠে বিভজতি কোষ্ঠাং পৃথক্ করোতি। সা চাত্ৰ পুরীষবিভাগোহগ্নিমাকৃতকৃতোহপি তত্রাগ্নিকৃতো যথা বিরেচয়তি চ রস মুত্রপুরীষানি মাকৃতকৃতোযথা সোহরং পচতি তজ্জাংশ বিশেষান্ নিবিনক্তি হীতি ব্যাখ্যাতি। পকাশয়শ্চেতি পুরীষশ্চ পকাশয়স্থিতত্বাৎ। কোষ্ঠং পুনরামপকাশয়শ্চ। তথা চ কোষ্ঠলক্ষণম্—

স্থানাগ্রামাণিপকানাঃ মূত্রশ্চ কৃধিরশ্চ চ ।

হৃৎকুকুস্কুস্চ কোষ্ঠ ইত্যভিধীয়তে ॥

তেন কোষ্ঠস্থিতাপি পুরীষশ্চ পকাশয়স্থিতদ্বাঘ্রাহল্যেন পকাশয়স্থা কথ্যতে ।*

পুরীষধরা নামক পঞ্চম কলা কোষ্ঠের অভ্যন্তরে পকাশয়ে অৱস্থিতি করিয়া মূত্র ও পুরীষরূপে মলের বিভাগ ক্রিয়া সম্পাদন করিয়া থাকে ।

ডল্লনাচাৰ্য্য উল্লিখিতরূপে কলার লক্ষণের নিজে ব্যাখ্যা করিয়াছেন, কিন্তু গয়ী * বলেন, পুরীষধরা কলা কোষ্ঠের অভ্যন্তরে রসবিভাগের জন্য কিটুকপী মলকে পৃথক্ করিয়া থাকে । রস ও মলের এই বিভাগ ও পচন ক্রিয়া কোষ্ঠস্থিত অগ্নি ও বারুকৰ্ত্তৃকই নিষ্পন্ন হইয়া থাকে । পকাশয়েই রস ও মল (মূত্র ও পুরীষ) পৃথক্কৃত হইয়া থাকে ; এইজন্যই উল্লিখিত হইয়াছে “পকাশয়স্থা,” কেননা আমাশয় ও পকাশয়ও কোষ্ঠেই বর্তমান থাকে । কোষ্ঠের লক্ষণে অভিহিত হইয়াছে, আমাশয়, অগ্ন্যাশয়, পকাশয়, মূত্রাশয়, রক্তাশয়, হৃদয়, উণ্ডুক ও কুস্কুস এই সকল শরীরাবয়বের সমষ্টি লইয়াই কোষ্ঠের মৰ্যাদা স্বীকৃত হইয়াছে, স্তৱরাঃ ঐগুলি সমুদয়ই কোষ্ঠের অন্তর্গত ।

(ঘ)

শারীর স্থানের ধমনী-ব্যাকরণ নামক নবম অধ্যায়ে পাঠের নিম্নলিখিত রূপ বিভিন্নতা পরিলক্ষিত হইয়া থাকে ।

(১)

(অ)

“তোয়বহে হে মূত্রবস্তি মভি-প্রতিপন্নৈ ।” (৩১৪)

(আ)

“তোয়বহে হে মূত্রবস্তি মভি-প্রপন্নৈ মূত্রবহে হে ।” (১১২১৬)

(২)

(অ)

“হে শুক্রবহে । হে শুক্রপ্রাহুর্ভাবায় হে বিসর্গায় হে ।” (৩)

* গয়ী, ডল্লন অপেক্ষা পূৰ্ব্বতন সূত্রতের অন্ততম প্রামাণিক টীকাকার । ইহার নাম গয়দান, কিন্তু ডল্লন স্বকৃত সূত্রতটীকায় নামের সংক্ষেপ করিয়া কখনও “গয়ী” আর কখনও বা পূর্ণনাম “গয়দান” বলিয়াই ইহাকে অভিহিত করিয়া গিয়াছেন ।

(আ)

“শুক প্রাহুর্ভাবায় ধে বিসর্গায় ধে।” (১।৭)

(ই)

“শুকবহে শুক্রপ্রাহুর্ভাবায় ধে বিসর্গায় ধে।” (২)

(ঙ)

“ধে শুক্রবহে ধে শুক্রপ্রাহুর্ভাবায় ধে বিসর্গায়।” (৪।৬)

(৩)

(অ)

“ত এব রক্তমভিবহন্ত্যো. বিসৃজতশ্চ নারীগামার্ত্তবসংজ্ঞম্।” (১।৭)

(আ)

“তে এব রক্তমভিবহতো বিসৃজতশ্চ নারীগামার্ত্তবসংজ্ঞে।” (২)

(ই)

“তে এব রক্তমভিবহতো নারীগামার্ত্তবসংজ্ঞম্।” (৩।৪।৬)

জলীয় ধাতু বহনকারিণী ধমনী দুইটি এবং শুক্রধাতু বাহিনী ধমনী চারিটি ; ইহাদিগের মধ্যে কাহারও দ্বারা “সংগ্রহণ” এবং অপরের দ্বারা “নির্গমন” ক্রিয়া সম্পন্ন হইয়া থাকে। যাহারা পুরুষের শুক্রবাহিনী, তাহারাই জ্বীলোকের আর্ন্তব রক্তের সংগ্রহণে ও নির্গমনে ব্যাপৃত আছে।

(৩)

জ্বীলোকের গর্ভপরিগ্রহণের পরে প্রতিমাসিক আহার ও আচার বিধির পরিপালন প্রসঙ্গে দশম অধ্যায়ে উক্ত হইয়াছে ;—

(১)

(অ)

“চতুর্থে পমোনবনীতসংসৃষ্টমাহারয়েজ্জাঙ্গল-মাংসসহিতং হৃদয়ময়ং ভোজ-
য়েৎ।” (১।২।৪।৬।৭)

(আ)

“চতুর্থে পমোনবনীত-সংসৃষ্টমাহারয়েৎ * * *।” (৩)

(২)

(অ)

“পঞ্চমে ক্ষীরসংসৃষ্টম্।” (১)

(আ)

“পঞ্চমে ক্ষীরসর্পিঃ-সংসৃষ্টম্।” (২।৪।৬।৭)

(ই)

“পঞ্চমে কীরং সর্পিঃ সংসৃষ্টম্ ।” (৩)

(৩)

(অ)

“ষষ্ঠে ঋদংষ্ট্রাসিদ্ধস্ত সর্পিষো মাত্রাং যবাগুংবা পায়য়েৎ ।” (১২১৭)

(আ)

“ষষ্ঠে ঋদংষ্ট্রাসিদ্ধস্ত সর্পিষো মাত্রাং যবাথাবা পায়য়েত ।” (৩)

(ই)

“ষষ্ঠে ঋদংষ্ট্রাসিদ্ধস্ত সর্পিষো মাত্রাং পায়য়েদ্ যবাগুংবা ।” (৪১৬)

চতুর্থমাসে গর্ভিণীকে দুগ্ধ বা নবনীত সংযুক্ত আহাৰ্য্য বস্তু প্রদান করিবে । এই সময়ে হরিণ প্রভৃতি জঙ্গল পশুর মাংসরস বিশেষ হিতকর ; যথাসম্ভব উল্লিখিত উপাদান সহ গর্ভিণীর ক্রটি অনুসারে অন্নের ব্যবস্থা করা বিধেয় ।

পঞ্চম মাসে দুগ্ধ ও ঘৃত সংযুক্ত উপযুক্ত অন্ন আহাৰ্য্যার্থে গর্ভিণীকে প্রদান করিবে ।

ষষ্ঠমাসে গোকুর কাথে সিদ্ধ ঘৃত বা যবাগু যথোপযুক্ত মাত্রায় গর্ভের ও গর্ভিণীর বলবিধানার্থ প্রদান করা হিতকর ।

(৫)

গর্ভস্রাব দোষ পরিহারার্থ সূত্রতে প্রতিমাসে যে যোগগুলি ব্যবহারের জন্য উপদিষ্ট হইয়াছে, তাহার নবম ও দশম মাসিক বিধানে দেখা যায় ;—

(অ)

“নবমে মধুকানস্তাং পরশ্চাং সারিবাং পিবেৎ ।

পরশ্চাং দশমে শুষ্ঠী সিদ্ধমেবং প্রশস্ততে ॥” (৩)

(আ)

“নবমে মধুকানস্তা পরশ্চা শরিবাঃ পিবেৎ ।

কীরং শুষ্ঠী-পরশ্চাভ্যাং সিদ্ধংস্তাদশমে হিতম্ ॥” (১২১৪।৬।৭)

গর্ভস্রাবের আশঙ্কা পরিহারার্থ নবমমাসে ষষ্টিমধু, অনন্তমূল ও কীরবিদারী সিদ্ধ এবং দশমমাসে শুষ্ঠী ও কীরবিদারীসিদ্ধ দুগ্ধপান করান বিধেয় * ।

* সাধারণতঃ গর্ভিণীর গর্ভাবস্থার কিরূপ আহাৰ ও আচার অবলম্বন করা বিধেয় এবং

(ছ)

পরিণতবয়স্ক পুত্রের বিবাহ প্রসঙ্গে সুশ্রুত শারীরের দশম অধ্যায়ে বলিয়াছেন ;—

(১)

(অ)

“অথাশ্চৈ পঞ্চবিংশতিবর্ষায় দ্বাদশবার্ষিকীং পত্নীমাবহেৎ পিতৃ-ধর্মার্থ-কাম-প্রজাঃ প্রাপ্যতীতি ।” (৩)

(আ)

“* * * দ্বাদশবর্ষাং পিত্র্যধর্মার্থ...” । (১৪৮৬৭)

“* * * দ্বাদশবর্ষাং * * * পিত্র্যধর্মার্থ * * * প্রাপ্যতে ইতি ।” (২)

বিদ্যাশিক্ষার পরে পিতা যখন দেখিবেন পুত্রের পঞ্চবিংশতিতম বৎসর বয়সক্রম হইয়াছে, তখন তাহার সহিত দ্বাদশ বর্ষীয়া কন্তার বিবাহ দিবেন, কারণ এই বয়সেই সন্তানগণ, পিতৃঋণ, ধর্মাসুষ্ঠান, অর্থোপার্জন, বিষয়-সুখ-সন্তোষ ও সন্তান উৎপাদনে সমর্থ হইয়া থাকে ।

(২)

প্রশস্ত সন্তান উৎপাদন বিষয়ে সুশ্রুত আরও বলিয়াছেন ;—

(অ)

“উনদ্বাদশবর্ষায়ামপ্রাপ্তঃ পঞ্চবিংশতিম্ ।

যথাধত্তে পুমান্গর্ভঃ কৃক্ষিস্থঃ স বিপদ্যতে ।

জাতো বা ন চিরং জীবেদ্ জীবেষ্বা দুর্বলেন্দ্রিয়ঃ ।

তস্মাদত্যস্ত-বালায়াং গর্ভাধানং ন কারয়েৎ ।” (২১৭)

(আ)

‘উনদ্বাদশবর্ষায়ামপ্রাপ্তে পঞ্চবিংশতিম্ ।’ (১)

(ই)

উনষোড়শবর্ষায়ামপ্রাপ্তঃ পঞ্চবিংশতিম্ ।” (৩৪৮৬)

ইহার ব্যাখ্যায় ডল্লনের টীকাতেও দেখিতে পাই ;—

গর্ভিণীর গর্ভবিচ্যুতি দোষের সম্ভাবনা থাকিলেই বা কিরূপ নিয়ম অবশ্য প্রতিপাদ্য;—আনুর্বেদ গ্রন্থে গর্ভের সূচনা (প্রথম মাস) হইতে আরম্ভ করিয়া প্রসবকাল (দশম মাস) পর্যন্ত তাহার বিহিত বিধান বর্ণারীতি একটি হইয়াছে, এ স্থলে বাহ্যিক বিবেচনার সমুদয় আহার ও আচার বিধির উল্লেখ করা গেল না ।

(অ)

অপ্রাপ্ত-পঞ্চবিংশতেকুন্বাদশবর্ষয়া * সহ সংযোগাদ্ দোষং দর্শয়ামাহ ।”

(১১২৭)

(আ)

“অপ্রাপ্ত পঞ্চবিংশতেকুন্বোড়শবর্ষয়া ।” (৫)

অপূর্ণপঞ্চবিংশতিবৎসরবয়ঃক্রম পুরুষ ও অপ্রাপ্তষাদশবৎসরবয়স্কা স্ত্রীর যে সন্তান জন্মিয়া থাকে, সে হয়ত গর্ভেই মৃত হয় ; আর যদি বা জীবিত অবস্থাতে ভূমিষ্ঠ হয়, তাহা হইলেও দীর্ঘজীবন লাভ করে না, অথবা রুগ্ন ও ক্ষীণবল হইয়াই দুর্বল দুঃখময় জীবন ধারণ করিয়া থাকে ।

সুশ্রুতের শারীর স্থানের মূল বা ডল্লনের টীকা কিরূপ ভ্রমপ্রমাদ সংবলিত হইয়া প্রকাশিত হইতেছে, আমরা এই প্রবন্ধে যতদূর দেখাইয়াছি, তাহাই প্রমাণ পক্ষে যথেষ্ট হইয়াছে ; সুতরাং এইখানেই শারীর স্থান সম্বন্ধীয় এই প্রস্তাবের উপসংহার করা গেল । অতঃপর অন্যান্য স্থানগুলির ভ্রম ও প্রমাদ প্রকটিত করিতে অভিলাষ রহিল ।

কবিরাজ—শ্রীমথুরানাথ মজুমদার কাব্যতীর্থ-কবিচিন্তামণি ।

* আমরা যে সকল হস্তলিখিত আদর্শ অবলম্বন করিয়াছি, তন্মধ্যে তিনখানিতে “উন্বাদশ” পাঠ প্রাপ্ত হইয়াছি, ইহার মধ্যে তিন শত বৎসরের প্রাচীনতম গ্রন্থও আছে । এই সকল আদর্শের মূলে বা ডল্লনের টীকায় উভয়ত্র “উন্বাদশ” এই পাঠ আছে, উপরে তাহা প্রশংসা করা হইয়াছে । এ পর্য্যন্ত সুশ্রুতের যত মুদ্রাক্ষর দেখিতে পাওয়া গিয়াছে, সর্বত্রই “উন্বোড়শ” পাঠ দৃষ্ট হইয়াছে । কোন কোন হস্তলিপিতেও “উন্বোড়শ” পাঠ দেখিতে পাওয়া গিয়াছে । কিন্তু সুশ্রুতের সর্বত্রই যখন “সপ্ত উল্লেখ রহিয়াছে, “ষাদশ বর্ষীয়া স্ত্রীর সঙ্গিত পঞ্চবিংশতি বর্ষ বয়স্ক পুরুষের বিবাহ বিধেয়” তখন এই স্থলে “উন্বাদশ” এই পাঠই অধিক সমীচীন ; কারণ স্বাভাবিক রজঃ প্রবর্তনাই স্ত্রীলোকের যৌবন ও গর্ভধারণ কাল নির্দেশ করিয়া থাকে । এইজন্যই সুশ্রুত স্থানান্তরেও বলিয়াছেন ;—

“রসাদেব স্ত্রিয়া রজঃ রজঃ-সংজ্ঞঃ প্রবর্ততে ।

তদ্বর্ষাদ্ ষাদশাদৃচ্ছং বাতি পকাশতঃ কয়ম্ ।”

(১৪ অং সূত্রং)

আরও :—

“তদ্বর্ষাদ্ ষাদশাং কালে বর্তমানমস্ক পুনঃ ।

জরাপকশরীরগাং বাতি পকাশতঃ কয়ম্ ।”

(৩ অং শারীরং)

স্ত্রীলোকের রজোরক্ত, রস ধাতু হইতে উৎপন্ন হয় ; উহা ষাদশ বর্ষ হইতে পকাশ বৎসর পর্য্যন্ত বর্তমান থাকে এবং তৎপরে দেহের জড়তা নিবন্ধন ক্রমে কয়প্রাপ্ত হইয়া থাকে ।

মহাকবি ক্লেমেন্ডের “চারুচর্যা” ।

(পূর্বানুবৃত্তি)

৭৮ । ধূর্তের সর্বগ্রাহিতা স্বাভাবিক ।

পদ্মবন নয়েৎ কোশং ধূর্ত-ভ্রমর-ভোজ্যতাম্ ।

সুরৈঃ শক্রেণ নীতার্থঃ শ্রীহীনোহভূৎ পুরাশু ধিঃ ॥

ক্রুর ভ্রমর মধু আহরণ করিতে করিতে লোভে পদ্মকোশ পর্য্যন্ত ভক্ষণ করিয়া ফেলে, ধূর্তব্যক্তিও সেইরূপ অতি লুক্কতার অর্থকোশ পর্য্যন্ত অপহরণ না করিয়া নিবৃত্ত হইয়া না। দেবরাজ ইন্দ্র সুরগণের সহিত সমুদ্র মন্থন করিয়া, ধন ও রত্ন প্রভৃতি তা গ্রহণ করিয়াছিলেনই, অধিকন্তু সমুদ্রকে একেবারে “শ্রীহীন” পর্য্যন্ত না করিয়া তাঁহারা বিরত হইয়া নাই ।

“ততঃ শতসহস্রাংশুমধ্যমানান্তু সাগরাৎ ।

প্রসন্নাত্মা সমুৎপন্নঃ সোমঃ শীতাংশুরজ্জলঃ ॥

শ্রীরনন্তরমুৎপন্নো ঘৃতাৎ পাণ্ডুরবাসিনী ।

সুরাদেবী সমুৎপন্নো তুরগঃ পাণ্ডুরস্তথা ॥

কৌন্তভস্ত মণিদিব্য উৎপন্নো ঘৃতসস্তবঃ ॥

শ্রীঃ সুরা চৈব সোমশ্চতুরগশ্চ মনোজবঃ ।

যুতো দৈবাস্তুতো জগ্মুরাদিত্যপথমাশ্রিতাঃ ॥

(মহাভারত ।)

সমুদ্রমন্থনে প্রথমে শীতাংশু চন্দ্রমা, তৎপরে শ্বেতবসনা শ্রীদেবী, অনন্তর মানসমোহিনী সুরাদেবী, সুধাধবল তুরঙ্গম উচ্চৈঃশ্রবা ও কৌন্তভ মণি প্রভৃতি ক্রমে ক্রমে প্রাহৃত হইয়া, আদিত্য পথে দেবগণের সন্নিকটে উপস্থিত হইয়াছিলেন । স্বার্থপর ইন্দ্রাদি দেবগণ, সমুদ্র হইতে সারভূতরত্ন সকল গ্রহণ করিয়াও হুরাকাজ্জার বশে পরিতুষ্ট হইলেন না ! তাঁহারা দুর্বার আশা তৃষ্ণার বিমৌহিত হইয়া, পুনর্বার মন্থন করিতে প্রবৃত্ত হইলেন ! তাহাতে বিশ্বধ্বংসের ভয় ভীষণ হলাহল উখিত হইয়া পড়িল ! (৩৭ শ্লোক ব্রহ্মব্যা ।)

৭৯ । বিষয়াক্ষের তত্ত্ববিমূঢ়তা ।

নোপদেশামৃতং প্রাপ্তং ভগ্নকুন্তনিভং ত্যজেৎ ।

পার্শ্বো বিশ্বতগীতার্থঃ সান্নয়ঃ কলহেহভবৎ ।

অমৃতকল্প তত্ত্বজ্ঞানের উপদেশ প্রাপ্ত হইয়া ভগ্নকুন্তের গ্রাম তাহা পরিত্যাগ করিতে নাই । ভগবান্ শ্রীকৃষ্ণ, অর্জুনকে গীতায় সারজ্ঞানের উপদেশ প্রদান করিলেও, বিষয়প্রমূঢ় পার্থ গীতার তত্ত্বজ্ঞান বিশ্বত হইয়া, ঈর্ষ্যাভরে ভীষণ সংগ্রামে পৃথিবী জনশূন্য করিয়া ফেলিয়াছিলেন ।

গীতার প্রারম্ভেই দেখা যায়, রণকামুক মহাবীর অর্জুন, আত্মীয় বান্ধব প্রভৃতিকে সংগ্রাম ভূমিতে সমুপস্থিত দেখিয়া, সকলের বিনাশ আশঙ্কায় যুদ্ধ হইতে প্রতিনিবৃত্ত হইতে ইচ্ছা করিয়াছিলেন । অর্জুনের এই আগন্তুক রণ-বৈরাগ্য দর্শন করিয়া ভগবান্ শ্রীকৃষ্ণ তাঁহাকে সংসারের অসারতা প্রদর্শন পূর্বক তত্ত্বজ্ঞানের উপদেশ প্রদান করিয়াছিলেন । অর্জুন যদি প্রকৃতই তত্ত্বজ্ঞানের অধিকারী হইতে সক্ষম হইতেন, তাহা হইলে বন্ধুগণের বিয়োগ আশঙ্কায় প্রথমে তিনি যেকোন যুদ্ধে অনাস্থা দেখাইয়াছিলেন, পীযুষধারা-বর্ষী ব্রহ্মতত্ত্বরসের আশ্বাদ উপভোগ করিয়াও পরিণামে তিনি সেইরূপ সর্বভূতের হিতৈষণা অবলম্বনপূর্বক নিশ্চয়ই যুদ্ধপরিহার পূর্বক নিজজীবনে বৈরাগ্য ব্রত ধারণ করিতেন । সর্বভূতান্তর্ধামী ভগবান্ শ্রীকৃষ্ণ, অর্জুনের বিষয়প্রমূঢ় প্রকৃতির এই দৌর্বল্য অনুভব করিয়াই গীতার উপসংহারে তাঁহাকে বলিয়াছিলেন ;—

“যদহঙ্কারমাশ্রিত্য ন যোংস্ত ইতি মনুসে ।

মিথৈষ ব্যবসায়ন্তে প্রকৃতিস্তাং নিযোক্যতি ।”

কি জানি, যুদ্ধে যদি তোমার আত্মীয় স্বজনের বিয়োগ ঘটে, সেই আশঙ্কা-তেই তুমি কেবল নিজের অহঙ্কারের (মমত্বের) বশবর্তী হইয়া যুদ্ধ করিবে না, এই কণিক অসার প্রতিজ্ঞাতে আবদ্ধ হইতে ইচ্ছা করিও ! কিন্তু “যুদ্ধ করিব না,” তোমার এই উচ্চম বৃথা বলিয়াই জানিও । নিজের প্রকৃতিকে বিষয়পূরতন্ত্রতা হইতে বিমুক্ত করিবার ক্ষমতা তোমার কিছুমাত্র নাই, একথা

তুমি নিশ্চয় জানিও। সুতরাং ঐশ্বর্যের কুহকে বিমুগ্ধ হইয়া তুমি. আপনা হইতেই রাজ্যভোগ লালসায় নিশ্চয়ই যুদ্ধে প্রবৃত্ত হইবে।

ভগবানের এই মর্শস্পর্শী উপদেশ বাক্য শ্রবণ করিয়া অর্জুন নিজ হৃদয়ের দৌর্বল্য বুঝিতে সক্ষম হইলেন। অতঃপর তিনি মুক্তকণ্ঠে বলিলেন ;—

“নষ্টো মোহঃ স্মৃতিলাকা তৎ প্রসাদান্নরাচ্যুতঃ ।

স্থিতোহশ্মি গতসন্দেহঃ করিষ্যে বচনং তব ॥”

হে অচ্যুত, আপনার অহুগ্রহে আমার কণিক মোহ বিদূরিত হইয়াছে এবং আমরা কি ছিলাম এবং এক্ষণেই বা কিরূপ অবস্থাতে নিপতিত হইয়াছি, তাহাও আমার স্মৃতিপথে সমুদিত হইয়াছে। আমার অসার সন্দেহ দূরীভূত হইয়াছে, এক্ষণে আমি দৃঢ়তার সহিত যুদ্ধের জন্ত প্রস্তুত হইয়াছি। যুদ্ধে জয় লাভ করিতে আপনি আমাকে যেরূপ পরামর্শ প্রদান করিবেন, আমি নিরোধার্থ্য পূর্বক তাহাই প্রতিপালন করিব, নিশ্চয় জানিবেন।

ভগবানের উপদেশের সারবত্তা হৃদয়ঙ্গম করিতে পারিলে অর্জুন নিশ্চয়ই “কৃপাণ” পরিত্যাগ পূর্বক “কৌপীন” ধারণ করিয়া মূনিবৃত্তি অবলম্বন করিতেন। সংসারের এই বিষম ঘাত ও প্রতিঘাতে বিষয়াসক্ত কোন মানবের চিন্তে প্রকৃত বৈরাগ্যের ভিত্তি যে কখনও প্রতিষ্ঠিত হয় নাই, এইরূপ নহে। প্রসিদ্ধ মার্কণ্ডেয় পুরাণে ইহার সমুজ্জ্বল দৃষ্টান্ত প্রকটিত হইয়াছে। রাজা সুরথ ও কৈশ্য সমাধি, উভয়েই তুল্যঅবস্থাপন্ন—নিজ নিজ বিষয় বৈভব হইতে বিচ্যুত হইয়া পড়িয়াছিলেন। অনন্তর ঋষি মেধসের নিকট হইতে উপদিষ্ট হইয়া রাজর্ষি ক্ষত্রিয় সুরথ হইতেও বণিক বৈশ্য সমাধির তত্ত্বজ্ঞান অগ্রে বিকসিত হইয়া পড়িয়াছিল।

মার্কণ্ডেয় পুরাণে প্রবল বিষয় বাসনা হইতে বৈরাগ্যের প্রোজ্জ্বল বিকাশ অলর্কচরিত্রে সূন্দর প্রস্ফুটিত হইয়াছে। অলর্ক রাজা ছিলেন, কিন্তু তাঁহার জ্যেষ্ঠ ভ্রাতা স্ববাহু, কনিষ্ঠের উদ্ধাম বিষয় বাসনার বিনিময়ে পারমার্থিক শাস্তির আবির্ভাবের কামনা করিয়া, কাশীপতির সাহায্যে তাঁহাকে রাজ্যচ্যুত করিয়াছিলেন। রাজ্যচ্যুত অলর্ক ভগবান্ দত্তাত্রেয়ের উপদেশে দিব্যজ্ঞান লাভ করিয়া নিজ শত্রুকে মুক্তকণ্ঠে বলিয়াছিলেন ;—

“সোহহং ন তে হরিন মমাসি শক্রঃ

সুবাহরেষো ন মমাপকারী ।

দৃষ্টং ময়া সৰ্ব্বমিদং যথাশ্রী

অধিষ্যতাং ভূপ রিপুস্ত যাত্নঃ ॥”

হে রাজন্, সেই অলর্ক আমি এক্ষণে আর আপনার শক্র নহি এবং আপনিও আমার আততায়ী নহেন । এই সুবাহু যিনি আমার জ্যেষ্ঠ ভ্রাতা হইয়াও নিজের পূর্ব পরিত্যক্ত রাজ্যের পুনঃপ্রাপ্তির আকাঙ্ক্ষায় আপনার বলে বলীয়ান হইয়া আমাকে রাজ্য হইতে বিচ্যুত করিয়াছেন; তিনিও আমার কোন অপকারই করেন নাই, কারণ এই ঘটনা অবলম্বন করিয়াই আমার প্রকৃত তত্ত্বজ্ঞান সমৃদ্ধ হইয়াছে । আমি এক্ষণে সৰ্ব্বভূতেই সেই বিশ্বব্যাপক অদ্বিতীয় পরমাত্মার সত্তা প্রত্যক্ষ করিতে সমর্থ হইয়াছি, সুতরাং বিষয়-মৃগতৃষ্ণিকার মোহিনী শক্তি আমার মানসক্ষেত্র হইতে সম্পূর্ণ তিরোহিত হইয়া গিয়াছে ! মহারাজ, আপনি বিমূঢ়প্রায়, বুধা আর কেন এই শাস্তি-নিকেতন ঋষির আশ্রমে আমার অহুসরণ করিতেছেন? যাহার বিষয়-ভোগ-বাসনা এখনও বর্তমান রহিয়াছে, অশ্রদ্ধ গিয়া সেইরূপ শত্রুর অহুসন্ধান করিতে আপনি প্রয়াসপন্ন হউন ।

কাশীপতি, সুবাহুকে অলর্ক কর্তৃক পরিত্যক্ত রাজ্য গ্রহণ করিতে অহুরোধ করিলে, তিনি বলিলেন, মহারাজ, ভ্রাতার মনে তত্ত্বজ্ঞানের আবির্ভাবের জন্যই আমি অলর্ককে রাজ্য হইতে পরিচ্যুত করিয়াছি, এবং আমার এই কার্য আপনার সাহায্যে সৰ্ব্বথা সুসিদ্ধ হইয়াছে । আমি বিষয়-সম্ভোগ পরিত্যাগ পূর্বক পূর্ব হইতেই শাস্তিপ্রদ মুনিব্রত অবলম্বন করিয়াছি, সুতরাং নীচ লোভের বশবর্তী হইয়া নিজের রাজ্যভোগ-কামনায় আমি এই ঘৃণিত কার্যে প্রবৃত্ত হই নাই । আমার ভ্রাতার বিবেক-বিকাশে, আমি কৃতকৃত্য হইয়াছি, এক্ষণে ভবদীয় মঙ্গল কামনা পূর্বক, আমি নিজ আশ্রম অভিমুখে প্রস্থান করিতেছি ।

অতঃপর সুবাহু প্রস্থান করিলে, কাশীপতিও স্বকীয় রাজ্যে গমন করিলেন । অলর্ক, স্বীয় জ্যেষ্ঠ পুত্রকে পৈতৃক রাজ্যে অভিষিক্ত করিয়া নিজে বানপ্রস্থ অবলম্বন করিলেন ।

৮০ । ক্ষমতার পরিত্যাগে আত্মগানি ।

ন পুত্রায়ত্তমৈশ্বৰ্য্যং কাৰ্য্যমার্থৈঃ কথঞ্চন ।

পুত্রাৰ্পিতপ্রভুত্বোহভূক্ত তরাষ্ট্রস্তুগোপমঃ ॥

যদি বিষয়পরিবৃত হইয়া সংসারে থাকিতেই হয়, তাহা হইলে, জানী ব্যক্তির পক্ষে কখনও নিজের ধনৈশ্বৰ্য্যের ভার পুত্রের হস্তেও সমর্পণ করা-কর্তব্য নহে । অন্ধ নৃপতি ধৃতরাষ্ট্র রাজ্যের কর্তৃত্ব নিজপুত্রগণের হস্তে ব্রহ্ম করিয়া পরিণামে তুণের ঞ্চায় লঘু হইয়া পড়িয়াছিলেন !

“নিরস্যা বিহুরং ভীষ্মং দ্রোণং শারদ্বতং তথা ।

বিগ্রহে তুমুলে তস্মিন্ দহৎক্ষত্রং পরম্পরম্ ॥

জয়ৎসু পাণ্ডুপুত্রেষু জাত্বা সুমহদপ্রিয়ম্ ।

ধৃতরাষ্ট্রশিচরংধ্যাত্বা সঞ্জয়ং বাক্যমব্রবীৎ ॥

শৃণু সঞ্জয় সৰ্ব্বং মে ন চাস্ময়িতু মহসি ॥

ন বিগ্রহে মম মতিন্ চ শ্রীয়ে কুলক্ষয়ে ।

বৃদ্ধং মামভ্যস্ময়তি পুত্রা মন্যুপরায়ণাঃ ॥” (মহাভারত ।)

ভীষ্ম, দ্রোণ, কৃপ ও বিহুর রাজ্যার্ক প্রত্যর্পণ পূর্বক পাণ্ডবগণের সহিত সন্ধি করিতে বারংবার বলিলেও ধৃতরাষ্ট্র পুত্রের বৈষয়িক হুরাকাজ্জায় মুগ্ধ হইয়া কিছুতেই তাহাতে সন্মত হইলেন নাই । অতঃপর কুরুক্ষেত্রের যুদ্ধে যখন নিজ পক্ষীয় বীরধুরন্ধুরগণের নিধন সংবাদ ক্রমাগত শ্রুতিগোচর হইতে লাগিল, তখন অন্ধরাজ শোকে বিহ্বল হইয়া, নিজমন্ত্রী সঞ্জয়কে বলিয়াছিলেন, সঞ্জয়, তুমি মন দিয়া আমার কথা শ্রবণ কর, তাহা হইলে এক্ষণে কিছুতেই এই কুলক্ষয় দেখিয়া তাহার জন্ত আমার প্রতি কোনরূপ দোষের আরোপ করিতে পারিবে না । আমার এই যুদ্ধে কখনও অভিলাষ ছিল না, দৈবহর্কিপাকে এই ভীষণ কুলক্ষয় দর্শন করিয়া আমার মর্মান্বিত্তি সফল যেন শিথিল হইয়া পড়িয়াছে ! কিন্তু আমি কি করিব ? নিজে অন্ধ বলিয়া কোন ক্ষমতাই কখনও আর আমার নিজ হস্তে ছিল না । আমার পুত্রগণ সকলেই হিংসা বিষে জর্জরিত । তাহারা বৃদ্ধ ও অন্ধ বলিয়া, আমাকে তুচ্ছ করিয়াই এই কুলসংহারক ঘোর আহবে প্রমত্ত হইয়া পড়িয়াছে !

৮১ । শত্রুপক্ষপাতী ব্যক্তির সংসর্গে আত্মনাশ ।

ন শত্রুপোষদূষানাং স্বক্কে কার্য্যং সমর্পয়েৎ ।

নিশ্চিন্তাপোহভবৎ কর্ণঃ শল্যতেজোবধাহিতঃ ॥

বাহাকে শত্রুর পক্ষপাতী নিকট আত্মীয় বলিয়া জ্ঞাত হওয়া যায়, তাহার প্রতি কোন কার্যের ভার অর্পণ করা নিজের হিতজনক নহে। মহাবীর কর্ণ, শল্য রাজাকে নিজ সারথি করিয়াছিলেন বটে, কিন্তু পাণ্ডবগণের একান্ত হিতৈষী শল্য কর্তৃক তিনি প্রতিপদে তিরস্কৃত হইয়া নিজ ক্ষত্রতেজ হইতে পরিচ্যুত হইয়াছিলেন।

“প্রথমমপি পলায়িতে ত্বয়ি প্রিয়কলহা ধৃতরাষ্ট্রসূনবঃ ।

স্বরসি নহু যদা প্রমোচিতাঃ খচরগণানবধিত্য পাণ্ডবৈঃ ॥

ইদমপরমুপস্থিতং পুনস্তব নিধনায় সুযুদ্ধমন্তু বৈ ।

যদি ন রিপুভয়াৎ পলায়সে সমরগতোহন্তু হতোহসি সূতজ ॥”

(মহাভারত ।)

শল্য কর্ণকে বলিলেন, যখন নিয়তবিবাদপরায়ণ দুর্ঘোষনের সহিত চিত্ররথ গন্ধর্কের সংঘর্ষ উপস্থিত হইয়াছিল, হে কর্ণ, তুমিই সঙ্গীক দুর্ঘোষন প্রভৃতি ভ্রাতৃবৃন্দকে সমরক্ষেত্রে পরিত্যাগপূর্বক কাপুরুষের স্থায় পলায়ন করিয়া অগ্রে নিজের প্রাণ রক্ষা করিয়াছিলে। হে মহাবীর, সে সব পুরাতন কথা, এক্ষণে তোমার স্মৃতিগোচর হয় কি? বল দেখি, সেই বিপদের সময়ে কাহারো কৌরবদিগের মান সজ্জন রক্ষা করিয়াছিল? তৎকালে বনবাসী পাণ্ডবগণই গন্ধর্কগণের সহিত যুদ্ধ করিয়া সভার্য্য দুর্ঘোষন প্রভৃতিকে শত্রুর কারাগার হইতে পরিস্কৃত করিতে সমর্থ হইয়াছিলেন। সে কথা এখন থাকুক, আমি দেখিতে পাইতোছি, তোমার ভাগ্যের বিপর্যয়েই অস্ত পুরুষশ্রেষ্ঠ অর্জুনের সহিত তোমার এই বৈরধ যুদ্ধ উপস্থিত হইয়াছে! এক্ষণে তুমি যদি এই কালসময়ে বৃথা দস্তবশে অস্ত হইয়া সমরক্ষেত্রে হইতে অপসরণ পূর্বক তোমার পূর্ব অমুষ্টিত পহার অর্জুনের নাকর, নিশ্চয়ই অর্জুন কর্তৃক মৃত্যুমুখে নিপতিত হইবে।

৮২ । প্রভু হইতে সম্মান আকাঙ্ক্ষায়
অনেক ক্লেশ সহ করিতে হয় ।

ন লব্ধ-প্রভু-সম্মানে ফলক্লেশং সমাপ্রয়েৎ ।
ঈশ্বরেণ ধৃতো মুক্তি কীণায় চ কৃপাপতিঃ ॥

সাধনায় ফল লাভের জন্ত অনেক ক্লেশ ভোগ করিতে হয়, কিন্তু ফলপ্রাপ্তির জন্ত যে কষ্ট পাইতে হয়, ধৈর্য্যসহকারে তাহা সহ করার ক্ষমতা থাকা আবশ্যিক । চন্দ্রের সম্মাননার জন্ত ভূতপতি মহাদেব শশধরকে নিজের শিরোদেশে ধারণ করিয়াছিলেন বটে, কিন্তু কৃপাপতি সেই সাধনার পরিক্লেশ সহ করিতে সমর্থ না হইয়া এত ক্ষীণকলেবর হইয়াছিলেন, যে, যেন তাহাতেই নিজের এক কলায় তাঁহার আকৃতির পরিণতি হইয়া পড়িয়াছিল ।

“যোহসৌ ক্ষেত্রজসংজ্ঞো বৈ দেহে হস্মিন্ পুরুষঃ পরঃ ।
স এব সোমো মস্তব্যো দেহিনাং জীবসংজ্ঞকঃ ॥
উপজীবন্তি বৃক্ষাশ্চ তথৈবৌষধয়ঃ প্রভূম্ ।
কৃত্তস্তর্মেব শকলং দধার শিরসা তদা ॥”

(বরাহপুরাণ ।)

জীবদেহে যে পর পুরুষকে ক্ষেত্রজ বলা হইয়া থাকে, তিনিই সোম অর্থাৎ চন্দ্র ; ইনিই প্রাণীদিগের দেহে “জীব” স্বরূপ হইয়া থাকেন । বৃক্ষ ও ঔষধিগণ তাঁহার দ্বারা অহুপ্রাণিত হইয়াই সজীব থাকে । ভগবান্ ভূতপতি মহাদেব সেই চন্দ্রের কলামাত্র নিজ মস্তকে ধারণ করিয়াছিলেন ।

৮৩ । ধর্ম্মচ্যুতির শোচনীয় পরিণাম ।

শ্রুতিস্বত্বাক্ত মাচারং ন ত্যজেৎ সাধুসেবিতম্ ।
দৈত্যানাং ঐবিয়োগোহভূৎ সত্যধর্ম্মচ্যুতাস্বনাম্ ।

যেঁর ঐ শ্রুতিশাস্ত্রের অহুমোদিত ও সাধু ব্যক্তিগণ কর্তৃক চিরন্তন কাল হইতে অহুষ্টিত ধর্ম্ম আচরণ পরিত্যাগ করা ঐহিক বা পারলৌকিক প্রেরণকর নহে ।

দৈত্যগণ সনাতন ধর্মপথ পরিত্যক্ত হওয়াতে, তাহাদিগকে ঐশ্বর্যবিহীন হইয়া “শীভ্রষ্ট” হইতে হইয়াছিল ।

“দন্তাজ্ঞেয়স্ততো দেবান্ বিহস্তেদমথাব্রবীৎ ।
 দিষ্ট্যা বর্জ্যে দৈত্যানামেষা লক্ষ্মীঃ শিরোগতা ॥
 সপ্তস্থানাশ্চতিক্রান্তা নরমন্তুমুপৈষ্যতি ॥
 নৃণাং পদে স্থিতা লক্ষ্মীর্নিলয়ং সংপ্রযচ্ছতি ।
 সক্থোশ্চসংস্থিতা বস্ত্রং তথা নানাবিধং বসু ॥
 কলত্রঞ্চ গুহ্যসংস্থা ক্রোড়স্থা হপত্যদায়িনী ।
 মনোরথান্ পুরয়তি পুরুষাণাং হৃদিস্থিতা ॥
 লক্ষ্মীলক্ষ্মীবতাং শ্রেষ্ঠা কণ্ঠস্থা কণ্ঠভূষণম্ ।
 মুখসংস্থা কবিত্বঞ্চ যচ্ছত্বাদধিসম্ভবা ॥
 শিরোগতা সন্ত্যজ্জতি ততোহনন্তং যতি চাশ্রয়ম্ ।
 সেয়ং শিরোগতা চৈতান্ পরিতক্ষ্যতি সাম্প্রতম্ ॥
 প্রগৃহ্যস্তাণি বধ্যস্তাং তস্মাদেতে সুরারয়ঃ ।
 ন ভেতব্যং ভূশং চৈতে যয়া নিস্তেজসঃ কৃতাঃ ॥
 পরদারাবমর্ষাচ্চ দক্ষপুণ্যা হতোজসঃ ॥”

(মার্কণ্ডেয় পুরাণ ।)

জন্তুদৈত্য বিপ্রচিন্তি প্রভৃতি বীরগণের সহায়তার ইচ্ছাদি দেবতাদিগকে স্বর্গরাজ্য হইতে বিতাড়িত করিলে তাঁহারা নারায়ণের অবতার ভগবান্ দন্তাজ্ঞেয়ের শরণাপন্ন হইয়াছিলেন । দন্তাজ্ঞেয়ের উপদেশ অনুসারে দেবগণ দৈত্যদিগকে পুনর্বার যুদ্ধে আহ্বান করত কৌশলক্রমে পশ্চাদ্ অগমন পূর্বক ক্রমে ঋষির আশ্রম ভূমিতে আসিয়া উপস্থিত হইলেন । তখন অসুরগণ দেখিতে পাইল, অরণ্যে সর্বদক্ষসুন্দরীললনাসহায় অকিঞ্চন দন্তাজ্ঞেয় সমাসীন রহিয়াছেন । দেখিয়া কালবিলম্ব না করিয়া দানবগণ দন্তাজ্ঞেয়ের অঙ্কলক্ষ্মীকে শিবিকায় আরোহণ করাইয়া আপন আপন শিরোদেশে স্থাপন পূর্বক তথা হইতে প্রস্থান করিল ।

এই ঘটনার পরে ভগবান্ দন্তাজ্ঞেয় সহাস্রমুখে দেবতাদিগকে বলিলেন, হে দেবগণ, ভাগ্যবশতঃ অস্ত্র তোমাদিগের মহাস্বযোগ উপস্থিত হইয়াছে । ঐ দেখ

ভ্রষ্টাচার পাপমতি দানবগণ, আমার ক্রোড় দেশ হইতে লক্ষ্মীকে বলপূর্বক ধরিয়া লইয়া আপনাদের মস্তকোপরি আরোহণ করাইয়াছে ; অতএব উহারা এই মুহূর্ত্ত হইতে লক্ষ্মীর কৃপাদৃষ্টি হইতে বঞ্চিত হইল, ইহা নিশ্চয় জানিও । মানব দেহের পদ, সন্ধি, গুহ, ক্রোড়, হৃদয়, কণ্ঠ ও মুখ এই সপ্ত স্থান অতিক্রমণের পরে কমলা শিরোদেশে অবস্থান করিবার অবসর পাইয়া, সেই ভাগ্যহীন ব্যক্তিগণকে পরিত্যাগ পূর্বক নূতন আশ্রয় গ্রহণ করিয়া থাকেন । অধিকন্তু পরস্ত্রীর প্রতি কাম ভাবে দৃষ্টিপাত নিবন্ধন, বিমূঢ় দৈত্যগণ হতবীৰ্য্য হইয়া পড়িয়াছে, অতএব এই সুযোগে তোমরা অস্ত্র গ্রহণ পূর্বক ঐ পাবুদিগকে আক্রমণ করিয়া বিজয় লক্ষ্মীলাভ কর । অতঃপর পরস্ত্রী হরণ পাপেই ঐশ্বর্য্য সহ দানবগণ ধ্বংস প্রাপ্ত হইয়াছিল ।

৮৪ । সন্ধর্শ্বাচরণে ঐশ্বর্য্য লাভ ।

শ্রিয়ঃ কুর্যাৎ পলায়িত্বা বক্রায় গুণসংগ্রহম্ ।

দৈত্যাংস্ত্যক্তাশ্রিতা দেবা নিগুণান্ সগুণাঃ শ্রিয়া ॥

লক্ষ্মী চঞ্চলা হইলেও সদগুণে বশীভূতা হইয়া তথায় চিরস্থায়িনী হইয়া থাকেন ; এইজন্তই কমলা ভ্রষ্টাচার নিগুণ দৈত্যদিগকে পরিত্যাগ করত সদগুণশালী দেবতাগণকে আশ্রয় করিয়াছিলেন ।

“নাত্র হুঃখং ভয়া রাজন্ কার্য্যং পার্থ কথকন ।

• ধনধর্ম্মেণ বর্দ্ধৈষুরধর্ম্মরূচয়ো জনাঃ ॥

বর্দ্ধিত্যধর্ম্মেণ নরস্ততো ভজাগি পশুতি ।

ততঃ সপত্নান্ জয়তি সমূলস্ত বিনশুতি ॥

তীর্থগি দেবা বিবিশু নর্বাশিন্ ভারতাসুরাঃ ।

তানধর্ম্মকৃতো দর্পঃ পূর্বমেব সমাশিশৎ ॥

দর্পান্মানঃ সমভবন্মানাৎ ক্রোধো ব্যজায়ত ।

ক্রোধাদহ্নীস্ততোহ লক্ষ্মা বৃন্তঃ তেবাং ততো হনন্ ॥

তানলক্ষ্মান্ গহ্নীকান্ হীনবৃন্তান্ বৃথাব্রতান্ ।

কমা লক্ষ্মীশ্চ ধর্ম্মশ্চ মচিরাৎ প্রজহুস্ততঃ ॥

দৈতেয়ান্ দানবাংশ্চৈব কলিরপ্যবিশস্ততঃ ।

নির্ঘাশঙ্কা স্তথা দৈত্যাঃ কুৎসশো বিলয়ং গতঃ ॥

দেবাস্ত সাগরাংশ্চব সন্নিতশ্চ সরাংসি চ ।

অভ্যগচ্ছন্ ধর্মশীলাঃ পুণ্যাশ্রায়তনানি চ ॥

তপোভিঃ ক্রতুভিদর্শিন রাশীর্বাদৈশ্চ পাশুব ।

প্রজহঃ সর্কপাপানি শ্রেয়শ্চ প্রতিপেদিরে ॥

কীর্ত্তিং পুণ্যামবিন্ধন্ত যথা দেবাস্তপোবলাৎ ।

দেবর্ষয়শ্চ কাৎস্নেন তথা হুমপি বেৎস্বসি ॥

ধার্ত্তরাষ্ট্রাঙ্ঘর্ষণেণ মোহন চ বশীকৃতাঃ ।

ন চিরাত্ধে বিনজ্জ্যস্তি দৈত্যা ইব ন সংশয়ঃ ॥”

(মহাভারত ।)

প্লাণ্ডবগণ ধর্মাস্তবর্তী হইয়াও অধর্মপরায়ণ কোরবগণ কর্তৃক রাজ্যচ্যুত হইয় বনবাসী হইয়াছিলেন । লোমশমুনি ধর্ম ও অধর্মপরায়ণতার পরিণাম প্রদর্শন পূর্বক বনবাসপরিষ্কিষ্ট ধর্মশীল বুদ্ধিষ্ঠিয়কে ধর্মাচরণের শ্রেষ্ঠতা দেখাইয়া বলিয়াছিলেন,—হে মহারাজ, হিংসাপরায়ণ ব্যক্তিগণ অধর্মাচরণ করিয়াও যে ঐশ্বর্য সন্তোষ করিয়া থাকে, ইহা দেখিয়া আপাতত তোমার দুঃখ প্রকাশ করা কর্তব্য নহে । অধর্মশীল ব্যক্তিগণ স্বীয় যথেষ্টচারিতার পাপ পথেও কণহারাী সমুন্নতি লাভ করিয়া থাকে, তাহাদিগের নিত্য মঙ্গল সংঘটিত হইতেও দেখা গিয়া থাকে, এবং স্বীয় বীর্ঘ্যপ্রভাবেও তাহারা শত্রুপক্ষকে পরাভূত করিয়া ঐশ্বর্য ভোগে সমর্থ হইয়া থাকে ;—এই সকলই আপত্তিত হয়, ইহা যথার্থ বটে ; কিন্তু তাহাতেই একেবারে বিশ্বয়বিমূঢ় হওয়া জ্ঞানবানের পক্ষে সমুচিত নহে, কারণ ঐশ্বর্যবিক ধর্মমার্গের সুস্বতম পরিণতির প্রভাবে ঐ সকল অধর্মরত জনগণ, অকস্মাৎ প্রবল ঝঙ্কারবিভাবে বিচ্ছিন্ন ধূলিকণার স্থায় এককালে বিনাশ প্রাপ্ত হইয়া থাকে । মহারাজ, দেখ, ধর্মশীল দেবতাগণ, পুণ্য তীর্থ সকল আশ্রয় করিয়া থাকেন, কিন্তু বিবরমদমস্ত দানবগণ ঐশ্বর্য লাভের পরে আর তীর্থের সাহায্য কিছুতেই গ্রাহ করে না, অধিকন্তু প্রবল অধর্মকচিহেতু তাহারা যোর দর্পাক হইয়া পড়ে । ক্রমে দর্প হইতে অভিমান, অভিমান হইতে ক্রোধ ও ক্রোধ হইতে নিলজ্জতার আবির্ভাব হইয়া তাহাদিগকে প্রাস করিয়া ফেলে এবং এইরূপে তাহাদের চরিত্র সম্পূর্ণ কলুষিত হইয়া পড়ে । কোন সংকার্যের

অমুষ্ঠানকালেও তাহাদের বিনয় সাত্বিক শ্রদ্ধার কিঞ্চিন্মাত্র বিকাশ হইতে দেখা যায় না, পরন্তু দর্পাক হইয়াই তাহারা বৃথা ব্রত ও যজ্ঞাদির অমুষ্ঠান করিয়া থাকে। তাহার ফলে ক্রমা, লক্ষ্মী ও ধর্ম সেই পামর জনকে শীঘ্রই পরিত্যাগ করিয়া থাকেন। অনন্তর সেই দানবগণ বৃথা বিবাদপরায়ণ হইয়া সকলেই ধ্বংস প্রাপ্ত হয়। ওদিকে দেখ, দেবতাগণ সর্বদাই পুণ্যময় সাগর, সরিৎ, সরোবর ও ধর্মনিকেতনে অধিষ্ঠান করিয়া তপস্যা ও যজ্ঞাদির অমুষ্ঠান দ্বারা পুণ্যপুত্র হইয়া পারমার্থিক অক্ষয় শ্রেয়োভাজন হইয়াছিলেন। কেবলমাত্র তপশ্চর্য্যার প্রভাবেই দেবতারা অধর্মনিষ্ঠ অসুরদিগকে বিধ্বস্ত করিয়া পুণ্য কীর্ত্তি ভাজন হইতে সমর্থ হইয়াছিলেন। মহারাজ, আমি দিব্য চক্রে ভবিষ্যদ্ব্যাপার দেখিতে সমর্থ হইতেছি; ভ্রাতৃসহায় তুমিও নিজ পুত্র চরিত্র প্রভাবে দ্রবৃত্ত ধার্ত্তরাষ্ট্রগণকে সম্মুখ যুদ্ধে বিদগ্ধিত করিয়া নিজ রাজ্যোপার্ধ্য পুনর্বার লাভ করিতে নিশ্চয় সমর্থ হইব।

(ক্রমশঃ)

কবিরাজ শ্রীমধুরানাথ মজুমদার কাব্যতীর্থ কবিচিন্তামণি।

প্রাচীন কবিতা। *

মধিধবহবিধহুবিধদৈনো
 জলদনলস্বং তৃণ ইব মন্যো ।
 কত ইহ শত শত যতনত এষা
 ভবতি ভবতি লিপিরথ সবিশেষা ॥
 অহং তবৈবাস্মি নিদেশকারী
 তথা তবৈবাস্মি মতানুসারী ।
 অত্রানূতে কিন্তু বিগতি ভারি
 যথা তথাস্তাং ভরসা ভোমারি ॥

৩ প্রাণকুক বিদ্যাগার ।

* স্বর্গীয় রায় বাহাদুর রাজকুমার সর্কাধিকারী মহাশয়ের সংস্কৃত কলেজ পঠদশার প্রাণকুক বিদ্যাগার মহাশয় তাঁহার মৃত্যুক অধ্যাপক ছিলেন। কোন কারণে উদ্যানোত্তন সংস্কৃত কলেজের অধ্যক্ষ ঈশ্বরচন্দ্র বিদ্যাগার মহাশয় প্রাণকুক বিদ্যাগার মহাশয়ের উপর বিরক্ত হইলে, তিনি এই শ্লোক দুইটি রচনা করিয়া রাজকুমার বাবুর হাত দিয়া অধ্যক্ষ মহাশয়ের নিকট প্রেরণ করেন। শ্রীম বাহাদুর, অধ্যক্ষ মহাশয় শ্লোক পাঠ করিয়া হাসিয়া আকুল হইয়াছিলেন।

“আর্য্য জ্যোতিষ । *

(ক) মানবের ভাগ্যফল অবগতির আবশ্যিকতা ।

দেখিতে পাওয়া যায়, যে জাতি যত প্রাচীন, যে বিজ্ঞা যত পুরাতন, তাহাদের আদিম ইতিহাসও ততই অন্ধকারাবৃত । সেই সকল জাতির ও বিজ্ঞার একটা ধারাবাহিক ইতিহাস সংগ্রহ করা বড়ই দুষ্কর । আমাদের এই বহু প্রাচীন ভারতের অবস্থাও ঠিক তদ্রূপ । ভারতীয় আর্য্যগণের প্রাচীনত্ব এবং তাঁহাদের কীর্তিকলাপ সুদূর অতীতের ঘনাক্ষকারে নিমজ্জিত । তাঁহাদের রচিত গ্রন্থাবলীর চিহ্ন পর্য্যন্ত লুপ্তপ্রায় । আর্য্যগণের অন্ত্যস্ত প্রাচীন শাস্ত্রগ্রন্থাদির সঙ্গে সঙ্গে তাঁহাদের জ্যোতিষ গ্রন্থাদিও প্রায় লোপ পাইয়াছে । সুতরাং এই প্রাচীন জ্যোতিষশাস্ত্রেরও একটা ক্রমিক ইতিহাস সংগ্রহ করা দুষ্কর । কিন্তু বহুপ্রকার আলোচনা ও গবেষণার ফলে যে সকল প্রমাণ পাওয়া গিয়াছে, তৎসমুদয় হইতে, ‘আমাদের এই স্বর্ণপ্রসবিনী ভারত জননীই যে জ্যোতিষপ্রসবিনী’ এ গর্ব্ব আমরা করিতে পারি । অধুনা জাতীয় অবনতির কালে আমাদের গৌরব করিবার যদি কিছু থাকে, তাহা এই জ্যোতির্বিজ্ঞান । খ্রীষ্টের জন্মের বহুশত বৎসর পূর্বে আর্য্যমহর্ষিগণ যে সকল জ্যোতিষতত্ত্ব আবিষ্কার করিয়া গিয়াছেন তদর্শনে, আজ বিংশ শতাব্দীর বিজ্ঞানের বিশেষ উন্নতি সময়ে, বহুবিধ যন্ত্রের সাহায্যে বিবিধ তত্ত্ব আবিষ্কার দ্বারাও, পাশ্চাত্য পণ্ডিতগণ আপনাদিগকে প্রাচীন ঋষিগণ অপেক্ষা অধিকতর উন্নত মনে করেন কি না সন্দেহ । প্রাচ্যতত্ত্ববিৎগণ ভারতকেই জ্যোতিষের মূল উৎপত্তি স্থান বলিয়া একবাক্যে স্বীকার করিয়া থাকেন ।

জ্যোতিষ শাস্ত্র ।

যে শাস্ত্রদ্বারা জ্যোতিষতত্ত্বের গ্রহনক্ষত্রগণের স্বরূপ, সঞ্চারণ, পরিভ্রমণকাল ও গ্রহণ, পরস্পরের অন্তর ও তৎসম্বন্ধীয় যাবতীয় বিবরণ, এবং তাহাদের গতি স্থিতি ও সঞ্চারণের মানবজীবনের গুণাগুণ যাবতীয় বিষয় নিরূপণ করিতে পারা যায় তাহাই নাম জ্যোতিষ শাস্ত্র ।

* সাহিত্য-সংস্কৃত-সমিতির অধিবেশনে গঠিত ।

উৎপত্তি ।

সৃষ্টিকর্তা ব্রহ্মা এই জ্যোতিষশাস্ত্র সর্বপ্রথমে আদিপুরুষ ভগবান্ হি রণ্যগর্ভের নিকটে অবগত হইলেন, এবং তদনন্তর মুনিগণের প্রার্থনায় তিনি সেই নিত্য, সমগ্র বিশ্বের প্রকাশক, গ্রহচরিতবেত্তা পণ্ডিতগণের জ্ঞানচক্ষুরূপ এবং অধ্যাত্মরূপ গৃহশাস্ত্র জগতে প্রচার করেন ।

প্রবর্তক ।

সূর্য্য, পিতামহ, বাস, বশিষ্ঠ, অত্রি, পরাশর, কশ্যপ, নারদ, গর্গ, মরীচি, মহু, অঙ্গিরা, লোমশ, পৌলিশ, ভৃগু, যবন, বৃহস্পতি এবং শৌনক এই অষ্টাদশ মুনি আর্য্যজ্যোতিষের প্রবর্তক ; এতদ্ব্যতীত যবনাচার্য্য, রোমক, হিন্দাজ প্রভৃতি কয়েকজন যবন 'জাতক' ও 'তাজিক' জ্যোতিষ প্রণয়ন করেন । আমি এই মাত্র যে 'লোমশ' ও 'রোমক' নামদ্বয়ের উল্লেখ করিলাম, কোন কোন সংহিতাকার ঋষি তন্মধ্যে কেবলমাত্র 'লোমশ' পদটি ব্যবহার করিয়াছেন, আবার কেহ বা 'রোমক' পদের উল্লেখ করিয়াছেন । কিন্তু মহামহোপাধ্যায় ৮স্থধাকর দ্বিবেন্দী প্রভৃতি জ্যোতিষাচার্য্যগণ মনে করেন, লোমশ ও রোমক পদদ্বয় একজনেরই নামান্তর মাত্র ।

বিভাগ ।

ভগবান্, সূর্য্য, ব্রহ্মা প্রভৃতি অষ্টাদশ মহর্ষি আর্য্যজ্যোতিষকে সিদ্ধান্ত, সংহিতা এবং হোরারূপে ভাগত্রেয় বিভক্ত করিয়া প্রত্যেকে পৃথক্ পৃথক্ আকারে গ্রন্থ প্রণয়ন করেন ।

সিদ্ধান্ত ।

যে শাস্ত্রে সৃষ্টির আরম্ভকাল হইতে গ্রহদিগের গণনার উপায়, চান্দ্রমান, সৌরমান, সাবনমান প্রভৃতি কালের প্রভেদ, গ্রহগণের গতি, ব্যক্তগণিত, অব্যক্তগণিত সম্বন্ধে নানাবিধ প্রশ্ন ও তাহাদের উত্তর, পৃথিবী, গ্রহ ও নৃকজগণের সংস্থান, গ্রহৈষু ও সময়নিক্রমণের উপযোগী নামী প্রকার যন্ত্র, এবং শুদ্ধারা গ্রহবেদাদির উপায় বর্ণিত হইয়াছে, তাহাকে সিদ্ধান্ত জ্যোতিষ বলা যায় ।

সংহিতা ।

যাত্রা ও বিবাহাদির বিশুদ্ধ সময়, রাজা, মন্ত্রী, ধূমকেতু, উৎসাপাত প্রভৃতির ফল, হস্তী, ঘোটক প্রভৃতির শুভাশুভ লক্ষণ, রত্ন, মণি, মাণিক্য প্রভৃতির বিশুদ্ধতা পরীক্ষার উপায়, এবং পশুপক্ষী প্রভৃতির সুরাদি দ্বারা শুভাশুভ অবগতির উপায়, যে শাস্ত্রে বর্ণিত হইয়াছে, তাহার নাম সংহিতা ।

হোরা ।

আর যে শাস্ত্র সাহায্যে জন্মকালীন গ্রহগণের অবস্থানসারে মানবের শুভাশুভ ফল পরিজ্ঞাত হওয়া যায় সেই শাস্ত্র হোরা নামে কথিত ।

বহুকাল যাবৎ আৰ্য্য জ্যোতিষের সিদ্ধান্ত, সংহিতা ও হোরা নামক স্বকৃত্রয় মধ্যে সিদ্ধান্ত, গণিত নামে, এবং সংহিতা ও হোরা কলিত জ্যোতিষ নামে আখ্যাত হইয়া আসিতেছে । আদিও অণু জ্যোতিষের এই স্বকৃত্রয় গণিত ও ফলিত নামেই আলোচনা করিব ।

জ্যোতিষ গ্রন্থাদি পাঠ করিলে অবগত হওয়া যায় যে, পুরাকালে ভারতে জ্যোতির্বিদ্যার পরম উৎকর্ষ সাধিত হইয়াছিল । এই শাস্ত্র বেদের একতম প্রধান অঙ্গ বলিয়া তৎকালে এই বেদবিদ জ্যোতিষীর দর্শন ও পুণ্যকার্য্য বলিয়া পরিগণিত হইত । আৰ্য্যঋষিগণ জ্যোতির্বিজ্ঞানবলে ভূত, ভবিষ্যৎ, বর্তমানবৎ প্রত্যক্ষ করিতেন । কিন্তু অধুনা ত্রিকালদর্শী দূরে থাকুক, বর্তমানদর্শী জ্যোতিষী প্রাপ্ত হওয়াও দুর্ঘট । কালের কি কুটিল গতি ! আৰ্য্যঋষি-প্রণীত প্রত্যক্ষফলপ্রদ জ্যোতিষশাস্ত্রের কি ঘোরতর অবনতিই ঘটিয়াছে ! কিন্তু কি কারণে আজ জ্যোতিষশাস্ত্রের এরূপ অবনতি ঘটিয়াছে ? আর জ্যোতির্বিদগণ আজ জনসাধারণের এত অশ্রদ্ধার পাত্রই বা হইয়াছেন কেন ?

জ্যোতিষশাস্ত্রের অবনতির কারণ ।

এ বিষয়ে আলোচনা করিলে দেখিতে পাওয়া যায়, ভারত যখন মুসলমান রাজগণের কর্তৃত্বলগ্ন হইয়াছে, সেই সময়ে সংস্কৃত চর্চার বিশেষ অবনতি ঘটয়াছিল । বিপন্ন হিন্দুরাজগণের সাহায্যভাবে আৰ্য্যজ্যোতিষের উন্নতিস্রোত হ্রাসপ্রাপ্ত হইয়া অতি ক্ষীণধারায় প্রবাহিত হইতেছিল । হিন্দুশাস্ত্রের ভিত্তি অতিশয় দৃঢ় বলিয়াই

নানা ঘটপ্রতিঘাতসঙ্গেও বর্তমানকাল পর্য্যন্ত ইহার অস্তিত্ব সম্যক্ বিলুপ্ত হয় নাই । আরও দেখিতে পাওয়া যায়, জাতীয় অবনতির সময়ে জ্যোতিষ অধ্যাপকগণ শিক্ষাদানে কুপণতা করিয়া স্ব স্ব প্রাধান্য রক্ষার জন্ত কয়েকটা উৎকৃষ্টতর বিষয় কাহাকেও শিক্ষা দিতেন না । সে সকল বিষয় তাঁহাদের অধ্যয়নের সহিত এ অর্গৎ হইতে চিরকালের জন্ত অন্তর্হিত হইয়াছে । আবার আজ কার্য্য জ্যোতিষী হওয়া অপেক্ষা জীবিকানির্বাহের সহজ উপায় আর নাই । ছুই একখানা ফলিত জ্যোতিষের সংগ্রহগ্রন্থ পাঠ করিলেই হইল । ইহাতে চিকিৎসাশাস্ত্রের জ্ঞান দায়িত্ব নাই, কেবলমাত্র বাক্যবীর হইলেই যথেষ্ট অর্থাগম হইয়া থাকে । অনেকে আবার সংগ্রহগ্রন্থ পাঠেরও কষ্ট স্বীকার করিতে ইচ্ছা করেন না । সম্যাদিদত্ত শক্তি কিংবা দৈবশক্তিবলে তাঁহারা জ্যোতিষী । তাঁহারা ককৌশলী দৃষ্টে ভবিষ্যৎ গণনা করিয়াই কান্ত নহেন ; জন্মপত্রিকা বিচার এবং জন্মপত্রিকা প্রস্তুত পর্য্যন্তও করিয়া থাকেন । অনেকে এই সকল অপটু জ্যোতিষী দ্বারা গণনা করাইয়া বিফলমনোরথ হইয়েন, শাস্ত্র অমূলক মনে করেন, এবং জ্যোতির্বিদগণের প্রতি তাঁহাদের অন্ধাও হাসপ্রাপ্ত হয় । অধুনা কৌশলী প্রস্তুত ও কৌশলীবিচারে আর এক মহা বিভ্রাট দেখিতে পাওয়া যায় । কোন কোন জ্যোতিষী বিংশোত্তরীমতে, এবং কেহ বা অষ্টোত্তরী মতে কৌশলী গণনা করিয়া থাকেন । কিন্তু কলিযুগে বিংশোত্তরী মতই গ্রাহ্য । পরামরে উক্ত হইয়াছে,

“ফলানি নক্ষত্রদশাপ্রকারেণ বিবৃণ্মহে ।

দুঃখা বিংশোত্তরী চাত্র গ্রাহ্যা নাষ্টোত্তরীমতাঃ ॥”

অর্থাৎ বর্তমান যুগে বিংশোত্তরী দশাই গ্রাহ্য, অষ্টোত্তরী দশা অগ্রাহ্য । বিংশোত্তরী মতে ফলবিচার করিয়া ফলাফল নির্ণয় করিলে মানবজীবনের যাবতীয় ফলাফল অভ্রান্ত হইবে তদ্বিষয়ে বিন্দুমাত্র সন্দেহ নাই । অষ্টোত্তরী ফল বিচারের পুস্তকাদি তেমন নাই, এমন কি অষ্টোত্তরী মতে বিচারই নাই বলিলেও অত্যাশ্চিত্ত হয় না । অষ্টোত্তরী মতে শুভগ্রহের দশা আসিলেই শুভফল, এবং অশুভগ্রহের দশার অশুভফল কল্পিত হইয়াছে । কিন্তু প্রকৃতপক্ষে তাহা হইতে পারে না । অস্তিত্ব গ্রহের বলাবলাসূত্রে শুভগ্রহের দশার অশুভফল এবং অশুভগ্রহের দশারও শুভফল কল্পিয়া থাকে । শনি অশুভগ্রহ এবং বৃহস্পতি শুভগ্রহ । কিন্তু

শনির দশাতেও রাজ্যলাভ হইতে পারে, অথচ বৃহস্পতির দশাতেও অনেকে সৰ্বস্বান্ত হইয়া থাকেন। অষ্টোত্তরী গণনার পুস্তকে লিখিত হইয়াছে যে, বৃহস্পতির দশায় পুত্রলাভ হইয়া থাকে। মনে করুন, কোনও জাতকের পঞ্চম বর্ষে বৃহস্পতির দশা। কিন্তু এই পঞ্চবর্ষ বয়সে তাহার পুত্রলাভ সম্পূর্ণ অসম্ভব। ষিংশোত্তরী গণনা অতি ছুন্নহ, অপিচ বহু গ্রন্থাধ্যয়নসাপেক্ষ বলিয়া বিশেষ আয়ত্তনীয়। অর্থলোলুপ অল্পবিশ্ব জ্যোতির্বিদগণ একপ অত্যধিক ক্লেশ স্বীকার সমীচীন বলিয়া মনে করেন না, কিংবা ছুন্নহ গ্রন্থাদি অধ্যয়নের ক্ষমতা তাঁহাদের নাই; তাঁহারা পুঁথিগতবিচার সাহায্যে অষ্টোত্তরী মতে মানবের শুভাশুভ ফল মিলনের বৃথা চেষ্টা করিয়া পদে পদে বিফলমনোরথ হইয়েন, এবং সাধারণের অশ্রদ্ধার পাত্র হইয়া থাকেন।

আর্য্যজ্যোতিষ শাস্ত্রের কালবিভাগ ।

কোন প্রাচীন বিদ্যুত বিষয়ে সুন্দরভাবে আলোচনা করিতে হইলে তাহার আদি হইতে অন্ত পর্য্যন্ত একটা আত্মপুর্কিক ইতিহাস সংগ্রহ করা আবশ্যিক, এবং তৎসঙ্গে তাহার একটা কালনির্ণয়েরও প্রয়োজন। আর্য্যজ্যোতিষের এই অতি প্রাচীন জ্যোতিষশাস্ত্র সম্বন্ধে সম্যক আলোচনা করিতে হইলেও একটা কাল-বিভাগ একান্ত কর্তব্য। তাহা হইলে জ্যোতিষশাস্ত্রের কোন সময়ে কিরূপ অবস্থা ছিল এবং কখন কিরূপ পরিবর্তন ঘটিয়াছিল তাহা সম্পূর্ণরূপে অবগত হইতে পারা যায়। কিন্তু পরিতাপের বিষয় এই যে, প্রাচীন আর্য্যগণের প্রায় সকল জ্যোতিষগ্রন্থই আজ বিলুপ্ত। প্রাচীন জ্যোতিষগ্রন্থাদি লুপ্তপ্রায় না হইলে তৎসমুদায় হইতে আর্য্যজ্যোতিষের কালবিভাগ অতি সহজসাধ্য হইত। বাহা হউক, পুরাতন যে দুই একখানা জ্যোতিষগ্রন্থ পাওয়া গিয়াছে তৎসমুদয় এবং সমসাময়িক অন্যান্য গ্রন্থ ও বিবরণাদি আলোচনা করিয়া আধুনিক জ্যোতির্বিদগণ আর্য্যজ্যোতিষের একটা কালবিভাগ করিয়াছেন। গণকতরঙ্গিনী নামক গ্রন্থে প্রাচীন আর্য্যজ্যোতিষের ইতিহাস ও কালবিভাগ অতি সুন্দররূপে লিপিবদ্ধ হইয়াছে। ঈশ্বরবাহাদুর শ্রীযুক্ত ষোগেশচন্দ্র রায় মহাশয়ের "আমাদের জ্যোতিষ ও জ্যোতিষী" নামক গ্রন্থেও ভারতীয় জ্যোতিষের ইতিবৃত্ত ধারাবাহিক রূপে অতি সুচারুরূপে পরিবেশিত হইয়াছে। এই সকল গ্রন্থকার জ্যোতিষ-

চর্চা কালকে (১) বেদান্তকাল; (২) সংহিতাকাল; (৩) সিদ্ধান্তকাল; (৪) করণকাল—এই চারিভাগে বিভক্ত করিয়াছেন।

বেদান্তকাল।

বেদ হিন্দুদিগের আদি ধর্মগ্রন্থ। ঋগ্, যজুঃ, সাম ও অথর্ব, এই চারিবেদ। ইহাদের আবার শিক্ষা, কল্প, ব্যাকরণ, নিক্কল, ছন্দ এবং জ্যোতিষ, এই ছয়টি অঙ্গ।

বেদের উচ্চারণের নিমিত্ত উদাত্ত, অমুদাত্ত প্রভৃতি স্বরজ্ঞানলাভে 'শিক্ষা' নামক অঙ্গের প্রয়োজন। বৈদিক কর্মাঙ্কুঠানে কোন্ কার্যের পর কি করিতে হইবে ইত্যাদি ক্রমবিশেষজ্ঞান 'কল্প' হইতে সম্পন্ন হয়। বৈদিকপদের শুদ্ধাশুদ্ধি 'ব্যাকরণ' সাহায্যে অবগত হওয়া যায়। বৈদিক মন্ত্রস্থ পদার্থ সকলের জ্ঞান 'নিক্কলজ্ঞান'সাপেক্ষ। মন্ত্রের গায়ত্রী, অমুষ্টুপ্, প্রভৃতি সাতটি বৈদিকছন্দ ও লৌকিক ছন্দের বিষয় 'ছন্দঃ' শাস্ত্রে লিখিত হইয়াছে। আর বৈদিক কর্মের অঙ্গীভূত দর্শপৌর্ণমানী প্রভৃতি কালজ্ঞান এবং মানবের শুভাশুভ কর্মফলের জ্ঞানলাভ জ্যোতিষশাস্ত্র হইতে সম্পন্ন হইয়া থাকে। হিন্দুর ধর্মকর্ম কালসাপেক্ষ। যেমন উপযুক্তকালে বীজবপন না করিলে তাহা অস্কুরিত বা ফলবান্ হয় না, তেমনি বৈদিক ও শ্বত্য়ুক্ত কর্মসকল যথাকালে সম্পন্ন না হইলে ফলপ্রসূ হয় না। এই চিরন্তন সত্য সৃষ্টির আদিমকাল হইতে প্রচলিত। শাস্ত্রেই উক্ত হইয়াছে—'বরনেকার্থীতিঃ কালে নাকালে লক্ষকোটরঃ।' যে গ্রন্থানুসারে গণনা করিলে গ্রহগণের গণিতাগতস্থান দৃক্তুল্য হয়, তাদৃশ গ্রন্থানুসারে গণিত ভিত্তিাদিই ধর্মকার্য্যে ব্যবহার্য্য। বশিষ্ঠও বলিয়াছেন, "যে গ্রন্থানুসারে গণনা করিলে সৃষ্টির সহিত গণনার ঐক্য হয়, সেই গ্রন্থই প্রামাণ্য।" বেদের নানা মন্ত্রে ও উপনিষদে আমরা গ্রহনক্ষত্রগণের বহুবিধ বর্ণনা দেখিতে পাই। কিন্তু তাহা একস্থানে সন্নিবিষ্ট নহে এবং তাহাতে গণনার প্রকৃষ্ট প্রণালীও সন্নিবেশিত নাই। বৈদিককালে চাক্ষুযদর্শনদ্বারা অমাবস্তা পূর্ণিমা প্রভৃতির জ্ঞান সম্পন্ন হইত। বৈদিক ও শ্বত্য়ুক্ত ধর্মকর্মাাদি উপযুক্ত সময়ে সম্পন্ন হওয়ার অভিপ্রায়েই জ্যোতিষগ্রন্থকার মহর্ষিগণ দৃক্তুল্য গ্রহসাধনোগণবোঁগী গ্রন্থ প্রণয়নে কৃতসঙ্কল্প হইয়াছিলেন। কালক্রমে মহাত্মা লগধ 'বেদান্ত জ্যোতিষ' নামক জ্যোতিষগ্রন্থ প্রণয়ন করেন।

এই গ্রন্থে অতি স্থূলভাবে গণনা সন্নিবেশিত হইয়াছে এবং তাহাতে ৩৬৬ দিনে বৎসর, ৩০ তিথি, ২৭ নক্ষত্র, এবং ষাদশমাস ইত্যাদির উল্লেখ দেখা যায়। বেদাঙ্গ-কালের আলোচনা করিলে স্পষ্টই প্রতীয়মান হয় যে ভারতীয় আখ্যগণের আদি-গ্রন্থ বেদেই আখ্য জ্যোতিষের সর্বপ্রথম সূত্রপাত হইয়াছিল। ত্রিক্সিকান্ত পাঠ করিলে তৎকালীন আখ্যগণ জ্যোতিষশাস্ত্রে কতদূর অভিজ্ঞ ছিলেন তাহা জ্ঞাত হওয়া যায়। জ্যোতিষের এই বেদাঙ্গকাল খ্রীষ্টের জন্মের প্রায় ৪৫০০ বৎসর পূর্ব পর্যন্ত বিস্তৃত ছিল।

সংহিতাকাল ।

খ্রীষ্টের জন্মের সহস্রাধিকবর্ষ পূর্ব হইতে আখ্যগণকে জ্যোতিষগণনার ফলাফলের উপর বিশেষ আস্থা স্থাপন করিতে দেখা যায়। ঐ সময়ে পরাশরাদি সংহিতায় জ্যোতিষশাস্ত্রের ফলগণনা বিস্তৃতিলাভ করে। প্রাচীনকাল হইতে আখ্যগণ জ্যোতিষশাস্ত্র সম্বন্ধে যে জ্ঞানলাভ করিয়া আসিতেছিলেন সংহিতায় তাহা লিপিবদ্ধ হয়। কিন্তু অশ্রান্ত প্রাচীন গ্রন্থের ঞ্চয় সেই সংহিতাকালের জ্যোতিষগ্রন্থাদিও বিলুপ্ত হইয়াছে। পরাশর সংহিতাও লোপ পাইয়াছে। আজকাল যে পরাশরতন্ত্র পাওয়া যায় তাহা আধুনিক। পরাশর ব্যতীত কশ্যপ, নারদ, গর্গ, ব্যাস, মনু, ভৃগু ও যবন সংহিতাকার ছিলেন।

সিদ্ধান্তকাল ।

খ্রীষ্টের জন্মের পর হইতে সিদ্ধান্তকালের সূচনা। সূর্য্য, ব্রহ্মা, শৌনক, রশিষ্ঠ, পৌলিন ও রোমক সিদ্ধান্তকার ছিলেন। কিন্তু ইহাদের স্ৰষ্টিগ্রন্থ একপ্রকার বিলুপ্ত বলিলেই চলে। সিদ্ধান্ত শাস্ত্র হইতে গ্রন্থগণনা করিতে হইলে সৃষ্টির আরম্ভকাল হইতে অতীটকাল পর্যন্ত ষতদিন দণ্ডাদি অতীত হইয়াছে তদ্বারা অঙ্গপাত করিয়া গ্রন্থসাধন করিতে হয়। কিন্তু তাহা অনেক পরিশ্রমসাপেক্ষ। এক্ষণে কোনযুগের আদি হইতে গতকাল হিসাব করিয়া, তদ্বারা গণনা করিবার উপায় তন্ত্রশাস্ত্রকারগণ নির্দেশ করিয়াছেন। এতদপেক্ষাও পরিশ্রমসাধ্যের অল্প, করণগ্রন্থে, অতীট কোন শকবর্ষ হইতে গ্রন্থসাধনের উপায় বর্ণিত হইয়াছে। সিদ্ধান্তকারগণ সৃষ্টির সহিত গণনার ঐক্য দেখাইতে প্রয়াস পাইয়াছিলেন। সূর্য্যসিদ্ধান্তে উক্ত হইয়াছে,—“গ্রন্থদিগের গতি বিভিন্ন হইলেও বাহ্যতে সৃষ্টির

সহিত গণিতের ঐক্য হয় সেইরূপ গ্রহ আমি প্রণয়ন করিয়াছি ।” পরবর্তী সিদ্ধান্তকারগণ নলিকাদি যন্ত্রদ্বারা গ্রহভেদ করিয়া যখন বুঝিতে পারিলেন যে মুনিপ্রণীত শাস্ত্রানুসারে গণনা করিয়া গ্রহগণ দৃকতুল্য হইতেছেন, তখন তাঁহারা মুনিপ্রণীত এই সকল সিদ্ধান্তের মধ্যে কোন এক সিদ্ধান্ত অনুসারে গ্রহগণনা করত তাহার সহিত বাস্তবিক পরিদৃষ্টগ্রহস্থানের কত অন্তর তাহা নির্ণয় করিতেন । এই গণিতাগত গ্রহস্থান ও বাস্তবিক গ্রহস্থানের অন্তরের নাম বীজ । তাঁহারা এই বীজ বা অন্তর মুনিপ্রণীত শাস্ত্রে সংস্কার করিয়া নূতনগ্রহ প্রণয়ন করেন । খ্রীষ্টীয় ৩৯৮ অব্দে পাটলীপুত্রনগরে ভারতীয় লুপ্তপ্রায় জ্যোতিষশাস্ত্রের পুনঃপ্রতিষ্ঠাতা আর্য্যভট্ট জন্মগ্রহণ করেন । তিনি আর্য্যভট্টতন্ত্র নামে এক প্রসিদ্ধ সিদ্ধান্ত প্রণয়ন করিয়া স্বীয় অননুসাধারণ জ্ঞানের পরিচয় দিয়া গিয়াছেন ।

লল্লাচার্য্য আর্য্যভট্টের বহু শিষ্যের মধ্যে একজন । তিনি কালে একজন খ্যাতনামা জ্যোতিষী হইয়াছিলেন । তিনিও একখানি সিদ্ধান্ত প্রণয়ন করেন । বিক্রমাদিত্যের নবরত্নমণ্ডার অন্ততমরত্ন মহামতি বরাহমিহির, পোলিণ, রোমক, বশিষ্ঠ, সূর্য্য এবং ব্রহ্মপ্রণীত সিদ্ধান্ত অবলম্বনে পঞ্চসিদ্ধান্তিকানামক গ্রন্থ সংকলন করেন । তিনি লিখিয়াছেন যে এই পাঁচখানা সিদ্ধান্তগ্রন্থের মধ্যে পোলিণ-সিদ্ধান্তের গণনা স্ফুট অর্থাৎ দৃকতুল্য, রোমক সিদ্ধান্তের গণনা দৃকতুল্যের নিকটবর্তী, সূর্য্যসিদ্ধান্তের গণনা স্ফুটতর অর্থাৎ অপেক্ষাকৃত অধিক দৃকতুল্য । ব্রহ্মসিদ্ধান্ত ও বশিষ্ঠ সিদ্ধান্তের মতে গণনা করিলে বাস্তবিক গ্রহস্থান হইতে বহু পার্থক্য উপলব্ধ হয় । তজ্জন্ত ইহাদের গণনা অগ্রাহ্য । ব্রহ্মপ্রণীত সিদ্ধান্তে বীজসংস্কার করিয়া ব্রহ্মগুপ্ত নূতন সিদ্ধান্ত প্রণয়ন করেন । ক্রমে মুঞ্জাল, ত্রীপতি, ভোক্তরাজ, শতানন্দ প্রভৃতি আরও কয়েকজন প্রসিদ্ধ জ্যোতিষী স্ব স্ব সিদ্ধান্তগ্রন্থ প্রণয়ন করিয়া বিশেষ খ্যাতিলাভ করেন । ১০৩৬ শকে জ্যোতিষ সিদ্ধান্তকারদিগের মধ্যে মধ্যাহ্ন ভাস্করতুল্য ভারতগৌরব মহামতি ভাস্করাচার্য্য কর্ণাট প্রদেশান্তর্গত বীজাপুর নামক স্থানে প্রোত্ক্ষিত হইলেন । তিনি সিদ্ধান্ত শিরোমণি, বীজগণিত, লীলাবতী, প্রভৃতি সর্বজন প্রশংসিত বহুগ্রন্থ প্রণয়নপূর্বক, অসামান্য বুদ্ধি কোশল প্রদর্শন করিয়া পাশ্চাত্য পণ্ডিতগণকেও বিস্ময়ান্বিত করিয়া গিয়াছেন । তিনি তাঁহার ‘সিদ্ধান্ত শিরোমণি’ নামক গ্রন্থে বলিয়াছেন, “সিদ্ধান্ত গ্রন্থগুলি মহামতি গোলগণিতজ্ঞ পণ্ডিতগণকর্তৃক সময়ে সময়ে পরিপোষিত

হওয়ায়, গণিতাগত স্থান এবং বাস্তবিক গ্রহস্থানে অধিক পার্থক্য দৃষ্ট হইতেছেন।” বেদের চক্ষুরূপ জ্যোতির্গণনা দ্বারা ধর্মকাণ্ডের কালাকাল নিরূপণ আবহমানকাল হইতেই চলিয়া আসিতেছে। গণিতাগতগ্রহে কত অন্তর পড়িয়াছে তাহা অবগত হইবার জন্য, এবং ধর্মকর্মাদির কালাকাল দৃকসিক্করূপে নিরূপণ করিবার উদ্দেশ্যে ভারতীয় রাজসুবর্ণ বিপুল অর্থব্যয়ে বহুমানমন্দিরাদির প্রতিষ্ঠা করিতেন। এই সকল মানমন্দির হইতেই গ্রহবেধ হইত।

করণকাল ।

সিদ্ধান্তকাল খ্রীষ্টীয় ষাটশ শতাব্দী পর্যন্ত বিস্তৃত ছিল। তৎপর হইতেই করণকালের সূচনা। এই করণকালেই জ্যোতিষ শাস্ত্রের সর্বপ্রকার অবনতি পরিলক্ষিত হয়। ১০৭২ শকে ভাস্করাচার্য্য তাঁহার ‘সিদ্ধান্ত শিরোমণি’ প্রণয়ন করেন। ইহার স্বল্পকাল পরেই মুসলমানগণ ভারতবর্ষ আক্রমণ করেন। হিন্দু নরপতিগণ এই উপস্থিত বিপদের সময়েও ঘোরতর আত্মকলহে প্রবৃত্ত হইলেন এবং আর্ধ্যাঋষিগণের প্রাচীন গৌরব রক্ষার প্রতি সম্পূর্ণ উদাসীন হইয়া পড়েন। ক্রমে ভারত মুসলমানগণের করতলগত হয়। কিন্তু তখনও ভারতের জ্যোতিষগৌরব রবি সর্বত্র সম্পূর্ণরূপে অন্তর্মিত হয় নাই। রাজপুতানার অন্তর্গত জয়পুরাধিপতি মহারাজ জয়সিংহ জয়পুর, দিল্লী ও কাশীধামে মানমন্দির প্রতিষ্ঠা করিয়া গ্রহবেধাদির সুবিধা করিয়া দেন। তাঁহার সভায় গ্রীস ও আরবদেশ হইতে সমাগত কয়েকজন জ্যোতিষী অবস্থান করিতেন। জগন্নাথ পণ্ডিত আরবীয় ভাষা হইতে ১৫ অধ্যায় জ্যামিতিশাস্ত্র সংস্কৃত ভাষায় অনুবাদ করেন। এই জ্যামিতিশাস্ত্র আর্ধ্যাঋষিগণ কর্তৃক প্রথম আবিষ্কৃত হইলেও, ইহা আরবদেশে উন্নতিলাভ করে এবং তথা হইতে ইউরোপ ও অন্যান্য দেশে নীত হয়। জগন্নাথ আরবীয় ভাষায় লিখিত মেগাস্থি নামক জ্যোতিষগ্রন্থ সংস্কৃত অনুবাদ করিয়া ‘সম্রাট সিদ্ধান্ত’ নামক গ্রন্থ প্রণয়ন করেন। খ্রীষ্টীয় ১০৯২ অব্দে বঙ্গ ও মিথিলাপতি বল্লালসেন ‘অঙ্কতর্কমাগর’ নামক এক জ্যোতিষগ্রন্থ প্রণয়ন করেন। ১৪৪২ শকে বৃহত্তিথি চিন্তামণি, গ্রহলাঘব প্রভৃতি জ্যোতিষগ্রন্থের প্রণেতা গণেশ দৈবজ প্রভৃর্ত্ত হইলেন। তিনি ব প্রণীত গ্রন্থে লিখিয়াছেন, “আর্য্যভট্ট পরাশর সিদ্ধান্তে অন্তর দেখিয়া সংস্কার বিশেষ দ্বারা নুগ্নন গ্রন্থ প্রণয়ন করিয়াছিলেন, তাহাতেও কালক্রমে অন্তর হইতেছে

দেখিয়া হুর্গসিংহ, বরাহমিহির প্রভৃতি তাহার সংস্কার করত স্ব স্ব গ্রন্থ রচনা করেন। তাহাও অন্তরিত হওয়ার বিষ্ণুপুত্র ব্রহ্মগুপ্ত বেধ দ্বারা সংস্কার পূর্বক নূতন গ্রন্থ প্রণয়ন করেন। তদনুসারেও গণনার পার্থক্য অক্ষুণ্ণ হওয়ার মদীর পিতৃদেব কেশব দৈবজ্ঞ মহাশয় তাহার সংস্কারপূর্বক গ্রন্থ রচনা করেন। তাহার ৬০ বৎসর পর পুনর্বার সংস্কারের আবশ্যকতা হওয়ার আমি দৃষ্টি ও গণিতের ঐক্য সম্পাদক এই গ্রন্থ প্রণয়ন করিতেছি।” বস্তুতঃ দেখিতে পাওয়া যায় যে, বৈদিককাল হইতে গণেশ দৈবজ্ঞ পর্য্যন্ত ভারতের যাবতীয় জ্যোতির্বিদ এই দৃক্‌সিদ্ধির প্রতি লক্ষ্য রাখিবার জন্ত পুনঃ পুনঃ উপদেশ দিয়াছেন। ঋষিশ্রেষ্ঠ বশিষ্ঠ বলিয়াছেন যে, গণনা দৃষ্টির সহিত যে পরিমাণে এক সেই পরিমাণেই অভ্রান্ত। সুতরাং যখন যে গণনা দৃক্‌সিদ্ধ হইবে তখন তদ্বারাই তিথ্যাদি নিরূপণ করা কর্তব্য। প্রাচীনকালে জ্যোতিষ শাস্ত্র তাৎকালিক দৃক্‌প্রত্যয়ানুযায়ী ছিল, এক্ষণে নানা কারণে দৃক্‌সিদ্ধ হইতেছে না। অতএব সংস্কার আবশ্যক। আর্য্য ঋষিগণ এ মতের সমর্থন করিয়া গিয়াছেন। ভাস্করাদি জ্যোতির্বিদগণও অসঙ্কোচে পরিবর্তন সংশোধন করিয়াছেন এবং ভবিষ্যৎ জ্যোতির্বিদগণকেও প্রয়োজনমত সংস্কার করিতে স্পষ্টাক্ষরে উপদেশ দিয়াছেন। গণেশ দৈবজ্ঞের পর হইতে বর্তমানকাল পর্য্যন্ত এই দীর্ঘকাল গণনা দৃক্‌সিদ্ধ না হওয়াতে পঞ্জিকা সমূহে ভ্রম উপলব্ধি করা সত্ত্বেও আর কোন জ্যোতির্বিদ গ্রহগণিত সংস্কারে সাহসী হইয়াছেন নাই। কিন্তু এ সময়ে সংস্কার নিতান্ত আবশ্যক একথা সুধীজন মাঝেই স্বীকার করিবেন। • এই সংস্কারাভাবে আমাদের ধর্ম্ম কর্ম্মের বিশেষ ক্ষতি হইতেছে একথা সর্ব্ববাদিসম্মত। সুতরাং গণনার উপাদান সমূহের পরিবর্তন দ্বারা গণনা বাহাতে দৃক্‌সিদ্ধ হয় সে বিষয়ে মনোযোগী হওয়া প্রত্যেক জ্যোতির্বিদ পণ্ডিতেরই একান্ত কর্তব্য। গণেশ দৈবজ্ঞের পর ক্রমে বিশ্বনাথ দৈবজ্ঞ, কুচনাচার্য্য, রাঘবানন্দ, রঘুনাথ শর্মা, মহাদেব, দামোদর, নীলাধর শর্মা, শঙ্কর, বাপুদেব শাস্ত্রী ও সুধাকর দ্বিবেদী প্রভৃতি বহু জ্যোতির্বিদ প্রাক্কৃত হইয়াছেন। কিন্তু কেহই তাহাদের পূর্ব্বে মহাপুরুষদিগের সমকক্ষ হইতে পারেন নাই।

• মুসলমান সম্রাটগণের সময়েও জ্যোতিষীদিগের সমাদর সম্যক্, লোপ পাইয়াছিল একথা বলা যায় না। সম্রাট আওরাজ্জের সভাস্থ জ্যোতিষী কামলাকর ‘সিদ্ধান্ত ভূবিবেক’ নামক গ্রন্থ রচনা করেন। এই গ্রন্থে তিনি গণিত বিষয়ে

অশেষ পাণ্ডিত্যের পরিচয় দিয়াছেন । কিন্তু কমলাকর গণিতে পাণ্ডিত্য দেখাইলেও গ্রহবেধ বিষয়ে নিজের অপটুতা স্বীকার করিয়াছেন । মুসলমান রাজত্বকালে কমলাকর ব্যতীত রজনাত প্রভৃতি কয়েকজন জ্যোতিষী কয়েকখানা সিদ্ধান্তগ্রন্থ প্রণয়ন করিয়াছিলেন, কিন্তু সে সকল গ্রন্থ তাদৃশ উপাদেয় নহে । বর্তমান ইংরেজ রাজত্বেও উড়িষ্যার মহামহোপাধ্যায় চন্দ্রশেখর সামন্ত 'সিদ্ধান্ত দর্পণ' নামক একখানা সিদ্ধান্তগ্রন্থ প্রণয়ন করিয়াছেন । এই গ্রন্থানুসারে উড়িষ্যার পঞ্জিকা গণিত হয় । নাবিক পঞ্জিকার গণনার সহিত ইহার গণনার অনেকটা সাদৃশ্য দেখা যায় । বোম্বাই প্রদেশে কেরোপন্থ, বেক্কেট, কেতকর প্রভৃতি জ্যোতির্বিদগণ ইউরোপীয় জ্যোতিষ এবং ভারতীয় জ্যোতিষের সংমিশ্রণে যথাক্রমে 'কেরোপন্থসারণী' ও 'জ্যোতির্গণিত' এবং আরও কয়েকখানি গ্রন্থ প্রণয়ন করিয়াছেন । এই সকল গ্রন্থানুসারেই বোম্বাই প্রদেশের পঞ্জিকা গণিত হইতেছে । বঙ্গদেশীয় অধুনাতন জ্যোতির্বিদগণ, সহজে পঞ্জিকা গণনার উপযোগী অনেকগুলি করণগ্রন্থ ও ফলিতগ্রন্থ প্রণয়ন করিয়াছেন । তন্মধ্যে কৃষ্ণনগর রাজসভার জ্যোতির্বিদ রাঘবাচার্য্য প্রণীত সিদ্ধান্তরহস্য, দিনচন্দ্রিকা, বিনয়তোষিণী ও বিশ্বহিত, বালীনিবাসী মথুরানাথ দৈবজ্ঞ প্রণীত গ্রহার্ণব, এবং নবদ্বীপনিবাসী রামাচার্য্য প্রণীত দিনকৌমুদী প্রধান । ফলিত জ্যোতিষগ্রন্থের মধ্যেও রাঢ়দেশীয় শ্রীনিবাসকৃত শুদ্ধদীপিকা এবং গঙ্গাতীরনিবাসী শ্রীনাথভট্ট কৃত কোণীপ্রদীপ উল্লেখযোগ্য ।

ভারতীয় জ্যোতিষিগণের সংক্ষিপ্ত বিবরণ আলোচনা করিতে গিয়া দেখা গেল যে, ভারতের অন্যান্য দেশাপেক্ষা আমাদের বঙ্গদেশ জ্যোতিষ চর্চা সম্বন্ধে অপেক্ষাকৃত আধুনিক । একমাত্র শ্রীধরাচার্য্য ব্যতীত অন্য কোনও জ্যোতির্বিদ প্রাচীন বঙ্গদেশকে অলঙ্কৃত করেন নাই । শ্রীধর 'ত্রিশতিকা' নামক একখানা পাঠ্যগণিত প্রণয়ন করেন । তিনি একখানা বীজগণিতও প্রণয়ন করিয়াছিলেন, কিন্তু তাহা এখন চূর্ণাপ্য বা বিলুপ্ত ।

ফলিত জ্যোতিষ ।

আমি যে গণিত জ্যোতিষ সম্বন্ধে আলোচনা করিলাম, তাহার সহিত 'ফলিত জ্যোতিষের অতি ঘনিষ্ঠ সম্বন্ধ : ফলিত জ্যোতিষ গণিত জ্যোতিষের উপর সম্পূর্ণ-

রূপে নির্ভর করে। ফলিত জ্যোতিষ সাহায্যে গ্রহনক্ষত্রাদির গতি, স্থিতি ও সঞ্চারণগারে মানবের কার্যাবলী শুভাশুভ ফল এবং মানবদৃষ্টের ভূত, ভবিষ্যৎ ও বর্তমান এই ত্রিকালের অবশ্যস্বাভাবী ঘটনাবলী অবগত হওয়া যায়। শাস্ত্রে উক্ত হইয়াছে, ব্রহ্মা মানবের অদৃষ্টচক্রে সদসৎ, শুভাশুভ যে কর্মফল লিপিবদ্ধ করিয়াছেন, দীপ যেমন অন্ধকার গৃহস্থিত ঘটাদি সকল বস্তুর প্রকাশক, ফলিত জ্যোতিষও সেইরূপ মানবদৃষ্টের তত্ত্বৎ শুভাশুভ কর্মফলের প্রকাশক। কিন্তু মানবের এই ভাগ্যফল অবগতির আবশ্যিকতা কি? ভবিষ্যৎ যদি সুখময় না হয় তবে অদৃষ্ট কর্মফল পরিজ্ঞাত হওয়ায় লাভ কি? মানুষ কি তাহার ভবিষ্যৎ পরিবর্তন করিতে সমর্থ? যদি কার্য্য কারণ সূত্র অলভ্য হয়, এবং যদি অতীতের সঞ্চিত কারণ সমূহই ভবিষ্যৎ কার্য্যের নিয়ামক হয়, তবে ভবিষ্যৎ কে রোধ করিবে? আর যদি ভবিষ্যৎকে রোধ করিতেই না পারা যায় তবে ভবিষ্যতের অন্ধকারময় যবনিকা উত্তোলন করিয়া ভাবি হুঃখ বিপদের চিত্রদর্শন করিয়া বর্তমান সুখময় জীবন হুঃখপূর্ণ করিয়া তুলি কেন?" এরূপ প্রশ্ন অনেকেই উত্থাপন করিয়া থাকেন। এ প্রশ্ন নূতন নহে, বহুপুরাতন। অদৃষ্টবাদ এবং পুরুষকারবাদে এই প্রশ্নই পল্লবিত হইয়াছে।

দৈব এবং পুরুষকার।

“পূর্বজন্মার্জিত সদসৎকর্মবিপাকো দৈবম্” অর্থাৎ পূর্বজন্মার্জিত সদসৎ কর্মফলের নাম দৈব বা অদৃষ্ট। আর “ঐহিক আশ্রুত কর্ম” অর্থাৎ ইহজন্মের নিজকৃত কর্মের নাম পুরুষকার। এই অদৃষ্টবাদী ও পুরুষকারবাদী সম্প্রদায়ের মধ্যে আবহমান কাল হইতে ঘোরতর বন্দ চলিয়া আসিতেছে। ষাঁহারা ঘোরতর অদৃষ্টবাদী তাঁহারা বলেন, “পূর্বজন্মকৃত শুভাশুভ ফল অবশ্যস্বাভাবী। স্বয়ং দেবমন্ত্রী বৃহস্পতিও স্বকৃতকর্মফল ধ্বংস করিতে সমর্থ হইবেন না। অদৃষ্টে যাহা আছে তাহাত ষটিবেই। অতএব ফলিত জ্যোতিষের সাহায্যে অর্থাৎ কোণী, ঠিকুঙ্গী প্রস্তুত করাইয়া ভাগ্যফল জানিবার প্রয়োজন কি?” ইহাদের বিরুদ্ধে পুরুষকারবাদী সম্প্রদায় বলিতেছেন, “যদি পূর্বজন্মার্জিত কর্মফলই অবশ্যস্বাভাবী হয় তবে অগ্নিতে গৃহদগ্ধ হইতে আরম্ভ হইলে দমকল আনাহইয়া অগ্নিনির্বাপিত করিবার প্রয়োজন কি? গৃহে চোর প্রবেশ করিলে চীৎকার করিয়া পাড়ার লোক ও পুলিশ একত্র করিবার আবশ্যিক কি? পরিবারস্থ কাহারও উৎকট পীড়ার সময়ে সর্বপ্রধান

চিকিৎসক আনয়ন করিয়া অর্থব্যয়ই বা কর কেন ? প্রচুর শস্য প্রাপ্তির আশায় যথা সময়ে ভূমিকর্ষণ ও বীজ বপন করিবার আবশ্যিকতা কি ? যদি এ সকল প্রশ্নের উত্তর দিতে অক্ষম হও, তাহা হইলে কেবলমাত্র অদৃষ্টের উপর নির্ভর করিয়া নিশ্চিতভাবে বসিয়া থাকিও না । যেহেতু,—

উদ্যোগিনঃ পুরুষসিংহমুপৈতি লক্ষীঃ ।

দৈবেন দেয়মিতি কাপুরুষা বদন্তি ॥

উদ্যোগী পুরুষের প্রতিই লক্ষীর সম্পূর্ণ অমুগ্ৰহ দেখা যায় । আর কাপুরুষেরাই দৈবের উপর নির্ভর করিয়া বসিয়া থাকে ।” পুরুষকারবাদিগণ দৈবের পরিবর্তে পুরুষকারকেই উচ্চস্থান প্রদান করেন ।

যাজ্ঞবল্ক্য দৈব এবং পুরুষকার এতদুভয়েরই আবশ্যিকতা স্বীকার করত বলিয়াছেন, “রথের একটি চক্রের দ্বারা যেমন রথ চলিতে পারেনা সেইরূপ পুরুষকার ব্যতীত কেবলমাত্র দৈব সাহায্যেও কোন কৰ্ম সম্পন্ন হইতে পারে না ।” কেহ কেহ আবার এই উক্তির বিরুদ্ধে তর্ক করিয়াছেন,—

“অবশ্যস্তাবিভাবানাং প্রতিকারো ভবেদ্ যদি ।

তদা হুঃখৈন'বাধোরন্ নলরামযুধিষ্ঠিরাঃ ॥”

অর্থাৎ বাহা অবশ্যস্তাবী, পুরুষকার প্রয়োগে যদি তাহার প্রতিকার সম্ভবপর হইত তবে নলরাজা, শ্রীরামচন্দ্র, এবং ধর্মরাজ যুধিষ্ঠিরকে কখনই হুঃখ ভোগ করিতে হইত না । এস্থলে দেখা যায়, ভাগ্যফলই অবশ্যস্তাবী, পুরুষকার ভাগ্যফল ধ্বংস করিতে পারে না । অনেককে দেখিতে পাওয়া যায়, পুনঃ পুনঃ চেষ্টা করিয়াও ঈশ্বিত কৰ্মে কৃতকার্য হইতে পারেন না । আবার অনেকে হয়ত সম্পূর্ণ নিশ্চেষ্টভাবে বসিয়া থাকিয়াও বিশেষ লাভবান হইয়া থাকেন । আমাদের এই বঙ্গদেশেই অনেক সমৃদ্ধিশালী ব্যক্তি রহিয়াছেন যাহারা অতি সামান্য অবস্থা হইতে উত্তরাধিকার সূত্রে বা দত্তকপুত্ররূপে অতুল ঐশ্বৰ্য্যের অধিকারী হইয়াছেন । তাহাদের পুরুষকারের বিন্দুমাত্রও প্রয়োগ দেখা যায় না । সূতরাং পূর্বজন্মার্জিত কৰ্মফলই তাহাদের এই বিপুল বিত্তের কারণ ।

বস্তুতঃ ভাগ্যফল আলোচনা করিতে গেলে দৈব ও পুরুষকারের মধ্যে একের প্রাধান্য ও অপরের দৌর্বল্য সর্বদাই স্বীকার করিতে হইবে । শাস্ত্রেই কথিত হইয়াছে,—

“দৈবং পুরুষকারেণ দুর্বলং হ্যপহন্ততে ।

দৈবেন চেতরেং কৰ্ম্ম বিশিষ্টেনোপহন্ততে ॥”

অর্থাৎ প্রবল পুরুষকার, দুর্বল দৈবকে পরাজিত করিয়া থাকে, এবং প্রবল দৈব দুর্বল পুরুষকারকে ও পদে পদে বাধা দিয়া থাকে ।

স্থির ভাগ্য এবং অস্থির ভাগ্য ।

আমি যে ভাগ্য সম্বন্ধে আলোচনা করিলাম, তাহা দ্বিবিধ যথা,—স্থিরভাগ্য এবং অস্থির ভাগ্য । আমাদের পূর্বজন্মার্জিত শুভাশুভ কৰ্ম্মফলও দ্বিবিধ যথা,—দৃঢ় কৰ্ম্মার্জিত বা স্থিরভাগ্যসম্বৃত্ত ফল এবং অদৃঢ়কৰ্ম্মার্জিত অথবা অস্থির-ভাগ্যসম্বৃত্ত ফল ।

দৃঢ়কৰ্ম্মার্জিত ও অদৃঢ়কৰ্ম্মার্জিত ফল ।

আমাদের দৃঢ়কৰ্ম্মার্জিত ফলভোগ অবশ্যস্বাভাবী । প্রবল পুরুষকারের প্রয়োগেও তাহার প্রতিকার করা অসম্ভব । কিন্তু মানবের অদৃঢ়কৰ্ম্মার্জিত ফল ইহজন্মের কৰ্ম্ম বা পুরুষকার বলে পরিবর্তিত হইতে পারে; কিন্তু এই পুরুষকারের প্রয়োগ কখন করিতে হইবে? প্রত্যেক ক্রিয়ানুষ্ঠানের এক একটা উপযুক্ত সময় আছে । একটা ক্ষেত্রে প্রচুর উৎপাদিকা শক্তি থাকা সত্ত্বেও তাহাতে অসময়ে বীজবপন করিলে বীজগুলি নষ্ট হইয়া যায়, এবং পরিশ্রমেরও অপব্যবহার হইয়া থাকে । কিন্তু উপযুক্ত সময়ে কৰ্ষণ পূর্বক সেই ক্ষেত্রে বীজ বপন ও জলসিঞ্চনাদি করিলে প্রচুর শস্যলাভ অবশ্যস্বাভাবী । এইরূপ যদি কোন ব্যক্তি স্বীয় অশুভদর্শা অবগত না হইয়া দ্বিগুণ উৎসাহের সহিত সেই অশুভ মুহূর্ত্তে কোন কার্য্যে প্রবৃত্ত হন তাহা হইলে তাহার অশুভসময় জনিত আশা ভঙ্গ ও পশুশ্রম অনিবার্য্য । অথচ সেই ব্যক্তিই শুভদর্শাতে বা শুভ মুহূর্ত্তে কার্য্যারম্ভ করিয়া বিশেষ লাভবান্ হইয়া থাকেন । এ স্থলেই আমাদের ফলিত জ্যোতিষের আবশ্যকতা । জ্যোতিষ শাস্ত্র ভিন্ন আর কোন শাস্ত্র নাই যাহা মানবের পুরুষকার প্রয়োগের এই শুভ মুহূর্ত্তের জ্ঞাপক । এই জন্তই মানবের কোষ্ঠী, ঠিকুঞ্জী অথবা জন্মপত্রিকার প্রয়োজন । শাস্ত্রকার যথার্থই বলিয়াছেন,—

“যন্ত নাস্তি ধনু জন্মপত্রিকা যা শুভাশুভফলপ্রকাশিনী ।

অন্ধবভবতি তন্ত জীবনং দীপহীনমেব মন্দিরং নিশি ॥”

অর্থাৎ যাহার শুভাশুভ ফলপ্রকাশিনী জন্মপত্রিকা নাই তাহার জীবন নিশা-
কালীন দীপবিহীন অন্ধকারাচ্ছন্ন মন্দিরের স্থায় ।

আমরা ফলিত জ্যোতিষ সাহায্যে ফল গণনা দ্বারা আমাদের দৃঢ়কর্মাঙ্জিত ও
অদৃঢ়কর্মাঙ্জিত এই উভয়বিধ শুভাশুভ কর্মফল অবগত হইতে পারি, আমাদের
শুভাশুভ দণ্ডার কাল জানিতে পারি, আর কখন কোন্ গ্রহ বিরুদ্ধ এবং কখন
কোন্ গ্রহ আমাদের প্রতি প্রসন্ন তাহাও জ্ঞাত হইতে পারি । পূর্বেই
বলিয়াছি, মানবের দৃঢ়কর্মাঙ্জিত ফলভোগ অনিবার্য্য । সেই ফল শুভ হইলে
আনন্দের সহিত তাহার আগমন প্রতীক্ষা করা যাইতে পারে; আর অশুভ
হইলে, সেই অশুভফলভোগোপযোগী সাহস ও বল সঞ্চয় করিতে পারা যায় ।
অদৃঢ়কর্মাঙ্জিত অশুভ ফল পরিবর্তনের চেষ্টা করা যাইতে পারে । গ্রহ বিরুদ্ধ
হইলে উপযুক্ত সময়ে শাস্তি স্বস্ত্যয়ন দ্বারা অশুভ গ্রহের শাস্তি করা যাইতে পারে ।
আর গ্রহ অক্ষুণ্ণ থাকিলে বা দৈব সহায় থাকিলে শুভ মুহূর্ত্তে পুরুষকার
প্রয়োগ করত অত্যধিক উৎসাহ ও উত্তমের সহিত কার্য্য করিয়া আশা-
ভীত ফল লাভ করিতে যায় । ইহা হইতেই ভাগ্যফল অবগতির আবশ্যকতা
স্পষ্টরূপে প্রতীয়মান হইতেছে ।

আমি এই মাত্র ‘গ্রহবিরুদ্ধতা’ ও ‘গ্রহশাস্তি’ কথাষয়ের উল্লেখ করিয়াছি ।
অনেকেই হয়ত মনে করিতে পারেন, ‘এ আবার কি ? গ্রহবিরুদ্ধই কি আর
গ্রহশাস্তিই বা কি ? এ সকল বুদ্ধরকী কথা । বাস্তবিক অনেকেই এই গ্রহ-
বিরুদ্ধতা ও গ্রহশাস্তিতে প্রত্যয় করেন না । কিন্তু বস্তুতঃ এ সকল কথা অবাস্তব
কল্পনা প্রসূত নহে । এ সকল কথা ত্রিকালজ্ঞ সুন্দরী ‘অসীমশক্তিসম্পন্ন
ঋষিগণ প্রণীত শাস্ত্রোক্ত, অত্রান্ত সত্য । শুধু জ্যোতিষশাস্ত্রে কেন, আয়ুর্বেদেও
গ্রহবিরুদ্ধতা এবং গ্রহশাস্তির উল্লেখ পরিলক্ষিত হইয়া থাকে । চরকে উক্ত
হইয়াছে,—

“গ্রহেষু প্রতিকূলেষু নাহুকূলম্ হি ভেষজম্ ।

• তে ভেষজানাং বীৰ্য্যাণি হরন্তি বলবুভ্যাণি ॥”

অর্থাৎ গ্রহ বিরুদ্ধ হইলে বিত্তক ঔষধেও রোগীর কোন উপকার হইতে পারে
না ; বিরুদ্ধগ্রহ বলবান্ ঔষধের সকলগুণ নষ্ট করিয়া থাকে ।

এই জন্তই অনেক সময়ে দেখিতে পাওয়া যায় যে, প্রসিদ্ধ চিকিৎসক দ্বারা চিকিৎসা করাইয়াও রোগীর কোন উপকার হয় না। অথচ তন্ত্রে স্থলে জন্ম পত্রিকা সাহায্যে গ্রহদোষ অবগত হইয়া বিরুদ্ধ গ্রহের শান্তি করাইবার পর আশ্চর্য্য সফল ফলিয়া থাকে। এই গ্রহশান্তির কথা আজ নূতন নয়, ইহা ঔপ-
 ন্যাসিক কল্পনা নয়, ইহা অতি সত্য কথা। একথা সামবেদে গোতিলের পরিশিষ্টেও অতি স্পষ্টাকরে লিখিত রহিয়াছে। আর্য্যসমাজেও এই শান্তিপ্রথা বহুকাল হইতেই চলিয়া আসিতেছে। তবে কথা এই যে, এই সকল কার্য্যোপযোগী প্রকৃত শাস্ত্রজ্ঞ, ধর্ম্মজ্ঞ ও কর্ম্মজ্ঞ পণ্ডিত আজকাল অতি বিরল।

এই গ্রহশান্তির প্রকরণ বহুপ্রকার, যথা,—গ্রহন্নান, গ্রহদান, গ্রহপূজা, গ্রহহোম, গ্রহকবচ ধারণ এবং গ্রহ রত্নাদি ধারণ ইত্যাদি। ইহাদের প্রত্যেক বিষয়ে আলোচনা না করিয়া কেবলমাত্র গ্রহরত্নাদি ধারণ সম্বন্ধে হই একটা কথা বলিব।

স্মরণাতীত কাল হইতেই মণিরত্নসমূহ মানবের অতি প্রয়োজনীয় এবং আদরের সামগ্রী। নরনারীসমাজেই, ইহার ব্যবহার মঙ্গলজনক বলিয়া, অস্বাধিক ধারণ করিয়া আসিতেছেন। কিন্তু বর্ত্তমান সময়ে নারীসমাজে মণিরত্ন-খচিত অলঙ্কার ধারণের আবশ্যকতা বিলাসিতার নামাস্তর মাত্রে পর্য্যবসিত। এই মণিরত্নাদির ধারণ আজ নূতন নয়। অতি প্রাচীন কালে আর্য্যঋষিগণের সময়েও রত্নাদিধারণের ব্যবস্থা ছিল। কিন্তু ঋষিগণ বিলাসপ্রিয় ছিলেন না। সুতরাং ইহা স্পষ্টই প্রতীয়মান হইতেছে যে, তাঁহারা বিলাসিতার জন্ত রত্নালঙ্কার পরিধানের কিম্বা মণিমুক্তা ধারণের ব্যবস্থা করিয়া যান নাই। তাঁহাদের এই ব্যবস্থার অন্তরালে অতি উচ্চ উদ্দেশ্য ছিল। মণিরত্নাদি ধাতুসমূহ শারীরিক মঙ্গলপ্রদ, এবং গ্রহনির্কিংশেবে সফলপ্রদ বলিয়াই তাঁহারা মানবের হিতার্থে এই সকল রত্নধারণের উপদেশ দিয়া গিয়াছেন। তাঁহাদের মতে স্বর্ণালঙ্কার ধারণ করিলে বুধ ও বৃহস্পতি গ্রহ প্রীত হইবেন এবং তাহাতে 'রমণীগণ অতি নম্রস্বভাবা, মিষ্টভাষিনী ও লক্ষ্মীযুক্তা হইয়া থাকেন। রৌপ্যালঙ্কারধারণে শুক্রগ্রহ প্রীত হইয়া থাকেন এবং তাহার ফলে নারীগণ সুস্থ, সর্বাঙ্গ ও দীর্ঘায়ু সন্তানপ্রসবিনী হইবেন। এতদ্ব্যতীত মানবদেহের উপর মণিমাণিক্য ও রত্নাদির রাসায়নিক প্রক্রিয়াও পরিলক্ষিত হইয়া থাকে। সেই রাসায়নিক প্রক্রিয়ার ফলে মানব-দেহের নামাপ্রকার ব্যাধিরও উপশম হইয়া থাকে।

শাস্ত্রানুসারে মণিরত্নাদি ধারণে কি ফল, কোন্ গ্রহ বিরূপ হইলে কোন্ ধাতু বা রত্ন ধারণ প্রশস্ত, তাহা দীপিকায় বিশিষ্টভাবেই উক্ত হইয়াছে । যথা,—

“মাণিক্যং বিগুণে সূর্য্যে বৈদূর্য্যং শশলাঙ্কনে ।

প্রবালং ভূমিপুত্রে চ পদ্মরাগং শশাক্ষে ।

শুরৌ মুক্তাং ভূগৌ বজ্রমিন্দ্রনীলং শনৈশ্চরে ।

রাহৌ গোমেদকং ধার্য্যং কেতৌ মরকতং তথা ॥”

অর্থাৎ সূর্য্যগ্রহ বিরূপ হইলে মাণিক্য, চন্দ্রগ্রহে বৈদূর্য্য, মঙ্গলে প্রবাল, বুধে পদ্মরাগ, বৃহস্পতিতে মুক্তা, শুক্রে হীরক, শনিতে ইন্দ্রনীল, রাহুতে গোমেদক এবং কেতুগ্রহে মরকতমণি বা পান্না ধারণ করিবে ।

কিন্তু বর্তমান কালে আৰ্য্যঋষিগণের এই সকল উপাদেয় এবং হিতকর উপদেশ পদে পদে উপেক্ষিত হইতেছে । রৌপ্যালঙ্কার অল্পমূল্য অথচ হালফ্যাসান-বিরূদ্ধ বলিয়া ইহার ব্যবহার লুপ্তপ্রায় । আর মণিমুক্তাখচিত রত্নালঙ্কার শুভফল লাভের অভিপ্রায়ে ব্যবহৃত না হইয়া ভদ্রমহিলাগণের বিলাসদ্রব্যে পরিণত ।

বিবাহগণনা বা ঘোটকবিচার আমাদের আর এক অতি প্রয়োজনীয় এবং অবশ্য জ্ঞাতব্য বিষয় । এ সম্বন্ধেও সংক্ষেপে কিছু বলিতে ইচ্ছা করি । পতি পত্নী উভয়ের রাশি, নক্ষত্র, গণ এবং বর্ন মিলাইয়া বিবাহ দেওয়া কর্তব্য । চন্দ্র হইতে রাশি গণনা হয়, এবং নক্ষত্র হইতে গণ নিরূপিত হয় । চন্দ্র মনকারক গ্রহ । সূতরাং উভয়ের রাশির সাদৃশ্য থাকিলে দম্পতির মানসিক অবস্থা একপ্রকার হইয়া থাকে, এবং তাহাতে বিবাহ-জীবন অতীব সুখময় হইতে দেখা যায় । আবার, পরস্পরের রাশির প্রকৃতি বিভিন্ন প্রকারের হইলে স্বামী, স্ত্রী উভয়েরই মানসিকবৃত্তি বিভিন্ন হয় এবং পরিণামে সেই পরিবারে অতি বিষময় ফল ফলিয়া থাকে । বিবাহগণনায় গণ, বর্ন মিলন ব্যতীত আরও অনেক বিবেচ্য বিষয় আছে । মনে করুন, একটা ঘোটকবিচারে দেখা গেল পাত্র পাত্রীর গণ, বর্ন, রাশি, নক্ষত্র মিলনাদি অতি উত্তম হইয়াছে । কিন্তু পাত্রীর বৈধব্য যোগ রহিয়াছে । শাস্ত্রানুসারে এ বিবাহ সর্ব্বৈব অসঙ্গত তবে এ মেয়ের কি বিবাহ হইবে না ? অনেকে হয় ত তাহাই মনে করিতেছেন । কারণ, কে এই বৈধব্য-যোগসম্পন্ন পাত্রীর সহিত নিজ পুত্রের বিবাহ দিবেন ? কিন্তু যে পাত্রের পুত্র-

হানি যোগ রহিয়াছে তাহার সহিত এই কন্টার বিবাহ সম্পন্ন হইলে অতি উত্তম হইবে এবং উভয়ের পতিপত্নীহানি যোগের খণ্ডন হইবে ।

অনেকে বিবাহগণনার কোন প্রয়োজন মনে করেন না। লোকে সামান্য এক কাঠা ভূমি ক্রয় করিতে গিয়া উকীল ব্যারিষ্টারের সহিত কত পরামর্শ, কত লেখাপড়া ও কত দেখাশুনা করিয়া থাকেন, কিন্তু বাহাতে ভাবী পতিপত্নীর সুখ, দুঃখ ও শুভাশুভ সকল বিষয় সম্পূর্ণ নির্ভর করে, তাহার মুসবিদা বা পাণ্ডুলিপি বিশেষরূপে পরীক্ষা করাইবার আবশ্যিকতা আদৌ অনুভব করেন না, ইহা অপেক্ষা আশ্চর্যের ও ক্ষোভের বিষয় আর কি হইতে পারে? আবার অনেকে কোণী, ঠিকুজীও প্রস্তুত করান সত্য, কিন্তু বিবাহ সময়ে আর কোণীর মিলন না করাইয়া বর্তমান যুগায়ুযায়ী আর্থিক মিলন করাইয়াই নিজ নিজ পুত্রকন্টার বিবাহ দিয়া থাকেন। হয় ত নরগণ ও রাক্ষসগণে বিবাহ দেওয়ায় বিবাহের একমাস মধ্যেই পুত্র মৃতদার হইল, কিম্বা কন্টাটি বিধবা হইয়া গেল। হয় ত অরিষড়ষ্টক মিলনে বিবাহ হওয়াতে দম্পতীর চিরজীবন বিষময় হইয়া চিরকলহে যাপন করিতে হইল। অবশ্য কোন কোন স্থলে কোণী মিলন করা সত্ত্বেও বিবাহে বিষময় ফল ফলিতে দেখা যায় সত্য, কিন্তু তত্বস্থলে জ্যোতিষীর দোষ অথবা জন্মগময়ের অস্থিরতা ব্যতীত কারণান্তর দৃষ্ট হয় না। আমার দৃঢ় বিশ্বাস, সুযোগ্য জ্যোতিষীর দ্বারা সূক্ষ্মরূপে পাত্র পাত্রীর জন্মপত্রিকা বিচার করাইয়া যথানির্দিষ্ট শুভলগ্নে বিবাহকার্য সম্পাদন করিলে সে বিবাহে কখনও অশুভফল ফলিতে পারে না। তবে যে ক্ষেত্রে মানবকে তাহার দৃঢ়কর্মান্বিত ফলভোগ করিতে হইবে, সে স্থলে নানারূপ ভ্রমভ্রান্তির ভিতর দিয়াও দৃঢ়কর্মান্বিত ফল ফলিবেই ফলিবে। কিন্তু সেই জন্ত চক্ষু মুদ্রিত করিয়া নিশ্চেষ্টভাবে বসিয়া না থাকিয়া পুরুষকারের প্রয়োগ করত প্রত্যেকেরই অশুভফল খণ্ডন করিতে চেষ্টা করা উচিত। আমার ভাগ্যে থাকিলে অগ্নিতে হাত পুড়িবে, তাই বলিয়া স্বেচ্ছায় অগ্নিতে হস্তক্ষেপ করা কি উচিত?

আমাদের ভারতপ্রসূত জ্যোতিষশাস্ত্রকে ভারতবাসীরাই অনেক সময় অবজ্ঞা করিয়া থাকেন। কিন্তু অনেকেই হয় ত শুনিলে আশ্চর্যান্বিত হইবেন যে, যে পাশ্চাত্যসমাজকে আমরা সুসভ্য ও কুসংস্কারশূন্য বলিয়া সম্মান ও শ্রদ্ধা করিয়া থাকি, সেই সমাজের বহু উচ্চপদস্থ, সুশিক্ষিত এবং গণ্যমান্য ব্যক্তিও তাঁহাদের

নিজেদের এবং সম্মানসম্বন্ধিতর জন্মপত্রিকা প্রস্তুত করান একান্ত প্রয়োজনীয় বলিয়া মনে করেন । অনেকে পরিণয়সূত্রে আবদ্ধ হইবার পূর্বে তাঁহাদের মিলন সুখকর হইবে কি না ইহা গণনা করাইতেও বিশেষ আগ্রহ প্রদর্শন করিয়া থাকেন । অথচ যে ভারতভূমি আদি জ্যোতিষজননী— সেই ভারতে হিন্দুর নিত্য-প্রয়োজনীয় জ্যোতিষশাস্ত্রের কি শোচনীয় অবস্থা !

সাহিত্যিক, সামাজিক, রাজনৈতিক যে কোন বিষয়েই কোনরূপ উন্নতিসাধন করিতে হইলে সে দিকে শিক্ষিত সম্প্রদায়ের এবং রাজস্ববর্গের দৃষ্টি আকৃষ্ট হওয়া একান্ত বাঞ্ছনীয় । আমাদের এই প্রাচীন জ্যোতিষশাস্ত্রের উন্নতির আশাও শিক্ষিত সম্প্রদায়ের এবং রাজস্ববর্গের উপর সম্পূর্ণ নির্ভর করে । কিন্তু অনেকেই আর্ধ্যজাতির গৌরবের নিদান এই প্রাচীন প্রত্যক্ষ ফলপ্রদ জ্যোতিষশাস্ত্রকে বুজুকি বলিয়া মনে করেন ; অনেকে দৈব বা অদৃষ্টের অস্তিত্ব সর্বক্ষেত্রে সন্দেহ করিয়া থাকেন । কারণ, তাঁহারা হয় ত এতীব্র শুভ প্রাক্রন কর্মফল বশতঃ, যে কার্যে হস্তক্ষেপ করিয়াছেন, তাহাতেই সফলকাম হইয়াছেন, জীবনে কখনও অকৃতকার্য্য হইয়েন নাই, সুতরাং তাঁহাদের ভাগ্যের উপর বিশ্বাসস্থাপনের সুযোগ কখনও হয় নাই । তাঁহারা পুরুষকার ভিন্ন আর কিছুই স্বীকার করেন না । কিন্তু এমনও দেখা গিয়াছে যে, এই সংসারের ঘাতপ্রতিঘাতে প্রেীড়িত হইয়া বহু পুরুষকারবাদী ঘোরতর অদৃষ্টবাদী হইয়া উঠিয়াছেন । বাহা হউক, জ্যোতিষশাস্ত্রটা শুধু অদৃষ্টবাদীর জগু সৃষ্ট হয় নাই । অদৃষ্টবাদী পুরুষকারবাদী উভয়েরই জ্যোতিষশাস্ত্রের প্রয়োজন । উভয়েরই কোন্ শুভমুহুর্তে, কার্যে প্রবৃত্ত হইলে কার্য্য সুসম্পন্ন ও ফলপ্রসূ হইবে তাহা অবগত হওয়া আবশ্যিক ।

আজ পাশ্চাত্য প্রদেশে পর্য্যন্ত জ্যোতিষশাস্ত্রের কত চর্চা চলিতেছে, এ শাস্ত্রের কত উন্নতির চেষ্টা চলিতেছে । কিন্তু হায় ! যে ভারত জ্যোতিষ-প্রসবিনী, যে ভারতে আশ্রয়ভট্ট, বরাহমিহির, ভাস্করাচার্য্য প্রভৃতি মহাপুরুষগণ আবির্ভূত হইয়া ভারতীয় জ্যোতিষজগতে এক এক নবযুগের প্রতিষ্ঠা করিয়া গিয়া আজ পর্য্যন্ত অমর হইয়া রহিয়াছেন, যে ভারতে হিন্দুর “ঐহিক ও পারলৌকিক উভয়বিধ কল্যাণের মূলে জ্যোতিষশাস্ত্র,” যে ভারতে “সমুদ্রপ্রস্থতের জাতুকর্ম হইতে মৃতের শ্রাদ্ধ, বালকের বিচারস্ত হইতে বৃদ্ধের তপ, জপ, যজ্ঞাঙ্কন, কুমারী ও সখবার ব্রতচরণ হইতে বিধবার ব্রজচর্চা, সকলেরই মূলে

জ্যোতিষ,” সেই ভারতেই আজ জ্যোতিষশাস্ত্রের প্রতি ভারতসন্তানগণ বীর্তশ্রদ্ধ ! ইহা অপেক্ষা পরিতাপের বিষয় আর কি হইতে পারে ?

উপযুক্ত জ্যোতির্কিন্দাভাবে গণনাদি ভ্রমপূর্ণ হইতে পারে, তজ্জন্তু আর্য্যঋষি-প্রণীত প্রত্যক্ষ ফলপ্রদ জ্যোতিষশাস্ত্র কখনই অমূলক হইতে পারে না । আয়ুর্বেদশাস্ত্রবিদগণ সর্বদাই কি সর্বপ্রকার ব্যাধির উপশম করিতে সমর্থ হইবেন ? ইহাতে শাস্ত্রব্যবসায়ীর অজ্ঞতা বা দোষ থাকিতে পারে ; কিন্তু আয়ুর্বেদশাস্ত্র শাস্ত্র নহে, কিম্বা আয়ুর্বেদ শাস্ত্র মিথ্যা, এ কথা কেহই বলেন না । আর দুই একজন অজ্ঞ জ্যোতিষীর ভ্রম বা অজ্ঞতার জন্তু কি এই প্রাচীন জ্যোতিষশাস্ত্রটা অমূলক বলিয়া বিবেচিত হইবে ?

যাঁহাদের জ্যোতিষ শাস্ত্রে বিশ্বাস নাই, তাঁহাদিগের প্রতি আমার একান্ত অনুরোধ, তাঁহারা যেন সম্যক্ বিচার ও অনুসন্ধান না করিয়া জ্যোতিষশাস্ত্রকে অমূলক মনে করত আবর্জনারূপে পরিত্যাগ না করেন । তাঁহারা এই প্রাচীন শাস্ত্রের আলোচনা করুন, উপযুক্ত জ্যোতিষীর দ্বারা ফলাফল গণনা, ঘণ্টক বিচার ও শুভাশুভ কার্যের সময়নিরূপণ করাইয়া দেখুন ফলাফল-গণনা ও ঘণ্টকবিচার সত্য কি না ? গণনা দ্বারা শুভকার্যের শুভমুহূর্ত্ত অবগত হইয়া পুরুষকারের প্রয়োগ করিয়া দেখুন আশাতীত ফললাভ হয় কি না ? আর অশুভকার্যের সময় অবগত হইয়া শাস্তি, ষড়্ভাষ্যনাদি করাইয়া দেখুন অশুভ ধ্বংস হয় কি না ? তখন বুঝিতে পারিবেন, জ্যোতিষশাস্ত্র অমূলক নয়, বুদ্ধব্রূকী বিজ্ঞা নয়, উপহাস বা অবজ্ঞার বিষয় নয় । তখনই তাঁহারা বুঝিতে পারিবেন, ভাগ্যফল অবগতির আবশ্যিকতা আছে কি না । কেবলমাত্র তখনই তাঁহারা উপলব্ধি করিতে পারিবেন,—

“বিফলাশ্রুতশাস্ত্রাণি বিবাদক্ষেষু কেবলম্ ।

সফলং জ্যোতিষং শাস্ত্রং চন্দ্রার্কেণ যত্র সাক্ষিণৌ” ॥

অর্থাৎ যে শাস্ত্রে চন্দ্র ও সূর্য্য সাক্ষী সেই জ্যোতিষশাস্ত্রই প্রত্যক্ষ ফল প্রদান করে, আর অশ্রুত সকল শাস্ত্রই নিফল, এবং ঐ সকল শাস্ত্রে কেবল বিবাদই দৃষ্ট হইয়া থাকে ।

শ্রীকেশবচন্দ্র জ্যোতিষার্ণব ।

সমালোচনা ।

পৃথ্বীরাজ, মহাকাব্য, সচিত্র, শ্রীযুক্ত যোগীন্দ্রনাথ বসু প্রণীত ।
প্রাপ্তিস্থান—সংস্কৃত প্রেস ডিপজিটারী । মূল্য দুই টাকা । কাগজের বর্তমান
দুর্শূল্যতার প্রসঙ্গে জনৈক প্রকাশ্য সাহিত্যিক সে দিন বলিতেছিলেন যে, এই
দুর্শূল্যতার ফলে পাঠককে আধুনিক বাঙ্গালী কবিদিগের কবিতাঘাত সহ্য করিতে
না হইলে তাহাও লাভ বলিয়া মনে করিতে হইবে । বাস্তবিকই বাঙ্গালা সাহিত্যে
কবিতার অত্যাচার অত্যন্ত বাড়িয়া উঠিয়াছে । কেবল যে শক্তিহীন লেখকেরাই
অত্যাচার করিতেছেন, তাহা নহে, শক্তিশালী লেখকদিগের অত্যাচারও অসহ্য
হইয়া উঠিয়াছে । শক্তিশালী লেখকদিগের যথেষ্টাচারিতার অন্তর্করণে বাঙ্গালা
মাসিক সাহিত্যে দিন দিন যে আবর্জনার সৃষ্টি হইতেছে, তাহা অচিরে দূরীভূত
না হইলে, বাঙ্গালা সাহিত্যের শ্রীবৃদ্ধি না হইয়া বরং তাহার অবনতিই হইতে
থাকিবে ।

প্রসাদগুণ রচনার একটি প্রধান গুণ । আধুনিক বাঙ্গালী কবিদিগের রচনার
এ গুণের অত্যন্তাভাব ঘটিয়াছে । “খেয়ালী” “হেঁয়ালি”কারদিগের রচনা একরূপ
দুর্কৌশল যে অশিক্ষিত বা মৃদুশিক্ষিতের কথা ছাড়িয়া দিই, পণ্ডিতেরাও তাহা
বুঝিতে পারেন না । তাই আজ মাসিক সাহিত্যের পৃষ্ঠায় কাব্যে বস্তুতন্ত্রতা
ইত্যাদি বিষয়ে এত বাদবিতণ্ডা চলিতেছে । তথাকথিত Mysticism এর আশ্রয়
পাঠক অস্থির । যাহার রচনা যত দুর্কৌশল তিনি তত বড় কবি । কেবল শব্দের
জীমূতগর্জন—একবিন্দু বারিপাতের প্রত্যাশা নাই । শব্দগহনে অর্থ যে কোথায়
লুকায়িত তাহা সহজে ধরিবার উপায় নাই ।

এই সকল কারণে আজকাল অনেকেই আধুনিক লেখকদিগের রচিত কবিতা
পড়া ছাড়িয়া দিতেছেন । এ সময়ে যোগীন্দ্র বাবু “পৃথ্বীরাজ” কাব্য রচনা ও
প্রকাশ করিয়া নিতান্ত দুঃসাহসিকের কার্য্য করিয়াছেন বলিয়াই মনে হয় ।
তাহার উপর কাব্যখানি মহাকাব্য । আধুনিক গীতিকবিতাপ্রাকৃতি বাঙ্গালা
সাহিত্যে মহাকাব্যের আদর হইবে কি ? তাই পুস্তকখানি পাইয়া প্রথমে
ভাবিয়াছিলাম, যোগীন্দ্রবাবু নিতান্ত অসময়ে “পৃথ্বীরাজ” লিখিয়াছেন ।

কিন্তু পুস্তকখানি আশ্চোপাস্ত পাঠ করিয়া আমাদের মতের পরিবর্তন হইয়াছে । এখন মনে হইতেছে তিনি এই কাব্য রচনার হুঃসাহসিকতার পরিচয় দেন নাই ; আপনাকে সর্বতোভাবে যে কার্যের যোগ্য বলিয়া মনে করিয়াছিলেন, সেই কার্যেই ব্রতী হইয়াছিলেন । মনে হয়, “পৃথ্বীরাজের” ত্রায় মহাকাব্য প্রকাশের ইহাই উপযুক্ত সময় । কোন শ্রদ্ধাস্পদ সমালোচক বলিয়াছিলেন যে, মাইকেলের কাব্য রচনা যেন একটি প্রাচীন রুদ্ধশ্রোত নদীর সংস্কার । প্রাচীন বাঙ্গালা কাব্য সাহিত্য যে প্রণালীতে চলিতেছিল, কালে তাহা শৈবালদামে অবরুদ্ধ হইয়া শ্রোতোবিহীন হইয়া পড়িয়াছিল । মধুসূদন সেই প্রণালীর সংস্কার করিয়া তাহাকে এমন এক নূতন পথে পরিচালিত করিয়াছিলেন যে, পরবর্তী কাব্য সাহিত্য আর প্রাচীন পথ অবলম্বন করিতে চাহিল না ; নূতন পথে, নূতন উচ্ছ্বাসে, উৎসাহে তরঙ্গলীলায় সাগর-সঙ্গমে ছুটিতে লাগিল । অষ্ট শতাব্দী পূর্বে মাইকেল যাহা করিয়াছিলেন, আজ মাইকেলের জীবন-চরিত-লেখকের দ্বারা যদি তাহা আবার সাধিত হয়, তাহা হইলে তাহা পরম সৌভাগ্যের বিষয় বলিতে হইবে । এই মহাকাব্য রচনার ফলে যদি আধুনিক বাঙ্গালা কাব্য-সাহিত্য শক্তিহীন গীতিকবিতার সঙ্কীর্ণ গণ্ডী অতিক্রম করিয়া নূতন পথে নূতন উচ্ছ্বাসে ছুটিতে পারে, তাহা হইলে বুঝিব “পৃথ্বীরাজ” রচনা সার্থক হইয়াছে ।

একজন প্রসিদ্ধ ইংরাজ সাহিত্য-সমালোচক বলিয়াছেন যে, মহাকাব্য-রচনার কবির দুইটি প্রধান গুণ থাকা চাই—Energy ও honesty. গীতিকবিতার সে বালাই নাই । সাময়িক মনের ভাব, হৃদয়ের উচ্ছ্বাস, দশ বিধ পংক্তিতে প্রকাশ করিয়া কবি নিখাস ফেলিয়া বাঁচেন । মহাকাব্য-প্রণেতাকে সাধকের ত্রায় এক মহান উদ্দেশ্য সম্মুখে রাখিয়া দিনের পর দিন, মাসের পর মাস, ধীরে ধীরে অগ্রসর হইতে হয়—লক্ষ্যভ্রষ্ট হইলে চলে না । এই একনিষ্ঠ সাধনা আধুনিক ভীষণ জীবন-সংগ্রামের দিনে একরূপ অসম্ভব । সভ্যতাভঙ্গির সঙ্গে সঙ্গে মহাকাব্যের অভাবের ইহা অন্ততম কারণ । যোগীন্দ্র বাবুর উচ্ছ্বাস ও উৎসাহ বাস্তবিকই প্রশংসার্প্য । তিনি নানা কার্যে ব্যাপ্ত থাকিয়াও একনিষ্ঠ সাধনার সহিত একখানি প্রকৃত মহাকাব্য রচনা করিতে সমর্থ হইয়াছেন ।

পৃথ্বীরাজ ও জয়চন্দ্রের মধ্যে মনোমাগিণ্ডের ফলে ভারতবর্ষে কিরূপে মুসলমান সাম্রাজ্য স্থপ্রতিষ্ঠিত হইবার অবসর প্রাপ্ত হইয়াছিল, তাহাই এই মহাকাব্যের

প্রতিপাদ্য বিষয় । হিন্দুদিগের জাতীয় জীবনগঠনের পরিপন্থী প্রভাব সকল অলঙ্ঘ্য দিন দিন শক্তি সঞ্চয় করিয়া কিরূপে হিন্দুসাম্রাজ্যের মূলোচ্ছেদে সহায়তা করিয়াছিল, তাহা- মর্ম্মস্পর্শী ভাষায় বর্ণিত হইয়াছে । কবি ভূমিকায় লিখিয়াছেন—“পৃথ্বীরাজ পাঠ করিয়া যদি কোন হিন্দু আমাদের জাতীয় অধঃপতনের কারণ অনুসন্ধান ও প্রতিবিধানের উপায় অবলম্বনে প্রবৃত্ত হন, তাহা হইলে আমি শ্রম সার্থক জ্ঞান করিব । কবিতা-রস-বিতরণ এই কাব্যের গৌণ উদ্দেশ্য ; মুখ্য উদ্দেশ্য নহে । যাহা হইবার তাহা ত হইয়া গিয়াছে ; কিন্তু প্রতীকারের পথ দেখিলে প্রকৃতির নিয়ম অনুসারে, পতনের পর উত্থান অবশ্যই আরম্ভ হইবে ।”

কবি যাহাকে গৌণ উদ্দেশ্য বলিয়াছেন, আমরা তাহাকেই মুখ্য উদ্দেশ্য ধরিয়া এই কাব্যের আলোচনা করিয়াছি । কাব্য ইতিহাস নহে, নীতিশাস্ত্রও নহে ; কিন্তু নীতিশাস্ত্র যাহা পারে না, কাব্যের দ্বারা অতি সহজেই তাহা সাধিত হইয়া থাকে । কারণ, কাব্যের উদ্দেশ্য সৌন্দর্য্যসৃষ্টি । সৌন্দর্য্যের দ্বারা আকৃষ্ট হওয়া মানুষের স্বাভাবিক ধর্ম্ম । এই সৌন্দর্য্যালিঙ্গা যদি না থাকিত, তাহা হইলে সমাজের বন্ধন ছিন্ন ভিন্ন হইয়া যাইত, সংহিতাকারগণের উপদেশ অরণ্যে রোদন হইয়া দাঁড়াইত । শ্রীরামচন্দ্র, সীতা, যুধিষ্ঠির, নল, দময়ন্তী, সাবিত্রী প্রভৃতির চরিত্রের অলৌকিক সৌন্দর্য্য হিন্দুর জীবনগঠনে যেরূপ সহায়তা করিয়াছে, এমন আর কিছুতেই পারে নাই । অবশ্য কবি মহত্বদ্দেশ্যপ্রণোদিত হইয়াই এই সকল চরিত্রের সৃষ্টি করিয়াছিলেন, কিন্তু তাঁহার সেই উদ্দেশ্যের কথা তিনি পাঠককে বলেন নাই, কারণ, তাহা করিলে তাঁহার উদ্দেশ্য সিদ্ধ হইত না । এই জন্য আমাদের মনে হয়, যোগীন্দ্র বাবু তাঁহার এই উদ্দেশ্যের কথা ভূমিকায় বিবৃত না করিলেই ভাল করিতেন ।

যাহা হউক, আমরা কবিতা-রসান্বাদনের উদ্দেশ্যেই তাঁহার কাব্য পাঠ করিয়াছি । পাঠ করিয়া তাঁহার কবি-শক্তির পূর্ণবিকাশ-দর্শনে মুগ্ধ হইয়াছি । তাঁহার ভাবুকতা, স্বদেশপ্রেম, বর্ণনাশক্তি, সৌন্দর্য্য-বোধ, শব্দসম্পদ বাস্তবিকই প্রশংসার্হ । ইতিহাসের শুষ্ক কঙ্কালে তিনি কেবল রক্তমাংসের যোজন্য করেন নাই, তাহাতে প্রাণসঞ্চার পর্য্যন্ত করিয়াছেন । বর্ণনাগুণে ঘটনাবলী যেন চক্ষুর সমক্ষে প্রতিভাজ হইয় ; দেশকালের বাধা অতিক্রম করিয়া পাঠক কাব্য-

বর্ণিত চরিত্রগুলির মধ্যে আপনার সঙ্গী হারাইয়া ফেলেন। কয়জন কবির রচনা সম্বন্ধে এ কথা বলিতে পারা যায় ?

গ্রন্থের কয়েক স্থল উদ্ধৃত করিয়া আমাদের কথার যাথার্থ্য প্রমাণ করিবার ইচ্ছা ছিল। কিন্তু স্থানাভাবে আমাদের সঙ্গে সঙ্কল্প পরিত্যাগ করিতে হইয়াছে। আমাদের বিশ্বাস এই মহাকাব্যের আদর হইবে। যদি তাহা না হয়, তাহা হইলে বুঝিব, বাঙ্গালী পাঠক কাব্যমৃতরসাস্বাদের শক্তি হারাইয়াছেন।

পুস্তকখানির ছাপা ও বাঁধাই সুন্দর; কয়েকখানি উৎকৃষ্ট চিত্রসন্নিবেশ দ্বারা গ্রন্থের রমণীয়তা আরও বর্দ্ধিত হইয়াছে।

শুভদৃষ্টি।—শ্রীঅপরেণচন্দ্র মুখোপাধ্যায় প্রণীত, মূল্য ১২ টাকা। প্রাপ্তিস্থান, বেঙ্গল মেডিকেল লাইব্রেরী। ইহা একখানি সামাজিক নাটক; ব্যঙ্গচিত্র বলিলেই ইহার প্রকৃত পরিচয় দেওয়া হয়। পাশ্চাত্য সভ্যতার বিষময় ফলে আমাদের দেশের প্রাচীন উন্নত আদর্শগুলি একে একে তিরোহিত হইয়া সমাজের কি অনিষ্ট সাধন করিতেছে, ব্যঙ্গবিদ্রুপের ভাষায় তাহাই দেখান গ্রন্থকারের উদ্দেশ্য। তাঁহার এই উদ্দেশ্য সফল হইয়াছে। হিন্দুসমাজে কাঞ্চন-কুলীন সার্ব স্মাভারামের সংখ্যা এখন দিন দিন বর্দ্ধিত হইতেছে। এই স্মাভারামেরা এক নূতন সম্প্রদায়ের সৃষ্টি করিয়াছেন। নিলঙ্কতার মাত্রা অতিক্রম করিয়া তাঁহারা স্বদেশীয়দিগের সহিত আর সংস্রব রাখিতে চাহেন না; পুত্রকণ্ঠাগণের শিক্ষার জ্ঞ বিলাতের অনুকরণে স্বতন্ত্র বিদ্যালয়ের সৃষ্টি পর্য্যন্ত করিতেছেন। অপরেণ বাবুর কশাঘাতে এই গম্ভীরবেদী হস্তিমূর্খদিগের চৈতন্যোদয় হইবে বলিয়া মনে হয় না। তথাপি মধ্যে মধ্যে এরূপ প্রত্যোদ-প্রয়োগের প্রয়োজন। ডোরা-নগিনীর চরিত্রের ক্রম পরিবর্তন সুন্দর ভাবে দেখান হইয়াছে। যে হিন্দুকুমারী মাতা-পিতার দোষে বিকৃত শিক্ষা প্রাপ্ত হইয়া একেবারে নষ্ট হইতে বসিয়াছিল, ঘটনাচক্রে দরিদ্র নিষ্ঠাবান্ হিন্দু-পরিবারের কুলবধু হইয়া সে একেবারে পরিবর্তিত হইয়া গেল। জন্মান্তরীণ সংস্কার প্রবল হইয়া বিজাতীয় শিক্ষার বিষ চরিত্র হইতে একেবারে বিদূরিত করিয়া দিল। আশা করি, এ গ্রন্থের আদর হইবে।

সাহিত্য-সভার

১৩২৩ সালের

কার্যনির্বাহক-সমিতি ।

সভাপতি—

মাননীয় শ্রীযুক্ত মহারাজ শ্যাম মণীন্দ্রচন্দ্র নন্দী বাহাদুর কে, সি, আই, ই ।

সহ-সভাপতিগণ—

শ্রীযুক্ত মহারাজ কুমুদচন্দ্র সিংহ বাহাদুর বি, এ ।

শ্রীযুক্ত রাজা প্যারীমোহন মুখোপাধ্যায় বাহাদুর এম,এ, বি, এল,সি, এস, আই ।

মাননীয় শ্রীযুক্ত বিচারপতি স্যার আশুতোষ মুখোপাধ্যায় সরস্বতী কেটি ইত্যাদি ।

” ” বিচারপতি আশুতোষ চৌধুরী এম, এ, ।

” স্যার ডাঃ রাসবিহারী ঘোষ কেটি, সি, এস, আই ইত্যাদি ।

” রাজা মন্বনাথ রায় চৌধুরী বাহাদুর ।

” মহারাজ-কুমার শৈলেন্দ্র কৃষ্ণ দেব বাহাদুর ।

” কুমার প্রফুল্লকৃষ্ণ দেব বাহাদুর বি, এ ।

” মহামহোপাধ্যায় কামাখ্যানাথ তর্কবাগীশ ।

” ” ভূপেন্দ্রনাথ বসু এম, এ, বি, এল ।

” রায় ডাঃ চুণীলাল বসু বাহাদুর এম, বি, আই, এম, ও,

এফ, সি, এস ।

সভ্যগণ—

” মাননীয় মহারাজ রণজিৎ সিংহ বাহাদুর ।

” কুমার প্রদ্যুম্নকৃষ্ণ দেব বাহাদুর বি, এ ।

” কুমার প্রকাশকৃষ্ণ দেব বাহাদুর ।

” কুমার পঞ্চানন মুখোপাধ্যায় বাহাদুর ।

শ্রীযুক্ত প্রফুল্লনাথ ঠাকুর ।

রায় মতিলাল হালদার বাহাদুর বি, এল ।

[গ]

শ্রীযুক্ত গোপালচন্দ্র মুখোপাধ্যায় ।

শ্রীযুক্ত সরোজরঞ্জন বন্দ্যোপাধ্যায় কাব্যরত্ন এম, এ ।

সহকারী সম্পাদক ।

শ্রীযুক্ত স্বরেশচন্দ্র সমাজপতি ।

শ্রীযুক্ত স্বরেন্দ্রনাথ মজুমদার এম, এ ।

সাহিত্যসংহিতা-সম্পাদক ।

শ্রীযুক্ত পণ্ডিত শ্রামাচরণ কবিরত্ন বিজ্ঞাবারিধি ।

পুস্তকালয়াধ্যক্ষ ।

শ্রীযুক্ত দেবেন্দ্রনাথ বন্দ্যোপাধ্যায় ।

শাখা-সমিতি ।

১৩২৩ সাল ।

১। প্রত্নতত্ত্ব ও ইতিহাস সমিতি ।

সভাপতি—

শ্রীযুক্ত মহারাজ কুমুদচন্দ্র সিংহ বাহাদুর বি, এ ।

সভ্যগণ—

শ্রীযুক্ত রাজা প্যারীমোহন মুখোপাধ্যায় সি, এস, আই ।

„ জে, এন, দাস গুপ্ত বি, এ (অক্সন) ।

„ রায় শরচ্চন্দ্র দাস বাহাদুর সি, আই, ই ।

„ মহামহোপাধ্যায় ডাঃ সতীশচন্দ্র বিদ্যাভূষণ এম, এ, পি এচ, ডি ।

„ ষারকানাথ চক্রবর্তী এম, এ, বি, এল ।

„ মাননীয় শ্রী প্রত্নতত্ত্ব চট্টোপাধ্যায় কে.টি ।

„ কুমার প্রমোদকৃষ্ণ দেব বাহাদুর বি, এ ।

„ স্বরেশচন্দ্র সমাজপতি ।

[୪]

ଶ୍ରୀଯୁକ୍ତ ମହାମହୋପାଧ୍ୟାୟ କବିରାଜ ଗଣନାଥ ସେନ ବିଦ୍ୟାନିଧି ଏମ, ଏ, ଏମ, ଏମ୍ ଏମ ।

- „ ଗୋପାଳଚନ୍ଦ୍ର ମୁଖୋପାଧ୍ୟାୟ ।
- „ କୁମାର ପଟ୍ଟନାୟକ ମୁଖୋପାଧ୍ୟାୟ ବାହାଦୁର ।
- „ ସରୋଜରଞ୍ଜନ ବନ୍ଦ୍ୟୋପାଧ୍ୟାୟ କାବ୍ୟରତ୍ନ ଏମ, ଏ ।
- „ ଅକ୍ଷୟକୁମାର ମୈତ୍ର ବି, ଏଲ ।
- „ ରମାଞ୍ଚନାଥ ଚନ୍ଦ୍ର ଏମ, ଏ ।
- „ ଡାଃ ବାରିଦବରଣ ମୁଖୋପାଧ୍ୟାୟ ।

ସମ୍ପାଦକ—

ଶ୍ରୀଯୁକ୍ତ ରାୟ ରାଜେନ୍ଦ୍ରଚନ୍ଦ୍ର ଶାସ୍ତ୍ରୀ ବାହାଦୁର ଏମ, ଏ ।

(୨) ଗଣିତ ଓ ବିଜ୍ଞାନ-ସମିତି ।

ସଭାପତି—

ଶ୍ରୀଯୁକ୍ତ ମାନନୀୟ ବିଚାରପତି ଶ୍ରୀ ଆଶୁତୋଷ ମୁଖୋପାଧ୍ୟାୟ କେଟି ହତ୍ୟାଦି ।

ସଭ୍ୟଗଣ—

- ଶ୍ରୀଯୁକ୍ତ ମ୍ୟାଡ଼ ଶୁକ୍ରନାଥ ବନ୍ଦ୍ୟୋପାଧ୍ୟାୟ କେଟି ।
- „ ମାନନୀୟ ବିଚାରପତି ଆଶୁତୋଷ ଚୌଧୁରୀ ।
- „ ବ୍ୟୋମକେଶ ଚକ୍ରବର୍ତ୍ତୀ ଏମ୍, ଏ, ବାର-ଏଟ-ଲ ।
- „ ରାୟ ଡାକ୍ତର ଚୁନୀଲାଲ ବହୁ ବାହାଦୁର ଏମ, ବି ଆଇ, ଏମ, ଓ ।
- „ ମହାମହୋପାଧ୍ୟାୟ କବିରାଜ ଗଣନାଥ ସେନ ବିଦ୍ୟାନିଧି ଏମ, ଏ ।
- „ କବିରାଜ ସାମିନୀଭୂଷଣ ରାୟ ଏମ, ଏ, ଏମ, ବି ।
- „ ଶ୍ରୀ ପ୍ରଭୁଚନ୍ଦ୍ର ଚଟ୍ଟୋପାଧ୍ୟାୟ କେଟି ।
- „ ଡାକ୍ତର ବିପିନବିହାରୀ ଘୋଷ ଏମ, ବି ।
- „ ଗିରିନାଥ ବହୁ ଏମ, ଏ ।
- „ ପଣ୍ଡିତ କୈଳାସଚନ୍ଦ୍ର ଜ୍ୟୋତିର୍ବାର୍ଗବ ।
- „ କବିରାଜ ନଗେନ୍ଦ୍ରନାଥ ସେନ ।
- „ ଡାକ୍ତର ଯୋଗେନ୍ଦ୍ରନାଥ ଘୋଷ ।
- „ ଡାକ୍ତର ବାରିଦବରଣ ମୁଖୋପାଧ୍ୟାୟ ଏମ୍, ଏମ୍, ଏମ୍ ।
- „ ରଞ୍ଜନୀକାନ୍ତ ଦେ ଏମ, ଏ, ବି, ଏମ୍, ସି ।

- শ্রীযুক্ত ডাঃ অমিরমাধব মল্লিক এম, বি ।
 „ হরিশাধন চট্টোপাধ্যায় এম, এ ।
 „ সাতকড়ি সিদ্ধান্তভূষণ ।
 „ রাধাবল্লভ জ্যোতিষতীর্থ ।
 „ কুমুদবিহারী বসু বি, এস সি ।

সম্পাদক—

শ্রীযুক্ত রায় রাজেন্দ্রচন্দ্র শাস্ত্রী বাহাদুর এম, এ ।

(৩) পারিভাষিক সমিতি ।

সভাপতি—

শ্রীযুক্ত মহারাজ কুমুদচন্দ্র সিংহ বাহাদুর বি, এ ।

সভ্যগণ—

- শ্রীযুক্ত রাজা প্যারীমোহন মুখোপাধ্যায় সি, এস, আই ।
 „ মহামহোপাধ্যায় কামাখ্যানাথ তর্কবাগীশ ।
 „ মহামহোপাধ্যায় প্রমথনাথ তর্কভূষণ ।
 „ রায় ডাক্তার চুণীলাল বসু বাহাদুর এম, বি, আই, এস, ও ।
 „ কুমার প্রমোদকৃষ্ণ দেব বাহাদুর বি এ ।
 „ ক্ষিতীন্দ্রনাথ ঠাকুর বি, এ ।
 „ মহামহোপাধ্যায় ডাঃ সতীশচন্দ্র বিদ্যাসুধন এম, এ, পি এচ, ডি ।
 „ পণ্ডিত হরেশচন্দ্র সমাজপতি ।
 „ গোপালচন্দ্র মুখোপাধ্যায় ।
 „ সরোজরঞ্জন বন্দ্যোপাধ্যায় কাব্যরত্ন এম, এ ।
 „ পাঁচকড়ি বন্দ্যোপাধ্যায় বি, এ ।
 „ কবিরাজ হেমচন্দ্র সেন কবিরত্ন ।
 „ মৌলবী বেলায়েৎ হোসেন ।
 „ ডাক্তার বারিদবরণ মুখোপাধ্যায় এল, এম, এস ।
 „ মনোরঞ্জন বন্দ্যোপাধ্যায় ।

শ্রীযুক্ত প্রমোদপ্রকাশ চট্টোপাধ্যায় ।

„ রমাপ্রসাদ চন্দ্র এম, এ ।

„ লালমোহন বিদ্যানিধি ।

„ পণ্ডিত রাজেন্দ্রনাথ বিদ্যাভূষণ ।

„ পণ্ডিত দক্ষিণাচরণ স্মৃতিতীর্থ ।

„ মহামহোপাধ্যায় কবিরাজ গণনাথ সেন বিদ্যানিধি এম এ,এল,এম,এস্ ।

সম্পাদক—

শ্রীযুক্ত রায় রাজেন্দ্রচন্দ্র শাস্ত্রী বাহাদুর এম, এ ।

(৪) বাঙ্গালা ভাষা ও সাহিত্য-সমিতি ।

সভাপতি—

শ্রীযুক্ত স্মার গুরুদাস বন্দ্যোপাধ্যায় কেটি এম, এ, ডি, এল, পি এচ, ডি ।

সভ্যগণ—

শ্রীযুক্ত মাননীয় বিচারপতি স্মার আশুতোষ মুখোপাধ্যায় কেটি ইত্যাদি ।

„ মহারাজ কুমুদচন্দ্র সিংহ বাহাদুর বি, এ ।

„ কিরণচন্দ্র দে সি, আই, ই, আই, সি, এস ।

„ সারদাচরণ মিত্র এম, এ, বি, এল ।

„ মহামহোপাধ্যায় প্রমথনাথ তর্কভূষণ ।

„ অমৃতলাল বসু ।

„ নগেন্দ্রনাথ বন্দ্যোপাধ্যায় বি, এল ।

„ দেবেন্দ্রনাথ বন্দ্যোপাধ্যায় ।

„ রায় সুরেন্দ্রনাথ মিত্র বাহাদুর ।

„ পণ্ডিত হরিদেব শাস্ত্রী ।

„ রায় ডাঃ চুণীলাল বসু বাহাদুর এম, বি, আই, এস, ও ।

„ ঋতেন্দ্রনাথ ঠাকুর ।

„ মহামহোপাধ্যায় কবিরাজ গণনাথ সেন বিদ্যানিধি এম, এ,এল,এম,এস্ ।

„ কুমার প্রমোদকৃষ্ণ দেব বাহাদুর বি এ ।

- শ্রীযুক্ত কুমার প্রদ্যয়কৃষ্ণ দেব বাহাছর বি, এ ।
 „ কুমার প্রকাশকৃষ্ণ দেব বাহাছর ।
 „ অক্ষয়কুমার মৈত্রেয় বি, এল ।
 „ কিতীন্দ্রনাথ ঠাকুর তত্ত্বনিধি বি, এ ।
 „ মহামহোপাধ্যায় ডাঃ সতীশচন্দ্র বিদ্যাত্ত্বষণ এম, এ, পি, এচ ডি ।
 „ পণ্ডিত স্বরেশচন্দ্র সমাজপতি ।
 „ গোপালচন্দ্র মুখোপাধ্যায় ।
 „ সরোজরঞ্জন বন্দ্যোপাধ্যায় কাব্যরত্ন এম, এ ।
 „ পাঁচকড়ি বন্দ্যোপাধ্যায় বি, এ ।
 „ করিরাজ হেমচন্দ্র সেন কবিরত্ন ।
 „ মৌলবী বেলায়েৎ হোসেন ।
 „ ডাক্তার বারিদবরণ মুখোপাধ্যায় এল, এম, এস ।
 „ মনোরঞ্জন বন্দ্যোপাধ্যায় ।
 „ প্রমোদপ্রকাশ চট্টোপাধ্যায় ।
 „ রমা প্রসাদ চন্দ্র এম, এ ।
 „ লালমোহন বিদ্যানিধি ।
 „ পণ্ডিত রাজেন্দ্রনাথ বিদ্যাত্ত্বষণ ।
 „ পণ্ডিত দক্ষিণাচরণ স্মৃতিতীর্থ ।

সম্পাদক—

শ্রীযুক্ত রায় রাজেন্দ্রচন্দ্র শাস্ত্রী বাহাছর এম, এ ।

(৫) সংস্কৃতভাষা-সমিতি ।

সভাপতি—

শ্রীযুক্ত মহামহোপাধ্যায় পণ্ডিতরাজ কবিসম্রাট বাদবেশ্বর তর্করত্ন ।

সভ্যগণ—

- শ্রীযুক্ত মহামহোপাধ্যায় কামাখ্যানাথ তর্কবাগীশ ।
 „ মহারাজ কুমুদচন্দ্র সিংহ বাহাছর বি, এ ।
 „ সারদাচরণ মিত্র এম, এ, বি, এল ।

ଶ୍ରୀଯୁକ୍ତ ମହାମହୋପାଧ୍ୟାୟ ଡାଃ ମତୀଶଚନ୍ଦ୍ର ବିଦ୍ୟାଭୂଷଣ ଏମ, ଏ, ପି ଏଚ, ଡି।

„ ମହାମହୋପାଧ୍ୟାୟ ପ୍ରଥମନାଥ ତର୍କଭୂଷଣ ।

„ ମହାମହୋପାଧ୍ୟାୟ କବିରାଜ ଗଣନାଥ ମେନ ବିଦ୍ୟାନିଧି ଏମ, ଏ, ଏଲ୍, ଏମ, ଏଲ୍ ।

„ ଗୋପାଳଚନ୍ଦ୍ର ମୁଖୋପାଧ୍ୟାୟ ।

„ ପଣ୍ଡିତ ହରିଦେବ ଶାସ୍ତ୍ରୀ ।

„ କୁମାର ପ୍ରମୋଦକୃଷ୍ଣ ଦେବ ବାହାଦୁର ବି, ଏ ।

„ କ୍ଷିତୀନ୍ଦ୍ରନାଥ ଠାକୁର ତତ୍ତ୍ଵନିଧି ବି, ଏ ।

„ ପଣ୍ଡିତ ଅତୁଳକୃଷ୍ଣ ଗୋସ୍ଵାମୀ ।

„ କବିରାଜ ସାମିନୀଭୂଷଣ ରାୟ ଏମ, ଏ, ଏମ, ବି ।

„ ପଣ୍ଡିତ ଶ୍ରୀମାଚରଣ କବିରତ୍ନ ବିଦ୍ୟାବାରିଧି ।

„ ମରୋହରଞ୍ଜନ ବନ୍ଦ୍ୟୋପାଧ୍ୟାୟ କାବ୍ୟରତ୍ନ, ଏମ, ଏ ।

„ କବିରାଜ କେଦାରନାଥ କାବ୍ୟତୀର୍ଥ ।

„ ମହାମହୋପାଧ୍ୟାୟ କାଳୀପ୍ରସନ୍ନ ଭଟ୍ଟାଚାର୍ଯ୍ୟ ଏମ, ଏ ।

„ ପଣ୍ଡିତ ଆଶୁତୋଷ ଶାସ୍ତ୍ରୀ ଏମ, ଏ ।

„ ପଣ୍ଡିତ ରାଜେନ୍ଦ୍ରନାଥ ବିଦ୍ୟାଭୂଷଣ ।

„ କବିରାଜ ଶ୍ରୀମାଦାମ ବାଚସ୍ପତି ।

„ ପ୍ରିୟନାଥ ବିଦ୍ୟାଭୂଷଣ ଏମ ଏ ।

„ ପଦ୍ମନାଥ ଭଟ୍ଟାଚାର୍ଯ୍ୟ ବିଦ୍ୟାଭୂଷଣ ଏମ, ଏ ।

„ ଦକ୍ଷିଣାଚରଣ ସ୍ଵତିତୀର୍ଥ ।

„ ଚଣ୍ଡୀଚରଣ ସ୍ଵତିଭୂଷଣ ।

„ ଦୁର୍ଗାଚରଣ ସାଂଖ୍ୟବେଦାନ୍ତତୀର୍ଥ ।

„ ବହୁବଳତ ଶାସ୍ତ୍ରୀ ।

„ ଜୟଚନ୍ଦ୍ର ସିଦ୍ଧାନ୍ତଭୂଷଣ ।

„ ଚଣ୍ଡୀଚରଣ ତର୍କବାଗୀଶ ।

„ ମହାମହୋପାଧ୍ୟାୟ ଲକ୍ଷ୍ମଣ ଶାସ୍ତ୍ରୀ ।

„ ସୁରେଶଚନ୍ଦ୍ର ସମାଜପତି ।

ସମ୍ପାଦକ

ଶ୍ରୀଯୁକ୍ତ ରାୟ ରାଜେନ୍ଦ୍ରଚନ୍ଦ୍ର ଶାସ୍ତ୍ରୀ ବାହାଦୁର ଏମ ଏ ।

[৪]

(৬) দর্শন-সমিতি ।

শ্রীযুক্ত মহামহোপাধ্যায় কামাখ্যানাথ তর্কবাগীশ ।

সভ্যগণ—

শ্রীযুক্ত মহামহোপাধ্যায় পণ্ডিতরাজ কবিসম্রাট ষাদবেশ্বর তর্করত্ন ।

- „ মহামহোপাধ্যায় প্রমথনাথ তর্কভূষণ ।
- „ মহামহোপাধ্যায় লক্ষ্মণ শাস্ত্রী ।
- „ ব্যোমকেশ চক্রবর্তী এম, এ, বার-এট-ল ।
- „ মাননীয় রায় প্রিয়নাথ মুখোপাধ্যায় বাহাদুর এম, এ ।
- „ মহামহোপাধ্যায় ডাঃ সতীশচন্দ্র বিদ্যাভূষণ এম, এ, পিএচ, ডি ।
- „ কুমার প্রমোদকৃষ্ণ দেব বাহাদুর বি, এ ।
- „ পণ্ডিত হরিদেব শাস্ত্রী ।
- „ মহামহোপাধ্যায় কবিরাজ গণনাথ সেন বিদ্যানিধি এম, এ, এন,এম,এস ।
- „ সুরেন্দ্রনাথ মজুমদার এম, এ ।
- „ পণ্ডিত শ্রামাচরণ কবিরত্ন বিদ্যাবারিধি ।

সম্পাদক—

শ্রীযুক্ত রায় রাজেন্দ্রচন্দ্র শাস্ত্রী বাহাদুর এম, এ ।

ইংরাজি সাহিত্য-সমিতি ।

সভাপতি—

শ্রীযুক্ত শ্রী রাসবিহারী ঘোষ কেটি, সি, এস, আই, এম, এ, ডি, এল ।

সভ্যগণ—

শ্রীযুক্ত মাননীয় বিচারপতি শ্রী আশুতোষ মুখোপাধ্যায় কেটি ইত্যাদি ।

- „ সারদাচরণ মিত্র এম, এ, বি, এল ।
- „ কিরণচন্দ্র দে, সি, আই, ই, আই, সি, এস ।
- „ জে, এন, দাস গুপ্ত বি, এ ।
- „ বাজা প্যারীমোহন মুখোপাধ্যায় সি, এস, আই ।
- „ রাজা গোপেন্দ্রকৃষ্ণ দেব বাহাদুর এম, এ, বি, এল ।

- ଶ୍ରୀଯୁକ୍ତ ମାନନୀୟ ରାୟ ପ୍ରିୟନାଥ ମୁଖୋପାଧ୍ୟାୟ ବାହାଦୁର ଏମ, ଏ ।
- „ ମାନନୀୟ ବିଚାରପତି ଆଶୁତୋଷ ଚୌଧୁରୀ ।
- „ ବ୍ୟୋମକେଶ ଚକ୍ରବର୍ତ୍ତୀ ଏମ, ଏ, ବାର-ଏଟ-ଲ ।
- „ ମହାମହୋପାଧ୍ୟାୟ କବିରାଜ ଗଣନାଥ ସେନ ଏମ, ଏ, ଏଲ, ଏମ, ଏସ ।
- „ ରବୀନ୍ଦ୍ରନାଥ ମିତ୍ର ବାର-ଏଟ-ଲ ।
- „ ମହାରାଜ-କୁମାର ଶୈଳେନ୍ଦ୍ରକୃଷ୍ଣ ଦେବ ବାହାଦୁର ।
- „ କୁମାର ପ୍ରଫୁଲ୍ଲକୃଷ୍ଣ ଦେବ ବାହାଦୁର ବି, ଏ ।
- „ କୁଞ୍ଜବିହାରୀ ବନ୍ଧୁ ବି, ଏ ।
- „ ରାୟ ଡା: ଚୁଣୀଲାଲ ବନ୍ଧୁ ବାହାଦୁର ଏମ, ବି, ଆଇ ଏସ. ଓ ।
- „ ଅର ପ୍ରତୁଳଚନ୍ଦ୍ର ଚଟ୍ଟୋପାଧ୍ୟାୟ କେଟି ।
- „ ନଗେନ୍ଦ୍ରନାଥ ବନ୍ଦ୍ୟୋପାଧ୍ୟାୟ ବି, ଏଲ ।
- „ ମାନନୀୟ ଭୂପେନ୍ଦ୍ରନାଥ ବନ୍ଧୁ ଏମ, ଏ, ବି, ଏଲ ।
- „ ଅତୁଳଚନ୍ଦ୍ର ଘୋଷ ବି. ଏ ।
- „ ପ୍ରିୟଲାଲ ଦାସ ଏମ, ଏ, ବି, ଏଲ ।
- „ ଦ୍ଵାରକାନାଥ ଚକ୍ରବର୍ତ୍ତୀ ଏମ, ଏ, ବି, ଏଲ ।
- „ ବିନୋଦଲାଲ ମୁଖୋପାଧ୍ୟାୟ ଏମ୍, ଏ ।
- „ ରାୟ ସୁରେନ୍ଦ୍ରନାଥ ମିତ୍ର ବାହାଦୁର ।
- „ ସରୋଜରଞ୍ଜନ ବନ୍ଦ୍ୟୋପାଧ୍ୟାୟ କାବ୍ୟରତ୍ନ ଏମ, ଏ ।
- „ ଅମୃତଲାଲ ବନ୍ଧୁ ।
- „ ସତୀଶଚନ୍ଦ୍ର ପାଲ ଚୌଧୁରୀ ବି, ଏ ।
- „ କୁମାର ପଞ୍ଚାନନ ମୁଖୋପାଧ୍ୟାୟ ବାହାଦୁର ।
- „ ରାୟ ସାହେବ ଦେବେନ୍ଦ୍ରନାଥ ଘୋଷ ବି, ଏ ।
- „ ମାନନୀୟ ରାୟ ଦେବେନ୍ଦ୍ରଚନ୍ଦ୍ର ଘୋଷ ବାହାଦୁର ଏମ, ଏ, ବି, ଏଲ ।
- „ ଜ୍ୟୋତିପ୍ରସାଦ ସର୍ବାଧିକାରୀ ଏମ, ଏ, ବି, ଏଲ ।
- „ ଦ୍ଵିଜେନ୍ଦ୍ରନାଥ ବନ୍ଧୁ ବାର-ଏଟ-ଲ ।
- „ କୁମାର ପଞ୍ଚାନନ ମୁଖୋପାଧ୍ୟାୟ ।
- „ ରାୟ ସତୀଲାଲ ହାଲଦାର ବାହାଦୁର ବି, ଏଲ ।
- „ ମାନନୀୟ ରାୟ ମହେନ୍ଦ୍ରଚନ୍ଦ୍ର ମିତ୍ର ବାହାଦୁର ଏମ, ଏ, ବି, ଏଲ ।

শ্রীযুক্ত শীতলপ্রসাদ ঘোষ বি, এল ।

- „ নৃপেন্দ্র চন্দ্র বসু বার-এট-ল ।
- „ শৈলেন্দ্র নাথ সরকার এম, এ ।
- „ সতীশ্রনাথ রায় চৌধুরী, এম, এ, বি এল ।

সম্পাদক—

শ্রীযুক্ত রায় রাজেন্দ্রচন্দ্র শাস্ত্রী বাহাদুর এম, এ ।

(৮) পত্রিকা-সমিতি ।

সভাপতি ।

মহামহোপাধ্যায় শ্রীযুক্ত কবিরাজ গণনাথ পেন বিদ্যানিধি এম, এ, এল, এম, এম্ ।

সভ্যগণ—

শ্রীযুক্ত সারদাচরণ মিত্র এম, এ, বি, এল ।

- „ রায় রাজেন্দ্রচন্দ্র শাস্ত্রী বাহাদুর এম, এ ।
- „ রায় ডাঃ চুণীলাল বসু বাহাদুর এম, বি, আই, এম, ও ।
- „ কুমার প্রমোদকৃষ্ণ দেব বাহাদুর বি, এ ।
- „ কুমার প্রদ্যুম্নকৃষ্ণ দেব বাহাদুর বি, এ ।
- „ অমৃতলাল বসু ।
- „ কুঞ্জবিহারী বসু বি, এ ।
- „ গোপালচন্দ্র মুখোপাধ্যায় ।
- „ কুমার পঞ্চানন মুখোপাধ্যায় বাহাদুর ।
- „ রায় সাহেব হারাধন বসু ।
- „ রামেশ্বর মণ্ডল বি, এল ।
- „ মনোরঞ্জন বন্দ্যোপাধ্যায় ।
- „ পণ্ডিত সুরেশচন্দ্র সমাজপতি ।
- „ দেবেন্দ্র নাথ বন্দ্যোপাধ্যায় ।
- „ পণ্ডিত দক্ষিণাচরণ স্বতীর্থা ।

সম্পাদক—

শ্রীযুক্ত সরোজরঞ্জন বন্দ্যোপাধ্যায় কাব্যরত্ন এম, এ ।

(৯) পুস্তকালয়-সমিতি ।

সভাপতি—

শ্রীযুক্ত মাননীয় স্যার মণীন্দ্রচন্দ্র নন্দী বাহাদুর কে, সি, আই, ই ।

সভ্যগণ—

শ্রীযুক্ত সারদাচরণ মিত্র এম, এ, বি, এল ।

- „ মাননীয় রাজা হৃষীকেশ লাহা সি, আই, ই ।
- „ মাননীয় বিচারপতি স্যার আশুতোষ মুখোপাধ্যায় কেটি ইত্যাদি ।
- „ স্যার রাজেন্দ্রচন্দ্র শাস্ত্রী বাহাদুর এম. এ।
- „ স্যার গুরুদাস বন্দ্যোপাধ্যায় কেটি ।
- „ কুমার প্রমোদকৃষ্ণ দেব বাহাদুর বি, এ ।
- „ কুমার প্রহ্লাদকৃষ্ণ দেব বাহাদুর বি, এ ।
- „ কুঞ্জবিহারী বসু বি, এ ।
- „ সতীশচন্দ্র পাল চৌধুরী বি, এ ।
- „ অমৃতলাল বসু ।
- „ গোপালচন্দ্র মুখোপাধ্যায় ।
- „ ফণীন্দ্রলাল দে ।
- „ হরিধন দাঁ ।
- „ সরোজরঞ্জন বন্দ্যোপাধ্যায় কাব্যরত্ন এম, এ ।
- „ মাননীয় স্যার দেবেন্দ্রচন্দ্র ঘোষ বাহাদুর এম, এ, বি, এল ।
- „ বিনোদলাল মুখোপাধ্যায় এম, এ ।
- „ স্যার সাহেব হারাধন বসু ।
- „ বরেন্দ্রনাথ মিত্র ।
- „ মহামহোপাধ্যায় কবিরাজ গণনাথ সেন বিজ্ঞানিধি এম,এ, এল,এম, এস

সম্পাদক—

শ্রীযুক্ত দেবেন্দ্রনাথ বন্দ্যোপাধ্যায় ।

(১০) গ্রন্থপ্রচার-সমিতি ।

সভাপতি—

শ্রীযুক্ত মাননীয় স্যার মহারাজ মণীন্দ্রচন্দ্র নন্দী বাহাদুর কে, সি, আই, ই ।

সভ্যগণ—

- শ্রীযুক্ত মহারাজ কুমুদচন্দ্র সিংহ বাহাদুর বি, এ ।
- „ মাননীয় বিচারপতি স্মার আশুতোষ মুখোপাধ্যায় কেটি ইত্যাদি ।
- „ সারদাচরণ মিত্র এম, এ, বি, এল ।
- „ মহামহোপাধ্যায় কামাখ্যানাথ তর্কবাগীশ ।
- „ স্মার রাসবিহারী ঘোষ কেটি ইত্যাদি ।
- „ রায় শরচ্চন্দ্র দাস বাহাদুর ।
- „ গোপালচন্দ্র মুখোপাধ্যায় ।
- „ মহামহোপাধ্যায় কবিরাজ গণনাথ সেন বিদ্যানিধি এম, এ ।
- „ রায় ডাঃ চুণীলাল বসু বাহাদুর এম, বি, আই, এম, ও ।
- „ মহামহোপাধ্যায় ডাঃ সতীশচন্দ্র বিজ্ঞানভূষণ এম, এ, পি, এচ, ডি ।
- „ প্রফুল্লনাথ ঠাকুর ।
- „ কুমার প্রমোদকৃষ্ণ দেব বাহাদুর, বি, এ ।
- „ সরোজরঞ্জন বন্দ্যোপাধ্যায় কাব্যরত্ন এম, এ ।
- „ কবিরাজ হেমচন্দ্র সেন কাব্যরত্ন ।
- „ ক্ষিতীন্দ্রনাথ ঠাকুর বি, এ ।
- „ রাজা মনুধনাথ রায় চৌধুরী ।
- „ রায় কিরণ চন্দ্র রায় বাহাদুর ।
- „ মহারাজ রণজিৎ সিংহ বাহাদুর ।
- „ রামেশ্বর মণ্ডল বি, এল ।
- „ গোবিন্দচন্দ্র বসু ।
- „ কুমার মনুধনাথ মিত্র রায় বাহাদুর ।
- „ রাজা শশীকান্ত আচার্য্য চৌধুরী বাহাদুর ।
- „ মাননীয় কুমার অরুণচন্দ্র সিংহ বাহাদুর ।
- „ রাজা শরচ্চন্দ্র রায় চৌধুরী ।

সম্পাদক—

- „ শ্রীযুক্ত রায় রাজেন্দ্রচন্দ্র শাস্ত্রী বাহাদুর এম, এ ।

সাহিত্য-সংহিতা।

নবপর্ধ্যায়, ৪র্থ খণ্ড। ১৩২৩ সাল, আষাঢ়। [৩য় সংখ্যা।

ক্ষেমেন্দ্রের চারুচর্যা।

(পূর্বানুবৃত্তি)

৮৫। আচারভ্রংশে দুর্গতি।

পদাগ্নিং গাংগুরুং দেবং নচোচ্ছিষ্টঃ স্পৃশেদ্ব্যতম্।

দানবানাং বিনষ্টাশ্চীক্ছিষ্ট-স্পৃষ্ট-সর্পিষাম্ ॥

অগ্নি, গো, গুরু বা দেবতাকে পদদ্বারা এবং অশুচি অবস্থায় ঘৃত স্পর্শ করিতে নাই। উচ্ছিষ্ট পঙ্কিল অবস্থাতে ঘৃত স্পর্শ করাতে দানবেরা শ্রীত্রষ্ট হইয়া পড়িয়াছিল।

পূজ্যতম মহর্ষিগণকে পদাঘাত ও প্রহারে জর্জরিত করিয়া অমরেশ্বর নহষকে স্বর্গচ্যুত ও নরকযুগলাভোগ করিতে হইয়াছিল। (৫৭ শ্লোক দ্রষ্টব্য)।

“শ্রীকৃবাচ।

সত্যে স্থিতাস্মি দানে চ ব্রতে তপসি চৈব হি।

পরাক্রমে চ ধর্মে চ পরাধীনস্ততো বলিঃ ॥

ব্রহ্মণ্যোহয়ং পুরাত্না সত্যবাদী জিতেন্দ্রিয়ঃ।

অভ্যস্বয়দ্ ব্রাহ্মণানামুচ্ছিষ্টাশ্চাস্পৃশদ্ ঘৃতম্ ॥

বজ্রশীলঃ স্নাত্বা মামেব বজ্রতে স্বয়ম্।

প্রোবাচ লোকানু মুঢ়াশ্চা কালেনোপনিপীড়িতঃ ॥

অপাকৃত্য ততঃ শক্রং স্বয়ং বৎশাস্মি বাসব।

অপ্রমত্তেন ধার্ম্যাস্মি তপসা বিক্রমেণ চ ॥”

(মহাত্মারত ।)

দানবেন্দ্র বলি বুদ্ধে পরাজিত হইয়া নিরুদ্দিষ্ট হইলে, বলির অনুসন্ধানে প্রবৃত্ত দেবরাজ ইন্দ্র ব্রহ্মার আদেশ অনুসারে দেখিতে সক্ষম হইলেন । সৌভাগ্যবিহীন বলি, গর্দভরূপ ধারণ পূর্বক নির্জনে একাকী অবস্থান করিতেছেন । দেবরাজ প্রতিহিংসাবশে শ্লেষবাক্যে বলির মর্মান্বন বিদ্ধ করিবার পরে দেখিতে পাইলেন, সেই রাসভরূপী দানবপতির কলেবর হইতে প্রদীপ্ত দিব্য তেজোরশি উর্দ্ধগমন পূর্বক পরম শোভমানা শিখণ্ডিনী মূর্তিমতী সৌভাগ্য লক্ষ্মীর রূপ ধারণ করিলেন ।

দেবরাজ কর্তৃক জিজ্ঞাসিত হইয়া দেবী কমলা তাঁহাকে বলিলেন, হে বাসব, আমাকে সাক্ষাৎ “শ্রী” বলিয়াই জানিও । যেখানে সত্য, যেখানে দান, যেখানে ব্রত, যেখানে তপস্যা, যেখানে পরাক্রম এবং যেখানে ধর্ম আশ্রয় করিয়া থাকেন ; নিশ্চয় জানিও, সেই স্থানেই আমি “অচল” হইয়া থাকি । দানবপতি এই বলি, বর্তমানে ঐসকল সদগুণ পরিবর্জন করিতে আমি অল্প তাঁহার শরীর হইতে বহির্গতা হইলাম । বলি পূর্বে ব্রাহ্মণভক্ত, সত্যবাদী, জিতেন্দ্রিয়, স্মৃতির প্রকৃত ধর্মশীলই ছিলেন, আর সকল সদগুণের একমাত্র আশ্রয় বলিয়া আমিও তাঁহাকেই আশ্রয় করিয়া ছিলাম । কিন্তু মোহবশে বলির প্রকৃতি আর সদগুণময়ী রহিল না, তিনি দম্ব ও অহঙ্কারের বশীভূত হইয়া ব্রাহ্মণের বিদেহপরায়ণ হইয়া পড়িলেন এবং উচ্ছিষ্ট কলুষিত অবস্থাতেই পবিত্র ঘৃত স্পর্শ করিয়া নিজ আত্মমতিতার পরিচয় প্রদান করিলেন । বলি পূর্বে সর্বদাই যজ্ঞের অনুষ্ঠানকারী ছিলেন, কিন্তু উত্তরকালে পরিণাম বিস্মৃতির বিপাকে তাঁহাতে এরূপ ঘোর মোহের প্রাহুর্ভাব হইল যে, দানবপতি স্থির করিলেন একমাত্র তিনিই সর্বপ্রধান । অতএব সকলে যজ্ঞাদি ব্যাপারে কেবল তাঁহাকেই অর্চনা করুক । হে সুরপতি, এই কারণেই আমি অল্প বলিকে পরিত্যাগ করিয়াছি এবং উপযুক্ত পাত্র জানিয়া তোমাকেই এখন আশ্রয় করিব । হে ইন্দ্র, আমাকে পাইয়া তুমি কখনও প্রমাদে আত্মবিস্মৃত হইয়া পড়িও না ; তুমি নিশ্চয় জানিও যে আমি কেবল ভূপোনিষ্ঠা ও পরাক্রম দেখিয়াই সেই পবিত্র স্থানে স্থিরভাবে অবস্থিত করিয়া থাকি ।

৮৬ । প্রতিলোম বিবাহের অবৈধতা ।

প্রতিলোমবিবাহে ন কুর্যাহন্নতি পৃহাম্ ।

যযাতিঃ শুক্রকন্যায়াং সম্পৃহো স্নেহতাং গতঃ ॥

প্রতিলোম বিবাহের অভিলাষ করা বৈধ নহে । রাজা যযাতি শুক্রাচার্য্যের কণ্ঠকে বিবাহ করিয়া তাঁহার প্রণয়ে কামপরতন্ত্রতায় স্নেহ প্রাপ্ত হইয়াছিলেন ।

চন্দ্রবংশীয় রাজচক্রবর্তী যযাতি দৈত্যগুরু শুক্রাচার্য্যের কণ্ঠা দেবযানী ও অশুররাজ বৃষপর্কার হৃহিতা শর্শ্বিষ্ঠাকে বিবাহ করিয়াছিলেন । উভয় পত্নীর গর্ভে ভূপতির ষড়্, তুর্কসু, অসু, দ্রুহ ও পুরু এই পঞ্চ পুত্রের জন্ম হইয়াছিল । রাজা উভয় পত্নীর প্রতি একান্ত সমাসক্তা থাকিয়া স্বীয় পরিণত বয়সেও প্রবল কামসুখে অভিভূত হওয়ার অরাক্রান্ত হইয়াছিলেন । সেইকালে কনিষ্ঠ পুত্র শর্শ্বিষ্ঠার গর্ভজাত পুরু ভিন্ন অপর সকল সন্তানকেই তাঁহার আজ্ঞা অমান্য করা নিবন্ধন অভিশাপ প্রদান করিয়া স্বীয় অনার্য্যজনোচিত কাম প্রসক্তির পরিচয় প্রদান করিতে যযাতি ক্রান্ত হন নাই (১৭ শ্লোক দ্রষ্টব্য) । রাজা দেবযানীর গর্ভজাত স্বীয় মধ্যম পুত্র তুর্কসুকে বলিয়াছিলেন ;—

“যস্বং মে হৃদরাজ্জাতো বয়ঃ স্বং ন প্রযচ্ছসি ।

তস্মাৎ প্রজা সমুচ্ছেদং তুর্কসো তব বাশ্রুতি ॥

গুরুদারপ্রসক্তেষু তিৰ্য্যগ্‌যোনিগতেষু চ ।

পশুধর্ম্মিষু পাপেষু স্নেহেষু ত্বং ভবিষ্যসি ॥

হে তুর্কসো, তুমি আমার আত্মজ হইয়াও অল্প মদীয় আদেশ লঙ্ঘন করিয়াছ, অতএব তোমার বংশপ্রবর্তক পুত্রের অভাব হইবে* । যাহারা গুরু ও লঘু গণ্য করে না, তিৰ্য্যগ্‌ জীবের ন্যায় যাহাদের আচার, পাপকর্মে যাহারা সর্বদা উচ্ছৃঙ্খল হইয়া আছে, ধর্ম্ম পশুর ন্যায় আচরণশীল সেই স্নেহগণের উপরেই তোমার প্রভুত্ব প্রতিষ্ঠিত হইবে ।

৮৭ । নির্দোষের বিড়ম্বনার আত্মকৃতি ।

রূপার্থকুলবিদ্যাদিহীনং নোপহসেন্নরম্ ।

হসন্তমশপন্নদী রাবণং বানরাননঃ ॥

* এই শাপ বাক্য তুর্কসুর পক্ষ বর লাভের ভারই নিরতি বলে হইয়া পড়িয়াছিল, কেননা দেবী ভাগবত পাঠে জাত হওয়া বার শ্লোকে নারায়ণ ও চন্দ্রীয় পুত্র “হৈহয়” তুর্কসুর পুত্রকে পরিণত হইয়াছিলেন । চন্দ্রীয় পুত্র হৈহয়ের পুত্র “কুচবীৰ্য্য” ও তাঁহার পুত্র জাতঃ অরক্ষী “অর্জুন” (কাশ্যবীৰ্য্য অর্জুন) । পুরাণে হৈহয় বংশ সূত্রসিদ্ধ ।

যাহার রূপ, অর্থ, কুল বা বিদ্যা প্রভৃতি কিছুই বর্তমান নাই, সেইরূপ ব্যক্তিকে স্বপ্রবৃত্তির বশে কখনও উপহাস করা কর্তব্য নহে। লঙ্কাধিপতি রাবণ, বানরের ন্যায় কদাকারমুখ মহাদেবের প্রিয় অনুচর নন্দীকে উপহাস করিয়া অভিশাপগ্রস্ত হইয়াছিলেন।

“সোহপশুন্নদিনং তত্র দেবশ্চাদুরতঃ স্থিতম্ ।

তং দৃষ্ট্বা বানরমুখমবজ্জায় স রাক্ষসঃ ।

প্রহাসং মুমুচে তত্র সতোয় ইব তোয়দঃ ॥

তং ক্রুদ্ধো ভগবান্নন্দী শঙ্করশ্চাপরা তনুঃ ।

অব্রবীত্তত্র তদ্রক্ষোদশাননমুপস্থিতম্ ॥

যশ্চাঘানরমুখং মামবজ্জায় দশানন ।

অশনিপাতসঙ্কাসমুপহাসং প্রমুক্তবান্ ॥

তস্মান্নদ্বীৰ্য্যাসংযুক্তা মক্রুপা মমতেজসঃ ।

উৎপৎশাস্ত্রে বধার্থং হি কুলস্ত তব বানরাঃ ॥” (রামায়ণ ।)

রাবণ দেখিতে পাইলেন, ভগবান্ ভূতপতি মহাদেবের সন্নিকটে শঙ্করের দ্বিতীয় তনুসদৃশ নন্দী প্রদীপ্ত শূল হস্তে অবস্থিত করিতেছেন। নন্দীর মুখ বানরের অনুকৃতি দেখিয়া দশানন জীমূতগর্জনে তাঁহাকে উপহাস করিয়াছিলেন। তাহাতে নন্দী সক্রোধে রাবণকে অভিশাপ প্রদান করিয়া বলিলেন। যে মুঢ়, আমার মুখ বানরের স্থায় দেখিয়া তুমি উপহাস করিতেছ, কিন্তু আমার স্থায় বলবীৰ্য্যশালী পরাক্রান্ত বানরগণ তোমাকে সবংশে ধ্বংস করিবার জন্ত অচিরে উৎপন্ন হইবে, ইহা নিশ্চিত জানিও।

৮৮ । বন্ধু বিরোধে নিরপেক্ষতাই শ্রেয়স্কর ।

বন্ধু নাং বারয়েধৈরং নৈকপক্ষাশ্রয়ো ঔবেৎ ।

কুরুপাণ্ডবসংগ্রামে যুযুধে ন হলায়ুধঃ ॥

নিজ বান্ধবদিগের মধ্যে পরস্পর বিরোধ উপস্থিত হইলে যাহাতে পক্ষীয়

বিবাদ দূরীভূত হইয়া যার, তাহাতেই চেষ্টা করা আশ্বীয়ের কার্য্য। যদি সেইরূপ হওয়া অসম্ভাব্য হইয়া পড়ে, তাহা হইলে সেই অনর্থকর ব্যাপারে নিজের নিরপেক্ষ হইয়া দূরে থাকাই কর্তব্য। কিন্তু উভয়ের মধ্যে অস্ত্রতম পক্ষে যোগ প্রদান পূর্ব্বক বহুদিগের বিগ্রহে ইচ্ছন প্রদান করা শ্রেয়ঙ্কর মতে। হলধর বলদেব, কুরু ও পাণ্ডবগণের তুমুল সংগ্রামে নিজে মধ্যস্থ বৃত্তিই অবলম্বন করিয়াছিলেন, তিনি বিবদমান কোন পক্ষেই যোগ প্রদান করিয়া যুদ্ধে প্রবৃত্ত হইয়া নাই।

“পাণ্ডবা হি যথাহস্মাকং তথা হুর্যোধনো নৃপঃ ।

উভৌশিশ্যো হি মে বীরৌ গদাযুদ্ধবিশারদৌ ॥

তুল্যেন্নেহোহস্ম্যতো ভীমে তথা হুর্যোধনে নৃপে ।

তস্মাদ্ যাস্মামি তীর্থানি সরস্বত্যা নিষেবিতুম্ ॥

(মহাভারত ।)

কুরুক্ষেত্রে ভীষণ যুদ্ধ উপস্থিতপ্রায় দেখিয়া বলরাম বলিয়াছিলেন, মহাবীর পাণ্ডবগণ ও নৃপতি হুর্যোধন উভয় পক্ষেই আমাদের আশ্বীয়তা তুল্য প্রকার। বিশেষতঃ গদাযুদ্ধে ভীম ও হুর্যোধন উভয়েই আমার প্রিয় শিষ্য; ভীমের প্রতি আমার যেরূপ স্নেহ, হুর্যোধনের প্রতিও আমার ঠিক সেইরূপ মমতা; অতএব এখন এই ঘোর সংকট সময়ে আমি কৌরব বা পাণ্ডবগণের মধ্যে কোন পক্ষেই অবলম্বন করিতে পারিতেছি না, আমি সরস্বতীর পুণ্যময় তীর্থ উদ্দেশ্যেই এখন প্রস্থান করিব।

৮৯। ভগবান্ বুদ্ধদেবের জীবোদ্ধার।

পরোপকারং সংসারসারং কুর্কীত সন্নবান্ ।

নিদধে ভগবান্ বুদ্ধঃ সৰ্ব্বসম্বোধুতো ধিয়ম্ ॥

সুহৃৎসম্বন্ধে অবলম্বন পূর্ব্বক সংসারে একমাত্র সার মোক্ষের অস্ত্র পরের উপকারার্থে ব্রতী হইবে। ভগবান্ বুদ্ধদেব সকলজীবের নির্কাল কামনার আশুনার বিমল প্রজ্ঞাকে নিয়োজিত করিয়াছিলেন।

পুরাণ শাস্ত্রে ভগবান্ বুদ্ধদেবকে শাক্য নারায়ণের অবতাররূপেই সর্বত্র বর্ণনা করা হইয়াছে, তাহাতেই হিন্দুগণ বুদ্ধদেবকে বিষ্ণুর দশ অবতারের অন্ততম বলিয়া স্থির করিয়া তাঁহার অর্চনা করিয়া থাকেন । উত্তরকালীন ভগবদ্ভক্ত কবিরাজ জয়দেবও দশ অবতার স্তোত্রে স্বীয় গীতগোবিন্দগ্রন্থে বুদ্ধদেবকে লক্ষ্য করিয়া মধুসূরে সঙ্গীত লহরীতে জগৎ উদ্ধৃদ্ধ করিয়া গান করিয়া গিয়াছেন ;—

“নিন্দসি যজ্ঞবিধেরহহ শ্রুতিজাতঃ

সদয়হৃদয়দর্শিতপশুঘাতঃ

কেশব ধৃতবুদ্ধশরীর জন্ন জগদীশ হরে !”

যাগ যজ্ঞাদি কাম্যক্রিয়াতে পশুবধ করিবার বিধান আছে । মহাপ্রাণ বুদ্ধদেব জীবের প্রাণ হত্যার বিচলিতহৃদয় হইয়া সেই সকল শ্রুতিবাক্যের বিরুদ্ধে মানবমাত্রকে ব্রতী হইবার জন্য উপদেশ প্রদান করিয়া গিয়াছেন । তাহাতেই তৎপ্রচারিত ধর্ম চিত্তশুদ্ধির ব্যাপার ভিন্ন অপর ক্রিয়া কাণ্ডের বিধান অকর্তব্য বলিয়া অবধারিত হইয়াছিল ।

আমরা এখানে ভগবান্ বুদ্ধদেব কিরূপে যৌর কাম্যসক্ত মানবকেও প্রবুদ্ধ করিয়া মহান্ ভিক্ষুব্রতে সমুন্নত করিয়াছিলেন, তাহার একটি দৃষ্টান্ত প্রদর্শন করিতেছি । এই উপাখ্যানটি মহাকবি ক্ষেমেন্দ্র প্রণীত বোধিসত্ত্ব অবদান কল্পলতার দশম পল্লবে সুন্দরী নন্দাবদানে ও বৌদ্ধ মহাকবি আর্য্যভদ্র অথথোয় প্রণীত সৌন্দর্যানন্দ মহাকাব্যে বর্ণিত হইয়াছে । উক্ত উভয় গ্রন্থই এসিয়ার্টিক সোসাইটি হইতে মুদ্রাঙ্কিত হইয়াছে ।

ভগবান্ বুদ্ধদেব ও শাক্য রাজকুমার নন্দ উভয়েই নৃপতি শুক্লোদনের পুত্র, কিন্তু তাঁহারা সহোদর নহেন । পরস্পর বৈমাত্রেয় ভ্রাতা ছিলেন । প্রব্রজ্যা গ্রহণের পরেও বুদ্ধদেব শাক্যবংশের উদ্ধার কামনার পিতৃরাজধানী কপিলবস্ততেই নিজ আশ্রমে ভিক্ষুসংঘপরিবৃত হইয়া অবস্থিতি করিতেন । একদা যুবরাজ নন্দ বুদ্ধদেবের দর্শনার্থ তাঁহার আশ্রমে আসিয়া উপস্থিত হইলে, ভগবান্ তাঁহাকে প্রব্রজ্যা গ্রহণ করিতে আদেশ করেন । বিনীত নন্দ তাঁহাকে বলিলেন—পবিত্র প্রব্রজ্যা গ্রহণ করা তাঁহার স্তায় বিবরমদামস্ক ব্যক্তির পক্ষে নিতান্তই অসম্ভাব্য, অতএব তিনি স্তায় গৃহস্থের ধর্ম পালন পূর্বক ভিক্ষুগণের অভাব পরি-

মোচনের চেঁচায় সর্বদা নিরত থাকিয়া পুণ্য সঞ্চয় করিবার জন্য অভিলাষী হইয়াছেন।

প্রব্রজ্যা শব্দেই নন্দের ভীষণ হৃৎকম্প উপস্থিত হইয়া পড়িয়াছিল, কারণ পার্থিব জগতের সুন্দরীকুলের সারভূতা স্বীয় দয়িতা ভার্য্যা সুন্দরাকে স্মরণ করিয়া তিনি নিতান্তই ব্যথিত হইয়া পড়িয়াছিলেন; কাজেই অতঃপর আশ্রমে আর ক্ষণমাত্র কাল বিলম্ব না করিয়াই তিনি উৎকণ্ঠিত মনে স্বীয় প্রাসাদে প্রিয়তমা সুন্দরার সন্নিধানে আসিয়া উপস্থিত হইলেন।

ইহার পরে একদিন নন্দ দেখিতে পাইলেন, ভগবান্ বুদ্ধদেব ভিক্ষুগণীপরি-বৃত্ত হইয়া তাঁহার প্রাসাদে ভিক্ষার্থ সমাগত হইয়াছেন। এ দৃশ্য অবলোকনে নন্দের হৃদয় ভক্তিবরে উবেলিত হইয়া পড়িল। তিনি যথোচিত সংকার ক্রিয়া দ্বারা সমাগত ভিক্ষু সংঘের অভ্যর্থনা করিলেন।

পতির ক্ষণমাত্র বিরহেও অসমর্থী পতিদেবতা সুন্দরা ভিক্ষুগণের সংকার ব্যাপারে ব্যাপৃত নন্দকে গবাক্ষমার্গে তৃষিতা চাতকীর স্থায় অনিমেষ নয়নে নিরীক্ষণ করিতেছিলেন। নন্দ প্রিয়তমাকে ইঙ্গিত দ্বারা জানাইলেন, ভগবানের সংকার জন্য তাঁহার আশ্রম পর্য্যন্ত অহুগমন করিয়া তিনি শীঘ্রই বিরহবিধুরা প্রিয়ার সন্নিহিতে উপনীত হইবেন। কিন্তু হায়, নন্দ ও সুন্দরা ক্রুর ভাবিতব্যতার বিষম পরিণতি ক্ষণকালের জন্যও চিন্তা করিয়া দেখিবার অবকাশ প্রাপ্ত হইলেন না যে, তাঁহাদের দাম্পত্যের অকপট প্রণয়নীলা এখন হইতেই সম্পূর্ণ তিরোহিত হইয়া গেল।

আশ্রমে গিয়াই নন্দ আবারে প্রত্যাবর্তন জন্য ভগবানের অহুমতি প্রার্থনা করিলেন। তখন বুদ্ধদেব বলিলেন, তুমি এখনই ভিক্ষু ব্রত গ্রহণ কর। যেমন আদেশ, অমনি সঙ্গে সঙ্গেই নন্দের প্রব্রজ্যা গ্রহণ ব্যাপারও ভগবানের আদেশে অনুষ্ঠিত হইয়া গেল। অন্য বিনা মেঘেই বিভিন্ন স্থানে থাকিয়াও একপ্রাণ দম্পতি নন্দ ও সুন্দরার মস্তকে নির্ধাত বজ্রপাত হইয়া গেল।

নন্দ এই অবস্থাতেও বুদ্ধদেবের অলঙ্কিতে সুন্দরার নিকটে উপস্থিত হইবার জন্য অনেক বার চেঁচা করিয়া বিফলকাম হইয়া পড়িয়াছিলেন। কারণ সর্বত্র বুদ্ধদেব, এখনই নন্দ আশ্রম পরিত্যাগ পূর্বক গ্রহান করিতে উদ্যত

হইয়াছেন, ঠিক সেই মুহূর্তই সেইস্থানে আসিয়া উপস্থিত হইয়া তাঁহাকে বিষয় মরীচিকার মায়াজাল হইতে স্বীয় শাস্তিময় ক্রোড়ে টানিয়া লইয়া গিয়াছেন ।

অনন্তর বুদ্ধদেব সুন্দরার আসক্তি হইতে নন্দের চিত্ত অপসারিত করিবার জন্য তাঁহাকে লইয়া ত্রিদিব ধামে উপস্থিত হইয়াছিলেন । সেখানে অপার্থিব সুন্দরী অপরাবুদ্ধকে দেখাইয়া ভগবান্ বুদ্ধ নন্দকে বলিলেন, যদি তুমি তোমার স্মৃতিপথ হইতে সুন্দরার আসক্তি বিদূরিত করিয়া তিক্তব্রত পরিপালন করিতে সমর্থ হও, তাহা হইলে বাহাতে তুমি এই দিব্য সুন্দরীগণের সহিত মিলিত হইতে পার, আমি সেইরূপ উপায় করিয়া দিব ।

নিজ ভাৰ্য্যা সুন্দরা হইতেও অনুপম কাস্তিময়ী কামিনীকুলের তীব্ররূপ-সম্পদে পরিভ্রান্ত নন্দ অতঃপর পতিগত প্রাণা স্বীয় দারার অপার্থিব প্রণয় বিন্দুতির জলধিতে সমাহিত করিয়া ফেলিলেন । হায়, এই জগতে কণস্থায়ী রূপের আলাময়ী উন্মাদনা পরিণামে এইরূপ বিরোগবিধায়ক হইয়াই প্রণয়ীর মর্শ্ব কর্তন করিয়া থাকে । মিথ্যা তপশ্চর্য্যায় ব্রতী হইয়া নন্দ তদতজীবিতা সতীকে একেবারে ভুলিয়া গেলেন । তিনি রূপোন্মাদে পক্ষন্দীপ্রাপ্তি কামনার ছঃসহ সাধনাতেও একান্ত মনে দৃঢ়ব্রত অবলম্বন করিলেন ।

ইহার পর একদা নন্দ কোনস্থানে অগ্নিগর্ভ কুস্ত্রহৎ অসংখ্য কুস্ত্র দর্শন করিয়া ভয়ে কণ্টকিতকলেবর হইয়া পড়িলেন । তদর্শনে তাঁহার মনে চিন্তা হইল, কি ভয়ঙ্কর ! এই অগ্নিগর্ভ কুস্ত্র সমূহ কি উদ্দেশে এখানে নিহিত রহিয়াছে ? তখনই অমরবাণী তারস্বরে প্রতিধ্বনি করিয়া বলিয়া উঠিল—বাহারা মিত্যা সুখ পরিহার পূর্বক অনিত্য অসার সুখসম্ভোগকামনার মিথ্যাবেশ পরিগ্রহ করিয়া তপশ্চর্য্যায় ব্রতী হয়, এই আলাময় অগ্নিগর্ভ কুস্ত্ররাশি কেবল তাহাদের প্রারশ্চিত্তের জন্য । মিথ্যাব্রত শাক্যনন্দন নন্দের পাপপ্রতীকারের নিমিত্তই এই নরক যন্ত্রণার ব্যবস্থা ।

অতঃপর পাপের স্মৃতিব্র পরিণতি প্রত্যক্ষ করিয়া নন্দের মানসক্ষেত্র হইতে উৎকট অঙ্গরাঙ্গীতির মোহ বিদূরিত হইয়া গেল । উক্তর কালে তিনি সত্য-সত্যই তিক্তব্রতে সমুন্নতি লাভ করিতে সমর্থ হইয়া নিজ জীবন সার্থক করিতে সমর্থ হইয়াছিলেন ।

এই উপাখ্যান পাঠে জ্ঞাত হওয়া যায়, নন্দ বুদ্ধদেবের নিকটে প্রার্থনা করিয়াছিলেন যে, তিনি নিজে প্রব্রজ্যাগ্রহণ না করিয়া সংসারে বর্তমান থাকিয়াই ভিক্ষু সংঘের সংকারে জীবন সার্থক করিতে অভিলাষী, কিন্তু বুদ্ধদেব এই অবস্থাতেও সেই রাজদম্পতির পয়স্পরের প্রতি অকপট গভীর প্রণয় বৃত্তান্ত সম্যক্ জ্ঞাত থাকিয়াও নন্দকে ভিক্ষু ব্রতে দীক্ষিত করিয়াছিলেন। ইহা দ্বারা বুদ্ধদেবের মহান্ ধর্মের এই গূঢ় রহস্য বোধ হয় গম্য হয় যে উদার বৌদ্ধধর্ম সংসার পরিত্যাগকারী ভিক্ষুগণেরই কেবল অবলম্বনীয় ; কারণ ভিক্ষুরাও এই পবিত্র ব্রত সর্বথা রক্ষা করিতে সর্বত্র সক্ষম হয়েন না। যখন এইরূপ অবস্থা তখন ঘোর সংসারাসক্ত বিমূঢ় গৃহস্থ ব্যক্তি এই মহান্ ধর্ম ক্ষেত্রে প্রাংগুলভ্যে ফলে লোভাঙ্ঘ্রিহরিব বামনঃ না হইয়া পড়িবে কেন ?

মানব মাত্রই সংসার বন্ধন মুক্ত হউক—ইহাই ভগবান্ বুদ্ধদেবের আন্তরিক অভিমত। প্রোক্ত উপাখ্যান পাঠ করিয়া জ্ঞাত হওয়া যায়, কামমগ্ন নন্দকেও বুদ্ধদেব স্বয়ং ঘোর সংসারকূপের বিক্রম হইতে পরিত্রাণ করিয়া চির শান্তিময় নির্বাণ পথে লইয়া যাইতে সমর্থ হইয়াছিলেন। কিন্তু বুদ্ধদেব ত আর জীবের উদ্ধার কামনায় অনন্ত জীবন লইয়া এই রোগ-শোক-মোহ-সঙ্কলভূমণ্ডলে সকলের হিতার্থ অবস্থান করিয়া থাকিতে পারেন নাই ; কিংবা বুদ্ধদেবের অন্তর্দানের পরে অপর কেহ বুদ্ধের অভীষিত জীবনিস্তার ব্রতে ব্রতী থাকিয়া তাঁহার ন্যায় সাধারণ মনুষ্য মাত্রেরই নির্বাণ সাধনার পরাকাষ্ঠা শিষ্যানুশিষ্যক্রমে ধারাবাহিক রূপে প্রদর্শন করাইতে সক্ষম হয় না। এই কারণেই পরিণামে ভগবান্ বুদ্ধদেবের নির্মলঃস্বাভাবিক ধর্মও সংকীর্ণতার আবিলতার সাম্প্রদায়িক ধর্মে পরিণত হইয়া পড়িয়াছে, বুদ্ধের ধর্ম হইতে জীব উদ্ধার ব্রত বিলুপ্ত প্রায় হইয়া গিয়াছে।

মানব মাত্রের প্রকৃতি অমুসারেই ধর্মে অধিকারিভেদ হইয়া থাকে, তাহার জন্মই সনাতন আর্য্য ধর্মে বুদ্ধের গায় পবিত্র নিকাম ধর্ম কেবলমাত্র সংসার-গ্রহি পরিচ্যুত মানবের পক্ষেই বিহিত হইয়াছে, কিন্তু সংসার পক্ষে ঘোর আবিলতা প্রাপ্ত জনসাধারণের জন্য সকামধর্ম বর্ণাশ্রম আচারের প্রবর্তনার আবশ্যকতা হইয়াছিল। এই বিধান হইতেই আর্য্যধর্মক্ষেত্রে রাজর্ষি জনকের ন্যায় সংসারবিরাগী হইয়াও ঘোর সংসারাসক্ত মহাপুরুষের আবির্ভাব দেখা গিয়া থাকে।

পুরাণগ্রন্থে ভগবান্ বুদ্ধদেব সম্বন্ধে যেসকল উল্লেখ আছে, আমরা সংক্ষেপে এখানে তাহা উদ্ধৃত করিয়া দেখাইতেছি ;—

“মৎস্তঃ কুর্শো বরাহশ্চ নরসিংহোহথ বামনঃ ।
 রামো রামশ্চ কৃষ্ণশ্চ বুদ্ধঃ কঙ্কী চ তে দশ ॥
 ইত্যেতাঃ কথিতাস্তস্মৈ মূর্তয়ো ভূতধারিণি ।
 দর্শনং প্রাপ্তমিচ্ছানাং সোপানানি চ শোভনে ॥”

(বরাহপুরাণ ।)

ভগবান্ বিষ্ণুর অবতার বরাহ পৃথিবীকে বলিষ্ঠাছিলেন, যে ভূতধাত্রি, মৎস্ত, কুর্শ, বরাহ, নরসিংহ, বামন, পরশুরাম, দাশরথি রাম, কৃষ্ণ, বুদ্ধ ও কঙ্কী ;—ভগবান্ নারায়ণের এই দশ অবতার—যাহা মুক্তিকাম জনগণের সোপানস্বরূপ ।

“বক্ষ্যে বুদ্ধাবতারঞ্চ পঠতঃ শ্রবতোহর্থদম্ ।” (অগ্নিপুরাণ ।)

বুদ্ধাবতারের কথা উল্লেখ করা যাইতেছে, যাহা পাঠ বা শ্রবণ মাত্রই লোক সমূহের পরমার্থ লাভ হইয়া থাকে ।

“ততঃ কলেস্ত সঙ্ঘাত্তে সংমোহয়ন্ সুরধিবাম্ ।
 বুদ্ধনামা জিনসুতঃ কীকটেবু ভবিষ্যতি ॥”

(গরুড়পুরাণ ।)

কলির প্রথম সঙ্ঘাত্তে বিগত হওয়ার পরে ভগবান্ নারায়ণ কীকট দেশে বুদ্ধ নাম ধারণপূর্বক জিনসুতরূপে দেববিদেষপরায়ণ জনসমূহের বিমোহনের জন্য অবতীর্ণ হইবেন ।

“শুক্লদস্তা হঞ্জিতাক্শ মুণ্ডাঃ কাষায়বাসসঃ ।
 শূদ্রা ধর্ম্মং বদিষ্যন্তি শাক্যবুদ্ধোপজীবিনঃ ॥”

(হরিবংশ ।)

শাক্যকুলসিংহ বুদ্ধদেবের মতাবলম্বী শূদ্রগণও স্বধর্ম্মমতানুযায়ী নিজেদের দস্তপ্রাজি শব্দবৎ ধবল করিয়া, চক্ষুর অঙ্গনরাগে সুরঞ্জিত করিয়া, মস্তক বিমুণ্ডিত করিয়া এবং কাষায়রাগে পাণ্ডুর্ণ বস্ত্র পরিধান করিয়া সকলকে ধর্ম্মোপদেশ প্রদান করিবেন ।

বিষ্ণুপুরাণে দেখিতে পাওয়া যায়, দেবগণ দৈত্যবৃদ্ধে পরাজিত হইয়া ভগবান্ বিষ্ণুকে বলিতেছেন ;—

“স্বৰ্ণধৰ্ম্মাভিরতা বেদমার্গানুসারিণঃ ।

ন শক্যাস্তে হরয়ো হস্তমস্মাভিস্তপসান্বিতাঃ ॥”

অসুরগণ বর্ণাশ্রম ধৰ্ম্ম পরিপালন ও বেদোক্ত যাগযজ্ঞাদির অনুষ্ঠানে প্রবৃত্ত থাকিয়া দেবতাদিগের অজ্ঞেয় হওয়াতে ভগবান্ বিষ্ণু নিজ দেহ হইতে মার্মা মোহকে উৎপাদন করিয়া বলিলেন ;—

“মার্মামোহোহরমখিলান্ দৈত্যাস্তান্মোহয়িষ্ণুতি ।

ততো বধ্যা ভবিষ্ণুস্তি বেদমার্গবহিষ্কৃতাঃ ॥”

মার্মামোহের উপদেশে দৈত্যগণ বৈদিক আচার পরিত্যাগ করিয়া দেবতাদিগের বধ্য হইবে ।*

বিষ্ণু ও অগ্নিপুরাণে এইরূপ বৌদ্ধধর্ম্মের আকির্ভাবের প্রকল্পনা দেখা যায় । অধিকার ভেদ পরিত্যাগ পূর্ব্বক জনগণ কেবলমাত্র নির্ঝাণ পথ অবলম্বন করা নিবন্ধন বর্ণাশ্রমধর্ম্মের বিপ্লব ঘটতেই সম্ভবতঃ এইরূপ উপাখ্যানের উদ্ভব হইয়াছে । কিন্তু ভগবান্ বুদ্ধকে জগতের একমাত্র স্রষ্টা বিষ্ণুর অবতাররূপে বর্ণনা করিয়া তাঁহার অর্চনা করিতে পৌরাণিকগণ কখনও বিহ্বত হইয়াছেন নাই, কারণ তাঁহার জানিতেন এই ব্রহ্মাণ্ডে যেখানে অলৌকিক শক্তির সমাবেশ হইতে দেখা যায়, তাহাতেই সূর্যনিরস্তা ভগবানের অখণ্ড প্রভাব প্রকটিত হইয়া থাকে ।

৯০ । বন্ধু ও মিত্রের পরিত্রাণ বাহুবের অবশ্য কর্তব্য ।

বিষ্ণুস্বপ্নমধনঃ মিত্রং ত্রায়ৈত হুর্গতম্ ।

বন্ধুমিত্রোপজীব্যো ভূদর্খিকল্পতরুবলিঃ ॥

নির্ধন বাহুবের জীবিকার উপায় করিয়া দিবে এবং বিপদগ্রস্ত মিত্রকে বিপদ হইতে পরিত্রাণ করিবে । দৈত্যরাজ বলি প্রার্থনাপরায়ণ ব্যক্তির পক্ষে কল্পতরু

* শুক্রাচার্য্যের অনুগৃহীতিতে সুর্য্যবৃহস্পতি শুক্রের রূপ ধারণ করিয়া এইরূপে দৈত্যগণকে বধপ্রাচীর হইতে বর্জিত করিয়াছিলেন । পুরাণে এই দৃষ্টান্তই দেখিতে পাওয়া যায় ।

সদৃশ ছিলেন । ফলতঃ তিনি অসীমিত কামনা পূর্ণ করিয়া বহু ও মিত্রদিগের পক্ষে ষথার্থ প্রতিপালক স্বরূপ হইয়াছিলেন ।

“বিমুখা নার্থিনো যান্তি ভবতো গৃহমাগতাঃ ।

অর্থিনাং কল্পবৃক্ষোহসি দাতা চাত্তো ন বিদ্যতে ॥”

(মহাভারত ।)

দেবরাজ ইন্দ্র, দৈত্যপতি বলিকে বলিয়াছিলেন, হে দৈত্যরাজ, আপনার গৃহে সমাগত ষাচক ব্যক্তি কখনও বিফলমনোরথ হইয়া ফিরিয়া যান না । অতএব আপনি বাস্তবিকই অর্থী ব্যক্তিগণের পক্ষে “কল্পবৃক্ষতুল্য” । এই জগতে আপনার তুল্য অন্য দাতা নাই, একথা ঞ্চ সত্য ।

(ক্রমশঃ)

শ্রীমধুরানাথ মজুমদার কাব্যতীর্থ কবিচিন্তামণি ॥

পূজার ছুটি ।

(পূর্কাম্বুভক্তি)

যাঁহার বৃন্দাবনে কাইবেন তাঁহার ষেন লালাবাবুর প্রতিষ্ঠিত মন্দিরটি দেখিতে অসহেলা না করেন । লালাবাবুর নাম বোধ হয় অনেকেই জানেন, প্রাতঃস্মরণীয় পরম ভক্ত স্বর্গীয় লালাবাবু, যাঁহার প্রকৃত নাম ৬কৃষ্ণচন্দ্র সিংহ, ১৮১০ খৃষ্টাব্দে বৃন্দাবনধামে তাঁহার মন্দির নির্মাণ করিয়া তথায় শ্রীকৃষ্ণ মূর্তি স্থাপন করিয়া গিয়াছেন, ইহা দর্শন করিলে নয়ন চরিতার্থ হয় । অতুল ঐশ্বর্যের অধিপতি লালাবাবু একটি কথাতে একদিনেই সংসার ত্যাগ করিতে সন্মত হইয়াছিলেন এবং তৎকালেই তাঁহার নাম চিরস্মরণীয় থাকিবে । এইরূপ শুনা যায় যে একদা এক মেছুনী লালাবাবুর বাড়ীতে মৎস্য বিক্রয় করিতে আসিয়া বলিল “হরিহে পার কর সময় বন্ধে যাঁয়,” তিনি এই বাক্যের সার মর্ম উপলব্ধি করিয়াই সংসার ত্যাগের ব্যবস্থা করিয়া

অবশিষ্ট জীবন বৃন্দাবনে অতিবাহিত করিয়াছিলেন। লালাবাবু ভোগসুখে জলাঞ্জলি দিয়া যে সংসার ত্যাগ করিতে সমর্থ হইয়াছিলেন, ইহা যে তাঁহার পূর্ব জন্মের বিশেষ সাধনার ফল, তদ্বিসয়ে সন্দেহ নাই, এরূপ ত্যাগের উদাহরণ প্রায় দেখা যায় না। এস্থলে শাস্ত্রজ্ঞ পাঠকগণ সাংখ্যোক্ত পিঙ্গলা বেদ্যের উপাখ্যান স্মরণ করিবেন।

সময় অল্প বলিয়া আমরা চারি দিন মাত্র শ্রীবৃন্দাবন ধামে অতিবাহিত করিতে সমর্থ হইয়াছিলাম। আমি পূর্বে বলিয়াছি আমার পাণ্ডা শ্রীযুক্ত ব্রজকিশোর প্রমথস্বামী পুষ্করের একজন বড় পাণ্ডাও অতি সদাশয় লোক, আমার পরম বন্ধু ডাক্তার শ্রীযুক্ত খগেন্দ্রনাথ মুখোপাধ্যায় মহাশয় আমাকে ঐ পাণ্ডাটির নামে একখানি পত্র দিয়াছিলেন তদ্বিন্য আমি তাঁহার নিকট বিশেষভাবে কৃতজ্ঞ আছি বাহার জন্য আমি তথায় সুখে কাটাইয়া ছিলাম এখানেও আমার পাণ্ডা শ্রীযুক্ত চুণীলাল চৌধুরী, একজন ভদ্রলোক, নির্যাতন দ্বারা অর্থ শোষণ তাঁহার স্বভাবের বিরুদ্ধ কার্য, আরও আমরা শ্রীমৎ কেশবানন্দজীর পরিচিত 'বলিয়া' আমাদিগকে কোন বিষয়েই কোন কষ্ট পাইতে হয় নাই; তবে মধ্যে মধ্যে বাড়ী হইতে এক এক খানি পত্র পাইতেছি বাহাতে আমাদের চিন্তের বৈধি নষ্ট হইতেছে এবং আমাদের অনবচ্ছিন্ন সুখে ব্যাঘাত পড়িতেছে অর্থাৎ আমরা এরূপ ভাবে সংসারে শৃঙ্খলাবদ্ধ থাকি যে কিছুতেই যেন আমাদের স্বাধীনতা নাই বলিয়া মনে হয়। ও সকল কথার কাজ নাই। বৃন্দাবন ধামের দ্রষ্টব্য অসংখ্য, সময় অল্প, এই অল্প সময়ের মধ্যে যতদূর পারা যায় দেখিয়া লইব এইরূপ ধার্য্য করিয়া আমরা পঞ্চম দিনে সেবাকুঞ্জ অর্থাৎ এই স্থানে শ্রীকৃষ্ণ রাধিকার সহিত সর্বদা বিহার করিতেন বলিয়া প্রবাদ শুনা গেল, শ্রীনিধুবন প্রভৃতি পুরাতন স্থান সমূহ দর্শন করিলাম; এবং কিরিবার পথে প্রাতঃকালে উঠিয়াই মথুরাতিমুখে যাত্রা করিলাম। বৃন্দাবন হইতে মথুরা অতি অল্পকালে যাওয়া যায়, অনেক শত্ৰুকেও কাইয়া থাকে তদ্ব্যতীত একা ও ভাড়াটে গাড়ি প্রভৃতিও পাওয়া যায়, কিন্তু আমরা রেল গাড়িতে যাত্রা করিলাম এবং তথায় পৌঁছিয়া রাজ্য কংসের রাজধানী মথুরা দর্শনে বহির্গত হইলাম। মথুরা একটা অতি প্রাচীন বিখ্যাত সহর, ইহার পথ ঘাট প্রশস্ত ও পরিষ্কার,

এখানে বহলোকের বাস । এমনকি টলেমি, প্লিনি এরিয়ান প্রভৃতি প্রাচীন গ্রীক গ্রন্থকারদিগের ভ্রম্বেও এই নগরীর নামোল্লেখ দেখিতে পাওয়া যায় । ইহার পাণ্ডাগণকে চোবে বলিয়া থাকে । মথুরার বৃত্তান্ত বর্ণনা করা আমার পক্ষে অসম্ভব তবে যাহাতে পাঠকবর্গের ধৈর্য্যচ্যুতি না হয় এইরূপ ভাবে সংক্ষিপ্ত বলিব । মথুরার আদি ইতিহাস নিতান্ত অস্পষ্ট । প্রত্নতত্ত্ববিদগণের যত্নে মথুরার নানা স্থান খুঁড়িয়া যে সকল প্রাচীন কীর্তি বাহির হইয়াছে তাহার অধিকাংশই জৈন । তন্মধ্যে উৎকীর্ণ শিলালিপি হইতে জানা যায়, যে খৃষ্টীয় ১ম শতাব্দীতে এখানে জৈন প্রাধান্য ও ২য় শতাব্দীর শেষভাগে বৌদ্ধ প্রাধান্য প্রতিষ্ঠিত হইয়াছিল । চীন পরিব্রাজক হিউএন্ সিয়াং এখানে ২০টা সন্ধ্যারাম ও ৫টা মন্দির দেখিয়া যান, ইহা দ্বারা বুঝা যায় যে প্রাচীন ব্রাহ্মণ্য যুগের পর প্রাচীন জৈন ও বৌদ্ধযুগ মথুরার উপর দিয়া চলিয়া গিয়াছে । এখনকার মন্দির গুলিও স্থানে স্থানে উহাদের ধ্বংসাবশেষ দেখিলে বোধ হয় যে এক কালে মুসলমান রাজগণের হস্তে মথুরার প্রাচীন কীর্তিগুলি বিশেষরূপে নিগৃহীত হইয়াছিল তদ্বিষয়ে কোন সন্দেহ নাই । যাহারা মথুরা দর্শনে গিয়াছেন তাঁহারা সে বিষয়ে বেশ উপলব্ধি করিতে পারিয়াছেন । এক্ষণে কাটরা নামে পরিচিত স্থানটীতে বহু পূর্বে ৮কেশব দেবের মন্দির ছিল । সম্রাট আরঞ্জীব উহার স্থানে একটা মসজিদ নির্মাণ করাইয়াছিল, ন মসজিদ গাত্রস্থ নাগরলিপি তাহা সপ্রমাণ করিতেছে । উহার অদূরে ভূতেশ্বরের মন্দির উহার চতুষ্পার্শ্বস্থ ভগ্নাবশেষ নিরীক্ষণ করিলে অনুমান হয় যে উহা কুষাণবতার যুগের বহুপূর্বে ব্রাহ্মণগণ কর্তৃক প্রতিষ্ঠিত হইয়াছিল এবং উহার সন্নিকটে কাজীবাগ নামক উদ্যানে একটা ক্ষুদ্র মসজিদ দেখা যায় । উহাতে হিন্দুধর্মের কোন চিহ্ন না পাইলেও উহার গঠন কার্য্য দেখিয়া বোধ হয় যে উহা এক সময়ে হিন্দু কর্তৃক নির্মিত হইয়াছিল । আমি পূর্বে হইতেই মথুরার চোবে দিগকে ভ্রম করিতাম কারণ তাহারা ষাট্রিগণকে বিশেষ নির্ব্যাতন করিয়া পরমা লইয়া থাকেন । সুতরাং স্বামীজী মহারাজের নিকট হইতে কানয়ে নাড়ু সাড়ে আট ভাই নামক এক চোবের নামে পত্র লইয়া মথুরার পৌছিলাম । চোবেজী কুম্ভবান্দজীর লোক বলিয়া আমাদিগকে বিশেষ যত্ন সহকারে তীর্থ কার্য্য গুলি করাইয়া দিলেন ।

মথুরার কেলা হইতে যমুনা বাগ পর্যন্ত বিস্তৃত যমুনা বক্ষে ২৪টা স্নানের ঘাট আছে তন্মধ্যে আমরা প্রথমে বিশ্রান্ত বা বিশ্রাম ঘাট দর্শনে যাইলাম । ভগবান শ্রীকৃষ্ণ কংসকে বধ করিয়া এই ঘাটে বিশ্রাম করিয়াছিলেন বলিয়া ইহার নাম বিশ্রাম ঘাট হইয়াছে । মথুরার ২৪টা ঘাটের মধ্যে ইহাই সর্বপ্রধান এইটাই এখানকার সন্ধ্যা আরতি এক অপূর্ব দৃশ্য । যাহারা মথুরা দর্শনে যাইবেন তাঁহাদের এই আরতি দর্শন করা আবশ্যিক । আমরা এই স্থানে শ্রাদ্ধ তর্পণাদি যাবতীর তীর্থ কার্য সমাপন করিয়া ঋব ঘাটেও ঐরূপ যথাবিধি তীর্থ কার্য সম্পাদন করিলাম । এই সকল স্থান পাণ্ডাগণই যাত্রিগণকে দেখাইয়া দেন, ইহা ব্যতীত এই সকল তীর্থস্থানের প্রকৃত নির্দেশ পাওয়া সহজ নয়, ঐতিহাসিক বা প্রত্নতত্ত্ব-বিৎগণ ইহাদিগের যথার্থ প্রমাণ করিতে সমর্থ হইতে পারেন, আমাদের ন্যায় লোকের পাণ্ডার কথায় বিশ্বাস করিতে হয় । এই ঋব ঘাটের উপরিভাগে এক পাহাড়ের উপর বালক ঋব ঠোঁটপূর্বক তপস্তা করিয়াছিলেন অদ্যাপি যাত্রিগণ এই স্থানে ঋবের তপস্তা মূর্তির দর্শন পাইবেন, মথুরা সহরের মধ্যে ঋব ঘাটের পশ্চিম ভাগে প্রায় অর্ধ মাইল দূরে কংসটিলা বর্তমান আছে । এই স্থানেই ভগবান শ্রীকৃষ্ণ তাঁহার সমস্ত বীর যোদ্ধৃগণের সহিত নিমন্ত্রিত হইয়া যজ্ঞদর্শনহেতু উপস্থিত হইয়া কংসকে বিনাশ করিয়াছিলেন ।

মথুরার পূর্বব্রহ্ম অনাদিদেব শ্রীকৃষ্ণরূপে নরদেহ ধারণ করিয়া কংসকে বধ করিয়াছিলেন বলিয়াই উহা হিন্দুর নিকট মহা পবিত্র স্থান বলিয়া বর্ণিত হইয়া থাকে, সেই কংসালয়ের ধ্বংসাবশেষ এখন বিশ্রামঘাটের পার্শ্বে ; যে স্থানটা এখন কংসালয় বলিয়া কথিত হইতেছে মৃত্তিকার মধ্যে ভগ্ন বাসগৃহের ধ্বংসাবশেষ দেখিলে ইহা অতি প্রাচীন কালের কীর্তি বলিয়া বেশ বুঝিতে পারা যায় । ৪।৫ ইঞ্চি পরিমিত ইষ্টকে উহা নির্মিত । উহার নিকটে ভূতেশ্বর মহাদেবের মন্দির । ইহাও অতি প্রাচীন, ইহার পুরাতত্ত্বের সম্বন্ধে অনেক কথা জানা গেল কিন্তু বাহ্যিক ভাবে উহা পরিত্যক্ত হইল । আমরা সর্বপ্রথম ঐ মন্দিরটা দর্শন করিলাম । মথুরা হইতেই শ্রীকৃষ্ণের জন্মস্থান 'গোকুল' যাইতে হয় । যাত্রিগণ এই স্থানে পৌঁছিলেই একাওয়ালী ও গাড়িওয়ালারা আসিয়া উপস্থিত হইবে ও গোকুল লইয়া যাইবে । যমুনার পূর্বপার

সমস্তই গোকুল নামে খ্যাত । ইহার অপর নাম মহাবন । মথুরা হইতে যমুনার পূর্বতীরে প্রায় দশ মাইল বাধা রাখা ধরিয়া গোকুলস্থ নন্দালয়ে ঘাইতে পারা যায় । পথে কাম্যবন দর্শন করিবেন, এই বনে এইরূপ কথিত আছে, রাজা বৃধিষ্ঠির পাশাখেলার সর্বস্বান্ত হইবার পর বাস করিয়াছিলেন এবং এইস্থানেই শ্রীকৃষ্ণের সহিত তাঁহার প্রথম সাক্ষাৎ হইয়াছিল, এই সকল স্থান ভ্রমণ করিলে মনে বাস্তবিকই একটু বিমল আনন্দের উদ্রেক হয় । বৃন্দাবন অপেক্ষা মথুরা বড় সহর, এবং ইহার স্বাস্থ্য ও যমুনাতীরস্থ ঘাটগুলির দৃশ্যও ভাল । তবে সংস্কারান্তবে দিন দিন ঐ গুলি বড় নিরানন্দদায়ক হইয়া উঠিতেছে প্রকৃত স্বার্থশূন্য আস্থাবান হিন্দু রাজা মহারাজাগণের ঐ দিকে দৃষ্টি না পড়িলে ঐ সকল হিন্দু কীর্ত্তি যে অচিরে ধ্বংস মুখে পতিত হইবে তাহার সন্দেহ নাই, আমাদের অনুরোধ তীর্থ দর্শনাভিলাষিগণ যেন এই সকল স্থান দর্শনে অনাস্থা প্রকাশ না করেন, আমরা প্রথম যে দিন মথুরায় পৌছিয়াছিলাম সেই দিন ভ্রাতৃ দ্বিতীয়া, ঐদিনে মথুরায় যমুনা স্নানে বহুলোকের সমাগম হইয়া থাকে, স্মৃতরাং যাত্রিগণের সুবিধায় জন্য গবর্ণমেন্টকে পুলিশের বিশেষ বন্দোবস্ত করিতে হয় । ঐ দিনকে ঐ স্থানে কম দ্বিতীয়া বলে, আমরা আমাদের পাণ্ডার সাহায্যে অতি কষ্টে ঐ দিনে যমুনার স্নান করিতে সমর্থ হইয়াছিলাম ।

ইহার অনতিদূরে শ্রীকেশবদেবের মন্দির । এই মন্দির দর্শন ও ইহার অভ্যন্তরস্থ প্রতিষ্ঠিত কেশবজীর দর্শন ও অর্চনা অতীব আবশ্যিক । ঐ দেবতার মন্দির ও ইহার বিগ্রহ যে কত কাল স্থাপিত হইয়াছে তাহা কেহই বলিতে পারেন না, এই সকল অতি প্রাচীন কালের হিন্দু কীর্ত্তি সকল দর্শন করা আমাদের উচিত । বাস্তবিকই ইহাতে হিন্দুধর্মের ও হিন্দুজাতির উপর শ্রদ্ধা ভক্তির যে বৃদ্ধি হইবে তাহাতে আর কোন সন্দেহ নাই, কেবল পুস্তকস্থিত বর্ণনা পাঠে সকল সময়ে প্রকৃত বিষয়ের অনুধাবন করা যায় না; এই সকল মন্দিরের প্রাচীনত্ব ও ইহাদের ইতিহাস অনেক গ্রন্থ হইতেই জানিতে পারা যায় সন্দেহ নাই এমন কি ইউরোপীয় ইতিহাস লেখকগণও একবাক্যে ইহার প্রাচীনত্ব স্বীকার করিয়া থাকেন, তন্মধ্যে ইহা বলা অনাবশ্যক পর্য্যটন স্থা হউক বা ধর্মীয়সন্ধানচরিত্তীর্থ করিতেই

হটক প্রত্যেক হিন্দুই যেন একবার মথুরা বন্দাবন দর্শনে সচেষ্ট হবেন। এই সকল স্থান দর্শনে হিন্দুধর্মের ঘোর অবিখ্যাসীর মনেও কতকটা হিন্দুভাব আসিয়া পড়িবে বলিয়া আমার বিশ্বাস। মথুরা সহরের অধিকাংশ ধর্মশালা, দেবালয়, ও তীর্থঘাট সকল মহারাজ ভরতপুরাধিপতি প্রভৃতি অন্যান্য রাজা, মহারাজগণের দ্বারা নির্মিত হইয়াছে। তাঁহাদের প্রতি আমাদের কৃতজ্ঞ থাক। উচিত। কিন্তু হুংখের বিষয় আজকালকার রাজা মহারাজগণের মনের গতি অন্যরূপ হইয়াছে! যমুনার সেতুর উপর হটতে এই সহরের দৃশ্য দেখিলে কাশী সহর বলিয়া ভ্রম হয়। বাহারা শ্রামকুণ্ড, রাধাকুণ্ড তীর্থ স্থানে বাইতে ইচ্ছা করিবেন তাঁহারা এই খান হটতেই ভাল ঘোড়ার গাড়ী, কিম্বা একাগাড়ী, উষ্ট্রের গাড়ী বা গোলকটাদি করিয়া লইবেন। শ্রামকুণ্ড মথুরা হটতে প্রায় আট ক্রোশ দূরে অবস্থিত। এখানে বাঁধা প্রশস্ত রাস্তা আছে। মধ্যপথে চারি মাইলের মধ্যে গিরিগোবর্দ্ধন তীর্থ নরন পথে পতিত হটবে, এখানে থাকিবার ধর্মশালা প্রভৃতির সুবন্দোবস্ত আছে। আমাদের ভাগে মথুরার আর সকল দেখা হইল না, কেননা শীঘ্রই বাটী আসিতে হইবে। আমাদের Tour Programme বড়ই সুন্দর, যাহা গতকল্য স্থির করিয়া রাখিয়া দিলাম তাহা অল্প বন্ধ হইয়া গেল! আমাদের সমস্তই অনিশ্চিত ও অস্থির, ইহা আমাদের কি পুরুষকার কি অদৃষ্টবাদ কোনটির উপরই সম্পূর্ণ বিশ্বাসের অভাবের ফল বলিয়াই মনে হয়। যাহা হটক আমরা রাত্রে ৯৩০ মিনিটের ট্রেনে বাটী ফিরিবার জন্য মথুরার স্টেশনে - আসিয়া ট্রেন ধরলাম। লোকের স্ত্যস্ত ভিড, অতি কষ্টে এক খানি সেকেণ্ড ক্লাস গাড়িতে উঠিলাম, তাহাতে আলো মিট মিট করিয়া জ্বলিতেছে। পথে জল চাহিলে কোন উত্তরই পাওয়া গেল না, মধ্যে মধ্যে মুসলমানদিগের জল মশকধারী জলওয়াল দেখা গেল। পানিপাঁড়গণের কণ্ঠধ্বনি কর্ণকুহরে প্রবেশ করিল না। আমাদের গাড়ীর একটা যাত্রী তঞ্চায় অত্যন্ত কাতর হইয়া পড়িয়াছিলেন, তাঁহার পিপাসা শান্তির কোন উপায়ই হইল না। যাহা হটক, প্রত্যাবর্তন সময়ে গাড়িতে হইটী ভদ্রলোকের সহিত কথোপকথন করিতে করিতে আমাদের রাত্রে রেলের কষ্টের অনেক লাঘব হইয়াছিল। ইহাদের মধ্যে

একজন চক্ষু চিকিৎসক, সিদ্ধুদেশ হইতে পিতামাতার পিণ্ড দান করিতে গয়ার আসিতেছেন, জাতিতে ক্ষেত্রী, ইউরোপীয়ান বেশধারী, ইংরাজীতে কথাবার্তার অভ্যস্ত। আর একজন যৌনপুরের উকিল, জৈনধর্মাবলম্বী এবং Congress-man. সিদ্ধুদেশীয় চিকিৎসকটী অতি অমায়িক ভদ্রলোক, তাঁহার কোন দ্রব্যেরই অভাব ছিল না এবং তিনি আমাদের আতিথ্য করিবার জন্য বিশেষ উৎসুক ছিলেন। কিন্তু উকিল মহাশয় কেবল মাত্র দুই একটি Cigarette লইয়াই তাঁহার আতিথ্য স্বীকার করিলেন, তাঁহার নিকট হইতে চা পান বা তাঁহার জল গ্রহণ করিলেন না, ইহাতে তিনি একটু দুঃখিত হইলেন সন্দেহ নাই। আমাদের সঙ্গে কোন প্রকার খাদ্য দ্রব্যাদি ছিল না, থাকিলেই বা কি হইবে, জলাভাব। যাহা হউক রাত্রিটা একপ্রকার কথাবার্তায় কাটিয়া গেল, আমাদের পরিচ্ছদাদি দেখিয়াই হউক বা যে কারণেই হউক তিনি আমাদেরকে তাঁহার চা, বিস্কুট, রুটী মাখন প্রভৃতির কিছুই দিলেন না।

এই প্রকারে সাধারণ বাঙ্গালীদিগের রেলের কষ্টের বিষয়ে কথোপকথন করিতে করিতে আমরা পরদিন বেলা ১০ দশটার সময় কানপুর ষ্টেশনে পৌঁছলাম। এখানে গাড়ী অনেকক্ষণ থামে। যাহার যাহা দরকার এখানে তাহা পাওয়া যায়, সকলেই এইস্থানে আহারাদির বন্দোবস্ত করিয়া থাকেন। বিহারী উকিল বাবুটির অবস্থা বড় ভাল বোধ হইল না, তিনিও আমার ছায় কিঞ্চিৎ মিষ্টান্ন সেবাদ্বারা জলযোগ সম্পাদন করিয়া লইলেন এবং কেলনারের হোটেলে উপবিষ্ট উন্নতিশীল বাঙ্গালী বাবুগণের প্রতি সতৃষ্ণমন নিরূপণ দ্বারা নিজেদের ক্ষুধা শান্তি করিতে লাগিলেন। ইহার পর আমরা এলাহাবাদে অবতরণ করিলাম, যেহেতু গঙ্গা যমুনার সঙ্গমে স্নান করিবার পর আমাদের তীর্থক্রমণে যবনিকা পড়ন হইবে। আমাদের কোথাও পাণ্ডার উপদ্রব সহ্য করিতে হয় নাই। এখানেও আমরা আমাদের আত্মীয় এখানকার হাইকোর্টের জজ শ্রীযুক্ত প্রমদাচরণ বন্দ্যোপাধ্যায় মহাশয়ের আতিথ্য স্বীকার করার সুখে ও নির্বিঘ্নে সকল কার্য সম্পাদন করিতে সমর্থ হইয়াছিলাম।

প্রভাতে আমরা গঙ্গা ও যমুনার সঙ্গমস্থান ৬বেণীঘাটে পৌঁছিয়া সেখানকার যাবতীয় তীর্থকার্য সম্পাদন করিলাম। প্রয়াগ অতি প্রাচীন

হিন্দুতীর্থ। পূর্বকালে এরূপ শুনা যায়, রাজাদের অভিষেক কালে ইহার জল না হইলে চলিত না এবং ইহার নিকটে ভরদ্বাজ ঋষির আশ্রম ছিল। বিখ্যাত চীন পরিব্রাজক ৪১৪ খৃষ্টাব্দে যখন এই স্থানে আসিয়াছিলেন তখন ইহা কোশল রাজ্যের অন্তর্ভুক্ত ছিল বলিয়া শুনা যায়। দর্শনীয় বস্তুর মধ্যে এখানকার কেল্লা, তন্মধ্যস্থ "অক্ষয় বট", মেওকালেজ, আলফেড পার্ক, সমরুবাগ প্রভৃতি সর্বপ্রধান। এখানকার জলবায়ু মন্দ নয়। আমরা এই সকল দেখিয়া পরম পরিতোষ লাভ করিলাম। এলাহাবাদ কেল্লার মানির নীচে নানাবিধ দেবতা সন্দর্শন করিয়া আমরা পরদিন পুনরায় কাশীধামে আসিয়া পড়িলাম।

শ্রীদেবেন্দ্র নাথ বন্দ্যোপাধ্যায়।

সমাজ ও সাহিত্য।*

“ওরে বাছা, মাতৃকোষে রতনের রাজি।

এ ভিখারী দশা তবে কেন তোর আজি?”

(মাইকেল মধুসূদন দত্ত)

বখার্বই বঙ্গভাষা আজ নানা-রত্ন-বিভূষিতা, বঙ্গবাসীর মাতৃভাষার ভাণ্ডার। আজ নানারত্নে পরিপূর্ণ। বাঙ্গালীর সে দৈন্ত, সে দুঃখ আজ আর নাই। কবি বখার্বই পাইয়াছেন,—

“বিশ্ব-পূজনীয়া আজি যেন রাজসাগী,

রাজভাষা মাতৃভাষা এবে তুল্য মানি ॥

* ২৩শে জুলাই (১৯১৬) রবিবার অপরাহ্নে, মাননীয় বিচারপতি শ্রী আশুতোষ মুখোপাধ্যায় সঙ্গতী, শান্ত্রবাচস্পতি, কেটি, সি, এঁস, আই, এম, এ, ডি, এল, ডি, এস, সি, এক্, আর, এন, এক্, আর, এন, ই, এক্, এ, এস, বি, মহোদয়ের সভাপতিত্বে সাহিত্যসভায় গঠিত।

মহাত্মা রাজা রামমোহন রায় প্রভৃতি মনস্বিগণ কতিপয় কুসুমের যে বঙ্গ-বাণীর পাদপূজা করিয়া কৃতার্থ হইয়াছিলেন, শিশিরস্নাত শ্যামল দুর্বার ন্যায় সামান্য কয়েকটি বঙ্গ প্রবচনে যে বঙ্গ-ভারতীর অর্চনা করিয়াছিলেন,—না না, এক প্রকার প্রথম উদ্বোধন করিয়াছিলেন, আজ তাঁহার চরণ-কমল কত সাধকের সঙ্ঘাট-চন্দন-চর্চিত কুসুমদামে আপীড়িত । মা আমার বাসন্তী প্রতিমার ন্যায়, মেহময়ী জননীর ন্যায়, মনোমোহিনী আশার ন্যায়, ঐ দেখ সন্মুখে দাঁড়াইয়া যেন স্নেহ-গদগদকণ্ঠে বঙ্গবাসীকে আহ্বান করিতেছেন,—ঐ শুন, মায়ের অকপট সাধক, বঙ্গভূমির বরণ্য পুত্র, যেন মায়েরই অঙ্গুলি সঙ্কেতে উদ্বুদ্ধ হইয়া, মার প্রাণের সুরে সুর মিশাইয়া বঙ্গবাসীকে ডাকিতেছেন, পথ-হারা, ক্লাস্ত পথিককে যেন স্বর্ণমন্দিরে আহ্বান করিতেছেন—

ওরে বাছা, মাতৃকোষে রতনের রাজি ।

এ ভিখারী দশা তবে কেন তোর আজি ?

অমর কৃতিবাস, কাশীরাম দাস, চণ্ডীদাস, গোবিন্দদাস প্রভৃতি বাণীর বরপুত্র-গণ নানা পত্রপুষ্পপল্লবে, স্থিরজ্যোতিঃ অবিক-রত্নজালে, মায়ের মন্দির কি সুন্দরই না সাজাইয়া গিয়াছেন ! কত তাপ, কত ক্লমায় বঙ্গের বক্ষঃ বিস্তৃত বিশীর্ণ হইলেও, সে মন্দিরের নয়ন-তর্পণ শোভার বিন্দুমাত্রও অত্যয় ঘটে নাই । বরঞ্চ দিনের পর যত দিন যাঠিতেছে, তত সেই সুন্দর মন্দির যেন ক্রমেই সুন্দরতর, সুন্দরতম হইতেছে । বঙ্গবাসীদিগের চিত্তে যতই আত্ম-সম্মান জ্ঞান,—যাহা কিয়ৎকালের জন্ত, জানি না কোন্ অভিশাপে, যেন কিসে আচ্ছন্ন হইয়াছিল,—সেই লুপ্ত আত্মসম্মান জ্ঞান যতই উদ্বুদ্ধ হইতেছে, ততই সে মন্দিরের সৌন্দর্য্যে, স্নিগ্ধ কাঙ্ক্ষিতে, বঙ্গবাসী আকৃষ্ট হইতেছে । শরজ্জ্যোৎস্না-বিধৌত রজনীর অবসানে সুপ্তোখিত যেমন স্নিগ্ধ মধুর প্রভাতের কুজ্বাটিকার শুভ্রবসনে আবৃত-কায়ী, শিশির মুক্তাখচিত প্রকৃতির অনাবিল সৌন্দর্য্যপূর্ণ মুখচ্ছবি দেখিয়া আত্মবিস্মৃত হয়, উছাস্তভাবে কেবল সেই অনন্ত সুসমার নিরুপরিগীর দিকে চাহিয়াই থাকে, দেখে, দেখে, দেখে, তদ্রূপ মোহনিদ্রাক্ষ বঙ্গবাসী আজ নিদ্রাভঙ্গের পর, বঙ্গবাণীর সেই সুসজ্জিত মন্দিরের শোভা দেখিয়া কি আনন্দই না উৎসাহে কল্পিতেছে । যত দেখিতেছে, বঙ্গভাষার কমনীয় কাঙ্ক্ষি, আশাপ্রদীপ্তমুখচ্ছবি

যত দেখিতেছে, ততই আরও দেখিতে উচ্চা হইতেছে। এই আমার মা, এই মার কোলে আমি বর্ধিত, লালিত পালিত, এই মা'র আদরে আহ্লাদে আমি ধন্য কৃতার্থ—ভাবিয়া, অকপট ভাবে জননী বঙ্গভাষার প্রতি প্রীতিবিহ্বল হৃদয়ে ও প্রেমাশ্রুপূর্ণ নয়নে নিরীক্ষণ করিতেছে। এই আমার মাতৃভাষা, এই আমার বঙ্গভাষা, আমি এই দিব্য ভাষার সেবক, এই অমরীর সন্তান,—ভাবিয়া নিজকে ধন্য ও কৃত-কৃতার্থ মনে করিতেছে। আত্মবিস্মৃতি অধঃপতনের নিদান। আত্ম-স্মরণ অভূদয়ের সোপান। যে জাতি যত আত্মবিস্মৃত, সে জাতি তত দুর্গত, লাঞ্চিত ও অবজ্ঞাত। আজ আত্মস্মরণে, আপন মাতৃভাষার স্নিগ্ধোজ্জ্বল মুখচ্ছবির দর্শনে, বঙ্গবাসীর প্রাণ যেন কেমন একটা আশার বৈদ্যুতী প্রভায় উদ্ভাসিত হইয়া উঠিয়াছে। তাই বাঙ্গালী ভক্তিগদ্যদকঠে মার উদ্দেশে গাইতেছেন—

“ওমা তোমার চরণ দুটি বক্ষে আমার ধরি।

আমার এই দেশেতে জন্ম যেন, এই দেশেতে মরি ॥”

(দ্বিজেন্দ্র লাল)

বর্তমান সময়ে, দেশের যাহারা গৌরবভাজন সন্তান, বঙ্গভূমি যাহাদের দ্বারা অলঙ্কৃত, সেই সকল মনীষাসম্পন্ন, পাশ্চাত্যবিদ্যাবিভূষিত এবং উচ্চপদস্থ ব্যক্তিও উপেক্ষিতা বঙ্গবাণীর সেবায় আত্মনিয়োগ করিতেছেন। বঙ্গের সর্বপ্রধান রাজপুরুষ পর্যাস্ত সভাসমিতিতে বাঙ্গালা ভাষায় বক্তৃতা করিয়া, বঙ্গবাসীর হৃদয় যেন করতলস্থ করিয়া লইতেছেন। বেশি দিনের কথা নহে, এমন দুর্দিনও ছিল, যখন, বাঙ্গালায় কথা বলা বা বঙ্গভাষার আলোচনা করা পর্যাস্ত একটা লজ্জাজনক কার্য মনে হইত। সেদিন চলিয়া গিয়াছে, সে মোহ কাটিয়াছে। পূর্বকৃত সেই মহাপাপের এখন প্রায়শ্চিত্তের কাল উপস্থিত। তাই, বঙ্গসন্তান বাঙ্গালায় ছোটো কথা বলা বা বাঙ্গালায় প্রবন্ধ লেখাকে বিশেষ গৌরবজনক বলিয়া মনে করিতেছেন। বঙ্গভূমির তথা বঙ্গভাষার ইহা পরম কল্যাণের বিষয়। ছেলে মাঝে চিনে না, ব্য. চিনিয়াও মা বলিয়া ডাকে না, ইহা ছেলের পক্ষে ঘোর কলঙ্কের কথা। এতদিনে মনে হয়, সে বোধ আমাদের জন্মিয়াছে। আত্মবিস্মৃতির কুজ্বাটিকা কাটিয়া গিয়া, মধুর প্রভাতের স্নিগ্ধমূর্তি ঐ ক্রমে মাথা তুলিয়া উঠিতেছে। বঙ্গভূমির পরম কল্যাণময়ী উষা আবির্ভূত হইয়াছেন। এ

সমুদয় যখন নিবিষ্টচিত্তে ভাবি, তখন যথার্থই একটা অখণ্ড আনন্দে হৃদয় আপ্ত হইয়া আসে । বাঙ্গালী বলিয়া শ্লাঘা অমুভব করি ।

এই পরম কল্যাণের মধ্যেও কিন্তু একটা অকল্যাণের ছায়া দর্শনে মনে বিষম দ্রাস ও দুঃখ জন্মে । যখন দেখি, মাতৃভাষার সেবা করিবার ব্যপদেশে কেহ কেহ বঙ্গ ভারতীর পবিত্র মন্দিরে ঘোর ব্যভিচার করিতেছেন, মায়ের অঙ্গ সুসজ্জিত করিতে বাইরা তাহাতে অঙ্গোপচার করিতেছেন, তখন যথার্থই একান্ত বিষণ্ণ হইয়া পড়ি । যে বনশোভিনী লতিকা পত্রপুষ্পপল্লবে আনত হইয়া আপনিই আপনার সৌন্দর্য্যে বিমোহিত হইতেছে এবং সমস্ত বনভূমিকেও সুশোভিত করিতেছে, তুমি পার ত, তাহার সেই শোভার স্থায়িত্ব-কামনার জলসেচনাদি কর, কিন্তু নির্দয়-হৃদয়ে সে লতার কুসুমচ্ছেদ, পল্লবভঙ্গ বা পত্রনাশ করিও না । যে বঙ্গভাষা আপনার সৌন্দর্য্যে আপনার ভাবে, আপনিই উল্লসিতা ও নানা ভাবময়ী হইয়া উঠিতেছে, নিষ্ঠুর তুমি, সেই বঙ্গভাষার গাত্রে কলঙ্কলেপ করিও না । সাজাইতে পার, ভাল করিয়া সাজাও, কিন্তু বিকৃত করিও না । বিধাতার অমু-গ্রহে যদি তোমার সেবা করিবার প্রবৃত্তি জন্মিয়া থাকে, যদি তুমি লেখনী চালনায় অধিকারী হইয়া থাক,—বাহাতে তোমার মাতৃভাষার শ্রীবৃদ্ধি হইবে, তোমার স্বজাতির হৃদয়ে ও সমাজে বলবৃদ্ধি হইবে, ভাববৃদ্ধি হইবে, এমন ভাবে লেখনী পরিচালিত কর । মনে রাখিও,—নিদারুণ ও নিরপেক্ষ কালের হস্তে তুমি আমি অচিরেই লোপ পাইব, কিন্তু তোমার আমার দুর্কার্য্যের ফলভোগ, আমাদের স্বজাতি ও সমাজ চিরদিন করিবে । তোমার অপকার্য্যের ফলে তুমি ত সপরি-জনে উৎসন্ন হইবেই, তোমার ছায়া স্পর্শ বাহারা করিবে, তাহাদেরও নিস্তার নাই । বিবরকের বিষমর ফলে কেবল কুন্দনন্দিনীই মরে নাই, সূর্য্যমুখীর সোনার সংসার জীর্ণ শীর্ণ হইয়াছিল, দেব-স্বভাব নগেন্দ্রনাথ দানবে পরিণত হইয়াছিলেন ।

তোমার দেশ, তোমার সমাজ, তোমার জাতি বাহাতে গৌরবিত হইবে, বাহাতে উন্নত হইবে, জগতের অন্যান্য সভ্যজাতির সহিত জ্ঞান-বিজ্ঞানে সমকক্ষতা করিতে পারে, তোমার জাতীয় সাহিত্য বাহাতে অপর জাতির আদর্শ হইতে পারে, সেই পক্ষে চেষ্টা কর, সেই রূপ ধ্যান কর, সেই মন্ত্রের উপাসনা কর । ভুলিও না যে, তুমি কে, কত বড় একটা প্রাচীন ও প্রথম-সমৃদ্ধ জাতির তুমি এক ক্ষুদ্রতম ভ্রাতৃ । সময়ের স্রোতে, কালের ধর্মে, নিজের পূর্বগৌরব বিস্মৃত হইও না ।

অবশ ভাবে প্রবাহে গা ছাড়িয়া দিও না। যাহা হারাইয়াছ, তাহার উদ্ধার করিতে পার-না-পার, যাহা এখনও আছে, ভারতের উর্ধ্বর মৃত্তিকার গুণে যাহা আবার নবীন জীবন লাভ করিয়া ধীরে ধীরে মস্তক উত্তোলন করিতেছে,— তাহাকে বাধা দিও না। তাহার মস্তক আবর্জনা রাশির দ্বারা আবৃত করিও না। যদি তোমার সমাজ ও তোমার জাতিকে প্রকৃত পক্ষে সমুন্নত করিতে চাও, যদি তোমার দেশের আপামর সাধারণকে একভাবে এক প্রাণে জ্ঞান-বিজ্ঞানে দীক্ষিত করিতে চাও, তবে যাহাতে তাহাদের চিন্তাশক্তি দিন দিন উপচিত হয়, যাহাতে উৎকৃষ্টের প্রতি, নির্দোষের প্রতি তাহাদের অনুরাগ দিন দিন বৃদ্ধি পায়, এমন ভাবে তোমার জাতীয় সাহিত্য গঠন কর। তোমার মাতৃভাষার মোহন মন্ত্রে তাহাদিগকে একেবারে বিমোহিত কর, তাহারা অবশচিত্তে, তোমার অনুসরণ করিবে। নতুবা কেবল গোয়েন্দা কাহিনীর আপাতরমণীয়া বেশ-চাতুরীতে তোমার সরল, সবে-এই-প্রথম-উদ্বুদ্ধ স্বজাতিকে মজাইও না। আলোর আলোকে, ক্ষণপ্রভার চকিত বিলাসে, অন্ধকারই গাঢ়তর রূপে প্রতীত হয় মাত্র, প্রকৃত দর্শনের সহায়তা তাহাতে হয় না। পার যদি, যাহাতে তোমার মাতৃভাষার পবিত্র মন্দির প্রাঙ্গণে কোনরূপ বস্তুরূকাদি জঘ্মিতে না পারে, তাহার চেষ্টা কর। তুমি, হে বঙ্গভাষার সেবক, তোমার মায়ের সুধাধবল মন্দির শীর্ষে স্বহস্তে অশ্বখের বীজবপন করিও না। যাহা উদার, যাহা নির্মল, নিষ্পাপ, মনোহর, যাহা শান্ত, স্নিগ্ধ, সরল,—এমন মূর্তি তোমার মাতৃভাষার দর্পণে প্রতিবিম্বিত করিয়া, তোমার স্বদেশবাসীর নরনরঞ্জন ও চিত্তবিশোধন কর। উদার আদর্শ তোমার মাতৃভাষার অঙ্কিত করিয়া, তোমার স্বজাতিকে আদর্শের পূজা করিতে শিখাও। তাহারা আদর্শের ধ্যান করিতে করিতে ক্রমে উন্নত, উন্নততর ও উন্নততম হইবে। আপাতরম্য অসার চিত্রের মোহন কুহকে জাতীয় সাহিত্য কলঙ্কিত ও স্বজাতিকে প্রতারিত করিও না। নিজের গুরুতর কর্তব্যের কথা মনে করিয়া, লেখকের পবিত্র আসনের মর্যাদা যাহাতে রক্ষিত হয়, তাহা করিও। ক্ষণিক স্তুতি বা ক্ষণ-প্রভ যশের উন্মাদে প্রমত্ত হইয়া, হে বঙ্গসাহিত্যের সুনিপুণ চিত্রকর! তুমি মাতৃভাষার শান্তিময় মণ্ডপে তরল, প্রবন্ধক, আলোচ্য স্থাপন করিও না। একের পাশে আর দশজনকে মজাইও না।

দেশ-কাল-পাত্র—এই তিনটির প্রতি নিরন্তর সতর্কদৃষ্টি রাখিয়া, পার ত প্রতিমা

গঠন কর অথবা বিরত হও । রাম, যুধিষ্ঠির, ভীষ্ম, দ্রৌচি যে দেশের আদর্শ পুরুষ,—সীতা, সার্বভৌমী, লোপামুদ্রা, দময়ন্তী, ওশীনরী, অরুন্ধতী যে দেশের আদর্শ রমণী—ভরত, লক্ষণ, অর্জুন যে দেশের আদর্শ ভ্রাতা—সে দেশের কাব্য-নাটকে, উপন্যাস-নবন্যাসে যথেষ্টচারিতা করিও না । পুষ্কর-পুরুষোত্তম, কাশী-কুরুক্ষেত্র, জাহ্নবী-যমুনা, বিক্র্য-হিমাচল এখনও তোমার সমক্ষে বিদ্যমান, চক্ষুমান্ হইয়া অক্ষয়ং চলিও না । যাহা বিরাট, প্রকাণ্ড, তাহার প্রতি দৃষ্টি কর, আখ্যার সঙ্কোচ পরিহার কর । সৌভাগ্যক্রমে যে পৈতৃক-সম্পদের উত্তরাধিকারী হইয়াছ তাহার অপচয় বা অপব্যবহার করিও না । বরঞ্চ যেটুকু পার, তাহার মাহাত্ম্য, নিজে অনুভব করিয়া, এবং তোমার স্বজাতিকে তদ্বারা—অনুভূত করিয়া লেখনীধারণ সাধক কর, ধন্য হও । মনে রাখিও, এই ভারতবর্ষে, বিশেষতঃ শ্রীচৈতন্যের এই মধুর বঙ্গদেশে, মহাকবি মধুর, কিন্নর মধুর, এই মধুময় বঙ্গদেশে, যাহাতে মাধুরী নাই, পবিত্রতা নাই, যাহাতে সদ্ভাব নাই, সমবেদনা নাই, এমন মুক্তি কদাচ স্থায়িত্ব লাভ করিবে না । পুণ্যের জয় পাপের ধ্বংস নিশ্চিত । কত গ্রন্থকার, সাময়িক ও ভঙ্গুর উত্তেজনার বশে, এই বঙ্গভূমিতে কত কবিতা, কত গ্রন্থই না রচনা করিয়া গিয়াছেন, কিন্তু তাহার কয়খানির অস্তিত্ব আমরা খুঁজিয়া পাই ? দেশের মাটি না চিনিয়া, না বুঝিয়া তাহাতে বীজবপন করিলে, যে ফল হয়, ঐ ঐ গ্রন্থকারের গ্রন্থাদিরও তাহাই হইয়াছে । আর ভাবিয়া দেখ, কবে, কোন্ দিন, কোন্ নির্জজন মুহূর্ত্তে, স্বভাবের কবি, কোন্

“বিকসিত কামিনী কুসুম তরুতলে

বসিলাম চিন্তাসখী সহ কুতূহলে”—

বলিয়া জ্যেৎস্নামৃত তরঙ্গিনীর কুল কুল গীতিকার সহিত গান ধরিয়াছিলেন, আর আজও যেন সে সঙ্গীতের বিরাম হয় মাই । সদ্ভাবশত্বেকর কবির সেট গান এখনও যেন বাঙ্গালীর “কাণের ভিতর দিয়া মরমে পশিয়া” বাঙ্গালীকে আকুল করিয়া রাখিয়াছে । দেশের লোকের প্রাণের সুরে যদি সুর মিশাইতে না পার, তবে তোমার গান কদাচ জমিবে না, ইহা মনে রাখিয়া লেখনী চালনা করিও । আমার লেখার যাহারা পাঠক বা আমার অঙ্কিত আলোচ্যের যাহারা দর্শক, তাহারা লেখার পাঠকালে বা ঐ আলোচ্যের দর্শনকালে, যদি তাহাদের নিজকে,

আমাকে, ভিতরে, বাহিরে, সমস্ত পদার্থকে ভুলিতে না পারে, বিশ্বের তাৎপৰ্য্য পদার্থ বিস্মৃত হইয়া একমাত্র আমার সৃষ্ট চিত্রে তুল্য হইতে না পারে, তবে আমি কি লিখিলাম? আমার যাহারা সামাজিক, তাহাদের চিত্তবৃত্তি যদি সমস্ত বহির্ব্যাপার হইতে ব্যবৃত্ত করিয়া আমি আমার হাতের মধ্যে আনিতে না পারিলাম, তবে সেই চিত্রের ভিত্তিতে আমার অঙ্কিত মূর্তির ছায়াপাত করিব কি প্রকারে? সুতরাং আমাকে সর্বদাই অতি সাবধানে লেখনী-চালনা করিতে হইবে। আমার সমাজের, আমার দেশের, আমার প্রতিবেশীর যাহাতে চিত্তবৃত্তি উন্নত হয়, দিব্য-সৌরভে আমোদিত হয়, যাহাতে তাহারা দয়া, পরহৃৎখকাতরতা, সমবেদনা, স্নেহ প্রেম প্রভৃতি স্বর্গীয় সম্পদে সম্পন্ন হইতে পারে, বিমলজ্যোৎস্নায় তরঙ্গিতগর্ভের গায়, যাহাতে তাহাদের হৃদয়ে ধর্ম্মভাব দিনদিন উদ্ভাসিত হয়, এ বিষয়ে যদি বিন্দুমাত্র সাহায্যও আমার লেখার দ্বারা সাধিত হয়, তবেই আমার লেখনীধারণ সার্থক, অগ্রথা উহা সম্পূর্ণরূপে বিড়ম্বনা, সন্দেহ নাহি। এই লোকহিতৈষণায় অনুপ্রাণিত হইয়া যদি আমরা মাতৃভাষার সেবা করিতে পারি, তবেই ভাষার এবং সেই সঙ্গে আমার স্বজাতির, সমাজের এবং স্বদেশের কল্যাণ সাধন হইবে।

কেবল লোকরঞ্জনই কোন চিত্রের যদি উদ্দেশ্য হয়, তবে তাহাকে আমি উৎকৃষ্ট চিত্র এবং সেই চিত্রের কর্তাকে নিপুণ চিত্রকর বলিতে পারি না। যে যে প্রণালীতে লোক হৃদয় বিমোহিত করা যায়, তাহার কোন একটি বা একাধিক প্রণালী দ্বারা বাহ্যতঃ লোকচিত্ত বিমোহিত ও বশীভূত করিয়া তাহাতে এমন উৎকৃষ্ট বস্তুর সংস্কার, এমন উদার ভাবের অভিব্যক্তি করিয়া দিব, যাহাতে আমার চিত্রের দর্শক বা আমার লেখার পাঠক অপ্রবুদ্ধ ভাবে আমার প্রদর্শিত পথে যাত্রা করিবে, আমার চিত্রের সদৃশ্য রাশিতে একেবারে আবদ্ধ হইয়া পড়িবে। তাহারা চিত্র দর্শন করিতে করিতে ক্রমে উন্নত হইতে উন্নততর সোপানে আরোহণ করিবে। তাহাদের চিত্রের দাননী বৃত্তি তিরোহিত হইবে, তাহারা ক্রমে দৈবী সম্পদে সুসম্পন্ন হইবে। যদি এষ্টরূপ করিতে পারি, তবেই আমার মাতৃভাষার আমি যথার্থ সেবক। অগ্রথা আমার লেখনীচালনা পশুশ্রম মাত্র। শারদী জ্যোৎস্নার অন্ধে শান্ত বনানীর স্নিগ্ধছায়া যেমন আপনাকে ঢালিয়া দেয়, নীলাম্বরশির প্রশান্ত গভীর বন্ধে যেমন উষার স্বর্ণচ্ছটা আসিয়া

এলাইয়া পড়ে, প্রোচের প্রবীণ হৃদয়ে যেমন বাণ্যের মধুর স্মৃতি মাঝে মাঝে উদিত হইয়া জীবন ক্ষণেকের জন্য মধুময় করিয়া তোলে, পার যদি, তোমার পাঠকের চিত্ত ঐ ভাবে মধুময় করিতে চেষ্টা কর । পাঠককে মর্ত্ত হইতে লইয়া যাও, যেখানে তোমার উন্মাদিনী কল্পনা আপনা ভুলিয়া ছুটিয়াছে, সেই দিকে, তাহার পশ্চাৎ পশ্চাৎ তোমার পাঠকের চিত্তকে উধাও করিয়া লইয়া চল । একবিন্দু কর্পূরের সুবাসে সমস্ত কলসের জল সুবাসিত হয়, একবিন্দু অমৃতে সমস্ত হৃদয়টা অমৃতময় হয়, একদিনের একটি সুখের স্মৃতিতে সমস্ত জীবনটা সুখময় হয়, তোমার অঙ্কিত একটি মাত্র চিত্রে, সেইরূপ পাঠকের সমস্ত হৃদয়টা, সমস্ত জীবনটা, সারা সংসারটা যাহাতে সুখময়, অমৃতময়, আবেশময় হয়, তাহার চেষ্টা কর ; তুমি নিজে ত ধন্য হইবেই, তোমার লেখা বা তোমার অঙ্কিত আলেখ্য বক্ষে ধারণ করিয়া, তোমার দেশ, তোমার জাতি তোমার মাতৃভাষাও ধন্য হইবে । তোমার জীবন সার্থক হইবে । যে দেশের বায়ু মলয় পবন, কাননে পিকবাক্সার, সরসীবক্ষে কমল ও কমলে ভ্রমরের লাস্ত্র, যে দেশের আকাশে নিশীথে তারকার খেলা, বেলায় রত্নাকরের মুচ্ছা, পতির চিতায় সতীর আত্মত্যাগ, সে দেশে, যাহা অসুন্দর, অপবিত্র, যাহা আপাতরম্য, পরপীড়ক, যাহাতে আবেগ নাই, উৎকর্থা নাই, পুণ্যের বিমল প্রভায় যাহার অঙ্গ উদ্ভাসিত নহে, এমন মূর্ত্তি কদাচ অঙ্কন করিও না । কদাচ সাময়িক প্রলোভনে পড়িয়া একটা উদীয়মান জাতির জাতীয় সাহিত্যের অঙ্গ কলঙ্কিত করিও না । বীণা-পাণির রূপায় যদি একটু লিখিবার ক্ষমতা পাইয়া থাকে, তাহার অপব্যবহার করিও না । ঐ রূপার অসহ্যব্যবহার করিয়া, সাধারণের রূপার পাত্র হইও না । জন্মজন্মান্তরের পুণ্যপ্রভাবে যে শক্তি লাভ করিয়াছ, যাহাতে তাহা তোমার মাতৃভাষার সেবায় নিয়োজিত হয়, সমাজ সেবায় নিয়োজিত হয়, দেশের সেবায় নিয়োজিত হয়, তৎপক্ষে বহুবান্ হও । দু'দিনের জন্য সারস্বত রাজ্যের রাজা বা রাজকর্মচারী হইয়াছ বলিয়া প্রজার মুণ্ডচ্ছেদ করিয়া আত্মপ্রসাদ লাভ করিও না । মনে রাখিও, তুমি যাইবে, আমি যাইব, যাহাদের লইয়া আজ হাসিতেছি কাদিতেছি, তাহারাও যাইবে, কিন্তু তোমার আমার অপকার্যের বা সংকার্যের ফল আমাদের ভবিষ্যদ্বংশীয়েরা ভোগ করিবে । সুতরাং একটু স্মৃতি হইয়া, একটু ত্যাগী হইয়া, একটু সংযত হইয়া চল, তোমার দ্বারা দেশ

ও সমাজের অনেক হিতসাধন হইবে। উচ্ছৃঙ্খলতা সর্বত্রই সর্বনাশকরী। উচ্ছৃঙ্খল জাতি, উচ্ছৃঙ্খল সমাজ, উচ্ছৃঙ্খল সাহিত্য, ইত্যাদের অধঃপতন অনিবার্য এবং অপরিহার্য। মার্কসের প্রচণ্ড ও বিশ্ববিদাহী তাপ যে কমল বুক পাতিয়া লইয়াও অগ্নানকাস্তিতে সরসীর শোভাবর্দ্ধন করে, মানবের নির্দয় করের সামান্য স্পর্শমাত্রের তাহার সে শোভা তিরোহিত হয়, শতদল ঝরিয়া পড়ে। যে ভাষা কত ঝঙ্কা কত বিপ্লবের মধ্যেও আপনার সত্তা রক্ষা করিয়া আসিতেছে, উত্তরোত্তর অনুপম সৌন্দর্য্যে বিভূষিত হইতেছে, মনে রাখিও সামান্য অবজ্ঞায় বা সামান্য অত্যাচারে সে ভাষার সেই শোভা বিলুপ্ত হইবে। ক্রমে অপভ্রাষায় পরিণত হইবে। যাহাকে রাখিবে, সেই থাকিবে। যাহাকে অবজ্ঞা করিবে, বা যাহার মর্যাদা রক্ষা করিতে তুমি পরাজুথ, সে কদাচ তোমার অনুকূল থাকিবে না। আজ হউক, কাল হউক, তোমাকে সে ছাড়িয়া যাইবে। জাতীয় চিন্তাশক্তি যদি উপচিত করিতে চাও, তবে জাতীয় সাহিত্যের পরিধায় চিন্তাস্রোত প্রবাহিত কর। তোমার সাহিত্য সূচিন্তা প্রসূত ও উদার-কল্পনা-সম্বৃত্ত ভাবসম্পদে গরীয়ানু করিয়া তোল। তবেই ত তোমার জাতির অভ্যুদয় হইবে। সাধক যে ভাবে স্বীয় অভীষ্ট মন্ত্রের সাধনা করেন, তাপস যে ভাবে একপ্রাণে তপস্তা করেন, সেইরূপ একাগ্র হৃদয়ে, নিরপেক্ষভাবে ও স্বাধীনভাবে মাতৃভাষার সেবা কর; তবেই ত তোমার সাহিত্য-সেবাত্রত সম্পূর্ণ হইবে। কতকগুলি আপাতমধুর, অসম্ভাবপূর্ণ, শিষ্টজনবিগর্হিত কথা বলিয়া, সম্প্রদায়-বিশেষে তুমি বাহুধরী লইতে যাইও না। গাঙ্গুরী-পূর্ণ, সম্ভাব-সম্পন্ন ও সুবিশুদ্ধ শব্দের সাহায্যে সাহিত্যকে স্থায়ী করিতে চেষ্টা কর। নতুবা কতিপয় তরল, মুখরোচক, গ্রাম্য বা অশিষ্ট রুচিপূর্ণ কথার মালা গাঁথিয়া স্বদেশবাসীর তথা স্বমাতৃভাষার কণ্ঠে পরাইও না। ও মালা প্রকৃত পক্ষে মালা নহে, জাতীয় সাহিত্যের কণ্ঠে উহা ফাঁস। তাহার অস্তিম কর্ণরঞ্জু।

পরনিন্দা, পরচর্চা ও অলসভাবে পরের কুৎসা রটনায় সাহিত্যের উপকার হয় না। ঋণভঙ্গুর তরল শব্দে কখন স্থায়ী সাহিত্যের সৃষ্টি হইতে পারে না। চিত্তবিশুদ্ধি ব্যতিরেকে যেমন মানুষ প্রকৃত মানুষ হয় না, ভাববিশুদ্ধি ব্যতিরেকে তেমনই ভাষাও প্রকৃত ভাষাগদবাচ্য হইতে পারে না। সোরভহীন কিংবাক্যের মত ভাবহীন শব্দের সমষ্টির নামই ভাষা নহে। অথবা বিদ্বৈষবুদ্ধিপ্রণোদিত

লেখকের লিপিচাতুর্য্যপূর্ণ কটাক্ষবাণে জর্জরিত ভাষাও ভাষা নহে । উহা সাহিত্য কাননের দাবানল । যে বৃক্ষদ্বয়ের ঘর্ষণে দাবানল উৎপন্ন হয়, সেই বৃক্ষদ্বয় ত দগ্ধ হয়ই, পরস্তু বনের অপরাপর গ্রামল তরুরাজিও সেই অনলে পুড়িয়া ছারখার হয় । ঐরূপ অসহুদেগ্ধে রচিত ভাষার কর্তা, ঐ ভাষা স্বয়ং এবং উহার পাঠকগণ সকলে ঐ আগুনে পুড়িয়া মরেন । ক্রমে জাতির মধ্যে একটা নীচভাবের প্রচার হয় । উত্থান অপেক্ষা পতন অতি সহজ । জাতিটা ক্রমে অধঃপতিত হয় । চিত্তশুদ্ধির পরিবর্তে জাতীয়চিত্তে ঘোর অশুদ্ধির, ভয়ানক অপবিত্রতার আবির্ভাব হয় । বর্ধনোন্মুখ জাতির শরীরে বিষদোষ জন্মে । নবীন জাতীয়তারূপ অগ্নান কুম্ভে কীট প্রবেশ করে । ফলে জাতি ও জাতীয় সাহিত্য—উভয়েই অনেক নিম্নে নামিয়া পড়ে । যে সবে উঠিতেছে, তার যদি অধঃপতন ঘটে, তবে তাহাকে আবার উঠানো বড়ই কঠিন । একপ্রকার অসাধ্য । তাই বলিতেছিলাম, লেখকের কর্তব্য বড়ই গুরুতর, বড়ই দায়িত্বপূর্ণ । পূর্বপশ্চাৎ ভাবিয়া, দেখিয়া শুনিয়া, দেশকালপাত্র বিবেচনা করিয়া, লোকহিতৈষণায়, সমাজ-হিতৈষণায় আপনাকে অনুপ্রাণিত করিয়া, তবে লেখককে লেখনি চালনা করিতে হইবে । সাহিত্যের সুনিয়ন্ত্রিত সাম্রাজ্যে স্বৈরচারিতার বা উচ্ছৃঙ্খলতার স্থান নাই । যাহাতে লোকের হিত, সমাজের হিত, জগতের হিত সাধিত হয়, এমন ছবি আঁকিতে হইবে, এমন ভাবের প্রবাহ বহাইতে হইবে । যাহাতে দানব মানব হয়, মানব দেবতা হয়, এমন দীক্ষার প্রচার করিতে হইবে । খেয়ালের বশবর্তী হইয়া, বীণাপাণির অঙ্গ লেখনীর আঘাতে ক্ষতবিক্ষত করিলে, সাহিত্য-সাধনা হয় না । মানব চিরদিনই মানব, মানবকে একেবারে দেবতা করা যায় না । কিন্তু মানবকে দানবে পরিণত করা যাইতে পারে, ঘটনার স্রোতে পড়িয়া অনেকস্থলে হইয়াও থাকে । যিনি দেশের মঙ্গলকামী মহানুভব, তাঁহার প্রাণপণে চেষ্টা হয় যে, কি করিলে, কোন্ মন্ত্রের প্রচার করিলে, মানব সাধুতর হইবে, ধীরে ধীরে মানবসমাজ উন্নত হইবে । নর বিকলে নর না হইয়া, ক্রমে নরদেব আখ্যায় আখ্যাত হইবে । পক্ষান্তরে মানুষের অপরিপক্ক চিত্তবৃত্তি, যাহা মাতৃভাষার মহৌষধে বলিষ্ঠ করিতে হইবে,—সেই চিত্তবৃত্তিকে কুহকিনী ছবির সাহায্যে বিপথগামিনী করিবার সহায়তা করা, যিনি যে ভাবেই করুন—ঘোর দীপের এবং ঘৃণার কার্য্য । এই সংসারে সুন্দর, নির্মল এবং নিষ্পাপ পদার্থের

ত অভাব নাই । তবে কেন তোমার কল্পনাকে তুমি অসুন্দরের সেবার নিয়োগ করিতেছ ? সাংকালের শ্রামায়মানা বনানীর স্নিগ্ধ-মূর্তি দর্শন না করিয়া, কেন তুমি নিশীথ-পাপের চিন্তায় বিভোর রহিয়াছ ? কেন তুমি পল্লীপ্রান্তরের উপকণ্ঠে ছায়াময় বটবৃক্ষের তলে না বসিয়া ঐ উত্তপ্ত সৈকতে শয়ন করিতেছ ? কাহার অপেক্ষায়, তুমি, কত জন্ম জন্মান্তরের তপশ্চালক মনুষ্যত্বের অমর্যাদা করিতেছ ?

এই ঘোর জীবনসংগ্রামের দিনে, বাহাতে টিকিয়া থাকিতে পার, বাঁচিতে পার, আর তোমার সমাজ ও স্বজাতিকেও বাঁচাইয়া রাখিতে পার, তাহার চেষ্টা কর । দেহের বলাধানের জন্ত যেমন পুষ্টিকর আহারের প্রয়োজন, মনের বলাধানের জন্তও তেমনি উদার চিন্তা ও নির্মল বিষয়ের ধ্যানের প্রয়োজন । বিশ্ব-পতির এই চিরসুন্দর বিশ্বে অসুন্দরের প্রতি প্রীতি পরিহার কর । যাহা ক্ষুদ্র, সঙ্কীর্ণ, নীচ,—তাহার চিন্তা পর্যন্ত পরিত্যাগ পূর্বক যাহা বিরাট, যাহা অখণ্ড, যাহা ভূমা,—তাহার ধ্যান করিয়া নিজে উন্নত হও, আর তাদৃশ আদর্শের অঙ্কন করিয়া, তোমার মাতৃভাষা, মাতৃভূমি ও সমাজের কল্যাণ সাধন কর । জীবন সার্থক কর । মনে রাখিও—

“ভালমন্দ দুই সঙ্গে চলি যায়ব
পর উপকার সে লাভ ।”

(বিখ্যাপতি ।)

তোমার স্বজাতির হৃদয়ে নির্মল সৌন্দর্যের প্রতি ভালবাসার সৃষ্টি কর । বাহাতে তোমার জাতি—সুন্দর চিত্র, সুন্দর চরিত্র, সুন্দর মূর্তির দর্শনে আগ্রহান্বিত হয়, এমন শিক্ষার প্রচার কর । তোমার মাতৃভাষা হইতে অসুন্দর, নীচ, পাপের মূর্তি মুছিয়া ফেল । পার্থিব সুন্দর বস্তুর ধ্যানে ক্রমে অপার্থিব চিরসুন্দর বস্তুর দিকে স্বজাতির চিত্ত আকর্ষণ করিয়া রাখ । ক্রমে তোমার সমাজকে উর্দ্ধে—দেবতার দিকে লইয়া চল ।

ভাবিয়া দেখ,—জগতে সুকলেই সৌন্দর্য্যাত্মত্বের জন্ত, সৌন্দর্য্য-প্রীতি-সাধনার জন্য উৎসুক । যাহারা বলেন, “আমি সৌন্দর্যের পক্ষপাতী নহি,—” তাঁহাদের কথার প্রকৃত তাৎপর্য্য আমি বুঝিতে পারি না । মানুষের হৃদয় কদাচ নিজস্ব বা নিশ্চিত্ত অবস্থায় থাকিতে পারে না । তুমি যদি সৌন্দর্যের পক্ষপাতী না-ই

হও, তুমি কিসের পক্ষপাতী ? কোন্ দিকে তোমার হৃদয়ের গতি ? গুণের দিকে ? তাই যদি হয়, তবে ত তুমি সৰ্ব্বাপেক্ষা অধিকতমরূপে সৌন্দর্যের সেবক হইলে রূপ বস্তুর অস্থায়ি বহিঃস্থ সৌন্দর্য, আর গুণ তাহার অন্তঃস্থ স্থায়ি সৌন্দর্য। বহিঃসৌন্দর্যের আরাধনায় হৃদয় উন্নত হয়, উদার হয়, ক্রমে সৌন্দর্য লিপ্সায় প্রাবল্য ঘটে, ও শেষে অন্তঃসৌন্দর্যের অমিয় সাগরে মিশিয়া সেই পিপাসু হৃদয় নির্কাণলাভ করে। তামসী নিশীথিনীতে যখন কাননকুস্তলা প্রকৃতির প্রসন্ন গম্ভীর মূর্তি অবলোকন করি, যখন কৃষ্ণকান্তি তরুশিরে খড়োতের লীলাময় লাস্য দর্শন করি, তখন কেন আমার মন আকুল হয় ? কেন আমার হৃদয় কোন্ অজ্ঞাত পথে অজ্ঞাত রাজ্যের দিকে ছুটিতে চায়, ইহা কেহ বুঝাইয়া দিতে পার কি ? সৌন্দর্যের এই আকর্ষণের বিশ্লেষণ করিবার কেহ আছে কি ?

জ্যোৎস্নাময়ী রজনীতে নীলাম্বুরাশির উন্নত তরঙ্গের নর্তন দর্শনে, কেন প্রেমাবতার শ্রীচৈতন্য ঐ তরঙ্গ বন্ধে আত্মসমর্পণ করিয়াছিলেন ? ইহা একবার ভাবিয়াছ কি ? নিৰ্ম্মল সৌন্দর্য মানুষকে উন্নত করে, উদার করে, পাগল করিয়া দেয়। জগৎকে ভালবাসিতে শিখায়। বিধাতার অপার করুণা যাহার মস্তকে বর্ষিত হইয়াছে, সেই সৌভাগ্যবান মহাত্মাই সৌন্দর্য অনুভব করিতে পারেন। তুমি আমি পারি না।

সমাজকে উন্নত ও উদার করিতে হইলে, সৰ্ব্বাগ্রে সৌন্দর্য লিপ্সা সমাজের হৃদয়ে জাগ্রত করিতে হইবে। ফুলের মত নিষ্পাপ নিৰ্ম্মল সৌন্দর্যের যাহুমন্ত্রে যে একবার আত্মদান করিয়াছে, তাহার আর ভাবনা নাই। সে ক্রমে বস্তুর বহিঃ-সৌন্দর্যের সোপান বাহিয়া উঠিয়া তাহার অন্তঃসৌন্দর্যের স্বর্গমন্দিরে প্রবেশ করিবে। পত্রপুষ্পশোভিত তরুর সৌন্দর্য দেখিতে দেখিতে দর্শক তখন উদ্ভ্রান্ত-ভাবে আপনিই গাইয়া উঠিবেন—

“তরু বন্ বন্ বন্,

কে তোরে সাজালো দিয়ে পত্রপুষ্পফল।”

বহিঃসৌন্দর্যের সেবায় মানুষের চিত্তবৃত্তি নিৰ্ম্মল হয়, দর্পণের গায় প্রতিবিম্ব গ্রহণে সমর্থ হয়, আর অন্তঃসৌন্দর্য্যানুভবে মানুষ অনেকটা দেবতাবম্বর হইয়া উঠে। বহিঃসৌন্দর্য একান্ত নয়নরঞ্জন ও মনোমোহন, কিন্তু প্রাণহীন। আর অন্তঃসৌন্দর্য

নিয়ত সঙ্গীত, নিয়ত মৃগনাভিবৎ সৌরভবিধায়ক। যে তাহার সম্পর্কে আসিবে সে পর্য্যন্ত সুরভিত হইবে। পাষণ খণ্ডে কবে মৃগ, নাভিঘর্ষণ করিয়াছিল, আজও তাহা সেই কস্তুরীর গন্ধে ভুরভুর করিতেছে। অস্ত্রঃসৌন্দর্য্যের এমনই মাহাত্ম্য। রমণীর মুখ, গাছের ফুল, আকাশের নীলিমা, ভ্রমরের গুঞ্জন, পর্ব্বতের বিশালতা, নিশার শিশির, মাত্র এই সকল নির্জীব সৌন্দর্য্যের বিশ্লেষণে বা ভূয়োভূয়ো বর্ণনে দর্শকের মনে একটা সাময়িক তরঙ্গ উঠানো যাইতে পারে, কিন্তু তাহাতে স্থায়ী কিছু রাখিতে পারে না। কেবল তাদৃশ বহিঃসৌন্দর্য্যের নিয়ত নির্মাণে জাতীয় সাহিত্যের অঙ্গ অক্ষয়ত্ব বা পরিপুষ্টি লাভ করিতে পারে না। আপাতদৃষ্টিতে তাহা কতকটা পরিপুষ্টি বলিয়া মনে হয় বটে, কিন্তু ঐ পরিপুষ্টি শোথজ স্থলতার গায়। সুতরাং লোকহিতৈষী গ্রন্থকারের প্রধান কর্তব্য তাদৃশী মূর্ত্তির নির্মাণ, যে মূর্ত্তি অস্ত্রঃসৌন্দর্য্যের ভাস্বর দীপ্তিতে, উষার তরুণচ্ছটায় কমলের মত উদ্ভাসিত। অথবা সে মূর্ত্তি কদাচ আদর্শরূপে গৃহীত হইবার যোগ্য নহে। নৈবধের কবি, শতাধিক শ্লোকে রাজকুমারী দময়ন্তীর রূপবর্ণনা করিয়াছেন, যেন রূপ বর্ণনার জন্যই রূপ বর্ণনা করিয়াছেন। সহৃদয়সমাজে তাই সে বর্ণনা হৃদয়গ্রাহিণী হয় নাই; শব্দসম্পদে শ্রুতিমধুর হইলেও সে বর্ণনা পাঠকের স্তিমিত হৃদয়কক্ষের নিদ্রিত চিন্তাকে জাগ্রত করিতে পারে নাই। মৃদঙ্গের ধ্বনিতে বা জলদের মন্ত্র নির্যোবে যেমন মনটা ক্রণেকের জন্ত সেই দিকে যাইয়াই আবার পরক্রমে প্রত্যাবৃত্ত হয়, তক্রপ তাদৃশী বর্ণনায়, অর্থাৎ মাত্র বহিঃসৌন্দর্য্যের ছন্দুভি নিনাদে মুহূর্ত্তের জন্ত শ্রোতার কাণ সেইদিকে যায় মাত্র, হৃদয় সেইদিকে দৃষ্টিপাতও করে না।

হৃদয়কে বর্ণীভূত করিতে হইলে, হৃদয়ের সম্পদ তাহাকে দেখাইতে হইবে। দয়া, স্নেহ, প্রেম, পুণ্যে অনুরাগ, পাপে বিতৃষ্ণা প্রভৃতি হৃদয়ের দিব্য ভূষণ গুলি যদি স্পষ্ট করিয়া প্রদর্শন করিতে পার, তাহা হইলে, ঐ হৃদয়ের দ্বারা অপরের হৃদয় জয় করিতে পারিবে। হৃদয়ের দ্বারা হৃদয় জয় করিতে হয়, অন্যের দ্বারা হয় না। লাবণ্যতরঙ্গিণী উমা অল্পম সৌন্দর্য্যের অধিষ্ঠাত্রী দেবতার ন্যায় যখন, বসন্তের পত্রপুষ্পপল্লবের অলঙ্কারে সমলঙ্কতা হইয়া তপোরত ত্রিলোচনের সন্মুখীন হইয়াছিলেন, তখন কিন্তু, সে রূপের দিকে, গিরিরাজ কুমারীর সেই অমরচুলভ দৈহিক সৌন্দর্য্যের দিকে, ত্রিনয়নের কোন নয়নই প্রকৃতপক্ষে ক্রক্ষেপও করে নাই। বরঞ্চ ঐ নির্ম্মল রূপের সাগরে যিনি তরঙ্গ উঠাইতেছিলেন, সেই অবিনীত মদনকে

রুদ্রদেব ভয়ীভূত করিয়া, দৈহিক রূপের, বহিঃসৌন্দর্যের অলীকত্ব ও অকিঞ্চিৎ-
 ক্ষরত্ব প্রতিপাদন করিলেন । তখন পার্বতী বুঝিলেন যে, বাহুরূপের শক্তি অতি
 অল্প । বহিঃস্বরূপের দ্বারা অন্তঃস্থ হৃদয় জয় করা যায় না । তাই রাজনন্দিনী
 গৌরী তপস্বীর হৃদয় জয়ের জন্য তপস্যা আরম্ভ করিলেন । আপন হৃদয়ের
 দ্বার খুলিয়া চন্দ্রশেখরের সমক্ষে ধরিলেন । আশুতোষ দেখিলেন যে, সে হৃদয়
 কত অনন্ত সৌন্দর্যের ভাণ্ডার । তাই তপস্বিনী উমার তপস্যায় সৰ্বত্যাগী
 বিশ্বনাথেরও হৃদয় আকৃষ্ট হইল । পার্বতী আশ্বহৃদয়ের সৌন্দর্য্যে বাঞ্ছিত মহেশ্ব-
 রের হৃদয় জয় করিলেন । মহাদেবের কথায় বলিতে গেলে বলিতে হয়, পার্বতীর
 অন্তঃসৌন্দর্য্যের নিকট মহাদেব আত্মবিক্রম করিলেন । তাই বলিতেছিলাম,
 অন্তঃসৌন্দর্য্য ব্যতিরেকে কাহারও অন্তঃকরণ জয় করা যায় না । বীচিমালিনী
 তটিনীর সাক্ষ্যসমীকম্পিত বক্ষে চন্দ্রমার অমৃতময় করস্পর্শে যেমন একটা অনুপম
 শোভা জন্মে, অন্তঃসৌন্দর্য্যের সহিত যদি বহিঃসৌন্দর্য্যের সংমিশ্রণ ঘটে, তবে
 তাহাতেও ঐ প্রকার একটা চিরস্পৃহণীয় শোভা জন্মিয়া থাকে । এই জন্মই
 লোকচরিতবিৎ সুকবিগণ তাঁহাদের কাব্যের নায়ক নায়িকাকে একেবারে বহিঃ-
 সৌন্দর্য্য বর্জিত করেন না । বহিঃসৌন্দর্য্যের দ্বারা অন্তঃসৌন্দর্য্যের জ্যোতিঃ
 অধিকতররূপে পরিষ্ফুট করিতে প্রয়াস পান । এই বিষয়ে যে কবির যতটা
 সার্থকতা, তাঁহার কাব্য তত সুন্দর ও কালজয়ী ।

‘নয়ন হৃদয়ের দ্বার ।’ বহিঃসৌন্দর্য্য দ্বারপ্রান্ত পর্য্যন্ত পৌছিতে পারে, তাহার
 অধিক আর যায় না, যাইবার ক্ষমতাও তাহার নাই । মধ-জলসম্বৃত, ঘনকৃষ্ণ
 মেঘমালার সন্দর্শনে শিখণ্ডী পুচ্ছ বিস্তার করিয়া নাচিতে থাকে, এ বড় সুন্দর দৃশ্য ।
 কিন্তু এ দৃশ্যের শক্তি নয়ন অতিক্রম করিয়া মনের উপর প্রভু হইতে পারে
 না । আর ঐ যে সত্যের প্রতিমূর্তি হরিশ্চন্দ্র, সত্যরক্ষার জন্ম স্ত্রীপুত্র, রাজ্য,
 ঐশ্বর্য্য, এমন কি আত্মা পর্য্যন্ত বিক্রীত করিতেছেন, এই সৌন্দর্য্যের মহিমা
 হৃদয়কে একেবারে আত্মসাৎ করিয়া ফেলিয়াছে । ঐ যে রাজার নন্দিনী, রাজার
 মহিষী, রাজার পুত্রবধু সীতা পতি কর্তৃক বিনাদোষে নির্বাসিতা হইয়াও “জন্মা-
 ন্তরে যেন তোমাকেই আবার স্বামী পাই,—আর যেন তোমার বিরহ সহ্য করিতে
 না হয়”—বলিয়া প্রার্থনা করিতেছেন,—এ “সৌন্দর্য্যের অমৃত ধারায় অতি বড়
 নীরস, কঠিন, পাষণকল্প হৃদয়ও বিগলিত হয় । নয়ন অশ্রুপ্লুত হইয়া আসে ।

সরসীর স্বচ্ছ সুনীল বক্ষে যখন কমলিনী উষার স্বর্ণচ্ছটায় সাজিয়া তরঙ্গে তরঙ্গে নৃত্য করে, সায়ংকালে ছায়াশীতল নীল গগনের কোলে যখন ধবল বকপঙ্ক্তি শ্বেত উৎপলের মালা গাঁথিতে গাঁথিতে উড়িয়া বেড়ায়, প্রাতঃসমীর-কম্পিত শত দলের উপর বসিতে না পারিয়া যখন ব্যথিত ভ্রমর গুণ গুণ করিয়া কাতরতা জ্ঞাপন করে,—তখন কে এমন পাষণ যে, তাহাতে বিমুগ্ধ না হয়, অবাক হইয়া, সেই সেই অনবদ্য সৌন্দর্য্য-দর্শন না করে? কিন্তু ঐ ঐ সৌন্দর্য্য দর্শনে কয়জনের চক্ষুতে জল আসে? ঐ সকল বহিঃসৌন্দর্য্যের আধিপত্য হৃদয় পর্য্যন্ত পৌঁছিতে পারে না। তবে ঐ প্রকার সৌন্দর্য্যের সেবায় নয়নরূপী মনের দ্বার খুলিয়া যান,—ফলে, মনে সৌন্দর্য্য সেবায়—একটা প্রবৃত্তি জন্মে। মানুষ তখন, যাহা সৎ যাহা নিশ্চল, স্নিগ্ধ ও প্রকাণ্ড, যাহা চিরসুন্দর, চিরনবীন, চিরধেয়,—তাদৃশ মূর্ত্তির ধ্যান করিয়া, পূজা করিয়া আত্মোন্নতি লাভ করে। একভাবে না এক ভাবে, সৌন্দর্য্যের সেবা জীব মাত্রেই করে ও করিতে চায়। সৌন্দর্য্যের লিপ্সা নিন্দার বিষয় নহে। জগতে এমন লোক অতি বিরল, যিনি সৌন্দর্য্যের পক্ষপাতী নহেন। যদি কেহ থাকেন, তিনি চির সুন্দর বিশ্বনাথের অনুগ্রহে বঞ্চিত—কুপার পাত্র।

কেহ বহিঃসৌন্দর্য্য ভালবাসেন, কেহ অন্তঃসৌন্দর্য্য ও বহিঃসৌন্দর্য্যের সমবায়ে প্রীত হন। কেবল মানুষের নহে, সৌন্দর্য্য জীবমাত্রেই অভিপ্রেত, তৃপ্তিপ্ৰদ। সৌন্দর্য্য মুগ্ধ হইয়াই মৃগ চিত্রার্পিতের গায় স্থির হইয়া, উর্দ্ধকর্মে ভ্রমরের গুণ গুণ ঝঙ্কার শ্রবণ করে। সৌন্দর্য্যমুগ্ধ হইয়াই ফণী, বাঁশরীর রবে ফণা উত্তোলন করিয়া নাচে। সৌন্দর্য্য লোভেই চকোর শীতহ্যতি চক্রে দিকে ধাবমান হয়। সৌন্দর্য্য লোভেই পতঙ্গ অনলে প্রাণপাত করে। যে হৃদয়ে সৌন্দর্য্যপ্রিয়তা নাই, তাহা ক্ষারদগ্ধ উষরক্ষেত্রের তুল্য। বিধাতার এই সুন্দর বিশ্ব তাহার জন্ত নহে, সে হতভাগ্য। জীবের হৃদয়ে যখন সৌন্দর্য্য লিপ্সা এমন বলবতী, তখন সেই হৃদয়ে, সেই কর্ষিত ক্ষেত্রে, তোমার জাতীয় সাহিত্যের দ্বারা সৌন্দর্য্যের বীজ বপন কর,—যাহার জন্ত বিশ্ব উন্মত্ত, তাহাকে বাসন্তী শোভার গায়, দশভূজা মূর্ত্তির গায়, চির পোষিত আশার গায়, লোক নয়নের পুরোবর্ত্তিনী কর,—তোমার ঐ সুন্দরী প্রতিমার আলোকে, তোমার ঐ পুণ্যময়ী মূর্ত্তির সংসর্গে, তোমার মাতৃভাষা, মাতৃভাষায় 'সেবক ও তোমার স্বজাতি কৃতার্থ হইবে, নিষ্পাপ হইবে। সীতার মূর্ত্তি, সাবিত্রীর মূর্ত্তির আদর্শে চরিত্র-সৃষ্টি কর, উর্দ্ধশী মেমকার কুহকে সরল

স্বজাতিকে আর মজাইও না। ভক্তির অমৃতহুদে বিলাসের চেউ তুলিও না। আপনার হস্তে আপনার শিরে খড়্গাঘাত করিও না। মাতৃভাষার দোহাই দিয়া স্বৈরচারিতায় সাহিত্যের নিখল মন্দির অপবিত্র করিও না। সাহিত্যে অবাধ বাণিজ্যের প্রচার করিও না, করিলে সর্বনাশ হইবে। নিজের জাতীয়তা, নিজের ব্যক্তিত্ব হারাইয়া ক্রমে অশ্বখপাদপজাত উপবৃক্ষে পরিণত হইও না। যাহাই কর, নিজকে বজায় রাখিয়া করিও। আত্মবিসর্জন দিও না।

কত সাধনার ফলে, আজ বঙ্গভাষা জ্যোতির্গম্বী মূর্তিতে বিশ্ব আলোকিত করিতেছেন। আজ সেই ছঃসময়ের কথা, সেই দুর্দিনের কথা থাকিয়া থাকিয়া মনে পড়ে। যখন দেশের তদানীন্তন শিক্ষিত বৃন্দের নিকট আমার এই মাতৃভাষা দীনতার গ্লান, অনাথার ন্যায় উপেক্ষিত হইতেন, তখন বঙ্গভাষার একনিষ্ঠ সাধক কুস্তিবাস, কাশী-দাসের আবির্ভাব হয় নাই, তখন মহাকবি মাইকেলের বীরবাহু সম্মুখ সমরে পড়িয়া বাঙ্গালার নূতন ছন্দের অবতারণা করে নাই, বা শচীর ছঃখে বিগলিত হেমচন্দ্রের ইন্দুবালায় প্রতপ্ত নয়নজলে দৈত্যরাজলক্ষ্মী বলসিয়া যান নাই, তখন নবীনচন্দ্রের কবিতা সমুদ্রের এক প্রান্তে চন্দ্রমা উদিত হইয়া সীমা হইতে সীমান্তরে সমুদ্রবক্ষ উদ্ভাসিত করে নাই, বা প্রাচীন চণ্ডীদাস গোবিন্দ দাসের মধুর কাস্ত পদাবলীর একাবলী হারে বঙ্গ জননীর কণ্ঠ সুশোভিত হয় নাই,—সেই সময়ে আমার মাতৃভাষার সেই প্রথম প্রভাতে কি অবজাই না মা আমার মাথা পাতিয়া লইয়াছেন। পুরাণ, ইতিহাস, রামায়ণ প্রভৃতি যদি কেহ তখন ভাষায়, অর্থাৎ সংস্কৃতের দেশীয় ভাষায় পাঠ করিতেন বা শ্রবণ করিতেন, বলা দূরের কথা, ভাবিতেও কষ্ট হয়, তাঁহার রোমহর্ষণ রৌরব নরকে গতি হইত।

অষ্টাদশ-পুরাণানি রামশ্চ চরিতানি চ ।

ভাষায়াং মানবঃ শ্রদ্ধা রৌরবং নরকং ব্রজেৎ ॥

সেই এক দিন, আর আজ এক দিন। যেন বিদর্ভের উপেক্ষিতা রাজকুমারী মালবিকা আজ বিদিশার অধিষ্ঠারী। মা আমার আজ দশভুজার মূর্তিতে বঙ্গদেশের বক্ষে দণ্ডায়মানা। বঙ্গের শীর্ষস্থানীয় পুরুষ শ্রেষ্ঠ হইতে অস্বর্ধ্যাম্পাশা ললনা পর্য্যন্ত আজ মায়ের অর্চনার রত, অঞ্জলীবদ্ধ করে, মাতৃমন্দিরের দ্বারে উপস্থিত। লক্ষ্মীর বরপুত্র, সৌভাগ্যের সযত্নালিত ছলল, আজ বঙ্গবাণীর চরণতলে বসিয়া তাঁহার “মানসী” কল্পনার বীণায় নিজের সুখ ছঃখপূর্ণ জীবনের

“মর্শ্ববাণী” শুনাইবার জন্ত কত না লালায়িত। ঐ শুন, মহারাজাধিরাজের চিরবাহিত কমলার স্বর্ণসিংহাসনে আজ বীণাপাণির নূপুর ধ্বনি! ঐ দেখ, পাশ্চাত্য শিক্ষায় সমুজ্জ্বল-চেতা, পরম মেধাবী, বঙ্গমাতার বড় গর্কের সস্তান আজ তাপসের আয়, মাতৃভাষার চরণপ্রান্তে উপবিষ্ট! বঙ্গভূমির তথা বঙ্গভাষার ইহা পরম মাহেঞ্জদক্ষণ। দীর্ঘ তামসী নিশার অবসানে উষার অরুণচ্ছটায়, ঐ দেখ, বঙ্গ-সাহিত্য-সাম্রাজ্য আজ বিভূষিত। বাঙ্গালীর পক্ষে এত বড় শ্লাঘার দিন আর আসে নাই,—এত বড় গর্কের দিন যে আসিবে, ইহা স্বপ্নেও কেহ ভাবে নাই। তমসার তীরে, কামমোহিত ক্রৌঞ্চমিথুনের আর্তস্বরে আদি কবি রত্নাকরের প্রাণ গলিয়া যেমন সংস্কৃতে প্রথম কবিতার পৌষপ্রবাহ বহিয়াছিল, সেইরূপ সুদূর ইউরোপখণ্ডের বিলাসতরঙ্গে আকর্ষণ নিমগ্ন থাকিয়াও,—বঙ্গের অমিত্রাক্ষর কবিতার রত্নাকর—মহাকবি মধুসূদন যখন মিত্রাক্ষর শৃঙ্খলে কবিতাদেবীর চরণ আবদ্ধ দেখিয়া, আকুল প্রাণে,—

“বড়ই নিষ্ঠুর আমি ভাবি তারে মনে,
লো ভাষা, পীড়িতে তোমা গড়িল যে আগে
মিত্রাক্ষর বেড়ি! আহা কত ব্যথা লাগে
পর যবে এ নিগড় কোমলচরণে,
চীন-নারী সম পদ কেন লোহ কাঁসে?”

বলিয়া কান্দিতে কান্দিতে বাঙ্গালার অমিত্রাক্ষররূপী নূতন ছন্দের অবতারণা করিয়া বাঙ্গালার, বাঙ্গালীর তথা বঙ্গভারতীর মুখ উজ্জ্বল করিয়াছিলেন,—অথচ বঙ্গের সেই রত্নাকর সদৃশ মধুর প্রতিও

“দ্রুহিণ বাহন-সখে, অনুগ্রহনিয়া
প্রদান সুপুচ্ছ মোরে,—

বলিয়া ব্যঙ্গ বিক্রপের কশা উত্তোলন করিবার লোকের অভাব ছিল না,—“পদ্ম-গন্ধা ছুন্দরীর” উপঢোকনে, বঙ্গভাষার রাষ্ট্রীকিকে আপ্যায়িত করিতেও আমরা দ্বিধাবোধ করি নাই,—বঙ্গের সেই একদিন গিয়াছে, আর আজ একদিন তা দাতব্য চিকিসালয়ে যাহাকে শেষ নিশ্বাস ত্যাগ করিতে হইয়াছিল, বঙ্গবাণীর কোল আঁধার করিয়া, বাঙ্গালীকে অমার্জ্জনীয় কলঙ্কপঙ্কে নিমগ্ন করিয়া যিনি মর্মে অমরতালাভ করিয়াছিলেন, আজ তাঁহার স্মৃতিবাসরে বঙ্গের তাবৎ সুধীবৃন্দ ঐ সজলনয়নে ও ভক্তি-পূর্ণহৃদয়ে সেই মহাকবির স্মৃতিপার্শ্বে নীরবে সমাসীন।

ইহা বাঙ্গালার মহামঙ্গলের লক্ষণ । আপনার জাতির বরণ্য ব্যক্তিকে যত দিন পূজা করিতে না শিখিব, সম্মানীকে যত দিন তাঁহার প্রাপ্য সম্মান দান করিতে না পারিব, ততদিন আমরা মানুষ পদবাচ্যই নহি । এতদিন পরে, আজ বাঙ্গালী স্বজাতীয় গুণীর পূজা করিতে শিখিতেছে । বঙ্গভূমির তথা বাঙ্গালী-জাতির ইহা পরম কল্যাণের কথা । তাই বলিতেছিলাম,—আজ মনে পড়ে সেই ছুদিন, আর এই আনন্দের দিন । কিন্তু ছুদিন অপেক্ষা স্মুদিনেই ভয় অধিক । আনন্দে যেমন লোকের মুক্তি, আবার আনন্দেই তেমন স্থলন । আনন্দের সময়ে সংযম সমধিক আবশ্যিক । বঙ্গের ইতরভদ্র, উচ্চ, নীচ—সকলের দৃষ্টি বঙ্গভাষার দিকে আকৃষ্ট হইতেছে, “আমার মাতৃভাষা” বলিয়া গর্বিতকণ্ঠে ও শ্লাঘা-পূর্ণ হৃদয়ে বঙ্গবাণীকে সকলেই আহ্বান করিতেছেন,—বঙ্গভাষার আলোচনা করিয়া বাঙ্গালীমাত্রই একটা শ্লাঘা অনুভব করিতেছেন, বঙ্গবাসিমাত্রেরই বাঙ্গালা-ভাষার প্রতি একটা কেমন প্রাণের টান আসিয়াছে, একটা ঔৎসুক্যপূর্ণ আগ্রহ জন্মিয়াছে । বঙ্গের মনস্বী লেখকগণের, সহৃদয় সারস্বতগণের এ সময়ে বিশেষ সতর্কতা অবলম্বন কর্তব্য । বর্ষার পল্লীপ্লাবিনী বন্যায় যখন জনপদ ডুবিয়া যাইবার উপক্রম হয়, তখন যেমন কোনও নির্দিষ্ট খাতে সেই প্রবল স্রোত প্রবাহিত করিয়া পল্লীরক্ষা সর্বাগ্রে বিধেয় ; সতত বর্ষণে যখন দীর্ঘিকার বক্ষ পরিপূর্ণ হইয়া আসে, এবং প্রতিক্ষণেই কূলভঙ্গের আশঙ্কা হয়, তখন যেমন তটভূমির কোন একস্থান দিয়া একটি প্রণালী কাটিয়া ঐ বর্ধিত জলধারা বহাইয়া দিয়া, দীর্ঘিকাটিকে রক্ষা করা কর্তব্য ; সেইরূপ, বঙ্গবাসীর হৃদয়ে যখন মাতৃভাষার প্রতি একটা অনির্কচনীয় অনুরাগের লহরী ছুটিতে আরম্ভ করিয়াছে, সকলেই মাতৃভাষার প্রেমে আকুল হইয়াছেন, দেশের মধ্যে সর্বত্র, রাজাধিরাজের মর্ম্মর সৌধ হইতে নিরন্তর বাঙ্গালীর পর্ণশালায় পর্য্যন্ত মাতৃভাষার প্রেমের বান ছুটিবার উপক্রম হইয়াছে, তখন চিন্তাশীল বঙ্গবাসীর প্রধান কর্তব্য হইতেছে, ঐ অনুরাগ-লহরী, ঐ মাতৃভাষা-বিষয়িনী রতি, যাহাতে কোন সৎপথে পরিচালিত হয়, এমন বিধান করা । ক্ষুধাতুর যে, তাহাকে এমন খাদ্য দিও না, যাহাতে সে প্রাণ হারাইতে পারে । বাঙ্গালাভাষার প্রতি যখন আপামর সাধারণের এমন একটা প্রীতি আসিয়াছে, তখন সেই প্রীতিকে মন্দাকিনীর ধারায় মিশাইতে চেষ্টা কর, নরকের প্রবাহের দিকে লইয়া যাইও না । দেশবাসিবৃন্দের আগ্রহের সময়ে,

তোমার মাতৃভাষার নাম করিয়া, যাহা তাহাদিগের সমক্ষে ধরিবে, মার নামের গৌরবে, তাহারা তাহাই অমানবদনে গ্রহণ করিবে। কিন্তু তাই বলিয়া, তাহারা গ্রহণ করে বলিয়া, তোমার কি যাহা ইচ্ছা, তাই তাহাদিগকে দেওয়া উচিত? দেশবাসীর এই আকিঞ্চন, বঙ্গভাষার প্রতি এই যে নবীন আগ্রহ,—ইহা এমন পরিখায় প্রবাহিত করিয়া দাও, যাহাতে ক্রমে তোমার স্বজাতি একটা প্রধান সম্পদে সম্পন্ন হইয়া উঠিতে পারে। এই আগ্রহকে সংযত-ভাবে সুপথে চালিত কর। দেশবাসীর ক্ষুধার সময়ে ভাল খাদ্য দাও, তাহারা বলিষ্ঠ হইবে; অন্যথা কুৎসিত, পয়ুঁষিত খাদ্যে তাহাদের দেহে, তোমার সমাজের দেহে, কুৎসিত ব্যাধি, জ্বর প্রবেশ করিবে। তোমরা একেবারে বিলুপ্ত হইয়া যাইবে।

বাগ্‌দেবতার পবিত্রমন্দিরের প্রাস্তদেশে উপবিষ্ট হইবার পূর্বে প্রত্যেক লেখকেরই মনে রাখা কর্তব্য যে, যে লেখায় আমার জন্মভূমির ভ্রাতৃবৃন্দ নির্মূল আনন্দরসে আপ্ত হইবেন না, যে লেখায় আমার সমাজ উন্নত হইবেনা, যে লেখা পাঠ করিয়া আমার সামাজিকগণ কিছু শিখিতে পারিবেন না, সেরূপ লেখার কোনই আবশ্যিকতা নাই। যাহাদিগকে লইয়া আমি, যাহাদিগকে বাদ দিলে আমার একপ্রকার কিছুই থাকে না, এই বিরাট ব্রহ্মাণ্ডের তুলনায়, এই বিশাল ভারতের তুলনায়, যাহাদিগকে ছাড়িলে আমি ধূলিকণা অপেক্ষাও সূক্ষ্ম ও তুচ্ছতর; আমার সেই স্বদেশবাসীদিগের দিকে চাহিয়া আমাকে লেখনী পরিচালনা করিতে হইবে। বাগ্‌দেবতার রূপায় যদি তুমি লেখনীধারণের শক্তিলাভ করিয়া থাক, তবে সেই শক্তির সাহায্যে সদ্যবহার হয়, তাহাই তোমার ধর্মতঃ কর্তব্য। অসদ্যবহার করিবার তুমি কে? সাময়িক স্তুতিপ্রিয়তার বশবর্তী হইয়া তুমি শ্বেতশতদলবাসিনীর শুভ্রমন্দির কলঙ্কিত করিও না। লেখনী চালনার পূর্বে অন্ততঃ একবার স্মরণ করিও যে, তুমি কে? কোথায় বসিয়া লিখিতেছ? কাহাদের জন্ত লিখিতেছ? আর কেন লিখিতেছ? একবার ভাবিও যে, তুমি একাকী নও, তোমার আরও দশজন আত্মীয় আছেন; তুমি একাকী তৃপ্তি উপভোগ করিলে চলিবে না, তোমার দেশবাসীকেও পরিতৃপ্ত ও সমুন্নত করা তোমার ধর্মতঃ কর্তব্য। আর, তারপর একবার স্মরণ করিও যে, যে দেশ ব্যাস বাসীকির' বীণার তানে এখনও বিমুগ্ধ, যে দেশ কালিদাসের বাঁশরীর বন্ধারে এখনও মুখরিত, ভবভূতির করুণ সঙ্গীতে এখনও স্করুণ, যে দেশের প্রতি

জনপদে, প্রতি পত্রপুষ্পপল্লবে, প্রতি হৃদয়ে এখনও রামপ্রসাদ, চণ্ডীদাস, গোবিন্দ দাসের মধুর সঙ্গীতধারা ক্ষরিতেছে,—তুমি সেই দেশেরই একজন অধিবাসী। এখনও অপরাহ্নে, গোধূলি সময়ে, যে দেশের পল্লীপ্রান্তরে, “বেলা গেল সন্ধ্যা হলো পার কর আমারে” বলিয়া নিরঙ্কর কৃষক কেমন এক অজ্ঞেয়ভাবে বিভোর হইয়া তান ধরিয়া শ্রামা বনানীর সহিত পল্লীবাসীদিগকেও উদ্ভাস্ত করিয়া তোলে, তুমি সেই দেশেরই একজন অধিবাসী। যে স্ক্রুগগনের চন্দ্রাতপতলে বসিয়া পূর্ব পূর্ব কবিগণ নিরাবিল সঙ্গীতের ধারায় ভারত অভিষিক্ত করিয়া গিয়াছেন, তোমার মাথার উপর এখনও সেই গ্রহনক্ষত্র-খচিত চন্দ্রাতপ তেমনিভাবে দোহল্যমান। যে লোকহিতৈষণা, সমাজহিতৈষণা বন্ধে পোষণ করিয়া, তপস্বীর জ্ঞান, তোমার পূর্ববর্তী সারস্বত সম্প্রদায় সরস্বতীর সাধনার আত্মোৎসর্গ করিয়া গিয়াছেন, তুমি সেই লোকেরই অন্ততম অধিবাসী। সেই সমাজেরই অন্ততম স্তম্ভ। লেখকের পবিত্র আসনে বসিয়া তুমি আত্মবিস্মৃত হইও না, বা আর দশজনকেও ভুলাইয়া বিপথে টানিয়া লইও না। তুমি একেবারে লেখনী স্পর্শ না কর ক্ষতি নাই, কিন্তু যদি স্পর্শ কর—দেখিও, যেন তোমার লেখায় তোমার সমাজ-সেবার ব্যাঘাত না ঘটে।

একবার চাহিয়া দেখ, তোমার মাথার উপরে হীরক-মুক্তা-খচিত নীল-নভঃ-স্থল, তোমার চারিদিকে জাহ্নবী-যমুনা নর্মদাকাবেরীর চন্দ্রহার-শোভিতা, নীলজলধিবসনা কানন-কুন্তলা শ্রামা ভারতভূমি, আর ঐ দেখ, তোমার সম্মুখে, ঐ স্তূপীকৃত রত্নরাজি নিহিত। ঐ দেখ, আজ এই জ্ঞান-বিজ্ঞানের চরম উন্নতির দিনেও ঐ সকল চিরপ্রভ রত্নের অচঞ্চল প্রভায় জগৎ উদ্ভাসিত। এতাদৃশ অনর্থ সম্পদের উত্তরাধিকারী হইয়া তুমি আত্মবিস্মৃত হইও না। কল্প-পাদপের মূলে বসিয়া আপাতবশের অসুচিত আঁকাঙ্কার অস্থির হইও না। মাথার উপর যাহার অনন্ত নীল আকাশ, সম্মুখে যাহার অনন্ত নীল সমুদ্র, চারিদিকে যাহার অনন্তনীলা বনস্থলী, তাহার চিন্তে উদারতার অভাব থাকিবে কেন? তাহার বন্ধে প্রেমের অভাব থাকিবে কেন? লোকহিতৈষণার, পরহঃখ-কাতরতার, পরগুণ-সহিষ্ণুতার ও আত্মার উপর প্রভুতার অভাব থাকিবে কেন? সৌভাগ্য-ক্রমে যে পবিত্র দেশে জন্মগ্রহণ করিয়াছ, সেই দেশের প্রকৃত অধিবাসী হইয়া লেখনী চালনা কর। তোমার লেখায় ভারত বিমোহিত হইবে। তোমার

কল্পনার লীলাতরঙ্গে ভারত তরঙ্গিত হইবে। তোমার অঙ্কিত আলোকে, ভারতের অমর কবিগণের অক্ষয়-জ্যোতিঃ, চিত্রশালার সম্পদ বৃদ্ধি পাইবে। যাহাতে সঞ্চিত ধনের বৃদ্ধি হয়, তাহা করিও, যাহাতে ধ্বংস হয়, এমন কার্যে প্রবৃত্ত হইয়া নিজের সহিত তোমার নিজের দেশের এবং নিজের ভাষার সর্বনাশ করিও না। মনে রাখিও, তুমি যাইবে, আমি যাইব, কিন্তু তোমার আমার সদসৎ কার্যাবলী থাকিবে, তুমি আমি স্বহস্তে সমাজের যতটা ক্ষতি করিমা না গেলাম, তোমার আমার অজ্ঞানমূলক লেখার এবং অপুণ্য চিত্রের অন্ধনে দেশের তথা দেশীয় সাহিত্যের ততোধিক ক্ষতি হইবে। লেখকের সমুচ্চ আসনে বসিয়া এ তত্ত্ব কদাচ বিস্মৃত হইও না। তোমার “স্বর্গাদপি গরীয়সী” জননী বঙ্গভাষার অঙ্গে অস্ত্রোপচার করিমা জাতীয় সাহিত্যের সর্বনাশ করিও না। কদর্য সাহিত্যের সৃষ্টি করিমা তোমার সুখের সমাজ ধ্বংস করিও না। মনে রাখিও, একবার ভাঙ্গিলে আর গড়িতে পারিবে না। তাই বলি,—নিজের শক্তিমত্তায় অধৈর্য্য হইয়া তোমারা “ঘরে বাহিরের” আগুনে, বঙ্গ-সাহিত্যের স্বর্ণমন্দির আর ছারখার করিও না। আচার্য্য দণ্ডীর—

“তদল্পমপি নোপেক্যং কাব্যে দুষ্টং কথঞ্চন ।

শ্রাদ্ধপুং সুন্দরমপি শিত্রেণৈকেন দুর্ভগম্ ॥”

সামান্য দোষও যাহাতে আছে, তাহা যেন তোমার কাব্যে, তোমার সাহিত্যে স্থান না পায়। ক্ষুদ্র একখানি ধবল চিহ্নে অতি সুন্দর, কান্তিমান দেহও একান্ত স্বগাৰ্হ হইয়া থাকে,—প্রবীণের এ কথা বিস্মৃত হইও না। জাতীয় সাহিত্যের বিমল গাত্রে, তোমার মাতৃভাষার প্রবিত্র অঙ্গে, শিত্ররোগ জন্মাইও না। পূজার্হকে স্বগাহ করার প্রবৃত্তি দমন করিমা, তোমার মৃন্ময়ী মাতৃমূর্তিকে ক্রমে হিরণ্ময়ী করিমা তোমার, হে বঙ্গভাষার সেবক, তোমার নিকট ইহাই এই অকিঞ্চনের সাহসের প্রার্থনা।

তুমি ভুলিও না যে, সকল বিষয়েরই একটা সুনিয়ত ও সুন্দর সীমা আছে, সেই সীমালঙ্ঘনে সুখ শান্তি তিরোহিত হয়। জীবন ক্রমে কেমন একটা ক্ষিপ্তগ্রহের স্থায় হইয়া উঠে। হে বঙ্গ-সাহিত্যসেবিগণ! হে দেবী দেশমাতার বরেণ্য পুত্রগণ! হে বঙ্গের ভবিষ্যৎ জাতীয় সাহিত্য মন্দিরের স্থপতিগণ! বাগ্‌দেবতার কুপার অধিকারী হইয়াছ বলিমা, বঙ্গসাহিত্যের সাম্রাজ্যের গণ্যমান্ত রাজপুরুষ হইয়াছ বলিমা, দশজনের শ্রদ্ধাপুষ্পাঞ্জলি পাইতেছ বলিমা, আত্মবিস্মৃত

হইও না, বা একপদে, তোমার মুখাপেক্ষী স্বদেশবাসীদিগকে উপেক্ষা করিয়া, লক্ষ ক্রমতার অপব্যবহার করিও না । তোমাদের এমন অনুপম রচনানৈপুণ্য, সুন্দর লিখিবার ক্ষমতা, হায় এমন সুকণ্ঠ,—যদি সমাজের উন্নতিকর, হিতকর সাহিত্যনির্মাণে নিরত করিতে পারিতে, আদর্শ সৃষ্টিতে নিযুক্ত করিতে পারিতে, ভাবিয়া দেখ, কি সুখেরই না হইত ! সরল দেশবাসীর অতি স্তুতিতে তোমাদের মতিভ্রংশ দর্শনে, ব্যাথিত হৃদয়ে বলিতে সাধ যার যে, কেন তোমরা এত ক্ষমতা পাইয়াছিলে, কেন তোমাদের লেখায়, তোমাদের গানে দেশ একেবারে বিমুক্ত হইয়াছিল, কেন তোমাদের জয়গাথায় দিগ্‌মণ্ডল মুখরিত হইয়াছিল ? যদি এতটা না হইত, তবে বুঝ তোমরা এমন বিগড়াইতে না ! মার মন্তান মার পূজায় আত্মসমর্পণ করিতে ! অতি স্তুতিতেই তোমাদের এবং সেই সঙ্গে তোমাদের সমাজ ও সাহিত্যের সর্বনাশ হইতে বসিয়াছে ! হায়, তোমাদের দিকে চাহিলে, সেই মহাকবির করুণকণ্ঠে বলিতে ইচ্ছা করে—

“কি কুক্ষণে দেখেছিলি তুইলো অভাগি !

কাল-পঞ্চবটী বনে কালকূটে ভরা এ ভুজগে ?—”

আমি জানি আমার এই কাতর প্রার্থনা,—এই মর্শ্বের ক্রন্দন, তোমাদের যশোগীতি-বধির কর্ণে বা অতিস্তুতিবিমুক্ত হৃদয়ে প্রবেশ লাভ করিবে না, আমি জানি, পশ্চাত্তাগে,—তোমাদের অতীত সৌভাগ্য সূর্য্যের দিকে আর তোমরা চাহিতে চাও না, তোমরা এখন সম্মুখের ঐ যশোধবলিতা দিগ্‌ধুর সন্মিত মুখ লইয়াই ব্যস্ত । অতীত ভাবিবার সময় এখন তোমাদের নাই, জানি । তবুও—

“পৃথীরাজের” মহাকবির শ্রায় আজ এই মর্শ্বপীড়িত লেখক—

“বিষাদে ভাবিছে বসি’, আর কি তেমন দিন আসিবে এ ভারত ভিতরে !

বীর-পতিপুত্রগণে; মিলি মাতা জায়া সবে, বরণ করিবে সমাদরে !

চলিয়া গিয়াছে দিন, স্তুতি মাত্র ছিল তার, তা’ও বুঝি ক্রমে লুপ্ত হয় ;

ভারতের কবিগণ, গাইছেন অন্যগান, বীরকীর্তি গের কারো নয় ।

শয্যা এবে রণক্ষেত্র, নুপুরে হৃন্দুভধ্বনি, অবিরাম ছুটে ফুলবাণ ;

তারি’ অনুকূল কথা, শুনি প্রীত সৰ্বজন, কে শুনিবে আমার এ গান ?

নিঃসঙ্গ বিহগ-সম, গাইব আপন মনে, ডাকিয়া শুনাব আপনারে ।

সার্থক হইবে শ্রম, একজন (ও) শ্রোতা যদি, পাই এই ভারত মাঝারে ॥”

শ্রীরাজেন্দ্রনাথ বিজ্ঞানভূষণ ।

মিথিলার প্রাচীন কাহিনী ।

বৈদিক সাহিত্যে দৃষ্ট হয় বিদেহ রাজগণ পাঞ্জাব হইতে ক্রমশঃ পূর্বাভিমুখী হইয়া দ্বারভাঙ্গার সন্নিকটবর্তী স্থানে বসতি করিতেন। এইরূপ কথিত আছে, অগ্নিদেব বিদেহ রাজগণকে সঙ্গে লইয়া সরস্বতীর তীর হইতে ক্রমশঃ পূর্বাভিমুখ হইয়া গমন করিয়াছিলেন। এই প্রকারে তাঁহারা আগমনপূর্বক সুবিস্তীর্ণ গণ্ডক নদীর তীরভূমে সমুপস্থিত হইলেন। অগ্নিদেব বিদেহরাজগণকে বলেন তোমাদের প্রাসাদ এই নদীর পূর্বতীরে নির্মাণ কর। তদনুসারে গণ্ডকের পূর্ব তীরেই বিদেহ রাজগণ বিশাল হর্ম্যাদি নির্মাণ করত বসবাস করিতে আরম্ভ করেন। সর্ব প্রথমে তাঁহারা উক্ত প্রদেশে গমন করিয়া জঙ্গল পরিষ্কৃত ও জলাভূমি উচ্চ করিয়া লইলেন। উর্বরাভূমিতে শস্তোৎপাদি হইতে লাগিল। অবশেষে তাঁহারা তথায় এক সমৃদ্ধিশালী ও প্রভাবসম্পন্ন নগরী সংস্থাপিত করিলেন। মহর্ষি জনক এই রাজ্যেই রাজত্ব করিতেন। * তাঁহার রাজ্যের রাজধানীর নাম মিথিলা। শ্রীমদ্ভাগবতে মিথিলা রাজগণের বংশতালিকা নিম্নলিখিত শ্লোকে প্রদর্শিত হইয়াছে, যথা :—

অরাজকভয়ং নৃণাং মন্যমানা মহর্ষয়ঃ ।
 দেহং মমন্তুঃস্ব নিমেঃ কুমারঃ সমজায়ত ॥ ১২
 জন্মনা জনকঃ সোহভূদেহেহস্ত বিদেহজঃ ।
 মিথিলো মথনাজ্জাতো মিথিলা যেন নির্মিতা ॥ ১৩ †
 তস্মাত্তদাবস্থ স্তস্য পুত্রোহভূন্নন্দিবর্ধনঃ ।
 ততঃ স্ককেতুশ্চাপি দেবরাতো মহীপতে ॥ ১৪
 তস্মাদ্ হস্তস্তস্য মহাবীৰ্য্যঃ স্ক্রুৎ পিতা ।
 স্ক্রুতে ধৃষ্টকেতুর্বে হর্ষ্যশোহথ মরুস্ততঃ ॥ ১৫
 মরোঃ প্রতীপকস্তস্মাজ্জাতঃ কৃতরথো যতঃ ।
 দেবমীঢ়স্তস্য পুত্রো বিক্রতোহথমহাধৃতিঃ ॥১৬

* বিদেহা মিথিলা: প্রোক্তা: । ইতি হলায়ুধ: ।

† জন্মনা অসাধারণেন জন এব জনক: । যদা স্বদেহদ্বারা জনকদ্বাং স নিমির্জনকোহভূদি-
 তার্থ: ইতি শ্রীমদ্ভাগবতভাবার্থদীপিকায়াং নবমস্কন্ধে ত্রয়োদশোহধ্যায়: । ১৩ ।

কৃতিরাতস্ততস্তস্মান্নহারোমা চ তৎসূতঃ ।
 স্বর্ণরোমা সূতস্তস্য হ্রস্বরোমা ব্যাজায়ত ॥ ১৭
 ততঃ শীরধ্বজো জজ্ঞে যজ্ঞার্থং কর্বতো মগীম্ ।
 সীতা শীরাগ্রতো জাতা তস্মাৎ শীরধ্বজঃ সূতঃ ॥ ১৮
 কুশধ্বজস্তস্য পুত্রস্ততো ধর্মধ্বজো নৃপঃ ।
 ধর্মধ্বজস্য ধৌ পুত্রৌ কৃতধ্বজমিতধ্বজৌ ॥ ১৯
 কৃতধ্বজাৎ কেশিধ্বজঃ খাণ্ডিক্যাস্তমিতধ্বজাৎ ।
 কৃতধ্বজসূতো রাজস্নাত্ত্ববিষ্ঠাবিশারদঃ ॥ ২০
 খাণ্ডিক্যঃ কর্মতস্বজ্ঞো ভীতঃ কেশিধ্বজাদ্ ক্রতঃ ।
 ভানুমাংস্তস্য পুত্রোহভূচ্ছতদ্ব্যম্প্ত তৎসূতঃ ॥ ২১
 শুচিস্ত তনয়স্তস্মাৎ সনদ্বাজঃ সূতোহভবৎ ।
 উর্জ্জকেতুঃ সনদ্বাজাদজ্ঞোহথ পুরুজিৎ সূতঃ ॥ ২২
 অরিষ্টনেমি স্তস্যাপি শ্রতায়ুস্তৎ সূপার্শ্বকঃ ।
 ততশ্চিত্ররথ স্তস্য ক্ষেমাধি মিথিলাধিপঃ ॥ ২৩
 তস্মাৎ সমরথস্তস্য সূতঃ সত্যরথ স্ততঃ ।
 আনীতপশুরু স্তস্মা দুপশুপ্তোহগ্নিসম্ভবঃ ॥ ২৪
 বস্বনস্তোহথ তৎ পুত্রো যুযুধো যৎসূভাষণঃ ।
 শ্রতস্ততো জয়স্তস্মাদ্বিজয়োহস্মাদৃতঃ সূতঃ ॥ ২৫
 স্তনকস্তৎসূতো জজ্ঞে বীতহব্যোধতি স্ততঃ ।
 বহলাশ্বো ধৃতে স্তস্য কৃতিরস্য মহাবশী ॥ ২৬
 এতে বৈ মৈথিলা রাজস্নাত্ত্ববিষ্ঠাবিশারদাঃ ।
 যোগেশ্বর-প্রসাদেন স্বৈন্দ্বমুক্তা গৃহেষপি ॥ ২৭

ইতি শ্রীভাগবতে মহাপুরাণে পারমহংস্যাং

সংহিতায়াং বৈয়াসিক্যাং নবমস্কন্ধে

স্বর্ঘ্যবংশকীর্তনং নাম ত্রয়োদশোহধ্যায়ঃ ॥ ১৩ ।

ইকপ্লকোরৈব পুত্রস্য নিমেষ্বংশজয়োদশৈ ।

বর্ণ্যতে জজিরে যত্র ব্রহ্মজ্ঞা জনকাদয়ঃ ॥

শ্রীমদ্ভাগবতম্ ।

জনকের বংশ পরিচয়ঃ—

(১) নিমি, (২) জনক, (৩) উদাবস্থ, (৪) নন্দিবর্দ্ধন, (৫) স্বকেতু, (কেতু), (৬) দেবরাত, (৭) বৃহদ্রথ, (৮), মহাবীর্ষা, (৯) সুধৃতি, (১০) ধৃষ্টকেতু, (১১) হর্ষাশ্ব, (১২) মরু, (১৩) প্রতীপক, (১৪) কৃতরথ, (১৫) কৃতি, (১৬) বিনুধ, (১৭) মহাধৃতি, (১৮) কৃতিবাত, (১৯) মহারোমা, (২০) স্ববর্ণরোমা, (২১) হৃষরোমা, (২২) সীরধ্বজ ও কুশধ্বজ, (২৩) সীরধ্বজ পুত্র ভানুমান্ ও কন্যা সীতাদেবী, (২৪) শতদ্যুম্ন, (২৫) শুচি, (২৬) ঈর্জবহ, (২৭) সত্যধ্বজ, (২৮) কুনি, (২৯) অঙ্গন, (৩০) ঋতুজিৎ, (৩১) অরিষ্টনেমি, (৩২) শ্রতাযু, (৩৩) শ্রতায়ুধ, (৩৪) সুপার্শ্ব, (৩৫) সঞ্জয়, (৩৬) ক্ষমারি, (৩৭) অনেনা, (৩৮) মীনরথ, (৩৯) সত্যরথ, (৪০) সাত্যরথি, (৪১) উপশু, (৪২) শ্রত, (৪৩) শাশ্বত, (৪৪) সুধম্বা, (৪৫) সুভাস, (৪৬) সুশ্রত, (৪৭) জয়, (৪৮) বিজয়, (৪৯) ঋত, (৫০) সুনয়, (৫১) বীতহব্য, (৫২) সঞ্জয়, (৫৩) ক্ষমাশ্ব, (৫৪) ধৃতি, (৫৫) বহুলাশ্ব এবং (৫৬) কৃতি । ইহারা সকলেই রাজর্ষি ছিলেন ।

পূর্বেই উক্ত হইয়াছে মহর্ষি জনকের রাজ্যের রাজধানীর নাম মিথিলা। নগরের জননশক্তি হেতু তিনি জনক নামে কীর্তিত হইলেন । মন্বনদ্বারা তাঁহার জন্ম হয় বলিয়া তিনি মিথি নামে অভিহিত হইলেন ।* অধুনা মিথিলার স্থান নির্দেশ স্ককঠিন ।

মহারাজ দশরথার্ষিঃ শ্রীরামচন্দ্র ও লক্ষ্মণ মহর্ষি বিশ্বামিত্রের সহিত ঋষিগণের যুদ্ধবিপ্লবকারী রাক্ষসগণের দণ্ড বিধান করিবার জন্ত অযোধ্যা হইতে যে স্থান দিয়া গমন করিয়াছিলেন এবং যজ্ঞসমাধান্তে ঋষিগণের অহুরোধে শ্রীরামচন্দ্র ও লক্ষ্মণ জনকপুরে যে পথাবলম্বন করিয়া উপস্থিত হইলেন তাহাই এক্ষণে আমরা আলোচনা করিব ।

মহর্ষি বিশ্বামিত্র অযোধ্যাধিপতি দশরথের নিকট শ্রীরামচন্দ্র ও লক্ষ্মণকে

* অপুত্রস্ত তস্ত নিমেতু ভূজঃ শরীরমরাক্তকভীরবস্তে মূনয়ঃ অঙ্গণ্যা সমহুঃ । তত্র চ মারো অর্জঃ । জননাজনকসংজ্ঞাকাসাববাপ । অভূষিদেহস্ত পিতেতি বৈদেহঃ । মথনাস্মি ধিরভূৎ । তস্তোদাধমঃ পুত্রোহভূৎ । ইতি বিষ্ণুপুরাণে ৪ অংশে ৫ অধ্যায়ঃ ।

প্রার্থনা করিলেন । মহারাজ দশরথ তাদৃশবাক্যে অত্যন্ত ব্যথিত-হৃদয় হইলেন । তিনি ঋণকাল নিশ্চেষ্টভাবে চিন্তাপূর্বক পরিশেষে কহিলেন, “আমার পুত্র রামের বয়ঃক্রম অত্যাপি ষোড়শ বৎসর পূর্ণ হয় নাই । এবং রাম অদ্যাপি অল্প বিদ্যায়ও সুশিক্ষিত হইতে পারে নাই ; সুতরাং ভবদীয় যজ্ঞরক্ষার্থ আমাকেই যুদ্ধ যাত্রা করিতে হইবে । আমার সম্পূর্ণ এক অক্ষৌহিণী দুর্জয় সৈন্য আছে, সুতরাং আমি তাহা লইয়া অগ্রসর হইব ।” তখন বিশ্বামিত্র বলিলেন, “কাহাকেও যুদ্ধযাত্রা করিতে হইবে না । কেবল আপনার দুই পুত্র রাম ও লক্ষ্মণকে প্রেরণ করিলেই সকল কার্য সিদ্ধ হইবে ।” যাহা হউক, কি প্রকারে তিনি রাজা দশরথের নিকট হইতে অনুমতি গ্রহণ করিলেন তাহা অনেকেই অবগত আছেন । আমরা এক্ষণে মহর্ষি বিশ্বামিত্র রাম ও লক্ষ্মণকে লইয়া কোন্ পথ অবলম্বন পূর্বক ঋষিগণের যজ্ঞস্থলে গমন করিয়া কার্য সমাপন করিয়া বিশ্বামিত্রের অনুরোধে জনকপুরে বা মিথিলায় গমন করিয়াছিলেন তাহাই দেখাইব । ইহা দ্বারা মিথিলার স্থান নির্দেশ সহজসাধ্য হইবে, সন্দেহ নাই ।

মহর্ষি বিশ্বামিত্র অগ্রে অগ্রে চলিলেন । কাকপক্ষধারী মহাযশা রামচন্দ্র শরাসনগ্রহণ পূর্বক তাঁহার পশ্চাৎ পশ্চাৎ গমন করিতে লাগিলেন । লক্ষ্মণ তাঁহার অনুগমনে প্রবৃত্ত হইলেন । এইরূপে তাঁহারা ছয়ক্রোশ পথ অতিক্রম পূর্বক সরযুর দক্ষিণ তটে উপনীত হইলেন । তখন তপোনিধি বিশ্বামিত্র রামচন্দ্রকে কহিলেন, “বৎস ! এই স্থানে হস্তপদ প্রক্ষালন পূর্বক যথা বিধানে আচমন কর, আমি তোমাকে দীক্ষা দিব, তাহাতে তোমার শ্রেয়োলাভ হইবে । আমি তোমাকে ও লক্ষ্মণকে, বলা ও অতিবলা নামে দুইটি বিদ্যা প্রদান করিতেছি, গ্রহণ কর । এই বিদ্যা প্রভাবে তোমাদের কদাচ শ্রম, জরা বা অজবৈকল্য হইবে না ।” পরে মহাযশা রাম ও লক্ষ্মণ গৃহীত-বিদ্যা হইয়া মহর্ষির অনুজ্ঞানুসারে সেই সরযুতীরেই এক রাত্রি ষাপন করিলেন ।

অনন্তর রজনী প্রভাত হইল । তখন মহাবীর রাম ও লক্ষ্মণ প্রাতঃস্নান ও তর্পণাদি সম্পাদন পূর্বক সরযুর অনতিদূরে ত্রিপথগামিনী দেব-নদী গঙ্গা দর্শন করিলেন । রাম ও লক্ষ্মণ সেই গঙ্গাতীরে দৃশ্য-র-

তপঃপরায়ণ পুণ্যশীল ঋষিগণসেবিত পরম রমণীয় পবিত্র আশ্রমপদ রহিয়াছে, দর্শন করিয়া কাহার আশ্রম অবগত হইবার জ্ঞান মহাত্মা কৌশিককে জিজ্ঞাসা করিলেন।

তিনি বলিলেন, কামনামে বিখ্যাত কন্দর্প পূর্বকালে মূর্ত্তিবিশিষ্ট ছিলেন। তৎকালে মহেশ্বর এই স্থানে কঠোর তপশ্চা করেন। তাঁহার সমাধি ভঙ্গ না করিলে তাঁহার দ্বারা পৃথিবীর কোন কার্যই সম্পাদিত হইতেছে না দেখিয়া কামদেব দেবরাজের অনুরোধে তাঁহাকে কুসুম-শায়কে বিদ্ধ করিবার জন্য কুসুমশর পরিত্যাগ করেন। সেই সময় মহাত্মা শকর ছক্কার পূর্বক সর্বসংহারকারী তৃতীয় নেত্রে তাঁহার প্রতি দৃষ্টিপাত করিলেন। কন্দর্প তৎক্ষণাৎ দগ্ধ হইয়া ভূপৃষ্ঠে নিপতিত হইলেন। সেই হইতে কন্দর্প অনঙ্গ হইয়াছেন। তখন হইতে এই দেশ অনঙ্গ দেশ নামে পরিচিত হইয়াছে।

অতঃপর তাঁহারা এই পবিত্র নদীতীরের মধ্যবর্ত্তী স্থানে সেই রজনী অতি-বাহিত করিলেন। অনন্তর রজনী প্রভাত হইলে তাঁহারা গঙ্গা সমুত্তীর্ণ হইয়া ভাগীরথীর দক্ষিণ তীরে উত্তীর্ণ হইলেন। * সেই উপকূল আশ্রয় করিয়া ধীরে ধীরে গমন করিতে লাগিলেন। শক্রতাপন রাম ও লক্ষ্মণ কিয়দূর গমন করিয়া একটি ভয়ঙ্কর বন দেখিতে পাইলেন। পরে তাঁহারা ঐ মেঘসদৃশ ঘোর ও দুর্গম বনের নাম পরিজ্ঞাত হইবার জন্য আগ্রহ প্রকাশ করিতে লাগিলেন। এই অরণ্য মধ্যে ভয়াল সিংহ, ব্যাঘ্র, গণ্ডার, কুম্ভীর প্রভৃতি জন্তু ও ধবল, শাল, কুটল, পাটল, তিল্লুক (গাব) প্রভৃতি তরুরাজি বিরাজিত রহিয়াছে। মধ্যে মধ্যে খদির, মদন, গোকুর ও বদর প্রভৃতি কণ্টক বৃক্ষে আকীর্ণ রহিয়াছে। মহর্ষি কৌশিক তখন তাঁহাদিগকে কহিলেন, পূর্বকালে এই স্থানে মলজ ও করুষ নামে মহাসম্পৎসম্পন্ন দেবনির্ম্মিত শোভাশালী সুরম্য দুইটি জনপদ ছিল। উক্ত জনপদ দুইটিতে ইন্দ্র ন্যুচিনিধনজনিত পাপ হইতে (ঋষিগণ দ্বারা) মুক্ত হইয়াছিলেন। অর্থাৎ সহস্রাক্ষ মল ও করুষ অর্থাৎ পাপ ও কলুষ হইতে এই স্থানে মুক্তি হইয়াছিলেন বলিয়া ইহা মলজ ও করুষ নামে বিখ্যাত হইয়াছে।

* They crossed the Ganges and landed near the fortress of Buxar in the District of Sahabad or Arrah, Calcutta Review vol XXIII Page 176.

ঋষিগণ শচীপতির মুখে এবশ্চকার নামকরণ শ্রবণ করিয়া “তথাস্তু” বলিয়া-
ছিলেন। সেই হইতে এই দুই জনপদ মল্ল ও করুষ নামে বিখ্যাত ও অতুল
ঐশ্বর্যসম্পন্ন ও সর্বদাই আনন্দ কোলাহল পূর্ণ হইয়া উঠিল। অনন্তর
তাড়কানায়ী রাক্ষসী সেই দুই জনপদ উৎসন্ন করিয়া ফেলে। এই স্থান হইতে
ছয় ক্রোশ দূরে তাড়কার বাস। রাম সেই উৎসাদিত প্রদেশের অধিকারিণীকে
বিনাশ করিলেন। সে রজনী সেই অরণ্য মধ্যে যাপন করিয়া বিভাবরী প্রভাত
হইলে তাঁহারা প্রাতঃকৃত্যাদি সমাপন করিয়া শুচি হইলে মহর্ষি রামচন্দ্রকে
সমুদায় দিব্য অস্ত্র প্রদান করিলেন।

দুই ভ্রাতা তপোধনের সহিত গমন করিতে করিতে এক সুরম্য অরণ্য দৃষ্টি
গোচর করিয়া কহিলেন, “ত্রিদশপ্রভ! মহীধরের অনতিদূরে সূধন ঘনঘটা
সদৃশ ঐ একটি যে বিস্তীর্ণ অরণ্য দৃষ্ট হইতেছে, ইহা কোন্ বন?” তখন মহাতেজা
মহর্ষি বলিলেন, “ইহা প্রাচীনকালে মহাত্মা বামনের আশ্রম ছিল। ভগবান্
বিষ্ণু বামনরূপ ধারণ করিয়া এই স্থানে তপশ্চরণ দ্বারা সিদ্ধ হইয়াছিলেন।
সেই অবধি ইহা সিদ্ধাশ্রম নামে খ্যাত।” উক্ত আশ্রমে বিশ্বামিত্র যজ্ঞ আরম্ভ
করিলেন। রাম ও লক্ষ্মণ যজ্ঞরক্ষার্থ ছয় রাত্রি অতিবাহিত করিয়াছিলেন।
ষষ্ঠ দিবসে মহর্ষিগণ বেদীস্থাপনা করিলেন। যজ্ঞধুম সন্দর্শন করিয়া যথাকালে
রাক্ষসগণ গগনপটে সমুদিত হইল। রামচন্দ্র মারীচকে বাণবিদ্ধ করিয়া বিভাড়িত
ও অন্যান্য রাক্ষসগণকে নিহত করিয়া ভূমিতলে পাত্তিত করিলেন। যজ্ঞ সমাপ্ত
হইল। তথা হইতে তাঁহারা মিথিলাভিমুখে গমনোচ্ছত হইলেন। উক্ত আশ্রম
হইতে বিশ্বামিত্র ভাগীরথীর উত্তর তীরে গমন করিবেন স্বীকার করিলেন।
অতএব মিথিলা উক্ত আশ্রমের উত্তর দিকে অবস্থিত সন্দেহ নাই। তাঁহারা
বহুদূরে গমন করিলে দিনকর অস্তাচলচূড়াবলম্বী হইলেন। তখন তাঁহারা শোণ
নদের তীরে গমনপূর্বক বাসযোগ্য স্থান নিরূপণ করিলেন। তখন রাম কৃতাজলি
পুটে জিজ্ঞাসা করিলেন, “ভগবন্! আমরা কোন্ দেশে আসিয়াছি? এখানে
অনেক সমৃদ্ধিশালী ব্যক্তির বাস দেখিতেছি।” মহর্ষি বলিলেন, “পূর্বকালে কুশ
নামে এক নরপতি ছিলেন। ইনি ব্রহ্মার পুত্র। তাঁহার চারি পুত্র—কুশাশ্ব,
কুশনাভ, অমূর্ত্তরজা ও বসু। তাঁহারা তাঁহাদের নামানুসারে চারিটি নগরী
স্থাপন করেন, তন্মধ্যে কুশাশ্ব কোশাশ্বী ও কুশনাভ মহোদয় নগর স্থাপন করেন

অমূর্তরজা প্রাগ্‌জ্যোতিরপুর স্থাপন করিলেন। চতুর্থ পুত্র বসু ধর্মারণ্য সমীপস্থিত গিরিব্রজ নামক নগর নির্মাণ করেন। বসুর নামানুসারে এই দেশ বসু নামে বিখ্যাত হইয়াছিল। গিরিব্রজপুরীও বসুমতী বলিয়া কথিত হয়।

ঐ সম্মুখে যে পাঁচটি পর্বত দেখিতেছি, উহার মধ্যে স্মাগধী নামে একটি নদী, মালার গায় শোভা পাইতেছে। এই স্মাগধী নদী এই দেশের মধ্য দিয়া প্রবাহিত হওয়াতে নদীর নামানুসারে এই দেশ মগধ দেশ এবং পুরী মাগধীপুরী বলিয়া বিখ্যাত হইয়াছে। পূর্বকালে মহাত্মা বসু এই স্মাগধী শস্ত্রশালিনী মাগধীপুরীতে বাস করিতেন। এক্ষণে সেই স্মাগধী নদী শোণ নদ নামে বিখ্যাত হইয়াছে।

রান্ধি কুশনাভের একশত কন্যা উৎপন্ন হইয়াছিল। একদা তাঁহারা উপবনে গমন করিয়া বিদ্যান্মালার গায় ক্রীড়া করিতে লাগিলেন। ইত্যবসরে সর্কতোগামী প্রভঞ্জন সেই উদ্যান ভূমিতে আগমন করিয়া কহিলেন, “আমি প্রার্থনা করিতেছি যে তোমরা আমার ভার্য্যা হও।” তখন কুশনাভের কন্যাগণ বলিলেন, “জগৎপ্রাণ, আমাদের মর্যাদা হানি করা আপনার উচিত হইতেছে না। আপনি পিতার নিকট গমন করিয়া প্রার্থনা করুন।” মার্কত কন্যাগণের মুখে ঐদৃশ বাক্য শ্রবণ পূর্বক রোষপরবশ হইলেন এবং বলপূর্বক তাঁহাদের মধ্যে প্রবিষ্ট হইয়া সকলেরই মধ্যদেশ ভগ্ন করিয়া দিলেন। রাম! পূর্বকালে সেইস্থানে এইরূপে বায়ু কন্যাগণকে কুঞ্জ করিয়াছিলেন বলিয়া, সেই অবধি সেই দেশ (কন্যাকুঞ্জ, এই শব্দ হইতে) কাণ্ডকুঞ্জ নামে বিখ্যাত হইয়াছে।

সোমদাতনয় রাজর্ষি ব্রহ্মদত্ত কাম্পিল্যা নামে নগরী স্থাপন করিয়াছিলেন। ঐসে হিমালয় হইতে বহির্গতা সত্যবতী রুপিণী কোশিকী নদী প্রবাহিতা হইতেছে, সেই সত্যবতী বিখ্যামিত্রের ভগিনী এবং তাঁহারই অপর নাম কোশিকী। উক্ত সরিষরা অধুনা এই স্থলে বিদ্যমান আছে।

মহর্ষিগণ রাম ও লক্ষ্মণের সহিত শোণ নদের তীরে অবস্থান করিয়া রজনী প্রভাতা হইলে শোণ নদ উত্তীর্ণ হইয়া বহদূর গমন করিলেন। তখন দিবা অবসান হইল। তাঁহারা সম্মুখে সরিষরা ভাগীরথী দেখিতে পাইলেন। সেই হংস-সারস-শুশোভিতা বিত্তকসলিলা জাহ্নবী দর্শন করিয়া তাঁহারা সেই দিন নদীতীরেই আবাস গ্রহণ করিলেন। তদনন্তর রাম তাঁহাদের সহিত গৌতমা-

শ্রমে গমন পূর্বক অহল্যাকে উদ্ধার করিলেন । তথা হইতে মহর্ষিগণ, রাম ও লক্ষ্মণ মিথিলাভিমুখে যাত্রা করিলেন । তাঁহারা ক্রমশঃ উত্তর পূর্বদিকে গমন পূর্বক রাজর্ষি জনকের যজ্ঞবাট সন্দর্শন করিলেন । স্মৃতরাং তাঁহারা যে মিথিলা যাইতে উত্তর পূর্বদিকে গমন করিয়াছিলেন তাহাতে অস্মিত হয় যে মিথিলা পূর্ব বর্ণিত স্থানের ঈশান কোণে অবস্থিত ।

রাজর্ষি জনকের পূর্ব পুরুষ নিমির জ্যেষ্ঠ তনয় দেবরাত নামক নরপতি ছিলেন । উক্ত নরপতির উপর সন্তুষ্ট হইয়া দেবদেব মহাদেব এক বিশাল শরাসন প্রদান করেন । সেই শরাসনে যিনি জ্যারোপণ করিতে পারিবেন তিনিই সীতাদেবীকে লাভ করিবেন । একদা জনক ক্ষেত্র সংস্কারের নিমিত্ত ভূমিকর্ষণ করিতেছেন, এমন সময় ভূগর্ভ হইতে সীতামধ্যে এক কণ্ঠারত্ন উথিত হইল । এই অঘোনিজ্ঞা কণ্ঠার তদনুসারেই নাম হইল 'সীতা' ।

অষ্টশত সূদীর্ঘকায় মহাবল পুরুষ অতি প্রযত্ন সহকারে, অষ্টচক্রশোভিত লৌহনির্মিত মঞ্জুষা মধ্যে সন্নিবেশিত হরকার্মুক সেশূলে আনয়ন করিল । মন্ত্রিগণ রাজর্ষি জনককে যথাসময়ে তাহা বিজ্ঞাপিত করিলেন । রামচন্দ্র মহর্ষি বিশ্বামিত্র ও বিদেহাধিপতি জনকের আদেশ প্রাপ্ত হইয়া দিব্য শরাসন উত্তোলন ও জ্যায়োজনা পূর্বক আকর্ষণ করিবামাত্র তাহার মধ্যদেশ ভগ্ন হইয়া গেল । অনন্তর মহারাজ দশরথকে আনয়ন করিবার জন্য অঘোধ্যায় দূত প্রেরিত হইল । যথাকালে মহারাজ দশরথ মিথিলায় আগমন করিয়া চারি পুত্রকে চারি কন্যার সহিত বিবাহ দিলেন । জগতের নরপতিবৃন্দ সীতাদেবীর বিবাহপ্রার্থী হইয়া হরকার্মুক ভগ্ন করিতে আগমন করিয়া বিফলমনোরথ হইলে জনক তাঁহাদিগকে 'কন্যাদান বিষয়ে প্রত্যাখ্যান' পূর্বক বিস্মৃত করিলেন । তাঁহারা তখন ক্রোধে মিথিলাপুরী অবরোধ করিলেন । উক্ত নরপতিবৃন্দ এক বৎসর পর্য্যন্ত মিথিলাপুরী অবরোধ করিয়া রাখিয়াছিলেন । অতঃপর মহর্ষি জনক চতুরঙ্গ বল দ্বারা মহীপতিগণকে যুদ্ধে পরাজিত করিলেন । ইহাতে অস্মিত হয় তখনও জনকের অস্মিত বল ছিল । তখনও তাঁহার সামর্থ্যের হ্রাস হয় নাই ।

(ক্রমশঃ)

শ্রীগণপতি রায় ।

সাহিত্য-সংহিতা।

নবপর্যায়, ৫ম খণ্ড ।] ১৩২৩ সাল, শ্রাবণ ।

[৪র্থ সংখ্যা ।

মহাকবি ক্লেমেণ্ডের

“চারুচর্যা ।”

(পূর্বানুভূতি ।)

৯১ । অভিচারের অবৈধতা ।

ন কুর্যাদভিচারোথ-বধ্যাদি-কুহকাঃ ক্রিয়াঃ ।

লক্ষণেনৈকজিৎকৃত্যাদ্যভিচারময়ো হতঃ ॥

অন্তের অনিষ্ট অভিসন্ধি করিয়া অবৈধ অভিচার (মারণ ও উচাটন প্রভৃতি) ক্রিয়ার অনুষ্ঠান করা বিহিত নহে । মায়াবী ইক্জিৎ অভিচার ক্রিয়ায় প্রবৃত্ত হইলে লক্ষণ তাঁহাকে বধ করিয়াছিলেন ।

“অবিদূরং ততো গত্বা প্রবিণ্য তু মহান্মনম্ ।

অদর্শয়ত তৎকর্ম লক্ষণায় বিভীষণঃ ॥

নীলজীমূতসংকাশং ব্রুগোধং ভীমদর্শনম্ ।

তেজস্বী রাবণব্রাতা লক্ষণায় ব্রুবেদয়ৎ ॥

ইহোপহারং ভূতানাং বলবান্ রাবণাশ্রয়ঃ ।

উপহৃত্য দ্রুতঃ পশ্চাৎ সংগ্রামমভিবর্ততে ॥

ঐন্দ্রাজ্ঞেণ সমায়ুজ্য লক্ষণঃ পরবীরহা ।

তচ্ছিরঃ শশিরঙ্গাণং শ্রীমজ্জলিতকুণ্ডলম্ ।

প্রমথ্যৈকজিতঃ কারাৎ পাতয়ামাস ভূতলে ॥”

(রামায়ণ)

বিভীষণ লক্ষণকে সঙ্গে করিয়া নিবিড় অরণ্য মধ্যে প্রবেশ পূর্বক নীলবর্ণ মেঘের স্থায় ভীষণ গুণ্ণোথ বৃক্ষ দেখাইয়া বলিলেন, এই বৃক্ষমূলেই ভূতগণকে বলি প্রদান পূর্বক তৎপরে ইন্দ্রজিৎ কঠোর সংগ্রামে প্রবৃত্ত হইয়া থাকে ।

অভিচার ক্রিয়া সম্পূর্ণ হইবার পূর্বেই ইন্দ্রজিৎ লক্ষণ কর্তৃক আক্রান্ত হইলেন । অবিলম্বেই ঐন্দ্র অস্ত্র প্রয়োগে ইন্দ্রজিৎ মৃত্যুমুখে নিপতিত হইলেন ।

৯২ । বর্ণাশ্রম ধর্মের শ্রেষ্ঠতা ।

ব্রহ্মচারী গৃহস্থঃ স্মাধানপ্রস্থো যতিঃ ক্রমাৎ ।

আশ্রমাদাশ্রমং যাতা যযাতি-প্রমুখা নৃপাঃ ॥

সনাতন আর্গ্যধর্মের অনুশাসন অনুসারে প্রথম বয়সে বিদ্যাভ্যাসের সময়ে ব্রহ্মচারী, তৎপরে সংসারে প্রবেশ পূর্বক দার পরিগ্রহ করিয়া গৃহী হইবে । অনন্তর পঞ্চাশত্তমবর্ষ বয়ঃক্রমে বানপ্রস্থ ব্রত গ্রহণ করিয়া কালপরিণামে ভিক্ষু হইবে । যযাতি প্রভৃতি নরপতিগণ এইরূপ আশ্রম ধর্ম পরিপালনপুণ্যেই পরলোকে সঙ্গতিভাজন হইয়াছিলেন ।

“এবমুক্তা স রাজর্ষিঃ সদারঃ প্রবিশদ্বনম্ ।

কালেন মহতা চাপি চচার বিপুলং তপঃ ॥

ভৃগুতুঙ্গে তপস্তীর্ষা তপসো হস্তে মহাযশাঃ ।

অনশ্নন্ দেহমুৎসৃজ্য সদারঃ স্বর্গমীযিবান্ ॥”

(হরিবংশ ।)

অরাগ্রন্ত নৃপতি যযাতি পুলহিগকে ভিন্ন ভিন্ন রাজপদে (১৭ শ্লোক) প্রতিষ্ঠিত করিয়া পত্নীদ্বয় সমভিব্যাহারে বানপ্রস্থ অবলম্বন করিলেন । তিনি ভৃগুতুঙ্গে কঠোর তপস্কার অনুষ্ঠানে প্রবৃত্ত হইয়া ক্রমে অনাহার ব্রত অবলম্বন পূর্বক দেহাবসানে সস্ত্রীক স্বর্গলোকে গমন করিয়াছিলেন ।

৯৩ । কৃপণের ধনের পরিণাম ।

কুর্ধ্যাঘ্যায়ং শ্বহস্তেন প্রভূতধনসম্পদাম্ ।

অগস্ত্যাগ্রস্তে বাতাপৌ কোশস্তাঠৈঃ কৃতো ব্যয়ঃ ॥

অতুল ধনৈশ্বৰ্য্যের অধিকারী হইয়া নিজের হস্তেই তাহা সংকার্য্যে ব্যয় করা কর্তব্য । বাতাপি অম্বর অগস্ত্য কর্তৃক বিনষ্ট হইয়া গেলে, বিপুলধনসম্পদ দ্বারা তাহার নিজের আর কোন উপকার হয় নাই ; অপরে অধিকারী হইয়া সেই সম্পত্তি যথেষ্ট ব্যয় করিয়া ফেলিয়াছিল ।

“অগস্ত্য এব কৃৎসন্ত বাতাপিঃ বৃহজে ততঃ ।
 ভুক্তবত্যসুরোহিহ্বানমকরোক্তস্য চেবলঃ ॥
 ততো বায়ুঃ প্রাহুরভূদধন্তশ্চ মহাত্মনঃ ।
 শব্দেন মহতা তাত গর্জ্জন্নিব যথা ঘনঃ ॥
 বাতাপে নিষ্ক্রমশ্বেতি পুনঃপুনরুবাচ হ ।
 তং প্রহস্তাভবীজাজন্নগন্ত্যা মুনিসত্তমঃ ॥
 কুতো নিষ্ক্রামিতুং শক্ভো ময়া জীর্ণস্ত সোহসুরঃ ।
 গবাং দশসহস্রাণি রাজ্জামেকৈকশোহসুর ॥
 তাবদেব স্তবর্ণশ্চ দিৎসিতং তে মহাসুর ।
 মহং ততো বৈ দ্বিগুণং রথশ্চৈব হিরণ্ময়ঃ ॥
 মনোজবৌ বাজিনৌ চ দিৎসিতং তে মহাসুর ।
 ততঃ প্রব্যথিতো দৈত্যো দদাবভ্যধিকং বসু ॥”

(মহাভারত ।)

ইষল ও বাতাপি নামক মায়াবী দানবদ্বয় অতুল ঐশ্বৰ্য্যশালী ছিল । উভয়ে কপট মায়ায় ভুলাইয়া অতিথিরূপে গ্রহণপূর্বক অনেক মানবের প্রাণসংহার করিয়াছিল । কালক্রমে মহর্ষি অগস্ত্যকে ষাচকরূপে প্রাপ্ত হইয়া উভয়ে ইর্ষ প্রকাশ পূর্বক তাঁহাকে পরম সমাদরে গ্রহণ করিল । উভয়ের মন্ত্রণা অনুসারে বাতাপি পশুর রূপ ধারণ করিলে, ইষল তাহাকে সংহারপূর্বক পশুরূপধারী বাতাপির সমগ্র মাংস রন্ধন করিয়া অগস্ত্যকে ভক্ষণ করাইল । অগস্ত্য এই সকল বৃত্তান্ত পূর্বেই অবগত ছিলেন, সুতরাং তিনি সহর্ষে তৃপ্তির সহিত সমস্ত মাংসই ভক্ষণ করিয়াছিলেন । অনন্তর অগস্ত্য স্বীয় যোগবলে এইরূপ বিকট গর্জনে অধোবাঁহু নিঃসরণ করিয়াছিলেন, যে সেই আকস্মিক ভৈরব নিনাদ শ্রবণ করিয়া অকুতোভয় ইষলও ভয়ে কম্পান্বিত কলেবর হইয়া পড়িয়াছিল ! ইষল পুনঃ পুনঃ

ভীতিবিহ্বল হইয়া তারস্বরে ডাকিতে লাগিল, “বাতাপে, শীঘ্র বাহিরে আগমন কর ; বাতাপে, শীঘ্র বাহিরে আগমন কর” ;—কিন্তু মহর্ষি অগস্ত্য সহাস্ত্রে প্রত্যুত্তর করিয়া তাহাকে বলিলেন—‘অরে মূঢ়, বাতাপি আর পূর্বের ত্রায় বাহিরে আসিতে সমর্থ হইবে না, আমার অষ্ঠরানল প্রভাভে সে ভস্মীভূত হইয়া গিয়াছে । এখন যদি নিজের প্রাণের আশা থাকে, আমি যাহা আদেশ করিতেছি, তাহা প্রতিপালন কর । নৃপতিদিগের প্রত্যেককে দশ সহস্র গাভী ও দশ সহস্র স্তব্ধমুদ্রা, আর আমাকে উহার দ্বিগুণ সংখ্যক গাভী ও স্তব্ধমুদ্রা এবং বেগগামী অশ্বযুগলসহ স্তব্ধমণ্ডিত রথ প্রদান কর ।’ ইহল বাতাপের দশাবিপর্যয়ে নিতান্ত ভয়গোঁসাহ হইয়া পড়িয়াছিল, স্তব্ধমুনি যাহা যাহা চাহিয়াছিলেন, অবলীলাক্রমে সকলই প্রদান করিল ।

৯৪ । কুকার্যের গ্লানি মরণ পর্য্যন্ত থাকে ।

জন্মাবধি ন তৎ কুর্যাদন্তে সস্তাপকারি যৎ ।

সম্মারৈকশিরঃশেষঃ সীতাক্লেশং দশাননঃ ॥

যাহার প্রায়শ্চিত্তের জন্ত মরণ পর্য্যন্তও আত্মগ্লানি ভোগ করিতে হয়, জন্ম হইতে জীবনের শেষ মুহূর্ত্ত পর্য্যন্ত কখনও সেইরূপ সস্তাপজনক পাপ কার্যের অনুষ্ঠান করা কর্তব্য নহে । লঙ্কাদ্বিপতি রাবণ যতক্ষণ পর্য্যন্ত নিজের একটি মাত্র মস্তকও দেহে অবশিষ্ট রহিয়াছিল, ততক্ষণ পর্য্যন্ত সীতার কথা স্মরণ করিয়া তাঁর মানসিক সস্তাপ ভোগ করিয়াছিলেন ।

“মৈথিলীং রূপসম্পন্নং প্রত্যবেক্ষ্য পার্থিব ।

তন্মিন্নেব সহাস্রাভিরাহবে ক্রোধমুৎসৃজ ॥”

(রামায়ণ ।)

সুপার্ব রাক্ষস রাবণকে বলিয়াছিলেন, হে মহারাজ, আপনি এই মহাযুদ্ধ ব্যাপারে মিথিলারাজহুঁহিতা সীতার অসামান্য রূপলাবণ্যের বিষয় চিন্তা করিয়া দেখুন । এই ভীষণ সংগ্রামে আমাদিগের সহিত সংমিলিত হইয়াই এক্ষণে নিজের ক্রোধের পরাকাষ্ঠা প্রদর্শন করুন ।

৯৫। “বার্দ্ধক্যে মুনিবৃত্তীনাম্ ।”

জরাশুলেষ্ কেশেষু তপোবনরুচির্ভবেৎ ।
অস্তে বনং যযুর্বারাঃ কুরুপূর্বা মহীভুজঃ ॥

বয়ঃ পরিণামে যখন কেশকলাপ্ জরানিবন্ধন শুভ্রবর্ণ ধারণ করিবে, তখন বিদয় স্থখ পরিহার পূর্বক বানপ্রস্থ অবলম্বন করিয়া তপোবন গমনে আসক্তি করা কর্তব্য। যাহারা নিজ নিজ ভুজবল প্রভাবে ধরিত্রীর উপর একাধিপত্য স্থাপন করিয়াছিলেন, সেই বীরাগ্রগণ্য কুরুপ্রভৃতি নৃপতিগণ অন্তিম বয়সে তপোবন আশ্রয় করিয়া ধর্মকর্ম্য করিয়াছিলেন।

“ঋক্ষাৎ সংবরণঃ, সংবরণাৎ কুরুঃ ;—য ইদং
ধর্মক্ষেত্রং কুরুক্ষেত্রং চকার ।” (বিষ্ণুপুরাণ) ।
“ঋক্ষাৎ সংবরণো জজ্ঞে কুরুঃ সংবরণাত্থা ।
যঃ প্রয়াগাদতিক্রমা কুরুক্ষেত্রং চকার হ ॥
পুণ্যঞ্চ রমণীয়ঞ্চ পুণ্যকৃষ্টির্নিষেবিতম্ ।
তস্যাম্বচায়ঃ সুমহান্ যস্য নাম্নোহথ কোরবাঃ ॥”

(ব্রহ্মপুরাণ ।)

চন্দ্রবংশে ঋক্ষ হইতে সংবরণ জন্মগ্রহণ করিয়াছিলেন। সংবরণের পুত্র প্রসিদ্ধ “কুরু,” যিনি প্রয়াগ অতিক্রম পূর্বক ধর্মক্ষেত্র “কুরুক্ষেত্র” প্রতিষ্ঠিত করিয়াছিলেন। কুরুক্ষেত্র পুণ্যজনক ও রমণীয় শোভাসম্পদবিশিষ্ট বলিয়া সেখানে পুণ্যাঙ্গণ মোক্ষলাভের উদ্দেশে অধিবাস করিতেন। অতঃপর কুরুর প্রসিদ্ধ বংশই কোরব নাম ধারণ করিয়াছিল।

৯৬। মুক্তিকামনাই জীবের অন্তিম লক্ষ্য ।

পুনর্জন্মজরাছেদকোবিদঃ শ্রাদ্ধরঃক্ষয়ে ।
বিহরেণ পুনর্জন্মবীজং জ্ঞানানলে হতম্ ॥ .

জীবনের অন্ত হইলে যাহাতে পুনর্বার জন্মগ্রহণ করিয়া জরা ও সাংসারিক ক্লেশপরম্পরা ভোগ করিতে না হয়, সেই জন্ম নিম্ন বুদ্ধিবৃত্তিকে সমাহিত

করিবে। বিবেকী বিহুর পরমার্থ অবলম্বন পূর্বক নিজের জ্ঞানরূপ অগ্নিতে পুনর্জন্মের বীজরূপ অজ্ঞানতাকে উন্মীভূত করিয়া ফেলিয়াছিলেন।

“বিহুরশ্চ মহাপ্রাজ্ঞো যযৌ সিদ্ধিং তপোবলাৎ ।

ধৃতরাষ্ট্রঃ সমাসাশ্চ ব্যাসঋষেব তপস্বিনম্ ॥”

(মহাভারত ।)

মহাপ্রাজ্ঞ বিহুর নিজ তপোবলে মোক্ষরূপ সিদ্ধি লাভ করিতে সমর্থ হইয়াছিলেন। রাজা ধৃতরাষ্ট্র মহর্ষি ব্যাসদেবের উপদেশ অনুসারে সংসারপাশ হইতে বিমুক্ত হইয়াছিলেন।

৯৭ । অস্তে পরমাত্মার সাক্ষাৎকারই অবলম্বনীয় ।

পরমাত্মানমস্তে হস্তজ্যোতিঃ পশ্চৎ সনাতনম্ ।

তৎপ্রাপ্ত্যা যোগিনো যাতাঃ শুকশাস্তনবাদয়ঃ ॥

যিনি সনাতন, যিনি জীব মাত্রেয় অস্তরে জ্যোতিঃ স্বরূপ ; সেই পরমাত্মা পরমেশ্বরকে যাহাতে সাক্ষাৎ করিতে সমর্থ হইতে পারা যায়, তদ্রূপ যোগক্ষি সম্পন্ন হওয়া কর্তব্য। শুক ও ভীষ্ম প্রভৃতি অস্তিমকালে যোগবলে পরমাত্মার সত্ত্বা প্রত্যক্ষ করিয়া অপুনরাবৃতি মুক্তিভাজন হইয়াছিলেন।

“ভগবান্ উবাচ ।

ব্যাসপুত্র মহাভাগ প্রাতোহশ্মি তব সুরত ।

নিত্যমুক্তস্বরূপত্বং পূজ্যমানঃ সুরৈন'তৈঃ ॥

* ব্যাসের ঔরসে শূদ্রাগর্ভে বিহুরের এবং মহাবংশপ্রসূতা স্কন্ধত্রিণা মহিষীষয়ের গর্ভে ধৃতরাষ্ট্র ও পাণ্ডুর জন্ম হইয়াছিল। এই স্থানে মহাত্মা বিহুরের সমুচ্ছল যুক্তির দৃষ্টান্ত দেখাইয়া ভগবান্ বেদব্যাস অহংজ্ঞানরূপ অন্ধতামিশ্রবিহিতদৃষ্টি ব্যক্তির জ্ঞানচক্ষু উন্মীলনের জন্য স্তম্ভিত জ্ঞানশলাকার প্ররোগ করিয়া গিয়াছেন। অতঃপর “শূদ্রাগর্ভজাত বিহুরেরও যোগবলে মুক্তিলাভ হইল”—এইরূপ বলিয়া গিয়াছেন বলিয়া নারায়ণের সাক্ষাৎ অবতার, ব্যাসদেবও “দাসকন্ডার গর্ভজাত” বলিয়া “ব্রহ্মণ্য” হইতে পরিচ্যুত হইয়া পড়িবেন কিনা, বর্ডমান প্রকৃষ্টতার বিচারে তাহাও নিবিড় অজ্ঞান ওহাগহরে নিহিত রছিল !

“নিরপেক্ষঃ শুকো ভূত্বা নিঃস্নেহো মুক্তবন্ধনঃ ।

মোক্ষমেবানুমক্ষিস্তা গত এব পরং পদম্ ॥”

(নারদ পুরাণ ।)

ভগবান্ বলিলেন, হে মহাভাগ ব্যাসপুত্র, শুকদেব, তোমার তপশ্চরণে আমি সন্তুষ্ট হইয়াছি। তুমি নিতাই মুক্তস্বরূপ, এইজন্য দেববৃন্দও তোমাকে প্রণতি করিতেছেন।

বিষয়ের প্রতি শুকের কোন আসক্তিই ছিলনা, কাহারও প্রতি তাঁহার স্নেহ বা মমতা ছিলনা; ফলতঃ তিনি সংসারের সকল পাশ হইতে সম্পূর্ণ নিমুক্ত হইয়াছিলেন। এইজন্য অনুরাগ মুক্তিমার্গের অনুধাবন করিয়া শুক পরমপদ মোক্ষলাভে সমর্থ হইয়াছিলেন।

“এবমুক্তা কুরুন্ সর্কান্ ভীষ্মঃ শান্তনবস্তদা ।

তুষ্ণীং বভূব কোরব্যঃ স মুহূর্ত্তমরিন্দম ॥

ধারয়ামাস চাত্মানং ধারণাস্থ যথাক্রমম্ ।

তশ্চোৰ্দ্ধমগমন্ প্রাণাঃ সগ্নিরুদ্ধা মহাত্মনঃ ॥

(মহাভারত ।)

উপস্থিত যুধিষ্ঠির প্রভৃতি কোরবদিগকে উপদেশ প্রদান করিয়া শরতল-শায়ী শান্তনুন্দন ভীষ্ম মুহূর্ত্তকাল মৌন অবলম্বন করিয়া রহিলেন; কিন্তু তখনই তিনি যোগমার্গের ক্রম অনুসরণ পূর্বক হৃদয়স্থিত পরমাশ্রয় সমাহিত হইলেন। অনন্তর সাধনাবলে ভীষ্মের প্রাণবায়ু সংনিরুদ্ধ হইয়া উর্দ্ধদেশে গমন পূর্বক ব্রহ্মরুদ্ধ ভেদ করিয়া প্রস্থান করিল।

৯৮। “কীর্ত্তির্ষস্য স জীবতি ।”

প্রাপ্তাবধিরজীবেহপি জীবেৎ স্কৃতসন্ততিঃ ।

জীবন্ত্যদ্যাপি যাক্কাভুমুখাঃ কায়ৈর্ঘশোময়ৈঃ ॥

কণভঙ্গুর পাঞ্চভৌতিক শরীরের অবসানেই জীব পঞ্চত্ব প্রাপ্ত হইয়া থাকে, তখন আর এই সংসারে কোন বিষয়ের সহিত তাঁহার কোন সম্বন্ধই বর্ত্তমান থাকে না; ইহা যথার্থ বটে; কিন্তু কীর্ত্তিমান্ ব্যক্তির স্কৃতি

সমূহ দেহ অবসানের পরে “অমরত্ব” লাভ করিয়া বর্তমান থাকে, তাহার আর ধ্বংস হয় না। মাক্কাতা প্রভৃতি সংকীৰ্ত্তিশালী নৃপতিবর্গ এক্ষণে আর বর্তমান নাই বটে, কিন্তু তাঁহারা অক্ষয় যশোরূপ শরীর পরিগ্রহ করিয়া এখনও এই নন্দন জগতে “অনন্দ” ভাবে বর্তমান রহিয়াছেন।

“মুচুকুনোহথ মাক্কাতা মরুতশ্চ মহীপতিঃ ।

কীৰ্ত্তিং পুণ্যামবিন্দন্ত যথা দেবাস্তপোবলাৎ ॥”

(মহাভারত ।)

মরুত, মাক্কাতা ও মুচুকুন্দ প্রভৃতি নরপতিগণ সংকার্ষ্য দ্বারা পুণ্যকীৰ্ত্তির ভাজন হইয়াছিলেন, যেরূপ দেবতারা তপস্বী দ্বারা স্নকীৰ্ত্তিশালী হইয়াছিলেন।

৯৯ । অস্তে বিষ্ণুর স্মরণে মুক্তিলাভ ।

অস্তে সন্তোষদং বিষ্ণুং স্মরেদ্ধস্তারমাপদাম্ ।

শরতল্লগতোভীষ্মঃ সস্মার গরুড়ধ্বজম্ ॥

যাঁহার স্মরণে সকল বিপদ হইতে সমুত্তীর্ণ হইতে পারা যায় এবং একমাত্র যিনি অক্ষয় “সন্তোষ” রত্ন প্রদান করিতে সমর্থ,—অস্তিমকালে কেবল সেই ভগবান্ ‘বিষ্ণুকে’ই স্মরণ করা কর্তব্য। মহাবীর ভীষ্ম শরতল্লগে শয়ান থাকিয়াও গরুড়ধ্বজ বিষ্ণুর স্মরণে মুক্তিলাভ করিয়াছিলেন।

“ভীষ্ম উবাচ ।

ভগবান্ দেবদেবেশ সুরাস্মরনমস্কৃত ।

ত্রিবিক্রম নমস্তেহস্ত শঙ্খচক্রগদাধর ॥

স মাং ত্বমজ্ঞানীহি কৃষ্ণ মোক্ষ কলেবরম্ ।

ত্বয়াহং সমজ্ঞাতো গচ্ছেয়ং পরমাং গতিম্ ॥

বাসুদেব উবাচ ।

অজ্ঞানামি ভীষ্ম ত্বাং বসুন্ প্রাপ্নুহি পার্থিব ।

ন তেহন্তি ত্রিভিনং কিঞ্চিদিহ লোকে মহাত্মতে ॥

পিতৃভক্তোহসি রাজর্ষে মার্কণ্ডেয় ইবাপরঃ ।

যেন মৃত্যুস্তব বশে স্থিতো ভূত্য ইবানতঃ ॥’ (মহাভারত ।)

ভীষ্ম বলিলেন, হে ভগবন্ শ্রীকৃষ্ণদেব, তুমি দেবতাদিগেরও কর্তা, তাহাতে সুর ও অসুর সকলেই তোমাকে নমস্কার করিয়া থাকেন। ত্রিবিক্রম রূপধারণ করিয়া তুমি দানবীর অসুররাজ বলির দানগর্ভ বিহত করিয়াছিলে। তুমি শঙ্খ, চক্র ও গদা ধারণ করিয়া জীবগণের মঙ্গল নিদান হইয়াছ;—অতএব আমি তোমাকে নমস্কার করিতেছি। হে কৃষ্ণ, এক্ষণে আমি বন্ধনভূত এই পার্থিব দেহ পরিত্যাগ করিতে অভিলাষ করিয়াছি, অতএব আমার এই শুভকার্য্যে তুমি অনুজ্ঞা প্রদান কর। হে কেশব, আমার অন্তরে ও বাহিরে উভয়ত্রই তুমি বিরাজ করিতেছ, অতএব তোমা কর্তৃক অনুজ্ঞাত হইলেই আমি একমাত্র কাম্য পরমপদ মোক্ষলাভ করিতে সমর্থ হইব।

তখন বাসুদেব শ্রীকৃষ্ণ ভীষ্মকে বলিলেন;—হে মহাবীর ভীষ্ম, আমি তোমার পরলোক গমনে অনুমতি প্রদান করিতেছি; হে পার্থিব, তুমি স্বীয় “বসু” লোক প্রাপ্ত হও। হে শান্তনুন্দন, তুমি নিজের অপক্লিষ্ট পুণ্য প্রভায় এইক্ষণ পর্য্যন্ত মর্ত্যের পাপরাশি অপসারিত করিতেছ; কারণ, হে মহাত্মা, তুমি নিজের এই দীর্ঘজীবনে সর্ববিধ পাপের সম্পর্ক হইতে সম্পূর্ণ বিমুক্ত থাকিয়া অকলঙ্ক পূর্ণচন্দ্রের ন্যায় অটলভাবে অবস্থিতি করিয়াছ! হে রাজর্ষে, তোমার ন্যায় প্রকৃত পিতৃভক্ত, এই ধরণীমণ্ডলে কখনও দেখা যায় নাই! সেই পিতৃভক্তির পুণ্য প্রভাবেই তুমি মহর্ষি মার্কণ্ডেয়ের ন্যায় অবহেলে মৃত্যুকে পরাজিত করিতে সমর্থ হইয়াছ, তাহাতেই মৃত্যু বিনীত ভূত্যের ন্যায় আজ্ঞাবহ হইয়া তোমার অপেক্ষা করিতেছে! (ইহার পরের বৃত্তান্ত ৯৭ শ্লোকে দ্রষ্টব্য।)

১০০। গ্রন্থের শ্রাবণ মাহাত্ম্য।

শ্রব্য। শ্রীব্যাসদাসেন সমাসেন সত্যং মতা।

ক্ষেমেন্দ্রেণ বিচার্যেয়ং চারুচর্যা প্রকাশিতা ॥

যে সদাচার পরম্পরা সাধুব্যক্তিগণ অনুসরণ করিয়া আসিয়াছেন, তাহা অবলম্বন পূর্বক শ্রীব্যাসদেবের দাস “ক্ষেমেন্দ্র” কর্তৃক অভিনিবেশ সহকারে সংকলিত। এই “চারুচর্যা”, ইহ ও পারলৌকিক মঙ্গল বিধায়ক বলিয়া—সকলেরই শ্রবণ করা কর্তব্য।

ইতি শ্রীপ্রকাশেন্দ্রাশ্রয়-ব্যাসদাসাপরাখ্য মহাকবি শ্রীক্ষেমেন্দ্রকৃতা চারুচর্যা

সমাপ্তা।

“চাক্ষুর্ঘ্যা” সমাপ্ত হইল। মহকবি শ্রীক্ষেমেন্দ্র ইহার প্রণেতা, তিনি শ্রীপ্রকাশেন্দ্রের কৃতীপুত্র। ভগবান্ বেদব্যাসের ছায়া অবলম্বন পূর্বক এই গ্রন্থ বিরচিত হইয়াছে, এইজন্য গ্রন্থকার সম্মানের সহিত “ব্যাসদাস” এই উপাধি গ্রহণ করিয়া আশ্বগৌরব প্রকাশ করিয়া গিয়াছেন।

শ্রীমথুরানাথ মজুমদার কাব্যতীর্থ কবিচিন্তামণি ।

পাঁচফুলের সাজি ।

(পূর্বানুবৃত্তি)

দ্বিতীয় স্তবক ।

ভোলা পাগলা গুরকে ভোলানাথ চক্রবর্তী বহদুর পর্যটনের পর মালিনীর সন্ধান পাইয়া কথঞ্চিৎ আশ্বস্ত হইল। মালিনী সাজিটা ভোলানাথ চক্রবর্তীর হস্তে অর্পণ করিয়া নিরস্ত হইয়া গৃহাভিমুখে প্রত্যাবর্তন করিতেছিল। আর তাহার আপাততঃ কোন আবশ্যক কার্য ছিল না। বটে, কিন্তু ঘরমুখো বাঙ্গালী গৃহাভিমুখে রওনা হইলে ষেরূপ দ্রুতভাবে প্রত্যাবর্তন করে, মালিনী সেরূপ দ্রুতভাবে না আসিয়া বরং মন্থরগমনে সহজ-মনে গৃহাভিমুখে প্রত্যাবৃত্ত হইতেছিল। সহসা পদশব্দে পশ্চাৎ ফিরিয়া চক্রবর্তীকে দ্রুতপদে তাহারই অনুসরণ করিতে দেখিয়া একটু থমকাইয়া দাঁড়াইল। ভোলানাথ সাজিটা মালিনীর সম্মুখে রাখিয়া দিয়া কহিল, “মালিনী, তুমি তো ফুলের ব্যবসা লইয়া প্রবীণা হইলে, তোমাকে আমার তো বুঝাইবার নাই। তবে কেন সাজিটা আজ এমন অসম্পূর্ণভাবে সাজাইলে? যখন বিদ্যৎ-সমাজে এই উৎকৃষ্ট ফুলের নমুনা পাঠাইতেছ, তখন সর্বোৎকৃষ্ট পদ্মফুলটিকে বাদ দেওয়া ঠিক হয় নাই।”

মালিনী সাস্চর্য্যে কহিল, “ও হরি! এই জন্ত তুমি এতদূর দৌড়ে এসেছ? তোমার মতন অর্ধাচীন ব্রাহ্মণ একালে তো দেখি না। পূর্বকালে যখন আর্ক-ফলার পসার ছিল, তখন পদ্মের আদর ছিল, ইংরাজিনবিশ বাঙ্গালী পাঠকের কাছে পদ্মের আদর নাই। পদ্ম এখন বাঙ্গালী পাঠক-সমাজ থেকে সরে পড়ে,

কালিঘাটে ডালার দোকানে আড্ডা নিয়েছে ; আর না হয় বড় জোর পদ্মকে কখন কখন সাহেবদের ডিনার টেবিলের শোভাসম্বন্ধিনীরূপে দেখিতে পাওয়া যায় । এই সামান্য বিষয়টা নিজে মীমাংসা না করতে পেরে, আমার নিকট আসা, তোমার বুদ্ধির পরিচয় হয় নাই । এখন বুঝলে ? যাও, বন্ধীর পাঠকের হাতে সাজিটা শীঘ্র পৌঁছে দাও গিয়ে । নতুন বিলম্বে ফুলগুলি শুকাইয়া যাইবে ।” এই বলিয়া মালিনী মন্থরগমনে গৃহাভিমুখে প্রত্যাবর্তন করিল, ভোলানাথও রাজপথ-পার্শ্বস্থিত এক সুরমা উদ্যানে প্রবেশ করিয়া তন্মধ্যস্থিত এক সুন্দর সরসীর মর্ম্মর-প্রসূরনির্ম্মিত সুপ্রশস্ত সোপানরাজির সর্ব্বোচ্চ সোপান-চত্বরে উপবিষ্ট হইয়া শ্রান্তিদূর করিলেন । উদ্যানবাটিকার চতুর্পার্শ্বে তরুণাথে সুবাসিত কুমুমচয় প্রস্ফুটিত হইয়া উদ্যানের মনোহর শোভা বিকীর্ণ করিতেছে । ক্ষুদ্র ক্ষুদ্র কুমুমবৃক্ষে মল্লিকামালতীঘাতিযুথী-বেলাদি কুমুম প্রস্ফুটিত হইয়া বাগানের শোভা বৃদ্ধি করিয়া মধুর সৌরভে উদ্যান সুরভিত করিয়া তুলিয়াছে । মধুমক্ষিকা দলে দলে আসিয়া ক্ষুদ্রবৃহৎ কুমুম বৃক্ষগুলি ছাইয়া ফেলিয়াছে । তাহাদের মধুর গুঞ্জন উদ্যান মুখরিত । কোথাও প্রস্ফুটিত রজনীগন্ধা আপন সৌরভে আপনি বিভোর হইয়া কুমুমস্তবকসহ ঈষৎ নমিতাকী ; যেন নমিতভাবে সুকুমার অঙ্গ হেলাইয়া মধুপদলকে আহ্বান করিতেছে । মধুপদল তাহাদের সেই প্রেমের আহ্বানে কুমুমিত গোলাপরাজি পরিহার করিয়া যেন তাহাদেরই সহিত যোগদিবার জন্ত দলে দলে সমাগত ।

ভোলানাথ কুমুম সৌরভ-বাসিত সাক্ষাসমীরণ সেবনে প্রফুল্ল তাহাতে আবার নানাবর্ণের কুমুমশোভায় চিত্ত বিমোহিত, যেন তিনি ভাবময় নন্দনকাননে প্রবিষ্ট । ভোলানাথের চিত্ত ভাবঘোরে জাগ্রতে স্বপ্ন দেখিতে লাগিল । সেই স্বপ্নরাজ্যে ভোলানাথ যেন এক অভূতপূর্ব্ব শক্তিশালী করিয়াছিলেন । যেন তিনি মধুপগুঞ্জন বুঝিতে পারিতেছিল । যেন তরুলতাগণের সূক্ষ্ম প্রাণসঞ্চার অবগত হইতেছিলেন । ভোলানাথ যেন অমানুষী শক্তিতে শক্তিমান । ভোলানাথ শুনিলেন, যেন একটি মধুকর প্রেমোন্মত্ত ভাবে কুমুমিতা রজনীগন্ধার নিকট সবেগে উড়িয়া যাইয়া কহিতেছে, “অগ্নি ধবলাঙ্গি প্রেমময়ি রজনীগন্ধে ! কেন তুমি অধোবদনে বিমর্ষভাবে অবস্থান করিতেছ ? আমি প্রেমসৌরভভরা সুন্দরী গোলাপরাণীকে প্রত্যাখ্যান করিয়া তোমার বিমল

প্রেমে আকৃষ্ট হইয়া তোমার প্রেম যাচঞা করিতেছি । আমাকে অনাদর করিও না । তোমাভিন্ন আমি অন্য কুসুমের রত নহি । বসন্তানিলসংস্পর্শে যৌবনভারে তুমি প্রস্ফুটিত । অয়ি মধুরগন্ধে ! আর আমায় বিরহানলে দগ্ধ করিও না । ঐ শোন সহকারের নবপল্লবে দেহ আবৃত করিয়া কোকিল পঞ্চম স্বরে কুহরিতেছে অতএব একবার মুখ তুলিয়া প্রেমোন্মাদে উর্দ্ধদিকে চাহিয়া দেখ ।” সহসা সেই সময় ঝটিকা প্রবাহিত হইয়া কুসুম শুভকটিকে বলে সঞ্চালিত করিয়া বৃষ্টিচ্যুত করিয়া দিন ; সুতরাং তাহার ভাগ্যে রজনীগন্ধার সুমধুর মধুসঞ্চয় ঘটিল না ।

প্রেমাস্বাদনে প্রতিহত হইয়া মধুর গুণ গুণ রব তুলিয়া সন্নিহিত একটি চামেলি কুসুমবৃক্ষ আশ্রয় করিল । ভোলানাথ সেই গুণ গুণ রবের অর্থ হৃদয়ঙ্গম করিল । মধুর কহিতেছে, “চামেলি ! তোমার মধু ত্রিগুণসম্পন্ন, অর্থাৎ ত্রিগুণরসাত্মক ! ত্রিগুণরসাত্মক অর্থে ভোলানাথ বুঝিল মধু, অম্ল ও কটু এই তিন গুণের মিশ্রণ চামেলিতে আছে । কিন্তু চামেলির সৌরভে মধুরতার মাত্রাইত অধিক । তাহাতে অম্ল বা তিক্ত রসের মিশ্রণ আছে বলিয়া অনুমিত হয় না । চামেলিতে অম্লরস বিদ্যমান থাকিলে বাবুদিগের পলান্নের চাটনিতে বিরাজ করিত ; কটু বা তিক্তরস থাকিলে ভিষকগণ পিত্তাধিক্যে তাহার ব্যবস্থা করিতেন । এই উভয় স্থলে চামেলির তো ব্যবস্থা দেখি না ; বরং স্নিগ্ধকারিতা গুণের জন্ত সুগন্ধিতৈল ব্যবসায়িগণ চামেলি ফুলের তৈল চোলাই করিয়া চামেলি তৈল মস্তিষ্ক শীতলের জন্ত বিক্রয় করিয়া থাকেন ও সৌখিন বাবুরা আদরের সহিত তাহা ক্রয় করিয়া ব্যবহার করেন । তবে ইহাকে মধুর ত্রিগুণরসাত্মক আখ্যা কেন দিল ? ভাবিতে ভাবিতে ভোলানাথের মস্তিষ্ক ভাবের আলোক দেখিল । সহসা ভোলানাথ বলিয়া উঠিল “হরি, হরি ! আর না এবার বুঝিয়াছি । তিনরসের পাকে তোমার তিনগুণ সমুৎপন্ন । মিষ্টরস সাত্বিক গুণের পরিচায়ক ; অম্লরস রাজসিক গুণের ও কটুতিক্তরস তামসিক গুণের পরিচায়ক । সুতরাং তিন গুণেই তুমি ভূষিতা । তোমার সৌগন্ধে সস্বগুণ ; স্বেতরূপের শিথায় রঞ্জোগুণ, এবং তোমার স্নিগ্ধকারিতার তামসিক গুণ বিরাজিত । তাই তোমার মধুর ত্রিগুণাত্মিকা বলিয়া গাহিল গুণ গুণ গুণ । তুমি রূপে দীর্ঘজীবিতাভাসমগ্নিত ধ্বলবরণা, রঞ্জোগুণ সম্পন্ন । সুরভিবাসে মধুরতামরী তাই সস্বগুণ বিভূষিতা । তুমি স্নিগ্ধ-

কারিণী, তুমি সম্মোহিনী অথচ মানিনী, কারণ ঈষৎ করসংস্পর্শে তুমি মলিনা হও, তাই তুমি অভিমানিনী, স্তূতরাং ত্রয়োশুণসম্পন্ন। এমন ত্রিগুণাঙ্ঘ্রিকা কুসুম-রাণীকে মালিনী বাদ রাখিল কেন? ইহাই এখন বিবেচ্য! চামেলি ত্রয়োশুণ সম্পন্ন বিধায় সহজে অভিমানিনী এবং মরণশীল বলিয়া সহজেই বিবর্ণা হয়, তাই মালিনী তাহার নির্বাচিত কুসুমের মধ্যে ইহাকে বাদ রাখিয়াছে। মধুকর চামেলি কুসুমে বসিতে না বসিতে চামেলি বিবর্ণা হইল। সুমিষ্ট সৌরভ লুপ্ত হইল। ভোলানাথ ভাবিল কত বিবেচনা করিয়া চামেলিকে মালিনী সাজিতে স্থান দেয় নাই।

মধুকর আবার শুণ শুণ রব তুলিয়া প্রক্ষুটিতা মল্লিকা কুসুম আশ্রয় করিল, চামেলি বিবর্ণা হইয়া বৃন্তচ্যুত হইয়া গেল। মধুকরের শুণ শুণ বন্ধারের অর্থ ভোলানাথ বুঝিল। মধুকর বলিতেছিল “ধিক্ ধিক্ চামেলি! তোমার রূপের গরব ক্ষণস্থায়ী, যৌবনের জলতরঙ্গবৎ আপাত মুগ্ধকারী, যৌবন গত হইলে রূপের শিখা নিষ্কাশন হয়, তখন যে তমসা সেই তমসা, অতএব তোমায় লইয়া কি করিব? তোমার সৌরভ গিয়াছে আমারও প্রয়োজন শেষ হইয়াছে!”

মল্লিকা অমলধবল শ্বেতাক্ষা, তাই মল্লিকা সন্ধ্যাগায়ত্রীর সহিত তুলনীয়া এবং পবিত্রা। দলে দলে মধুকর আসিয়া শিশিরস্নাত মল্লিকা সমূহ আশ্রয় করিল ও সুমধুর মধুপানে উন্মত্ত হইয়া পরাগপিসঙ্গ দেহে শুণ শুণ রব তুলিয়া উড়িয়া গেল। ভোলানাথ স্তূনিল, মধুকর কহিয়া গেল, “মল্লিকে! তোমার হৃদয় মধুভরে ঢলঢল, যে মধুকর তোমার সুমধুর মধু আশ্বাদন করিয়াছে সে আর ভুলিবে না। তুমি বাঙ্গালীর সুন্দরী যুবতী ও শুণবতী ললনার তুল্যা। তোমার মধু আশ্বাদনে বঙ্গ জয়দেবের মত কবির জন্ম। তুমি বাঙ্গালীর আদরের ধন। তুমি বঙ্গীর উত্তানে প্রক্ষুটিত থাকিলে বাঙ্গালী চিরকালই সুকবি হইবে। ধন্ত তোমার রূপগরিমা! ধন্ত তোমার মধুরমা! এই পুত মল্লিকা ছাড়িয়া, হে বঙ্গীয় যুবক, মাঝে মাঝে কেন রূপের ভ্রান্তিতে বিজ্ঞাতির কুসুমে রত হও! মল্লিকার শ্রায় রূপে শুণে ~~রঙ্গী~~ জগতে হুল্লভ! রূপের চটক আছে অথচ সহজে বিবর্ণা হয় না। কুকটরা মধু অথচ স্নিগ্ধ, উগ্রতা নাই। ভোলানাথের দৃষ্টি সহসা সরসীর সোপানচক্রের পার্শ্বস্থ বংশমঞ্চে নিপতিত হইল। ভোলানাথ দেখিল বংশমঞ্চে

সমাবৃত, করত অপরাঞ্জিতালতা বায়ু সঞ্চালনে ইতস্ততঃ বিক্ষিপ্ত হইতেছে ও অপরাঞ্জিতা প্রক্ষুটিতা হইয়া মঞ্চদেশ রূপমাধুরীতে সুশোভিত করিয়া রহিয়াছে । মরি মরি ! অপরাঞ্জিতার কিবা নীলিময় মাধুরি ! ভোলানাথের মন নীলিমা রূপমাগরে নিমজ্জিত হইল ।

ভোলানাথ উদ্ভিদের প্রাণ সঞ্চার অবগত ছিল । তাহাদের প্রতি স্পন্দন অনুভব করিতে পারিত । সে দিব্যচক্ষে দেখিল যেন বঙ্গীয় রমণী অপরাঞ্জিতায় রূপান্তরিত হইয়া ঘোবনভরে প্রক্ষুটিতা হইয়া মঞ্চপৃষ্ঠ সুশোভিত করিয়া রহিয়াছে । মালাকারে জগদম্বার কণ্ঠ বিভূষিত করিবার জগুই যেন তাহার সৃষ্টি । নীলিমারূপে বঙ্গীয় যুবকের নয়ন মুগ্ধ করিবার জগুই যেন মঞ্চপৃষ্ঠ সুশোভিত করিয়া অবস্থান করিতেছে । তাই মালিনী বাছিয়া বাছিয়া অপরাঞ্জিতায় তাহার সাজি সাজাইয়াছে । মরি মরি ! কিবা নিষ্ঠ নীলোজ্জ্বল তাহার রূপের মাধুরী ! অপরাঞ্জিতা কেবলমাত্র বঙ্গীয় রমণীরই তুলনা । অপরাঞ্জিতা কোমলাঙ্গী সুকুমার হরিতপত্রে অঙ্গ আবরিত করিয়া মঞ্চদেশ ঘনাবৃত করিয়া রহিয়াছে । প্রভাত বায়ু সুমন্দ সঞ্চালনে কুসুমকোরক ফুটাইয়া দিয়াছে । মধুলোভে মধুকরদল ঝাঁকে ঝাঁকে গুণ গুণ রবে ফুলে ফুলে মধুসঞ্চয় করিতেছে । এখনি অপরাঞ্জিতা আতপতাপে মুদিতা হইবে, আর তাহার ঘোবনভরা পূর্বমধুর মৌরভ থাকিবে না । তুমি জগৎব্যাপি আকাশের নীলমাধুরী অঙ্গে মাথিয়া নীলাম্বরে শোভিত হইয়া উদারতার পরিচয় দিতেছ । আকাশ যেরূপ উদার অনন্ত তুমিও তেমনি উদার অনন্ত । অনন্তের রূপ অঙ্গে মাথিয়া তুমি অনন্ত শক্তি প্রকৃতির এত আদরের প্রিয় কুসুম । থাক থাক ! অনন্ত শক্তির আদরের কুসুম হইয়া মহাশক্তির বক্ষুশোভিনী হইয়া তাঁহারই বক্ষে চিরকাল অবস্থান কর । মায়ের অনন্ত নীলবরণে নিজ বরণ মিলাইয়া পবিত্র ভাবে চিরকাল প্রকৃতির বক্ষে অবস্থান কর । তুমিও প্রকৃতির নিয়মাধীন থাকিয়া কাসে বিণীর্ণ হও বটে । কিন্তু নীলিমাবরণ সম্পূর্ণ মিলাইয়া যায় না । তুমি পবিত্র কুসুম, তাই তুমি নীলবরণা বঙ্গীয় রমণীর রূপান্তর মাত্র । তাই তোমায় বাছিয়া লইয়া মালিনী সাজিটা ভরিয়াছে । তাই কবি গাহিয়াছেন “মরি কি অপরাঞ্জিতা নীলিমার মাধুরী ।” •কোমলতাগুণে ও নীলমাধুরিতে বঙ্গীয় রমণী চির অতুলনীয় ;

কেবল মাত্র তোমারই তুলনা। মধুকর সতত সংযত থাকিয়া তোমার মধুপান করে।

বঙ্গীয় কুসুমের মধুরতায় মুগ্ধ হইয়া বঙ্গে এত বহু কবির জন্ম, এত সুললিত কবিতার ছড়াছড়ি। তাই বঙ্গদেশ কাব্যরসাপুত্র। তাই বঙ্গে কবিতার শোকোচ্ছ্বাস প্রকাশিত, রমণীর রোদনে কবিতার উচ্ছ্বাস, আনন্দে কবিতার প্রবাহ। ইতিহাস কাব্যে প্রণীত; জ্যোতিষ কাব্যে রচিত; ধর্মগ্রন্থ ছন্দো বন্ধে গ্রথিত; ধর্মশাস্ত্র বা নীরস আইন পর্য্যন্ত কবিতায় লিখিত। বঙ্গে কেন, ভারতে সমস্তই কাব্যময়।

মালিনী কবি নহিলে ফুলের ব্যবসা কেন করিবে? ফুলের ব্যবসা করিয়া ফুল চিনিয়া, তাহাদের বাছিয়া লইয়াই পাঁচ ফুলের সাজিটা সাজাইয়াছে। আমি মালিনীর কাছে হার মানিলাম। কাব্যরসামোদে মালিনীকে শ্রেষ্ঠা মানিয়া লইলাম।

একটা করবীর বৃক্ষ ভরিয়া করবীর কুসুম প্রস্ফুটিত হইয়া বৃক্ষটাকে সুশোভিত করিয়া যেন হাসিতেছে। ইত্যবসরে একটা কৃষ্ণকায় ভ্রমর বেগে করবীর বৃক্ষ সন্নিধানে উপস্থিত হইয়া একটা কুসুম স্তবকে উপবিষ্ট হইল। ভ্রমর গাহিল গুন্ গুন্ গুন্। ভোলানাথ বুঝিল, ভ্রমর কহিতেছে—হে করবীর! তুমি গুণসম্পন্ন, তোমার সকলই গুণ। আবার গাহিল গুন্ গুন্ গুন্, অর্থাৎ তোমার গুণে প্রকৃতি বশ। তাই সাধক অঞ্জলি ভরিয়া তোমাকে মহামায়ার চরণে অর্পণ করিয়া কৃতার্থ হইতেছে।

সরসীর সোপানচত্বরের পার্শ্বস্থিত একটি চম্পক বৃক্ষে চম্পককোরক সাক্ষা বসন্তানিলনঃস্পর্শে প্রস্ফুটিত হইতেছিল। তাহাদের হৃদয়ব্যাপি স্নগন্ধে ভোলানাথের চিত্ত প্রশান্ত হইল, তাহার মন যেন তদানীন্তন স্বপ্নরাজ্যে বিচরণ করিতে লাগিল। উজ্জ্বল চম্পক সৌরভে সুরভিত, রূপের প্রভায় উজ্জলিত, যেন প্রাণ সঞ্চারে মুখরিত। তখন রজনী পূর্ণভাবে সমাগত হয় নাই। তখনও অস্তমিতপ্রায় রবির হেমাভ কিরণ সম্পূর্ণ বিলুপ্ত হয় নাই, উজ্জ্বল বৃক্ষশিরে পত্রে পত্রে সেই ক্ষীণ কিরণ তখনও বিদ্যমান। সাক্ষ্যগগনে পাপিয়ার সপ্ত-গ্রামোখিত স্তম্ভুর স্বর কোকিলের পঞ্চমস্বরে মিলিত হইয়া এক মনোহর

শ্রুতিস্বধকর স্বরের জমাট বাধাইয়া দিয়াছে । যেন অনবরত স্বরশ্রোত প্রবাহিত হইয়া জীবজন্তুগণকে মুগ্ধ করিয়া রাখিয়াছে । যেন ভগবানের মহিমা প্রচার করিবার জগুই এ সুমধুর স্বরের সংবর্ধনা । চম্পক সৌরভে মধুকর-নিকর দিগ্দিগন্ত হইতে চম্পক বৃক্ষাভিমুখে প্রধাবিত হইয়া গুন্ গুন্ রবে চম্পক কুসুমের চতুর্পার্শ্বে ঘুরিয়া ফিরিয়া ভেঁ ভেঁ শব্দে একবার কোরকসন্নিধানে, একবার প্রক্ষুটিত কুসুমগাত্র স্পর্শ করিয়া কুসুম সুরভি বাসে বিভোর হইয়া উন্নতবৎ ইতস্ততঃ ধাবিত হইতে লাগিল । হে চম্পক, বঙ্গীয় যুবক তোমার উজ্জল পীত গৌরবর্ণে বিমুগ্ধ বটে, কিন্তু তোমার উগ্র-সুরভি বাসে তাহাদের মস্তিষ্ক বিঘ্নিত । তাই বঙ্গীয় মধুকর নিকটে থাকিয়াও তোমাকে সহজে স্পর্শ করিতে পারে না । ফিরিয়া ঘুরিয়া গুন্ গুন্ চোঁ ভেঁ শব্দে আবার প্রত্যাবৃত্ত হয় । দূর হইতে তোমার মধুবাসে আকৃষ্ট হইয়া নিকটে স্বতঃপ্রবৃত্ত হইয়া আসে বটে, কিন্তু আসিয়াই তোমার তীব্রগন্ধে আবার প্রত্যাবৃত্ত হয় । চম্পককুসুম পাশ্চাত্য শিক্ষায় শিক্ষিতা রমণীর সঙ্গী রূপে পুরুষের মন বিমোহিত করে বটে, কিন্তু উগ্রতায় ও আত্মগরিমায় পুরুষসিংহের অদম্য মনকেও সঙ্কুচিত করিয়া রাখে । রমণী যখন সুকুমার কুসুমের পবিত্রতা, কোমলতা ও সৌরভানুকরণে পুরুষের মন বিমোহিত করে তখন রমণী দেবী । কালিদাসের অতুলনীয় তুলিতে সেই রমণীরত্ন শকুন্তলা চিত্রিত, মেঘনাদবধের অপূর্ব তুলিকায় ডেবুডেমনা চিত্রিত । সীতা দময়ন্তী ও সাবিত্রীরূপ রমণীরত্নের গুণে বিজ্ঞান অরণ্যও এক সময় সুখ নিকেতনে পর্য্যবসিত ছিল । কিন্তু এই রমণী যখন আবার তাহার রূপ ও গুণের গর্বে উন্নত হইয়া, তখন সে সুখের সংসার জ্বালাইয়া দিয়া, অশান্তির ছত্ৰাশন প্রজ্জ্বলিত করিয়া, গুণবান্ পুরুষকেও সন্নতান করিয়া তোলে । জহরার গায় রমণী সিরাজের গায় সুচতুর নরশার্দুলকেও বিনষ্ট করিতে সমর্থ হইয়াছিল । ক্লিপেটরার গায় রমণী রাজ্যে বিদ্রোহানল জ্বালাইয়া দিয়া রাজ্য ধ্বংস করিয়াছিল । তাই বলি, রমণি তোমার সুরভি বাসে হৃদয় মুগ্ধ করিও, কিন্তু নিকটে আসিও না । পুরুষপতঙ্গ তোমার রূপবহিতে পুড়িয়া মরিবে । অয়ি চম্পক ! বৈশাখে তুমি নারায়ণের বড় প্রিয়, তোমাকে নমস্কার । তুমি ও মালিনীর নির্বাচিত কুসুম । তুমি শিক্ষিতা, উগ্র বাসে গর্ভিতা, তুমি বাঙ্গালীর আদরের ধন ।

এবার ভোলানাথের চমক ভাঙ্গিল ; সে সবেগে সাজিটী লইয়া গিয়া প্রসিদ্ধ সাহিত্য-সেবিগণের হস্তে সমর্পণ করিয়া মালিনীর আদেশ প্রতিপালন করিল । পাঁচফুলের নাম বঙ্গীয় সংবাদ পত্র সমূহের স্তম্ভে প্রচারিত হইল । মালিনী আপন শ্রম সার্থক হইয়াছে জানিয়া প্রীত হইল ।

(ক্রমশঃ)

শ্রীরাজেন্দ্রনাথ রায় ।

মহাগীত ।

(হাফেজ হইতে) ।

বেজেছে কি সুর হৃদয়-বীণায় প্রেমিকের হাতে পড়ি ;
জীবন ফুরায়—তথাপি সে গীতে রয়েছে পরাগ ভরি !
কালি নিশীথেও ছিহ্ন নির্ঝাঁকু বসি উপাসনা-কালে,
শুধু সেই গান মধু-গুঞ্জে বাজিয়াছে তালে তালে !
গত যামিনীর সে তন্ময়তা রহিয়াছে হৃদি-মাঝে,—
এ মনোনিলয়ে সে মহাগীতের ধ্বনি অহরহ বাজে !

শ্রেম-নিলয় ।

(হাফেজ হইতে) ।

এ হৃদয় তাঁর প্রেমের আবাস
এ অঁখি-মুকুরে প্রতিমা তাঁর ;
পাই অযাচিত করুণা যখন
ইহ-পরকাল ভাবিনা আর ।
নিবিড় প্রেমের ঠাঁই যে হৃদয়
মৃত্যুর মিছে ক্রকুটি সার !

শ্রীচণ্ডীচরণ মিত্র ।

“বিন্দু ।”

(গল্প)

আকাশ ঘনঘটাময় । “বিন্দু বিন্দু” বারি বর্ষণ হইতেছিল । মাঝে মাঝে বিদ্যুৎ চমকাইয়া বিশ্বসংসারকে করাল কালের মূর্ত্তিমান্ ছবি দেখাইয়া দিতেছিল । বোধ হইতেছিল যেন প্রকৃতি সংস্কৃত হইয়া এই জগৎকে একটা বিরাট আন্দোলনে আন্দোলিত করিবার জন্ত সংহারকর্ত্তা শঙ্করের দক্ষিণ বাহুতে পরিণত হইতে চেষ্টা করিতেছিল ।

তখন বরষা কাল । সজল জলদজাল আকাশকে বিশ্রামলাভের অবসর দিত না, প্রায় সকল সময়েই তাহাকে আপনার কৃষ্ণবর্ণ বিপুল অন্ধকারময় আবরণে আবৃত করিয়া রাখিত । এমনই গাঢ় মে অন্ধতামস আবরণ যে, তাহার দারুণ প্রভাবে প্রভাকরকর-উদ্ভাসিত দিবসকেও অমাবস্যার ভীম রজনী বলিয়া প্রতীয়মান হয় ।

এ হেন বরষার কোনও অমাবস্যার গভীর রজনীতে দুইটা বন্ধু রাজপুতনার যশল্লীর রাজ্যের অন্তর্গত মরুপ্রদেশের একটা সঙ্কীর্ণ রাজপথে দণ্ডায়মান হইয়া যেন একটা কিসের প্রতীক্ষা করিতেছিল । পথের চারিপাশে বিরাট অরণ্যাণী । একে বর্ষাকাল ; প্রাবৃটের কৃষ্ণাঙ্গ জলদপটল গগনকে আবৃত করিয়া ভয়াবহ করিয়া তুলিয়াছিল । তাহাতে আবার অমাবস্যার, নিশীথিনী ; তাহার উপর আবার বনপথ । ভীষণ বিটপশ্রেণী সঙ্কীর্ণ পথের দুই ধারে ; যেন ভীমাকার দৈত্যগণ মাথা তুলিয়া ব্রহ্মাণ্ডের বিরুদ্ধে বিদ্রোহ উপস্থিত করিয়াছে ।

পথিক দুই জন নিস্তব্ধ । বোধ হয় যেন তাহারা কোনও একটা অভাবনীয় ব্যাপারের জন্ত খাস রোধ করিয়া অপেক্ষা করিতেছে । প্রকৃতি যেমন প্রলয় ঝড়ের পূর্বে নিশ্চলভাবে অবস্থান করে, পথিকদ্বয়ও তদ্রূপ নিশ্চেষ্ট ।

বরষার বারিধর “গুরু গুরু” শব্দে চতুর্দিক বিকম্পিত করিয়া বিরাট গর্জনে দিগ্বাণুল নিনাদিত করিল । কুলায়স্থিত পেচক চকিতে চমকিত হইয়া

ডাকিয়া উঠিল । ফেরুপাল আর্তস্বরে বনরাজি প্রতিধ্বনিত করিয়া ফুকরিয়া উঠিল ।

দ্বিতীয় পথিক কি জানি কেন হঠাৎ চমকিত হইল । তাহার সেই চমকিত ভাব পর্যবেক্ষণ করিয়া প্রথম পথিকের বদনমণ্ডলে হাসির রেখা দিল । কিন্তু সে হাসি কি ভীষণ ! বোধ হয় যেন প্রাণহীনের বিকট দস্ত বিকাশ মাত্র । সে হাসিতে যেন ভীষণ সঙ্কল্পের ভয়ানক প্রতিচ্ছতি প্রতিফলিত ; তাহাতে হাসির সঙ্কণ্ড তিরোহিত, রজ্জোগুণ কলুষিত—আর তমোগুণ পূর্ণমাত্রায় প্রকটিত ।

মহুর্ভের মধ্যে প্রথম পথিক বিপরীত দিকে ফিরিয়া দাঁড়াইল । তার পর বজ্রগম্বীর স্বরে ক্ষণপূর্বের পেচকের স্বরকেও উপহাস পূর্বক কহিল—

“কি বন্ধু ! তোমার সঙ্কল্প কি পরিবর্তিত হইবে না ? এইবার তোমায় শেষ জিজ্ঞাসা করি, তুমি তার আশা ত্যাগ করিবে কি না ?”

দ্বিতীয় পথিক কাতরনেত্রে প্রথম পথিকের মুখপানে চাহিয়া মৃদুস্বরে বলিল—

“সে কি ভাই দুর্জনশাল ! আশা কি কেউ কখন ত্যাগ করিতে পারে ? আশাতেই যে জগৎ চলছে ।”

“অত কথা রেখে দাও, আশা ত্যাগ করবে কি না বল ? তার প্রণয়প্রার্থী দুইজনের এ ষশলীর রাজ্যে স্থান হইবে না । হয় তুমি এই রাজ্য হতে এই দণ্ডে চলে যাও, নয় মর ।”

এই বলিয়া দুর্জনশাল তাহার বক্ষোমধ্য হইতে তীক্ষ্ণধার ছুরিকা বাহির করিল । বিদ্যুৎ চমকাইয়া উঠিল ; বিদ্যুতের আলোকে দুর্জনশালের ভীষণ মূর্তি দেখিয়া দ্বিতীয় পথিক শিহরিয়া উঠিল ও ভীতি-বিহ্বল স্বরে বলিল—

“আচ্ছা ভাই, আমি চিরজীবনের মত চলে যাব ! কিন্তু তুমি একবার তার সঙ্গে দেখা করিতে দাও ।”

“না—না—তা হবে না । ওঃ ! আমি স্পষ্টই বুঝেছি, পৃথিবীতে তোমার আর স্থান নাই ।”

যেমনই কথা তেমনই সঙ্গে সঙ্গে দুর্জনশালের হস্তস্থিত ছুরিকা নররক্তপানে লোলুপ হইয়া উর্ধ্বে উখিত হইল ; ক্ষণপ্রভার ক্ষণিক আলোকে ছুরিকার

অগ্রভাগ ঝলসিয়া উঠিল। দ্বিতীয় পথিক আর্জুনের প্রার্থনা করিল, “না ভাই, মের না ; আমি এখনই চলে যাব ।”

“না । আর তা হ’তে পারে না ।”

সঙ্গে সঙ্গে ছুরিকার উগ্র ভয়ানক ভাব দ্বিতীয় পথিকের রক্তপানে প্রশমিত হইল। গগন বিকম্পিত করিয়া জলধর ডাকিয়া উঠিল। “বিন্দু বিন্দু” বারি বর্ষণও থামিয়া গেল।

দ্বিতীয় পথিক ব্যথিত নয়নে বিশ্রান্ত প্রকৃতির পানে ক্লান্তভাবে চাহিয়া রহিল। দেখিয়া দুর্জনশাল অদ্ভুত বিকৃত মুখভঙ্গি পূর্বক কহিল—

“কি বন্ধু? বড় বড় গাছকে না ‘বিন্দু বিন্দু’ বারিকে সাক্ষী মান্ছ? ওরা অচেতন পদার্থ, কেউ তোমার জন্ত সাক্ষী দিতে যাচ্ছে না।”

দ্বিতীয় পথিক অতি ক্ষীণ স্বরে উত্তর করিল—“ভয় হয় ভাই! এই—এই ‘বিন্দু বিন্দু’ বারিই বুঝি—” আর কথা বাহির হইল না। মৃত্যু আপনার কোড়ে দ্বিতীয় পথিকের অশান্ত আত্মাকে টানিয়া লইল। বারিবাহ বিপুলবেগে বারি বর্ষণ করিয়াই যেন পথিকের শ্রান্ত দেহকে শাস্ত করিয়া দিল। আর দুর্জনশাল সেই ভীমা নিশীথিনী ও ভীষণা রক্তকৃষ্ণময়ী প্রকৃতির মাঝে নির্বাক—নিম্পন্দ।

(খ)

দুর্জনশাল ও কিরণলাল পরস্পর বন্ধু। কিন্তু ঘটনাচক্রে দুইজনেই যশ-লীর রাজকর্মচারী ভজনলালের একমাত্র ছহিতা যমুনা বার্নের পাণিপ্রার্থী হয়। কিন্তু যমুনা দুর্জন অপেক্ষা কিরণের পক্ষপাতিনী ছিলেন। তাই দুর্জন তাহার প্রণয়পথের প্রতিদ্বন্দ্বী কণ্টকস্বরূপ বন্ধু কিরণলালকে অতি জঘন্য উপায়ে সংসার হইতে সরাইয়া দিল।

মানব অনেক সময় বুঝিতে না পারিয়া এমন অনেক কাজ করিয়া ফেলে, যে অবশেষে তাহার অনুশোচনায় আপন জীবনকে আপনিই মরময় করিয়া তোলে। দুর্জনশাল ক্ষণিক উত্তেজনায় বন্ধু কিরণলালের হত্যা-সাধন করিয়া যমুনার পাণিগ্রহণ পূর্বক স্থখী হইবে ভাবিয়াছিল, কিন্তু ঈশ্বরের অনির্দেশ্য শাসনে অনুশোচনার তীব্র বিষ তাহার হৃদয়ে অহর্নিশি জলিতেছিল। . .

তাহার মোটেই স্থখ ছিল না। “বিন্দু বিন্দু” বারি বর্ষিত হইতে দেখিলে

মনে মনে ভাবিত. ওই বৃষ্টি ‘বিন্দু’ তাহার বিরুদ্ধে সাক্ষ্য দিতে আসিতেছে। বড় বড় বৃক্ষ তাহার নয়নগোচর হইলে সততই তার মনোমাঝে উদিত হইত, যেন বৃক্ষ অব্যক্ত ভাষায় তাহার হীন কার্যের জন্ত তাহাকে তিরস্কার করিতেছে। ক্ষুদ্র বনপথে গমনকালে স্বতঃই কে যেন তাহাকে বলে যে, বাক্শক্তি-হীন পথ নিশ্চয় তাহার শোচনীয় পাপের ভার বহিয়া ক্ষয় হইয়া যাইতেছে।

যার মনে সতত কুচিন্তা তাহার সুখ কোথায়? কাজেই দুর্জ্ঞানও সুখী হইতে পারিল না। যদিও সে যমুনার পাণিগ্রহণে সমর্থ হইয়াছিল, তথাপি সে সুখী না হইয়া স্মৃতির তীব্র তাড়নে পাগলের মত হইয়া উঠিয়াছিল। স্মৃতির মর্শ্বঘাতিনী তীক্ষ্ণ যজ্ঞণায় সে আপনাকে স্থির রাখিতে পারিল না। স্মৃতি যেমন অনেক সময় সুখময়ীরূপে মানবের চোখের সম্মুখে সুখের ছবি ধরিয়া মরুময় জীবন সরস করিয়া তোলে, তেমনই আবার কখন কখন সুখময় জীবনকে দুঃখের আবর্তে ফেলিয়া দেয়।

যমুনাও স্বামীর এবংবিধ অবস্থা দেখিয়া নানারূপ দুশ্চিন্তায় আপনার জীবনকে দুঃসহ করিয়া তুলিয়াছিল। যদিও সে নানা উপায়ে স্বামীকে সুখী করিতে চেষ্টা করিত, কিন্তু কখনও পূর্ণরূপে সুখী করিতে পারিত না। আর নিজের অপটুতায়, মানসিক দৈত্যে, আপনি গুমরিয়া কাঁদিয়া ফাটিয়া মরিত। তাহার অবস্থা দেখিয়া দুর্জনের হৃদয়ের ব্যথা আরও দ্বিগুণতর হইয়া উঠিত, এবং মধ্যে মধ্যে সুখী হইতে ও যমুনাকে সুখিনী করিতে সক্ষম করিত।

কিন্তু সুখ কোথায়? সুখ যে মনের মাঝে। বাহ্যিক ক্রিয়াতে সুখ হয় না। সুখের মধুর আশ্বাদন লাভে অভিলাষী হইলে মনকে পবিত্র রাখিতে হয়। কুকর্মে জটিল অন্তরমাঝে সুখ প্রবেশ করিতে পথ পায় না। কাজেই দুর্জ্ঞানশাল সুখী হইতেও পারিল না এবং সুখী করিতেও পারিল না।

(গ)

দেখিতে দেখিতে একটা বৎসর অতিবাহিত হইয়া গেল।

আবার বরষা কাল সমাগত। পুনরায় “বিন্দু বিন্দু” বৃষ্টি পড়িতেছে। জলধর মণ্ডলে আকাশ সমাচ্ছন্ন হইয়া গিয়াছে। মাঝে মাঝে বিদ্যুৎ চমকিত হইতেছে ও ভীষণ জীমূতগর্জনে সমস্ত জগৎ কাঁপিয়া উঠিতেছে।

প্রকৃতির সঙ্গে সঙ্গে দুর্জনশালের হৃদয়গগনও চিন্তার কাল মেঘে আবৃত হইয়াছে । দুঃখের ঘনঘটায় তাহার অন্তস্তল মুহমান হইয়া পড়িয়াছে । মাঝে মাঝে বিজলীর মত যমুনা-প্রেম তাহার হৃদয়ের অন্ধকারকে আরও ভীষণ করিয়া তুলিতেছে !

কিন্তু কে জানে কোথায় বসিয়া বিশ্বনিয়ন্তা কালচক্র বিঘূর্ণিত করিতেছেন । আবার অমাবস্যা আসিল । সেই প্রারুঢ়, সেই ‘বিন্দু’ ‘বিন্দু’ বারিপাত, সেই অমাবস্যা-নিশীথিনী, সেই দুর্জনশাল ! দুর্জনশাল একটা প্রকোষ্ঠে উপবেশন পূর্বক একখানি পুস্তিকাপাঠে মনোনিবেশ করিল । নিকটেই যমুনা গৃহকার্য্য করিতেছিল । কিন্তু দুর্জন কিছুতেই অভিনিবিষ্ট হইতে পারিতেছিল না । কি যেন একটা বেদনা সতত তাহার অন্তরকে মথিত করিতেছিল । এইরূপ একটা ঘনঘটাময় রজনীতে সে তাহার বন্ধু কিরণলালের হত্যা সাধন করিয়াছিল না ? তাহার প্রাণের ভিতরটা কম্পিত হইয়া উঠিল । তাহার কপোলদেশে শ্বেদ বিন্দু নক্ষত্রের মত শোভা ধারণ করিল । দেখিতে দেখিতে “কড়্ কড়্” শব্দে গগন মণ্ডল বিদীর্ণ করিয়া বজ্র ডাকিয়া উঠিল । কে যেন তাহার প্রাণের ভিতর হইতে বলিয়া দিতে লাগিল—“সে দিনও এইরূপ বাজ ডাকিয়া উঠিয়াছিল । সে দিনও এমনি অন্ধকার সমাচ্ছন্ন ছিল ।” ক্রমশঃ বৃষ্টির বেগ বর্দ্ধিত হইতে লাগিল । গবাক্ষের ছিদ্র দিয়া সলিল প্রবাহ “বিন্দু বিন্দু” করিয়া গৃহে প্রবেশ করিতে আরম্ভ করিল । সঙ্গে সঙ্গে দুর্জনশালের প্রাণও অস্থির হইয়া উঠিল । তাহার অধরপ্রান্তে একটা ভীষণ জালামাখা বেদনা-পূর্ণ হাসির ক্ষীণ রেখা দেখা দিল । সেই হাসি দেখিয়া যমুনা শিহরিয়া উঠিয়া জিজ্ঞাসা করিল—

“তুমি অমন করিয়া হাসিয়া উঠিলে যে ?”

দুর্জনশালের বদনমণ্ডল সহসা শবের ঞ্চায় পাণ্ডুর হইয়া গেল । সে মুহুগন্তীর কণ্ঠে বলিল,—“এইরূপ একটা অমাবস্যার রাত্রিতে আমি কিরণকে হত্যা করিয়াছিলাম । কেন জান ? তোমাকে পাব বলে । সে তখন এই ‘বিন্দু’ ‘বিন্দু’ বারিকে সাক্ষী মানিয়াছিল ।”

যমুনা চমকিয়া উঠিল । কিন্তু দুর্জনের প্রাণের বেদনা যেন অনেকটা হালকা হইয়া গেল । সে প্রাণ ভরিয়া স্বচ্ছন্দে নিঃশ্বাস ত্যাগ করিল, তার মন যেন আপনা আপনি বলিয়া উঠিল “আঃ ! বাঁচলাম !”

(ঘ)

দুর্জনশাল বাঁচিল ; কিন্তু যমুনা অগ্নিগর্ভ শমীর ঞ্চায় পলে পলে দগ্ধ হইতে লাগিল । সেই অমাবস্যার ভীষণ রজনীতে তাহার ক্ষুদ্র হৃদয়ে যে তুমুল আন্দোলনের সৃষ্টি হইল, তাহা তাহাকে ক্রমে পাগল করিয়া তুলিল । সে স্বামীকে রক্ষা করিবার জন্ত প্রাণপণে তাহার কথা বুকের মধ্যে চাপিয়া রাখিল । কিন্তু স্বামীর প্রাণরক্ষা করিতে গিয়া তাহার জীবন সংশয় উপস্থিত হইল । যমুনা আর থাকিতে পারিল না । একদিন সহোদরার নিকট হৃদয়ের যন্ত্রণার কথা ব্যক্ত করিয়া, সে স্বর্গে চলিয়া গেল !

ক্রমে কথা রাজার কানে উঠিল । রাজা দুর্জনশালকে ডাকাইয়া পাঠাইলেন ।

সে দিনও বর্ষার বারিধরমালা প্রভাকরের প্রভা ক্ষীণ করিয়া ফেলিয়াছিল ; এবং মাঝে মাঝে “বিন্দু বিন্দু” বারি বর্ষিত হইতেছিল । এই দুর্দিনে সেই দুর্যোগের ঘটনায় দুর্জনের হৃদয়-গগন সমাবৃত ছিল । রাজা যখন দুর্জনকে জিজ্ঞাসা করিলেন, দুঃখভারাক্রান্ত দুর্জন তখন অপরাধ অস্বীকার করিতে পারিল না ।

দুর্জনের প্রাণদণ্ডের আদেশ হইল । তখন বন্ধুর প্রাণভয়ে ভীত বিষাদ-মলিন মুখ খানি তাহার মনে পড়িয়া গেল ; আর মনে পড়িল—“আমার ভয় হয় এই বিন্দু—” তাহিত “বিন্দু” আসিয়াই সাক্ষ্য দিল !

দুর্জন হাসিতে হাসিতে প্রাণ দিল । মরিবার সময় বলিল—“আঃ বাঁচিলাম !”

শ্রীবৈষ্ণনাথ কাব্যপুরাণতীর্থ ।

পিতৃনারায়ণের প্রতি ।

জীবনের পূর্বভাগে অক্রণের স্তম্ভিত-রঞ্জিত
স্নেহের কিরণ-পাতে উজ্জ্বলিত হৃদয়-গগন ;
বিলাস-মদিরা-তীব্র জীবনের প্রথম যৌবন,
মধ্যাহ্নের উগ্র জ্যোতিঃ, আজি পুনঃ করি অস্তহিত,
বাল্যের সে সরলতা, ক্রমে ক্রমে হ'ল প্রতিষ্ঠিত ।
বিগত কুটিলালপ, কোথা দূরে কিশোর স্বপন ?
জীবন-রঙিন-নেশা নীলাকাশে কুটীর-স্থাপন ?
সায়াক্ষে পশ্চিম রবি ঢলি বুঝি পশ্চিমে পতিত ।
তখন মানসপটে দেখা দিল অতীতের জপ—
ওগো “পিতা স্বর্গ পিতা ধর্ম পিতাই পরমস্তুপ ।”
দূরে গেল যৌবনের চিরোদ্যম বিলাসবাসনা ;
হৃদে এল শৈশবের অনাবিল সরল কামনা ।
তখন চিনিয়া নিল চিরারাধ্য প্রাণের সবিভা,
বুঝি “পিতরি প্রীতিমাপয়ে প্রিয়ন্তে সর্বদেবতা ॥”

শ্রীবেণ্ণনাথ কাব্যপুরাণতীর্থ ।

মহাকবি বাণভট্ট । *

(কাদম্বরীতে জন্মান্তরবাদ)

“ব্রহ্মানন্দং পরমসুখদং কেবলং জ্ঞানমুত্তিং
স্বন্দাতীতং গগনসদৃশং তত্ত্বমশ্রাদি লক্ষ্যং ।
একং নিত্যং বিমলমমলং সৰ্বদা সাক্ষীভূতং
ভাবাতীতং ত্রিগুণরহিতং সদৃশুৰুং তং নগামি ॥”

ইতিহাসের উপকারিতা ।

আমরা কুলার্ণবাত্মে উদয়নাচার্য্যধৃত একটা বচনে দেখিতে পাই,—

“চতুর্কর্গফলপ্রাপ্তিরিতিহাসং পুরাতনম্ ।
সংকীৰ্ত্তয়েং সদা ভক্ত্যা দেব-ঋষি-স্বধাভূতাম্ ॥”

অনন্ত রত্নপ্রসূ হইয়াও ভারত জাতীয় ইতিহাসে বড়ই দরিদ্র । এ দরিদ্রতার কারণ রত্নাভাব নহে, রত্ন অন্বেষণের অভাব । আমরা ঘরের ছেলের অপেক্ষা পরের ছেলেকে চিনিতে বেশী চেষ্টা করি, কিন্তু আমরা ভাবিয়া দেখি না যে, যথার্থ জাতীয় ইতিহাস জাতীয় উৎকর্ষ সাধনের প্রকৃষ্ট সোপান । যে জাতির জাতীয় ইতিহাসে তাহার “আত্মমর্য্যাদা” যতই প্রকট, সে জাতি নিশ্চয়ই ততই উন্নত ।

আজ আমি কোন প্রাচীন সংস্কৃত মহাকবির জীবন বৃত্তান্ত হইতে এ বিষয়ে যথাসাধ্য গবেষণা করিতে চেষ্টা পাইব । মহাত্মা ‘এডিসন্’ও বলিয়াছেন, কাব্য বৃত্তিতে হইলে কবিকেও চিনিতে হয় । সাহিত্য-সম্রাট বঙ্কিমচন্দ্রও যথার্থই বলিয়াছেন—“কবির কবিত্ব বৃত্তিয়া লাভ আছে বটে ; কিন্তু

* রংপুর উত্তরবঙ্গসাহিত্য সম্মিলনীর নবম অধিবেশনে দর্শন শাখার লেখক কর্তৃক পঠিত । (১৩২২, ২০শে চৈত্র) ।

কবিত্ব অপেক্ষা কবিকে বুঝিতে পারিলে আরও গুরুতর লাভ । কবিতা কবির কীর্তি, তাহা ত আমাদের হাতেই আছে, পড়িলেই বুঝিব । কিন্তু যিনি এই কীর্তি রাখিয়া গিয়াছেন- তিনি কি গুণে, কি প্রকারে এই কীর্তি রাখিয়া গেলেন তাহাই বুঝিতে হইবে । বস্তুতঃ গ্রন্থকারের উদ্দেশ্য অবস্থা প্রভৃতি জানিতে না পারিলে গ্রন্থের প্রকৃত বিশ্লেষণ অসম্ভব হইয়া উঠে ।

গ্রন্থকারের বংশপরিচয় ।

কান্তকুজাধিপতি মহারাজ হর্ষবর্দ্ধন, খৃষ্টীয় ৭ম শতাব্দীর প্রারম্ভে সিংহাসনে আরূঢ় হইয়া (৬০৭ খৃঃ) ৪৮ বৎসর রাজত্ব করেন । মহাকবি বাণভট্ট তাঁহারই সভাপণ্ডিত ছিলেন, উক্ত মহারাজের জীবনীই বাণের “হর্ষচরিত” নামে সুপ্রসিদ্ধ । সুতরাং বাণভট্টেরও জন্ম ষষ্ঠ শতাব্দীতে ইহা নির্দিষ্ট । শোণ নদের পশ্চিম তীরবর্তী “প্রাতিকূট” গ্রাম বাণভট্টের জন্মস্থান । ইহার পুণ্যকীর্তি পিতা ‘চিত্তভানু,’ রত্নগর্ভা মাতা রাজদেবী, পিতামহ ‘অর্থপতি,’ প্রপিতামহ ‘পাণ্ডপত,’ এবং বৃদ্ধ প্রপিতামহ “কুবের ভট্ট ।” ইনি বাৎস্যগোত্রীয় ব্রাহ্মণ । ইহা বাণভট্ট তাঁহার অক্ষয় কীর্তি কাদম্বরীর ভূমিকায় লিখিয়াছেন । প্রবন্ধকলেবর বৃদ্ধির ভয়ে সেই সকল শ্লোক উদ্ধৃত করিতে বিরত হইলাম । সুনিপুণ গ্রন্থকার, মহর্ষি জাবালির আশ্রমবর্ণনচ্ছলে স্বকীয় চতুষ্পাঠী, সতীর্থ ও অধ্যাপকগণেরই বর্ণনা করিয়াছেন ইহাই অস্বীকার্য ।

গ্রন্থাবলী ।

“কাদম্বরী,” “হর্ষচরিত,” “চণ্ডী শতক,” “পার্বতী-পরিণয় রূপক,” “মুকুট তাড়িত নাটক,” ও “সর্বস্ব চরিত” এই সকল গ্রন্থাবলী মধ্যে বাণের অক্ষয় কীর্তি কাদম্বরী-কথা-কাব্যই তাঁহার সর্বশেষ ও সর্বপ্রধান গ্রন্থ । তিনি যদি আর কোন গ্রন্থ না লিখিয়া মাত্র কাদম্বরীই লিখিয়া যাইতেন তাহা হইলেও তিনি সংস্কৃত কাব্যাকাশের প্রোজ্জ্বল গ্রন্থ নক্ষত্ররূপে চির দেদীপ্যমান থাকিতেন । আমরা কাদম্বরী হইতে দার্শনিক, ঐতিহাসিক, নৈতিক ও সামাজিক তথ্যগুলির বিশ্লেষণে, যথামতি যত্ন করিব ; কারণ প্রত্যক্ষ, অনুমান, উপমান, শব্দ ও ঐতিহ্য এই প্রমাণ পঞ্চকের মধ্যে ঐতিহাসিক প্রমাণও অমূল্যতম ।

গ্রন্থোক্ত বিষয়ের সহিত গ্রন্থকারের অবস্থা সমন্বয়।

বাণভট্টের বিভিন্ন গ্রন্থে তাঁহার শিশুকালেই মাতৃবিয়োগের এবং যৌবনের প্রারম্ভেই পিতৃবিয়োগের উল্লেখ আছে। এই মাতা-পিতৃ-ব্যসন, তিনি কাদম্বরীর প্রারম্ভে, স্মৃতিকারোণে শুকশিশুর মাতৃবিয়োগ ও কালাঙ্করূপী বৃদ্ধ শবর কতৃক পিতৃহত্যায় যেন স্পষ্টতঃ স্মৃতি-করিয়াছেন। মহর্ষি জাবালির পুত্র, কোমার ব্রহ্মচারী, স্বভাবসদয় হারীত মুনির অপ্রার্থিত শুকশিশুপালনব্যপদেশে যেন বাণভট্ট, নিজের কোন মহর্ষিপ্রতিম অধ্যাপকের নিকট আশ্রয়প্রাপ্তির কথা অতীব নিপুণতার সহিত প্রকটিত করিয়াছেন। হৃদয়ের মর্মস্থদভাব স্বভাবতঃই অতি করুণ ভাষায় প্রকাশ্য পায়, ইহা ভুক্তভোগী মাত্রই বুঝিতে পারেন।

দার্শনিকতত্ত্ব।

সাহিত্যে যা কিছু চাই তিনি স্বীয় গ্রন্থে একাধারে সে সকলেরই সমাবেশ করিয়াছেন। তিনি জন্মান্তরবাদটি নখদর্পণের আয় দেখাইবার জন্যই যেন শুকনাশপুত্র বৈশম্পায়নকে পুণ্ডরীক ও শুকপক্ষিরূপে, চন্দ্রদেবকে :চন্দ্রাপীড়রূপে, কপিঞ্জল ঋষিকে ইন্দ্রায়ুধ অশ্বরূপে, কমলাকে মাতঙ্গকুমারী রূপে, এবং চন্দ্রপত্নী রোহিণীকে তমালিকা রূপে পুনঃ পুনঃ ইহাদের বিভিন্ন জন্ম দেখাইয়াছেন, সর্বোপরি আরও দেখাইয়াছেন—সর্বদর্শনের অতি নিগূঢ় তত্ত্ব “জন্ম মৃত্যু রহস্য।”—কঠশ্রুতিতে দেখিতে পাই—

“যৌনিমন্ত্রে প্রপণ্ডন্তে শরীরস্য দেহিনঃ ।

স্বাবর মনুসংযান্তি যথাকর্ম যথা শ্রুতম্ ॥”

সর্ব উপনিষদের সারসংকলন গীতায় তাই স্পষ্টতঃ দেখি—

“যং যং বাপি স্মরন্ ভাবং ত্যজত্যন্তে কলেবরং ।

তং তমেবৈতি কোন্তেয় সদা তদ্ভাব-ভাবিতঃ” ॥৮।৬॥ (শ্লোকগীতা ॥)

বৈশম্পায়ন ও চন্দ্রাপীড়ের অজুষ্ঠমাত্র স্মন্দেহের চন্দ্রলোকে অবস্থিতি,— সম্পূর্ণ শ্রুতি-সম্মত। পুণ্ডরীক, মহাশেতা-বিরহে অচ্ছাদতীরে মরিয়া জন্মান্তরে অমাত্যপ্রবর শুকনাশবিপ্র-পুত্র বৈশম্পায়ন রূপে পবিত্র ব্রাহ্মণ কুলে জন্মিয়া পরম পণ্ডিত হইলেও, অচ্ছাদ তীরে পূর্বজন্মান্তরিত ব্রহ্মচারিণী মহাশেতা-

রূপানলে পতঙ্গবৎ পতিত হইয়া, ঘেরূপ শুকপক্ষিরূপ তির্যগ্জাতিত্ব প্রাপ্ত হইয়াছিল, উহা মৃত্যুকালীন মনোভাবেরই প্রাক্তন পূর্ণ অভিব্যক্তি ।

“কো নাম পাকাভিমুখশ্চ জন্তো
দৈবস্য দ্বারানি পিধাতুমিষ্টে ।”

তবেই দেখুন, মৃত্যুকালের মনোভাবই যে জন্মান্তরে প্রারক কর্মরূপে সর্বশ্রেষ্ঠ সংস্কারে পরিণত হয়, এই দার্শনিক তত্ত্বটী কেমন স্পষ্টতঃ প্রমাণিত হইয়াছে । তাই মহাকবি “মাঘ”ও দর্শনের সুরে বলিয়াছেন—

“সতীব যোষিৎ প্রকৃতিশ্চ নিশ্চলা
পুমাংসমভ্যতি ভবাস্তরেষপি ॥”

আবার যোগবলে সর্বজ্ঞ মহর্ষি জাবালি কতক শুকশিশুর বিভিন্ন জন্মবৃত্তান্ত বর্ণনে পাতঞ্জল যোগ দর্শনের বিভূতি পাদের কি অপূর্ব তত্ত্বই উদ্ঘাটিত হইয়াছে ।

সমাজ শাসনের ইঙ্গিত ।

স্বর্গবাসী ঋষি শ্বেতকেতু ও কমলবনাধিষ্ঠাত্রী কমলার ব্যভিচারোৎপন্ন পুণ্ডরীক সর্বগুণসম্পন্ন হইয়াও জন্মদোষে নীচ প্রকৃতি । ইহার বর্ণনে আৰ্য্যবিবাহ-বিধি লঙ্ঘনের কি বিষময় পরিণামই প্রকটিত হইয়াছে ।

কন্যাস্তম্ভপুত্র বর্ণনচ্ছলে তাৎকালিক ক্ষত্রিয় রাজকুমারীগণের যৌবন বিবাহ সমর্থন অপ্রাসঙ্গিক নহে । কুমার চন্দ্রাপীড়ের গুরুগৃহে বাস, সমাবর্তন ও দিগ্বিজয় বর্ণনাদিতে মহারাজ হর্ষবর্দ্ধনেরই তত্ত্বৎঅবস্থাবলি কোণলে চিত্রিত হওয়াই স্বাভাবিক ।

বিগ্ণা-জাতি-বয়োবৃদ্ধ, ব্রাহ্মণমন্ত্রী শুকনাশের উপদেশরত্নাবলী, শুধু চন্দ্রাপীড়ের কেন, জগতের সর্বশ্রেণীর জনগণেরই আদর্শনীতিরূপে, সর্বথা বরণীয় । বিশেষতঃ যৌবন, ধনসম্পত্তি, প্রভুত্ব ও অবিবেকতা-মুক্ত জনগণের পক্ষে সেইগুলি অমোঘ মহৌষধ স্বরূপ ।

হিন্দু জ্ঞীগণের সহমরণ প্রথা অথবা পতিগঠৈকচিত্তা হইয়া চিরব্রহ্মচর্য্য অবলম্বন এই শাস্ত্রীয় বিধিষ্মেরই সমর্থন এই গ্রন্থে উপলব্ধি হয় ।

তখন দেশান্তরে জলপথে যাতায়াতের পরিচয়ে, হিন্দুপরিচালিত জলযানে দেশান্তর যাতায়াত দূষিত ছিল না বলিয়া অনুমিত হয় ।

মহাশেতার রূপবর্ণনচ্ছলে “শ্বেতদ্বীপবাসীদের গ্রায় শুভ্র” এই বর্ণনায় তৎকালের পাশ্চাত্য জাতির সহিত সাক্ষাৎ বা পরিচয় অনুমান করা অসঙ্গত নহে । বাণভট্ট তদীয় “হর্ষচরিতে” কালিদাসের প্রশংসামুখে লিখিয়াছেন—

“নির্গতাসু ন বা কশ্চ কালিদাসস্য সৃষ্টিষু ।

প্ৰীতিমধুরসাদ্ৰাসু মঞ্জরিষিব জায়তে ॥”

ইহা হইতে কালিদাস যে বাণের অনেক পূর্ববর্তী কবি, তাহা স্পষ্টতঃ বুঝা যায় । “সোমদত্ত”-প্রণীত “কথাসরিৎ-সাগরের” একটা ক্ষুদ্র গল্প, এই অপূর্ব আখ্যানিকার আদর্শ ।

এই গ্রন্থের নাম মহাশেতা ও কাদম্বরী । ইহাদের মধ্যে কেন কাদম্বরীর নামেই কবি স্বীয় গ্রন্থের নামকরণ করিলেন ? ইহার উত্তরে ইহাই দেখা যায় যে, মহাশেতার যোগাবলম্বন স্বার্থমূলক, পতির জীবনলাভই তাঁহার একমাত্র লক্ষ্য ; তাই মহাশেতা সকামমাধিকা । কিন্তু কাদম্বরীর কোমার্ষ্যব্রতাবলম্বন সম্পূর্ণ পরার্থমূলক, সুহৃৎ-সহানুভূতির চরমাদর্শ, তাই কাদম্বরীতে কাদম্বরীরই শ্রেষ্ঠত্ব ।

কাদম্বরী নামের ব্যুৎপত্তি ।

কু (কুৎসিৎ) + অম্বরম্ (বস্মৎ) যস্যাঃ, “কোঃ কদাদেশঃ” ; অথবা কাদম্বরং (কলহংসবৎ) রোতি (শব্দায়তে) ইতি ; অথবা কাদম্বং (মদিরাং) রাতি (দদাতি) ইতি, কাদম্বরী ।

গ্রন্থবিষয় ।

কাদম্বরীর পূর্বোক্তি রচনার পরেই বাণভট্ট মিশ্র পরলোক গমন করেন । তৎপুত্র ভূষণভট্ট (ভূষণ বাণ) পিতৃ-কীর্ত্তি-রক্ষাচ্ছলে অতি বিনয় ও নিপুণতার সহিত শেষোক্তি সম্পূর্ণ করেন । ইহারই নাম পুত্র—

“পুত্রে বশসি তোয়ে চ নরাণাং পুণ্যালক্ষণং ।”

কাদম্বরীতে ইতিহাস পুরাণ ও অলঙ্কার শাস্ত্রের দোষগুণ ও অলঙ্কার প্রভৃতির এতাদৃশ যুগপৎ সমাবেশ আছে যে এমন আর কোন গ্রন্থে লিপিকুশলতার সহিত প্রকটিত হয় নাই ।

অলঙ্কারাদির সমাবেশে কাদম্বরী অপার্থিব ললামভূতা হইয়াছে । প্রত্যেক অলঙ্কারের যুগপৎ বহুত্রপ্রয়োগেও দ্বিকৃতি বা অত্যাতির লেশমাত্রও প্রকাশ পায় নাই । বরং ভাব-গাভীর্য্যে এক অপূর্ব শ্রীধারণ করিয়াছে ।

নিসর্গবর্ণন পাঠকালে যেন কিম্পুরুষ বর্ষ প্রভৃতি, পাঠকের নিকট জীবচ্ছবি বলিয়া প্রতীয়মান হইয়া থাকে । ইহার পৌরাণিক প্রসঙ্গাবলী বহুত্র যেন শাস্ত্রভ্রম জন্মাইয়া দেয়, ফলতঃ তখন ইহা যেন কোন শাস্ত্র গ্রন্থ বলিয়াই প্রতীত হইয়া থাকে । সংস্কৃত সাহিত্য-ভাণ্ডারে ইহা এক অদ্বিতীয় পার্থিব কল্পক্রম ; এ কল্পতরুর ছায়াতলে ভাবের সাধক—সাহিত্যের উপাসক—তন্ময়-চিত্তে উপবিষ্ট হইলে আকাজ্জক পরিভূপ্ত হইবে । সাহিত্যের দ্বারা সমাজের যে নিরতিশয় হিতসাধন হইতে পারে, সাহিত্যিক, ইহাতে অন্বেষণ করিলে, নিঃসন্দেহে তাহা পাইতে পারিবেন ।

শ্রীবাসুদেব সার্কভৌম বিদ্যালঙ্কার, কাব্যব্যাকরণতীর্থ ।

কৃত্তিবাস-স্মৃতিচিহ্ন-স্থাপন-সভায়

সভাপতির অভিভাষণ ।

ব্যাস, বাল্মীকি ও কৃত্তিবাস—সামান্য প্রাধিকান সহকারে দৃষ্টি করিলেই যেমন উপলব্ধ হয় যে, সংস্কৃত অনার্য্য কাব্যাবলীর অধিকাংশের উপরেই ব্যাস বাল্মীকির প্রভাব সুপরিষ্কৃত, কেহ মহর্ষি ব্যাস-বিরচিত কবিতা-কুণ্ডের পথিক, কেহ বা রত্নাকরের নানারত্নসমুদ্ভাসিত কবিতা-মন্দিরের যাত্রী ; এক-ভাবে না এক ভাবে যেমন ব্যাসবাল্মীকি এই উভয়ের একতরের কাব্যের আদর্শ, পরবর্ত্তী অনার্য্য কবিকুলের কাব্যাবলীর উপজীব্য, তদ্রূপ, বাঙ্গালার মহাকবি কৃত্তিবাসের প্রভাব,—তাঁহার ভাষার প্রভাব, ভাবের প্রভাব, রচনাভঙ্গির প্রভাব, তৎপর-বর্ত্তী বঙ্গীয় কবিকুলের উপর সম্যক্রূপে সুপরিষ্কৃত । কৃত্তিবাসের পরবর্ত্তী কবিবৃন্দ, যে সমুদয় স্মরণিকুসুমে বীণাপাণির পাদপূজা করিয়াছেন, তাহার

অধিকাংশই তদীয় কবিতারূপী কল্পনাকানন হইতে সংগৃহীত । এই হিসাবে, সংস্কৃত কাব্যাবলীর সহিত ব্যাসবান্দীকির যে সম্বন্ধ, বঙ্গভাষার কাব্যাবলীর সহিত কৃত্তিবাসের সেই-ই সম্বন্ধ ।

কালিদাস ও কৃত্তিবাস—আদিকবি বান্দীকির রামায়ণের পর কালিদাস আবার সেই রামচরিতেই পুনর্বর্ণন করিলেন । রামায়ণ শ্লোকবদ্ধ মহাকাব্য, কালিদাসের রঘুবংশও শ্লোকবদ্ধ মহাকাব্য । কালিদাসের আবির্ভাবের বহু-পূর্বে হইতে রামায়ণ ভারতের সকল সমাজে কীর্তিত, গীত, অধীত ও ডঙ্কি-পূর্বক শ্রুত হইত । তথাপি কালিদাসের রঘুবংশ ভারতের বিদ্বদ্ভূত সাদরে গ্রহণ করিলেন । ইহার হেতু কি ? একান্ত সুপরিচিত, সর্বদা শ্রুত বৃত্তান্তের পুনঃ পঠন-পাঠনে এই যে আগ্রহ, এত যে আদর, তাহার একমাত্র কারণ কালিদাসের প্রাজ্ঞল ভাষা ও ভাবের সুস্পষ্টতা । যদি ভাষা এত সুন্দরী এবং সম্পত্তি-শালিনী না হইত, তাহা হইলে, কেবল ভাবের তরঙ্গলীলায় বা কল্পনার জ্বীড়ায় কালিদাসের কাব্য সুধী-সমাজের চিত্তাকর্ষণ করিতে পারিত না । কল্পনা বিষয়ে বান্দীকির সহিত কালিদাসের তুলনা করিতে প্রয়াস পাওয়া বৃথা । তবুও যে, কালিদাস এত প্রসিদ্ধি লাভ করিয়াছেন, তাহার প্রধান কারণ তাঁহার সুমধুর ভাষা । কালিদাস ব্যতীত আরও অনেকে রামায়ণকে উপজীব্য করিয়া কাব্যাদি বিরচন করিয়াছেন, কিন্তু তাঁহাদের গ্রন্থ জন-সমাজে রঘুবংশাদির গ্যায় আদৃত হয় নাই । এই আদর-অনাদরের একমাত্র নিদান—ভাষাগত প্রাজ্ঞলতার উৎকর্ষাপকর্ষ এবং ভাবের সুস্পষ্টস্পষ্টতা । কালিদাস এমন মনোহারিণী ভাষায় তদীয় কাব্যাবলী নির্মাণ করিয়াছেন যে, যে কোন সময়ে, যে কোন সমাজের লোকেই তাহা পাঠ করুক না কেন, বিমুগ্ধ হইবে । সংস্কৃত সাহিত্যে এই ভাষাগত উৎকর্ষের জন্ম যেমন কালিদাসের শ্রেষ্ঠতা, বঙ্গীয় সাহিত্যেও তেমনই ভাষাগত উৎকর্ষের নিমিত্ত কৃত্তিবাসের শ্রেষ্ঠতা । যে ভাষা সম্প্রদায়-বিশেষের জন্ম উপনিবদ্ধ, অর্থাৎ কেবল শিক্ষিত বা কেবল অশিক্ষিতদিগের জন্ম যে ভাষা ব্যবহৃত, ধনী নিধন পণ্ডিত মুখ, ইহার একতরের উদ্দেশ্যে যে ভাষা গ্রথিত, তাহা কদাচ স্থায়ী বা সকলজনসম্মত উৎকৃষ্ট ভাষা হইতে পারে না । তাদৃশী ভাষায় নিবদ্ধ গ্রন্থাদি কখনও কালজয়ী হইতে পারে না । তাহাকে প্রকৃত ভাষা বলা যায় না । তাদৃশী ভাষায় বিরচিত গ্রন্থাদি কালের

তরঙ্গে দেখিতে দেখিতে ভাসিয়া যায় । অল্পকাল মধ্যেই তাহাদের অস্তিত্ব বিলুপ্ত হয় ।

যে ভাষা কোনও সম্প্রদায়বিশেষে সীমাবদ্ধ নহে, সকল সম্প্রদায়নির্কিশেষে, সমাজ-দেহের প্রত্যেক শিরা ধমনী কৈশিকায় যে ভাষা প্রবেশ করিতে পারে, প্রত্যেক সম্প্রদায়ের লোকে যে ভাষাকে “আমার” বলিয়া গ্রহণ করিয়া পরিতৃপ্তি লাভ করেন, শিক্ষিত অশিক্ষিত, ধনী নির্ধন, পণ্ডিত অপণ্ডিত, সকলে সমানভাবে যে ভাষাকে আদর করিয়া লয়েন, তাহাই যথার্থ ভাষা । কালিদাস যেমন তাদৃশী সর্বতোগামিনী সর্বতোব্যাপিনী ভাষায় গ্রন্থ রচনা করিয়াছিলেন বলিয়াই তদীয় কাব্য, সকল সম্প্রদায়, সকল সময়ে সকলের প্রিয় পদার্থ, মহাকবি কৃত্তিবাসও তদীয় রামায়ণ কাব্য সেইরূপ সর্বকালানুষ্ঠায়িনী সর্বতোগামিনী ও সর্বতোব্যাপিনী ভাষায় রচনা করিয়াছেন বলিয়া, তদীয় রামায়ণ এত প্রসিদ্ধি লাভ করিয়াছে । যে সমুদয় কাব্যের ভাষা প্রাঞ্জল নহে, বা ভাবও সুস্পষ্ট নহে, সেই কাব্যাদির প্রভাব সমাজে স্থায়িত্ব লাভ করিতে পারে না । ভাষা ও ভাব উভয় সম্পদে সম্পন্ন বলিয়াই কৃত্তিবাসের রামায়ণ কালজয়ী হইয়া রহিয়াছে । সংস্কৃতে কালিদাস এবং বঙ্গভাষায় কৃত্তিবাস এই দুই জন একই কারণে অমরত্ব লাভ করিয়াছেন ।

কৃত্তিবাস ও অন্যান্য রামায়ণকারগণ । কৃত্তিবাসের পর আরও অনেক কবিযশঃপ্রার্থী ব্যক্তি রামায়ণ রচনাপূর্বক বঙ্গসাহিত্যের অঙ্গ পরিপুষ্ট করিয়াছেন, কিন্তু তাহাদের সকলের দ্বারাই যে ভাষার শ্রীবৃদ্ধি সাধিত হইয়াছে এ কথা নিঃসঙ্কোচে বলা কঠিন ।

এপর্যন্ত ষত দূর জানা গিয়াছে, তাহাতে কৃত্তিবাসই সর্বপ্রথম বঙ্গভাষায় রাম-চরিত নিবন্ধ করেন । তাহার পরে আরও চতুর্দশ ব্যক্তি রামায়ণী কথায় পুস্তক রচনা করিয়াছেন বলিয়া নির্দেশ পাওয়া যায় । কালে হয়ত, আরও অনেক নাম পাওয়া যাইবে । এ প্রসঙ্গে বঙ্গীয় সাহিত্যপরিষদ বিশেষ উল্লেখযোগ্য । আর সেই সঙ্গে বঙ্গভাষার ইতিহাসলেখক অরাস্তকর্মা শ্রীযুক্ত দীনেশচন্দ্র সেন মহাশয়ও সর্বথা প্রশংসনীয় । এতদুভয়ের সমর্থিত চেষ্টার ফলেই আমরা আজ কৃত্তিবাসকে প্রকৃত ভাবে চিনিবার অবসর পাইয়াছি ।

রামায়ণে যে প্রকার পাঠ-বৈষম্য ঘটিয়াছে, তাহাতে কৃত্তিবাসের সম্পূর্ণ পরিচয় এখনও দুর্লভ। তবুও যতটা পাওয়া যাইতেছে, তজ্জন্ম, সাহিত্য-পরিষদ এবং দীনেশ বাবু বঙ্গবাসীর কৃতজ্ঞতাভাজন হইয়াছেন।

কৃত্তিবাস এবং তৎপরবর্তী অনেকে একই রামায়ণ অবলম্বনে কাব্য নির্মাণ করিলেন, কিন্তু কৃত্তিবাসের কাব্য আবালবৃদ্ধবনিতার প্রিয়, সকল সমাজের আদরণীয় হইল, ইহার প্রকৃত কারণ কি ?

কৃত্তিবাস মহর্ষি বাল্মীকির রামায়ণমাত্র অবলম্বন করিয়াই কাব্য লিখেন নাই। আমাদের দেশে কথকতায়, যাত্রায়, গোষ্ঠীবন্ধনে, সর্বত্রই নানা ভাবে ও নানা আকারে রামবিষয়ক বৃত্তান্ত বহুকাল হইতে, কৃত্তিবাসের বহু পূর্বে হইতে চলিয়া আসিতেছিল। ফলতঃ লোকমুখে শ্রীপুরুষ সমাজে রামসীতার কথা কীর্তিত হইত, এখনও হইতেছে। কৃত্তিবাস তদীয় গ্রন্থরচনায় এই লোক-পরম্পরাগত গাথার অনেকটা অনুসরণ করিয়াছিলেন। কেবল অনুবাদে মহর্ষি-চিত্রিত আলেখ্যাবলীর পুনশ্চিত্রণেই যদি কৃত্তিবাস রত থাকিতেন, তাহা হইলে, তদীয় কাব্য এত প্রসিদ্ধি লাভ করিতে পারিত না। তাঁহার পরবর্তী রামায়ণ-লেখকগণের অনেকের গ্রন্থে কৃত্তিবাসোচিত মৌলিকতা নাই। অধিকাংশ স্থানেই অনুবাদ মাত্রে পর্য্যবসিত। কোনও রামায়ণকার স্বকীয় কল্পনার চঞ্চল বৈদ্যুতী প্রভায় গ্রন্থের কচিং ভাঙ্গর করিয়াছেন, সত্য, কিন্তু পর-ক্ষণেই আবার কল্পনামান্দ্য দোষে গ্রন্থের শ্রীহানি ঘটিয়াছে। এই স্থলে কবি-চন্দ্রের নাম উল্লেখ্য। কবিচন্দ্র স্বীয় রামায়ণে অজদ রায়বার নামে যে অধ্যায় লিখিয়াছিলেন, যাহা আজ কৃত্তিবাসের বলিয়া বঙ্গের অধিকাংশ গৃহে আদৃত, সেই-অধ্যায়টি বাস্তবিকই অনেকটা কবিত্বপূর্ণ। কিন্তু সেই অনুপাতে কবি-চন্দ্রের গ্রন্থের অপরাংশ সমূহ গ্রহণ করা যায় না। সংস্কৃত ভাষায় সুপণ্ডিত অনেকে যেমন দু'একটি মনোহারিণী কবিতা রচনা করিয়া থাকেন, প্রাচীন-কালেও করিতেন; যে কবিতাগুলি “উদ্ভট” আখ্যায় জন-সমাজে প্রচারিত, কিন্তু ঐ উদ্ভট-কর্তাদের কোনও বিশিষ্ট এবং উল্লেখযোগ্য কবিতা গ্রন্থ পাওয়া যায় না, চঞ্চল কল্পনার ক্ষণিক স্নানগ্রহে মাত্র দু'চারিটি হৃদয়াকর্ষিণী কবিতাতেই তাঁহাদের কবিত্ব পরিসমাপ্ত, তদ্রূপ অন্যান্য রামায়ণকারগণের অনেকেই দুই একটি, বা কাহারও দু'চারিটি রসভাবপূর্ণ অধ্যায় রচনার পরই

কবিত্বের পর্য্যবসান ঘটিয়াছে । সমগ্র গ্রন্থে কবিতায় উচ্ছলিত তরঙ্গলীলা একমাত্র কৃষ্ণিবাসেই পরিদৃষ্ট হয় ।

কৃষ্ণিবাস জানিতেন যে, যাহাদের জন্ম তিনি কাব্য লিখিয়াছেন, তাঁহারা কি চান, কতটুকু বা কতটা তাঁহাদের অভিলষিত ? কিরূপ আলেখ্যে তাঁহাদের নয়ন রঞ্জন হইবে ? কবিত্বের সার্থকতার এই মূলমন্ত্রে তিনি দীক্ষিত হইয়া তবে কাব্য লিখিতে বসিয়াছিলেন, সর্বদা এই মন্ত্রের স্মরণ পূর্বক কাব্য লিখিয়াছেন, তাই তাঁহার কাব্য এত জমিয়াছে । এই জন্মই কেবল বাল্মীকির আদর্শই তাঁহার উপক্রীয়া ছিল না, তিনি প্রয়োজনমত অন্যান্য পুরাণ, উপপুরাণ প্রভৃতিরও সাহায্য গ্রহণ করিয়াছেন । কালিকাপুরাণ, অধ্যাত্ম-রামায়ণ, অদ্ভুতরামায়ণ প্রভৃতি হইতেও তিনি আদর্শ সংকলন করিয়াছেন ।

অনেক কাব্য কবির সমসাময়িক সমাজের কুচি এবং ছায়ার অনুসারে নির্মিত হওয়ায়, সেই নিয়মিত সমাজে এবং নির্দিষ্ট সময়ে সেই কাব্য আদৃত হইয়া থাকে, কিন্তু পরবর্তী ও পরিবর্তিত সমাজে তাহার আদর ক্রমেই কমিয়া যায় । যে কবির কাব্য, যত অধিক পরিমাণে এইরূপ সাময়িক ভাবে পরিপূর্ণ সে কবির কাব্য, ততই অল্পকালস্থায়ী । অন্যান্য অনুবাদকগণের রামায়ণ গ্রন্থের অপ্রসিদ্ধির ইহাও অন্ততম কারণ । তাঁহাদের রামায়ণের যে যে অধ্যায়গুলি এই প্রকার কোন বিশেষভাবে লিখিত নহে, অর্থাৎ সাধারণ ভাবে, সকল সময়ের অনুগত করিয়া লিখিত, সেই সেই অধ্যায়গুলির মর্যাদা এখনও একেবারে লুপ্ত হয় নাই । দৃষ্টান্তরূপে কবিচন্দ্রের “অদ্ভুতরামায়ণ” ও রঘুনন্দন গোস্বামীর “রামরামায়ণের” অশোকবনবর্ণন প্রভৃতির উল্লেখ করা যাইতে পারে । বস্তুতঃ সরল ভাষা এবং সুস্পষ্ট ভাব,—এই দুই দুর্লভ সম্পদে কৃষ্ণিবাসের কাব্য বঙ্গসাহিত্যে অপ্রতিদ্বন্দ্বী । অতি সরল কথায়, সকলের বোধগম্য ভাষায়, তিনি তাঁহার হৃদয়ের ভাব অতি স্পষ্টরূপে সাধারণের সম্মুখে প্রকাশ করিতে পারিতেন । ভাষার দীনতায় বা ভাবের জড়তায় তাঁহার কাব্য কৃত্রাপি ছুঁই হয় নাই । তিনি যখন যে চিত্র অঙ্কন করিয়াছেন, তাহার কোন অর্ধপ্রত্যয়ে কোনরূপ অসম্পূর্ণতা রাখেন নাই । যে কবি, যত অধিক পরিমাণে প্রাঞ্জলভাষায় মনের ভাবরাশি, তদীয় সমাজের সর্বক্কে অতি সুস্পষ্টরূপে তুলিয়া ধরিতে পারিবেন, সেই কবি তত অধিক আদৃত হইবেন ।

কৃত্তিবাস সেইটি অতি উত্তমরূপে পারিতেন বলিয়াই, তাঁহার “রামায়ণ” অপরাপর “রামায়ণ” অপেক্ষা ভাবুক সমাজে, অথবা, শিক্ষিত অশিক্ষিত সকল সমাজেই এত প্রিয় হইয়াছে।

দয়া, দাক্ষিণ্য, সমবেদনা, স্নেহ, প্রেম, ভক্তি প্রভৃতি স্বর্গীয় সম্পদে মানব দেবতা হয়, আবার এইগুলির অভাবে মানব দানব হইয়া থাকে। কৃত্তিবাস এই মহানীয় গুণাবলীর এমন সুস্পষ্টভাবে বর্ণন করিয়াছেন, যে, পাঠকালে, হৃদয় অনির্বচনীয় আনন্দরসে আপ্ত হয়। মহাকবি ভবভূতি যেমন তাঁহার উত্তর চরিতের নিরবদ্য ও নয়নরঞ্জন চিত্রগুলির আদর্শ কালিদাসের কাব্যাবলী হইতে গ্রহণ করিয়া, পরে, সেই আদর্শের উপর নৈপুণ্য সহকারে বর্ণসংযোগ করিয়া আনন্দময়ী মূর্তি নির্মাণ করিয়াছেন, যে মূর্তির গরিমায় সংস্কৃত সাহিত্য গৌরবিত হইয়াছে, কৃত্তিবাসও সেইরূপ মহর্ষিকৃত আদর্শের উপর সতর্ক হস্তে বর্ণসংযোগপূর্বক, তৎ তৎ চিত্রাবলী বঙ্গীয় সমাজের অসুগত ভাবে উপস্থাপিত করিয়াছেন, অসকারের গুরু ভারে বা ভাষার আড়ম্বরে তদীয় কবিতাসুন্দরী ক্লিষ্ট হন নাই। তাঁহার কবিতা সর্বত্র একভাবে ভাগীরথীর প্রবাহের ন্যায় তর তর করিয়া চলিয়া গিয়াছে, আবিলতায় সে কবিতার প্রবাহ দুষ্ট হয় নাই, বা ভাবের জড়তায় সে কবিতার অমর্যাদা ঘটে নাই। অন্যান্য কবি অপেক্ষা তদীয় প্রাধান্যের এটিই মুখ্য কারণ। ভাষার প্রাঞ্জলতা এবং ভাবের সুস্পষ্টতার সহিত তাঁহার আশ্চর্য্যচিত্রনৈপুণ্যের সম্মিলনে তদীয় কাব্য ত্রিবেণীসঙ্গমের ন্যায় পবিত্র ও সর্বজনসেব্য হইয়াছে।

কৃত্তিবাসের রামায়ণে প্রক্ষেপ—কৃত্তিবাসের রামায়ণ রচনার প্রায় এক শত বৎসর পরে নবদ্বীপে চৈতন্যদেব আবির্ভূত হন। চৈতন্যের আবির্ভাবের এবং তদীয় প্রেম-বল্ল্য বঙ্গদেশে প্রাবিত হইবার পূর্ববর্তী কালের হস্তলিখিত কোন কৃত্তিবাসী রামায়ণের পুস্তক এপর্য্যন্ত পাওয়া যায় নাই। যদি কখনও পাওয়া যায়, তবে তখন কৃত্তিবাসের প্রকৃষ্ট অংশগুলির সমাধানের উপায় অনেকটা সহজ হইবে। চৈতন্যের আবির্ভাবের পর বঙ্গদেশে যে ভক্তিস্রোত, প্রেমের “বাণ” বহিয়াছিল, পরবর্তী কালের রামায়ণ সমূহে তাহার প্রভাব সম্পূর্ণরূপে বিস্তারিত। যে সময়ে যে ভাব দেশের মধ্যে মাথা তুলিয়া দেশটাকে বিভোর করিয়া ফেলে, সেই সময়ের জাতীয় সাহিত্যাদিতে

ও সেই ভাবের প্রভাব প্রবিষ্ট হইয়া, তাবৎ সাহিত্যকে 'তদ্ভাবভাবিত' করিয়া তোলে । তাই পরবর্তী কালের কৃত্তিবাসে আমরা কি বীর, কি করুণ, সকল রসেই নদিয়ার ভক্তির তরঙ্গের উচ্ছ্বাস দেখিতে পাই । লিপিকারগণ, স্মৃতিবিধা পাইলেই রামের স্থলে শ্রাম করিয়াছেন । পরিবর্তিত কৃত্তিবাসের অনেক অনাবশ্যক স্থলে আতর্কিত বৈষ্ণবী দীনতার পরাকাষ্ঠা দেখিতে পাই । কৃত্তিবাসের স্বকপোলকল্পিত বীরবাহু, পরবর্তী কালের বৈষ্ণব লিপিকারগণের কুপায়, দীনাতিদীন বৈষ্ণব সেবক-গণের গ্রায়, করযুগল জুড়িয়া ধরনীতে লুটায় । তুলসীতলার মৃত্তিকায় শঙ্করাগ করিয়া বৈষ্ণব যেমন "শ্রীবাসের আদীনাথ" মহাপ্রভুর ভক্তগণকে প্রণাম করেন, সেইরূপ রাক্ষসগণও কপিগণকে গলগ্নবাসে প্রণাম করে । এইরূপ অনেক স্থলেই বৈষ্ণবী কোমলতার ও দীনতার চরম দেখিতে পাই । এ সমস্তই চৈতন্যের পূর্ণ প্রকটের পর, কৃত্তিবাসে প্রক্ষিপ্ত হইয়াছে । এইরূপ সংক্রামক রোগের পরিচয় আমরা অন্তর্ভুক্ত দেখিতে পাই । অনেক বৌদ্ধ গ্রন্থের দুই একটি স্থলের ঈষৎ পরিবর্তন পূর্বক, কোথাও বা প্রমাণ সূত্রটিকে বদলাইয়া, সমগ্র গ্রন্থখানিকে "হিন্দু" করিয়া তোলা হইয়াছে । কৃত্তিবাসে পাঠবৈষম্যের ইহাই একমাত্র কারণ নহে । বহুকাল পূর্বের হস্ত-লিখিত যে সকল পুঁথি পাওয়া গিয়াছে, তাহার সহিত বর্তমান কৃত্তিবাসের তুলনা মিল নাই-ই, এমন কি ১৮০৩ খৃঃ অব্দে শ্রীরামপুরের মিশনারিগণের দ্বারা প্রথম যে "কৃত্তিবাস" মুদ্রিত হয়, তাহার সহিতও বর্তমান কৃত্তিবাসের অনেক স্থলে আদৌ মিল নাই । মিশনারিদের পুস্তকে যেখানে আছে ।

“পাকল চক্ষে রামেরে পানে চাহিলেক বালি ।

দস্ত কড়মড়ায় বীর রামেরে পাড়ে গালি ॥”

সেই স্থানে—পরবর্তী কালের সংশোধিত বটতলার সংস্করণে আছে ।—

রক্তনেত্রে শ্রীরামের পানে চাহে বালি ।

দস্ত কড়মড় করে, দেয় গালাগালি ॥

পরবর্তী কালে ভাষার পরিমার্জনের সঙ্গে সঙ্গে বাঙ্গালার আদিকবি কৃত্তিবাসও "পরিমার্জিত" হইয়াছেন ! কবীর বাক্য পরিষ্কৃত করিতে যাইয়া, সংশোধকগণ আবর্জনারাশির দ্বারা কৃত্তিবাসকে আচ্ছন্ন করিয়া ফেলিয়াছেন ! এই ব্যাপারের মূলে আর একটি সত্যও নিহিত আছে । আমাদের দেশে, যখন

যে কোনও নূতন জিনিষের আবির্ভাব হইয়াছে, আমরা তাহাকে ধীরে ধীরে পুরাতনের সহিত মিশাইয়া নিজেদের ছাঁচে ঢালাই করিয়া “আপন” করিয়া লইয়াছি। আমাদের এই adaptability আছে বলিয়াই আমাদের ধর্ম, আমাদের সাহিত্য এখনও টিকিয়া আছে। নবীন নানাবিধ ভঙ্গিরাগবিভূষিতা, শ্রুতিমোহিনী বঙ্গভাষার যেমন আবির্ভাব হইল, অমনি আমরা আমাদের প্রাচীন, দুর্কোধ্য শব্দসঙ্কুল ভাষাকে তাহার অনুগত করিয়া লইলাম, তাই আমরা প্রাচীন।

“অমিয় সাগরে শিনান করিতে সকলি গরল ভেল” ইহার স্থলে “অমিয় সাগরে শিনান করিতে সকলি গরল হলো” করিয়া ফেলিলাম। প্রতিমার মূল পঙ্করের কোন বিশেষ পরিবর্তন করিলাম না বটে, কিন্তু একটু নূতন ভঙ্গিতে বর্ণযোজনা করিয়া, প্রাচীনাতে নবীনা করিয়া তুলিলাম। প্রাচীনার অঙ্গহানি ঘটিল। এইরূপে মূল কৃত্তিবাসের অর্ধপংস্কৃত, অর্ধ হিন্দি অনেক শব্দ পরিবর্তিত হইতে হইতে ক্রমে বর্তমান বাঙ্গালায় আসিয়া দাঁড়াইল। তাই প্রাচীন কৃত্তিবাসের “মুঞি” “ভিলকু” “কর্যা” “থুয়া” “পাকল” প্রভৃতি অধুনা অপ্রচলিত শত শত শব্দের পরিত্যাগ সাধিত হইল। ইহা কালের নিরঙ্কুশ বিধান। ইহার উপর মানুষের কর্তৃত্ব তত অধিক নাই। যাহা গ্রাহ্য, কাল তাহার গ্রহণ করিবে। যাহা বর্জনীয়, কাল তাহার বর্জন করিবে।

ভক্তি এবং বৈষ্ণব—এই দুই সম্প্রদায়ের লিপিকারগণের কল্যাণে কৃত্তিবাসের অনেক স্থলে যেখন শাক্ত প্রভাব পরিদৃষ্ট হয়, তেমনই বৈষ্ণব-প্রভাবও পরিদৃষ্ট হয়। ইহা ছাড়া, অস্তান্ত পুরাণ উপপুরাণ প্রভৃতি হইতে অনেক মুনোরম অংশও লিপিকারগণ বাছিয়া আনিয়া কৃত্তিবাসে জুড়িয়া দিয়াছেন। অনেকে অনেক নূতন কবিতার প্রণয়ন করিয়া কৃত্তিবাসের গ্রন্থে পুরিয়া দিয়া, স্ব স্ব আত্মাভিমানের পূজা করিয়াছেন। দৃষ্টান্ত স্বরূপ কৃত্তিবাস হইতে শত শত স্থল উদ্ধৃত করা যাইতে পারে, ঐতিহাসিকের সে কার্য হইতে আমি বিরত হওয়াই সঙ্গত মনে করি।

কৃত্তিবাসের কল্পনা তাহার গম্ভব্য পথ—রামায়ণী কথার আশ্রয়ে কালিদাস ভবভূতি রঘুবংশ উত্তরচরিত প্রভৃতির রচনা করিয়াছেন বটে, কিন্তু যে স্থানে

যে রূপ প্রয়োজন, তাঁহারা নূতন মূর্তিও গঠন করিয়াছেন। কবিরা কল্পনার বৈদ্যুতিক শক্তিতে শক্তিমান। সেই সতত চঞ্চলা শক্তি কদাচ কোন নির্দিষ্ট পথে, কোন পূর্ব-নির্দিষ্ট রেখা বাহিয়া চলিতে পারে না, জানেও না। তাই কবিকৃত সৃষ্টিতে, অনেক স্থলে মূল আদর্শেরও পরিবর্তন দেখিতে পাই। কালিদাস ভবভূতি প্রভৃতি মহাকবিগণ তাই মহর্ষিষ্কুলপথ কল্পনার দৌত্যে অল্পবিস্তর ছাড়িয়া, অন্য পথেও গিয়াছেন। কৃত্তিবাসও সেইরূপ অনেক স্বকল্পিত আলেখ্যের অঙ্কনপূর্বক, তদীয় গ্রন্থ সূচাক্রম করিয়াছেন। সর্বত্রই বাস্তবিক অঙ্গসরণ করেন নাই। বীরবাহু তরনীসেন প্রভৃতির সৃষ্টি তাঁহার আত্মকল্পনার উপর চরম উৎকর্ষ খ্যাপন করিতেছে। কবিগণ কাহারও অঙ্গুলিসঙ্কেতে চলেন না। কল্পনা কাহারও দাসীত্ব করিতে জানে না। কল্পনা কখনও কবিকে মেঘের উপর লইয়া গিয়া সৌদামিনীর বিলাসচঞ্চলা মূর্তি প্রদর্শন করে, কখনও আবার তুষারমণ্ডিত কমলের কেশরের মধ্যে লুকাইয়া রাখিয়া কবিকে কত নিভৃত সৌন্দর্য দেখায়। উন্মাদিনী চঞ্চলার স্তায় কবির উন্মাদিনী কল্পনা কাহারও অঙ্গুলিসঙ্কেতে পরিচালিত বা ক্রকম্পনে বিকম্পিত হয় না। সে আপনার ভাবেই আপনি বিভোর হইয়া ছুটে, পরের ভাবে ভুলে না। কৃত্তিবাসের স্বৈরচারিনী কল্পনা কোনও নির্দিষ্ট সীমার মধ্যে আবদ্ধ হইয়া রহে নাই। কোথাও প্রাচীন পথে, কোথাও বা নূতন পথে যেখানে যেমন ইচ্ছা, সে কল্পনা চলিয়া গিয়াছে। তরনীসেন বীরবাহু প্রভৃতির সৃষ্টি এই নূতন পথে যাত্রারই ফল।

কবির পরিচয়।—আনুমানিক ১৩৫৩ শক ১৪৩২ খৃষ্ট অব্দের মাঘ মাসের শ্রীপঞ্চমী তিথিতে কৃত্তিবাস জন্মগ্রহণ করেন। বঙ্গের প্রতিগৃহে যে দিন বীণাপাণির চরণকমল অর্চিত হইতেছিল, “সকসবিভবসিঁদ্যা পাতু বাগ্‌দেবতা নঃ” বলিয়া যেদিন ভক্তি-গদগদকণ্ঠে স্তব করিতে করিতে হিন্দু তাহার চির-প্রার্থিত দেবতার চরণে মস্তক স্থাপন করিতেছিল, সেই শুভকণ্ঠেই যাহার জন্ম, তাঁহার জীবন যে সেই বাগ্‌দেবতার অঙ্গুগ্রহে ধন্য ও কৃতকৃতার্থ হইবে তাহাতে আর কথা কি ?

১৩২ খৃষ্ট অব্দের আদিশুর কনোজ হইতে যে পাঁচ জন ব্রাহ্মণকে এ দেশে আনয়ন করেন, তাঁহাদের অন্ততম ভরদ্বাজ-গোত্রীয় শ্রীহর্ষ হইতে সপ্তদশ পুরুষ

অধস্তন নরসিংহ ওঝা-বেদান্ত রাজার প্রধান মন্ত্রী ছিলেন। এই বেদান্ত সম্ভবতঃ পূর্ববঙ্গের স্বর্ণগ্রামের রাজা ছিলেন। আনুমানিক ১২৪৮ অব্দে এই নরসিংহ অরাজক স্বর্ণগ্রাম পরিত্যাগ পূর্বক গঙ্গাতীরে বাস করিবার সঙ্কল্পে ফুলিয়ায় আসিয়া বসতি স্থাপন করেন। ফুলিয়ার তখন বড় স্পর্কার দিন। কৃত্তিবাস নিজেই স্বীয় বংশ পরিচয়ের সময়ে বলিয়াছেন যে, পূর্বে এখানে “মালঞ্চ” ছিল নানাবিধ ফুলের বাগান ছিল, তাই ইহার নাম হয়—“ফুলিয়া”। এই ফুলিয়ার দক্ষিণ ও পশ্চিম দিকে বীচিমালিনী ভাগীরথী রক্তধারায় প্রবাহিত ছিলেন। প্রকৃতির অনাবিল সৌন্দর্যের ইহা লীলানিকেতন ছিল। মন্ত্রিশ্রেষ্ঠ নরসিংহ তাঁহার তদানীন্তন পদোচিত বিভবাদির সহিত এই মনোহর স্থানে আসিয়া একেবারে জুড়িয়া বসিলেন। কৃত্তিবাসের ভাষায়—

“ফুলিয়া চাপিয়া হইল তাঁহার বসতি।

ধন ধান্তে পুত্র পৌত্রে বাড়য় সস্ততি ॥”

ফুলিয়া “চাপিয়া” তাঁহার বসতি হইল। এই নরসিংহের পরমদয়ালু পুত্র গর্ভেশ্বর কৃত্তিবাসের প্রপিতামহ। গর্ভেশ্বরের পুত্র মুরারি ওঝা, কৃত্তিবাসের পিতামহ এক অতি প্রধান কবি ছিলেন। তাঁহার কোন গ্রন্থাদির পরিচয় পাই না সত্য, কিন্তু কবি কৃত্তিবাস স্বয়ং তাঁহাকে ব্যাস মার্কণ্ডেয়াদির সহিত তুলনা করিয়াছেন।

এই মুরারি ওঝার পৌত্র কৃত্তিবাসের নিজের উক্তিভেদে দেখিতে পাই, বাল্যে প্রথমতঃ চতুস্পাঠিতে বিদ্যাভ্যাস করেন। এই চতুস্পাঠীর শিকাই তদীয় সংস্কৃত রামায়ণ পাঠের সোপান। পাঠ সমাপ্তির পর, তদানীন্তন প্রথা অনুসারে তিনি গৌড়েশ্বরের সভায় আত্ম-পরিচয়ার্থ উপস্থিত হন। রাজা তাঁহার স্বর্ণগ্রামের পরিচয় পাইয়া তাঁহাকে রামায়ণ রচনা করিতে আদেশ করেন। “তথাস্তু” বলিয়া কৃত্তিবাস যখন সগর্বে বাহির হইলেন, তখন সকলে “ধন্য ধন্য” বলিয়া কবির অভ্যর্থনা করিলেন।

“সবে বলে ধন্য ধন্য ফুলিয়া পণ্ডিত।

মুনিমধ্যে বাখানি’ বাঙ্গালীকি মহামুনি।

পণ্ডিতের মধ্যে কৃত্তিবাস গুণী”

বলিয়া মহত্ব মুখে কৃত্তিবাসের প্রশংসা সঙ্গীত উচ্চারিত হইল। কৃত্তিবাস

স্বয়ং এই প্রসঙ্গে অনেক কথা বলিয়াছিলেন, আত্মবংশের বিশিষ্ট পরিচয় প্রদান করিয়াছেন । তিনি যে কত বড় বংশে জন্মগ্রহণ করিয়া ছিলেন, তাহার পরিচয় আমি আর বিশেষ কি বলিব । এখনও “ফুলিয়ার মুখটি” বলিয়া আমরা তাঁহারই বংশের স্পর্শ করি । রাষ্ট্রীয় শ্রেণীর প্রধান এবং মুখ্য বংশ “ফুলিয়ার মুখটি”—কৃষ্ণিবাসেরই অনুস্মৃতি মাত্র ।

মাহেন্দ্রকণ্ঠে রাজা কৃষ্ণিবাসকে রামায়ণ রচনার আদেশ করিয়াছিলেন । বঙ্গভাষার অরুণ-রাগ-রঞ্জিতা উষার প্রথম আলোকচ্ছটা কৃষ্ণিবাসের মস্তকে প্রথম স্বর্ণকিরীট পরাইয়া দিয়াছিল,—বঙ্গভূমি, বঙ্গভাষা ও সেই সঙ্গে বাঙ্গালী জাতি ধন্য হইয়াছে । পল্লী-প্রান্তরের স্নিগ্ধ বটচ্ছায়ায়, জন-পদ-বধূর গোষ্ঠীবন্ধনে, বর্ষীয়সী ললনাদিগের বিশ্রামকক্ষে, কৃষ্ণিবাসের বিরচিত গাথা গীত ও ভক্তি-পূর্বক শ্রুত হইতেছে । ভাষায় যাহার সম্যক অধিকার নাই, সেই প্রাকৃত ব্যক্তিও প্রেম ভরে রামায়ণ গান করিয়া আত্মহারা হইতেছে, আর সেই সঙ্গে, নিরঙ্কর সরল কৃষক সাক্ষর্যনে ও তন্ময়হৃদয়ে সে গান শুনিয়া আপনাকে ভুলিয়া যাইতেছে । এখনও একাদশীর অপরাহ্নে ধূসরবসনা বিধবারা সমবেৎ হইয়া, কোন ললিতকণ্ঠ বালকের দ্বারা রামায়ণ পড়াইয়া শুনিতেন, তাঁহাদের উপবাস-ক্লিষ্ট হৃদয়ের ভক্তির রস উচ্ছসিত হইয়া উঠিতেন । মনোহর কল্পনা, মধুরভাব, অল্পম সৃষ্টিকৌশলে, কৃষ্ণিবাসের রামায়ণ, বঙ্গ সাহিত্যের শ্রেষ্ঠ সম্পদরূপে পরিগণিত । কৃষ্ণিবাসের পর, আজ পর্যন্ত যত ব্যক্তি বঙ্গ-বাণীর পদ পূজা করিয়াছেন, তাঁহাদের প্রত্যেকেই পূজার উপকরণ—ফুল, ফল, পল্লব,—কৃষ্ণিবাসের ঐ রামায়ণরূপী কল্পকানন হইতে রচয়িত্ত ও সংগৃহীত কৃষ্ণিবাস ধরাধামে অবতীর্ণ হইবার পর পাঁচশত বৎসরেরও অধিক কাল অতীত হইয়াছে, বটে কিন্তু আজও প্রতিক্ষণে তাঁহার নাম বঙ্গের গৃহে, বিপণির পণ্য-কুটীরে, চাষার আশার কৃষিক্ষেত্রে সর্বত্র কীর্তিত হইতেছে । আজ আর

“দক্ষিণে পশ্চিমে ঘা’র গঙ্গা তরঙ্গিনী”

সে “ফুলিয়া” নাই, সে ফুলিয়ায়” কৃষ্ণিবাসের সেই “চাপিয়া বসতি”র চিহ্নও নাই, কিন্তু সেই “ফুলিয়া পণ্ডিতের” মোহন বাঁশরীর বাক্য এখনও বাঙ্গালীর “কাণের ভিতর দিয়া মরমে” প্রবেশ করিতেছে, বাঙ্গালীকে উন্নত করিয়া, বিত্তের করিয়া রাখিয়াছে ।

কৃত্তিবাসের এই সার্বভৌম প্রসিদ্ধির অপর কতিপয় কারণও পরিদৃষ্ট হয়। ভারতবর্ষের মৃত্তিকা বড়ই কোমল, বড়ই উর্বর। রামচন্দ্র, যুধিষ্ঠির, কর্ণ, ভীষ্ম, দধীচি, শিবি, সীতা, সাবিত্রী, দময়ন্তী, অরুন্ধতী, লোপামুদ্রা, ঔশীনরী প্রভৃতি এই ভারতবর্ষেরই চিত্র। যাহার প্রাণে প্রেম, নয়নে ভক্তির অশ্রু, ভারতবাসীরা তাহাকে হৃদয় পাতিয়া গ্রহণ করে, প্রাণ দিয়া পূজা করে। কৃত্তিবাস এ রহস্য বুঝিতেন। তিনি আরও বুঝিতেন যে, নিশীথে নিস্তরু রজনীর সৌম্য-মূর্তি যাহার চিত্তকে অভিভূত, বা অনুভূতির বিমলকরধৌত করিতে না পারে, সে কদাচ ঐ নৈশ নীরবতার মাধুর্য্য অপরকে বুঝাইতে পারে না; সায়ংকালের শ্রামায়মানা বনভূমির প্রাঞ্জল মূর্তি যাহার প্রাণে আকুলতা জন্মাইতে অসমর্থ, সে কখনও সাক্ষ্য-স্বপ্নমার পবিত্র আলেখ্য অঙ্কন করিতে পারে না। সকল পদার্থেরই অনুভূতি চাই। সমস্ত বিষয়েই মগ্ন হওয়া চাই, প্রাণ অকুপণ-ভাবে ঢালিয়া দেওয়া চাই, অগ্ৰথা সিদ্ধিলাভ সুদূরপর্যন্ত। কৃত্তিবাস অকুপণ-ভাবে, আত্মপ্রাণ কবিতাদেবীর পাদপদ্মে ঢালিয়া দিয়াছিলেন, তাঁহার হাতে আর কিছুই ছিল না, সমস্তই ঐ চরণে অঞ্জলি দিয়াছিলেন, তাই তদীয় কবিতার কুত্রাপি কোনরূপ বাধা দেখিতে পাই না। সর্বত্রই সমান এবং অপ্রতিহত গতি। অসম্ভব হইলেও মনে হয় যেন, এক সময়ে, এক স্থানে বসিয়া, অগ্ন-চিন্তা-বিযুক্ত হইয়া, মহাকবি, তাঁহার সাধের রামায়ণ গান গাহিয়া-ছেন। তিনি নিজের সে গানে মজিতে পারিয়াছিলেন, তাই তাঁহার শ্রোতৃবর্গও মজিয়াছে, আত্মবিশ্মৃত হইয়া তাঁহার সেবা করিয়াছে, আচন্দ্র-দিবাকর করিবেও।

তুমি যখন অভ্রভেদী, শুভ্রতুষারশীর্ষ, হিমাচলের পাদদেশে বসিবে, বিধাতার কৃপায়, তখন যদি তোমার হৃদয়ে, কোন প্রশান্ত ছবির ছায়াপাত হয়, কোন বিরীচ শক্তির স্পন্দন অনুভূত হয়, তবেই তুমি ঐ বিরীচ হিমাচলের প্রশান্ত ভাবের, প্রশান্ত মূর্তির কিয়দংশ হয়ত তোমার কল্পনা-দর্পণের সাহায্যে অন্তরে প্রদর্শন করিতে পার। অগ্ৰথা, তোমার সাধ্য কি যে তুমি হিমাচলের ঐ গম্ভীর-মাধুর্য্যের বর্ণন করিবে। তুমি যে স্থানে, যে সময়ে, যে অবস্থায় বর্তমান, যদি সেই স্থানের, সেই সময়ের, সেই অবস্থার সহিত, নিজেকে মিশাইতে না পার, "তদ্ভাব-ভাবিত" করিতে না পার, তবে কদাচ, তদ্দেশীয়

ও তৎকালীন ভাবের ক্ষুরণ তোমার দ্বারা সম্ভব হইবে না। তোমার দ্বারা তদেশবাসিগণের হৃদয় কদাচ বিমোহিত হইতে পারে না। দীপক-রাগের সময়, তুমি বেহাগ পূরবীতে আলাপ করিলে, তাহা কখনও জমিতে পারে না। সে আলাপে শ্রুতির সুখ হয় না, বরং পীড়াই জন্মে। ভারতবর্ষের বিশেষতঃ বঙ্গদেশের ধর্মপ্রাণ অধিবাসীরা কি চায়, কি ভালবাসে, এ তৎকাল মহাকবি কৃত্তিবাস বুঝিতেন। এদেশের লোকের হৃদয় কি উপাদানে গঠিত, কোন্ উপকরণ তাহাতে অধিক, তাহা কৃত্তিবাস জানিতেন, তাই তাঁহার দেশবাসিগণের হৃদয়ের ভাবে অনুপ্রাণিত হইয়া, তিনি তদীয় কল্পনার মোহন বীণায় বন্ধার করিয়াছিলেন। তাই সে বন্ধার বসন্তের পিকবন্ধারের স্তায় বঙ্গবাসীদিগকে বিমুগ্ধ, একেবারে আকুল করিয়া তুলিয়াছিল। এই হিসাবেও সংস্কৃতে কালিদাস ও বাঙ্গালায় কৃত্তিবাস একই মস্ত্রে দীক্ষিত, একই পথের যাত্রী। তোমার পাঠকগণ কি চান, কতটুকু চান, তোমার বীণার কোন্ তার স্পর্শ করিলে তাহার ধ্বনি তোমার পাঠকের হৃদয়ে অনুপ্রাণিত হইবে, তাহার কাণের ভিতর দিয়া মরমে পশিবে,—এ জ্ঞান যদি তোমার না থাকে, তবে তুমি যত বড় শক্তিশালী লেখকই হও না কেন, যত বড় কাব্যবিদ্যাশিষ্য হও না কেন, তোমার লেখায় বা তোমার অঙ্কিত আলোচ্যে তোমার সামাজিক বর্গের বা তোমার দর্শকবৃন্দের পরিভূষ্টি হইবে না। তোমার সে লেখায় বা সে চিত্রে, স্বদেশীয় দেশবাসী সহৃদয়বর্গের হৃদয় আকৃষ্ট ও বিমোহিত হইবে না। যে সমুদয় লেখকের এই জ্ঞান আছে, তাঁহাদের লেখাই কালজয়ী হয়, থাকিয়া যায়; আর যাহাদের এই জ্ঞান নাই, তাহাদের লেখা ছিন্ন ভূষারের স্তায় অতি অল্পকাল মধ্যেই কোথায় মিলাইয়া যায়। আর্ষ রামায়ণ অবলম্বন পূর্বক অল্প অনেক কবি বঙ্গভাষার রামায়ণ রচনা করিয়াছেন, কিন্তু কৃত্তিবাসের রামায়ণ তন্মধ্যে যে এত প্রসিদ্ধি লাভ করিয়াছে, প্রায় পাঁচশত বৎসরেরও অধিক কাল সমানভাবে বা উত্তরোত্তর ক্রমেই অধিকতরভাবে শিক্ষিত, অশিক্ষিত, স্ত্রী-পুরুষ, ইতর ভঙ্গ সকল সমাজেই পূজিত হইতেছে, ইহার কারণ হইল, পূর্বোক্ত জ্ঞান। কৃত্তিবাসের ঐ জ্ঞান প্রচুর পরিমাণে ছিল। যে দেশে তিনি অবতীর্ণ হইয়াছিলেন, সেই দেশের অধিবাসীরা কি ভালবাসে, কি চায়, তাহা তিনি জানিতেন এবং তিনিও তাহাই চাহিতেন ও

ভালবাসিতেন। তাই, তিনি যদি কখনও সামান্য একটু গুণ্‌গুণ্‌ করিয়া স্বরবিলাস করিয়াছেন, অমনি সেই গুণ্‌গুণ্‌ ধ্বনি শতশ্রুতে বর্ধিত হইয়াই যেন, তদীয় দেশবাসীদিগের হৃদয় বিমোহিত করিয়া তুলিয়াছে। দিবাবসানে সাগরগামিনী তটিনীর প্রাণের আকুল গীতিকা, কুলকুল ধ্বনিতে যেমন শ্রান্ত পথিকের চিত্তে একটা জড়তা, একটা তন্দ্রা আনিয়া দেয়, পথিক একপদে তাঁহার দীর্ঘ দিবসের সমস্ত ক্লেশ তুলিয়া যান, কেমন একটা ঘুমের ঘোরে তাঁহার নয়ন নিম্নলিত হইয়া আসে, সেইরূপ, শ্রেয়িক কবি কুন্তিবাসের মোহিনী বীণার বন্ধারেও বঙ্গবাসীর হৃদয় বিমোহিত আনন্দালস হইয়া রহিয়াছে। কবে কোন্ দিন কত শত সহস্র বৎসর পূর্বে, তমসার তীরে “মা নিষাদ” বলিয়া বাল্মীকি গান ধরিয়াছিলেন, আর আজও যেন সেই গানের ধ্বনির বিরাম হয় নাই। সে স্বরলহরী যেন বাতাসে এখনও ভাসিয়া বেড়াইয়া, ভারতবাসীদের প্রাণে কেমন একটা তন্দ্রা জন্মাইয়া দিতেছে, সেইরূপ কবে কোন্ দিন, শুভমুহুর্তে পতিতোদ্ধারিণীর তীরে বসিয়া, তাঁহারই কুল কুল গীতির সুরে সুর মিশাইয়া ফুলিয়ার পণ্ডিত তান ধরিয়াছিলেন, আজ সে ফুলিয়া নাই, সে ভাগীরথীও দূরে সরিয়া গিয়াছেন, —কিন্তু সেই স্বপ্নময়, আবেশময় তানের এখনও যেন শেষ হয় নাই। সে রাম, সে অযোধ্যা, কিছুই নাই। তবুও সেই রামের কথা, রামের স্মৃতি যেমন ভারতের নরনারীর প্রাণে প্রাণে গাঁথা রহিয়াছে, আজীবন থাকিবেও, তদ্রূপ আজ সে ফুলিয়া নাই, সে জাহ্নবী নাই, সে কুন্তিবাস নাই, কিন্তু কুন্তিবাসের কথা, কুন্তিবাসের স্মৃতি বঙ্গবাসী কদাচ বিস্মৃত হইবে না। রামসীতার পাদস্পর্শে অযোধ্যা চিরকালের মত তীর্থ হইয়া রহিয়াছে, কুন্তিবাসের পাদস্পর্শে ফুলিয়া বঙ্গের সাহিত্যসাম্রাজ্যের প্রধান তীর্থ হইয়াছে। ফুলিয়ার মুখটি, শুধু ফুলিয়ার নহে, বাঙ্গালার গৌরব স্থান, পরমস্পর্শার ভাজন হইয়াছেন। জন্ম জন্মান্তরে কুন্তিবাস কত তপস্বী করিয়াছিলেন, তাঁহার সে তপস্বীর ফলে তিনি ত অমর হইয়াছেনই, তাঁহার মাতৃভাষাকেও অমরী করিয়া দিয়াছেন। বাঙ্গালীর জাতীয় সাহিত্যের স্বর্ণমন্দিরের তিনিই ভিত্তিস্থাপন করিয়াছেন। যে দেশে এবং যে জাতিতে কুন্তিবাসের স্মৃতি কবি আবিভূত হন, সে দেশ ধন্য, সে জাতি বদর্য। কুন্তিবাস বাঙ্গালী জাতিকে

বড় করিয়া দিয়াছেন ; তিনি যে সঙ্গীত ধরিয়াছিলেন, আজ এই পাঁচ শত বৎসর ধরিয়া যিনি যতটুকু পারেন, সেই সঙ্গীতের “তান প্রদান” করিতেছেন। তাঁহার সাধনার ফলে, তাঁহার স্বজাতীর জাতীয় সাহিত্য ধীরে ধীরে পরিপুষ্টি লাভ করিতেছে। বাঙ্গালীর যতই চক্ষু ফুটিতেছে, ততই তাহারা তাঁহার আদর করিতে শিখিতেছে।

সমবেত ভদ্রমণ্ডলী এবং বন্ধুবর সতীশচন্দ্র, আপনারা মহাকবি কৃত্তিবাসের জন্মস্থানে অণু এই যে মহোৎসবের আয়োজন করিয়াছেন,—পূজ্য মহাপুরুষের পূজার অনুষ্ঠান করিয়াছেন, এজন্য আপনারা সমগ্র বাঙ্গালী জাতির কৃতজ্ঞতা-ভাজন হইয়াছেন। যে সমুন্নতবংশের কৃত্তিবাস অনঙ্কার ছিলেন, সেই ফুলিয়ার মুখটার একজন কবিতারসবঞ্চিত অভাজনকে আপনাদের অদ্যকার উৎসবে আহ্বান করিয়াছেন বলিয়া আমি আপনাদিগকে ধন্যবাদ জ্ঞাপন করিতেছি। যে কুলে আমার জন্ম, সেই কুলের একজন প্রধান পুরুষের এবং বঙ্গের সর্বপ্রধান মহাকবির স্মৃতিবাসরে আমি উপস্থিত হইবার সুযোগ পাইয়াছি বলিয়া নিজেকেও ধন্য ও কৃতকৃতার্থ মনে করিতেছি।

এস কৃত্তিবাস, তোমার বড় সাধের ফুলিয়ায় একবার ফিরিয়া এস, এই দেখ, তোমার উদ্দেশ্যে, কত শত ভক্ত আজ সজলনেত্রে ফুলিয়ায় উপস্থিত, তুমি তাহাদিগের সারস্বতভাণ্ডারে যে অমূল্য রত্ন দিয়া গিয়াছ, সেই রত্নের গৌরবে তাহারা আজ গৌরবিত, কৃত্তিবাসের স্বজাতি বলিয়া আদৃত। এস কবি, আবার আসিয়া—

“পবন নন্দন হই, লজ্জি ভীম বলে
সাগর, ঢালিলা যথা রাঘবের কাণে
সীতার বারতা-রূপ সঙ্গীত লহরী ;
তেমতি, যশস্বি, তুমি সুবঙ্গ মণ্ডলে
গাও গো রামের নাম সুমধুর তানে,
কবি-পিতা বাঙ্গালীকে তপে তুষ্ট করি।”

শ্রীআশুতোষ মুখোপাধ্যায়।

উত্তরবঙ্গ-সাহিত্য সম্মিলনে

সভাপতির অভিভাষণ ।

“নানান্ দেশে নানান্ ভাষা,
বিনা স্বদেশের ভাষা—পুরে কি আশা ?”

বঙ্গভাষা আজ আর উপেক্ষিত নহে, বাঙ্গালী বলিয়া যাহারা গৰ্ব্ব করেন, তাঁহাদের নিকট বঙ্গভাষা বরং অপেক্ষিত । যখন বাঙ্গালীর ছেলে, বঙ্গভূমির বন্ধের উপর দাঁড়াইয়া বাঙ্গালা ভাষায় কথা বলা, বা বাঙ্গালা ভাষায় গ্রন্থ অধ্যয়ন করাকে লজ্জাজনক, কতকটা বা প্রত্যাবায়জনক মনে করিতেন, সে ছুদিন কাটিয়া গিয়াছে, সে মোহ ভাঙ্গিয়াছে ।

মহাকবি কৃত্তিবাস হইতে কবির ডাক্তার রবীন্দ্রনাথ পর্য্যন্ত বহু মনসী বঙ্গসন্তান, বঙ্গবাণীর স্বর্ণমন্দির রচনার সাহায্য করিয়াছেন, রাজা রামমোহন, প্রাচঃস্মরণীয় বিদ্যাসাগর, অমর বঙ্কিমচন্দ্র, চিন্তাশীল অক্ষয় কুমার প্রভৃতি বহু প্রতিভাশালী সারস্বতগণ সেই মন্দিরগাত্র নানাবিধ শিল্পসৌন্দর্য্যে খচিত করিয়াছেন । বঙ্গভাষা এখন বাঙ্গালীর একটা প্রকৃত স্পর্কার পদার্থ হইয়া দাঁড়াইয়াছে ।

যে জাতির নিজের পরিচয়যোগ্য ভাষা নাই, বা নিজের জাতীয় সাহিত্য নাই, সে জাতি বড়ই দুর্ভাগ্য । বাঙ্গালী ভারতের যে প্রাচীন মহা বংশের উত্তরাংশ, সেই প্রাচীন, আৰ্য্যজাতির ভাষা এবং সাহিত্য-ভাণ্ডার অনন্ত ও অমূল্য রত্ন-রাশিতে পরিপূর্ণ । সুতরাং বাঙ্গালীকে নিজের জাতীয়-সাহিত্য গঠনে সম্পূর্ণ রূপে পরের প্রত্যাশী হইতে হয় নাই । জগতের অপর অপর শিক্ষিত ও সমুন্নত জাতির সমক্ষে, নিজের জাতীয় সাহিত্য লইয়া দাঁড়াইবার যোগ্যতায় বাঙ্গালী এখন বঞ্চিত নহে, একথা সত্য, কিন্তু তাই বলিয়া বর্তমানে বঙ্গভাষার যতটা শ্রীবৃদ্ধি সাধিত হইয়াছে, ইহাই যে বর্দ্ধিষু বঙ্গবাসীর পক্ষে পর্য্যাপ্ত, একথা আমি কদাচ স্বীকার করিতে পারি না ।

কেন্দ্রকর্ষণ পরিশ্রম-সাধ্য কার্য্য হইলেও, সেই কর্ষিত কেন্দ্রে বীজ বপন ও উপযুক্ত সেচনাদির দ্বারা অঙ্কুরিত বীজের লক্ষণ পরিবর্তন, অধিকতর পরিশ্রমসাধ্য

ও বিবেচনা-সাপেক্ষ । অকুরিত শব্দের আপদ অনেক । সেই সমস্ত আপদ হইতে রক্ষা করিয়া শস্যকে ফলোন্মুখ করিয়া তোলা বড়ই দক্ষতা-সাপেক্ষ । যে সময়ে জলসেচনের প্রয়োজন তখন জল, যখন আতপ নিবারণের প্রয়োজন তখন ছায়ার ব্যবস্থা আবশ্যিক । এই সমুদয়ের কোন একটির অভাবেই কর্ষিত ভূমি শস্ত-শালিনী হইতে পারে না । বর্তমান-সময়ে আমাদের বঙ্গভাষার সম্বন্ধে ও ঐ রীতির অহুমরণ বিধেয় । বহুকাল, বহুশত বৎসর অক্লান্ত পরিশ্রম সহকারে কৃষিবাস প্রভৃতি সাধকগণ তাঁহাদের আরাধ্য বঙ্গভাষার ক্ষেত্র কর্ষণ করিয়া গিয়াছেন । পরষর্তী অনেক প্রতিভাসম্পন্ন ব্যক্তি, সেই কর্ষিত ভূমির উর্বরতা বর্ধনের নিমিত্ত নানা আয়াস করিয়াছেন । দেশের শিক্ষিত অশিক্ষিত সকলের এখন, সেই ভূমির স্রীতি দৃষ্টি আকৃষ্ট হইয়াছে ; সকলেই সুফলের আশায় সেই ভূমির দিকে লোপনয়নে চাহিতেছেন ; কত উচ্চ আশায় উৎফুল্ল হইয়া নিজের মাতৃভাষার প্রতি ভক্তি ও আদর সহকারে দৃষ্টিপাত করিতেছেন । এমন সময়ে, দেশবাসীর এই আকাঙ্ক্ষাপূর্ণ, উৎকর্ষাপূর্ণ সময়ে ঐ কর্ষিত ভূমিতে বীজ বপন করিতে হইবে । সুতরাং তাহাতে যে কত সতর্কতার প্রয়োজন, কত পূর্বাগর বিবেচনার প্রয়োজন, তাহা বঙ্গবাসিমাত্রেই বিশেষ বিবেচ্য । এতদিনের চেষ্টায় যে বঙ্গ-সাহিত্যের ক্ষেত্র পরিপাটীরূপে প্রস্তুত হইয়াছে, আমাদের এবং আমাদের ভবি-
ষ্যৎ বংশধরগণের অবিবেচনার ফলে, তাহা যেন নষ্ট না হয়, তাহার উর্বরতা যেন কতগুলি আবর্জনাজনিত কারণদাহে দগ্ধীভূত না হয়, ইহাই আমার অভিলাষ ।

“বিশেষ বিবেচ্য” কেন বলিলাম, তাহাই বিবৃত করিতেছি । এতকাল অর্থাৎ প্রায় গত সার্ব্ব শতাব্দী ধরিয়া বঙ্গভাষা যে ভাবে, যে গতিতে বঙ্গীয় জনসমাজে প্রসারলাভ করিতেছিল, এখন বঙ্গভাষার সেই গতির কিপ্রভা ক্রমেই বাড়িতেছে । পূর্বে ছিল, যাহারা শিক্ষিত, কি প্রতীচ্য কি প্রাচ্য, উভয়বিধ শিক্ষার কোন একটিতে যাহারা সম্পন্ন, বঙ্গভাষায় কতিপয় কমনীর গ্রন্থ সেই অল্প সংখ্যক ব্যক্তির অবসরবিনোদনের উপাদানমাত্র হইত । কার্য্য-স্তরব্যাপ্ত চিত্তকে কদাচিৎ প্রসন্ন করিবার জন্য তাঁহারা বঙ্গভাষার গ্রন্থাবলী পাঠ করিতেন । প্রকৃত-পক্ষে যাহাদের লইয়া বঙ্গদেশ, বাহাদিগকে বাদ দিলে বাঙ্গালা দেশের প্রায় সমস্তই বাদ পড়ে, সেই বঙ্গের আপামর সাধারণের মধ্যে বঙ্গভাষার আদর কতটা ছিল ? এক প্রকার ছিলই না, বলিলেও অত্যাতি হয়

না। কুন্তিবাস, কালীরাম ব্যতীত অপর কয়জন বঙ্গসাহিত্য-রথীর নাম. বঙ্গের জনসাধারণের মধ্যে সাত কোটি বঙ্গবাসীর তুলনায় মুষ্টিমেয় বলিলেও অতিরঞ্জন হয় না। এই মুষ্টিমেয় সমাজে যে বঙ্গভাষা এত দিন আবদ্ধ ছিল, এখন সেই বঙ্গভাষা অতি ক্ষিপ্রগতিতে বাঙ্গালার সকল সম্প্রদায়ের মধ্যে প্রসার লাভ করিতেছে। সুতরাং এই সময়ে ভাষা বাহাতে সংযত-চরণে চলে, বাহাতে উচ্ছৃঙ্খল না হয়, সে পক্ষে বঙ্গের জাতীয় জীবনের উষোধন-কর্তাদের বিশেষ দৃষ্টি রাখিতে হইবে। আর সেই সঙ্গেই, আমাদের সুনন্দরী মাতৃভাষা কি উপায়ে সুন্দরী-তমা হইতে পারে, তাহাও ভাবিতে হইবে। কেবল গীতিকাব্য, মহাকাব্য, বা গল্প-শুভ্ধে জাতীয় সাহিত্য পূর্ণাঙ্গ হইতে পারে না। জাতীয় সাহিত্যের বিরাট গৌধের চত্বরে শিল্প, বিজ্ঞান, বার্তাশাস্ত্র, সমাজনীতি, রাজনীতি, ধর্মনীতি—সর্বপ্রকার রত্নের সমাবেশ আবশ্যিক। সর্ববিধ কলার বিলাসে জাতীয় সাহিত্য-মন্দির বিকসিত হওয়া বাঞ্ছনীয়। অতথা তাহাকে অসঙ্কোচে “জাতীয় সাহিত্য” বলিতে পারা যায় না। বর্তমান কালে, যখন বঙ্গভাষাক প্রতি জন-সাধারণের দৃষ্টি অল্প বিস্তর ভাবে নিপতিত হইবার উপক্রম হইয়াছে, তখন, বিশেষ বিবেচনাপূর্বক ঐ ভাষার গতিক, বঙ্গবাসীর ভবিষ্যৎ অভ্যুদয়ের অনুকূলভাবে নিয়ন্ত্রিত করিয়া লইতে হইবে। জাতীয়তা গঠন করিতে হইলে জাতীয় সাহিত্য গঠন সর্বাগ্রে আবশ্যিক। সেই জাতীয় সাহিত্য কিরূপ ভাবে গঠিত হইলে আমাদের মঙ্গল হইবে, কি প্রকারে, কোন্ দিকে জাতীয় সাহিত্যের গতি নিয়ন্ত্রিত করিতে পারিলে ভবিষ্যতে আমাদের শ্রীবৃদ্ধি সাধিত হইবে, সেই সম্বন্ধেই আমি হই একটা কথা বলিতে ইচ্ছা করি।

আমাদের দেশে “শিক্ষিত” বলিতে আমরা কি বুঝি? সর্বসাধারণে কোন্ সম্প্রদায়কে “শিক্ষিত” বলিয়া স্বীকার করে? বর্তমান কালে, আমাদের দেশে শিক্ষার কেন্দ্র মাত্র বিশ্ববিদ্যালয়। যাহারা বিশ্ববিদ্যালয়ে শিক্ষাপ্রাপ্ত হন, দেশবাসীগণ অসঙ্কোচে তাঁহাদিগকেই শিক্ষিত আখ্যা এবং শিক্ষিতের প্রাপ্য সম্মান প্রদান করেন। ভারতবর্ষের নানা বিপ্লবের মধ্যেও যাহারা পরম যত্নে বুক বুক রাখিয়া, আমাদের প্রাচীন শাস্ত্ররাজি রক্ষা করিয়া আসিয়াছেন, সেই সংস্কৃত-ব্যবসায়ী অধ্যাপকবর্গের আসন দেশবাসী এখনও অনেক উচ্চে প্রদান করিয়া থাকেন; যদি অধ্যাপকবৃন্দ আত্মমর্যাদা অক্ষুণ্ণ রাখিতে পারেন, তবে উত্তরকালেও সে উচ্চাসনে তাঁহারা অধিকারী থাকিবেন,

সত্য, কিন্তু সংখ্যাগত হিসাব ধরিলে, বঙ্গের প্রতি পল্লীতেই প্রায় বিশ্ববিদ্যালয়ের শিক্ষাপ্রাপ্ত ব্যক্তির সম্ভাব পরিদৃষ্ট হয়। যেখানে হয়ত পূর্বে পাশ্চাত্য শিক্ষার আদৌ প্রচার ছিল না, বর্তমানে, সেখানেও উক্ত শিক্ষার প্রতি লোকের আদর দেখা যাইতেছে। ষে রূপ ভাবে, গত কতিপয় বৎসরের মধ্যে ইংরাজী শিক্ষার ভূয়ঃপ্রচার ঘটিয়াছে, তাহাতে মনে হয়, অদূরবর্তী সময়ে বঙ্গে, যথায় ইংরাজী শিক্ষিত ব্যক্তির অভাব এমন পল্লী থাকিবে না। সুতরাং বঙ্গের ভবিষ্যৎ জন-মত-পরিচালনের এবং জন-সাধারণের মত-গঠনের ভার উক্ত শিক্ষিতগণের হস্তেই ক্রমে গুস্ত হইবে। যাহারা বিশ্ববিদ্যালয় হইতে উচ্চ শিক্ষাপ্রাপ্ত হইয়া স্ব স্ব জন্মভূমিতে প্রত্যাবৃত্ত হইবেন, যদি অকপট ভাবে ইচ্ছা করেন, তবে, তাঁহারা তাঁহাদের প্রতিবেশীদিগের, চতুঃপার্শ্ববর্তী পল্লীসমূহের অনেক শ্রীবৃদ্ধি সাধন করিতে পারিবেন। তাঁহাদের পল্লীবাসিগণ তাঁহাদিগের নিকটে অনেক আশা করেন। যে যে পল্লীতে তাঁহাদের বাস, সেই পল্লীর এবং তৎ তৎ সমাজের সর্ববিধ উৎকর্ষাপকর্ষের জন্ত তাঁহারাই অনেকটা দায়ী। আর্থিক, সামাজিক, নৈতিক এবং স্বাস্থ্যসংক্রান্ত উন্নতির জন্ত দেশের শিক্ষিতসম্প্রদায় অনেকটা দায়ী, কেন না লোকের শ্রদ্ধা ও বিশ্বাস, যে শ্রদ্ধা ও বিশ্বাস বাদ দিলে মানুষের আর কিছুই থাকে না, সেই শ্রদ্ধা ও বিশ্বাস আকর্ষণপূর্বক, যদি তাঁহারা বিবেচনা সহকারে লোক মত পরিচালনা করিতে পারেন, তাঁহাদের প্রতিবেশীরা অগ্নানমনে, তাঁহাদের প্রদর্শিত পথে চলিবে। যে যে গুণ থাকিলে, মানুষের শ্রদ্ধা ও বিশ্বাসের ভাজন হওয়া যায়, শিক্ষিত-গণের শিক্ষা সমাপ্তির সঙ্গে সঙ্গে সেই সেই গুণে সম্পন্ন হইতে হইবে। দয়া, সমবেদনা, পরহঃখকাতরতা, সত্যপ্রিয়তা, বিনীতভাব প্রভৃতি স্বর্গীয় সম্পদে হৃদয়কে সম্পন্ন করিতে পারিলেই প্রকৃত পক্ষে শিক্ষার ফল ফলিয়াছে, বলা যাইতে পারে। অন্তথা কেবল পরীক্ষার কৃতকার্যতাকেই শিক্ষার চরমফল প্রাপ্তি বলিতে পারি না। স্বজাতিকে আত্মমতের অনুকূল করিতে হইলে, সর্বাগ্রে স্বজাতির শ্রদ্ধা ও বিশ্বাস আকর্ষণ আবশ্যিক, একথা আমি পূর্বেই বলিয়াছি। কেবল সামাজিক, বা কেবল রাজ-নৈতিক আন্দোলনে সমাজের প্রকৃত মঙ্গল সাধন হয় না। প্রাত্যহিক কার্যের যেমন একটা 'তালিকা' অন্ততঃ মনে মনে থাকিলেও কার্যের শৃঙ্খলা হয়, সময়ের সচ্যবহার হয়, তদ্রূপ

জাতীয় সাহিত্য যদি সুগঠিত হয়, তবে সেই সাহিত্যের দ্বারা জাতীয়তা গঠনের পক্ষেও বিশেষ সহায়তা ঘটে। এই জাতীয় সাহিত্য গঠনের প্রকৃত ভার এখন ক্রমে বিশ্ববিদ্যালয়ের উচ্চশিক্ষাপ্রাপ্ত ব্যক্তিগণের হস্তেই গুস্ত হইতেছে। অবকাশ মত, কোন ভাবুক, ভাবের স্রোতে ভাসিয়া দু'একটি কবিতা রচনা করিলেন, বা চিন্তাপূর্ণ দু'একটি প্রবন্ধ পাঠ করিলেন, তাহাতে জাতীয় সাহিত্যের প্রকৃত গঠন হইবে না। তপস্যার স্রায় একাগ্রতা-পূর্ণ চেষ্টায় ঐ সাহিত্যের শ্রীবৃদ্ধি সাধন করিতে হইবে। বর্তমান সময়ে বিশ্ববিদ্যালয়ের উচ্চ শিক্ষায়ও বঙ্গভাষার অধ্যাপনা হইতেছে। বিশ্ববিদ্যালয় হইতে যাহারা শিক্ষালাভ করিতেছেন, তাঁহারা উত্তরবঙ্গ শিক্ষায় শিক্ষিত হইতেছেন। বঙ্গভাষায়ও তাঁহারা পাণ্ডিত্য-সম্পন্ন হইতেছেন। এই ইংরাজী ভাষায় শিক্ষিত ব্যক্তিগণের হস্তে বঙ্গভাষার ভবিষ্যৎ উন্নতির ভার নিহিত। সুতরাং তাঁহাদের এ সম্বন্ধে কি কর্তব্য, তদ্বিষয়ে দু'একটি কথা অপ্রাসঙ্গিক হইবে না।

এই ইংরাজী শিক্ষিতগণ যদি, একটু আদরের সহিত স্ব স্ব মাতৃভাষার আলোচনা করেন, মাতৃভাষারই হিতকল্পে মাতৃভাষার আলোচনা করেন, তবে তাহাতে সফলের আশা অনেক। দেশের যাহারা উচ্চশিক্ষাবর্জিত, সেই জনসাধারণকে তাঁহারা অতি অল্প আয়াসেই মাতৃভাষার প্রতি অধিকতর আগ্রহ-সম্পন্ন করিতে পারিবেন। কেন না,—তাঁহারা এই প্রকৃতপক্ষে সাধারণ মত গঠনের ও সাধারণ সদমুষ্ঠানের প্রধান উপকরণ বা এক হিসাবে কর্তা হইবেন। সুতরাং বাঙ্গালা ভাষা উত্তমরূপে শিক্ষা করা এবং সেই সঙ্গে, ঐ মাতৃভাষাকে, সর্বসাধারণের মধ্যে বরেন্য্য করিয়া তোলা ইংরাজী শিক্ষিতগণের সর্বপ্রথম কর্তব্য। কেননা, তাঁহারা প্রতীচ্য ভাষায় পারদর্শী হইয়া, সংসারক্ষেত্রে প্রবেশ করিয়াছেন; লোকসমাজের স্পৃহণীয় আসনে উপবেশন করিবার যোগ্যতা অর্জন করিতেছেন,—তাঁহাদের কথা, তাঁহাদের আচার ব্যবহারের, তাঁহাদের আচারিত রীতিনীতির উপর জনসাধারণের মঙ্গলামঙ্গল নিহিত। তাঁহারা ইচ্ছা করিলে অতি সহজেই সাধারণকে স্বমতের বশবর্তী করিতে পারিবেন। সুতরাং তাঁহাদের কর্তব্য বড়ই গুরুতর। তাঁহাদের সামান্য খলনে, সামান্য উপেক্ষায়, একটি মহতী জাতির—উদীয়মান জাতির—খলন বা অধঃপতন হইতে পারে।

“যদ্ যদাচরতি শ্রেষ্ঠস্তত্তদেবেতরো জনঃ ।”

এই মহাকাব্য স্বরণপূর্বক, তাঁহাদিগকে পাদক্ষেপ করিতে হইবে। তরণীর কর্ণধারের অনেক সতর্কতা আবশ্যিক। অন্তথা নিমজ্ঞনের আশঙ্কা বলবতী।

যাহারা বঙ্গের অশিক্ষিত, বা অল্পশিক্ষাপ্রাপ্ত, তাহারা যে ইংরাজী শিক্ষা করিয়া, পরে আবার বঙ্গভাষা শিক্ষা করিবে, এরূপ আশা কদাচ করা যায় না। তাহাদিগকে, সেই mass অর্থাৎ সাধারণ জনসম্মুখকে, সৎপথে পরিচালিত করিতে যেমন দেশের শিক্ষিতগণই একমাত্র সমর্থ, সেইরূপ, তাহাদিগকে অসৎপথে—উৎসর্গের পথে অধঃপতিত করিবার ক্ষমতাও তাঁহাদেরই হস্তে। সরলবিশ্বাস-সম্পন্ন, জনসম্মুখের চিত্ত, শিক্ষিতগণ শিক্ষার চাক্চিক্যে বশীভূত করিয়া, যে দিকে ইচ্ছা প্রবর্তিত করিতে পারেন। সুতরাং শিক্ষিতগণের হস্তে দেশের প্রকৃত সম্পদ এবং বিপদ এই উভয়েরই হেতু নিহিত রহিয়াছে। এক হিসাবে ইহাও এক মহা আতঙ্কের কথা, চিন্তার কথা! যাহাদের উপর দেশের সম্পদ বিপদ উভয়ই নির্ভর করিতেছে,—তাঁহাদের কর্তব্য যে কত গুরুতর, তাহার পুনরুল্লেখ নিম্নয়োজন।

দেশের জনসম্মুখকে যদি সৎপথেই লইয়া যাইতে হয়,—মাছুষ করিয়া তুলিতে হয়,—বান্ধালী জাতিকে একটা মহাজাতিতে পরিণত করিতে হয়, তাহা হইলে, তাহাদিগের মনের সম্পদ, যাহাতে উত্তরোত্তর বৃদ্ধিপ্রাপ্ত হয়, তাহা করিতে হইবে। পাশ্চাত্য ভাষায় অনিপুণ থাকিয়াও, যাহাতে বঙ্গের ইতর-সাধারণ, পাশ্চাত্য প্রদেশের যাহা উত্তম, যাহা উদার এবং নির্মল, তাহা শিখিতে পারে, এবং শিখিয়া আত্মজীবনের ও আত্মসমাজের কল্যাণসাধন করিতে পারে—তাহার ব্যবস্থা করিতে হইবে। পাশ্চাত্য শিক্ষার মধ্যে যাহা নির্দোষ,—আমাদের পক্ষে যাহা পরম উপকারক, যে সমুদয় গুণগ্রাম অর্জন করিতে পারিলে, আমাদের সুন্দর সমাজদেহ ও দেশাত্মবোধ, আরও সুন্দরতর, সুন্দরতম হইবে, সেই সকল বিষয়, আমাদের মাতৃভাষার সাহায্যে বঙ্গের সর্বসাধারণের গোচরীভূত করিতে হইবে। ক্রমেই যে ভয়ঙ্কর কাল আসিতেছে, সেই কালের সহিত প্রতিদ্বন্দ্বিতায় দেশবাসীদিগকে জয়ী করিতে হইলে, কেবল এ দেশীয় নহে, পাশ্চাত্য আয়ুধেও সম্পন্ন হইতে হইবে। দু'একটা দৃষ্টান্তের সাহায্যে বিষয়টা বুঝিবার চেষ্টা করা যাউক।

প্রথমতঃ ইউরোপের ইতিহাস । ইতিহাস অল্পবিস্তর প্রায় সকল জাতিরই কিছু না কিছু আছে । বর্তমান কালে, ইউরোপ জগতের অভ্যাদিত দেশ-সমূহের শীর্ষস্থানীয় । সুতরাং ইউরোপের ইতিহাস আলোচনাপূর্বক দেখিতে হইবে যে, কেমন করিয়া, কোন্ শক্তির বলে, বা কোন্ গুঢ় কারণে ইউরোপের কোন্ জাতির অভ্যাদয় ঘটিয়াছে, কোন্ পথে পরিচালিত হওয়ায়, কোন্ জাতির কি উন্নতি হইয়াছে, সেই উন্নতির কারণ এবং পথ আমাদের এ দেশীয়গণের পক্ষে প্রযোজ্য কি না, তাহার প্রয়োগে আমাদের এদেশে কতটা মঙ্গলের সম্ভাবনা,— ইত্যাদি বিষয় বিবেচনার সহিত আলোচনা করিয়া যদি সঙ্গত মনে হয়, এদেশের পক্ষে হানিজনক না হয়, তবে, সেই পথে, আমাদের জাতিকে ধীরে ধীরে প্রবর্তিত করিতে হইবে । সেই প্রবর্তনের একমাত্র সহজ পথ,—ঐ সকল কারণ, ঐ সকল উপায় প্রণালী, অতি বিশদরূপে আমাদের মাতৃভাষার দ্বারা, সাধারণের মধ্যে প্রচার করা ; এই প্রচারের একমাত্র কর্তা, বাহারা ইংরাজী ভাষায় দক্ষতা লাভ করিয়াছেন, এবং সেই সঙ্গে বাঙ্গালা ভাষায়ও বাহাদের বিশেষ অধিকার জন্মিয়াছে । তাঁহাদের সর্বপ্রথম কর্তব্য ইউরোপীয় ইতিহাসের পুঙ্খানুপুঙ্খরূপে আলোচনা । মনে রাখা কর্তব্য যে, প্রচারকর্তাদের সামান্য ক্রটিতে আমাদের অভ্যাদয়ানুধ জাতির মহা অনিষ্ট ঘটিবার সম্ভাবনা ।

যেমন এই অভ্যাদয়ের কথা বলিলাম, তেমনই এই সঙ্গে দেখিতে হইবে, কোন্ পথে যাওয়ায়, কোন্ দুর্নীতির আশ্রয় বশতঃ, ইউরোপীয় জাতির অধঃপাত ঘটিয়াছে, বা ঘটিতেছে, সর্বনাশ হইয়াছে । কোন্ জাতি উন্নতির উচ্চতম শিখরে আরুঢ় হইয়াও কোন্ কর্মের দোষে অধঃপাতের অতলতলে নিপতিত হইয়াছে,—পতনের সেই সেই কারণনিচয় অতি সুস্পষ্ট রূপে প্রদর্শন করিয়া, সেই সেই সর্বনাশের হেতুগুলি পরিহার করিতে হইবে । আমাদের মাতৃভাষার স্বচ্ছদর্পণে এই ভাবে দোষগুলির প্রতিবিম্বন পূর্বক দোষের পরিহার ও গুণের গ্রহণের প্রতি দেশবাসীর আগ্রহ এবং ঔৎসুক্য জন্মাইতে হইবে ।

ঠিককালই জীবনের সর্বস্ব নহে । এই ঠিককালকেই একমাত্র সার ভাবিয়া কার্য করার ফলে, ঐহিকবাদী ইউরোপীয়দিগের মধ্যে ধর্মভাব আদৌ নাই বলিলেই হয়, ধর্মভাবের অত্যন্ত অভাবের ফলেই বর্তমান শৌণ্ডিত্যরাজিনী রণভূমিতে ইউরোপ বিপর্যস্ত । ইউরোপের ঐ ঐহিকবাদিতার প্রতি লক্ষ্য না

করিয়া, বরং যতটা সম্ভব, উহা হইতে দূরে সরিয়া যাইয়া আমাদের জাতীয়তা ও চিরস্মরণীয় ধর্মভাবকে জাগ্রত রাখিতে হইবে। আমাদের জাতীয় সাহিত্যের ভিত্তি, ধর্মভাবের উপর স্থাপিত করিয়া, উহাতে পশ্চিমের গ্রহণযোগ্য বিষয়ের সমাবেশ পূর্বক, সাহিত্যের অঙ্গপুষ্টি করিতে হইবে। জাতীয়-সম্পদের ঘাহাতে বৃদ্ধি হয়, সর্বপ্রকারে, তাহা করিতে হইবে।

তার পর ইউরোপের সাধারণ সাহিত্য অর্থাৎ কাব্য নাটকাদি। আমার বোধ হয়, পাশ্চাত্য সাহিত্যের এই অংশে বিশেষ মনোনিবেশের প্রয়োজন। দর্শন, ইতিহাস, অর্থনীতি, গণিত, প্রভৃতি জটিল বিষয় সমূহের আলোচনা অপেক্ষা, এই সমুদয় আপাতরম্য কাব্য নাটকাদির আলোচনার ইংরাজী শিক্ষিতগণের অনেকেই কালক্ষেপ করিয়া থাকেন। বিশেষতঃ তারুণ্যের অরুণ আভায় এই সকল বিদেশীয় চিত্র প্রথমতঃ বড়ই সুন্দর বলিয়া প্রতীত হয়। হওয়াও অস্বাভাবিক নহে। আমাদের বিশেষ প্রণিধান সহকারে দেখা আবশ্যিক যে, পাশ্চাত্য সমাজের চিত্র তদীয় জাতীয় কাব্য নাটকাদিতে কি ভাবে প্রতিফলিত। ইউরোপের সামাজিক চিত্রাবলীর অঙ্গপ্রত্যঙ্গ, হাবভাব, বিচার কৌশল প্রভৃতি আমাদের সাহিত্যে এবং সমাজে গ্রহণযোগ্য কিনা,—ঐ ঐ চিত্রাবলীর আদর্শ যদি আমরা স্বকীয় সমাজচিত্রের ছায়াপাত করি, তবে তাহাতে আমাদের জাতীয়তা অক্ষুণ্ণ থাকিবে কিনা, অথবা ঐ বিদেশীয় চিত্র আমাদের সাহিত্যে এবং সমাজে সম্পূর্ণরূপে পরিহার্য কিনা,—এই চিন্তা হৃদয়ে বদ্ধমূল রাখিয়া ইউরোপীয় কাব্যনাটকাদি পাঠ করিয়া, উহার যে সকল অংশ উৎকৃষ্ট, অক্ষরণীয় এবং কল্যাণ-জনক, তাহা আমাদের মাতৃভাষার সাহায্যে সাধারণের গোচর করিতে হইবে। এইরূপ করিতে পারিলে, মাতৃভাষার লাভব্য বৃদ্ধিত হইবে। যাহা সৎ, যাহা সাধু, নির্মল ও নির্দোষ তাহা যে জাতির বা যে সমাজেরই হউক না কেন, সাগ্রহে গ্রহণ করিতে হইবে।

“শুণাঃ পূজাস্থানং শুনিষু ন চ লিঙ্গং ন চ বয়ঃ ।”

এইভাবে জাতীয় সাহিত্য যদি গঠিত হয়, তবে সেই সাহিত্যের সাহায্যেই, আমাদের নব-জাতীয়তা সুগঠিত হইবে, এবং জগতের অন্যান্য সভ্য জাতির সহিত আমরা সমকক্ষতা করিতে পারিব। অন্যথা সে সম্ভাবনা অতি অল্প। ইতিহাস এবং কাব্য-নাটক উপভাসাদি সম্বন্ধে যে কথা বলিলাম, ইউরোপীয়

দর্শন এবং অপরাপর কলা (art) প্রভৃতি সম্বন্ধেও ঐ কথাই প্রযোজ্য। যাহা কিছু বিদেশীয়, তাহাই উত্তম, সুতরাং আমাদের গ্রাহ্য, বা যাহা কিছু বিদেশীয়, তাহাই অস্পৃশ্য, সম্পূর্ণভাবে পরিত্যাজ্য,—এরূপ কথা বলিতে আমি সাহস করি না। বিদেশীয় বা স্বদেশীয় বুঝি না, যাহা উত্তম, তাহা, যে দেশীয়ই হউক না সর্বথা গ্রাহ্য, আর যাহা সর্বথা দোষযুক্ত নহে, তাহা, আত্ম-পরজ্ঞান-বর্জনপূর্বক, পরিত্যাগ করিতে হইবে। এমন অনেক প্রথা থাকিতে পারে, অথবা আছেও, যাহা ইউরোপীয় সমাজের কতকটা অনুকূল হইলেও আমাদের সমাজের সম্পূর্ণ প্রতিকূল। সেরূপ প্রথার প্রচলনে প্রয়াস করা যে কেবল পণ্ডশ্রম, তাহাই নহে; তাহাতে, আমাদের স্বরগাভীত কাল হইতে সুসংবদ্ধ সমাজেরও বিশেষ বিশৃঙ্খলা ঘটবার সম্ভাবনা। যেমন ইউরোপীয় বিবাহপদ্ধতি। পাশ্চাত্য দৃষ্টিতে উহা বতই সুন্দর ও আপাতরম্য মনে হউক না কেন,—এদেশের অস্থিমজ্জার সহিত যে সংস্কার অবিভাজ্যরূপে বিজড়িত, ঐ বিবাহপদ্ধতি সেই সংস্কারের এবং সেই সংস্কারপরিচালিত ও পরিবর্দ্ধিত সমাজের পক্ষে কদাচ হিতকরী হইতে পারে না। সুতরাং তাদৃশী পদ্ধতির ঐচ্ছিকালিক চিত্রে আমাদের জাতীয় সাহিত্যের অঙ্গ উজ্জ্বল করিতে চেষ্টা করা অসুচিত। যাহা তোমার সমাজের বা জাতীয়তার পরিপন্থী, তাহাকে আড়ম্বর-পূর্ণ সাজ-সজ্জায় সাজাইয়া, সৌন্দর্যের প্রলোভনে তোমার স্বজাতির আপামর সাধারণকে মজাইও' না। মনে রাখিও, তুমি যে পথ আজ নির্ধিত করিয়া যাইতেছ, উত্তরকালে তোমারই দেশের শত সহস্র যাত্রী সেই পথে গমনাগমন করিবে। সুতরাং আপাত প্রশংসার ও বশের প্রতি উদাসীন থাকিয়া, যাহা তোমার স্বজাতির এবং স্বসমাজের হিতকর, তাদৃশ চিত্র অঙ্কিত কর, তাদৃশ আদর্শ তোমার সাহিত্যের মন্দিরে স্থাপিত কর, যাহার অনুকরণে তোমার ভবিষ্যৎ জাতি সমুন্নত হইবে। তোমার যে বিবাহপদ্ধতি আছে, পৃথিবীর অস্ত কোন জাতির পদ্ধতি অপেক্ষা উহা নিকট নহে, প্রত্যুত অনেকাংশে উৎকৃষ্ট, সুতরাং ঐ উৎকৃষ্ট পদ্ধতির যে যে অংশ অশিক্ষিত, সংস্কৃতান্ভিজ সাধারণ জনসমাজে এখনও সম্পূর্ণরূপে অনুবোধিত, হয় নাই, তাহা তোমার বঙ্গসাহিত্যের সাহায্যে ইতর-ভঙ্গ-নির্বিণেবে, সর্বসাধারণে প্রচারিত কর। এবং পার ত তোমার সেই উৎকৃষ্ট চিত্রের সম্মুখে, বিদেশীয় চিত্রের আবরণ উন্মোচন করিয়া তুলিয়া

ধর, তুলনার তোমার স্বজাতিকে বুঝাইয়া দাও, যে কোন্টা ভাল, কোন্টা তোমার পক্ষে গ্রাহ্য ও তোমার সমাজের অনুকূল । মোহের ঘোরে যাহার মস্তিষ্ক বিকৃত, তাহার যাহাতে মস্তক শীতল হয়, সেইরূপ ভৈষজ্যের বিধান কর । যাহাতে রোগ বৃদ্ধি হয়, তোমার জাতীয় চিকিৎসা গ্রন্থে তাদৃশ ঔষধের ব্যবস্থা করিয়া সমাজকে উৎসন্ন করিও না । তোমার প্রাচীন শাস্ত্রভাণ্ডারে যে সকল অমূল্য রত্নরাজি স্তূপীকৃত রহিয়াছে, এখনও যাহাদের আবরণ সম্পূর্ণরূপে উন্মোচিত হয় নাই, মাত্র কতিপয় শিক্ষিত ব্যক্তি ব্যতীত সাধারণে এখনও যে সমুদয় রত্নের অতুল কাঙ্ক্ষা নিরীক্ষণ করে নাই, তোমার জাতীয় সাহিত্যের সাহায্যে, সেই সেই রত্নের মালা গাঁথিয়া তোমার স্বজাতির কণ্ঠে পরাইয়া দাও, তাহাদিগকে বুঝিতে দাও, শিখিতে দাও, দেখিতে দাও, এবং দেখিয়া, তুলনা করিয়া ভাল মন্দ বাছিয়া লইতে দাও ; দেখিবে, তাহারা এদেশের অপরাজিতা বা শেকালিকা ফেলিয়া, অষ্টদেশের ডায়লেট মাথায় করিবে না । নিজেদের কি আছে, কি ছিল, ইহা যাহারা না জানে, তাহারাই পরের দ্বারে উপস্থিত হয় । তোমার স্বদেশবাসীদিগকে তোমার প্রাচীন সম্পদের পরিচয় দাও, বিশ্লেষণ করিয়া বুঝাইয়া দাও, তাহাদের মনে আত্ম-সম্মান উদ্ধৃদ্ধ করিয়া তোল । তবেই ত তোমার জাতীয়তা গঠিত হইবে । সর্বপ্রথমে জাতীয় সাহিত্য গঠন কর, তবে ত জাতির গঠন হইবে নতুবা সমস্তই আকাশ-কুসুম ।

মনে কর, বিলাতের ব্যবস্থাপক সভা (বা পার্লামেন্ট) । তোমার দেশের পক্ষে, বর্তমান সময়ে, ঐরূপ সভার উপযোগিতা কতদূর তাহা বিশেষ বিবেচ্য । কিন্তু বিলাতের লোকতন্ত্র বেক্রম ভাবে গঠিত, তাহার পক্ষে, ঐ সভার উপযোগিতা প্রচুর । সে দেশের পক্ষে যাহা আবশ্যিক, তাহাই যে এ দেশেরও আবশ্যিক, ইহা বলা বড়ই হুকর । দেশভেদে, দেশবাসিভেদে, দেশের আভ্যন্তরীণ অবস্থাভেদে, এবং দেশের শিক্কা-দীকার ভেদে দেশের পরিচালক সভাসমিতির ভেদ অবশ্যস্বাবী । সুতরাং তোমার দেশের পক্ষে তোমার প্রাচীন পদ্ধতিই অনুকূল, বা বিদেশীয় পদ্ধতি অনুকূল, তাহা বিশেষ বিচার করিয়া, তোমার জাতীয় সাহিত্যের দর্পণে, ঐ উভয় ছবিই দোষগুণের আলোচনা কর, এবং দেশবাসীদিগকেও বুঝিয়া লইতে দাও যে, কোন্টা তাহাদের গ্রাহ্য । মুক্ত পুরুষের জ্ঞান অর্ধ প্রকৃতির জ্ঞান নিরপেক্ষ হইয়া, লোকের হিতকামনায় সাহিত্য গঠন কর, দেশের ও জাতির

মঙ্গল হইবে। ইউরোপের রাজনৈতিক ক্ষেত্রের আদর্শ যদি তোমার স্বদেশের ক্ষেত্র প্রস্তুত করিতে চাও, মনে রাখিও, বর্তমান সময়ে তোমার বিকলাশ হওয়াই সম্ভব। হৈমন্তিক শস্যের জন্য যে ক্ষেত্র প্রস্তুত, তাহাতে আশু ধান্যের বীজ বপনে, মাত্র কৃষকের মনস্তাপের বৃদ্ধি হয়, আর সেই সঙ্গে বীজ ধ্বংস ও ক্ষেত্রের উর্বরতাও ক্ষয়প্রাপ্ত হয়। যে দেশের শাস্ত্রে, শিক্ষায় দীক্ষায় ও রাজনীতিতে রাজা মানব নহেন, দেবতা বলিয়া কীর্তিত, সেই ভারতবর্ষে, পাশ্চাত্য রাজনীতির ছায়াপাতে সেই দেবতাকে আবার মানবের আসনে অধঃপাতিত করিও না। তোমার প্রাচীন রাজনীতির উজ্জলচিত্র উত্তমরূপে নিরীক্ষণপূর্বক, প্রতিভার সাহায্যে তাহা তোমার মাতৃভাষায় আলোচনা করিয়া পাশ্চাত্য রাজনীতির সহিত তুলনায় সর্ব-সাধারণকে বুঝিতে দাও, যে, তোমার পূর্বপুরুষগণের রাজনৈতিক ধারণা কত উচ্চ ছিল। গুপ্তহত্যা, রাজবিদ্বেষ এবং রাজদ্রোহ, কেবল ঐহিক নহে, পারত্রিক অকল্যাণেরও আকর, একথা তোমার ধর্মশাস্ত্র উচ্চৈঃস্বরে ঘোষণা করিয়াছে। যদি এই সকল কঠিন সমস্যা, মাতৃভাষায় সাহায্যে সমাধান করিতে পার, তবেই, প্রকৃতপক্ষে, তোমার মাতৃভাষায় সেবা সার্থক হইবে, তোমার জ্ঞানার্জন সার্থক হইবে, আর সেই সঙ্গে, বঙ্গভাষায় সেবা করিয়া তোমার চন্দ্র সার্থক হইবে। অবশ্য এই কঠিন কার্য এক সময়ে, বা একের দ্বারা কদাচ অসম্পন্ন হইতে পারে না। কিন্তু এই পথে যদি একবার তোমার জাতীয় সাহিত্যের গতি নিয়ন্ত্রিত করিতে পার, তবে দেখিবে, আরও কত পথিক, তোমার প্রদর্শিত পথে যাত্রা করিবে। এই গুরুতর কার্যের প্রথম অনুষ্ঠানগণের মনে রাখিতে হইবে যে, কেবল অন্ধভাবে পাশ্চাত্য সাহিত্যের অনুবাদে বা মাত্র তাহার উজ্জল অংশের প্রদর্শনেই, আমাদের ঐ মহৎ উদ্দেশ্য সূক্ষ্ম হইবে না; প্রত্যুত, তাহাতে ক্ষতির সম্ভাবনাই অধিক। পাশ্চাত্য সাহিত্যের নিরপেক্ষ ও পুঙ্খানুপুঙ্খরূপে সমালোচনাপূর্বক, তাহার অসদংশের বর্জন করিয়া সদংশ, যাহা দোষ লেশ শূন্য ও এদেশের অনুকূল, আমাদের মাতৃভাষায় কমনীয় আভরণে অলঙ্কৃত করিয়া, জাতীয় সাহিত্যের অস্তিত্ববিষ্ট করিতে হইবে। এই ভাবে ইউরোপীয় সাহিত্যের গ্রন্থ অংশগুলি যদি আমরা গ্রহণ করিতে পারি, তবেই ক্রমে আমাদের বঙ্গভাষা আশাতীত ভাবে পরিপুষ্ট লাভ করিবে। ইউরোপীয় ভাষায় অল্পজ্ঞ বা অনভিজ্ঞ থাকিয়াও এদেশবাসীরা ইউরোপের শিক্ষাদীক্ষার উত্তম

ফলে বঞ্চিত থাকিবে না। প্রাচীন জাপান এই উপায় বলেই অধুনাতন নবীন জাপানে উন্নীত হইতে পারিয়াছে। কিন্তু এই সমস্ত কার্যের মধ্যেই একটা বিষয়ে সর্বদা আমাদের লক্ষ্য রাখিতে হইবে। অশ্বের উপরে নর্তনাদি করিয়া, যাহারা দর্শকদিগের প্রীতি ও কোতুক উৎপাদন করে, তাহারা যেমন, প্রথমতঃ সর্বদাই সতর্ক থাকে যে, অশ্বপৃষ্ঠ হইতে যেন স্থলিত হইয়া না পড়ে—তদ্রূপ, আমাদের লক্ষ্যেও সর্বদা সাবধান হইতে হইবে যে, আমরা এই কার্য করিতে যাইয়া যেন স্থলিত না হই। অর্থাৎ আমাদের যাহা মজ্জাগত সংস্কার, সেই পবিত্র ধর্মভাব হইতে যেন বিচ্যুত না হই। আমাদের রাজনীতি, সমাজনীতি প্রভৃতির কোনটিই ধর্মভাবশূন্য নহে। ভারতবর্ষের মৃত্তিকায় এমনই একটা গুণ আছে যে, এখানে ধর্মভাববর্জিত কোন বস্তুই স্থায়ী হইতে পারে না, এপর্যন্ত পারে না। যাহাদের আহারে বিহারে, আচারে ব্যবহারে, সর্বত্রই ধর্মের প্রভাব বিদ্যমান, তাহাদের জাতীয় সাহিত্যের কোন চিত্র যদি ধর্মভাব-ব্যঞ্জক না হয়, তবে তাহা কদাচ বাণীর পাদপদ্মে অর্পণ করা যাইবে না। সে চিত্র, গোধূলি-গগনের লোহিত মেঘখণ্ডের মত, অতি অল্পকাল মধ্যেই বিলুপ্ত হইবে। সীতা, সাবিত্রী, দময়ন্তী লোপামুদ্রা, অরুন্ধতী প্রভৃতি যাহাদের জাতীয় সাহিত্যের অধিষ্ঠাত্রী দেবী; রাম, যুধিষ্ঠির, ভীষ্ম, দধীচি, কর্ণ যাহাদের সাহিত্যের আদর্শপুরুষ, কবিগুরু রত্নাকর, মহর্ষি দৈপায়ন, কবিকুলরবি কালিদাস, ভবভূতি যাহাদের জাতীয়-সাহিত্য-সঙ্গীতের গায়ক, আর সর্বোপরি, চতুর্ন্থ ব্রহ্মা যাহাদের শ্রোতসঙ্গীতরূপ অমৃতের নিব্বার, তাহাদের নবীন জাতীয় সাহিত্যে কোনরূপ অপবিত্র ভাব বা আচার যেন প্রবেশ না করে, তৎপক্ষে সর্বদাই প্রথর দৃষ্টির প্রয়োজন। সকল জাতিরই এক একটা লক্ষ্য থাকা আবশ্যিক। লক্ষ্যহীন জাতি কদাচ অভ্যাদয়শালী ও কালজয়ী হইতে পারে না। এপর্যন্ত পৃথিবীতে যে যে জাতি অভ্যাদিত হইয়াছে, তাহাদের প্রত্যেকেরই একটা না একটা স্থির লক্ষ্য ছিল; এবং সেই লক্ষ্য ধরিয়াই তাহারা ক্রমে তাহাদের আকাঙ্ক্ষিত বস্তু লাভ করিতে পারিয়াছে। লক্ষ্য স্থির রাখিতে পারিলে, কিছুই অসম্ভব নহে। অতি ছুফর এবং দুঃসাধ্য কার্যও সুসম্পন্ন করা যাইতে পারে। এই যে ইউরোপ এত অতুল ঐহিক শ্রীবৃদ্ধিতে সম্পন্ন, ইহার কারণ কি? অর্থ বা অর্থকর বাণিজ্য উহাদের একমাত্র লক্ষ্য। আজ যে

জাপান এত উন্নত, ঐ অর্থকর বাণিজ্য উহার একমাত্র লক্ষ্য। ঐ লক্ষ্যের প্রতি স্থিরদৃষ্টি আছে বলিয়াই, অন্য কোন বাধাবিপত্তিতে উহাদিগকে ব্যাহত করিতে পারে না। লক্ষ্যস্থলে উপনীত হইবার জন্য, প্রাণকেও উহার অতি তুচ্ছ জ্ঞান করে। লক্ষ্য স্থির ছিল বলিয়াই, ধর্মপ্রাণ অগ্নি-উপাসকগণ অম্লানবদনে, ইরাণ ছাড়িয়া ভারতবর্ষে চলিয়া আসিয়াছিলেন,—আমেরিকার পিউরিটানেরা মাতৃভূমি পরিত্যাগপূর্বক, গহনবনে আশ্রয় লইয়াছিলেন। যে যে জাতি যে যে বৃহৎ কার্যই করুক না কেন, তাহার মূলে কিন্তু একটা স্থির লক্ষ্য থাকা চাই। তাই বলিতেছিলাম, আমাদের এই জাতীয় সাহিত্যের মন্দির-নির্মাণেও একটা স্থির লক্ষ্য আবশ্যিক। অন্তথা আমরা সফলকাম হইতে পারিব না। আমাদের সেই লক্ষ্য কি হওয়া উচিত? কোন্ লক্ষ্যে স্থিরচিত্ত থাকিয়া, আমাদের পূর্ব পুরুষগণ জগতের সর্বশ্রেষ্ঠ জাতি হইতে পারিয়াছিলেন? কোন্ লক্ষ্য হইতে ভ্রষ্ট হইয়াই আমরা ক্রমে অধঃপতিত হইতেছি? ইহাই আমাদের সর্বাগ্রে দ্রষ্টব্য ও বিবেচ্য।

ভারতবর্ষ যে এত উন্নত হইয়াছিল, সে একমাত্র ধর্ম লক্ষ্য করিয়া। যদি ভারতকে আবার বড় করিতে চাও, যদি আবার তোমাদের লুপ্ত সম্পদ, বিনষ্টসম্মান পুনরধিকার করিতে চাও, তবে সেই পিতৃপিতামহের লক্ষ্যে দৃষ্টি স্থির কর। একাগ্রচিত্ত হও, অবাধে তোমার অভিপ্রেত মৎস্যচক্র ভেদ করিতে পারিবে। ধর্মভাব হিন্দুজাতির প্রধান লক্ষ্য ছিল, ধর্মভাবকেই তোমার বর্তমান জাতীয়তারও প্রধান লক্ষ্য কর। তোমার সাহিত্য, তোমার রাজনীতি, সমাজনীতি, আচার, ব্যবহার, সর্বত্রই ভারতম্পৃহণীয় ধর্মভাবের স্ফূরণ কর। দয়া, সমবেদনা, পরার্থপরতা, সত্য, তিতিক্ষা, প্রেম প্রভৃতি স্বর্গীয় সম্পদে তোমার সাহিত্য-কানন যদি সম্পন্ন করিতে পার, তবেই তোমার জাতীয় অভ্যুদয় হইবে; অন্তথা যাত্রার দলের প্রহ্লাদের স্থায়, তুমি ভক্তের ভাগ করিবে মাত্র, প্রকৃত পক্ষে তোমার কোনই শ্রীবৃদ্ধি হইবেনা। অন্তরের সমস্ত আবেগ, উৎসাহ ও নির্ভর একত্র করিয়া, যদি জাতীয় সাহিত্য গঠন করিতে পার, দেশের ও জাতির মঙ্গল হইবে।

এইভাবে অন্তের সূচক ও সূতাবপূর্ণ পদার্থ লইয়া নিজের জাতীয় সাহিত্যের নির্মাণ ও জাতীয় আদর্শের গঠন ইতঃপূর্বেও হইয়াছে। বরঞ্চ ইতঃপূর্বে, অতি প্রবলরূপেই এই কার্যের অনুষ্ঠান হইয়াছিল বলিয়া সন্দেহ পাওয়া

যায় । প্রাচীন রোমের নিজের জাতীয় সম্পদ আমাদের প্রাচীন সম্পদের
 তুলনায় এত অধিক পরিমাণে ছিল না ; আমাদের সহিত তুলনা করিলে, রোমের
 প্রাচীন সম্পদ ধর্তব্যের মধ্যেই পড়ে না । রোমে যখন জাতীয় জীবনের
 প্রথম উন্মেষ হইল, তদানীন্তন প্রধান জাতির অভ্যুদয় দর্শনে, রোমবাসীদের
 ক্ষমতায়ও যখন জাতীয়তাগঠনের স্পৃহা বলবতী হইয়া উঠিল, জগতে বরণীয়
 হইবার আকাঙ্ক্ষায় রোমবাসীগণের অন্তঃকরণ উৎফুল্ল হইয়া উঠিল, তখন তাহারা
 মাত্র নিজের পরিমিত প্রাচীন সম্পদেই আর পরিতুষ্ট থাকিতে পারিল না ।
 পিপাসার্ত হইয়াই যেন চতুর্দিকে দৃষ্টিপাত করিতে লাগিল । তখন গ্রীসের
 চরম উন্নতির সময় । সর্বপ্রকারে ও সর্বাংশে গ্রীস তখন জগতের একটা আদর্শ
 জাতি । বীরত্বে, ধীরত্বে, জ্ঞানে, সম্মানে, গ্রীস তখন সকলের শ্রেষ্ঠ । গ্রীসের
 সেই চরম অভ্যুদয়ের সময়ে, রোমের লোলুপ দৃষ্টি গ্রীসের প্রতি পতিত হইল ।
 গ্রীসের শিল্প, বিজ্ঞান, সাহিত্য, গ্রীসের কলাবিদ্যা, গ্রীসের শিক্ষা-দীক্ষা প্রভৃতি
 সমস্তই রোম ক্রমে স্বীয় জাতীয় সাহিত্যের অন্তর্নিবিষ্ট করিয়া লইতে লাগিল ।
 গ্রীসের যাহা কিছু ভাল, যাহা কিছু সুন্দর, সে সমস্তই রোম নিজের জাতীয়তা গঠ-
 নের প্রধান উপাদানরূপে গ্রহণ করিল । দেখিতে দেখিতে, রোম গ্রীসের সমকক্ষ,
 এমন কি, অনেকাংশে গ্রীস অপেক্ষাও উৎকৃষ্ট হইয়া উঠিল । গ্রীসের অঙ্কুরণ
 করিতে যাইয়া কিন্তু রোম স্বীয় জাতীয়তা বিসর্জন করে নাই । গ্রীসের
 যাহা কিছু উত্তম পরিচ্ছদ, যাহা কিছু সুন্দর অলঙ্কার; তাহা রোমের জাতীয় ছাঁটে
 ছাঁটিয়া, জাতীয় ছাঁচে ঢালাই করিয়া রোম পরিধান করিল, এবং নবীন
 সাজে সাজিয়া, রোম যখন মস্তক উন্নত করিয়া দাঁড়াইল, তখন, রোমের সেই
 নানারত্নখচিত কিরীটের প্রভায়, প্রাচীন গ্রীস যেন কতকটা হীনপ্রভ হইয়া
 পড়িল । প্রাচীন গ্রীসের অঙ্গে বহু শতাব্দী ধরিয়া যে সমুদয় জরাজনিত
 পলিতভাব জন্মিয়াছিল, যাহা কিছু অসুন্দর ছিল, তাহার পরিবর্জন করিয়া,
 রোম গ্রীসকে যেন একেবারে আত্মসাৎ করিয়া ফেলিল ।

কিন্তু এই গ্রীস-রোমের বৃত্তান্ত সম্পূর্ণরূপে ভারতবর্ষে প্রযুক্ত হইতে পারে
 না । রোমীয়গণের নিজের প্রাচীন ভ্রব্যসম্পত্তি তত অধিক ছিল না, তাহাদের
 গৃহ একপ্রকার শূন্য ছিল, ইয়ত গৃহের কোন এক কোণে, হু'একটি প্রাচীন
 পদার্থের কঙ্কাল মাত্র পড়িয়া ছিল, তাই রোমীয়গণ হু'হাতে গ্রীসের যতটা

পারিয়াছে, দ্রব্যজাত সংগ্রহ করিয়া নিজের শূন্যপ্রায় গৃহ পরিপূর্ণ করিয়াছে। তত সতর্কতার সহিত সংগ্রহ করিতে হয় নাই।

আমাদের প্রাচীন সম্পদ প্রচুর। তাহার ভাণ্ডার অক্ষয়। সুতরাং আমাদের বিশেষ সতর্কতার প্রয়োজন। আমাদের যাহা আছে, — তাহার কোন একটিরও মর্যাদার হানি হইতে পারে, এমন কোন পরম্ব আমরা কদাচ গ্রহণ করিব না। অথচ, আমাদের যাহা নাই, অন্তের প্রচুর আছে, সেইরূপ পদার্থ যদি আমাদের জাতীয়তার পরিপন্থী না হয়, তবে গ্রহণ করিতে বিধা করিব না। রোমের স্ত্রায় আমাদের গৃহ শূন্য নহে যে, যে ভাবে পারি, গৃহ পূর্ণ করিব; আমাদের ঘর পরিপূর্ণ, সেই পরিপূর্ণ গৃহের শোভা বৃদ্ধির পক্ষে যাহা অক্ষুকুল, সেই পরিপূর্ণ গৃহের অক্ষুরূপ যে সাজ সরঞ্জাম তাহা যদি অত্র কোন জাতির নিকটে পাই, তবে অম্লান-হৃদয়ে গ্রহণ করিব। যাহা আমার জাতীয়তার অক্ষুকুল নহে, তাহা কদাচ স্পর্শ করিব না। আমার নিজের জাতীয়তার কোনরূপ কলঙ্ক স্পর্শ হইতে পারে, এরূপ আবর্জনা কদাচ আমার জাতীয়-সাহিত্যের অঙ্গে জন্মিতে দিব না। এই ভাবে যদি আমরা চলিতে পারি, বিবেচনার সহিত পাদক্ষেপ করিতে পারি, কিংকপ পরিহারপূর্বক কমল চয়ন করিতে পারি, তবেই আমাদের জাতীয়তা অক্ষুণ্ণ থাকিবে, এবং সেই সঙ্গে আমাদের জাতীয় সাহিত্য ও জাতীয় সম্পদ, এই দুইই বৃদ্ধিপ্রাপ্ত হইবে, বিশেষ পরিপুষ্টি লাভ করিবে।

আমাদের যাহা নিজস্ব, যাহা লইয়া আমরা গৌরব করি, আমাদের সেই জাতীয় গৌরবের বস্তু, প্রাচীন শিক্ষা দীক্ষা, শিল্পকলা, দর্শন, ইতিহাস, প্রভৃতির সাহায্যে কোনরূপে অঙ্গহানি ঘটে এরূপ কার্য যেন আমরা কদাচ না করি, কদাচ যেন জাতীয়তার বিসর্জন না দিই। অথচ যে ভাবে হউক, যদি ঐ ঐ বস্তুর কোনক্রমে কোনরূপ শ্রীবৃদ্ধি সাধন করিতে পারি, তবে তাহাতে যেন বন্ধ-পরিষ্কর হই। নিজের যাহা আছে, তাহাত আছেই, কেহ তাহা অপহরণ করিতেছে না, সুতরাং সে পক্ষে নিশ্চিন্ত থাকিয়া, যাহা অন্তের আছে, অন্তে যাহার বলে বলীয়ান, অথচ আমার নাই, তাহা পাইবার জন্য যদি আমার আন্তরিক আগ্রহ না জন্মে, তবে কদাচ আমি ঐ বলবানের সমক্ষে দাঁড়াইতে পারিব না, কেবল পূর্ব-গৌরব স্মরণ করিয়া, পূর্বের অতীত সম্পদের আলোচনা করিয়া দীর্ঘনিশ্বাস ফেলিলে কোনই ফলোদয় হয় না। নিজের জাতীয় জীবনের শক্তি যাহাতে

বর্জিত হয়, তাহার প্রয়াস স্বতঃপরতঃ করিতে হইবে । শক্তি সঞ্চয় করিতে হইবে । আমার এই ছিল, আমি এই ছিলাম, একরূপ বার্থ ও অলস চিন্তার কোনই লাভ নাই, বরং ক্ষতিই অধিক । এই ভাবে, লক্ষ্য স্থির রাখিয়া যদি আমরা আমাদের মাতৃভাষার শ্রীবৃদ্ধি সাধন করিতে পারি, আমাদের জাতীয় সাহিত্যের অঙ্গ পুষ্ট করিতে পারি, তবেই আমাদের অস্তিত্ব অক্ষুণ্ণ থাকিবে, আমরা এই ঘোর হুর্যোগেও আত্মরক্ষা করিয়া বাঁচিতে পারিব । অত্যাধিক সে সম্ভাবনা অতি অল্প । যাহা কিছু নীচ, যাহা কিছু সর্পিণ, যাহা কিছু অসৎ, ধর্মভাব-বর্জিত, তাহা উরগন্ধত অঙ্গুলির দ্বারা পরিহার করিয়া, যাহা সুন্দর, নির্মল, নিষ্পাপ, মনোহর, যাহাতে দানব মানব হয়, মানব দেবতা হয়, তাদৃশ সম্ভাবপুষ্প চয়ন করিব, এবং সেই সম্ভাব-কুসুমের আমার জননী, অনাদৃতা, উপেক্ষিতা বঙ্গবাসীকে অলঙ্কৃত করিব, মায়ের সন্তান আমরা, মাতৃপূজা করিয়া ধন্য ও কৃতার্থ হইব । যে বায়ু মধুকণা বহন করে না, তাহা আমরা আশ্রয় করিব না, যে নদী মধুমতী নহে, যে লতা মধুময় কুসুমের কুসুমিত নহে, তাহার প্রতি আমরা চাহিব না । এই ভাবে যদি আমরা চলিতে পারি, বিশ্বব্রহ্মাণ্ড আমাদের অঙ্গকুল হইবে, সহায় হইবে । নিঃসপত্নভাবে আমরা পূর্কোদিত চক্রমার দ্বারা শ্রীসম্পন্ন হইতে পারিব । হিমাচল যে দেশের পর্বত, জাহ্নবী যমুনা যে দেশের প্রবাহিনী, সাম যে দেশের সঙ্গীত, রামায়ণ মহাভারত যে দেশের ইতিহাস, আমরা সেই দেশের অধিবাসীর যোগ্যতা লাভ করিতে পারিব । আপনারা আজ আমাকে যে উচ্চ সম্মান প্রদান করিয়াছেন,—বঙ্গবাসীর চরণপ্রান্তে বসিবার সুযোগ দান করিয়াছেন, তৎক্ষণাত আন্তরিক কৃতজ্ঞতা-প্রকাশপূর্বক আমি আবার বলি, আপনাদের ভাষা, আপনাদের ভাব, আপনাদের চিন্তা—এ সমস্তই সুন্দর হউক, অল্পের অল্পমাত্রক হউক, যাহারা আপনাদের সন্নিকর্ষে আসিবে, তাহাদিগকেও উন্নতির পথে লইয়া, আপনারা নিজে ভাগীরথীর প্রবাহের দ্বারা, অবাধ গতিতে, উন্নতির অমৃতময় পারাবারে মিশিয়া যান । নিজের জাতীয়তা অক্ষুণ্ণ রাখিয়া জগতের বরণ্য হউন । বিধাতার কৃপার :—

মধু করতু তে চিন্তং মধু করতু তে মুখম্ ।

মধু করতু তে শীলং লোকো মধুময়োহস্ত তে ॥

শ্রীমাতৃভাষা মুখোপাধ্যায় ।

সাহিত্য-সংহিতা।

নবপর্ষায়, ৫ম খণ্ড।] ১৩২৩ সাল, ভাদ্র।

[৫ম সংখ্যা।

মধুসূদনের নাট্যসাহিত্য

এবং:

বাঙ্গালা নাট্যসাহিত্যে তাঁহার স্থান।*

মধুসূদন যে সময়ে নাটক রচনায় হস্তক্ষেপ করেন, সে সময় বাঙ্গালা নাট্যসাহিত্যের নিত্যশূন্য শৈশবকাল এমন কি জন্মকাল বলিলেও বোধ হয় অত্যাশঙ্কিত হইবে না। তাঁহার পূর্বে যে সকল নাটক বঙ্গের সাহিত্যে আসরে অবতীর্ণ হইয়াছিল তাহাদিগের দ্বারা আমাদের নাট্যলালসা তৃপ্তিলাভ করে নাই। উহাদিগের প্রত্যেকটির পাঠ বা অভিনয়ের পর 'উহা ঠিক মনোমত হয় নাই' এইরূপ একটা অতৃপ্তি থাকিয়া গিয়াছিল। ঐ নাটকগুলির মধ্যে কতকগুলি তৎকালপ্রচলিত যাত্রা-চক্রে রচিত এবং অবশিষ্টগুলি সংস্কৃত বা ইংরাজি নাটকের বঙ্গানুবাদমাত্র। যেগুলি যাত্রা চক্রে রচিত হইয়াছিল সেইগুলির মধ্যে নাট্যবীজ বিচক্ষণ থাকিলেও তাহাদিগকে আধুনিক নাটক পর্যায়ের মধ্যে গণ্য করা যায় না। কারণ সেইগুলির প্রাণ-সঙ্গীত এবং সেই সঙ্গীতের রাগ, তাল, মান, মুচ্ছনার ভিতর দিয়াই তাহাদিগের যাবতীয় চেষ্টা বা ব্যবহার প্রকাশ পাইয়াছিল। নায়ক নায়িকার মনোভাবের সহিত তাহাদিগের সুর বা তালের সামঞ্জস্য সুরক্ষিত হইত তাহারাই অধিক পরিমাণে সাধারণের মনোমগ্নন করিতে পারিত। এই জাতীয় কাব্যগুলি গীতিকাব্যেরই উৎকর্ষণমাত্র। উহাদিগকে আধুনিক দৃশ্যকাব্যের পর্যায় হইতে পৃথক করিয়া লইয়া গীতিকাব্যের

সাহিত্য সভার মাসিক অধিবেশনে পঠিত।

ঐহার পক্ষে কম গৌরবের কথা নহে। এই হিসাবে নাট্যসাহিত্যে ঐহার স্থান খুব উচে। কিন্তু হুঃখের বিষয় ঐহার গ্রন্থসমালোচকেরা ঐহার এই বিশিষ্টতার কথা উপেক্ষা করিয়া থাকেন। শ্রব্যাকাব্যের ইতিহাসে অমিত্রহুন্দর প্রবর্তক বলিয়া ঐহার নাম যেরূপ স্বর্ণাক্ষরে লিখিত আছে, দৃশ্যকাব্যেরও ইতিহাসে ঐহার নাম, বাঙ্গালা নাটকের জনকরূপে না হইলেও, আধুনিক নাট্যসাহিত্যের প্রবর্তক স্বরূপ, লিখিত হইবার সম্পূর্ণ যোগ্য।

মধুসূদনের প্রতিভা শ্রব্যাকাব্যের উৎকর্ষ সাধন করিলেও দৃশ্যকাব্যকে অনুপভোগ্য করে নাই; আমরা বক্ষ্যমান প্রবন্ধে ঐহার নাটকের যথাশক্তি সমালোচনা করিয়া এই কথার যথার্থ্য প্রতিপন্ন করিতে চেষ্টা করিব।

মধুসূদনের প্রথম নাটক শাস্তিষ্ঠা ১৮৫৮ খৃষ্টাব্দের প্রারম্ভে রচিত হইয়াছিল এবং ১৮৫৯ খৃষ্টাব্দের ৩রা সেপ্টেম্বর তারিখে ইহার প্রথম অভিনয় হয়। আমা-দিগের প্রথম জাতীয় নাটক হিসাবে ইহার একটু বিস্তৃত আলোচনার প্রবৃত্তি হইতেছি। ইহার গঠন প্রণালী আধুনিক রীত্যনুমোদিত হইলেও ইহার ভাব বা রুচি প্রাচীন প্রথার অনুবর্তী ছিল। প্রাচীন প্রথানুমোদিত নান্দী, নামদ্যস্তে সূত্রধার ইত্যাদির সমাবেশ ইহাতে ছিল না বটে, তবে মধুসূদন ঐহার প্রথম নাটক প্রস্তাবনাহীন করিতে সাহসী হন নাই। সেই জন্ত একটা নূতন কিছু করিতেছেন ইহার বিজ্ঞাপন দিবার মানসেই স্বকপোলকল্পিত রীতিতে নিম্নলিখিত প্রস্তাবনাটী সংযোগ করিয়াছিলেন—

“মরি হায়, কোথা সে সুখের সময়।

যে সময়, দেশময়, নাট্যরস সবিশেষ ছিল রসময়।

শুন গো ভারত ভূমি

কত নিদ্রা যাবে তুমি

আর নিদ্রা উচিত না হয়।

উঠ ত্যজ ঘুম ঘোর

হইল, হইল ভোর,

দিনকর প্রাচীতে উদয়।

কোথায় বাঙ্গালী ব্যাস

কোথা তব কালিদাস,

কোথা ভবভূতি মহোদয়।

অগ্নীক কুনাট্যরঙ্গে

যজ্ঞে লোক রাঢ়ে, বঙ্গে,

নিরখিয়া প্রাণে নাহি সয়।

সুধারস অনাদরে

বিষবারি পান করে

তাছে হয় তনু, মন কর ।

মধু কহে, জাগো মাগো,

বিকু স্থানে এই মাগো

সুরসে প্রবৃত্ত হ'ক তব তনয় নিচয় ॥”

এই ধরণের প্রস্তাবনা পরবর্তী কালের ছই একজন নাটককার তাঁহাদের কোন কোন নাটকে ব্যবহার করিয়াছিলেন । একটা নূতন কিছু বিজ্ঞাপিত করিবার উদ্দেশ্যেই উহার ব্যবহার হইত ।

শশিষ্ঠার আরম্ভ অতিশয় চিত্তাকর্ষক । বিদ্যাসুন্দর, কুলীনকুলসর্কস্ব এবং রত্নাবলীর অভিনয়ে দর্শকেরা সে অভিনব চিত্র দেখিতে পান নাই । প্রথম দৃশ্যটী হিমালয় পর্বত, দূরে ইন্দ্রপুরী অমরাবতী । শশিষ্ঠার ভাষায় এই দৃশ্যটির পরিচয় দিতেছি :—“স্থানে স্থানে তরুশাখায় নানা বিহঙ্গমগণ মধুস্বরে গান কচে, চতুর্দিকে বিবিধ বনকুমুম বিকশিত, ঐ দূরস্থিত নগর হ’তে পারিজাত পুষ্পের সুগন্ধসহকারে মৃদুমন্দ পবন-সঞ্চারণ হচে, আর কখন কখন মধুরকণ্ঠী অপসরী-গণের তাল লয় বিশুদ্ধ সঙ্গীতও কর্ণকুহর শীতল কচে, কোথাও ভীষণ সিংহের নাদ, কোথাও ব্যাঘ্র মহিষাদির ভয়ঙ্কর শব্দ, আবার কোথাও বা পর্বতনিঃসৃত বেগবতী নদীর কুলকুলধ্বনি হচে ইত্যাদি ।” এই সমুদায় দৃশ্যটী দৃশ্যপট, অস্থিনেতা ও তদুপযুক্ত সাজসরঞ্জামের সাহায্যে এক অভিনব চিত্রে চিত্রিত হইয়া বাঙ্গালী দর্শকের মানসনেত্রে অদৃষ্টপূর্ব মনোহর সামগ্রীরূপে প্রতিভাত হইয়াছিল । শশিষ্ঠায় রত্নাবলীর সাদৃশ্য অনেক আছে । বেলগাছিয়া রঙ্গমঞ্চে বারংবার রত্নাবলীর অভিনয় দর্শন করিয়া মধুসুন্দরের ক্ষমতায় উক্ত নাটিকার ভাব এক্রুপ দৃঢ়ভাবে অঙ্কিত হইয়া গিয়াছিল যে কিছুতেই তিনি তাহা অপসারিত করিতে পারেন নাই । সেইজন্য উভয় গ্রন্থে এতাদৃশ সাদৃশ্য লক্ষিত হয় । যোগীশ্রবাবু মধুসুন্দরের জীবন চরিত গ্রন্থে এই সাদৃশ্য অতি সুন্দরভাবে বর্ণন করিয়াছেন । নিম্নে তাহা উদ্ধৃত করিতেছি—

“উভয় গ্রন্থেই ছইজন নারিকা, জ্যেষ্ঠা অতিমানসী ও কোপনা, কনিষ্ঠা অভিমানশূন্য। মূর্খতা বা, রূপগুণে জ্যেষ্ঠা কনিষ্ঠার নিকট পরাত্ততা । উভয় গ্রন্থেই কনিষ্ঠা কিছুদিনের জন্য জ্যেষ্ঠার দাসী ; কিন্তু পরিণামে কনিষ্ঠারই জয় । উভয় গ্রন্থেই জ্যেষ্ঠা কনিষ্ঠাকে স্বামীর দৃষ্টিপথ হইতে দূরে রাখিতে চেষ্টা

করিয়াছেন, কিন্তু কৃতকার্য হইতে পারেন নাই। রাজার রূপে উভয় গ্রন্থের নায়িকাই সমান মুগ্ধা। যতদিন কনিষ্ঠাকে না দেখিয়াছিলেন, ততদিন উভয় গ্রন্থের নায়কই জ্যেষ্ঠার প্রতি প্রগাঢ় অহুরক্ত, কিন্তু কনিষ্ঠাকে দেখিবামাত্র উভয়েরই প্রেম শরতের মেঘের ন্যায় কোথায় ভাসিয়া গিয়াছে।”

এই সাদৃশ্য রক্ষার আরও এক কারণ আছে। মধুসূদন প্রতীচ্যরীতির পক্ষপাতী হইলেও সংস্কৃত রীতির নাট্যাভিনয় দর্শনে অভ্যস্ত প্রাচীন সম্প্রদায়ের সম্মুখে, তাঁহাদিগের বিরাগভাজন হইবার আশঙ্কায়, তাঁহার প্রথম নাটক শর্মিষ্ঠাকে আমূল বিলাতী পরিচ্ছদে বাহির করিতে পারেন নাই। সেইজন্য রঙ্গাবলীর সহিত তুলনা করিলে নিম্নলিখিত প্রভেদগুলি দেখিতে পাই। শর্মিষ্ঠার নায়ক রঙ্গাবলীর নায়কের জায় কেবলমাত্র আদিরসের একান্ত সাধক ছিলেন না; দম্ভ্য হস্তে নিপীড়িত দরিদ্রব্রাহ্মণের উদ্ধারার্থে বীররসের অভিনয়েও পশ্চাৎপদ হন নাই। ইহার নায়িকাও সাগরিকার জায় প্রণয়সম্পদের বিরহে বিধুর হইয়াও হৃদয়বিহীনা ছিলেন না। প্রথম অঙ্কের দ্বিতীয় গর্ভাঙ্কে পরিচারিকা দেবিকার সহিত কথোপকথনে শর্মিষ্ঠার সহৃদয়তার অনেক পরিচয় পাওয়া যায়। রঙ্গাবলীর বিদূষক বসন্ত উৎসবের আমোদে উন্মত্ত হইয়া মদনিকার হস্তধারণ পূর্বক নৃত্য করিয়াছিলেন। শর্মিষ্ঠার বিদূষক তাহার উপর মাত্রা চড়াইয়া রাজার চিত্তবিনোদনার্থ আনীত নটীর চূষনপ্রয়াদীও হইয়াছিলেন। শ্রীহর্ষদেব বসন্ত উৎসবের ব্যপদেশে এই কার্য সম্পন্ন করাইয়াছিলেন, সেইজন্য তাঁহার সাত খুন মাপ, মধুসূদনের কিন্তু সেরূপ কোন কৈফিয়ৎ নাই। এইরূপ স্থানে স্থানে ভাব ও রুচির-ইতরবিশেষ থাকিলেও শর্মিষ্ঠা প্রাচীন রুচিরই অহুর্ভিনী ছিল।

শর্মিষ্ঠা প্রকাশিত হইবার পর তৎকালীন সংস্কৃতভিমানী পণ্ডিতমণ্ডলী ইহা কিছুই হয় নাই একবাক্যে এইরূপ মত প্রকাশ করিয়াছিলেন। যোগীন্দ্রবাবু তাঁহার মধুসূদনের জীবন চরিত গ্রন্থে পূর্বোক্ত পণ্ডিতমণ্ডলী নির্দেশিত ‘হঃপ্রবন্ধ’, ‘চ্যুতসংস্কারত্ব’, ‘নিহতার্থত্ব’, ‘অবিমৃষ্টবিধেয়াংশ’ প্রভৃতি নানাবিধ অলঙ্কার শাস্ত্রোক্ত লোভ নিচয়ের উল্লেখ করিয়াছেন। আমাদের মনে হয় শর্মিষ্ঠা পাঠ করিয়া তাঁহারা এই মত প্রকাশ করেন নাই। বাঙ্গালা ভাষায় বর্ণজানশূন্য মধুসূদন নাটক লিখিতে অক্ষম এই ধারণার বশবর্তী হইয়াই এইরূপ বলিয়া থাকিবেন। কারণ আমরা অলঙ্কার শাস্ত্রের সাহায্যেই দেখাইতে চেষ্টা

করিতেছি যে মধুসূদন বাজালাভাষার, বর্ণজ্ঞানশূন্য হইয়াও বিরূপ দক্ষতার সহিত শর্মিষ্ঠা রচনা করিয়াছিলেন। মধুসূদন কোন কালেই অলঙ্কার শাস্ত্র-প্রণেতা বিশ্বনাথের পক্ষপাতী ছিলেন না; কিন্তু তাঁহার অজ্ঞাতসারেই অলঙ্কার শাস্ত্রমুদিত দৃশ্যকাব্যের লক্ষণচয় শর্মিষ্ঠায় প্রবেশ লাভ করিয়াছে। বোধ হয়, তাঁহার পূর্ববর্তী কালের রত্নাধারীর অভিনয়ই তাঁহাকে উক্ত রীতি অমূল্য করণ করিতে শিখাইয়াছে।

মধুসূদন তাঁহার শর্মিষ্ঠাকে নাটক নামে অভিহিত করিলেও ইহা অলঙ্কার-শাস্ত্রোক্ত নাটিকালক্ষণাক্রান্ত। সাহিত্যদর্পণকার নাটিকার লক্ষণ এইরূপ বলিয়াছেন—

“নাটিকা কণ্ঠবৃত্তা স্তাং জী প্রায়া চতুরঙ্গিকা ।

প্রথ্যাতে ধীরললিতস্তত্র স্তায়াকো নৃপঃ ॥

স্তাদস্তঃপুরসম্বন্ধা সঙ্গীতব্যাপ্তোহথবা ।

নবাসুরাগা কন্যাত্র নারিকা নৃপবংশজা ॥

সম্প্রবর্ত্তেত নেতাঃস্তাং দেব্যাস্ত্রাসেন শক্তিতঃ ।

দেবী পুনর্ভবেজ্যেষ্ঠা প্রগল্ভা নৃপবংশজা ॥

পদে পদে মানবতী তদ্বশঃ সঙ্গমোদয়োঃ ।

বৃত্তিঃ স্তাং কৌশিকী স্বল্পবিমর্ষাঃ সঙ্গয়ঃ পুনঃ ॥”

শর্মিষ্ঠা যদিও মহাভারতের ঘটনা অবলম্বনে রচিত হইয়াছে তথাপি মধুসূদন তাহা আয়ুর্ন গ্রহণ করেন নাই। ইচ্ছামত গ্রহণ করায় ইহা কবিকল্পিত হইয়াছে। শর্মিষ্ঠা যে জীর্নরিজপ্রধানা সে বিষয়ের পরিচয় অনাবশ্যক। মধুসূদন ইহা পাঁচ অঙ্কে বিভক্ত করিয়াছেন; সুতরাং সাহিত্য-দর্পণকারের হিসাবে ইহাতে এক অঙ্ক বেশী আছে, কিন্তু এ ক্রটি নগণ্য। ইহার নায়ক যযাতি প্রথ্যাতচরিত এবং ধীরললিত লক্ষণাক্রান্ত (অর্থাৎ নিশ্চিত, যুৎ এবং গীতবাস্ত-পরায়ণ)। যদিও মধুসূদন করিবার নিমিত্ত ধীরোক্তের পরিচয় দিয়াছিলেন তাহা কেবল সমস্ত নাটকের মধ্যে একটীমাত্র স্থানে, সুতরাং তাহার উল্লেখ নিম্প্রয়োজন। ইহার নবাসুরাগিণী কুমারী নারিকা শর্মিষ্ঠা নৃপবংশজা, স্তঃপুর-চারিণী এবং সঙ্গীতব্যাপ্তা। জ্যেষ্ঠা পত্নী দেবযানীও উচ্চবংশসম্বর্তা, প্রগল্ভা এবং পদে পদে অভিমানিনী। সেই পত্নীর ত্রাসে যযাতি সর্বদা সশঙ্ক। শর্মিষ্ঠা

এবং ঘটতির মিলন জ্যোষ্ঠাপত্নীর কর্তৃত্বে সম্পাদিত হইয়াছিল । কৌশিকী বৃত্তি নাটিকাতে থাকা আবশ্যিক এবং পঞ্চসন্ধির মধ্যে বিমর্ষসন্ধি নাটিকায় কম থাকে ।

সামান্য ইতর বিশেষ থাকিলেও শশ্বিষ্ঠা প্রধানতঃ উল্লিখিত লক্ষণক্রান্তা হওয়ায় ইহার স্থান নাটিকাপর্যায়ের ভিতরে অবিসংবাদিত রূপে দেওয়া যাইতে পারে । আমাদের এই মত দৃষ্টান্ত করিবার মানসে অলঙ্কারশাস্ত্রোক্ত লক্ষণের আরও একটু অল্পসন্ধানে প্রবৃত্ত হইতেছি । কৌশিকীবৃত্তি এবং সন্ধি শশ্বিষ্ঠায় কিরূপ ভাবে আছে প্রথমে তাহারই আলোচনা করিতেছি । সাহিত্য-দর্পণকার কৌশিকীবৃত্তির লক্ষণ দিয়াছেন—

“যা প্লবনেপথ্য বিশেষচিত্রা

স্ত্রীসকুলা পুঙ্কলনৃত্যগীতা ।

কামোপভোগপ্রভবোপচারা

সা কৌশিকী চাকুবিলাসযুক্তা ॥”

মনোরম সাজসজ্জাশোভা, স্ত্রীসকুলতা, নৃত্যগীতবাহুল্য, কামভোগোপচার এবং চাকুবিলাস যে সব ব্যাপারে অর্থাৎ নায়কাদির চেষ্টাবিশেষে বর্তমান থাকে তাহাই কৌশিকীবৃত্তি ।

নর্ঘ, নর্ঘক্ষুর্জ, নর্ঘক্ষোট এবং নর্ঘগর্ভ নামে কৌশিকীবৃত্তির চারিটা অঙ্গ আছে ।

প্রথম নর্ঘ—বৈদগ্ধক্রীড়াই নর্ঘ—যাতি দেবযানীকে দর্শন করিয়া রাজধানীতে প্রত্যাবর্তন পূর্বক কোন নির্জন গৃহে চিত্তবিকারজনিত চিন্তায় চিন্তিত আছেন । সেই সময় বিদুষকের সহিত নানাবিধ প্রশ্নোত্তরের মধ্যে দেবযানীর প্রতি মহারাজের অমুরাগ জানিতে পারিয়া সহাস্ত বদনে বিদুষক বলিতেছেন—

“এমন কিছু নয়, তবে তা’ হ’লে রাজলক্ষীর নিকট বিদায় হোন, রাজদণ্ড পরিত্যাগ ক’রে বীণাগ্রহণ করুন, আর রাজবৃত্তির পরিবর্তে ভিক্ষাবৃত্তি অবলম্বন করুন ।”

রাজা—“কেন ? কেন ?”

বিদু—“বয়স ! আপনি কি জানেন না লক্ষী সরস্বতীর সপত্নী ! অতএব কুমণ্ডলে সপত্নীপ্রণয় কি সম্ভব ?” ইত্যাদি ।

বিদুষকের এইরূপ বাক্চাতুর্য্যই এখানে শুদ্ধহাস্ত নর্ঘ হইয়াছে । দ্বিতীয় নর্ঘক্ষুর্জ—আরম্ভে সুখ ও ভয়ে সমাপ্ত নায়ক নায়িকার যে প্রথম মিলন তাহাই

নর্শক্ষুর্জ । শর্শিষ্ঠার সহিত মিলনে যযাতির যে সুখ হইয়াছিল দেবযানী সেই সুখের বিষয় অবগত হওয়াতে চতুর্থাঙ্কের প্রথম গর্ভাঙ্কে বিদুষকের সহিত রাজার ভীতিসঙ্কল যে কথোপকথন হইয়াছিল, তাহাই নর্শক্ষুর্জ ।

তৃতীয় নর্শক্ষোটি—লেশমাত্র ভাবে অনুরাগের অন্নসূচনা নর্শক্ষোটি । গোদাবরীতীরস্থ পর্কতমুনির আশ্রমে অশোক বৃক্ষতলে চিন্তামগ্ন শর্শিষ্ঠাকে দেখিয়া যযাতির মনে যে প্রথম অনুরাগ সঞ্চার হইয়াছিল তাহাই নর্শক্ষোটি । চতুর্থ নর্শগর্ভ—ছদ্মবেশী নাগকের রসানুকূল ব্যবহার নর্শগর্ভ নামে অভিহিত । শর্শিষ্ঠার নর্শগর্ভ অঙ্কের কোন অস্তিত্ব নাই । শর্শিষ্ঠার সহিত যযাতির প্রণয় অবগত হইয়া দেবযানী ছদ্মবেশে রাজপুরী পরিত্যাগ করিয়াছিলেন বটে, কিন্তু নাগক ছদ্মবেশে কোনরূপ রসানুকূল ব্যবহার না করায় উহাকে ঠিক নর্শগর্ভ নামে অভিহিত করা যাইতে পারে না ।

একণে দেখা যাইতেছে যে, কৌশিকী বৃদ্ধির উল্লিখিত চারি অঙ্গ ব্যতীত মনোরম সাজসজ্জাশোভা, স্ত্রীসকুল নৃত্যগীত বাহুল্য, কামভোগোপচার এবং চারুবিলাস প্রভৃতি অবশিষ্ট অঙ্গবিশেষও ওতপ্রোতভাবে শর্শিষ্ঠায় বিজড়িত আছে । উহার স্বতঃসিদ্ধ বলিয়াই উহাদিগের উদাহরণ প্রয়োগে বিরত হইলাম । অলঙ্কারশাস্ত্রোক্ত নাটিকার অশ্রান্ত লক্ষণও শর্শিষ্ঠায় পূর্ণমাত্রায় বিরাজমান । আমরা পরে পরে সেগুলি দেখাইতে চেষ্টা করিতেছি । শর্শিষ্ঠা পঞ্চসন্ধি-সম্বিত । সমগ্র গ্রন্থাংশই এক প্রয়োজন সিদ্ধির অভিমুখে ধাবিত হইবে এবং সেই মুখ্য প্রয়োজনের যে সকল আবাস্তর প্রয়োজন আছে তাহার সহিত মধ্যো মধ্যো যে সন্ধি থাকিবে, তাহাই সন্ধি । এই সন্ধি মুখ, প্রতিমুখ, গর্ভ, বিমর্ষ এবং উপসংহতি বিভাগে পাঁচ প্রকার ।

মুখ—যে ঘটনার মুখ্যফলের বীজ উৎপন্ন হয় তাহাই মুখসন্ধি । পর্কতমুনির আশ্রমে যযাতি ও শর্শিষ্ঠার প্রথম দর্শন জনিত পরম্পরের প্রতি প্রগাঢ় অনুরাগ বীজোৎপত্তিসূলক মুখসন্ধি ।

প্রতিমুখ—স্পষ্টাস্পষ্টভাবে বীজোৎপত্তিই প্রতিমুখ সন্ধি । তৃতীয় অঙ্কের তৃতীয় গর্ভাঙ্ক- যযাতি ও শর্শিষ্ঠার প্রণয় দৈবিকার নিকট স্পষ্টভাবে উদ্ভিন্ন হইয়াছিল ; কিন্তু বিদুষক ও দেবযানীর নিকট তখনও অস্পষ্টভাবে উদ্ভিন্ন ছিল । এইরূপ স্পষ্ট এবং অস্পষ্ট ভাবে বীজোৎপত্তিই শর্শিষ্ঠার প্রতিমুখ সন্ধি ।

গর্ভ—একাধিকবার হ্রাস এবং অশ্বেষণ মিশ্রিত অমুরাগ সমুদ্ভেদই গর্ভসন্ধি । তৃতীয় অঙ্কের তৃতীয় গর্ভাঙ্কে রাজাস্তঃপুরস্থ উদ্যানमध्ये যযাতির সহিত শশ্মিষ্ঠার প্রথম প্রেমালাপ রাজমহিষীর ভয়ে কথঞ্চিৎ হ্রাস প্রাপ্ত হইয়াছিল এবং চতুর্থাঙ্কের প্রথম গর্ভাঙ্কে শশ্মিষ্ঠার গোপন প্রণয়ের ব্যাপার দেবযানীর কর্ণগোচর হওয়ায় রাজা ও বিদূষকের শঙ্কাসূচক কথাবার্তা দ্বারা উহা পুনরায় হ্রাস প্রাপ্ত হইয়াছিল । গোদাবরীতীরে শশ্মিষ্ঠাকে দর্শনানন্তর রাজার পুনরায় তাহাকে দেখিবার সাধ হয় ; এবং সেই সাধপূরণার্থে তৃতীয় অঙ্কের তৃতীয় গর্ভাঙ্কে শশ্মিষ্ঠার জন্ম যযাতির অশ্বেষণ আছে । এইরূপ একাধিকবার হ্রাসাশ্বেষণমিশ্রিত অমুরাগ সমুদ্ভেদই শশ্মিষ্ঠার গর্ভসন্ধি ।

বিমর্ষ—গর্ভসন্ধি অপেক্ষা অধিক উদ্ভিন্ন অমুরাগাদি মুখ্যফলোপায় অভিশাপ ইত্যাদি বিয়ে অভিবৃত্ত হইলে বিমর্ষসন্ধি স্থির করিতে হয় । চতুর্থাঙ্কের তৃতীয় গর্ভাঙ্কে যখন শশ্মিষ্ঠার অমুরাগ রাজার ক্ষণবিরহজনিত বিলাপদ্বারা পূর্ববর্ণিত গর্ভসন্ধি অপেক্ষা অধিক ক্ষুরিত হইয়াছিল তখন দেবযানীর গৃহত্যাগের সংবাদে উভয়ের মন মহাতেজস্বী শুক্রাচার্যের অভিশাপাদি জ্ঞানে শঙ্কিত হইয়াছিল, এবং পরে যযাতি অভিশাপ প্রভাবে জরাগ্রস্তরূপ বিয়েও অভিবৃত্ত হইয়াছিলেন । সুতরাং এই ক্রিয়াদ্বারা বিমর্ষ সন্ধি হইয়াছে । সাহিত্যদর্পণকার বলিয়াছেন “নাটিকা স্বল্পবিমর্ষা” । নাটিকায় বিমর্ষসন্ধি স্বল্প থাকিবে । কিন্তু মধুসূদন বিশ্বনাথের এই আদেশ সম্যক্ প্রতিপালন করিতে পারেন সাই । যযাতির জরাপ্রাপ্তি এবং তাঁহার সন্তানদিগের উপর অভিশাপ ইত্যাদি ঘটনাপরম্পরায় এই বিমর্ষসন্ধি স্বল্প না হইয়া প্রভূতই হইয়াছে । মধুসূদন উত্তরকালে কৃষ্ণকুমারীর জ্ঞান যে বিদ্যাদাস্ত নাটক রচনা করিবেন বিমর্ষসন্ধির প্রতি তাঁহার ‘অমুরাগেই তাহা প্রমাণিত হইতেছে ।

উপসংহৃতি—বীজবান্ মুখাদি অর্থ যথাযথভাবে বিক্ষিপ্ত হইয়া একাধিকরূপ প্রয়োজনে প্রতিপাত্ত হইলে উপসংহার সন্ধি হয় । শশ্মিষ্ঠা নাটকে মুখাদি সঙ্ঘার্থ যথাযথভাবে বিক্ষিপ্ত হইয়া পঞ্চমাঙ্কের দ্বিতীয় গর্ভাঙ্কে শশ্মিষ্ঠার মিলনরূপ একাধে প্রতিপাত্ত হইয়া উপসংহার সন্ধি হইয়াছে ।

বিকল্পক—অতীত বা ভবিষ্যৎ ঘটনার সূচনা ইহাতে হয় । অঙ্কের প্রথমেই ইহার সন্নিবেশ থাকে । মধ্যম পাত্র বা মধ্যম পাত্রদ্বয় অথবা একজন মধ্যম ও

একজন অধম পাত্র বিষ্ণুকে প্রবেশ । প্রথম অঙ্কের প্রথম গর্ভাঙ্কের বকাসুর ও দৈত্যের কথোপকথনে শর্মিষ্ঠার অতীত এবং দেবযানীর দাসীত্বরূপ তাঁহার ভবিষ্যৎ ঘটনারও সূচনা ইহাতে আছে । বকাসুর ও দৈত্যরূপ মধ্যম পাত্র ষারাই ইহা সূচিত হইয়াছে ; সুতরাং শুদ্ধ বিষ্ণুক হইয়াছে ।

প্রবেশক—ঠিক বিষ্ণুকের মত, কেবল প্রথম অঙ্কে প্রবেশক হয় না এবং প্রবেশকের পাত্র অধম । দ্বিতীয় অঙ্কের প্রথমেই নাগরিকেরা দেবযানীর জ্ঞান অধীরচিত্ত যযাতিকে লক্ষ্য করিয়া যে কথোপকথন করিয়াছিল তাহাতে যযাতির দেবযানী-প্রণয় সূচিত হইয়াছে । এখানে নাগরিকেরা সাধারণ লোক, সুতরাং পাত্রও অধম ।

পতাকাস্থান—“সহসৈবার্থসম্পত্তি গুণবত্বাপচারতঃ ।

পতাকাস্থানকমিদং প্রথমং পরিকীৰ্ত্তিতম্ ॥”

কোন এক বিষয়ের চিন্তামূলক ব্যবহার বা বাক্যপ্রয়োগ চিন্তিত বিষয়ের সাধন্যসম্পন্ন অতর্কিত বিষয়ান্তরের সহিত সম্বন্ধ হইলে প্রথম পতাকাস্থান বুঝিবে । তৃতীয় অঙ্কের দ্বিতীয় গর্ভাঙ্কে বিদূষক ও মহারাজের কথোপকথনের মধ্যে দেবযানীকে লক্ষ্য করিয়া “কত্রিয়হুপ্রাপ্যা মহর্ষিকণা প্রাপ্তি” ইত্যাদি চিন্তামূলক ব্যবহার বা বাক্যপ্রয়োগ এই চিন্তিত বিষয়ের সাধন্যসম্পন্ন । “জাহা সখে ! তাঁর সহকারীদের মধ্যে একটা যে স্ত্রীলোক আছে, তার রূপ লাভ্যের কথা কি বলিব” ইত্যাদি অতর্কিত বিষয়ান্তরের সহিত সম্বন্ধ হওয়ার পতাকাস্থান হইয়াছে ।

যাহা হউক, পূর্কোক্ত বিশ্লেষণে দেখা যাইতেছে যে ঈষৎ পরিবর্তন ব্যতীত শর্মিষ্ঠা সর্বতোভাবে সংস্কৃত নাটিকারই লক্ষণোপেত । পূর্ব বর্ণিত সংস্কৃতভিমানী পণ্ডিতগণ কেবলমাত্র অলঙ্কার শাস্ত্রের সপ্তম পরিচ্ছেদান্তর্গত দোষবিভাগের কতিপয় বচন উদ্ধৃত করিয়া শর্মিষ্ঠার দোষ-নির্দেশ করিয়াছিলেন । অষ্টম পরিচ্ছেদ-বর্ণিত গুণবিভাগ স্পর্শ করেন নাই । আমরা কিন্তু অনুসন্ধান করিয়াও ‘নিহতার্থত্ব’, ‘অবিমৃষ্ট নিধেয়াংশ’ এবং ‘চ্যুতসংস্কারত্ব’ দোষের বেশী সন্ধান পাই নাই । বিশেষভাবে অনুধাবন করিলে অতি অল্প স্থানেই ‘হঃশ্রবত্ব’ দোষের সন্ধান পাওয়া যায় । এতদ্ব্যতীত সমুদায় রচনাই প্রসাদগুণসম্পন্ন ; এবং স্থানে স্থানে মাধুর্য্যগুণও বেশ ফুটিয়াছে । দৃষ্টান্ত স্থল—তৃতীয় অঙ্কের দ্বিতীয় গর্ভাঙ্কে দেবযানী ও যযাতির কথোপকথন এবং চতুর্থ অঙ্কের তৃতীয় গর্ভাঙ্কে শর্মিষ্ঠা ও

যযাতির বাক্যালাপ । উক্ত পণ্ডিতগণ নাটক সমালোচনা করিতে, বসিয়া অলঙ্কারশাস্ত্রোক্ত ষষ্ঠ পরিচ্ছেদকে কেন যে পরিত্যাগ করিলেন তাহা বোধগম্য হইল না । বোধ হয় শশ্বিষ্ঠার গ্রাম নগণ্য নাটকের সমালোচনার অলঙ্কার শাস্ত্র কলঙ্কিত হইবে এই আশঙ্কায় ঐরূপ করিয়া থাকিবেন ।

পূর্বেই বলিয়াছি যে সাধারণের সহানুভূতি হারাইবার ভয়ে মধুসূদন একেবারে বিলাতী পদ্ধতি অবলম্বন করিতে পারেন নাই । যখন দেখিলেন যে শশ্বিষ্ঠা সাধারণের উপেক্ষার সামগ্রী হয় নাই, বরং তাঁহাদের তৃপ্তিকরই হইয়াছে, তখন তাঁহার দ্বিতীয় নাটক পদ্মাবতীকে আসরে নামাইলেন । ইহার রচনা কাল আনুমানিক ১৮৬০ খ্রীষ্টাব্দ । বটতলার জয়মিত্র মহাশয়দিগের এক ভবনে এই নাটক খানি প্রথম অভিনীত হইয়াছিল । শশ্বিষ্ঠার সাফল্যে সাহসী হইয়া পদ্মাবতীর উপগ্রাসভাগের জন্য মধুসূদন হিন্দু পুরাণ পরিত্যাগ করিয়া গ্রীক পুরাণ অবলম্বন করিয়াছিলেন ; কিন্তু তাঁহার স্বাভাবিক প্রতিভাবলে সেই গ্রীক উপাখ্যানকে এরূপ হিন্দু আকার প্রদান করিয়াছিলেন যে, গ্রীক পুরাণানভিজ্ঞের সাধ্য নাই যে ইহার হিন্দুত্বে সন্দেহান হন । বৈচিত্র্যের আধার বিলাতী নাটকের আদর্শে মধুসূদন পদ্মাবতীকে শশ্বিষ্ঠা অপেক্ষা বৈচিত্র্যময়ী করিয়াছিলেন । পদ্মাবতীর পূর্ববর্তী নাটক সমূহের মধ্যে বোধ হয় সংস্কৃত মৃচ্ছকটিক, মুদ্রারাক্ষস এবং হরিশ্চন্দ্র ব্যতিরেকে কি সংস্কৃত, কি বাঙ্গালা কোন ভাষারই দৃশ্য কাব্যের এরূপ বৈচিত্র্য ছিল না । শশ্বিষ্ঠার গ্রাম পদ্মাবতী স্ত্রীচরিত্রপ্রধান । তবে শশ্বিষ্ঠা মাত্র দুইজন নাগিকার লীলানিকেতন । আর পদ্মাবতী নিজে নাগিকাপদবাচ্যা হইলেও তিনজন দেবালার ক্রীড়াপুস্তলী । এই দেবালাদিগের মধ্যে শচীদেবীর চরিত্র মধুসূদন বিলাতী ছাঁচে ঢালিয়াছেন । ইতিপূর্বে বাঙ্গালা বা সংস্কৃত নাটকে এরূপ প্রকৃতির চরিত্র দৃষ্টিগোচর হয় নাই । স্ত্রীমূলত কোমলতাই সংস্কৃত নাট্য কবির স্ত্রীচরিত্রের প্রধান বর্ণনীয় বিষয় ছিল ; কিন্তু মধুসূদন সেই কোমলতার অন্তরালে যে কঠোরতা থাকিতে পারে এবং সরলতার পরিবর্তে কুটিলতাও যে তাহাদিগের আভরণ হইতে পারে, তাহারই একটা মূর্তিমতী ছবি ঐ শচীদেবীর চরিত্রে প্রদর্শন করিয়াছেন । শশ্বিষ্ঠায় যেমন পুরুষ অপেক্ষা স্ত্রীচরিত্র অধিক কুটিরাছিল, পদ্মাবতীতেও

সেইরূপ ঐ নিয়মের ব্যতিক্রম হয় নাই। নিজের মনীষাবলে এবং রামনারায়ণ তর্করত্ন অনুবাদিত স্ত্রীচরিত্রপ্রধান শকুন্তলা, রত্নাবলী, প্রভৃতি নাটক নাটিকার ভূয়োভূয়ঃ অভিনয় দর্শনের ফলে মধুসূদন স্ত্রীচরিত্রচিত্রণে সমধিক দক্ষতা প্রদর্শন করিয়াছিলেন। শশ্মিষ্ঠা বা পদ্মাবতীতে মধুসূদন নিপুণতার সহিত দৃশ্যবিভাগ দেখাইতে পারেন নাই। ছুই বা ততোধিক দৃশ্যের বর্ণনায় বিষয় একই দৃশ্যে প্রদর্শন করিয়াছিলেন। একরূপ করায় একজন পাত্র পাত্রী যখন কথোপকথনে নিযুক্ত থাকেন তখন অপর দলের চিত্র পুস্তলিকার গ্রাম দণ্ডায়মান থাকা ভিন্ন গত্যন্তর থাকে না। ইহাতে নাটকের সজীবতা নষ্ট হয় এবং পাঠক বা দর্শকমণ্ডলীর কৌতূহল উদ্দীপ্ত না হইয়া হ্রাস প্রাপ্ত হয়। আমাদের মনে হয়, সংস্কৃত দৃশ্যকাব্যের অমুকরণে মধুসূদন তাঁহার নাট্যাগ্রহে দৃশ্যযোজনা করিয়া থাকিবেন। সংস্কৃত দৃশ্যকাব্যে অঙ্কের মধ্যে পৃথক্ দৃশ্যযোজনা নাই এবং অঙ্কের প্রারম্ভেও কোন স্থান নির্দেশ নাই। অঙ্কের মধ্যে পাত্রপাত্রীরা প্রয়োজনমত প্রবিষ্ট এবং প্রয়োজন মত নিজাকান্ত হইয়া যায়। তাহাদের বর্ণনার মধ্য হইতেই ক্রিয়ার স্থান ও সময় নিরূপণ করিয়া লইতে হয়। এই কারণেই বোধ হয় সংস্কৃত দৃশ্য কাব্য বিবিধাংশে বিভূষিত হইয়াও কৃত্রিমতাকে অতিক্রম করিতে পারে নাই। অনেকস্থলে এইটী দোষের কারণ হইলেও সকলস্থলে সেরূপ হয় নাই। রত্নাবলী নাটিকার আমরা দেখিতে পাই যে, ইহার ক্রিয়া প্রথম দিবসের সন্ধ্যার প্রাকালে আরম্ভ হইয়া তৃতীয় দিবসের কিয়দংশ কালের মধ্যে নির্বাহিত হইয়াছে; সুতরাং ইহার সংযোগস্থল রাজার প্রাসাদাভ্যন্তরস্থ কদলীগৃহ, উদ্যান, রাজাস্তম্ভপুত্র প্রভৃতি কয়েকটি নির্দিষ্টস্থান মাত্র। সেইজন্য ঐ স্থানগুলি পৃথক্ভাবে উল্লিখিত না হইলেও সাধারণের বুঝিবার কোন অসুবিধা হয় না।

অঙ্কবিভাগে মধুসূদন যে সংস্কৃত নাট্য কবিদিগের অঙ্ক অনুকরণ করিয়াছিলেন তাহা নহে। তিনি তাঁহার নাটকাস্তর্গত অঙ্কগুলিকে গর্ভাঙ্করূপ খণ্ডে বিভক্ত করিয়াছিলেন এবং প্রত্যেক খণ্ডের উপরিভাগে সেই গর্ভাঙ্কের সংযোগ স্থলেরও নাম করণ করিয়াছিলেন। এসকল অনুষ্ঠান সত্ত্বেও তিনি দৃশ্যযোজনায় পারদর্শিতা দেখাইতে পারেন নাই। কারণ তাঁহার দৃশ্য মধ্যে এমন অনেক বিষয় আছে যাহা দৃশ্যাস্তরে দেখাইলেই ভাল হইত। দৃশ্য এই পদের স্থানে 'গর্ভাঙ্ক' পদ তিনি তাঁহার অগ্রগ্রামী নাট্যকার রামনারায়ণের নিকট হইতে

পাইয়াছেন । সুতরাং ইহার জ্ঞান তিনি দায়ী নহেন, তিনি কেবল অনুকারী-মাত্র । শর্মিষ্ঠা নাটকে যযাতির শাপোৎসর্গ ব্যতীত অপর সকল বিষয়েই মধুসূদন সংস্কৃত আলঙ্কারিকদিগের অনুমোদিত পথে বিচরণ করিয়াছিলেন । পদ্মাবতীতে কিন্তু সেরূপ করেন নাই । স্থায়ী রসের বিরোধী রসেরও আশ্রয় লইয়াছিলেন । সাহিত্য-দর্পণকার বলিয়াছেন “আচ্যঃ কৰুণবীভৎসরৌদ্রবীরভয়ানকৈঃ ।” কৰুণ বীভৎস, রৌদ্র বীর এবং ভয়ানকরস আদিরসের বিরোধী । সুতরাং আদিরসের বর্ণনার ইহারা স্থান পাইবে না । পদ্মাবতী আদিরসপ্রধান নাটক । ইন্দ্রনীল ও পদ্মাবতী দেববালার ক্রোধে পড়িয়া যেরূপ লাঞ্ছনা ভোগ করিয়াছিলেন তাহাতে কৰুণরসের উদ্দীপনা প্রভূতই হইয়াছিল ; এবং শচীদেবী ও কলিদেব তাহাদিগের উপর যেরূপ ক্রুদ্ধ ব্যবহার করিয়াছিলেন তাহাতে রৌদ্ররসেরও অভিনয় কম হয় নাই । মধুসূদনের এই সকল প্রাচীন নাট্যরীতি সম্বন্ধীয় ব্যভিচার দেখিয়া মনে হয় যে, তিনি ধীরে ধীরে আলঙ্কারিক শৃঙ্খল পরিত্যাগ করিতেছিলেন ।

পদ্মাবতীতে যেটুকু বাধাবোধ ছিল কৃষ্ণকুমারীতে তাহাও রহিল না । ইহাতে নাট্যকবির অগাধ কল্পনা বিস্তৃতপক্ষ বিহঙ্গমের গায় উন্মুক্ত আকাশে পরিভ্রমণ করিয়াছে এবং ইহার নাটকীয় চরিত্রগত ভাবরাজিও অম্বরের গায় উদার হইয়া রাজাস্তম্ভপূররূপ গর্ভীর বাহিরে আসিয়া পড়িয়াছে । ইহার নায়ক নারীসেবা পরিত্যাগ করিয়া দেশমাতৃকা ও কুলগৌরবের সেবা করিয়াছেন । ইহার নায়িকা প্রণয়-বিধুর হইয়াও পিতৃলাঞ্ছনাকারী প্রণয়াম্পদের অঙ্কশায়িনী হইবার পূর্বেই পিতৃ-কুলের সম্মান রক্ষার্থ জীবন বলি দিয়াছেন । ইহার প্রতিনায়কদ্বয়ের মধ্যে একজন যোদ্ধাবেশে নৈপথ্যেই দণ্ডায়মান ছিলেন, রজ্যালয়ে অবতীর্ণ হইবার অবসর পান নাই । অপর জনও নায়িকালাতে কৃতসঙ্কল্প হইয়া আবালাসেবিত লাম্পাট্য পরিত্যাগ করিয়া রাজোচিত বীরত্বে বিভূষিত হইয়াছিলেন । ইহার মন্ত্রিষয় স্বধর্মনিরত এবং রাজাও রাজত্বের মঙ্গলকামী । ইহার বিলাসবতী ও মদনিকার চরিত্র মুচ্ছকটিক নাটকের বসন্তসেনা ও মদনিকার ছায়াপাতে সৃষ্ট হইলেও কার্য্যশ্রোতে বিভিন্নপথে গমন করিয়াছে । বসন্তসেনার চারিত্রিক কোমলতা ব্যতীত অপর কোন গুণই বিলাসবতীতে প্রতিফলিত হয় নাই । বসন্তসেনার লালসা গুণজ, বিলাসবতীর লালসা কামজ ; বসন্তসেনা গ্রহশেবে হত্যাপরাধ হইতে চারুদন্তকে উদ্ধার করিয়া নিজের অতীষ্টবস্ত্র লাভ করিয়াছিল । বিলাসবতী গ্রহরস্তু

হইতেই জগৎসিংহের উপভুক্ত। তবে শ্রীমূলভ কামলতার অভাব তাহার ছিল না। ধনদাস যখন জগৎসিংহের ক্রোধে পড়িয়া জীবন হারাইতে বসিয়াছিল, সে সময়ে বিলাসবতীরই আন্তরিক যত্নে তাহার জীবনরক্ষা হয়। মদনিকার চরিত্র এক অপক্লপ কৌশলে সৃষ্ট হইয়াছে। ইহারই কুহকজালে কিংকর্তব্যবিমূঢ় হইয়া উদয়পুররাজ ভীমসিংহ স্নেহের প্রতিমা কৃষ্ণাকে অকালে বিসর্জন দিয়াছেন; মহামতিমময়ী সাধ্বী রাজ্ঞীকে কণ্ঠাশোক মুহমান অবস্থায় হারাইয়াছেন; এবং অবশেষে নিজেও রাজনৈতিক এবং পারিবারিক দুশ্চিন্তায় বিকৃতমস্তিষ্ক হইয়া জীবন্মৃত হইয়াছেন। ক্ষুদ্র ধনদাসকে দমন করিবার জন্য মদনিকা যে কৌশলজাল বিস্তার করিয়াছিল তাহাতে পড়িয়া ধনদাস পতঙ্গ সর্বস্বাস্ত হইয়াছিল; সঙ্গে সঙ্গে উদয়পুর রাজপরিবারও ধ্বংসপ্রাপ্ত হইল। নাট্যকার মদনিকা-চরিত্রের সামঞ্জস্য রক্ষা করিয়া একরূপ নিপুণতার সহিত এই শোক-পরম্পরা চিত্রিত করিয়াছেন যে, কোন স্থানে নাটকীয় সৌন্দর্য্য নষ্ট হয় নাই। নাটকটী বিষাদাস্ত হইবে বলিয়া আরম্ভ হইতেই বিষাদের রেখা অন্তঃসলিলা ভোগবতীর শ্রায় উদয়পুররাজগৃহে বিদ্যমান ছিল। ইহার তপস্বিনী মালতীমাধবের সংসারত্যাগিনী কামন্দকীর শ্রায় সংসারশ্রমের বহির্ভাগে থাকিয়াও সংসার লইয়াই বিব্রত। এই চরিত্রের অনুপাতে ভবিষ্যৎ নাটকে অনেক চরিত্র সৃষ্ট হইয়াছে। ইহার ধনদাস ওথেলোর ইয়্যাগো চরিত্রের ছায়া অবলম্বনে রচিত, তবে ইহার নৃশংসতার ক্ষেত্র তাহার শ্রায় বিশাল ছিল না। কৃষ্ণকুমারীর আত্মহত্যা পাপ-কলুষিত নহে। বংশের মর্যাদা রক্ষা যে আত্মত্যাগের মূলে বর্তমান, সে আত্মঘাতীর নিকট সর্ববিধ বিসর্জনই মূল্যবান, প্রাণ ত তাহারই চরম দান। নাট্যকার এক অভিনব কৌশলে নাট্যিকার প্রাণনাশের কৌশল সৃষ্টি করিয়াছিলেন, সে কৌশল মন্ত্রী-মহাশয়-আনীত এক পত্র। পত্রমধ্যে কৃষ্ণার প্রাণনাশের কথা ছিল। এই পত্রখানি বেরূপ ভীমসিংহ ও বলেন্দ্র সিংহকে যুগপৎ চমৎকৃত করিয়াছিল, কিছুদিন পূর্বে কৃষ্ণাও স্বপ্নধোগে তাঁহাদের বংশের নারী পরলোকগতা পদ্মিনীর আস্থানে সেইরূপ বা ততোধিক চমৎকৃত হইয়াছিলেন। মধুসূদন কিন্তু এই দুই ঘটনা একরূপ কৌশলের সহিত সম্পন্ন করাইয়াছিলেন যে, কৃষ্ণকুমারীর দেহ বিসর্জনের বা ভীমসিংহের তাহাতে সম্মতিদানের বিরুদ্ধে কেহ কোন ইঙ্গিত করিতে সাহস করেন নাই। কৃষ্ণকুমারীর রচনাকাল ১৮৬০ খৃষ্টাব্দ।

তিনখানি নাটক ও দুইখানি প্রহসন লইয়াই মধুসূদনের নাট্য সাহিত্য পূর্ণ হইয়াছে। আমরা তাঁহার তিনখানি নাটক সম্বন্ধে যথোচিত আলোচনা করিয়াছি এবং ঐ আলোচনার মধ্যে উহাদিগের গুণটী দেখাইয়াছি, দোষের সম্বন্ধে বিশেষ কিছু বলা হয় নাই। এক্ষণে তাহাদিগের দোষ ও তাঁহার দুইখানি প্রহসন সম্বন্ধে যৎকিঞ্চিৎ আলোচনা করিয়াই আজিকার প্রবন্ধ শেষ করিব।

মধুসূদনের নাট্যশিক্ষার হাতে খড়ি শর্শ্বিষ্ঠায় হইয়া ছিল; কৃষ্ণকুমারীতে তাহারই পরিণতি। তাঁহার নাট্যকলাকৌশল উত্তরোত্তর বৃদ্ধি পাঠিয়া কৃষ্ণকুমারীতে উৎকর্ষলাভ করিয়াছিল। কি শর্শ্বিষ্ঠায়, কি পদ্মাবতীতে, এবং কি কৃষ্ণকুমারীতে নাটকের প্রধান উদ্দেশ্য চরিত্রসৃষ্টি মধুসূদন দক্ষতার সহিত দেখাইতে পারেন নাই। কৃষ্ণকুমারীতে উহার চেষ্টা হইয়াছিল মাত্র, কৃতকার্যতা লাভ হয় নাই। অপরিণত কুসুমস্তবক যেমন আলোক ও ঔজ্জ্বলতার সাহায্যে ক্রমে ক্রমে প্রস্ফুটিত হইয়া লোকলোচনের আনন্দপ্রদ হয়, নাটকীয় চরিত্রও সেইরূপ নানারূপ বৈধ এবং অবৈধ ঘটনার ঘাতপ্রতিঘাতে বিকশিত হইয়া পাঠক বা দর্শকের শ্রীতিবর্দ্ধন করে। মধুসূদনের কোন নাটকীয় চরিত্র এইরূপ ধরণে বিকাশ প্রাপ্ত হয় নাই। সকলগুলিই যেন ফুটতে ফুটতে ফুটিয়া না একরূপভাবে চিত্রিত হইয়াছে। যোগীন্দ্র বাবুর ভাষায় বলিতে হইলে বলিতে হয়, “অতি কমণীয় মূর্ত্তি ক্ষীণাঙ্গ দেখিলে যেমন ক্লেণ বোধ হয়, মধুসূদনের নাটকীয় চরিত্রগুলিও আলোচনা করিলে, সেইরূপ ক্ষোভ জন্মে। মনে হয় যেন পরিবর্দ্ধিত হইতে হইতে হইল না,—যেন আরও দুই একটা কথা বলিলে, আরও দুই একটা ঘটনার সমাবেশ করিলে তাহাদিগের পূর্ণতা হইত।”

শর্শ্বিষ্ঠা পৌরাণিক নাটক। পৌরাণিক ভিত্তির উপরেই উহাকে প্রতিষ্ঠিত করিতে হইবে। মধুসূদন শর্শ্বিষ্ঠার দেবযানীর দাসীত্বগাভ হইতে আরম্ভ করিয়া ষষ্ঠীর জরাপ্রাপ্তি পর্যন্ত ঘটনাবলিরই উল্লেখ করিয়াছিলেন; সুতরাং উহার পরিসর নিতান্ত অল্প এবং এই অল্প পরিসরের মধ্যে নাটকীয় চরিত্রের উন্মেষ প্রদর্শন প্রভূত নাট্যশক্তির পরিচায়ক। মধুসূদন তাঁহার সাহিত্যসেবার প্রথম উদ্যমে সে নিপুণতা দেখাইতে পারেন নাই। ইহার পরবর্ত্তী নাটক পদ্মাবতীতে আধ্যাত্মিক বিষয়ে পৌরাণিক বন্ধন না থাকিলেও বিষয় বৈচিত্র্যের দিকে নাট্যকারের লক্ষ্য থাকায় চারিত্রিক বৈশিষ্ট্য নষ্ট হইয়াছে। কৃষ্ণকুমারীতে কিন্তু

চরিত্রসৃষ্টির দিকে লক্ষ্য থাকিলেও পূর্ণাবয়বসম্পন্ন চরিত্র একটীও সৃষ্ট হয় নাই । গ্রন্থের নায়ক ভীমসিংহের সুর বিধাদাস্ত নাটকের সুরের সহিত বেশ মিলিলেও তাঁহার চরিত্রের একদেশই প্রদর্শিত হইয়াছিল । যে ঘটনার উপলক্ষে ভীমসিংহ সর্বস্বান্ত হইয়াছিলেন, এবং যাহাতে তাঁহার সুগশাস্তি চিরদিনের জন্য তাঁহাকে পরিত্যাগ করিয়াছিল, সেই ঘটনার কোন চিত্র নাটকের মধ্যে স্থান পায় নাই । আমাদের মনে হয়, সেইরূপ কোন চিত্রের সমাবেশ থাকিলে তাঁহার অপর মানসিক বৃত্তির সহিত আমাদের পরিচিত হইবার সুযোগ থাকিত এবং তাহা তাঁহার চরিত্রোন্মেষের সহায়ক হইত । কৃষ্ণাচরিত্র বেশ ফুটিয়াছে, কিন্তু যে শিক্ষার ফলে পরলোকগতা পদ্মিনীর “যে যুবতী এ বিপুলকুলের মান আপন প্রাণ দিয়া রাখে, সুরপুরে তার আদরের সীমা থাকে না” এই বাণীর অর্থ সম্যক উপলব্ধি করিতে পারে, সে শিক্ষার কোন নিদর্শন আমরা কৃষ্ণাচরিত্রে দেখিতে পাই নাই । এক স্থানে কৃষ্ণার সঙ্গীতবিদ্যা শিখিবার ইঙ্গিত আছে মাত্র । কিন্তু যে হৃদয়বল থাকিলে ঐ উক্তির ইঙ্গিত কার্যে পরিণত করিবার সাহস জন্মে সেইরূপ কোন সাধনার বা সাধনকারী ঘটনার সমাবেশ দ্বারা কৃষ্ণার হৃদয়বলের পরিচয় দিবার কোন কৌশল দেখা যায় নাই । এরূপ কোন কৌশল থাকিলে কৃষ্ণাচরিত্রে মধুসূদন আরও পারদর্শিতা দেখাইতে পারিতেন । এইরূপ বিশ্লেষণ দ্বারা অন্ত্র চরিত্রেরও অঙ্গহানিত্ব দেখান যাইতে পারে ; কিন্তু প্রবন্ধের কলেবর বৃদ্ধির ভয়ে মাত্র নায়ক নায়িকা সম্বন্ধে মন্তব্য প্রকাশ করিয়াই ক্ষান্ত হইলাম । দৃশ্যবিভাগের দোষ আমরা পূর্বে উল্লেখ করিয়াছি ; সুতরাং এখানে তাহার পুনরুল্লেখ করিলাম না । আর একটী দোষ মধুসূদনের প্রথম দুইখানি নাটকে দেখিতে পাওয়া যায় ; কিন্তু তাঁহার শেষ নাটক কৃষ্ণকুমারীতে তাহা দৃষ্টিগোচর হয় না । মধুসূদন পাত্র পাত্রীর স্বগতচিন্তার মধ্যে দর্শক বা পাঠকদিগকে পরিচয় দিবার জন্য অনেক ঘটনার উল্লেখ করিয়াছেন । এটা নাট্যপ্রথা অনুমোদিত নহে । পাত্র বা পাত্রীর মনে স্বাভাবিক যে চিন্তার উদয় হয় তাহাই স্বগত উক্তির মধ্যে স্থান পাইবার যোগ্য । শর্মিষ্ঠা বা পদ্মাবতীতে মধুসূদন এ নিয়ম সম্পূর্ণরূপে রক্ষা করিতে পারেন নাই । কৃষ্ণকুমারীতে কিন্তু এ দোষ পরিহার করিয়াছিলেন ।

এইবার তাঁহার গ্রন্থসনের প্রসঙ্গ । নাটকবিভাগ অপেক্ষা গ্রন্থসনবিভাগে

মধুসূদন অধিক কৃতিত্ব দেখাইয়াছেন। প্রহসন সমাজদেহের দূষিতাজের প্রদর্শক। যখন কোন বিরুদ্ধাচার সমাজদেহে প্রবেশ করিয়া কোন অঙ্গবিশেষকে বিকৃত বা দূষিত করে, তখন প্রহসনরূপ দৃশ্যকাব্যই সেই বিকৃতাজ বা দূষিতাজকে লোক-লোচনের বিষয়ীভূত করিয়া সেই বিরুদ্ধাচারের প্রতি ঘৃণা জন্মাইয়া দেয়। ইহাই প্রহসনের কার্য। মধুসূদন এই জাতীয় দৃশ্যকাব্যের জনক ছিলেন বলিলে অত্যুক্তি হইবে না। মধুসূদনের পূর্বে কুলপালকদিগের হৃদয়হীনতা এবং কুলীন-কামিনীদিগের দুর্দশায় তৎকালীন সমাজদেহে যে ত্রণ উদ্গত হইয়াছিল তাহার অঙ্গচিকিৎসার অস্ত্র তর্করত্ন মহাশয়ের কুলীনকুলসর্বস্ব নাটক অবতারণিত হইয়াছিল। কিন্তু তাহার চিত্রগুলি সজীব হয় নাই। সজীব চিত্রগুলি অভিনয়ান্তে মানবমনের উপর যতটা কার্য করে নির্জীব চিত্র সেরূপ করে না। তর্করত্ন মহাশয়ের চিত্রগুলি নির্জীব—অভিনয়ের পর সেগুলির কথা কাহারও মনে থাকে না। মধুসূদন ব্যঙ্গচিত্রের আশ্বাদ কুলীনকুলসর্বস্ব হইতে পাইলেও তাঁহার অভিনব প্রণালীতে ইহার অবতারণা করিয়াছিলেন। মধুসূদনের প্রহসনে চিত্রিত চরিত্রগুলি সজীবও ক্রিয়াশীল হওয়ার অধিক কার্যকরী হইয়াছিল। পরবর্ত্তীকালে এই শ্রেণীর দৃশ্যকাব্য-প্রণেতৃগণ মধুসূদনের ‘একেই কি বলে সত্যতা’ এবং ‘বুড়োশালিকের ঘাড়ে রোঁকেই আদর্শ স্বরূপ গ্রহণ করিয়া-ছিলেন’। মধুসূদনের সমকালীন ইয়ং বেঙ্গলের দল এবং ভণ্ডকপটাচারী হিন্দুর দল তৎকালীন হিন্দুসমাজের কলঙ্কস্বরূপ হইয়া উঠিয়াছিল। মধুসূদন তাহাদিগের কার্যকলাপ এই দুই গ্রন্থে অতি দক্ষতার সহিত চিত্রিত করিয়া-ছেন। পণ্ডিত রামগতি স্মারক মহাশয় মধুসূদনের প্রহসন সমালোচনা প্রসঙ্গে বলিয়াছেন “হিন্দু জমিদারের মুসলমান রমণীর প্রতি আসক্তি স্বাভাবিক নয়।” যে হিন্দু কপটাচারী, যাহার ভিতরে একরূপ বাহিরে অন্যরূপ, যে বিধিনিষেধের অতীত; সঙ্কোপনে ধবনীগমন অপেক্ষাও গুরুতর কার্য করিতে সে সমর্থ। সুতরাং মনস্তত্ত্ববিদ পণ্ডিতদিগের দৃষ্টি হইতে বিচার করিলে স্মারক মহাশয়ের এই প্রতিবাদ নিস্প্রভ হইয়া যায়। মাইকেলের জীবন চরিত্র প্রণেতা যোগীন্দ্র বাবু একস্থানে বলিয়াছেন “বুড়ো শালিকের ঘাড়ে রোঁয়ার শেষ অঙ্কে ভক্তপ্রসাদের’ সহিত কতিমার ও হানিকের ধীরতার সহিত স্বয়ং * * * * * অস্বাভাবিক বলিয়াই বোধ হয়।” আমাদের বিবেচনায় ইহা স্বাভাবিকই

হইয়াছে, কারণ পূর্বমীমাংসিত বিষয়ই ধীরতার সহিত সম্পাদিত হইয়া থাকে । হানিক ও ফতিমা উভয়েই জানে ভক্তপ্রসাদবাবুর এই কার্যের প্রতিকল তাহার। কিক্রমে দিবে । সুতরাং তাহাদের বাজ ধীরতার সহিত সম্পাদিত হওয়ায় আরও তীব্র হইয়াছে । অধিকন্তু বাচস্পতি মহাশয়ের শিক্ষার ফলে হানিক উগ্রতা ত্যাগ করিয়া ধীরতা অবলম্বন করিবে বলিয়া প্রতিশ্রুত ছিল, গ্রন্থমধ্যে এ বিষয়েরও উল্লেখ আছে । যোগীন্দ্র বাবু কেন যে ঐরূপ মন্তব্য প্রকাশ করিলেন বুঝিতে পারিলাম না ।

মধুসূদনের কালেই আমরাদিগের জাতীয় নাটক প্রতিষ্ঠিত হইয়াছে । ভাব ও রচনার পরিবর্তনও এই কালের বিশেষত্ব । শুধু নাটক, কেন, আধুনিক বাঙ্গালা দৃশ্যকাব্য-মন্দিরে নাটক, গীতিনাট্য ও প্রহসনরূপে যে তিনটি বিগ্রহ বিরাজ করিতেছেন মধুসূদন ঐ সকলগুলিরই প্রতিষ্ঠাতা, পুঙ্জক এবং সাধক ছিলেন । পদ্মাবতী ও কৃষ্ণকুমারী তাঁহারই প্রতিষ্ঠিত নাটকমূর্তি, শশ্বিষ্ঠা তাঁহারই রচিত গীতিনাট্যমূর্তি—কারণ এইরূপ ধরণের নাটকই পরবর্তী কালে গীতবহুল হইয়া গীতিনাট্যে প্রকটিত হইয়াছিল, সেইজন্য প্রত্যক্ষভাবে তিনি ইহার জনক না হইলেও উহার প্রবর্তক ছিলেন—এবং একই কি বলে সত্যতা, ও বুড়ো শালিকের ঘাড়ে রোঁয়া তাঁহারই সংকল্পিত প্রহসনমূর্তি । সুতরাং বাঙ্গালা দৃশ্যকাব্যের ইতিহাসে তাঁহার আসন কত উচ্চে তাহা প্রমাণিত হইল । অধুনা তাঁহারই পদাঙ্ক অনুসরণ করিয়া নাট্যগ্রন্থ সকল পূর্বেক্ত ত্রিমূর্তিতে বিরাজিত আছে ।

আম্বন নাট্যভক্তবৃন্দ ! সেই নাট্যপীঠে উপস্থিত হইয়া বাণীর একনিষ্ঠ সাধক মধুসূদনের উদ্দেশে আমরাদিগের শ্রদ্ধার পুষ্পাঞ্জলি অর্পণ করি ।

শ্রীসত্যজীবন মুখোপাধ্যায় ।

মিথিলার প্রাচীন কাহিনী ।

(পূর্বানুবৃত্তি ।)

রাজর্ষি জনক স্বয়ং তদীয় বংশাবলীর কীর্তন করিয়াছেন । নিম্নে তাহা যথাযথ প্রদত্ত হইল :—

“অনন্তর রাজর্ষি জনক মহর্ষি বশিষ্ঠ ও নরপতি দশরথকে সম্ভাষণ পূর্বক কহিলেন, মহর্ষে ! মহারাজ ! সংকুলসম্ভূত আৰ্য্য ব্যক্তির কর্তব্য এই যে কন্যাসম্প্রদান সময়ে আপনার বংশাবলী সমুদায় আত্মপূর্বিক যথাযথ বর্ণন করেন, অতএব আমার বংশাবলীকীর্তন করিতেছি, আপনারা অবহিত হৃদয়ে শ্রবণ করুন ।

শ্বশুর দ্বারা ত্রিভুবনবিখ্যাত পরম ধার্মিক মহাবল পরাক্রান্ত নিমি নামক এক নরপতি ছিলেন । নিমির পুত্রের নাম মিথি । মিথি অসীম তেজঃসম্পন্ন হইয়াছিলেন । এই মিথির নামানুসারে মিথিলা নগরী প্রসিদ্ধ হইয়াছে । মিথির তনয়ের নাম জনক, জনকতনয়ের নাম উপাস্ব ; উপাস্বর ঔরসে সর্বত্র সুবিখ্যাত নন্দিবর্দ্ধন জন্ম পরিগ্রহ করেন । নন্দিবর্দ্ধনের পুত্র রাজা স্বকেতু । স্বকেতুর পুত্র মহাবল দেবরাত ; দেবরাতের তনয় বৃহদ্রথ ; বৃহদ্রথের তনয় মহাবীৰ্য্যশালী মহাবীৰ্য্য । মহাবীৰ্য্যের তনয় ধৃতিমান্ সুধৃতি ; সুধৃতির তনয় পরমধার্মিক ধৃষ্টকেতু ; ধৃষ্টকেতুর তনয় হর্যাস্ব ; হর্যাস্বের তনয় প্রসিদ্ধক ; প্রসিদ্ধকের তনয় ধর্ম্মাত্মা কীর্তিরথ ; কীর্তিরথের তনয় দেবমীড় ; দেবমীড়ের পুত্র বিবুধ ; বিবুধের তনয় অক্ষক ; অক্ষকের তনয় কৃতিরাত ; কৃতিরাতের তনয় কৃতিরোমা ; কৃতিরোমার তনয় স্বর্গরোমা ; স্বর্গরোমার তনয় মহাবল ব্রহ্মরোমা ; ধর্ম্মশীল মহাত্মা ব্রহ্মরোমার দুইটি পুত্র হইয়াছিল ; তন্মধ্যে জ্যেষ্ঠ আমি ও কনিষ্ঠ এই কুশধ্বজ ।

পিতা কৌলিক প্রথাানুসারে আমাকে জ্যেষ্ঠতা নিবন্ধন রাজ্যে এবং কুশধ্বজকে কনিষ্ঠতা নিবন্ধন যৌবরাজ্যে অভিষিক্ত করিয়া বনগমন করেন । পরে তিনি বার্কক্য অবস্থায় পাকভৌতিক কসেবর পরিত্যাগ পূর্বক স্বর্গে গমন

করিয়াছিলেন । আমি দেব সদৃশ এই অমুজ্জ ভাতাকে আত্মশরীরের ন্যায় দেখিতে লাগিলাম ।

এইরূপে কিছুকাল অতীত হইলে সাক্ষাৎ নগরের অধিপতি মহাবল মহাবীৰ্য্য সূধম্বা এই মিথিলা নগরী অবরোধ করিলেন । তিনি দূত দ্বারা আমাকে বলিয়া পাঠাইলেন, আপনার গৃহে যে দিব্য শঙ্করশরাসন আছে, আপনি প্রতিদিন যাহার পূজা করিয়া থাকেন, তাহা আমাকে প্রদান করুন । আমি নরপতি সূধম্বার প্রস্তাবে অসম্মত হওয়াতে তিনি বলগর্বে মত্ত হইয়া আমার সহিত সংগ্রাম আরম্ভ করিলেন । আমি মহীপাত সূধম্বাকে বুদ্ধে পরাজিত ও নিহত করিয়া আমার প্রিয়তম কনিষ্ঠ ভ্রাতা কুশধ্বজকে সাক্ষাৎ নগরের রাজপদে অভিষিক্ত করিলাম । আমার দুই কন্যা সীতা ও উর্মিলা রাম ও লক্ষ্মণকে প্রদান করিয়াছি ।

পুরাকালে ভারতবর্ষের মধ্যে মিথিলার ন্যায় সমৃদ্ধিসম্পন্ন ও শিক্ষা-প্রাপ্তির প্রকৃষ্ট স্থান আর কুত্রাপি দৃষ্ট হত না । বহু দূর দেশ হইতে বিদ্যার্থীগণ সেখানে সমাগত হইতেন । জনকের রাজসভা শিক্ষার একটি কেন্দ্রস্থল ছিল । বস্তুতঃ তাঁহার সভা ভারতের প্রধান প্রধান শিক্ষিত এবং বিবিধ ভাষাবিশারদগণ দ্বারা পূর্ণ থাকিত । মিথিলা বৈদিক সাহিত্যের আলোচনায় পূর্ণাঙ্গ হইয়া উঠিয়াছিল । বিদ্যার্থী ও অধ্যাপকবৃন্দে মিথিলা সর্বদা পূর্ণ থাকিত । তথাকার প্রধান আচার্য্য মহর্ষি যাজ্ঞবল্ক্য । ইনি যজুর্বেদ প্রযোক্তা ও সংহিতাকার । রাজ্যের বহুকালের ঈশিত পবিত্র উপনিষৎ গ্রন্থাদি এই সময় সকলিত হয় । উক্ত গ্রন্থাদি অধুনা হিন্দু-গণের ঐশ্বৰ্য্য ও সম্মানের ভ্রব্য বলিলেও সত্যাক্তি হয় না ।

বস্তুতঃ বিদেহরাজ্যের কেন্দ্র জিহতে । উহার রাজধানী মিথিলা । কেহ কেহ মিথিলাই জনকপুরের নামান্তর বলিয়া অনুমান করেন । অল্প কেহ বলেন, জনকপুর রাজর্ষি বিদ্যাসুরাগী জনকের নামানুসারেই নেপালরাজ্যের উত্তর পূর্ব দিগ্বর্তী স্থানের কিঞ্চিৎ দূরে একটি সহর বিশেষ । উক্ত জনক-পুর যে বিদ্যোৎসাহী মহাত্মা রাজর্ষি জনকের নামানুসারেই স্থাপিত হইয়াছিল তাহাতে আর কোনই সন্দেহ নাই । এইরূপ কিম্বদন্তী আছে যে, ফুলহার (Phulhar) পল্লী বেণীপতি খানার ঈশানকোণে অবস্থিত । ঐ স্থানে রাজ্যের

পুষ্পোদ্যান ছিল। তথায় যাজ্ঞকগণ দেবপূজার্থে পুষ্প আহরণ করিতেন। জনকপুরে যেমন দেবী গিরিজার মন্দির ছিল, এই স্থানেও উক্ত নামে একটি সুরম্য মন্দির বিরাজিত। কথিত আছে, তথায় জনক-কন্যা সীতাদেবী কুমারী অবস্থায় উক্ত পুষ্পোদ্যান হইতে পুষ্পচয়ন করিয়া গিরিজার অর্চনা করিতেন। এইরূপ শ্রুত হওয়া যায় তথায় কতিপয় ঋষি বাস করিতেন। সুপবিত্রা যমুনা ও কমলানদীর সঙ্গমস্থলে এক মহাপ্রভাব ঋষি বাস করিতেন। তাঁহারই নাম তৈমিনি ঋষি। তিনি দেবোপাসনার রীতি পদ্ধতি সম্বন্ধে একখানি গভীর পাণ্ডিত্যপূর্ণ গ্রন্থ রচনা করেন। তাঁহার রচিত আরও গ্রন্থ আছে। কমলা ও কারাই নদীর সঙ্গম স্থলে কাকরাউল নামক গ্রামে অপর একজন মহর্ষি বাস করিতেন। তাঁহার নাম কপিলদেব। তিনিই জগদ্বিখ্যাত সংখ্যাবোগপ্রণয়নকর্তা কপিল।

বর্তমান দ্বারভাঙ্গা থানার উত্তর পশ্চিমকোণে আহিরারী (Ahirari) নামে একটি গ্রাম আছে। তথায় কেবল ব্রাহ্মণের বাস। উক্ত গ্রামে একজন ঋষি বাস করিতেন। *তাঁহার নাম গৌতম। এই তিন জন ঋষির নামানুসারেই ত্রিহৃত বা তৈরহৃত নাম হইয়াছে। * গৌতম সুবিখ্যাত স্মরণ শাস্ত্রের প্রণয়নকর্তা ও অহল্যার ভর্তা। তাঁহার নামানুসারেই গ্রামের নাম আহিরারী হইয়াছে। এই গৌতম ঋষির আশ্রম ও অহল্যার বিবরণ পূর্বেই প্রদত্ত হইয়াছে। তাহার সন্নিকটেই বিশাউল। এইস্থানে বিশ্বামিত্র ঋষির আশ্রম। কমতোউল রেলওয়ে স্টেশনের সন্নিকটবর্তী আগবান নামক স্থানে সুবিখ্যাত মহর্ষি যাজ্ঞবল্ক্যের আশ্রম ছিল।

. কতিপয় শতাব্দী পরে ব্রিজ্জানগণের কতিপয় উচ্চব্যক্তির হস্তে সাম্রাজ্যের শাসনভার পতিত হয়। উক্ত প্রজাতন্ত্র অধিক কাল স্থায়ী হয় নাই। অনন্তর বিদেহ রাজবংশেরই পুনঃ প্রতিষ্ঠা হয়। মধ্যভাগে রাজধানী মিথিলা হইতে বৈশালী নগরে লইয়া যাওয়া হয়। উক্ত বৈশালী বর্তমান মঙ্গঃকর পুর জেলার মধ্যবর্তী বসাড় (Basarh) নামক স্থানে অবস্থিত ছিল। উক্ত ব্রিজ্জা-গণকে সর্বশুদ্ধ আটটি বংশে বিভক্ত করা হয়। তন্মধ্যে লিচ্ছবিগণ সর্বাগ্রে

* Mithila identified with the modern Tirhut by J. Falboys Wheeler vol. I. p. 563 and page 64 note and Wilson's Vishnupuran, p. 186.

উল্লেখযোগ্য । লিচ্ছবিগণ ক্ষমতামালী হইলে মগধরাজের সঙ্গে তাহাদের
বিসম্বাদ আরম্ভ হয় । তৎকালে মগধরাজ্য বলিলে বর্তমান পাটনা ও গয়া
জেলা লইয়া বুঝিতে হইত ।

বিষ্ণিসার মগধরাজ্য ৫১৯ খ্রীঃ পূঃ অব্দে স্থাপন করেন । তিনি মাতামহ
রাজ্যের প্রভাবে প্রভাবান্বিত ছিলেন । উক্ত রাজ্য ত্রিহতের পশ্চিম দিকে বিরা-
জিত ছিল । উহাই কোশল রাজ্য নামে চির প্রসিদ্ধ । উক্তরাজবংশ লিচ্ছবি-
বংশের সহিত আদান প্রদান অর্থাৎ বৈবাহিক সূত্রে আবদ্ধ হইত । আমরা
পূর্বেই বলিয়াছি লিচ্ছবিগণ বৈশালীর রাজবংশ হইতে উদ্ভূত । যাহা হউক,
অজাতশত্রু উপযুক্ত পিতা বিষ্ণিসারকে হত্যা করিয়া সিংহাসনাধিকার করি-
লেন । সেই হেতু বৃদ্ধ কোশলরাজ ক্রোধাক্ত হইয়া অজাতশত্রুর বিরুদ্ধে
সমরানুল প্রজলিত করিলেন । বিষ্ণিসারমহিষী বৃদ্ধ কোশলরাজের ভগিনী ।
তিনি পুত্রহস্তার ভীষণ কার্য দর্শন করিয়া অতি বিষাদে তমুত্যাগ করিলেন ।
এই যুদ্ধে অজাতশত্রু জয়লাভ করিলেন । তদনন্তর তাঁহার দৃষ্টি ত্রিহতে
পতিত হইল । তিনি উক্ত রাজ্যগ্রহণে নিতান্ত লোলুপ হইয়া পড়িলেন ।
এই স্থলে লিচ্ছবিগণ ত্রিহতরাজ্যের প্রধান নেতা ও অজাতশত্রু বিশেষ শত্রু
হইয়া উঠিলেন । ইহা ৪৯০ খৃঃ পূঃ সংঘটিত হয় । অজাতশত্রু এই আক্রমণেও
ফললাভ করিলেন । লিচ্ছবিরাজধানী বৈশালী অজাতশত্রুর করতলগত
হইল । অজাতশত্রু ত্রিহতের রাজা হইলেন । তখন মগধ রাজ্য গঙ্গা
হইতে হিমালয় পর্য্যন্ত বিস্তৃত হইয়া উঠিল । এই সময় পাটলীপুত্র নগর স্থাপিত
হইল । পাটলীপুত্র বর্তমান পাটনা । তখনও লিচ্ছবিগণের ক্ষমতা প্রশমিত
হয় নাই । সুতরাং তাঁহাদিগকে শাসন করিবার জন্য গঙ্গানদীর উপর
অবস্থিত পাটলী গ্রামে একটি দুর্গ নির্মিত হয় ।

বুদ্ধদেব বৈশালী নগরে বসিয়া অল্পমান খৃষ্ট পূর্ব ৪৯০ অব্দে ধর্মপ্রচার
করেন । দ্বিতীয় স্ববৃহৎ বৌদ্ধসংঘ খৃষ্ট পূর্ব চতুর্থ শতাব্দীতে সমবেত হইলে
ত্রিহত তাহার কেন্দ্রস্থল হইয়াছিল । তদনন্তর কতিপয় শতাব্দী ত্রিহতের
কোন বিবরণই প্রাপ্ত হওয়া যায় না । অবশেষে যখন লিচ্ছবিগণ ও ত্রিজ্ঞাণ-
গণ মৌর্য্য রাজগণের করতল রূপে অবস্থান করিতেছিলেন, তখন হইতে পুনরায়
ইতিহাসের সূত্রপাত হয় । পরে শুশুণবংশের অভ্যুত্থান হইলে তাঁহারা তীর-

ভুক্তি বা ত্রিহতে সম্ভবতঃ রাজধানী স্থাপন করেন। ত্রিহত গুপ্তরাজ্যের জেলা বিশেষ ছিল। বসাতের বর্তমান খনন কার্যের ফলে আবিষ্কৃত প্রস্তরফল-কাদিতে চতুর্থ ও পঞ্চম খ্রীষ্টাব্দের বিবরণ প্রাপ্ত হওয়া যায়। ভূগর্ভ হইতে কতিপয় রাজার শিলমোহরও বহির্গত হইয়াছে। * উক্ত মোহর সকল কোন পত্রে অঙ্কিত ছিল। তাহাতে পরিষ্কার হওয়া যায় যে বৈশালীতে অবস্থিত কতিপয় প্রদেশের শাসনকর্তাকে রাজপ্রতিনিধি বা স্বয়ং নরপতি তাঁহাদের আদেশ নামা প্রেরণ করিতেছেন। উক্তপত্রে তৈরভুক্তি প্রদেশের কর্মচারিগণকে কোন আদেশ প্রদান করা হইতেছে তাহাও উল্লিখিত আছে। সুতরাং তৈরভুক্তি বলিয়া কোন প্রদেশ ছিল, সন্দেহ নাই। উক্ত প্রদেশ বৈশালীর সন্নিকটবর্তী হইবে। অধিকন্তু মোহরাঙ্কিত পত্রাদিতে পাটনা ও অন্যান্য প্রদেশের বণিক ও সার্ববাহ শ্রেণীর কথা আছে। ইহাতে অনুমিত হয় যে সেই প্রাচীনকালে উত্তর ভারতবর্ষে বর্তমান বণিক সভার শ্রায় (Chamber of Commerce) বৃহৎ সভা ছিল। তাহাতে বাণিজ্যাদি সম্বন্ধে বিধিব্যবস্থা প্রণীত হইত। সামন্ত-বর্গ, শাসনকর্তৃগণ, জজিলাট, পুলিশের সর্বোচ্চ কর্মচারী, রাজগৃহাধ্যক্ষ, সৈন্য-বিভাগীয় খাজাঞ্চীখানার খাজাঞ্চী নাগরিক শাসনকর্তা, প্রাদেশিক মন্ত্রী প্রভৃতির উপাধি দৃষ্টে উপলব্ধি হয় যে, তৎকালে আধুনিক হুমত্যা সমাজের শ্রায় রাজ নৈতিক ও সামাজিক কার্য সকল সুনিয়মে পরিচালিত হইত।

হুয়েন সঙের সময় হইতে অর্থাৎ সপ্তম শতাব্দীতে মিথিলার কথঞ্চিৎ বিবরণ প্রাপ্ত হওয়া যায়। তিনি ত্রিহত বৈশালীর অধীন ছিল, দেখিয়াছেন। অর্থাৎ বৈশালীর দক্ষিণে ত্রিহত ও উত্তর পূর্বে বিজ্ঞান রাজ্য ছিল। চীন. পরিব্রাজক হুয়েন সাং ৬৩৫ খ্রীঃ ভারতবর্ষে আগমন করেন। তিনি বলেন, বৈশালীর কালী করিয়া দেখিলে সহস্র মাইল বা পঞ্চশত কোশ অথবা ৫০০০ লী হয়। উহার ভূমি উর্বরা। ফল ফল শস্যদ্বারা দেশ পূর্ণ। আশ্র ও রস্মা প্রচুর পরিমাণে উৎপন্ন হয়। জল হাওয়া উৎকৃষ্ট ও মনোরম। অধি-বাসিগণ ধার্মিক, শ্রায়নিষ্ঠ, ধর্মপ্রাণ এবং বিদ্বান। তাহারা সর্বাপেক্ষা শিক্ষার আদর করে। বিজ্ঞান রাজ্যের কালী চারিশত কোশ বা চারিহাজার লী। উহা পূর্বে হইতে পশ্চিমে দীর্ঘ।

* Report Arch. Surv. Ind. 1903-04.

জনকপুরের ধ্বংসাবশিষ্ট এখনও বিদ্যমান। তথাকার অধিবাসিবৃন্দ ক্রম-
কার্যক্রম, ধার্মিক এবং সংসারে অনাসক্ত ছিল। তাহারা বৌদ্ধ ছিল না। হুয়েন
সাজ বলেন, শত শত বৌদ্ধ মন্দিরের ধ্বংসাবশেষ প্রথায় বিদ্যমান। পরন্তু
তথায় তিন চারি জন মাত্র বৌদ্ধ ভিক্ষু বসতি করিতেন। অধিকন্তু, লক্ষ লক্ষ
ব্রাহ্মণ তথায় মন্দিরাদিতে দেবার্চনার নিরত থাকিতেন। *

হুয়েনসাজের সময় হইতে উত্তর বিহারের বিশেষ কোন ঐতিহাসিক বিবরণ
প্রাপ্ত হওয়া যায় না। অনন্তর পালবংশের অভ্যুদয় হইলে (৮০০—১২০০
খ্রীঃ) উক্তস্থানের- কিঞ্চিৎ বিবরণ প্রাপ্ত হওয়া যায়। হুয়েন সাজের সময়
রাজা হর্ষ উত্তর ভারতে রাজত্ব করিতেন। তাঁহার রাজত্ব কাল খ্রীঃ ৬০৬—
৬৪৮ খ্রীঃ পর্য্যন্ত। পশ্চিম বঙ্গ তাঁহার অধীন ছিল। তাঁহার মৃত্যুর পর
রাজ্য ক্ষুদ্র ক্ষুদ্র স্বাধীন রাজন্যবর্গ দ্বারা পরিচালিত হইতে লাগিল। ত্রিহত
সেই সময় ক্ষুদ্র ক্ষুদ্র সামন্তরাজ দ্বারা শাসিত হইত। নবম শতাব্দীতে পাল-
বংশের প্রতিষ্ঠাতা গোপাল সমগ্র বঙ্গ শাসিত করেন। তাঁহার রাজত্বের
শেষ ভাগে অনুমান ৮৫০ খ্রীঃ বিহারের পশ্চিমভাগ পর্য্যন্ত তাঁহার অধীন ছিল।
একাদশ শতাব্দীতে উক্ত রাজ্য পালবংশের হস্ত হইতে চেদীবংশের হস্তে
পতিত হয়। অবশেষে ১০১৯ খ্রীঃ গাজেন্দেব উত্তর ভারতের অধিপতি
হন। সেনরাজগণের সময়ে শিমরাউন গড় স্থাপিত হয়।

৫৬ পুরুষ অধস্তন মহারাজ কৃতি হইতেই জনক বংশের বিলোপ সাধন
হয়। উক্ত বংশের পর ১১৪৬ সংবতে (১৮৯ খ্রীঃ) নান্যদেব নামক
জৈনক কলিঙ্গ তীরহতে রাজত্ব করেন। নেপাল তরাইএর কোস্তিয়াপার
গণার শিমরাউনগড় নান্যদেবের রাজধানী ছিল। আমরা নিম্নে তাহার যথাযথ
বিবরণ প্রদান করিব।

* In describing the seals of the 4th and 5th centuries recently found at Basarh, Dr. Bloch remarks—Turning to the emblems on the seals, the first thing that strikes one is total absence of any symbol of Buddhism.
* * The evidence of the emblems on the seals, so far as they have any connection with religious worship, together with the names occurring in the inscriptions and the seals bearing benedictory formulas rather led me to conclude that most of the persons to whom the seals belonged were followers of the Brahminical creed or Jainas or both."

হিন্দু বিজ্ঞান, গ্রায় এবং সংস্কৃত সাহিত্য চর্চায় এককালে প্রাচীন মিথিলা অতিশয় প্রসিদ্ধি লাভ করিয়াছিল। একথা পূর্বেই উল্লিখিত হইয়াছে। শাস্ত্রে উক্ত আছে মিথিলা বা মৈথিল দেশ বিহারের উত্তর পূর্বাংশে অবস্থিত। উক্ত মিথিলার ধ্বংসাবশেষ কেবল যে ইংরাজাধিকৃত বিহার প্রদেশেই বিদ্যমান ছিল তাহা নহে। উহা কিয়ৎপরিমাণে স্বাধীন নেপাল রাজ্যের “তেরাই” প্রদেশেরও অন্তর্ভুক্ত হইয়াছে। উহা বিহারের মধ্যেও আংশিক বিদ্যমান আছে এবং হিমালয়ের পাদদেশের কতিপয় মাইল পর্য্যন্ত বিস্তৃত রহিয়াছে। অধুনা এ প্রদেশ ভয়াল কেশরী, ব্যাঘ্র, বন্যমহিষ ও বরাহাদির নিবাস ভূমি হইয়াছে। বৎসরে প্রায় নয় মাস তথায় ম্যালেরিয়ার প্রবল প্রতাপ। নেপালী তেরাই প্রদেশের মিথিলাভূমিও ভীষণ বনাকীর্ণ, তাহা পীড়ার আগার বলিলেও অত্যুক্তি হয় না। এই মিথিলার কোন রাজা পাঠানরাজ তোগলক সার বিরুদ্ধে অস্ত্র ধারণকরত তাঁহাকে যুদ্ধে পরাজিত করিয়া মিথিলার রাজচক্রবর্তী নামে খ্যাত হইয়াছিলেন।

পরন্তু জনকপুর ও শিমরাউনের ধ্বংসাবশেষ অধুনা নেপাল রাজ্যের নিম্নভূমিতে বিদ্যমান রহিয়াছে। মুসলমান আগমনের পূর্বে যাহারা মিথিলার বিবরণ অবগত আছেন, তাঁহাদের আগরা রাধীয় ও মাথীয়ের স্তম্ভাদি সম্মর্শন করিতে অস্বীকার করি। রাধীয় ও মাথীয় স্তম্ভাদি অধুনা ইংরাজ-রাজত্বের অংশীভূত হইয়া পড়িয়াছে। অধিকন্তু, জনকপুর ও নান্য উপনগরের বিশ্বয়োগ্যপাদক ভগ্নাবশেষ নেপাল রাজ্যের অন্তর্ভুক্ত হইয়াছে।

পঞ্চশত বর্ষের বিভিন্ন ধর্মাবলম্বীর অবিশ্রান্ত ঘাত প্রতিঘাতে এবং শোণিত স্রোতে বর্তমান সীমান্ত প্রদেশ ঋশানভূমিতে পরিণত হয়। রাজলক্ষ্মী সে স্থান হইতে স্থানান্তরে পলায়ন করিলেন। এই প্রকারে মিথিলার ধ্বংস সাধন হইল। ইহা ইংরাজরাজ্যভুক্ত মিথিলা। পরন্তু নেপালী তেরাই ১৮১৬ খৃঃ পর্য্যন্ত স্বীয় প্রভাব সমভাবেই অক্ষুণ্ণ রাখিয়াছিল। ইতোমধ্যে নেপাল ও ইংরাজ গবর্নমেন্টের স্বন্দোবস্তে সীমান্তপ্রদেশে শান্তি স্থাপিত হইলেও নেপাল তেরাইয়ে কোন বিভিন্ন জাতির গমনাগমন নিষেধ ছিল। অপিচ, অপর কোন জাতিই তথায় পদার্পণ করিতে সাহসী হয় নাই। বাহা

হউক, অধুনা আমরা শিমরাউন গড়ের কিঞ্চিৎ বিবরণ নিয়ে প্রদান করিতেছি ।

পূর্বতের পাদদেশ হইতে সাড়ে সাত কোশ দূরে একটি স্থান বিদ্যমান আছে ; বাগমতী নামক স্থান হইতেও উক্ত স্থান সমদূরবর্তী । পূর্ব কথিত স্থানের দক্ষিণ এবং শেষোক্ত স্থানের পশ্চিম দিকে আমাদের আলোচ্য শিমরাউন গড় ও সহর । উহাই তৎকালে মিথিলার রাজধানী বলিয়া কথিত ছিল । উক্ত রাজধানী নেপাল রাজ্যের অন্তর্ভুক্ত রোতাহত জেলার অন্তর্ভুক্ত । প্রাগুক্ত শিমরাউন ইংরাজ রাজ্যভুক্ত ত্রিহত বিভাগের সারণ জেলার বিপরীত দিকে অবস্থিত ।

উক্ত ধ্বংসাবশেষ নেপালের দক্ষিণে এবং যমুনা নদীর পশ্চিম দিকে অবস্থিত । ইহার ঠিক পূর্বদিকে কাচোরবা (Kachorwa) গ্রাম এবং উত্তরদিকে ভগবানপুর । উভয়স্থানই নেপালরাজ্যের অন্তর্ভুক্ত । এই স্থানের বিজ্ঞান অরণ্য মধ্যে চক্রাকারে দ্বাদশ মাইল গ্রহণ করিতে হইবে । উহাই আমাদের পূর্ব কথিত ম্যালেরিয়ার আবাস ভূমি । তথায় ব্যাঘ্র, বন্যবরাহ এবং কৃষ্ণসার হরিণ বসতি করিয়া প্রাচীনতার সাক্ষ্য প্রদান করিতেছে । ইহার চতুর্দিকের স্থান সমূহ কষিত হইয়া নিয়মিত রূপে কৃষিকাৰ্য্য চলিতেছে । ইংরাজ এবং নেপাল গভর্নমেন্টের অন্তর্ভুক্ত স্থান কষিত হইতেছে । পরন্তু, এই প্রাচীন শিমরাউনের কোন স্থান কোন কৃষক খনন করিতে সাহসী হয় না । এখানকার কৃষকগণ বলে ঐ স্থান খনন করিলে ভগবান্ ক্রুদ্ধ হইবেন । যাহা হউক, আমাদের আলোচ্য বিজ্ঞান অরণ্যের মধ্যবর্তী স্থানে পঞ্চবিংশতি ফিট বা সার্দ্ধ অষ্ট হস্ত পরিমিত উচ্চস্থানে রাজপ্রাসাদের ধ্বংসাবশেষ দৃষ্ট হয় । উহার শিলাফলকে নিম্নলিখিত সংস্কৃত শ্লোক দৃষ্ট হয়—

“নন্দেন্দুবিন্দুবিন্দু সন্নি তশাকবর্ষে
তৎ শ্রাবণে সিতদলে মুনিসিদ্ধিতিথ্যাম্ ।
স্বাতিশনৈশ্চরদিনে করিবৈরিলগ্নে

রাজা নান্যদেব ১০১১ শকে অর্থাৎ ১০৮৯ খৃষ্টাব্দে ত্রিহতে আগমন করেন ।

তদনন্তর ১০১৯ শকাব্দে শ্রাবণ মাসে শুক্রা সপ্তমী তিথিতে স্বাতি নক্ষত্রে শনিবারে সিংহ লগ্নে এই গড় নির্মাণ করেন।

নাগ্ৰদেব মিথিলার রাজধানী শিমরাউন গড়ে প্রতিষ্ঠাপিত করিবার পূর্বে মিথিলায় (১) রাজা রাম, (২) নল, (৩) পুরুরবা এবং (৪) অলর্কদেব রাজত্ব করেন। তাঁহারা রাজ্যের ধনরত্নাদি ঈশ্বর পুষ্করিণী নামক জলাশয়ে লুকায়িত করিয়া রাখিয়াছিলেন। কথিত আছে, উক্ত ধনরত্নাদি একটি সর্প দ্বারা রক্ষিত হইত। নাগ্ৰদেব উক্ত সর্পকে হত্যা করিয়া রাম রাজা প্রভৃতির লুকায়িত রত্নাদি আত্মসাৎ করেন। সেই ধন দ্বারা তিনি নেপালের তরাই প্রদেশে এক মনোহর গড় নির্মাণ করেন। তাহাই শিমরাউন গড় বলিয়া কথিত। উক্ত গড় নির্মাণ সম্বন্ধে নিম্নলিখিত খোদিত অনুশাসন দৃষ্ট হয়—

“রামস্ত বিত্তং নলরাজবিত্তং পুরুরবোবিত্তমলর্করাজঃ।

উক্ত্য সর্পং ফণিসাং সযত্নং শ্রীনাগ্ৰদেবো নিরমাৎসগর্তম্ ॥”

অর্থাৎ রাজা রাম, নল, পুরুরবা এবং অলর্করাজ রাজ্যলব্ধ ধনরত্নাদি ঈশ্বর পুষ্করিণী নামক জলাশয়ে লুকায়িত রাখিয়াছিলেন। কথিত আছে, একটি সর্প তাহার রক্ষক ছিল। নাগ্ৰদেব নামক জনৈক নরপতি উক্ত সর্পকে হত্যা করত লুকায়িত ধনরত্নাদি গ্রহণ করেন। সেই অর্থ দ্বারাই তিনি শিমরাউন গড়ে মিথিলার রাজধানী স্থাপন করেন।

অনুচ্চ, “রামো বেত্তি নলো বেত্তি বেত্তি রাজা পুরুরবাঃ।

অলর্কস্ত ধনং প্রাপ্য নাগ্ৰরাজা ভবিষ্যতি ॥”

উক্ত লিপিদৃষ্টে উপলব্ধি হয় যে নাগ্ৰদেব কর্তৃক ১০২৭ খৃঃ শিমরাউন গড় নির্মিত হয়। তাঁহার পূর্ববর্তী মিথিলারাজগণের নাম যথাস্থলে উক্ত হইয়াছে। অধুনা আমরা তাঁহার পরবর্তী রাজ্যবর্গের নাম প্রদান করিব। (১) নাগ্ৰদেব, (২) গঙ্গা, (৩) নরসিংহ, (৪) রামসিংহ, (৫) শক্তিসিংহ এবং (৬) হরিসিংহ। প্রত্যেক নামের শেষভাগে “দেব” শব্দ সংযোজিত আছে। তাঁহাদের রাজত্বকাল যথা—

রাজার নাম	খ্রীষ্টাব্দ
(১) নাগপদেব বা নাগদেব	১০৮৯—১১২৫ = ৩৬ বৎসর
(২) গঙ্গাদেব	১১২৫—১১৩৯ = ১৪
(৩) নরসিংহ দেব	১১৩৯—১১৯১ = ৫২
(৪) রামসিংহদেব	১১৯১—১২৮৩ = ৯২
(৫) শক্তিসিংহ দেব	১২৮৩—১২৯৫ = ১২
(৬) হরিসিংহ দেব	১২৯৫—১৩২৪ = ২৯

কোন সময়ে হরিসিংহ দেব তাঁহাদের মনোহর রাজধানী শিমরাউন পরিত্যাগ করেন, তাহা নিম্নলিখিত শিলালিপিপাঠে অবগত হওয়া যায় ।

“বাণাক্ষি যুগ্মশশি সন্মিতে শাকবর্ষে
পৌষস্য শুক্লনবমী রবিস্মৃত্বারে ।
ত্যক্ত্বা স্পষ্টন পুরীং হরিসিংহদেবো
দুর্দৈবদেশিতপথোহি গিরিং বিবেশ ॥” ।

হরিসিংহ দুর্দৈবশতঃ এই মনোহর নগরী পরিত্যাগ পূর্বক ১২৪৫ শকে (অর্থাৎ ১৩২৪ খ্রীষ্টাব্দে) পৌষ মাসের শুক্ল নবমী রবিস্মৃত্বারে পর্বতে আশ্রয় গ্রহণ (প্রবেশ) করেন । অতএব ১৩২৪ খ্রীঃ হইতে উক্তরাজ্য পাঠানাধিকৃত হয় । এই রাজ্যের অভ্যুদয় সময়ে ইহা কুলী হইতে গণ্ডকনদ পর্য্যন্ত ও গঙ্গা হইতে নেপাল রাজ্যের পার্বত্য ভূমি পর্য্যন্ত বিস্তৃত ছিল ।

কালের গতি কে রোধ করিতে পারে ? এক সময়ে যে স্থান রাজধানী রূপে শোভমান হইত অধুনা তাহা হিংস্র জন্তুর নিলয় ভূমি হইয়াছে । আনুমানিক পঞ্চাশত বর্ষ পূর্বে শিমরাউন রাজ প্রাসাদ দুর্গাদি দ্বারা রক্ষিত ছিল । বিগত নেপাল যুদ্ধের অবসানে ইংরাজ পক্ষীয় কোন ব্যক্তি ঃ এই ধ্বংসাবশেষ পরিমাপ করিয়া ইহার একখানি নক্সা প্রস্তুত করেন । তদনন্তর আর সেই নক্সা বা তৎসম্বন্ধে অপর কোন বিবরণ প্রাপ্ত হওয়া যায় না ।

মিথিলার উত্তর দিকের প্রাচীরের চিহ্ন লুক্কিত হয় । তন্মধ্যস্থিত বিশাল

* Mr. B. H. Hodgson's Report.

+ Lieutenant Boileau বোধ হয় ।

পোকরা” বা পুকুর, যাহার অপর নাম ঈশরা—তাহার পরিমাপ করা হইয়াছে। পোকরা” শব্দ হিন্দী পোকরা শব্দের অপভ্রংশ। উহাই বাঙ্গালা ভাষায় পুকুর বা পুষ্করিণী। পাঠকগণের মধ্যে যাহারা বারাণসীতে গমন করিয়াছেন তাঁহারা অনেকেই “মিছরী পোকরা”র নাম শ্রুত হইয়া থাকিবেন। উহার অর্থ মিষ্ট পুকুর। উক্ত পুষ্করিণীর জল অতীব স্বাদু ছিল; পরে উক্ত পুকুর কালের পরিবর্তনে বিলুপ্ত হইয়া গিয়াছে। এক্ষণে কেবল উহা নাম মাত্রে পর্য্যবসিত হইয়াছে।

পূর্বে যাহা নগরস্থ দুর্গ বলিয়া পরিগণিত ছিল অধুনা তাহা ইষ্টক স্তূপ মাত্র। তদুপরি কষ্টে আরোহণ করা যায়। সেই স্থানেই “রাণী বাস” বা “মহল সরাই” অবস্থিত। চৈত্র মাসের শেষ সপ্তাহে ও বৈশাখের প্রথমে এই স্থানে যখন অরণ্যানী পীতবসন পরিধান করে ও পত্র সকল বৃক্ষ হইতে ঝলিত হইয়া থাকে তখন উক্ত ধ্বংসাবশেষ স্পষ্টরূপে নগ্ন পথে পতিত হয়। উক্ত মহরের আকার সমান্তরাল সমচতুষ্কোণ বলিয়া অনুভূত হয়।

উক্ত রাজধানীর বহির্ভাগ ও মধ্যভাগ প্রাচীর দ্বারা পরিবেষ্টিত। অর্থাৎ বহির্ভাগে একটি প্রাচীর ও তন্মধ্য ভাগও অপর একটি প্রাচীর দ্বারা পরিবেষ্টিত। বহির্ভাগের প্রাচীরের ইষ্টক দৃষ্ট করা নহে। পরন্তু মধ্যবর্তী প্রাচীরের ইষ্টক পাকা বা দৃষ্ট করা। বহিঃ প্রাচীরের পরিধি সপ্তকোশ ও মধ্যবর্তী প্রাচীরের বৃত্ত পঞ্চকোশ।

রাজধানীর পূর্বদিকে ৬৭ টি গড়খাই অধুনা বিদ্যমান আছে। উক্ত গড়খাই পাকা ইষ্টকে নির্মিত প্রাচীরের মধ্যবর্তী। পশ্চিম দিকেও ঐ প্রকারের তিন চারিটি গড়খাই আছে। উহাও পাকা প্রাচীরের মধ্যবর্তী। ঈশরা পুকুর বর্তমান সময় পর্য্যন্ত অবিকৃতাবস্থায় বিদ্যমান রহিয়াছে। উক্ত পুষ্করিণী ৩৩৩ ফিট দীর্ঘ এবং ২১০ ফিট প্রশস্ত। উহার চতুর্দিকে বিবিধ সূক্ষ্ম কারুকার্য খচিত ইষ্টক প্রাচীর। উহার প্রত্যেক ইষ্টক ওজনে একমণ। রাজ প্রাসাদের চতুর্দিকে ৫০ হইতে ৬০ গজ উচ্চ বাঁধা রাস্তা আছে। উহা দৃষ্ট বা টাইল দ্বারা প্রস্তুত। উক্ত পাকা রাস্তা রাজ প্রাসাদের সন্নিকটেই দৃষ্ট হয়। অন্যান্য স্থানেও পূর্বোক্ত প্রকার রাস্তার নিদর্শন লক্ষিত হয়। ইহা দ্বারা সপ্রমাণ হইতেছে যে, নাগরিক রাজবর্গাদি এই প্রকারে বহুব্যয়ে ইয়ারতাদির ন্যায়

প্রস্তুত হইয়াছিল। রাজপ্রাসাদের ভগ্নাবশেষ এবং দেবদেবীর মন্দিরাদির ধ্বংসাবশেষ দর্শনে উপলব্ধি হয় যে উহা ও বহুব্যায়ে প্রস্তুত করা হইয়াছিল। অতি সুন্দররূপে ছাঁচে ঢালা মসৃণ ইষ্টক দ্বারা একতারা গৃহের মেজে নির্মিত হইয়াছিল। উহাতে বিবিধ কারুকার্য ও ভাস্কর্যের নিদর্শন অদ্যাপি বর্তমান। ইহা দ্বারা নেপাল উপত্যকার রাজপ্রাসাদাবলী ও দেবমন্দিরাদির ধ্বংসৌরভ অধিকতর বর্ধিত হইয়াছিল। শিমরাউনগড়ের কতিপয় ভাস্কর্যো মুগ্ধ হইতে হয়। এক একখানি বৃহৎ প্রস্তর অস্ত্রত ২৫ মাইল দূরবর্তী স্থান হইতে আনীত হইয়াছে। তাহা আবার বহু পর্বত অতিক্রম করিয়া আনয়ন করা হইয়াছে।

জনৈক ধর্মপ্রবণ গোস্বামী সেই ধ্বংসাবশেষ হইতে বিংশতি দেবমূর্তি প্রাপ্ত হইয়াছেন। উহার সকলগুলিই প্রস্তর মূর্তি। বর্তমান যুগের ভাস্কর্যের অনুপাতে উক্ত মূর্তি গুলি উৎকৃষ্টতম বলিলেও অত্যাক্তি হয় না। উহার অধিকাংশেরই অঙ্গ ভগ্ন যে সকল মূর্তি অক্ষত শরীরে বর্তমান তাহাদের অবলোকন করিলে পৌরাণিক ব্রাহ্মণ যুগের মূর্তি বলিয়া উপলব্ধি হয়। এই বিগ্রহসম্মিলিত কোন শিলালিপি এ পর্যন্ত প্রাপ্ত হওয়া যায় নাই। ইহার সান্নিধ্যেই ৪।৫টি পাকা কূপ বিদ্যমান রহিয়াছে। কূপগুলির উপরের প্রাচীর ভূমধ্য হইতে আনুমানিক দুই হস্ত পর্যন্ত উচ্চ। তাহাও বিবিধ কারু কার্যখচিত।

নগরস্থ দুর্গেই কোতালী চৌতারা। তথায় “রাণীবাস” বলিয়া কোন স্থান ছিল। তথায় একটি জলাশয় আছে। লোকে তাহাকেই “ঈশ্বরী পোকরা” বলে। উক্ত পুষ্করিণী সহরের উত্তর পূর্বদিকে অর্থাৎ ঈশানকোণে আনুমানিক পোনে এক মাইল বিস্তৃত। উহার চতুর্দিকের ‘পাহাড়’ ২০ হইতে ২৫ ফুট উচ্চ। তাহার উপর স্বল্পবিস্তর মৃত্তিকাস্তূপ ও বিটপী শ্রেণী।

মিথিলা ও শিমরাউন গড়ের হিন্দুভ্যতা ও ইতিহাস অধুনা বিশ্ব্যতির গর্ভে বিলুপ্ত হইয়া গিয়াছে।

১০১১ খ্রীঃ গান্ধারদেব উত্তর ভারতের অধিপতি হইলেন। একথা পূর্বেই বর্ণিত হইয়াছে। উক্ত শতাব্দী শেষ হইতে না হইতে সেনবংশের অভ্যুত্থান হয়। তাহারা পালরাজগণের নিকট সমুদায় রাজ্য কাড়িয়া লয়েন, এবং উত্তর

বিহারও জয় করেন। সেন রাজগণের শাসনকালে মিথিলা উত্তর পশ্চিম প্রদেশের মধ্যে ছিল। সেই সময়ে অর্থাৎ ১১১৯—২০ খ্রীঃ লক্ষ্মণসেন লক্ষ্মণ-সংবৎ নামে এক মাল প্রচলিত করেন। ইনিই সেনবংশের শেষ রাজা।

ত্রয়োদশ শতাব্দীর প্রারম্ভ হইতে বিহারে মুসলমান আধিপত্যের সূচনা হয়। কিন্তু তাহারা গঙ্গানদীর অধিক উত্তরে অগ্রসর হইতে পারে নাই। বাঙ্গালার মুসলমান শাসনকর্তা গিয়াসুদ্দিন ১২১১—১২২৬ খ্রীঃ পর্যন্ত বাঙ্গালার শাসনকর্তা ছিলেন। তিনি ত্রিহৃত রাজকে যুদ্ধে পরাজিত করিয়া তাঁহাকে করদ রাজার মধ্যে গণ্য করেন। চম্পারণ জেলার উত্তর পূর্ব কোণে শিমরাউন অবস্থিত। এই নৃপতিগণ ত্রিহৃতে কতিপয় শতাব্দী আধিপত্য করিতেছিলেন। অবশেষে ১৩২৩ খ্রীঃ তোংলক সাহ শেষ রাজাকে পরাজিত করিয়াছিলেন। উক্ত শিমরাউন রাজবংশের বিবরণ এবং শিমরাউন দুর্গাদি নির্মাণ সম্বন্ধে কিঞ্চিৎ ইতিহাস যথা স্থানে উক্ত হইয়াছে। বাঙ্গালার শাসনকর্তা গিয়াসুদ্দিন ইওয়াজ দ্বাদশ শতাব্দীর প্রারম্ভে ত্রিহৃত অধিকার করিলেও প্রকৃত পক্ষে ত্রিহৃত রাজগণ পাঠানগণকে বার্ষিক কর প্রদান করিয়া অল্প বিষয়ে স্বাধীন রাজার ন্যায় রাজ্য শাসন করিতেন। প্রকৃত পক্ষে তাঁহারাই রাজা। ১০৮৯ খৃষ্টাব্দে নাগুদেব শিমরাউনের রাজধানী ও দুর্গ নির্মাণ করিয়া রাজত্ব আরম্ভ করেন। তাঁহার বংশের শেষ রাজা হরিসিংহদেব ১৩২৪ খ্রীঃ পর্যন্ত রাজত্ব করেন। অতএব উক্ত দেববংশ ২৩৫ বৎসর রাজত্ব করেন।

(ক্রমশঃ)

শ্রীগণপতি রায়।

দ্রাবিড় উপমা ।

(তেলেগু ভাষার কবি 'ভিমানা' হইতে)

(১)

উদ্যোগ ও পরামর্শ কৃপা ব্যতিরেকে
কোন (ও) কার্যে নরবর ! নহেক সফল ;
সুবীজ (ও) হইলে উষ্ট অমূর্খের-স্থানে
আশা-অমূরূপ তাহে ফলেনাক ফল ।

(২)

অতীব নীচের শুধু আড়ম্বর সার,
সুজন যে—মুহুভাষী অল্প কথা কহে ;
কাংস তা'র শব্দে করে পল্লী নিনাদিত
শুণ সে যে কনকের—মৌনব্রতী রহে ।

* * * *

(৪)

অর্থাগমে অপরে (ও) করি' সম্ভাষণ
নিকট আত্মীয় বলি' দেয় পরিচয় ;
বর্ষণের সনে পূর্ণ সরসীর পাশে
লক্ষাধিক মণ্ডকের সহসা উদয় ।

(৫)

লষণ, কর্পূর দুই তুল্যবর্ণধারী,
বিভিন্নতা বুঝা যায় স্বল্প মনোযোগে ;
মানুষ (ও) সমানাকৃতি ; ধার্মিক সুজন—
সাধারণ লোক হ'তে বুঝি 'অমুরাগে' ।

শ্রীচণ্ডীচরণ মিত্র ।

বর্তমান সময়ে শিক্ষিত সম্প্রদায়ের মধ্যে

ক্ষয়রোগের আধিক্য ও তৎপ্রতিকারোপায় ।

আজকাল বঙ্গদেশ তিনটি রোগের আক্রমণে প্রসিদ্ধিত । এই রোগত্রয় দেশের অনেক জনপদ, সমৃদ্ধিশালী গ্রাম শৃগাল কুকুরাদির লীলাভূমি করিয়া তুলিতেছে, এই রোগের আক্রমণে ধনী, দরিদ্র, স্ত্রী, পুরুষ, বালক, যুবক সকলেই জর্জরিত । এই রোগত্রয়, ম্যালেরিয়া, ক্ষয় ও ডায়েবেটিশ । যদিও এই তিনটি রোগই শরীরের ধাতু সমূহের (মাংসাদির) ক্ষয় করে, তথাপি ইহাদের মধ্যে কিছু প্রভেদ আছে । প্রায় ৩০।৪০ বৎসর পূর্বে এদেশে এই রোগত্রয় নগরে প্রবল হইতে পারে নাই, বিশেষতঃ শেষ দুইটি রোগ ছিল না বলিলেও চলে । ক্ষয় বা যক্ষ্মা রোগ গ্রামে কদাচিৎ দুই একটা দেখা যাইত, প্রস্রাবের পীড়া একরূপ সাধারণের ভিতর অপরিজ্ঞাত ছিল । এই পীড়া দুইটি ৩০।৪০ বৎসর মধ্যে এত প্রবলাকার ধারণ করিল কেন ? প্রায় প্রত্যেক পরিবারে স্ত্রী পুরুষ মধ্যে এই দুইটি রোগের আক্রমণ হইতেছে কেন ? ইহা বাস্তবিক ভাবিবার বিষয় । কেহ কেহ বলেন যে স্থান বীজাণুহীন হওয়ার ক্ষয় অর্থাৎ যক্ষ্মারোগ এবং অত্যধিক মানসিক শ্রমে শিক্ষিত সম্প্রদায় মধ্যে ডায়েবেটিশ রোগ অধিকতর বর্দ্ধিত হইতেছে । কথাটা আংশিক সত্য ; কিন্তু ইহার তদ্ব্যাহুসন্ধান করিলে উহা ব্যতীত আরও কতকগুলি বিশিষ্ট কারণ দেখা যায় । অতঃপর আমরা এই প্রবন্ধে কেবল যক্ষ্মা রোগের সন্নিহিত কারণ সম্বন্ধে আমাদের শাস্ত্রাদির অভিমত আলোচনা করিব । আমাদের আয়ুর্বেদ শাস্ত্র কত সূক্ষ্মভাবে দেহ ও মনের স্বাস্থ্য সংরক্ষণের উপদেশ দিয়াছেন তাহা একটু ধীর ভাবে চিন্তা করিলে বাস্তবিকই বিস্ময় জন্মে । আমরা বুঝি যে, এই সমস্ত রোগবীজ আমাদের সংঘর্ষের অল্পতার বা অভাবে দেহের মধ্যে প্রবেশ করে । আমাদের ধর্মশাস্ত্রও বলেন—

রোগঃ শোকঃ পরীতাপঃ বন্ধনং ব্যসনানি চ ।

আত্মাপরাধ-বুকাণাং কলাশ্চেষ্টানি দেহিনাম্ ।

এই আত্মপরাধ ছাড়া আরও কারণ আছে । মহাত্মা চরক বলেন—

অসাম্বন্ধিয়ার্থ-সংযোগঃ প্রজ্ঞাপরাধপরিণামশ্চেতি—

অসাম্বন্ধিয়ার্থ সংযোগ এই কথাটির প্রতি, আমাদের বিশেষ লক্ষ্য করিতে হইবে, ইহাতেই আমরা দেখিতে পাইব অশিক্ষিত নিম্নশ্রেণীর মধ্যেই বা ক্ষয় রোগ কম এবং শিক্ষিত উচ্চশ্রেণীর মধ্যে ক্ষয় রোগ প্রবল কেন ।

আমাদের আয়ুর্বেদ শাস্ত্র দেশ, কাল, জাতি, বয়স অনুসারে কতকগুলি বিধি নির্ধারণ করিয়া তদনুপাতে রোগের আক্রমণ দেখাইয়াছেন । এখন এই অসাম্বন্ধিয়ার্থ কথাটি হইতেই সকলে দেখিবেন যে সাম্বন্ধিয়ার অভাব বা ব্যতিক্রমই অসাম্বন্ধিয়ার কারণ । সাম্বন্ধিয়ার সংক্ষেপে বলা যায় যে, যাহা শরীর ও মনের উপাদানের অনুকূল তাহাই সাম্বন্ধিয়ার কারণ । ইহার বিপরীত অসাম্বন্ধিয়ার কারণ । “অযোগাতিযোগ-মিথ্যাযোগযুক্তারূপরসাদয়ঃ ।” রূপরসাদির অযোগ অর্থাৎ যেখানে উহার প্রয়োজন সেখানে অব্যবহার, যেখানে উহার পরিমিত সেবা আবশ্যিক তথায় অত্যধিক ভোগ এবং যেখানে উহার অপ্রয়োজন সেখানে উহার পরিচালনা । এখন এই সূত্রটির উপর নির্ভর করিয়া আমরা দেখিব পাইব যে, ক্ষয় রোগের কারণ বৃদ্ধিতে পারি । তবে একথাও যুক্তিযুক্ত যে আজকাল আয়ুর্বেদের সমস্ত বিধি নিষেধ পালন করা অসম্ভব বা সূকঠিন । তবে ইহাও আমরা দেখাইব যে, ক্ষয় রোগের যে সকল কারণ তাহা আমরা ইচ্ছা করিলেই পরিহার বা নিয়ন্ত্রিত করিতে পারি । হয়ত আমরা বাল্যে দুগ্ধ ও শাক সব্জি খাইয়া পুষ্টি লাভ করিয়া যৌবনে, মাংস, ডিম্ব ও হোটেলের দূষিত খাদ্য প্রভৃতি খাইতে আরম্ভ করিলাম, ক্রমে বদ্বিহীন হইয়া রোগ প্রকাশ পাইল । ক্ষয় রোগের কারণ সম্বন্ধে দেখা যায়—

“যদা পুরুষঃ ভয়াৎ প্রসঙ্গাৎ হ্রীমস্তাৎ ঘৃণিত্বাৎ নিরুগন্ধি আগতানি বাতমূত্রপুত্রীবাণি তদা তৎসঙ্কারগাৎ বায়ুঃ প্রকোপমাপত্ততে । স প্রকুপিতঃ পিত্তশ্লেষ্মানৌ সমুদীৰ্ঘা উর্দ্ধমধস্তিৰ্ঘ্যাক্ চ বিহরতি । ততশ্চাংশবিশেষেণ পূৰ্ব্ববৎ শরীরাবয়ববিশেষঃ প্রবিষ্ট শূলং জনয়তি ভিনতি পুরীষমুচ্ছোষয়তি বা । পার্শ্বে চাভিক্রমতি গূরাত্যাংসৌ কঠক্কাবধমতি শিরশ্চোপহন্তি । কাসং, শ্বাসং জ্বরং স্বরভেদং প্রতিশ্চায়কোপজনয়তি” চরক । উক্ত সংস্কৃতের ভাবার্থ এই যে যখন কোন ব্যক্তি লজ্জায় ঘৃণায় বা ভয়ে কিংবা গল্প করিবার সময় মলমূত্রাদির বেগ ধারণ

করে, তখন বায়ু প্রকুপিত হইয়া শ্লেষ ও পিত্তকে স্বস্থান হইতে আকর্ষণ করিয়া উর্দ্ধ অধঃ ও বক্রভাবে চালিত করে, এই কুপিত দোষ হেতু কাস, শ্বাস, জ্বর, স্বরভেদ, প্রতিশ্যায় ও শূল রোগাদি জন্মিয়া থাকে।

এখন মলমূত্রাদির বেগ ধারণ, সহরে বাঁহারা থাকেন প্রায় অনেকেরই ঘটিয়া থাকে। বাঁহারা চাকুরী করেন, স্কুল কলেজের ছাত্র, অধ্যাপক প্রভৃতি অনেকেই উক্ত লজ্জা ঘৃণা ইত্যাদি হেতু মলমূত্রের বেগ ধারণ করিয়া থাকেন। এই অবস্থায় ক্রমে Dyspepsia জন্মিয়া থাকে। ক্ষয়রোগ সম্বন্ধে মহাত্মা বাহুবর্তি বলেন—

সাহসং বেগসংরোধঃ শুক্রৌজ্জ্বলহসংক্ষয়ঃ।

অন্নপানবিধিত্যাগশ্চদ্বারস্তস্ত হেতবঃ।

২য় কারণ অসময়ে আহার, অপরিমিত আহার, অনশন বা ক্ষুধার বেগরোধ।

এ সম্বন্ধেও শাস্ত্র সতর্ক করিতেছেন—

“বিবিধান্নপানানি বৈষম্যেণ সমন্বতাং।

জনয়ত্যামরান্ ঘোরান্ বিষমা মারুতাদয়ঃ ॥

রুদ্ধা শ্রোতাংসি ধাতুনাং বৈষম্যাধিবমং গতাঃ।

দোষা রোগায় কল্পস্তে পুণ্যস্তি ন চ ধাতবঃ ॥”

বাঁহারা বহু প্রকার অন্নপানাদি বিষম ভাবে ভোজন করেন, তাঁহাদের বায়ু কফ বিকৃত হইয়া নানা প্রকার ভয়ঙ্কর পীড়া জন্মে। এইরূপে ধাতু বৈষম্য হওয়ায় শীরা স্নায়ু প্রভৃতিও বিকার প্রাপ্ত হয়; এজন্য উহাদের শ্রোত রুদ্ধ হয়, তুচ্ছ দ্রব্যের সার ভাগ রস যথাস্থানে চালিত হইতে পারে না, কাজেই শরীরের পোষণ না হইয়া ঐ রস ভাগ এক স্থানে কিংবা অযথা স্থানে থাকিয়া রোগের আকর হইয়া থাকে।

এখন এই বিষম ভোজন সম্বন্ধে আমাদের শাস্ত্র বলিতেছেন—

“বহুস্তোকমকালে চ উজ্জ্বলয়ং বিষমশনং”।

পরিমাণে বেশী, কিংবা অল্প ভোজন অথবা অসময়ে ভোজনই বিষম ভোজন, এই বিষম ভোজন শরীরকে পুষ্ট না করিয়া ক্ষয় করে।

দেখা যায় অনেকে খুব তাড়াতাড়ি খাইয়া থাকেন, কেহ বা সমস্যাভাবে অল্প আহার করিয়াই স্বকার্যে ব্রতী হইয়া থাকেন,, কেহ বা খুব উদর পূর্ণ

করিয়া পাইয়া শেষে উঠিতে বসিতেও কষ্ট বোধ করেন । এ সমস্তই বিষম ভোজন । বিষম ভোজনে শরীরপুষ্টি কি প্রকারে হইতে পারে ? এখন দেখুন এই বিষম ভোজনে আমাদের কত অনিষ্ট হয় । বিষম ভোজনের তিনটি অবস্থা, অন্ন বেশী ও অকাল ভোজন ।

অন্ন ভোজনে দেহের কিরূপ অনিষ্ট হয় তদ্বিষয়ে আমাদের শাস্ত্রকার-গণের মত—

ভোজনং হীনমাত্রস্ত ন বলোপচয়োক্তসে ।
সর্ক্ববাং বাতরোগাণাং হেতুতাক্ প্রপত্ততে ।

অন্ন ভোজন বল, মাংস ও ওজ ধাতুর ক্ষয় এবং সর্ক্বপ্রকার বাতরোগের নিদান । এইরূপ বহুভোজনে—

অতিমাত্রং পুনঃ সর্ক্বানাশু দোষান্ প্রকোপয়েৎ ।
পীড়্যমানাহি বাতাত্মা যুগপন্তেন কোপিতাঃ ।
আমেনাগ্নেন ছুষ্টেন তদেবাবিশ্চ কূর্ক্বতে ।
বিষ্টম্বয়ন্তোহগসকাং চ্যাবয়ন্তো বিহুচিকাম্ ।

অধিক ভোজনে বাতাদি কুপিত হইয়া ভুক্ত দ্রব্যের পরিপাকে ব্যাঘাত জন্মায়, আর সেই অপক আহার উদরায়ান প্রভৃতি রোগ জন্মায় এবং ক্রমে এই অবস্থা হইতে পিত্তের প্রবলতা হেতু—

পিত্তাধরাতিসারোস্তর্দাহ তৃট্ প্রলয়াদয়ঃ ।
কফাচ্ছর্দ্যদ্বন্দ্বকক্ সঙ্গীষনাদয়ঃ ।

পিত্তবিকার হেতু অন্ন অতিসার দাহ তৃষ্ণা এই সকল রোগ এবং কফ জন্ম বমি ; শরীর ভাব, স্বরভেদ ও মুখ হইতে থু থু উঠিতে থাকে ।

মাধবকর সংগ্রহেও দেখা যায় যে—

বেগরোধাৎ ক্রম্যট্টেব সাহসাধিবমাশনাৎ ।
ত্রিদোষা জ্ঞারতে যন্মা গদো হেতুচতুষ্টয়াৎ ।

মহর্ষি হারীত বলিয়াছেন—

করো দশবিধৈশ্চ বিজাতব্যো ভিবর্ধৈরৈঃ ।
শ্রান্ত্যা ভারাদ্ বিবমশরতৈ দীর্ঘমার্গাক্রমৈর্ক্বা
ভুক্তৈর্দোষাদতিশয়হরতৈঃ সেবনাত্বে অরশ্চ

অন্নোপভোগে বিঘ্ননাং কুটনপঠৈঃ

জাতা রোগা মনুজবণ্ডঃ ক্ষীণতাং সংনয়ন্তি।

অতিরিক্ত পরিশ্রম, অতিরিক্ত ভারবহন, বিষম শয়ন (দিবা নিদ্ৰাদি), অনেক দূর হাঁটাইটি, আহার দোষ, অত্যন্ত স্ত্রীপ্রসঙ্গ, বহুদিন অরভোগ ক্ষয়রোগের কারণ।

বেগ রোধ ও বিষম ভোজন ব্যাপার আজকাল শিক্ষিত ভদ্র সম্প্রদায় মধ্যে অধিক, তাহা সকলেই উপলব্ধি করিতে পারেন।

ক্ষয়ও একটি কারণ। এই ক্ষয় শুক্র ও ওজনশ বা অপব্যবহার। এই অল্প প্রায়ই ছাত্রদের মধ্যে এই ক্ষয়রোগ জন্মে, ইহা সংযমের অভাবে ঘটে। সাহসজনিত যক্ষ্মারোগ নানা প্রকারে হয়, সাধার অতিরিক্ত শ্রম, অত্যন্ত ব্যায়াম ইত্যাদি। দেখা যায়, ছাত্রগণ অনেক সময় বর্তমান ফুটবল খেলায় অত্যধিক পরিশ্রমে শীর্ণ ও ক্লান্ত হইয়া পড়ে।

এই ভাবে দেখা যায়, সংযমের অভাবে, লজ্জা বা সময়বিশেষে মলমূত্রাদির বেগ ধারণে এবং আহারের অনিয়ম হেতু ক্ষয় রোগ জন্মিয়া থাকে। পূর্বেই বলিয়াছি কারণ গুলি কমাইতে বা নষ্ট করিতে পারিলে কার্যের নাশ হয়। এক্ষণে এই তিন প্রকার ক্ষয় রোগের সূত্রপাতে আহারাদি নিয়ন্ত্রিত করিলেও প্রতীকার হইতে পারে। যাহা সহজপাচ্য ও ক্ষুধার সম্পূর্ণ নিবৃত্তি করে তদ্রূপ আহার আবশ্যিক। আমাদের বাঙ্গালী জাতির মধ্যে ভাত, টাটকা মাছের ঝোল, ও দুধই বিধেয়। তবে স্থান বিশেষে ছাগমাংসাদিও মিষ্টরসযুক্ত ফলাদিও ভাল। কিন্তু শুক্রক্ষয়াদিতে এ সমস্ত আহার ব্যতীত শুক্রকর ঘৃতাদিও ব্যবহার আবশ্যিক। বর্তমান সময়ে আমরা যথার্থ দুগ্ধ ও গব্যঘৃত পাই না।

একপ স্থানে শান্তোক্ত শুক্রল আহার আবশ্যিক। আমরা বর্তমান সময় সহরে বসিয়া যে সকল দ্রব্য আহার করি তাহার মধ্যে ভাত, দুইল, তরকারী, শাক, সব্জি, মাছ ও মাংস এবং ঘৃতপক মিঠাই প্রভৃতিই মুখ্য। এই আহাৰ্য্য মধ্যে শাকসব্জির অধিকাংশই মলকর, মাংস মধ্যে সাধারণতঃ ছাগ মাংসই বাজার হইতে ক্রীত হইয়া থাকে, এই ছাগ মধ্যে অধিকাংশই রোগজীর্ণ ও স্বচ্ছন্দ আহারাভাবে শীর্ণকার। ঘৃতাদি মধ্যে বহুল পরিমাণে চর্কি প্রভৃতির মিশ্রণ। এখন এই সকল দ্রব্য খাইলে কি অপকার বা উপকার হয়

তাহা দেখিলেই বুঝা যাইবে যে, আমরা প্রতিনিয়ত বিষ ভক্ষণে শরীরকে পলে পলে ধ্বংস মুখে আনিতেছি । আমাদের শাস্ত্র শূক মাংস সম্বন্ধে বলেন যে, শূক মাংস বিগতবীৰ্য, সে জন্ত বক্ষ্যমাণ দোষকর—

অরোচকং প্রতিশ্যায়ং গুরু শুকং প্রকীৰ্ত্তিতম্ ।

কাসশ্বাসকরং বৃদ্ধং ত্রিদোষং ব্যাধিদূষিতম্ ।

ক্লিন্নমুৎক্রেণজননং কৃশং বাতপ্রকোপনম্ । স্নঃ

শূক মাংস অরুচি, প্রতিশ্যায় জন্মায়, এবং পাকে গুরু, ব্যাধিহুট মাংস কাস, শ্বাস এবং ত্রিদোষজনক ও বর্ধক, আর কৃশ পশুর মাংস শরীরের ক্রেদজনক এবং বমি ও বাতকর ।

বড়মাছ—গুরুপাক, কিন্তু গুরুকর এবং মল রুদ্ধ করে ।

ছোটমাছ—পেটের অন্থে উপকারক ।

জিরোল মাছ (কাল মাছ)—লঘু, অগ্নিকর, বাতনাশক ও শরীর স্নিগ্ধ করে ।

সাদামাছ—ত্রিদোষ বর্ধক, মলভেদক ও স্নিগ্ধকর ।

এ সমস্ত টাটকা মাছের বিষয় । কিন্তু আজকাল সহরে টাটকা মাছ ছল'ভ । মৃত মাছ শরীরের অনিষ্টকর ।

তারপর নাদের অর্থাৎ নদীর মাছ—শ্লেষ্মকর, হজম হইলে বুঝা, স্বাদে মধুর কিন্তু মলভেদ করে ।

পুকুরের মাছ—স্নিগ্ধকর ।

এইরূপে দেখা যায় যাহাদের অপাক বা অগ্নিমান্দ্য আছে তাহাদের পক্ষে মাছ অপকারী, কারণ উহা কফ ও পিত্তকর । অথচ অপাক হইলেই শরীরে কফ ও পিত্ত বর্ধিত হইয়া কাস, আমাশয় জনিত রোগ বা পাণ্ডুরোগ জন্মে । এই ভাবে ক্রমে ক্ষয় রোগ জন্মে ।

মৃত—বুদ্ধাগ্নিশুক্রোজো মেদঃস্থতিকফকারিত্বম্

বাতপিত্তবিষোন্নাদরোগশোধালক্ষ্মী স্বরনাশিত্বম্

কিঞ্চ মাংসাদষ্টগুণগুরুত্বক ।

উক্ত গুণ ব্যতীত গব্যমূতের বিশেষ গুণ এই—শুক্ৰাগ্নিস্বাহুপাক মেধালাবণ্য কান্ত্যোজন্তেজবৃদ্ধিবয়ঃস্থিতিবলায়ুর্হিতকারিত্বম্ । গুরুত্বম্ রসায়ণত্বক ।

মাহিষ মৃত—বাতশ্লেষ্মজন'মগ্রহণীবিহারনাশিত্বমমন্দানলোকীপনত্বক' পিত্ত-রক্তনাশিত্বশ্লেষ্মগুরুত্বকারিত্বম্ গুরুত্বক্বেতি ।

উক্ত সংস্কৃতংশের ভাবার্থ—শুক্র ও জ মেদ ও কফকর আর বুদ্ধি ও স্মরণ-শক্তি বর্ধক। এইজন্ত বায়ুপিত্ত, বিষদোষ, উন্মাদ, শোথ ও জরনাশক। কিন্তু মাংসের আটপুণ শুক্র। গাওয়া ঘিরও ঐ সব গুণ, তবে উহা পাকে স্বাদ এবং বলকর। মাহিষ ঘৃত বাত শ্লেষ্ম-গ্রহণীনাশক অগ্নিদীপক পিত্ত ও রক্তনাশক শ্লেষ্ম ও শুক্রবর্ধক ও গুরুপাক।

বিশুদ্ধ ঘৃতই গুরুপাক ও শ্লেষ্মকর, তারপর তেজাল অর্থাৎ বসা মিশ্রিত ঘৃত অত্যন্ত অপকারী ও পাক যন্ত্রের নানা প্রকার বিকার জন্মায়। এ অবস্থায় আমরা অপাক জনিত ক্ষয়রোগে ঐ সব দ্রব্য বিশেষ সতর্কতার সহিত ব্যবহার না করিতে পারিলে সূফলের পরিবর্তে কুফল জন্মিবে, ইহা আশ্চর্য্য নহে। দেখা যায়, অনেক ক্ষয় রোগীকে ঘৃতপক দ্রব্য আহার একাদি-ক্রমে করিতে দিলে অকুচি আনে, ঐ অকুচি অত্যন্ত শ্লেষ্মবৃদ্ধি সূচিত করে। ক্ষয়রোগীর আর একটি পথ্য দুধ; তাহারও বিশুদ্ধি এখন সহরে দুর্লভ; তবে যাহাদের মন্দানল জনিত ক্ষয় তাহাদের কেবল মাত্র দুধ সহ্য হয় না।

বাসী দুধ—গুরুপাক ও আখ্যানকর।

বিবৎসা ও বালবৎসা গাভীর দুধ—ত্রিদোষবর্ধক।

এই দুধও আবার সহরে মাহিষ দুধের সহিত মিশ্রিত হইয়া থাকে। এই মাহিষ দুধ অতি স্নিগ্ধ, নিদ্রাকর, অগ্নিনাশক, খুব ঠাণ্ডা, নিদ্রাকর ও পাকাগ্নিনাশক অর্থাৎ পরিপাক (হজম) শক্তি বিনষ্ট করে। এ পর্য্যন্ত আলোচনার দেখা গেল যে খাদ্য দ্রব্যের কৃত্রিমতায় অপাক হইয়াও ক্ষয়রোগ জন্মে; এতদ্ব্যতীত কাস রোগাদি-হইতেও ক্ষয় জন্মে, এই কাসেরও প্রবল কারণ সহরে বর্তমান। তন্মধ্যে রাস্তার ধূলা ও ধোঁয়াই প্রধান, তাহা ছাড়া বাসীদ্রব্য খাওয়াও অপর কারণ।

সাধারণ কাস রোগের হেতু—

ধূমোপঘাতাত্ত্রজসন্তুধৈব ব্যারামরুক্ষায় নিবেষণাচ্চ।

বিমার্গগত্বাচ্চ হি ভোজনস্ত বেগাবরোধাৎকবধোস্তুধৈব।

ক্ষয় কাসের কারণ—

বিবনাসান্নভোজ্যাতিব্যবয়োগনিগ্রহাৎ।

যুগিমাং শোচতাং নৃণাং ব্যাগ্নেহমৌ ত্রয়োমলাঃ।

নাসারক্ণ ও মুখ বিবরাদিতে ধূম ও ধূলা প্রবিষ্ট হইলে, ব্যায়াম, ক্রম আহার, ক্রম আহার হেতু খাদ্য ভ্রমে বিপথে চালিত হইলে এবং মল মূত্র ও হাঁচির বেগ ধারণ করিলে, প্রাণবায়ু ও উদান বায়ু কুপিত হইয়া কাস রোগ জন্মে । এই উদান বায়ুর স্থান কর্ণদেশে, সূতরাং উহা কুপিত হইলে কর্ণ দেশ হইতে অন্ত্র যাইতে চেষ্টা করে তাহাতেই কাসের উদ্বেগ হয় । সেই সঙ্গে প্রাণ বায়ুরও ক্ষয় ঘটে কাজেই শরীর দুর্বল ও নিস্তেজ হয় । ইহাই সাধারণ কাস রোগ । ক্ষয়জ কাসে উহা ছাড়া আরও বিশেষ কারণ আছে ।

বিষম ও অনাশ্রয় ভোজন, স্ত্রী নেবার আধিক্য ও মল মূত্রাদির বেগ ধারণ কিম্বা ঘৃণা বা শোক হেতু যথেষ্ট আহার গৃহীত না হইলে ত্রিদোষ কুপিত হইয়া ক্ষয়জ কাস জন্মায় ।

এইরূপে দেখা যায়, বেগ ধারণ, যে সব আহার্য্য দ্রব্য সহ হয় না ও অধিক মলকর সেই সব ভক্ষণ, অতিরিক্ত চলা ফেরা ও পরিশ্রম, তার পর অত্যধিক স্ত্রীপ্রমত্ত এই গুলিই ক্ষয় রোগের কারণ । সাধারণতঃ শরীরের ক্লেশ (উহা মল মূত্র বা স্ত্রীরজঃ যাহাই হউক) যথা সময় নির্গত না হইলে, শারীরিক ও মানসিক শ্রম জনিত ক্ষয়ের যথাক্রম পূরণ না হইলে, আবার তদ্বিপরীতে অত্যধিক গুক্রাদির ক্ষয় হইলে, এই দুর্দান্ত ক্ষয়রোগ জন্মে । ইহার প্রতিকার করিতে হইলে দুই প্রকার উপায় অবলম্বন আবশ্যিক । যাহাদের পাকান্তি দুর্বল তাহাদের সহজ পাচ্য লঘু অথচ পুষ্টিকর আহার একান্ত বিধেয়, সে স্থলে কেবল বলকর আহারে অনিষ্ট হইবে । এই বিষয় আমাদের বাঙ্গালীর পক্ষে দিবসে ক্ষুধার অনুপাতে সৰু চাউলের ভাত, মুগের ঘূষ ও ক্ষুদ্র মাছের ঝোল, শাক্কে, বেতাপ, বেতোশাক, কচি মূলা, পুরাতন কুমড়া ও ছোট কাঁচকলা, সজিনা পটোল কচি বেগুন, করলা ও আমরুল, সামুক গুগলী, লেবু ও দাড়িম ও যবের ছাতু প্রভৃতি ব্যবহার্য্য ; রাত্রেও সপ্ত প্রস্তুত ঝোল, যবের ছাতু, ধৈর মণ্ড প্রভৃতি খাওয়া বিধেয় ।

পুই শাক, বেশী জল পান, পিষ্টকাদি, জাম, রুড় মাছ ও মাংস মাষকলাই, ঘৃত দুধ, ছানা, তালশাঁস ও শীতল জল এবং বর্তমান সময়ের প্রথমত বরফ জল একবারেই নিষিদ্ধ । তবে দুধ ও ঘৃত ব্যবহার করিতে হইলে উহা দ্রব্যান্তরে সুসংকৃত ও সহজ পাচ্য করিয়া সেবন করা কর্তব্য । এই সব কারণে নব্যমতে

Skimmed milk প্রদত্ত হইয়া থাকে, আমাদের আরুর্বেদ মতে শর্করা সংবৃদ্ধ দুধ সহজ পাচ্য।

কাস ও গুরু ক্রমাদি জনিত ক্রম রোগ হইলে ও সহজ পাচ্যও বলকর আহার আবশ্যিক, তবে যাহাদের হজমশক্তি ভাল তাহারা গুরু-পাক অথচ বলকর আহার গ্রহণ করিতে পারেন।

সাধারণত কাস রোগেও দাদুখানি ও বাক্‌তুলসী চাউনের ভাত, মুগ ও মাষকলাই যুগ, ছাগমাংস, কচ্ছপ মাংস, ছাগদুধ, গম ও যবের প্রস্তুত খাদ্য এই সমস্ত উপকারী।

আর শাক মধ্যে কেবল কচিমুলা, বেতোশাক, বেগুন ও সুগুনী শাক ব্যবহার্য।

কাস রোগে মাছ, আনু, গাঁজর প্রভৃতি কন্দ, লাউশাক পুঁইশাক, বাসী ভাত নিষিদ্ধ।

শ্রীবিনোদলাল দাস গুপ্ত।

পুনর্জন্ম।

পূর্ব জন্ম কি এই বিষয়ে মীমাংসা করা বড়ই কঠিন। নানা মূনি উহা নানা ভাবে মীমাংসা করিতে সাধ্য মত চেষ্টা করিয়াছেন। যাহাদের বেরূপ অভিক্রমি তাঁহারা উহা তদনুসারেই অনুসরণ করিয়া থাকেন। খৃষ্টধর্মাবলম্বীদের এক মত আর মুসলমানদের আর এক মত। যাহাদের বেরূপ মতই হউক না কেন, প্রত্যেক হিন্দুরই উহা হিন্দুভাবে মীমাংসা করা উচিত। হিন্দুদের ভিতরে যাহারা উহা বিশ্বাস করেন না তাঁহারা উহা বিকৃত মস্তিষ্কের কল্পনা-প্রসূত বলিয়াই মনে করেন। তাঁহাদের সঙ্গে বিরোধ করা আমার অভিপ্রায় নয়। পূর্ব জন্ম কি আমি ষতটা উপলব্ধি করতে সমর্থ হইরাছি তাহাই এখানে লিপিবদ্ধ করিব।

পন্নমীয়া, অব্যক্ত, অক্ষর ও শব্দময় অর্থাৎ অক্ষর ও শব্দ ধারাই পরিচিত। উহা ব্যতিরেকে উপলব্ধি করিবার ক্ষমতা কাহারও নাই। কিন্তু তিনি সৃষ্টির

ভিতরে সত্যস্বরূপ সকলেই উহা বিশ্বাস করেন। স্বাবর জন্মান্বক বিশ্বের প্রকাশক, বিস্তারক, নির্মল, নিধূম, জ্যোতির্ময়, অলীক দেহ চরাচর বিশ্ব ব্রহ্মাণ্ডকে আবৃত রাখিয়াছেন। তাহাই জাগ্রদবস্থা সৃষ্টি সুবৃষ্টাবস্থার লয়। অণু পরমাণু সকলেই তাহার অবিচ্ছিন্ন ও মায়ী শক্তি (creative power) হইতে জাত। উহা সাত্ব্যমতে চিদাকাশ বলিয়াই অভিহিত হইয়াছে। এই চিদাকাশই অসংখ্য জীবাণু বা পরাপ্রকৃতির মূলাধার। এই জীবাণুকেই প্রাচীনা পণ্ডিতেরা infinitesimal ultimate living atoms নাম দিয়াছেন। তাই চিদাকাশ হইতে মহাকাশ এবং মহাকাশ হইতে আকাশের উৎপত্তি। শেষোক্ত মহাকাশ ও আকাশও অসংখ্য পরমাণুর সমষ্টি মাত্র। এই পরমাণু গুলিই জড় প্রকৃতির মূলাধার। এই পরমাণু গুলিকেই বৈজ্ঞানিক মতে electrons নাম দেওয়া হইয়াছে। এই electrons এর বিভিন্ন প্রকার সংমিশ্রণে নানা প্রকারের জড় দেহ বিশিষ্ট atoms বা অণু গঠিত হইয়াছে। বলিয়াই অনুমিত হয়। One atom hydrogenতে প্রায় ৭০০ সাতশ ও one atom radiumতে প্রায় ১৫০০শ electrons দৃষ্ট হয়। সুতরাং electron এর বিভিন্ন প্রকার সংমিশ্রণে অতি সূক্ষ্ম হইতে অতিস্থূল যাবতীয় জড় প্রকৃতির মৌলিক ও যৌগিক পদার্থের সৃষ্টি। অত্যন্ত সূক্ষ্ম পরাপ্রকৃতি জড়া প্রকৃতির প্রত্যেক রেণুর প্রাণ ও শক্তি স্বরূপ। এই পরাপ্রকৃতি জড়প্রকৃতির কেন্দ্র স্বরূপ। জড়াপ্রকৃতি কেন্দ্র স্বরূপ। তাই জড়াপ্রকৃতি হইতেই লিঙ্গ দেহ বা স্থূল ও সূক্ষ্ম দেহাদির উৎপত্তি। যদি তাহাই হয় তবে স্পষ্টই এই সিদ্ধান্তে উপনীত হওয়া যায়, যে, দুই প্রকার লিঙ্গ দেহ জড়া প্রকৃতি হইতে জাত। সুতরাং পরাপ্রকৃতি সম্বন্ধিত জড়াপ্রকৃতি দ্বিবিধ—male germs and female germs অথবা male nucleus or female nucleus. উক্ত বিষয়ের সত্যতা জীও পুরুষের দৈহিক গঠন হইতে স্পষ্টই অনুমিত হইবে। ইহা সকলেরই স্বীকার্য। আর এই জড়া প্রকৃতির অতি সূক্ষ্মাংশই মন বুদ্ধি অহঙ্কার। জীবাণু উহার ভিতরে থাকিয়া অভিব্যক্ত হইয়া থাকে। শ্রীকৃষ্ণ গীতাতে এই বিষয়ে আমাদেরিগকে স্পষ্টই বলিতেছেন—

ভূমিরাপোহনলো বায়ুঃ যং মনোবুদ্ধিরে ব চ—

অহঙ্কার ইতীয়ং মে ভিন্না প্রকৃতি রষ্টথা।

উপরোক্ত শ্লোক হইতে ইহা স্পষ্ট প্রতীয়মান হয় যে মন, বুদ্ধি, অহঙ্কার সমুদয়ই জড়প্রকৃতি হইতেই জাত।

আর এক প্রকার প্রকৃতি আছে। তাহা এই অপরা এবং নিম্ন চেতনা শক্তি দ্বারা এই জগৎকে রক্ষা করিতেছে। এই পরা প্রকৃতিই জীবাণু ও প্রত্যেক জড় প্রকৃতির রেণু দেহে প্রাণ স্বরূপে অবস্থিত ও protoplasm দ্বারা বর্ধিত।

অপরেয়মিস্তৃগাং প্রকৃতিং বিদ্ধি মে পরাম্

জীবভূতাং মহাবাহো যয়েদং ধার্ষ্যতে জগৎ ॥

গীতার উপরোক্ত বিষয় গুলি হইতে স্পষ্টই প্রতীয়মান হয় যে জড় প্রকৃতি পরাপ্রকৃতি হইতে বিভিন্ন ও তাহার পৃথক্ সত্ত্বা আছে। সে যাহা হউক কিন্তু এই সিদ্ধান্তে উপনীত হইতে বোধ হয় কাহারও আপত্তির কারণ নাই যে জড় প্রকৃতি পরা প্রকৃতিকেই আশ্রয় করত অবস্থান করিতেছে; সুতরাং জীবাণু প্রত্যেক জীবেরই আত্মা ও প্রাণ স্বরূপ। পুরুষ দেহে বীজ নির্দিষ্ট কালে প্রাকৃতিক নিয়মেই পরিবর্তিত হইয়া থাকে। এবং স্ত্রী বীজ নীত হইলে embryo হইয়া থাকে। পুরুষ ও স্ত্রীবীজ সংস্পর্শজাত embryo তিনটি layer বা ভাঁজ বিশিষ্ট ও অনেক গুলি nucleus বা জীবাণুর সমষ্টি মাত্র। এই জীবাণুর সমষ্টি হইতেই পুত্র সন্তান কিংবা কন্যা সন্তানের জন্ম হইয়া থাকে। যদি পুরুষ জাতীয় জীবাণুর সংখ্যা অধিক হয় তবে পুত্র সন্তান আর তাহার অগ্ৰথা হইলে কন্যা সন্তানের জন্ম হইয়া থাকে। উক্ত জীবাণু গুলির কেন্দ্রস্থলেস্থিত পরমাণুটাই প্রাণ স্বরূপ ও অগ্ৰাণু অণু ও পরমাণুগুলি তাহারই চতুর্দিকে ঘুরিতে থাকে। সমস্ত শক্তি জীব পরমাণুতে কেন্দ্রীভূত হওয়াতে, অগ্ৰাণু অণু পরমাণু গুলি তাহার চতুর্দিকে ঘুরিতে সমর্থ হয়। সৃষ্টি যেমন একটি সৌর জগতের প্রাণ ও আত্মা স্বরূপ এবং গ্রহ ও উপগ্রহাদি তাহার জীবাণু স্বরূপ সেই প্রকার পরমাণু সমষ্টিতে গঠিত দেহের কেন্দ্রস্থলেস্থিত পুষ্টি পরমাণুটাই সমস্ত প্রাণ ও আত্মা স্বরূপ এবং হৃদয়কাশে অধিষ্ঠিত—

অনুষ্ঠমাত্রঃ পুরুষোমধ্য আত্মনি তিষ্ঠতি—

ঈশানো ভূত ভব্যস্ত ন ততো বিজুগপসতে ।

এত বৈত্যা কাঠকোপনিষৎ ।

ব্রহ্ম অক্ষুষ্ঠমাত্র প্রমিত, কেন না হৃদয় পুণ্ডরীক অক্ষুষ্ঠ মাত্র পরিমাণ, পুরুষ ও হৃদয় পুণ্ডরীকের ছিদ্র মধ্যগত অন্তঃকরণ উপাধিযুক্ত তাই তাহাকে অক্ষুষ্ঠ প্রমিত বলিয়া নিরূপণ করা হয় । এই পুরুষ দ্বারা নিখিল বিশ্বব্রহ্মাণ্ড পরিপূর্ণ । এখানে ব্রহ্ম জীব অর্থবাচক ।

এই পুরুষ জন্ম জন্মান্তরে পুরুষ ক্ষেত্রে ভিতর দিয়া স্ত্রী ক্ষেত্রে গমনাগমন করিয়া থাকে । এই বিষয়টির সমর্থনার্থ—আমি নিম্নলিখিত শ্লোকটি কাঠকোপ-নিষদ হইতে উদ্ধৃত করিলাম—

যোনিমগ্নে প্রপণ্ডন্তে শরীরত্বায় দেহিনঃ

স্থানু মগ্নেহনুসংযন্তি যথাকৰ্ম্ম যথাশ্রতম্ ।

দেহধারণার্থ শুক্রবীজ সমন্বিত হইয়া কতকগুলি অবিণ্ডা মোহেও প্রাণী যোনি দ্বার প্রাপ্ত হয় । আবার কতকগুলি অধমজীব মরণান্তে স্থাবরতা লাভ করে । এই প্রকার বিরুদ্ধ উৎপত্তির পূর্বজন্মীয় সঞ্চিত কৰ্ম্ম এবং জ্ঞানই কারণ । যে ব্যক্তি ঘেরূপ কৰ্ম্ম করে সে তদ্রূপ শরীরই লাভ করে । ইতি শাকরভাষ্য ।

কৰ্ম্ম ও বাসনানুসারে জীব ক্রমশঃই উন্নত দেহ প্রাপ্ত হয় ইহা ঠিক । কিন্তু উহা আবার নীচকৰ্ম্ম দ্বারা নীচ জীবদেহ লাভ করে কিংবা উহা উচ্চ দেহের ভিতরই কৰ্ম্মফল ভোগ করে কিনা তাহাই জিজ্ঞাস্য । কিন্তু জীব একবার উচ্চদেহ লাভ করিলে, সেই উচ্চ জীবদেহের ভিতরেই কৰ্ম্মফল লাভ করে বলিয়াই বিশ্বাস । অর্থাৎ পশুর জীব ক্রমোন্নতিতে যখন মনুষ্য জীবে পরিণত হয় তখন মনুষ্যরূপ দেহের ভিতরেই নিজ কৰ্ম্মের ফলাফল ভোগ করিয়া থাকে । আবার কৰ্ম্ম দ্বারা মনুষ্যজীবন উন্নত হইলেই আরও উচ্চতর জীবের দেহ পরিগ্রহ করিয়া থাকে বলিয়াই অনুমিত হয় । আবার সেই উন্নত 'দেহেও নিজ কৰ্ম্মাকৰ্ম্ম জনিত সুখ দুঃখ ভোগ করিয়া থাকে । ইহাই আমার উপরোক্ত বিষয়ের বক্তব্য ।

পূর্বেই বলা হইয়াছে হৃদয়ের মধ্যস্থিত অক্ষুষ্ঠ পরিমিত ব্রহ্মই আত্মা স্বরূপ । সূর্য্য যেমন সৌর জগতের প্রাণ 'জগতের হৃদয়স্থিত পুরুষই সেই হৃদয়ের আত্মা ও প্রাণ স্বরূপ । জীবাণুগুলি সেই আত্মাকে বেঁটন করত ঘুরিতে থাকে । অক্ষুষ্ঠ প্রমিত পুরুষই পরে 'সুখ দুঃখ ভোগ করিয়া' থাকে ।

যেমন Zoospore গমনকালে নিজ শ্রেণীস্থ জীবকেই গ্রহণ করে সেটরূপ জীবও মৃত্যুর পরে নিজ শ্রেণীস্থ পুরুষ দেহের ভিতর দিয়া জ্বীদেহে আশ্রয় গ্রহণ করে। নিজ জ্ঞান বুদ্ধি দ্বারা এই দেহকেই মনোনীত করিতে সমর্থ হয়।

পূর্বেই বলা হইয়াছে এক একটা পরমাণু এক একটা জীব বিশেষ। এই জীবের তিনটা দেহ স্কুলদেহ বা লিঙ্গদেহ, সূক্ষ্ম ও জ্ঞানাশ্রক দেহ। মৃত্যুর পরে অর্থাৎ প্রত্যেক রেণুর মৃত্যুর পরে কেবল স্কুলদেহ বর্তমান থাকে। সূক্ষ্ম ও জ্ঞানাশ্রক দেহ রেণু হইতে বিচ্ছিন্ন হইয়া পড়ে। আত্মা এই ত্রিবিধ দেহের ভিতরে বিচরণ করে। মৃত্যুর পর কেবল সূক্ষ্ম ও জ্ঞানাশ্রক দেহে বিচরণ করিয়া থাকে বলিয়াই প্রত্যেক হিন্দুর বিশ্বাস।

পুনশ্চ জন্মান্তর কর্মযোগাৎ
সএব জীবঃ স্বপিতি প্রবুদ্ধঃ
পুরত্রয়ে ক্রীড়তি যশ্চ জীব-
স্ত তশ্চ জাতং সফলং বিচিত্রং
আধার মানন্দ সখণ্ড বোধং

যন্মিন্লয়ং যাতিপুরত্রয়ঞ্চ । ১৪ কৈবল্যোপনিষদ—

আত্মা উল্লিখিত ত্রিবিধ দেহের ভিতরে বিচরণ করে ।

On the evolution and the transmigration of soul—

জীবাশ্রা বিভিন্ন বাসনা লইয়া বিভিন্ন পরমাণুতে বিদ্যমান। সেই পরমাণুর প্রাণ স্বরূপ জীবাশ্রা। সুতরাং এক একটা পরমাণু যেন এক একটা জীব স্বরূপ। ইহার খাস প্রখাসের শক্তি আছে এবং তদ্বারা প্রাণবায়ু গ্রহণ করিয়া থাকে এবং protoplasm দ্বারা বর্দ্ধিত হয়। প্রকৃতির ভিতরে বহুদিন অবস্থান হেতু ও জন্মজন্মান্তরে বাসনার পরিতৃপ্তি দ্বারা একই প্রকারের জীব অন্য প্রকারের জীবে পরিণত হয়। ক্রমশঃ বাসনার পরিতৃপ্তির সঙ্গে সঙ্গে নিম্নতর জীব উচ্চতর জীবে অথবা নিম্নতর জীবাশ্রা উচ্চতর জীবাশ্রাতে পরিণত হইতেছে। এই প্রকারে ক্রমশঃ উদ্ভিদ জগৎ হইতে প্রাণী জগৎ সৃষ্ট হইয়াছে, একথা সকলেই বিশ্বাস করেন। কারণ উদ্ভিদ জগতের জীব ক্রমশঃ protoplasm দ্বারা বর্দ্ধিত হইয়া প্রাণি জগতের জীবে পরিণত হয়।

এখন দেখা যাইতে পারে কি প্রকারে উদ্ভিদ জগৎ হইতে প্রাণিজগতের সৃষ্টি হইয়াছে । Matter is indestructible অর্থাৎ জড় পদার্থের ধ্বংস নাই । কেবল উহা আকার পরিবর্তন করে । বৃক্ষাদির ধ্বংস হইলেই ইহার পরমাণুগুলি আকাশের ভিতরেই বিদ্যমান থাকে । আকাশ ভিন্ন ইহারা আর কোথায় যাইবে ? ক্রমশঃ সময়ের সঙ্গে সঙ্গে এইরূপ পরমাণু অন্য প্রকার পরমাণুতে পরিণত হয় । এই জন্যই প্রাণিতত্ত্ব, ভূতত্ত্ব ও উদ্ভিদতত্ত্ববিদেরা বলিয়া থাকেন অনেক নীচ জাতীয় জীব এই পৃথিবী হইতে অদৃশ্য হইয়াছে ।

এই প্রকারে ক্রমশঃ উদ্ভিদ জগতের জীব protoplasm দ্বারা বর্ধিত হইয়া প্রাণি জগতের জীবে পরিণত হইয়াছে । এই জন্তই প্রাণিতত্ত্ববিদেরা প্রাণিজগতের জীবদিগকে তৃণভোজী, মাংসভোজী ইত্যাদি নানা শ্রেণীতে বিভক্ত করিয়াছেন । এই প্রকারে প্রাণী ক্রমশঃ উন্নত দেহ লাভ করত অবশেষে ব্রহ্মলীন হইয়া যায় ।

পুনশ্চ প্রাকৃতিক শক্তি দ্বারা জীবাশ্মের সূক্ষ্ম ও জ্ঞানাত্মক দেহ ক্রমশঃ পরিষ্কৃত হইতে থাকে । সেই নিমিত্তই মানব জাতীয় জীবে জ্ঞান ও বুদ্ধির বিকাশ দেখা যায় । অনেকে বলেন নীচ জাতীয় জীব জন্তু ইত্যাদির জ্ঞান বুদ্ধি নাই । ইহা তাহাদের ভুল বিশ্বাস । কারণ তাহাদের জীবের জ্ঞানাত্মক ও সূক্ষ্মদেহ অক্ষুণ্ণাবস্থায় থাকে । এই জন্যই তাহাদের ভিতরে উহা সুষুপ্তাবস্থায় পরিলক্ষিত হয় ।

প্রত্যেক জীবই কতকগুলি পরমাণুর সমষ্টি । তাহাদের দেহমধ্যস্থিত developed বা পুষ্ট পরমাণুটাই আবার সেই জীবের জীব স্বরূপ । তাহাই মৃত্যুর পর সেই জাতীয় জীবের পুরুষ দেহে প্রবেশ পূর্বক সেই পুরুষ দেহে জাত জীবটির সঙ্গে একত্র অবস্থান করে । জীব প্রত্যেক জীবেরই স্বরূপ গুহাতে অবস্থান করে ।

পূর্বে দুই প্রকার প্রকৃতির বিষয় বলা হইয়াছে । পরা প্রকৃতি ও জড়া প্রকৃতি । পরা প্রকৃতি জড়া প্রকৃতির প্রাণ ও আত্মা স্বরূপ । ইহা পরমাণু হইতেও সূক্ষ্ম । কতকগুলি পরমাণুর শক্তি একটী নির্দিষ্ট ও পুষ্ট এবং অধিক শক্তি বিশিষ্ট পরমাণুতে কেন্দ্রীভূত হইয়াই এক একটা দেহ গঠিত হয় । এক একটা দেহ অনেকগুলি ও অনেক প্রকারের পরমাণুর সমষ্টিমাত্র । কেন্দ্রস্থলে

অবস্থিত নির্দিষ্ট পরমাণুটী জীব। ইহা প্রত্যেক দেহের হৃদয়স্থলে অধিষ্ঠিত। এই জীবই ব্রহ্মরূপে প্রত্যেক প্রাণীর কেন্দ্রস্থলে অবস্থান করিয়া দেহের সমস্ত পরমাণুগুলিকে আকর্ষণ শক্তি দ্বারা আবদ্ধ রাখিয়াছে; সুতরাং এই জীবের অন্তর্ধানেই অণু ও পরমাণু গুলি ক্রমশঃ বিচ্ছিন্ন হইয়া পড়ে।

এখন এই কথা সহজেই বলা যাইতে পারে একটা আঁগিদেহ কতকগুলি জীবাণুর সমষ্টিমাত্র। প্রত্যেক জীবাণুই তাহাদের খাদ্য protoplasm দ্বারা বর্ধিত ও পুষ্ট হয়। জীব খাদ্য বস্তুর সঙ্গে protoplasm সংগ্রহ করিয়া জীবাণুগুলিকে বিতরণ করিয়া থাকে। সেই protoplasmএর অভাব হইলেই জীবাণুগুলি নিশ্চেষ্ট ও সুস্থ্যাবস্থায় মৃতবৎ অবস্থান করে। এ জন্যই বার্কিয়া অবস্থায় উপযুক্ত protoplasmএর অভাবে শরীরের জীবাণুগুলি নিশ্চেষ্ট হইয়া পড়ে। কারণ সেই সময়ে পাকঘন্ত্রের ক্রিয়া হ্রাস হওয়াতে খাদ্যবস্তু হইতে উপযুক্ত পরিমাণে protoplasm বাহির হয় না। এই জন্যই বার্কিয়াবস্থায় অঙ্গপ্রত্যঙ্গাদি শিথিল হইয়া পড়ে। জীব বাহ্যজগৎ হইতেই দেহের পুষ্টি-সাধনোপযোগী পরমাণুগুলি গ্রহণ করিয়া থাকে। আর অনেক খাদ্যবস্তুর সঙ্গে যে সমস্ত পরমাণু গ্রহণ করে সেই সমস্ত পরমাণুর ভিতরে যেগুলি আমাদের স্বাস্থ্যের অনুরূপ সেই গুলিই আমাদের দেহের পুষ্টি সাধন করে। এতদ্ব্যতীত অন্যান্য জীবাণু হইতে কেবলমাত্র protoplasm গৃহীত হয়। protoplasm-গুলি মৃত দেহে থাকিয়া যায়। রেণুগুলি দেহ হইতে বহিষ্কৃত হয়।

সকলেই জানেন মৃত্যুর পরে জীবাণুগুলি বিচ্ছিন্ন হইয়া পড়ে এবং কতক দিনের অন্তর্ভুক্ত এই জীবাণুগুলি অসংখ্য কীটগুতে পরিণত হয়। এই কীটগুগুলির জীবিতকাল মাত্র ২৪ ঘণ্টা। তৎপরেই ইহারা ইহাদের infinitesimal living particleএর conditionতেই পরিণত হয়। ইহা প্রাকৃতিক দৃশ্য। অল্প পর্যবেক্ষণ করিলেই স্পষ্টরূপে প্রতীয়মান হইবে। সুতরাং প্রত্যেক organic substanceএর রেণুতে রেণুতেই অতি সূক্ষ্ম জীবাণু বর্তমান। এই জীবাণুগুলির প্রত্যেক রেণু স্থূল দেহ। স্থূল দেহের ভিতরে যে পর্যন্ত উহারা protoplasm পাইতে পারে ঠিক সেই সময় পর্যন্তই উহারা এই রেণুর ভিতরে থাকে। ভ্রমর যেমন প্রত্যেক রেণুর ভিতরে থাকিয়া মধু অন্বেষণ করিয়া থাকে এবং স্থান প্রস্থান দ্বারা আণবায়ু গ্রহণ করে, protoplasmএর

অভাব হইলেই উহারা এই রেণু দেখকে ছেড়িয়া দেয় এবং অন্য রেণু দেখে নিজ বাসনানুসারে আশ্রয় গ্রহণ করে, প্রত্যেক জীবাশ্মার দেহান্তর ও দেহ প্রবেশ ও সেইরূপ । আবার প্রত্যেক পরমানুস্থিত জীবাশ্মার স্থিতি কাল নির্দিষ্ট আছে । এই জন্য মোটামুটি হিসাবে বিভিন্ন প্রাণীর জীবিত কাল নির্দিষ্ট আছে ।

কোনও দেহস্থিত জীবের দেহত্যাগের সঙ্গে তদানুসঙ্গিক জীবাণুগুলিরও মৃত্যু বা দেহান্তর ঘটয়া থাকে । এবং তাহারা নিজ বাসনোপযোগী দেহাবলম্বন করে । এই প্রকারে প্রতিদিনই জীব জীবাণুর দেহ প্রাপ্তি ও দেহান্তর ।

জন্মান্তর ও সূখ দুঃখ—জীবাশ্মা ক্রমশঃই বাসনার পরিতৃপ্তি দ্বারা একই প্রকার জীবাশ্মা হইতে অন্য প্রকারের জীবাশ্মাতে পরিণত হয় ; সুতরাং দেখা যায় মানব জাতির জীবাশ্মা বাসনার সম্পূর্ণ বিকাশাবস্থায় মানবজাতি নিজ বাসনা চরিতার্থ করিবার নিমিত্ত অনেক গুরুতর পাপ কাজ করিবে মনে করিয়াই বোধ হয়, পরম পিতা পরমেশ্বর বাসনার বিকাশের সঙ্গে সঙ্গে জ্ঞান বুদ্ধি ও যুক্তি ইত্যাদিরও সম্পূর্ণ বিকাশাবস্থার ব্যবস্থা করিয়াছেন । সুতরাং হিতাহিত্য বিবেচনা শক্তি দ্বারা চালিত বাসনাজাত কাজই পুণ্য ও ইহার অন্তথা হইলেই পাপ । তাই পাপ পুণ্যের জন্যই জীবাশ্মা জন্মান্তরে ফল ভোগ করিয়া থাকে । মানসিক অশান্তিই পাপের শাস্তি, মানসিক শান্তি পুণ্যের ফল । দাসদাসীপরিবেষ্টিত দুঃখ কেননিত শয্যানুস্থিত অট্টালিকা বাসী ধনীর মানসিক অশান্তিই পূর্বজন্মের কিংবা বর্তমান জীবনের পাপের ফল, আর পর্ণ কুটারবাসী দরিদ্রের মনের শান্তি স্কৃতির ফল । পার্থিব বৈষম্য শুধু কেবল জীবন সংগ্রামে উপযুক্ত কিংবা অল্পযুক্তরূপে চালিত বুদ্ধিবৃত্তির জয় পরাজয় ।

শ্রীশ্রীশ্রীনাথ গুপ্ত ।

সাহিত্য-সংহিতা।

নবপর্যায়, ৫ম খণ্ড ।] ১৩২৩ সাল, আশ্বিন । [৬ষ্ঠ সংখ্যা ।

দ্বিজেন্দ্রলাল, রবীন্দ্রনাথ ও অক্ষয়কুমারের স্ত্রীবিয়োগের কবিতা । *

ষটনা চক্রে বাঙ্গালার বর্তমান যুগের তিন জন সমসাময়িক শ্রেষ্ঠ কবি—
স্বর্গীয় দ্বিজেন্দ্রলাল রায়, স্মার রবীন্দ্রনাথ ঠাকুর ও শ্রীযুক্ত অক্ষয়কুমার বড়াল
প্রৌঢ় বয়সে পত্নী-বিয়োগ-দুঃখ প্রাপ্ত হইয়া তাঁহাদের শোকোচ্ছ্বাস কবিতায়
লিপিবদ্ধ করিয়াছেন। তুল্যাবস্থায়, একই বিষয়ে লিখিত সেই কবিতাগুলির
অনুশীলন করিলে দেখিতে পাওয়া যায়, কবিত্রয়ের প্রতিপাদ্য বিষয় এক হইলেও
তাঁহাদের প্রকৃতিগত বৈষম্য, প্রতিভার বিশিষ্টতা ও রচনাভঙ্গীর পার্থক্য অনুঘায়ী,
কবিতাগুলি স্বতন্ত্র আকার ধারণ করিয়াছে। কখনও তাঁহাদের চিন্তাস্রোত
একই নির্ঝর হইতে নিঃসৃত হইয়া পৃথক খাতে প্রবাহিত হইয়াছে, কখনও বা
বিপরীত মার্গ অবলম্বন করিয়া পরিণামে একই গন্তব্য স্থানে উপনীত হইয়াছে।
কবিতাগুলির সেই সাম্যের মধ্যেও বৈষম্যের—রস-বৈচিত্র্যের কিঞ্চিৎ পরিচয়
দেওয়াই এই প্রবন্ধ রচনার উদ্দেশ্য।

স্বর্গীয় কবিত্রের দ্বিজেন্দ্রলালের জীবন-কথা ও রচনার ইতিহাস সংকলন
করিবার সময় আমাকে অদ্যকার আলোচ্য বিষয়ে কিছু অনুশীলন করিতে হয়।
তাহারই ফল এই প্রবন্ধে লিপিবদ্ধ করিয়াছি। দ্বিজেন্দ্রলালের স্ত্রীবিয়োগের
কবিতা সমূহে যে কয়টা প্রধান প্রধান ভাবের ব্যঞ্জনা আছে, সেই গুলিকে মূল
সূত্র ধরিয়া 'সেগুলির সহিত' রবীন্দ্রনাথ ও অক্ষয়কুমারের তুল্য ভাবাত্মক
কবিতার সাদৃশ্য বা বৈষম্যের পরিচয় দিবার চেষ্টা করিয়াছি।

* সাহিত্য-সভায় মাসিক অধিবেশনে পঠিত।

এস্থলে একথা বলা প্রয়োজন যে অক্ষয়কুমার জ্বী-বিভাগ সম্বন্ধে “এষা” নামক একখানি সুসম্পূর্ণ কাব্য-গ্রন্থ লিখিয়াছেন । সেই কাব্যখানি খণ্ড কবিতার সমষ্টি হইলেও কবিগণ্ডলির মধ্যে একটি শৃঙ্খলা ও সংযোগ আছে ।

রবীন্দ্রনাথ আলোচ্য বিষয়ে সেরূপ কোনও সুসম্বন্ধ কাব্যগ্রন্থ রচনা করেন নাই—কতকগুলি স্বতন্ত্র কবিতা লিখিয়াছেন ;—সেগুলি তাঁহার কাব্য গ্রন্থাবলীর “স্মরণ” নামক খণ্ডে একত্রে স্থান পাইয়াছে । দ্বিজেন্দ্রলালও এ বিষয়ে কোনও কাব্য রচনা করেন নাই—তিনি তাঁহার বিপত্তীক জীবনের অনুভূতি কয়েকটি কবিতায় লিপিবদ্ধ করিয়া গিয়াছেন, অক্ষয়কুমারের ও রবীন্দ্রনাথের সহিত তুলনায় দ্বিজেন্দ্রলাল সেরূপ কবিতা অল্পই লিখিয়াছিলেন, এরূপ স্থলে অক্ষয়কুমারের কাব্যে যে সকল ভাবের সমাবেশ আছে, রবীন্দ্রনাথের বা দ্বিজেন্দ্রলালের কবিতায় তাহার কোনওটির অভাবকে ক্রটি বলিয়া নির্দেশ করিলে শেবোক্ত কবিদ্বয়ের-বিশেষতঃ দ্বিজেন্দ্রলালের উপর অবিচার করা হইবে । সেরূপ ভাবে তুলনায় সমালোচনা করাও আমার উদ্দেশ্যের বহির্ভূত । আমি কেবল কবিত্রয়ের রচনাভঙ্গীর পার্থক্যের, মনের গতির ঐক্য ও অনৈক্যের এবং কবিত্রের বিশিষ্টতার কিঞ্চিৎ পরিচয় দিব । সেই অভিপ্রায়ে, যে কয়টি প্রধান প্রধান ভাবের অভিব্যক্তি তাঁহাদের তিন জনেরই আলোচ্য রচনায় সাধারণ ভাবে বিদ্যমান—তাহারই কয়েকটি উদাহরণ উদ্ধৃত করিয়া আমার বক্তব্য পরিষ্কৃত করিতে চেষ্টা করিব । অনুশীলনের সুবিধার জন্ত সেই ভাব কয়টির ক্রমান্বয়ে নাম দিয়াছি—(১) শোকোচ্ছ্বাস, (২) স্মৃতি-উপভোগ, (৩) অতীত চিন্তা, (৪) বিধাতার প্রতি অনুযোগ, (৫) লোকান্তরিতা পক্ষীর শুভ-কামনা, (৬) উপস্থিতি কল্পনা, (৭) আহ্বান, (৮) বিচ্ছেদের হেতু কল্পনা, (৯) মৃত্যু-মাধুরী, (১০) শোক জয় ।

(১) শোকোচ্ছ্বাস ।

দ্বিজেন্দ্র লাল—

শ্রান্ত দেহে, সন্ধ্যাকালে ফিরে এসে যখন,

আপন ঘরে যাবো,

কাহার কাছে বসবো এসে তখন আমি ? কাহার

মুখের পানে চাবো ?

ক্ষুদ্র দুঃখ স্নেহের কথা কইব আমি এখন
 কাহার কাছে এসে ?
 যাহার কাছে কইতাম নিত্য,—গৃহ আঁধার কোরে
 চোলে গিয়েছে সে ।
 অপমানে ক্লিন্নপ্রাণে পড়তাম যখন এসে,
 তাহার কাছে লুটে,
 শাস্তিসুখা রাশি দিয়ে, ধুয়ে দিত ক্ষত
 কোমল কর পুটে ;
 শুভদৃষ্টি ছড়িয়ে দিত তাহার রূপের প্রভাষ
 পরিপূর্ণ ঘরে ;
 বাড়ির বত কর্কশ ধ্বনি ঢেকে যেত তাহার
 কোমল কণ্ঠস্বরে ।
 চাইনি আমি কখনও কারো কাছে কিছু
 দেয়নি কিছু কেহ ;
 কেবল তুমি, প্রিয়তমে, দিয়েছিলে, গভীর
 অবাচিত স্নেহ ।
 তোমায় আমার বিবাদ হয়নি, এমন মিথ্যা কথা
 কেমন কোরে কই ?
 কখনো বা আমার কনুর, কখন বা তোমার,
 হবে অবশুই ।
 তুমি মানুষ আমি মানুষ, গড়া দোষে গুণে,
 —একটু বেশী কম ;
 তত্পরি অনেক সময়ই, বুঝতে পরম্পরে
 হোতে পারে ভ্রম ।
 তবু, তুমি আমার ভাল বেসেছিলে, জানি,
 ভরে' তোমার বুক,
 হেথায় অনেক স্বামীর ভাগ্যে ঘটেনা সর্বদা
 যে সেই ভাগ্য টুক ।

অনেক সময় অনেক বিপদ, অনেক জালা, ছিল—

অনেক দুঃখ রাশি,

করে ছিলে, তুমি প্রিয়ে, আমার আঁধার নিশায়

গুরু পৌর্ণমাসী ।

বহেছিলে কোথা থেকে এসে, স্বচ্ছ-তোয়া

নির্ঝরিণী তুমি ।

করে ছিলে স্মৃশ্যামলা, তোমার স্নেহে, আমার

হৃদয় মরুভূমি ।

আমার হৃদয় সরোবরে পদ্ম ফুলের মতন

তুমি ফুটে ছিলে ।

আমার নীরস বৃক্ষকাণ্ডে বনলতার মতন

জড়িয়ে উঠে ছিলে ।

পুষ্পিত অটবী দিয়ে, দিয়েছিলে পাহাড়

ঘেরে চারিদিক ।

গেয়েছিলে আমার বাবলা গাছের উপর এসে

হে বসন্ত পিক ।

রবীন্দ্রনাথ—

তখন নিশীথ রাত্রি ; গেলে ঘর হতে

যে পথে চলনি কত সে অজানা পথে ।

যাবার বেলায় কোনো বলিলে না কথা,

লইয়া গেলেনা কারো বিদায় বারতা ।

সুপ্তিমগ্ন বিশ্বমাঝে বাহিরিলে একা,

অঙ্ককারে খুঁজিলাম না পেলাম দেখা ।

মঙ্গল মুরতি সেই চির-পরিচিত,

অগণ্য তারার মাঝে কোথা অস্তিত্বিত !

গেলে যদি একেবারে গেলে রিক্ত হাতে ?

এ ঘর হইতে কিছু নিলে নাকি সাথে ?

বিশ বৎসরের তব সুখ দুঃখ ভার
 ফেলে রেখে দিয়ে গেলে কোলেতে আমার !
 প্রতি দিবসের প্রেমে কত দিন ধরে'
 যে ঘর বাঁধিলে তুমি সুমঙ্গল করে,
 পরিপূর্ণ করি তাহে স্নেহের সঞ্চয়ে
 আজ তুমি চলে গেলে কিছু নাহি লয়ে ?
 তোমার সংসার মাঝে, হায় তোমা-হীন
 এখনো আসিবে কত সুদিন দুর্দিন,—
 তখন এ শূন্যঘরে চিরাভ্যাস-টানে
 তোমারে খুঁজিতে এসে চা'ব কার পানে ?

(শেষ কথা)

অক্ষয়কুমার—

হও নাই গৃহের বাহির ;
 আজ তুমি কোথা যাবে ? কার মুখপানে চাবে
 সুখে দুঃখে হইলে অস্থির ?
 অচেনা অজানা ঠাই, কেহ আপনার নাই,
 কে মুছাবে নয়নের নীর ?
 কোমলা সরলা অতি, পতি গতি, পতি মতি ;
 কে বুঝিবে মর্যাদা সতীর !

* * *

মেল আঁখি, সর্বস্ব:আমার !
 ম'রো না—ম'রো না, প্রিয়ে, এক মাত্র তোমা নিয়ে
 আমার এ সাজান সংসার ।
 চেষ্টা করি,' প্রাণেশ্বর, নয়—তবে দয়া করি'
 নিখাস ফেল গো একবার !
 না পারো, আমার প্রাণ আমি করিতেছি দান
 খাসে—খাসে অধরে তোমার ।

বিজ্ঞানজ্বালার কবিতার প্রথমাংশের সহিত রবীন্দ্রনাথের কবিতার শেষাংশের এবং রবীন্দ্রনাথের কবিতার প্রথমাংশের সহিত অক্ষয়কুমারের কবিতার প্রথম শ্লোকটির সাদৃশ্য আছে । অক্ষয়কুমারের বিলাপধ্বনি মর্মান্বর্ণী হইয়াছে, তাঁহার নিম্নোক্ত আত্ম-অনুযোগে :—

অক্ষয়কুমার—

জীবনে চাহিনা কিছু আর, শুধু তারে দেখি একবার,
একবার তার মুখখানি !

অলুক—যতই প্রাণ, করিবনা কোন অভিমান,
সুখী হ'ব 'সুখে আছে' জানি' ।

জীবনে সে পায় নাই সুখ, দুঃখে কভু ভাবে নাই দুঃখ,
রোগে শোকে হয়নি চঞ্চল ;

সরল অন্তরে হাসিমুখে, সকলি সহিয়াছিল বুক,
কাঁদিলে যে হবে অক্ষয়ল ।

বলেছি অনেক রূঢ় কথা, দিয়েছি অনেক বুক ব্যথা,
সকলি ময়েছে ভালবাসি' ।

অনাদরে ফাটিয়াছে বুক, তবু ফুটে নাই কভু মুখ
হাসিতে ঢেকেছে অশ্রুগাশি ।

* * * *

আজ বুঝি আমি অপরাধি, মর্মে মর্মে তাই এত কাঁদি
বহি নিজ পাপ তুমানল ।

অহঙ্কারে রুদ্ধ করি মন, করেছিহু প্রেম-সংযতন
খুঁজেছিহু ছলনা কেবল ।

বলিনি, বলিতে ছিল কত ! লুকাইতে ছিলাম বিব্রত,
লয়ে অভিমান রাশি-রাশি ।

মন খুলে প্রাণ খুলে তারে বলি নাই কেন বারে বারে,
'ভাল বাসি—বড় ভাল বাসি !'

শূণ্ণগৃহে বসে' আজ ভাবি—করেছি প্রেমের স্মৃতি দাবী !

সে দেছে সর্বস্ব হাসি মুখে !

শূণ্ণপ্রাণে চেয়েছে কাতরে, প্রেমবিন্দু দেইনি অধরে !

স্নানমুখ চাপি নাই বুকে !

লয়ে তুচ্ছবাদ বিসংবাদ . ফুরাইল জীবনের সাধ !

অপ্রকাশ রহিল সকলি !

জীবনে সহজ ছিল যাহা, মরণে হুলভ তাহা !

কে ক্রমবে ? সে গিয়েছে চলি' ।

অক্ষয়কুমারের উক্ত শোকোচ্ছ্বাসের কিয়দংশের সহিত রবীন্দ্রনাথের নিম্নো-
ক্ত বিলাপোক্তির সাদৃশ্য আছে :—

রবীন্দ্রনাথ—

তোমার সকল কথা বল নাই, পারনি বলিতে,
আপনারে খর্ব করি' রেখেছিলে, তুমি হে লজ্জিতে,
যতদিন ছিলে হেথা, হৃদয়ের গূঢ় আশাগুলি
যখন চাহিত তারা কাঁদিয়া উঠিতে কণ্ঠতুলি'
তর্জনী ইঙ্গিতে তুমি গোপনে করিতে সাবধান
ব্যাকুল সঙ্কোচবশে, পাছে ভুলে পায় অপমান !
আপনার অধিকার নীরবে নিশ্চয় নিজ করে
রেখেছিলে সংসারের সবার পশ্চাতে হেলাভরে ।
লজ্জার অতীত আজি মৃত্যুতে হয়েছ মহাশয়ী,
মোর হৃদিপদ্মদলে নিখিলের অগোচরে বসি
নতনেত্রে বল তব জীবনের অসমাপ্ত কথা
ভাষাবাহান বাক্যে ! দেহ-মুক্ত তব বাহুলতা
জড়াইয়া দাও মোর মর্মে মায়ারে একবার—
আমার অন্তরে রাখ তোমার অন্তিম অধিকার ! (কথা)

বিবেকানন্দনের বিলাপ-গীতির করুণ সুর চরমে উঠিয়াছে, যখন তিনি তাঁহার
মাতৃহারা শিশুপুত্রের চিত্র পাঠকের সমক্ষে উপস্থাপিত করিয়া, সেই অবোধ

শিশুর অবস্থার সহিত নিজের দুর্ভাগ্যের তুলনা করিয়াছেন ; মাতৃহীন শিশু-পুত্রকে সম্বোধন করিয়া দ্বিজেন্দ্রলাল লিখিয়াছেন—

যতদিন সে ছিল হেথায়, তোর জন্যই সে ছিল আকুল

তুই বলে সে মারা,

এখন একবার চোখের দেখা চেয়েও দেখেনা সে তোরে

ওরে মাতৃহারা !

কোথায় যে সে চলে' গেল কিছুই না বলে গেল ;

এইটে কেবল বুঝিয়ে গেল মার,—

যে, ফির্চেনা সে আর ।

যাহা কিছু বিশ্বাস করে' দিয়াছিলাম তাহার কাছে,

সে তা নিয়ে গেল ;

রচিছিলাম যে সংসারে এতদিনে, এত শ্রমে ;—

ভাসিয়ে দিয়ে গেল ।

এখন আবার নূতন যত্নে, নূতন শ্রমে, নূতন করে

নূতন সংসার রচি,

আমি না হয় সেটা পারি, তুই যে নেহাইৎ কচি !

না না, তুইই সহিতে পারিস, আমিই সহিতে পারি নাক ;

কি জিনিষ যে হারিয়েছিস বুঝিস্ নাক তুই ।

এখন যে রে তোর কাছে, তুল্যমূল্য লোষ্ট্র স্বর্ণ ছই ।'

তাহার উপর, শিশুর হাড়ে ভেঙ্গে গেলে ঘোড়া লাগে'

আমাদের আর লাগে নাক ঘোড়া ;

তোদের যদি শুকায় গাছটি, শুকায় শুধু গাছের ডগা

আমাদের যায় একেবারে গোড়া ।

অপর একটি কবিতায় দ্বিজেন্দ্রলাল লিখিয়াছেন যে সর্বস্বধন পুত্রের ও প্রিয়তমা কন্যার প্রতি মায়ের স্নেহটুকু তাঁহার পত্নী তাঁহার কাছে জমা রাখিয়া গিয়াছেন ; এখন তিনিই তাহাদের বাপের চিন্তায় ও মায়ের যত্নে রাখেন । এইরূপ সন্তান স্নেহের অভিব্যক্তি দ্বিজেন্দ্রলালের কবিতায় একটি বিশিষ্ট স্থান অধিকার করিয়া আছে । অক্ষয়কুমারের কাব্যেও সেইরূপ ভাবের কয়েকটি

কবিতা আছে বটে (“গুলতলে আছে বসি পুত্রকণ্যাগণ”, “অজয়ে স্নিগ্ধাসে দাসী
‘কোথা মা আমার’,” ইত্যাদি) কিন্তু দ্বিজেন্দ্রলালের কবিতায় সেই ভাবটা
যে রূপ প্রাধান্য লাভ করিয়াছে, অক্ষয়কুমারের কবিতায় সেরূপ করে নাই।

রবীন্দ্রনাথের শোকোচ্ছ্বাসের বিশেষত্ব তাঁহার সংযত আবেগে, অক্ষয়কুমারের
বিশেষত্ব তাঁহার আত্ম-অনুযোগে এবং দ্বিজেন্দ্রলালের বিশেষত্ব তাঁহার সন্তান
বাৎসল্যের প্রাবল্যে।

(২) স্মৃতি উপভোগ।

দ্বিজেন্দ্রলাল—

একটা স্মৃতি সকল স্মৃতির সেরা জাগে চিত্ত মাঝে ;
একটা গীতি—হৃৎপিণ্ড দিয়ে ঘেরা স্মৃতির মত বাজে ;
কণ্ঠার প্রতি মায়ের বিদায় বাণী, রূপের মত নেশা,
বিরঞ্জিত সঙ্কার মেঘখানি— স্মৃতি হৃৎপিণ্ডে মেশা।
উঠেছিলে যখন চিত্তে নামি’, উষার মত জেগে,
কি গরিমা দেখেছিলাম আমি আকাশে ও মেঘে ;
জন্মান্তরের যেন একটি গাথা জীবন আমার ব্যোমে,
সৃষ্টির উজ্জ্বল একখানা ছেঁড়া পাতা এলো যেন কেপে।
বাঁপিয়ে গীতি লভিল সে মরণ বাক্যেই কূপে ;
পুড়ে গেল উষার রক্তা বরণ নিজের তীব্র রূপে ;
কুকু নইক—আছে সেই স্মৃতি জীবন আমার ছেয়ে,
আকাশ থেকে আছে সেই প্রীতি আমার পানে চেয়ে।

অক্ষয়কুমার—

আকাশের ছায়া যথা সমুদ্র হিয়ার রহে সদা পড়ি—
তেমনি তাহার স্মৃতি বিবিধ মায়ায় মন প্রাণ ভরি।
উড়ে পাখী স্রোতে যথা ক্ষুদ্র ছায়া তার নিমেষে মিশায়,
অন্ত স্মৃতি হৃৎপিণ্ডে আজ হৃৎপিণ্ডে আমার আশ্রয় না পায়।
চক্ষে স্বপ্ন-কুহেলিকা বন্ধে মরীচিকা স্মৃতির তিমিরে—
নিঃশব্দে তাহার প্রীতি—দীপ্তহীন শিক্ষা ধুয়াইছে ধীরে।

রবীন্দ্রনাথ—

আজি এ উদাস মাঠে আকাশ বাহিয়া
তোমার নয়ন যেন ফিরিছে চাহিয়া ।
তোমার সে হাসিটুক সে চেয়ে দেখার সুখ
সবারে পরশি চলে বিদায় গাহিয়া
এই তালবন গ্রাম প্রান্তর বাহিয়া ।
তোমার সে ভালবাসা মোর চোকে অঁকি
আমার নয়নে তব দৃষ্টি গেছে রাখি ।
আজি আমি একা একা দেখি হুজ হুজনের দেখা
তুমি করিতেছ ভোগ মোর মনে থাকি'
আমার তারায় তব মুগ্ধ দৃষ্টি রাখি ।

এই স্মৃতি উপভোগের মধ্যে “আজি আমি একা একা দেখি হুজনের দেখা”
কবি-কল্পনাটী রবীন্দ্রনাথের নিজস্ব ।

(৩) অতীত চিন্তা ।

বিজয়লাল -

জাস্তাম্ নাক, চিন্তাম্ নাক তোমার আমি প্রিয়তমে,
যোল বছর আগে ;
আমার জীবন তোমার জীবন পৃথক গতি এ সংসারের
ছিল পৃথক্ ভাগে ;
তোমার জগৎ নিয়ে তুমি, আমার জগৎ নিয়ে আমি,
ছিলাম ত সে একা ;
একরম ত যাচ্ছিল সে জীবন, নিরুৎসবে কেটে ;
—কেন হোল দেখা ।

* * * *
এসেছিলে সে দিন তুমি যেমন ক্লান্ত নিত্বাবেশে
সুখ স্বপ্ন আসে ;
এসেছিলে, আসে যেমন কাস্তারে চামেলি গন্ধ,
বসন্ত বাতাসে ;

শুধু তপ্ত নদী তটে উচ্ছ্বসিত কল্লোলিত
 চেউয়ের মত এসে,
 স্মৃতি হতে হারা একটা অজানা রাগিনীর মত
 কোথায় গেল ভেসে।

অক্ষয়কুমার —

জন্মেছিল একা !
 না হয় কৈশোর শেষে তার সনে দেখা।
 তার মিলনের আগে কিছুতে মনে না জাগে
 কেমনে কাঁটিত দিন—কি অদৃষ্ট লেখা।
 কে বলিবে আজ
 কি ছিল কৈশোর আশা, কৈশোরের কাজ !
 সেই আদি সূত্র ধরি আবার জীবন গড়ি
 সে যদি মুছিয়া যায় জীবনের মাঝ।
 কি গড়িব আর ?
 আমি শুধু ছিন্ন সূত্র দেব মালিকার।
 কোথা হ'তে কি যে এলো—
 গেল—গেল—সব গেলো—
 রূপ রস গন্ধ স্পর্শ সর্বস্ব আমার।

রবীন্দ্রনাথ—

এ সংসারে একদিন নববধু বেশে
 তুমি যে আমার পাশে দাঁড়াইলে এসে,
 রাখিলে আমার হাতে কম্পমান হাত
 সে কি অদৃষ্টের খেলা, সে কি অকস্মাৎ :
 শুধু এক মুহূর্তের এ নহে ঘটনা
 অনাদি কালের এই আছিল মন্ত্রণা।
 দৌহার মিলনে মোরা পূর্ণ হব দৌহে
 বহুবৃগ আসিয়াছি এই আশা বহে'।

নিয়ে গেছ কতখানি মোর প্রাণ হতে .
 দিয়ে গেছ কতখানি এ জীবন শ্রোতে !
 কতদিনে কত রাত্রে কত লক্ষা ভয়ে
 কত ক্ষতি লাভে কত জয়ে পরাক্রমে
 রচিতেছিলাম যাহা মোরা শ্রান্তি হারা
 সাজ কে করিবে তাহা মোরা দৌহে ছাড়া ?

এই সুখ দুঃখ বিজড়িত অতীত চিন্তা দ্বিজেন্দ্রলাল সরল ও সাধারণ ভাবেই উপভোগ করিয়াছেন। অক্ষয়কুমারের মনে সেই চিন্তায় বিষোগ-বাথা তীব্র ভাব ধাব ধারণ করিয়াছে এবং রবীন্দ্রনাথের হৃদয়ে সেই চিন্তা অনাদি অনন্ত মিলনের তৃপ্তিপ্রদ কবিশ্বপ্ন জাগরিত করিয়াছে।

(৪) বিধাতার প্রতি অনুযোগ ।

দ্বিজেন্দ্রলাল—

এইত ছিল দেবী মূর্তি, আলাপ, বিলাপ হাশ্ব, রোদন
 কর্ছিল ত কাছে ;
 কোথায় গেল ? ফিরিয়ে দাওহে বিশ্বপতি । দাবী কর্ছি—
 বল কোথায় আছে ?
 এই সে ছিল, গেল কোথায় ? দেখা হবে আবার,
 কিম্বা এ চির বিচ্ছেদ ?
 আমি পাল্ল'ম নাক ; তবে তুমি করে দাও হে প্রভু
 এ রহস্য ভেদ ।
 —হারে মুখ ! কাহার কাছে কিসের কণ্ঠ দাবী কর্ছিস ?
 জানিস্ না কি ভবে,
 যা হবার তা হবেই হবে, মাথা খুঁড়ে মরিস যদি
 যা হবার তা হবে ।
 কাহার কাছে বিচার চাচ্ছিস্ ? বিচার কর্তা বহুৎ দূরে,
 আর্জি বড়ই কুস্ত্র ;
 তোর আর বিচার কর্তার মধ্যে পড়ে আছে উত্তাল
 এক প্রকাণ্ড সমুদ্র ।

আজ পর্য্যন্ত শুনিবিক—শুনে কারো আর্তধ্বনি
 ফিরেছে প্রবাহ ;
 বাত্যা থেমে গেছে ; গেছে সমুদ্র শুকায়ে
 অগ্নি করে নাইক দাহ ;
 উঠে মাত্র আর্ত ধ্বনি, বিশেষে যেতে সমীরণে
 ক্ষুধা মূর্ছনায় ;—
 আমি কাঁদি, আমি কাঁদি, এ মহা ব্রহ্মাণ্ডে তাহে
 কাহার আসে ষায়।

(বিপ্লবীক —২)

অক্ষয়কুমার—

কোনু অপরাধে এই কঠোর শাসন ?
 কোন পিতা পুত্র প্রতি
 এমন নির্দয় অতি ?
 আমিও ত করিতেছি সন্তান পালন—
 কত রাগি চোখে মুখে,
 তখনি ত টানি বুকে,
 মুছাতে নয়ন তার—মুছিত আপন।
 এ নহে দেবের দয়া—দৈত্যের পীড়ন।
 গিয়াছে প্রাণের সার,
 মর্মে মর্মে হাহাকার,
 নিরাশার অন্ধকার ঘেরিয়া ভুবন ?
 মরণের পথে আজ
 দূরে ফেলি' যুগা মাজ—
 কে দেবতা তার স্থান করিবে পূরণ ?
 * * *
 হৃদিহীন বিধির কি দুর্কোষ অজ্ঞান !
 নাহি বুঝে নিজ শক্তি,
 নাহি লক্ষ্য আহরক্তি,

মাহি অমুভব-তৃপ্তি—স্বন্দ্র দরশন

উন্নত কবির মত,

গড়ে ভাঙ্গে অবিরত

লয়ে এক অন্ধ শক্তি—কল্পনা ভীষণ !

(এষা—৭)

রবীন্দ্রনাথের “স্মরণ” কাব্যের কোনও কবিতায় বিধাতার প্রতি একরূপ অল্পযোগের অভিব্যক্তি নাই । স্ত্রী বিয়োগের বহু পূর্বে লিখিত ‘শুভ্র গৃহে’ শীর্ষক কবিতা হইতে এইরূপ ভাবাত্মক দুইটা শ্লোক এস্থলে উদ্ধৃত করিলাম—

কাল ছিল প্রাণ জুড়ে আজ কাছে নাই

নিতান্ত সামান্য একি নাথ ?

তোমার বিচিত্র ভবে কত আছে কত হবে

কোথাও কি আছে প্রভু হেন বজ্রপাত !

* * * *

এ আর্ন্ত স্বরের কাছে রহিবে অটুট

চৌদিকের চির নীরবতা ?

সমস্ত মানব প্রাণ বেদনায় কম্পমান

নিয়মের লৌহ চক্রে বাজিবেনা বাধা ?

(৫) লোকান্তরিতা পত্নীর শুভ কামনা ।

বিজয়লাল—

প্রিয়তমে ! আজি তুমি জানি নাক কোথায় গেছ ;

কোথায় আছ আর ;

কোন শাস্ত্রের কোন ধর্মের সাধ্য নাইক দিতে পারে

তাহার সমাচার—

যেথা থাক (থাক যদি) আশা করি আছ পুখে,

আশা করি তবে,

তোমার জগৎ—বাহাই হোক না আমাদের এ জগৎ চেয়ে

কিছু ভাল হবে ।

(বিপর্যয়—২)

অক্ষয় কুমার—

বিদায় বিদায় তবে ! দিবা হল অবসান ;
জানিনা মৃত্যুর পরে বিধাতার কি বিধান ।
যেথা থাক স্মৃতে থাক ! ঝরে তপ্ত অশ্রুধার
অদূরে জাহ্নবী বহে ধরা অতি অন্ধকার !

রবীন্দ্রনাথ—

আজি বিশ্ব দেবতার চরণ আশ্রয়ে
গৃহলক্ষ্মী দেখা দাও বিশ্ব লক্ষ্মী হয়ে !
নিখিল নক্ষত্র হতে কিরণের-রেখা
সীমন্তে আঁকিয়া দিক্‌ সিন্দূরের লেখা !
একান্তে বসিয়া আজি করিতেছে ধ্যান
সবার কল্যাণে হোক তোমার কল্যাণ !

(আহ্বান)

পত্নীর পরলোকে শুভকামনার কবিত্রয়ের কোনও মতভেদ নাই, কেবল
রবীন্দ্র নাথের আশিস্-বাক্যে, তাঁহার পত্নী যে বিশ্বদেবতার চরণে আশ্রয়
পাইয়াছেন এ বিশ্বাস ঋবতর ।

(৬) উপস্থিতি কল্পনা ।

দ্বিজেন্দ্রলাল —

আমার নাইক এমন কোন দাবী
তোমার আমি পাবো !
আমি শুধু পূর্ব কণা ভাবি'
তুমিও কি ভাবো ?
তোমারে পানে সকল হুঃখ মাঝে
আমি চেয়ে থাকি ;
যখন হুঃখ বড় বন্ধে বাজে
তুমি আসো নাকি !

আমি শুনি মাঝে মাঝে যেন
তোমার কণ্ঠরব ;
তোমার স্পর্শ তোমার হাস্য হেন
করি অহুভব ।
সবই ভ্রান্তি এ কি ? সবই যারা
তোমার এই প্রীতি ?
শুধু স্বপ্ন ! শুধুই কি ছায়া ?
শুধুই কি স্মৃতি ?

(আহ্বান)

অক্ষয়কুমার—

এ রুদ্ধ কুটীরে মোর এসেছিল কোন জনা ?
এখনো অর্ধাধারে যেন ভাসে তার রূপ কনা ।
মূরছিয়া পড়ে দেহ, আকুলিয়া উঠে মন,
শরনে তৈজসে বাসে কাঁপে তার পরশন ?
এসেছিলে কত সাধে, মনে যেন পড়ে পড়ে,
পুরে নাই সাধ তার, ফিরে গেছে অনাদরে !
কাতর নয়নে চেয়ে কোথা গেল নাহি জানি
মরুর উপর দিয়া নব-নীল মেঘ খানি !

রবীন্দ্রনাথ—

আজি এই দ্বিপ্রহরে পল্লবের মর্ম্বর রাগিনী
তোমার সে কবে কার দীর্ঘশ্বাস করিছে প্রচার ।
আভণ্ড শীতের রৌদ্রে নিজ হস্তে করিছ বিস্তার
কত শীত মধ্যাহ্নের স্নিবিড় স্নেহের স্তব্ধতা !
আপনার পানে চেয়ে বসে বসে ভাবি এই কথা
কত ভব রাত্রি দিন কত সাধ মোরে ঘিরে আছে
তাদের ক্রন্দন শুনি ফিরে ফিরে ফিরিতেছে কাছে ।

(আহ্বান)

দেহ-মুক্ত প্রিয়ার সান্নিধ্য কল্পনার সুখ-স্বপ্ন তিন জন কবিই সমান আবেগে
কবরে পোষণ করিবার অমৃত ব্যগ্র ।

নিজ পাপে তাপে অদৃষ্ট গড়িয়া
 দেহ হতে আমি যাই বাহিরিয়া
 সে সময়ে কাছে দাঁড়াবে কি প্রিয়া

লয়ে চির-অমুরাগ ?

রবীন্দ্রনাথ—

আজ শুধু এক প্রশ্ন মোর মনে আগে
 হে কল্যাণি, গেলে যদি, গেলে মোর আগে
 মোর লাগি কোথাও কি ছুটি স্নিগ্ধ করে
 রাখিবে পাতিয়া শয্যা চির সন্ধ্যা তরে ।

(শেষ কথা)

ইহজীবনের শেষ নিমেষপাতের সময় লোকান্তরিতা পত্নীর সাক্ষাৎ কামনা-
 তেও কবিত্রয়ের অভিব্যক্তির মধ্যে কিছু প্রভেদ আছে । স্বিজেন্দ্রলাল ও
 অক্ষয়কুমার অন্তিমকালকে একটি কঠিন ও ভীষণ পরীক্ষার ক্ষণভাবে গ্রহণ
 করিয়াছেন এবং অক্ষয়কুমার সেই ধারণাকে আত্মগনিত্তে ভীষণতর করিয়া
 তুলিয়াছেন । রবীন্দ্রনাথের কবিতার মৃত্যুক্ষণের সেই বিভিন্নকাম্যী মূর্তির
 আভাষ নাই ।

(৮) বিচ্ছেদের হেতু কল্পনা ।

স্বিজেন্দ্রলাল—

ওগো তুমি কেন আমার আস না
 এসো তুমি এসো আমার কাছে ।
 বড় রোষে বড় অভিমানে গো
 হয়েছে এ ক্ষণিক ছাড়া-ছাড়ি
 সকল ব্যথা গলে গেছে প্রাণে গো
 এসো আমার—এসো তোমার বাড়ি !

অক্ষয়কুমারের এ সম্বন্ধে ধারণাও আত্মগনিত্তের ভিত্তিতে গ্রথিত—সে ধারণা
 সুন্দর ও সুদূতর—

প্রতিকর্ষে প্রতিধর্ষে উঠেছিলে সতী
 উচ্চ হতে উচ্চতরে !
 নিম্ন হতে নিম্ন স্তরে
 নামিতে ছিলাম আমি অতি ক্রতগতি ।
 ক্রমে বাড়ে ব্যবধান,
 তাই হ'লে অন্তর্দ্বান—
 তোমারে স্মরিয়া ঘাহে হই শুদ্ধমতি !

রবীন্দ্রনাথের ধারণা দ্বিজেন্দ্রনাথের মত অনুমান সাপেক্ষ বা অক্ষয়কুমারের মত বাস্তবের কঠোর সত্য হইতে উদ্ভূত নহে, উহা কবিকল্পনার সুন্দর স্বপ্নালোকে উদ্ভাসিত রবীন্দ্রনাথ সেই ধারণাকে 'বৈতরহস্য' নামে অভিহিত করিয়াছেন—ধারণাটী এই—

যে ভাবে রমণীরূপে আপন মাধুরী
 আপনি বিশ্বের নাথ করিছেন চুরি ;
 যে ভাবে সুন্দর তিনি সর্বচরাচরে,
 যে ভাবে আনন্দ তাঁর প্রেমে খেলা করে,—
 যে ভাবে লতার ফুল, নদীতে লহরী,
 যে ভাবে বিরাজে লক্ষ্মী বিশ্বের ঈশ্বরী,
 যে ভাবে নবীন মেঘ বৃষ্টি করে দান,
 তটিনী ধরারে স্তম্ভ করাইছে পান,
 যে ভাবে পরম এক আনন্দে উৎসুক
 আপনারে দুই করি লভিছেন সুখ,
 হৃয়ের মিলনঘাতে বিচিত্র বেদনা
 নিত্য বর্ণগঙ্গাগীত করিছে রচনা,
 হে রমণী, কণকাল আসি মোর পাশে
 চিত্ত ভরি' দিলে সেই রহস্য আভাসে ! (বৈতরহস্য)

(৯) মৃত্যু মাধুরী ।

অক্ষয়কুমার নাথনার বলে শেষে মৃত্যুকে প্রেম হইতে মধুময় স্থির করিয়াছেন,

রবীন্দ্রনাথের মনশ্চক্ষে মৃত্যু স্নন্দর ও মধুর মূর্তিতে প্রকট হইয়াছে । ষ্টিভেন্স-লালের কল্পনা ততদূর অগ্রসর হয় নাই, তিনি জীবন-সাম্রাজ্যে বিবাদক্ষিপ্ত মনে মৃত্যুকে শান্তিদায়ক ভাবে কল্পনা করিয়াছেন ।

ষ্টিভেন্সলাল—

একে একে চোখের সামনে কুসুমগুলি পড়ে যাচ্ছে ঝরে,
ধীরে ধীরে পশ্চিমের ঐ পীতাকাশে নিভে আসছে আলো,
ঝাপসা হয়ে আসছে জগৎ, সোণার বরণ হয়ে আসছে কালো,
চক্ষুদুটি মুদে আসছে ক্রমে ক্রমে যেন নেশার ঘোরে,
বাজছে দূরে বিজয়-ডঙ্কা—শুস্তে পাচ্ছি, লাগছে নাভ ভালো,
ইচ্ছা শুধু, পক্ষ দুটি গুটিয়ে এখন নীড়ে আসি ফিরে ।
কে তুমি হে পরিচিত প্রিয়-বন্ধু কে আছো কুটীরে ?
এইছি আমি তোমার কাছে, এখন তোমার সন্ধ্যা-দীপটি জ্বালো,
শ্রাস্ত আমি শ্রাস্ত আমি, চিনেছি গো নিজ জন্মভূমি,
দেখাও কোথায় শাস্তিশয্যা পেতে আনার রেখেছ গো তুমি ।

(শান্তি)

অক্ষয়কুমার—

সতী, মরণে ভাবিনা আর ভয়ঙ্কর অতি ।
তুমি যাহে দেছ পদ সে যে ফুল কোকনদ,
সে নহে শ্মশান চুল্লী ভীষণ মূর্তি ।
মৃত্যু যদি নাহি হয়, প্রেম হতে মধুময়
দিবেন কণ্ঠারে মৃত্যু কেন বিশ্বপতি ?

অক্ষয়কুমার অশ্রুতে লিখিয়াছেন—

হে মরণ ধন্য তুমি ! না বুঝে তোমার
বুধা নিন্দা করে লোকে ;
জগতে তুমিত শোকে
অমর করিছ প্রেমে দেব মহিমায় ।
আজি মোর প্রিয়তমা তব করে বিশ্বরমা
ভাসিছে ইন্দ্রিরা সমা সৃষ্টি নীলিমায় !

কিবা বর্ণ, কিবা গন্ধ কিবা সুর কিবা ছন্দ
 ছগৎ হয়েছে অন্ধ প্রতি ভঙ্গিমা
 নাহি কায়া, নহে জায়া নাহি সে সম্পর্ক ছায়া—
 জাগে শুধু প্রেম মায়া স্মৃতি সুষমায়া।

রবীন্দ্রনাথ—

তুমি মোর জীবনের মাঝে
 চির বিদায়ের আভা দিয়া,
 এঁকে গেছে, সব ভাবনা
 জীবনের দিক চক্রসীমা
 অশ্রুধৌত হৃদয় আকাশে

মিশায়েছ মৃত্যুর মাধুরী
 রাঙায়ে গিয়েছে মোর হিয়া
 সূর্যাস্তের বরণ চাতুরী।
 লভিয়াছে অপূর্ব মহিমা,
 দেখা যায় দূর স্বর্গপুরী।

* * * * *

তুমি মোর জীবন মরণ
 প্রাণ তব করি অনাবৃত
 মরণেরে জীবনের প্রিয়
 খুলিয়া দিয়াছ দ্বার খানি
 জন্ম মরণের মাঝখানে

বাঁধিয়াছ দুটি বাহু দিয়া।
 মৃত্যু মাঝে মিলালে অমৃত,
 নিজ হাতে করিয়াছ প্রিয়া,
 যবনিকা লইয়াছ টানি
 নিশ্চক্ রেয়েছ দাঁড়াইয়া।

(সার্থকতা)

(১০) শোক জয়।

বিশ্বেন্দ্রলালের স্ত্রীবিয়োগের কবিতায় শোক জয় সহায়ক কোনও ধারণার অভিব্যক্তি নাই। তাঁহার একটা গীতে তিনি মনকে সেই উদ্দেশ্যে প্রস্তুত করিবার চেষ্টা করিয়াছেন কিন্তু তাঁহার প্রবোধ বাক্য যে বিশেষ শাস্তিপ্ৰদ তাহা বোধ হয় না। গীতটি এই—

একই ঠাই চলেছি ভাই ভিন্ন পথে যদি,
 জীবন জল বিষ সম মরণ-হৃদ হৃদি।

দুঃখ মিছে কালা মিছে,

হুদিন আগে হুদিন পিছে,

একই সেই সাগরে গিয়ে মিশিবে সব নদী।

একই ঘোর তিমিরে আছে ঘেরিয়া চারিধারে,
জলিছে দীপ নিভিছে দীপ সেই অন্ধকারে ;

অসীম ঘোর নিরবতার
উঠিয়া গীতি থামিয়া যায়,
বিশ্ব জুড়ি একই খেলা চলেছে নিরবধি ।

অক্ষয়কুমার ভগবানের অপার প্রেমের উপর অটল বিশ্বাস স্থাপন করিয়া
শোক জয় করিয়াছেন । ভগবানের নিকট তিনি আত্মনিবেদন করিয়াছেন—

ভাঙ্গিতে গড়নি প্রেমে ওহে প্রেমময় ।
মরণে নহিত ভিন্ন প্রেমসূত্র নহে ছিন্ন
স্বর্গে মর্ত্যে বেঁধে দেছ সম্বন্ধ অক্ষয় !
অনাদি অনন্ত তুমি অসীম অপার ।
আমি ক্ষুদ্র বুদ্ধি ধরি কত ভাঙ্গি কত গড়ি
করি কত সত্য মিথ্যা নিত্য আবিস্কার !
নিজ সুখ দুঃখ দিয়া তোমারে গড়িয়া নিয়া
বসি তব ভাল মন্দ করিতে বিচার !

* * *

ক্ষম এ ক্রন্দন গীতি শোক অবসাদ !
সে ছিল তোমারি ছায়া তোমারি প্রেমের মায়া
তার স্মৃতি আনে আজ তোমারি আশ্বাদ !
এখনো সে যুক্ত করে মাগিছে আমার তরে—
তোমার করুণা স্নেহ শুভ আশীর্বাদ !

রবীন্দ্রনাথ বিভিন্ন উপায়ে,—কবি কল্পনার সুস্বিষ্ট বারি সম্পাতে—ভাঁহার
শোক তপ্ত হৃদয়কে স্নানীতল করিয়াছেন । তিনি লিখিয়াছেন—

বহু যথা বর্ষণেরে আনে অগ্রসরি,
কে জানিত তব শোক সেইমত করি
আনি দিবে অকস্মাৎ জীবনে আমার
বাধাহীন মিলনের নিবিড় সঞ্চার ।

'মোর অশ্রুবিन्दুগুলি কুড়ায়ে আদরে
 গাঁথিয়া সীমন্তে পরি' ব্যর্থ শোক পরে
 নীরবে হানিছ তব কৌতুকের হাসি।
 ক্রমে সবা হতে যতদূরে গেলে ভাসি'
 তত মোর কাছে এলে! জানি না কি করে'
 সবারে বঞ্ছিয়া তব সব দিলে মোরে!
 মৃত্যুমাঝে আপনারে করিয়া হরণ
 আমার জীবনে তুমি ধরেছ জীবন,
 আমার নয়নে তুমি পেতেছ আলোক—
 এই কথা মনে জানি, নাই মোর শোক!

(অশোক)

প্রবন্ধ দীর্ঘ হইয়া গিয়াছে কিন্তু কবিত্রয়ের শোক-গীতির পূর্ণ পরিচয় দেওয়া হইল না। রবীন্দ্রনাথের কাব্যে বসন্ত, উৎসব, জীবন লক্ষ্মী প্রভৃতি যে সকল উৎকৃষ্ট কবিতা আছে, এবং অক্ষয় কুমারের কাব্যে হিন্দুর গৃহধর্ম্মাঙ্কুষ্ঠানের, জীবন-মরণ সমস্যার, শোকজয়ের জন্ত অন্তর্দ্বন্দ্বের—নিরাশা ও অবিখাস হইতে বিখাস ও শাস্তির ক্রমবিকাশের যে অভিব্যক্তি না আছে, তাহার পরিচয় দিতে পারি নাই; কারণ দ্বিজেন্দ্রলালের কবিতায় সে সকল বিষয়ের অবতারণা নাই। পক্ষান্তরে রবীন্দ্রনাথের কয়েকটি কবিতা সম্পূর্ণ আকারেই উদ্ধৃত করিয়াছি, কিন্তু দ্বিজেন্দ্রলালের ও অক্ষয় কুমারের কবিতাগুলি অপেক্ষাকৃত দীর্ঘ বলিয়া পূর্ণভাবে উদ্ধৃত করিতে পারি নাই; তাহাতে শেষোক্ত কবিত্রয়ের কোনও কোনও কবিতার রস ভঙ্গ হইয়াছে। এরূপ স্থলে উদ্ধৃত কবিতাংশগুলি হইতে কবিত্রয়ের সমগ্র শোক-গীতির দোষগুণ বিচার করিলে তাহাদের প্রতি অবিচার করা হইবে। পূর্বেই বলিয়াছি সেরূপভাবে তুলনার সমালোচনা করাও আমার অভিপ্রেত নহে। সেই হেতু উদ্ধৃত কবিতাগুলি সম্বন্ধে আর কোনও আলোচনা না করিয়া কবিত্রয়ের পত্নী-বিয়োগের সমস্ত কবিতাগুলি পাঠে আমার মনে যে ধারণা হইয়াছে, তাহাই সংক্ষেপে বিবৃত করিয়া এই প্রবন্ধের উপসংহার করিব।

রবীন্দ্রনাথের "স্বরগ" নামক কাব্য-গ্রন্থের সমগ্র কবিতাগুলির অনুশীলন

করিলে আমরা দেখিতে পাই কবির প্রতিশ্রুতি এই যে, তিনি ও তাঁহার প্রিয়ানা
অনাদি কাল হইতে হুইজনে মিলিয়া পূর্ণতার দিকে অগ্রসর হইয়াছেন এবং
সেই পূর্ণতা-প্রাপ্তির স্বাভাৱী তাঁহাদের হুইজনকেই সাক্ষ্য করিতে হইবে, তাঁহারা
হুইজনেই এক,—কবির প্রিয়ানা কণকালের একত্র বিচ্ছিন্ন হইয়া কবির অন্তরে
বৈভ-রহস্তের আভাষ দিয়া গিয়াছেন; মৃত্যুর অন্তরালে গিয়া কবির প্রিয়ানা
কবির জীবনেই জীবন ধারণ করিয়া আছেন—বিচ্ছেদ বেদনার নিবিড় বন্ধনে
উভয়ের মিলন সম্পূর্ণ হইয়া গিয়াছে; মরণের পরপার হইতে কবির প্রিয়ানা
এখন কবির সহিত চির-মিলনের প্রতীকার আছেন; বিবাহ বেদনাকে কবি
তাঁহার ইহ-জীবনের মানন্য বশিষ্ঠা বরণ করিয়া লইয়াছেন; মৃত্যুকে কবির
প্রিয়ানা সূর্যাস্তের বর্ণনাগে রঞ্জিত করিয়া কবির চক্ষে সুন্দর মূর্তিতে প্রতিভাত
করিয়া গিয়াছেন। এই কথা গুলিই রবীন্দ্রনাথ বিভিন্ন ভাবে, নানা ভঙ্গীতে
তাঁহার কবিতাসমূহে প্রকাশ করিয়াছেন। কবিতাগুলির ভাবব্যঞ্জনা রবীন্দ্র-
নাথের স্বভাবসিদ্ধ কবিত্ব-সৌরভ-সমাকুল এবং তাহাদের ভাষা ও অভিব্যক্তি
স্বক্লম ও সুন্দর—বিশেষতঃ তাঁহার চতুর্দশ পংক্তির কবিতাগুলি,—যদিও সে
গুলি “সনেট্” নামের গৌরব পাইতে পারে না, কারণ সেগুলিতে ইতালীর
সনেটের মিলের ও অভিব্যক্তির অপরিহার্য নিয়মগুলি রক্ষিত হয় নাই—কিন্তু
সুন্দর কবিতা হিসাবে সেগুলি অনিন্দ্য সুন্দর। রবীন্দ্রনাথের শোক-প্রকাশ ধীর
ও সংরত; তাঁহার অপেক্ষাকৃত তরুণ বয়সে লিখিত “শূন্য গৃহে”, “কোথায়”,
“নিষ্ঠুর কৃষ্টি” প্রভৃতি শোক-গাথার বে আবেগ, অসুযোগ ও উচ্ছ্বাস ছিল,
ক্রী-বিয়োগের কবিতার তাহা নাই। কবিতাগুলিতে কবির নিজের বা তাঁহার
পত্নীর কাণ্ডব জীবনের—তাঁহার গৃহের—কোনও স্পষ্ট চিত্র নাই—শোকের
প্রথম কবির সেই স্বাভাবিক সঙ্কোচের বাধ ভাঙিতে পারে নাই। পরন্তু
স্বরণ কাব্যে বিচ্ছেদ-বিগনের উপরোক্ত কবিত্বগমর অভিব্যক্তি কাঙীত
অপার কোন উদ্বেগ-নিরূপণের আলোচনা নাই—কবিকে বিয়োগ বেদনার
স্বক্লম-গমন করিতে যে সাধনা করিতে হইয়াছিল তাহার বিশেষ কোনও
অভিব্যক্তি নাই। বিশ্বপতির সর্বমঙ্গলময়কে একান্ত নির্ভর কবি হইতে সেগুলি
আলোচনার প্রয়োজন বোধ করেন নাই।

পক্ষান্তরে অক্ষয়কুমারের কবিতায় তিনি তাঁহার নিজের ও পত্নীর বাস্তব

জীবনের চিত্র, জননী, ভগ্নী, পুত্র, কন্যাদি আত্মীয় স্বজন ও প্রতিবাসীদিগের সহিত স্নেহ-স্বত্রে বদ্ধ গৃহের চিত্র, নিঃসঙ্কোচে ও সুস্পষ্টভাবে অঙ্কিত করিয়াছেন। সে কবিতায় আচার-নিষ্ঠ হিন্দু-শুদ্ধান্তের—হিন্দু-ধর্ম্মানুষ্ঠানের চিত্র সমুজ্জ্বল রেখাপাতে নিপুণ-তুলিকায় প্রতিফলিত। “মরণে কি মরে প্রেম! অনলে কি পোড়ে প্রাণ?” জীবনমরণের এই চিরন্তন প্রহেলিকার মীমাংসার কামনায় কবি প্রথমে প্রাচীন শাস্ত্রকারগণের এবং আধুনিক বৈজ্ঞানিক ও দার্শনিকগণের আশ্রয় লইয়া, নিরাশ হইয়া, শেষে প্রকৃতির সাহায্যে অতীষ্ট লাভ করিয়াছেন, বারিধির অনন্ত বিস্তার প্রত্যক্ষ করিয়া কবির মনে, অসীম বিশ্বের সহিত তুলনায় মানব কত ক্ষুদ্র এবং তাহার জীবন মৃত্যু কত তুচ্ছ ঘটনা সেই সত্য প্রতিভাত হইয়াছে। সেই অভিজ্ঞতার ফলে কবি শোক জয় করিয়াছেন এবং বিগত অতৃপ্তি অবিখ্যাস ও অনুযোগের জগৎ ভগবানের নিকট ক্ষমা প্রার্থনা করিয়াছেন। শেষে কবি এই ধারণায় উপনীত হইয়াছেন, যে তিনি যেমন ইহ লোক হইতে প্রিয়ার শুভ কামনা করিতেছেন, তাঁহার প্রিয়াও তেমনি পরলোক হইতে কবির কল্যাণ প্রার্থনা করিতেছেন। অক্ষয় কুমারের শোক চিত্র বাস্তবতার যাত্নদস্তম্পর্শে সজীব—তাঁহার বিলাপধ্বনি আত্ম-অনুযোগে হৃদয়োল্লসিত। ‘এষা’ কাব্যের প্রতি কবিতাই কোনও নূতন ভাবের সমাবেশ হেতু সার্থক। কবি অসামান্য শব্দকুশলী তিনি সর্বত্রই স্বল্পতম সুনির্বাচিত কথায়, বাস্তব্য পরি-ক্ষুট এবং ভাষা, ছন্দ, ও ভাবের শ্রেষ্ঠ মিলন প্রদর্শন করিয়াছেন। ‘এষা’ কাব্য বঙ্গীয় কাব্য-সংসারে অনন্ত সাধারণ প্রতিষ্ঠা লাভ করিয়াছে। আশা আছে সে প্রতিষ্ঠা অক্ষয় হইবে।

দ্বিজেন্দ্রলালের কবিতা, শব্দ লালিত্য ও রচনা শিল্প চাতুর্য্যে রবীন্দ্রনাথের বা অক্ষয়কুমারের কবিতায় সমতুল্য না হইলেও, নিজস্ব সম্পদে অতুল্য—প্রসাদ-

শোকের তীব্রতা উপশম হইলে, এই সন্দেহ ও অবিখ্যাস দ্বিজেন্দ্র অন্তর হইতে অন্তর্হত হইয়াছিল, তাঁহার রচনায় সেরূপ আভাস আছে। “শান্তি” ও “আস্থান” কবিতায় সে পরিচয় আছে। “সীতা” নামক নাট্যকাব্যের ভূমিকা পাঠেও তাহা জানা যায়। ঐ ভূমিকায় মৃত্যুপত্নীকে উদ্দেশ্য করিয়া দ্বিজেন্দ্র লাল লিখিয়াছেন আমি বাহাকে (সীতাদেবীকে) আজ করানার চক্ষু দেখিতেছি, তুমি আজ তাঁহার সহিত একই লোকে বাস করিতেছ। আর তাঁহাকে প্রত্যক্ষ করিয়া পূজার নিরতা আছ।”

শুণে কোনও কবির কবিতা হইতে হীন নহে। দ্বিজেন্দ্রলালের শোকোচ্ছ্বাস গভীরতম আবেগে উচ্ছ্বসিত। কবি তাঁহার নিজের দুর্ভাগ্যের কথা মাতৃহারা পুত্র কন্টার চিত্র, হতশ্রী সংসারের চিত্র—অবাধে—স্বাভাবিক ভাবে ও করুণায় ভাষায় বর্ণনা করিয়াছেন—তাঁহার সন্তান স্নেহের অভিব্যক্তির সরল সত্য প্রাণ-স্পর্শী। কবি, মরণের পরপারের যবনিকা উত্তোলন করা মানবের ক্ষমতাতীত সে চেষ্টা করেন নাই, তাঁহার শোক নৈরাশ্র ব্যঞ্জক এবং প্রিয়ার সহিত চিরভাবিয়া মিলনের আশা, সংশয় কুহেলিকাছন্ন।* তিনি তাঁহার মনের সন্দেহ অবিশ্বাস, আশা নৈরাশ্র অকপটে, নির্ভীক ভাবে, প্রকাশ করিয়া গিয়াছেন। দ্বিজেন্দ্রলালের কবিতার ভাষা, ছন্দ ও রচনা ভঙ্গীতে যেমন তাঁহার স্বকীয় বিশেষত্ব দেদীপ্যমান তেমনই তাঁহার শোকের অভিব্যক্তিতে কেমন একটি পুরুষোচিত ভাষ—তেজের ব্যঞ্জনা—আছে, যাহা বাঙ্গালার অপর কোনও কবির শোকোচ্ছ্বাসে দেখিতে পাওয়া যায় না।

শ্রীনবকৃষ্ণ ঘোষ ।

পঞ্জিকা-সংস্কার ।

সম্প্রতি সাহিত্য-সংহিতা পত্রিকায় (১৩২৩ সনের বৈশাখ সংখ্যায়) বিশুদ্ধ-সিদ্ধান্ত পঞ্জিকার অয়নাংশ ও অয়নগতি সমর্থন করিতে প্রবৃত্ত হইয়া, শ্রীযুত আশুতোষ মিত্র এম, এ মহাশয় প্রথমেই তদীয় প্রতিকূল পক্ষের নানাপ্রকার নিন্দাবাদ করিয়াছেন। বিশুদ্ধ সিদ্ধান্ত পত্রিকার অয়নাংশ যে ভ্রমশূন্য ও বিজ্ঞান সন্মত তাহা দেখাইবার জন্ত তিনি চারিটি হেতুবাদ দিয়াছেন। আমরা এই হেতুবাদের মূল্য, কি তাহাই অতি সংক্ষেপে দেখাইব। বিষয়টিতে প্রবেশ করিবার পূর্বেই দেখিতে হইবে, অয়নাংশ (Precession of Equinoxes) বলিতে কি বুঝায়। রবিবর্ষ-বিষুবৎসম্পাত বিন্দু হইতে নক্ষত্র খচিত রাশিচক্রের নিরূপিত আদি বিন্দুর পার্থক্যকেই অয়নাংশ বলে। প্রথমটি প্রত্যক্ষ দ্বারা স্থিরীকৃত; দ্বিতীয়টি কতকটা স্বীকারের উপরে স্থাপিত। একটা সচল বলিয়া মায়ন, অপরটি অচল বলিয়া নিরয়ন অভিধাপ্রাপ্ত। কিন্তু উভয়টিই বিজ্ঞানমতে প্রত্যক্ষ ও নির্দিষ্ট—কোনটিই

কেবল কল্পনা প্রসূত নহে । একটা সমরাত্রি নিব অথবা ঠিক পূর্বে উদীয়মান সূর্য্য সংস্থান হইতে পর্য্যবেক্ষিত, অত্রুটী নক্ষত্রপুঞ্জ মধ্যে বেধোপলক ।

প্রথমতঃ আশুবাবু বলেন, বিশুদ্ধসিদ্ধান্ত পঞ্জিকার প্রত্যেক গ্রহের ক্ষুটে অয়নাংশ যোগ করিলে প্রকৃত বিজ্ঞান সম্মত সায়নক্ষুটে যখন পাওয়া যাইতেছে, তখন এই অয়নাংশ বিজ্ঞান সম্মত । ইহা কেন্দ্র পরিবর্তনে (Change of co-ordinates) উপজাত মাত্র । এই যুক্তি বলে যে কোন অঙ্কেই অয়নাংশ আখ্যা দেওয়া যাইতে পারে । বর্তমান সময়ে পাশ্চাত্য সায়ন জ্যোতিষ হইতে হিন্দুমতের নিরয়ণে পরিবর্তনের জন্য দুইটা উপায় অবলম্বিত হইতেছে । অয়নগতি প্রকৃত রাখিয়া নির্দিষ্ট ধ্রুব বিন্দু কিংবা সময় হইতে অয়নাংশ গণনা করা এক প্রকার ; অয়নগতি কল্পনা করিয়া উহা অন্য অনুরোধে ব্যবহার করা দ্বিতীয় প্রকার । প্রথম সম্প্রদায় বলেন, নক্ষত্রের শাস্ত্র নির্দিষ্ট সংস্থান হইতে অয়নাংশ গণনা করা হউক । এই মতের প্রধান পৃষ্ঠপোষক বেঙ্কটেশ কেতকর । তিনি প্রধানতঃ চিত্রা সংস্থানানুসারে আদি বিন্দু নির্ণয় করিতে বলেন, যেহেতু উক্ত তারকা অপেক্ষাকৃত বৃহৎ এবং ইহা হইতে গণিত হইলে বর্তমান সময়ের তারিখের সহিত অনেকটা ঐক্য থাকিবে । শ্রীবিনায়ক শাস্ত্রী খানপুরকার প্রভৃতি রেবতী যোগ তারার সংস্থান ধরিয়া নিরয়ণ গণনা করিতে বলেন, যেহেতু শাস্ত্রানুসারে উহা রাশিযুগের অতি নিকটবর্তী । ভিন্ন ভিন্ন তারকাবস্থান হইতে ভিন্ন ভিন্ন মেঘাদি বিন্দু হয় বলিয়া, কেহ কেহ বলিয়া থাকেন যে, একটা সময় নির্বাচন করিয়া, ঐকাল হইতে অয়নগতি অনুসারে অয়নাংশ নির্ণয় করা হউক । তাঁহারা শাস্ত্রোল্লিখিত যোগতারার সমূহের হারাহারি সংস্থান হইতে খৃষ্টীয় পঞ্চশতাব্দীর শেষভাগে অথবা ৪২১ শক হইতে গণনা করিতে বলেন । ইহা অপেক্ষাকৃত বৈজ্ঞানিক বলা যাইতে পারে ; যেহেতু ইহাতে অয়নগতি প্রকৃত থাকায়, আদি-বিন্দুর গতি নাই ; যাহারা অয়নগতি কল্পনা করিয়া কেবল সায়নের সহিত মিল রাখিতে ইচ্ছা করেন, তাঁহারা দুইভাগে বিভক্ত । এক সম্প্রদায় বলিয়া থাকেন, সূর্য্যসিদ্ধান্তের (বার্ষিক ৫৪ বিকলা অয়নগতি) কি গ্রহলাঘবের (বার্ষিক এককলা অয়নগতি) অয়নাংশ পাশ্চাত্য মতে গণিত সায়নক্ষুটে হীন করিলেই নিরয়ণ হইবে । এই পন্থা কেরোলছমন্ ছত্রে অবলম্বন করিয়াছেন । • অপর সম্প্রদায় বলেন একদেশীয় গ্রহমতে একটা গ্রহের ক্ষুটে গণনা করিয়া ঐ সময়ের জন্য

পাশ্চাত্য সায়ন প্রণালীতে ঐ গ্রহের ফুট নির্ণয় করতঃ বিয়োগ করিলে যাহা হইবে তাহাই অয়নাংশ বলিয়া ধরা সঙ্গত । কেহ কেহ পর্বাস্ত সময়ের চন্দ্র ফুট হইতে উহা গণনা করিতে বলেন । বাপুদেবশাস্ত্রী প্রচলিত তারিখ গণনা প্রণালী অপরিবর্তিত রাখার উদ্দেশ্যে সূর্য্যসিদ্ধান্তের একটি শ্লোকের উপর নির্ভর করিয়া, তন্মতে মেঘ সংক্রমণ কালীন সায়ন রবিফুটকেই অয়নাংশ বলিয়া নির্ণয় করিতে বলিয়া ছিলেন । ইহাই বিজ্ঞান সিদ্ধান্ত পঞ্জিকায় অনুসরণ করা হইয়াছে । প্রকৃত অয়নগতি ৫০.২৪ স্থলে ৫৮-৭ বিকলা স্বীকার করিতে হইতেছে । কিন্তু অয়নগতি (annual general precession) কালগণিক ব্যাপার নহে—উহা সায়ন-চক্রে পরিদৃশ্যমান নক্ষত্র চলনোদ্ভূত অল্প কথায় রবিবজ্র^১ বিষুবতের উপর প্রতিবর্ষে যে পরিমাণে অপসারিত উহাই অয়নগতি । কো-অর্ডিনেট পরিবর্তন সময়ে তদধিক ধরা হইলে উহা অয়নজনিত নহে । ইহাকে অয়নজ্র অর্থাৎ রবিবজ্র^২ চলনজনিত গতি বলিয়া, অয়নাংশ কহিলে বিজ্ঞান উহাকে কখনই সত্য বলিবে না । আমরা বিজ্ঞান বিরুদ্ধ বলিতেই ইহাকেই লক্ষ্য করি । ইহাকে নিরয়ণ না বলিয়া কম্পিত অয়ন বলিয়া চালাইলে কোন আপত্তি থাকিত না । বিষয়টী বিশ্লেষণ করিলে এইরূপ দাঁড়ায়, অর্থাৎ ১৩ই এপ্রিল তারিখে,—

সায়ন রবিফুট = সূর্য্য-সিদ্ধান্ত মতের রবিফুট + অয়নাংশ

পাশ্চাত্য মতের সায়ন রবিফুট বিজ্ঞান সম্মত, কিন্তু ঐ দিনের সূর্য্যসিদ্ধান্তের রবিফুট বিজ্ঞান সম্মত কিনা ইহাই দেখিতে হইবে । উহা যদি বিজ্ঞান সম্মত না হয়, তাহা হইলে অয়নাংশে প্রকৃত প্রস্তাবে কখনই বিজ্ঞান সম্মত হইতে পারে না । আমরা জানি, এক্ষণে আশুবাবু সূর্য্যসিদ্ধান্তের এই রবিসংস্থানকে প্রকৃত বৈজ্ঞানিক সত্য বলিবেন কিনা ? কিন্তু চতুর্দশবর্ষ পূর্বে বঙ্গে পঞ্জিকা সংস্কার প্রবন্ধে আমরা দেখাইয়াছি যে, ইহাকে পাশ্চাত্য মতের শুদ্ধ সংস্থান বলা যাইতে পারে না । ইহাতে সূর্য্যের বার্ষিকগতি জনিত সাড়ে আট বিকলার ভ্রম রহিয়াছে এবং ঐ সময়ের মান্য ফলেরও কতক ভ্রম থাকিতে পারে । এতদ্ব্যতীত কলিকাতার ভ্রান্ত দেশান্তরের জন্ত অর্ধকলার স্থায়ী ভ্রম আছে ও অগ্ৰাণ্ড গ্রহের সাময়িক আকর্ষণের ফলেও ঐ পরিমাণ পর্য্যন্ত পার্থক্য হইতে পারে । কাজেই এই অপ্রকৃত অঙ্কের সহিত যে অঙ্কের যোগে প্রকৃত শুদ্ধ ফল হয়, 'মেই অঙ্ক কখনই ভ্রম বিহীন হইতে পারে না । এই অশুদ্ধ অঙ্কে নানাপ্রকার বিশেষণে

বিভূষিত করিয়া বিজ্ঞান সিদ্ধ বলিতে হইলে, বড়ই কষ্টের কথা। সূর্য্যসিদ্ধান্তের বর্ষাদির গণনা বিজ্ঞানসিদ্ধ হইলে, প্রথম প্রসারণে অগ্ৰাণু দিনের সূর্য্যস্ফুটও বৈজ্ঞানিক হইয়া যাইবে ইহাই কি বস্তু পঞ্চাঙ্গশোধন সভার, প্রথম প্রশ্নোত্তরের প্রকৃত কারণ? ইহাই কি ‘সৌরবর্ষমানং সূর্য্যোত্তর গ্রহগতিমানং চ কি স্বীকার্য্যং’ প্রশ্নের উত্তরে, “সূর্য্য-সিদ্ধান্তোক্তং সৌরবর্ষমানং গ্রাহং, তদিতর গ্রহগতিমানং সূর্য্যসিদ্ধান্তোক্তং বেধোপলক্ববীজসংস্কৃতং গ্রাহং” বলিবার হেতু? সূর্য্যসিদ্ধান্তের সূর্য্যগণনা প্রণালী বিজ্ঞান সম্মত। বলিয়া একবার স্থির হইলে, দ্বিতীয় প্রসারণে বৈজ্ঞানিকত্ব লাভ করিবে; তখন আর বিসংবাদের কারণ থাকিবে না। আমাদের একবন্ধু বলিয়াছিলেন যে, শাস্ত্রমতে গণিত সংস্থান যেমন সময়ের হিন্দু জ্যোতিষের সমগ্র গণনাই (time) এক প্রকার ক্রিয়াবিকাশ (function), পাশ্চাত্য মতের গ্রহ সংস্থানও সময়ের (time) অন্তরূপ ক্রিয়াবিকাশ (function) বলিয়া, একে অন্তের ক্রিয়াবিকাশ (function) বিবেচনা করতঃ বৈজ্ঞানিক বলা যাইতে পারে। এই নীতি অবলম্বনে পৃথীকে স্থিরতর বলিয়াও, কেহ কেহ শ্রেষ্ঠ আসন প্রার্থী। কিন্তু প্রকৃত বিজ্ঞান এই সকল অধিক মূল্যবান মনে করেন না। বিশুদ্ধ সিদ্ধান্ত পঞ্জিকার অয়নাংশ কেন্দ্র পরিবর্তন (transformation of Co-ordinates) বশতঃ বলিতে গিয়া সংজ্ঞা পরিবর্তনরূপ ভ্রম করায় বিজ্ঞান বিরুদ্ধ হইয়াছে এবং ইহা কখনই স্থির থাকিতে পারে না। ইহা মৃত সাহিত্যাচার্য্যের গ্রহের গতি মাপ করিবার স্টেশন কম্পনার তুল্য। বাস্তব বিষয়ে কল্পনার অতিরিক্ত বিকাশ ফলে ঐগিক যুবকের ত্রায় দুর্দশা ঘটে। অতএব এই আদি বিন্দু কখনই সম্পূর্ণ বলা যাইতে পারে না।

আশু বাবুর দ্বিতীয় যুক্তি এই, যে বিশুদ্ধ সিদ্ধান্ত পঞ্জিকার অয়নাংশ অনেকেই স্বীকার করিয়াছেন। মৃত বাপুদেবশাস্ত্রী পাশ্চাত্য মতের গণনা প্রণালী হিন্দু সমাজে প্রবর্তনের জন্ত অয়নাংশ গণনার ঐ প্রণালী প্রাথমিক সময়ে অনুসরণ করিয়াছিলেন। সৌর বর্ষমান তিনি পরিবর্তন করিতে সাহসী হন নাই, অথবা সামান্য প্রণালী প্রবর্তনের জন্ত সোপান স্বরূপে ইহা ব্যবহার করিয়া থাকিবেন। নিরয়ণ আদি বিন্দুকে একবার সঁচল করিতে পারিলে, সায়ন তুল্য বর্ষমানের প্রস্তাব করিয়া, উহাকেই নিরয়ণ আখ্যা দিতে সমর্থ হইবেন, যেহেতু পূর্বাভি-মুখে সঁচল আদি বিন্দুর পরিবর্তে, পশ্চিমাভিমুখে অয়নগতিতুল্য সঁচল

আদি বিন্দু বঙ্গনা করিলেই, অভীষ্ট ফল হয়। তাহা হইলে যোগেশ বাবুর জায় বলিতে পারিতেন “We must boldly introduce the sayana instead of placing it in the back ground as is done at present,” যাহা হউক, এই ‘ন যযৌ ন তসৌ’ অবস্থা বর্তমান সময়ের উপযোগী নহে। যোগেশ বাবু ইহা যে সম্পূর্ণ ভাবে আপনার বলিয়া স্বীকার করিয়াছেন, তাহা আমরা বলিতে পারি না। তিনি একবার লিখিয়াছিলেন “From what I know of the difficulty for fixing with certainty the initial point of nirayan zodiac &c.” এবং অত্রস্থানে লিখিয়াছেন “If we accept Siddhanta’s length of the year, we should make the annual precession rate 50.”24 + 8.”44 or 58.”68. ইহা আলোচনা করিলে, তিনি সম্পূর্ণ বিজ্ঞান সিদ্ধ বলিয়া স্বীকার করিয়াছেন বুঝা যায় না। বরং তিনি যে ১৮১৯ শকের প্রত্যক্ষায়নাংশ প্রায় ২২।১৪ বলিয়াছেন, তাহা অত্রতম মত মাত্র মনে করেন। ইহার পরে বহু পঞ্চাঙ্গ শোধন সভার মীমাংসা উল্লেখ করিয়া, তদনুসারে বিগুহ সিদ্ধান্ত পঞ্জিকার অয়নাংশ গণিত হইতেছে বলিয়া ভ্রমহীন বলিয়াছেন। বোম্বাই সভার শেষ কার্য বিবরণী এ পর্য্যন্ত প্রচারিত না হওয়ায় বিস্তারিত সমালোচনার সুযোগ নাই। এই অয়নাংশ প্রশ্নেই এই সভার মতভেদ হইয়াছিল এবং আশু বাবুই এক্ষণে বলিতেছেন, ইহা নাকি ভবিষ্যতের পুনর্বিচার্য ছিল। শ্রীবিদায়ক শাস্ত্রী খানপুরকর প্রভৃতি ঐ সভার ৭জন পণ্ডিত রেবতী যোগ তারাই আদি বিন্দু বলিয়া স্বীকার করিয়াছিলেন। তদ্ব্যতীত আরও কয়েকজন অয়নগতি বিকলাদি ৫০।১৪ ধরিয়াছেন। ইহার পর বেঙ্কটেশ কেতকার প্রভৃতি পণ্ডিতগণ এই মত সমর্থন করেন নাই। এই মতে যাহারা স্বাক্ষর করিয়াছিলেন, তাঁহাদের মধ্যেও একজন এম, এ উপাধিধারী অধ্যাপক সম্প্রতি অয়নগতি ৫০-২৪ বিকলার অধিক স্বীকার করিতেছেন না। বোম্বাই সভার ২০০০ টাকা পারিতোষিক ঘোষণার ফলে [“Several works have come and they were examined by a committee of astronomers, but none is found quite fit for the prize—vide letter D 2. sept 1911 from the secretary] কিছুই হয় নাই। আমরা বিগুহ সিদ্ধান্ত পঞ্জিকার অপর সংস্করণ ‘সরল ফলিত পঞ্জিকা’ সম্পর্কে “পঞ্জিকা সমা-

লোচনা” প্রবন্ধে (সাহিত্য সংহিতা ১৩১৬ সনের আষাঢ় ও ভাদ্র সংখ্যায় প্রকাশিত) বোম্বাই সভার নির্ণয় সমূহের সাধারণ আলোচনা কালে দেখাইয়াছিলাম যে, তথায় অনেকগুলি পণ্ডিত সমবেত হইলেও প্রকৃত পক্ষে ঐ সভা উপযুক্ত রূপে গঠিত হয় নাই এবং বিষয়টী নিরপেক্ষভাবে আলোচনার অবসর ছিল না। কাজেই তাঁহাদের বিভক্ত অভিমতির দ্বারা নিঃসন্দেহে শাসিত হওয়া নিরাপদ নহে। উক্ত অধিবেশনের পরে শৃঙ্গেরীর শ্রীমদ্ভগবদ্গুরুমহোদয়ের আহ্বান মতে দাক্ষিণাত্যে আদি শঙ্করাচার্যের জন্মভূমি কাল্টিগ্রামে যে জ্যোতির্বিদ মহাসম্মিলনী হইয়াছিল (১৯১০ সনের ১৫ই ফেব্রুয়ারী), তথায়ও অনেকেই ভিন্ন মত প্রকাশ করিয়াছিলেন। অধিকন্তু যুক্তি শাস্ত্রে ব্যক্তিগত নির্ভর অশিশয় ক্ষীণ প্রমাণ বলিয়াই আমাদের বিশ্বাস - আপ্তবাক্য বাতীত এই উক্তি সমূহ পরীক্ষার অধীন এবং পবিত্র সত্যের দ্বারা পরিমেয়। প্রকৃত বৈজ্ঞানিক ভিত্তির উপর স্থাপিত নহে বিবেচনায় অনেকেই অয়নগতি ৫৮.৭ বিকলা বলিতে লজ্জা বোধ করিতেছেন।* বস্তুতঃ ইহা অয়নগতি নহে, প্রকৃতপক্ষে বিশুদ্ধ অয়নগতি ও সূর্য্য সিদ্ধান্তের বর্ষমানের অশুদ্ধি উভয়ে একত্রীভূত হইয়া কাল্পনিক অঙ্কমাত্র— কাজেই ভ্রম পূর্ণ। অতএব প্রকৃতবিষয়টী বুঝিতে পারিলে, এই কাল্পনিক অয়নাংশ, প্রকৃত বিবেচনায় নাস্ত্রিক স্থিতিকাল কি রাশি সঞ্চার সময় নির্দ্ধারণের জন্ত ব্যবহৃত হইতে পারে বলিয়া অনেকেই স্বীকার করিবেন না।

তৃতীয়তঃ বলা হইয়াছে যে, বিশুদ্ধ সিদ্ধান্তের অয়নাংশ সৌর পুস্তকের উপদিষ্ট দৃষ্টি মূলক। আশু বাবু বলেন যে সূর্য্য সিদ্ধান্তে ছায়া হইতে সূর্য্যক্ষুট গণনা করিবার ব্যবস্থা থাকায় বিশুদ্ধ সিদ্ধান্ত পঞ্জিকার অয়নাংশ সমর্থিত হইয়াছে। ইহার মূলে সূর্য্য সিদ্ধান্তের নিয়ম মেঘাদি রবিক্ষুট প্রকৃত ধরিয়া লইতে হয়। এইরূপ ধরিয়া লওয়ার অনুমতি বিজ্ঞান দিবেন কি? যেহেতু তিনিই ঐ গণনা প্রণালী ভ্রমপূর্ণ বলিয়াছেন। বৃক্ষের উচ্চ শাখায় বসিয়া সেই শাখার মূল দেশ কর্তন কালে, কালিদাসও উহার দৃঢ়তা স্বীকার করার অধিকার প্রাপ্ত হন নাই। মাধ্যাকর্ষণের নিকট মহাকবিও কল্পনা বিফল হয়। ‘অধ্যাপক নিউকোম্ব গ্রীষ্মে শীতে শস্ত্র বপন ও সংগ্রহের কাল নিয়মিত করার উদ্দেশ্যে যে দিন নির্ণয়ের (calendar) প্রয়োজন তাহাতে সামান্য স্থূলতা থাকিলেও কোন ক্ষতি নাই বলিলে ঐ বর্ষমান বিজ্ঞান সম্মত সৌর বর্ষমান বলিয়াছেন বলিয়া ধারণ করার

কোন হেতু নাই। বিশিষ্ট বর্ষমান বলিয়া গ্রহণ করা এক কথা ও উহাকে নিরয়ণ বর্ষমান বলা সম্পূর্ণ অণ্ড কথা। প্রমাণ উল্লেখে নানা স্থান হইতে উক্তি উঠাইয়া, বাঙ্গালা প্রবন্ধ মধ্যে বঙ্গভাষার পরিবর্তে ইংরাজী অনুবাদ করিয়া চমৎকারিত্ব বৃদ্ধি করা যতদূর সম্ভব, ঐ সকল উক্তি দ্বারা প্রকৃত পক্ষে বিষয়টা সমর্থিত হইয়াছে প্রতিপন্ন করা ততদূর সামান্য নহে। বৈজ্ঞানিকগণ বংশলোপের ভয়ে সূর্য্যে বীজ দিতে পশ্চাদ্দপদ নহেন। ভাস্করাদি অনেকেই বর্ষমান পরিবর্তন করিতে ক্রক্ষেপ করেন নাই। অধ্যাপক নিউকোম্ব আশু বাবুর 'নির্কংশ'বাদ বৈজ্ঞানিক বলিয়া বিশ্বাস করেন না। ভাস্কর বলিয়াছেন, পূর্বদিকে যে দিন সূর্য্যের উদয় হয়, ঐ দিনের স্ফুট রবিই অয়নাংশ। এই স্ফুট রবি বলিতে কি বুঝিতে হইবে? বিজ্ঞানবিদ অবশ্যই বলিবেন উহা আধুনিক বৈজ্ঞানিক নিরয়ণ সূর্য্য স্ফুট ব্যতীত আর কিছুই নহে—বিশেষতঃ সিদ্ধান্ত শিরোমণির গণিতাধ্যায়ের সূর্য্য স্ফুট নহে। ইহাতে অন্ততঃ সূর্য্যসিদ্ধান্তের রবিস্ফুট (যাহা পাশ্চাত্য গণনা বিকল্প) সূচিত হয় নাই। আমাদের হৃদেই তথাপি আমাদেরকে ইহাই ভাস্করের ঐশ্বর উদ্দেশ্য ছিল বলিতে হইবে—কেন?—ইহা না করিলে যে বিজ্ঞানসিদ্ধান্ত পঞ্জিকার অশুদ্ধ অয়নগতিকে বিজ্ঞান বলা যাইতে পারে না। ১০৭২ শকে ভাস্করাচার্য্য ঐ প্রণালীতে অয়নাংশ ১১ প্রাপ্ত হইয়া থাকিলে উহা সূর্য্যগতির মূল ভ্রমের উপর স্থাপিত জানিয়াও অণ্ড উহা 'নক্ষত্র' স্বরূপে গ্রহণ করিয়া, কেন যে কৃতার্থমন্য হইতে হইবে বুঝা গেল না। ৬৫১ বৎসরে ১১ অংশ হইলে বার্ষিক অয়নগতি ৬০.৮ বিকলা হয়, তৎস্থলে অয়নগতি ৫৮.৭ বিকলা গ্রহণ করার 'সর্বপ্রত্যক্ষ দর্শিবাণের মর্য্যাদা কোথায় রক্ষা হইল?

চতুর্থতঃ আশুবাবু বলিয়াছেন, সূর্য্যসিদ্ধান্তের বর্ষমান লইয়া পঞ্জিকা বিজ্ঞান সম্মত রাখিতে হইলে, অয়নাংশ ২২।৩৩ রাখিতে হয়। এই বর্ষমান গ্রহণ করার বৈজ্ঞানিক হেতুবাদ স্পষ্ট নহে। স্থূল বর্ষমান গৃহীত হইলেও মিথ্যা অয়নাংশ গ্রহণ করার রীতি নাই। যাহারা গ্রেগেরিয়ান সৌর বর্ষমান লইয়াছেন, কিম্বা জুলিয়ান বর্ষমান ব্যবহার করার দোষ দেখিতে পান না, তাঁহারাও অয়নগতির ৫০.২৫ বিকলার অধিক বলিতে সাহসী হইন নাই। ঐ সকল কল্পিত বর্ষমানের সহিত প্রকৃত সূর্য্যের অবস্থানের ঐক্য নাই। বর্ষমানের ভ্রমটা অয়নাংশের স্বল্পে চাপাইয়া দিয়া প্রকৃত বিষয়ের বিকলচরণ

করিতে কেহই সক্ষম হন নাই। অয়নাংশ যে একটি নির্দিষ্ট বিষয়, উহার গতি যে প্রকৃতই বাস্তব—এবং কল্পনার সহিত দূরতর সম্বন্ধও নাই—তাহা প্রকৃত বিজ্ঞান সেবকের হৃদয়ে জ্বলন্তমান আছে। মেঘ-সংক্রমণ-কালীন ঘট উৎসর্গের বিভীষিকা তাঁহাদের মানস পটে উদিত হয় নাই; সমাজ-সংস্কারের প্রতিষ্ঠাতা তাঁহাদের হৃদয় অধিকার করিতে পারেন নাই, এবং তাঁহাদের স্বাধীন অস্তরে বোধে-মভার কাল্পনিক আদেশ প্রবেশ লাভ করে নাই। তাঁহাদের নিকট পরম সত্যই একমাত্র আরাধ্য দেবতা—উহাই তাঁহাদের কাছে ভগবদা-দেশ। অতএব আমাদের দৃঢ় ধারণা, অচিরেই আশুবাবুর এই ভ্রমপূর্ণ অয়নগতির পরিবর্তন অবশ্যস্বাভাবী। বিজ্ঞান ব্যক্তিবিশেষের সম্মতি অসম্মতির অপেক্ষা করে না এবং বৃথা কল্পনার প্রশ্রয় দেয় না। একটি ভ্রমপূর্ণ বর্ষমানের অমুরোধে, নিরয়ণ ধ্রুব আদি বিন্দুতে গতিশীলতা আরোপ করিয়া কো-অর্ডিনেট পরিবর্তন প্রভৃতির আচ্ছাদনে, সমর্থন করিতে প্রবৃত্ত হওয়া বিজ্ঞান শ্রাব্য বিষয় মনে করে না। আদৌ সংজ্ঞা কল্পিত হইতে পারে, কিন্তু উহা প্রয়োগ কালে পরিবর্তন করা অবিধেয়। সূর্যাসিক্কাতে যখন খগোলে নির্দিষ্ট ধ্রুব স্থানে রবির পুনরাবর্তন কালকে সৌরবর্ষমান বলা হইয়াছে; তখন আবার ঐ কাল নিরূপণের স্থূলতা কি ভ্রম প্রযুক্ত, ঐ স্থূল কি ভ্রান্ত সময় অস্তে সূর্য যেখানে আসিবে, তাহাকে খগোলের ঐ নির্দিষ্ট ধ্রুববিন্দু বলা যাউতে পারে না। এরূপ হইলে, যে কোন ব্যক্তিই সার রবার্টসনের সর্কসম্মতি বিশিষ্ট বিষুবস্থ স্থিত রবিবস্তুর বিন্দুকে সাগন মেঘাদি না বলিয়া কো-অর্ডিনেটের আকারান্তরে অন্যত্র লইতে পারে। এই সংজ্ঞাপরিবর্তন অনিত অশুদ্ধিই অন্যন্তম ভ্রম। যেহেতু, ব্যবহার সময়ে, সংজ্ঞানুযায়ী সময় নির্ণয়ে প্রতিবন্ধকতা ঘটা অনিবার্য।

পরিশেষে আশুবাবু বুঝাইতে প্রয়াস পাইয়াছেন যে, বিশুদ্ধ সিদ্ধান্ত পঞ্জিকায় যখন লেখা আছে যে, তাঁহাদের বর্ষমান অশুদ্ধ এবং উহা শুদ্ধ করিয়া লইতে হইবে; তখন উহা বিজ্ঞান সিদ্ধ হইয়া গিয়াছে। প্রচলিত পঞ্জিকাকারগণ যখন বলিয়া থাকেন যে তাঁহাদের গণনাদি শাস্ত্র সম্মত; পাশ্চাত্য মতের নহে, পাশ্চাত্য মতে করিতে হইলে শোধন করিয়া লইতে হইবে, তখন তাঁহাদেরও পঞ্জিকাগুলিকে কি বৈজ্ঞানিক

বলিতে হইবে? ইহা বৈজ্ঞানিক শব্দের বাখ্যার আশ্চর্য্য পরিবর্তন (transformation) ।

উপরোক্ত আলোচনায় ইহাই প্রকাশ পাইয়াছে যে, (১) বিশুদ্ধ সিদ্ধান্ত পঞ্জিকার গ্রহক্ষুটে কল্পিত অয়নাংশ যোগ করিলে সায়ন পাশ্চাত্য গ্রহক্ষুট হয় বলিয়া, ঐ অয়নাংশ বিজ্ঞান সিদ্ধ বলা যায় না, যেহেতু ইহাতে যে কোন অকই অয়নাংশ বলা যাউতে পারিবে, অথচ অয়নগতি সমুচ্চয়ে অয়নাংশ বলিয়া, অবিশুদ্ধ অয়নগতি মূলক বিবেচনায় প্রকৃত বিজ্ঞান সম্মত হইতে পারে না। (২) ঐ পঞ্জিকার অয়নাংশ ও অয়নগতি কতিপয় ব্যক্তি ভিন্ন উদ্দেশ্যে স্বীকার করিলেও, সর্ববাদিসম্মত নহে এবং অয়নগতি ৫৮'৭ বিকলা অবাস্তব বলিয়া দৃক্বিরুদ্ধ এবং অবশ্য পরিবর্তনীয় বলিয়া লোকে বুঝিয়াছে। (৩) বিশুদ্ধ সিদ্ধান্ত পঞ্জিকায় সূর্যাসিদ্ধান্ত ৭ সিদ্ধান্ত শিরোমণির মূল উক্তি ও প্রকৃত মর্ম্মের প্রতি লক্ষ্য না করিয়া এই অয়নাংশ ও অয়নগতি নির্ণীত হওয়ায় উহা সংজ্ঞাপরিবর্তনজনিত ভ্রমপূর্ণ হইয়াছে; যেহেতু সায়ন মতে কোন যোগ তারাটী বার্ষিক পরিবর্তন ৫৮'৭ বিকলা হয় না। (৪) সূর্যাসিদ্ধান্তের বর্ষমান গৃহীত হইয়াছে বলিয়া উহাকে নিরয়ণ সৌরবর্ষমান বিবেচনা করত উহার ভ্রম অয়নাংশের স্কন্ধে চাপাইয়া দেওয়া বৈধ হয় নাই; যেহেতু উহার পরিবর্তনের জন্ত আশুবাবু প্রথম সুযোগ অব্বেষণ করিতেছেন। তথাপি এই অয়নাংশ ও অয়নগতিকে বিজ্ঞানসিদ্ধ, কাজেই অত্রান্ত ঐব সত্য বলিতে হইবে। ইহারই নাম অধিকারিত্ব এবং প্রকৃত বিচার নিদর্শন—সমস্যা বড়ই কঠিন, কিন্তু মীমাংসা অতি সহজসাধ্য। তবে আশুবাবু এতদিনে যখন তদীয় পঞ্জিকার অশুদ্ধ বর্ষমান পরিবর্তনের আবশ্যিকতা উপলব্ধি করিতে পারিয়াছেন, তখন সহরেই তাঁহার সত্যের ও বিজ্ঞানের কেন্দ্রের পরিবর্তন ঘটবে, ইহাই আশা-প্রদ।

শ্রীসাতকড়ি সিদ্ধান্ত-জ্যোতির্ভূষণ ।

মিথিলার প্রাচীন কাহিনী

(পূর্ব প্রকাশিতের পর)

অতঃপর রামসিংহদেব পিতৃসিংহাসনে অধিরোহণ করিলেন। তিনি পরম ধার্মিক। পবিত্র সাহিত্যের একজন বিশেষ পৃষ্ঠপোষক ছিলেন। তাঁহারই তত্ত্বাবধানে বেদের কতকগুলি ভাষা সংকলিত হয়। হিন্দুগণ কিপ্রকার ধর্ম কার্য ও সামাজিক ব্যাপার গ্রহণ করিবে তাহার বিধান প্রণীত হইল। প্রতিগ্রামে তজ্জন্ম একজন করিয়া তৎবিষয়ের উপদেষ্টা নিযুক্ত হইলেন। তিনিই ধর্ম কার্যের বিধান প্রদান করিবেন। এই নরপতি সামাজিক বহু ব্যবস্থা করিয়া দেশের এবং দণের মহত্বপকার সাধন করিয়াছিলেন। তিনি রাজ্য, ধর্ম সকল বিষয়েরই সুব্যবস্থা করিয়াছিলেন। তিনি প্রত্যেক গ্রামে একজন করিয়া পুলিশ বা শাস্তিরক্ষক নিযুক্ত করিলেন। উক্ত কর্মচারী সেই গ্রামের উল্লেখযোগ্য ঘটনার প্রাত্যহিক বিবরণ লিপিবদ্ধ করিয়া সেই বিভাগীয় চৌধুরীর নিকট প্রেরণ করিবেন। অথবা রাজস্ব আদায়ের প্রধানকর্মচারীর নিকট উক্ত বিবরণ প্রেরণ করিতে হইবে। উক্ত পুলিশ কর্মচারী তজ্জন্ম রাজার নিকট হইতে বেতনের পরিবর্তে পুরুষানুক্রমে কতিপয় জমি ভোগ দখল করিবে। তাঁহার বহুতর গ্রাম্য সরকার থাকিত; তাহারা হিসাবরক্ষকের কার্য করিত এবং প্রত্যেকে মাসিক দশ টাকা বেতন প্রাপ্ত হইত। বর্তমান সময়ে এই প্রকার নরপতি প্রায় দৃষ্ট হয় না।

রামসিংহদেবের মৃত্যুর পর শক্তিসিংহদেব সিংহাসন অধিকার করেন। তাঁহার ঔকত্যে উচ্চবংশীয় ব্যক্তিগণ ক্রুদ্ধ হইতে পারেন এইপ্রকার আলোচনা করিয়া তাঁহার অগ্রতম মন্ত্রী সপ্তজন সম্ভ্রান্ত ব্যক্তি দ্বারা একটি সমিতি গঠিত করিলেন। উক্ত সমিতি দ্বারা রাজার স্বেচ্ছাচারিত দমিত হইয়াছিল। তদীয় তনয় হরসিংহ দেব শেব নরপতি ছিলেন। তিনি বর্তমান দ্বারবন্দ জেলায় হরহি নামক একটি দীর্ঘিকা খনন করাইয়াছিলেন। তিনি সাধারণের জন্ম উক্ত জেলায় আরও একটি দীর্ঘিকা খনন করাইয়াছিলেন। তিনি তাঁহার রাজ্য মধ্যে ব্রাহ্মণ ও কায়স্থগণের জাতীয় উপবিভাগের সৃষ্টি করেন।

পাঠানরাজ ভোগলক সাহ বঙ্গদেশের রাজবিদ্রোহী শাসনকর্তা বাহাদুরসাকে পরাজিত ও শাসিত করিয়া দিল্লী অভিমুখে প্রত্যাবর্তন করিবার সময় বিজয়োৎ-ফুল্লাবাহিনী লইয়া ত্রিছতরাজ্য আক্রমণ করিলেন । রাজা হরসিংহের দুর্গ পাঠানাধিকৃত হইল । রাজা উত্তরাভিমুখে পলায়ন করিয়া নেপাল উপত্যকা অধিকার করিয়া বসতি করিতে লাগিলেন । কেহ কেহ বলেন, হরসিংহ ও তদীয় বংশধরগণ ষাঁহার ত্রিছত, শিমরাউন অধিকার করিয়াছিলেন, তাঁহারাই সম্ভবতঃ নেপাল সাম্রাজ্য অধিকার করিয়া থাকিবেন এবং নেপাল তরাইও সম্ভবতঃ তাঁহাদের রাজ্যভুক্ত করিয়া থাকিবে । *

হরসিংহের রাজ্যত্যাগের পর হইতেই ত্রিছত দিল্লী সাম্রাজ্যের অন্তর্ভুক্ত হইল । ভোগলক সা ঠাকুর বংশের আদি পুরুষ কামেশ্বর ঠাকুরকে উক্ত ত্রিছত সাম্রাজ্য প্রদান করেন । তিনি ষোড়শ শতাব্দী পর্য্যন্ত তথায় রাজত্ব করেন । তখন এই স্থানে হিন্দুসামন্তবর্গকে পাঠান সম্রাট অথবা তাড়ন বা উৎপীড়ন করিতেন না । পরন্তু অধিকাংশ স্থলেই নিত্য নূতন শাসনকর্তার সমাবেশ দৃষ্ট হইত । বস্তুতঃ ত্রিছতের শাসনকর্তৃগণ পাঠান সম্রাটের অধীন হইলেও তাঁহার স্বাধীনভাবেই কার্য করিতে পারিতেন । তবে বার্ষিক কর পাঠানসম্রাটকে প্রদান করিলেই সকল দোষ কাটিয়া যাইত । ১৩৫৩ খ্রীষ্টাব্দে ফিরোজ সা কামেশ্বরের হস্ত হইতে রাজ্য কাড়িয়া লইয়া তদীয় কনিষ্ঠ ভ্রাতা ভোগীশ্বরকে প্রদান করেন । সম্রাট্ ফিরোজ সা কি দোষে যে কামেশ্বরের হস্ত হইতে রাজ্য কাড়িয়া লয়েন তাহা অবগত হওয়া যায় না । এই মাত্র কারণ জানিতে পারা গিয়াছে যে, ভোগীশ্বর ফেরোজের প্রিয়বন্ধু ছিলেন । ভোগীশ্বরের পর কীর্তি সিংহ উক্ত সিংহাসনে আরূঢ় হইলেন । তিনিও ভোগীশ্বরের জ্যেষ্ঠপুত্র ছিলেন না । তিনি দিল্লীতে গমন করিয়া সম্রাটের সহিত ষড়যন্ত্র করিয়া এই কার্য করিয়াছিলেন । এই বংশের সর্বাধিপতি উল্লেখযোগ্য নরপতি শিবসিংহ । তিনি দেখিলেন পরাধীন থাকিয়া রাজত্ব করা নিতান্ত কষ্টকর । সুতরাং তিনি ১৪০২ খ্রীঃ বিদ্রোহী হইলেন এবং ঐ বৎসরই আপনাকে স্বাধীন রাজা বলিয়া ঘোষণা

* Vide History of Nepal and surrounding kingdoms by 'Professor C. Bendall, J. A. S. B. vol. LXXII, Part I (1903).

করিলেন। পরন্তু এই প্রকার তিন বৎসর কাটিয়া গেল। অবশেষে মুসলমান-গণ যুদ্ধে পরাজিত করিয়া তাঁহাকে দিল্লীতে কারারুদ্ধ করিয়া রাখিল। অনন্তর তাঁহার মহিষী লখিমা ঠাকুরাণী কবিবিদ্যাপতিকে সঙ্গে লইয়া নেপাল রাজ্যের মধ্যবর্তী জনকপুরের সন্নিকটে বনাউলীতে (Bonauli) আশ্রয় গ্রহণ করিলেন। অবশেষে তথায় তিনি ছাদশবর্ষ অতিবাহিত করিয়া স্বামীর কোন প্রকার সংবাদ অবগত না হইয়া চিতানলে “সতী” হইলেন। এই প্রকারে রাজা ও রাণীর জীবনে যবনিকার পতন হইল। রাজা শিবসিংহ “রাজবাড়ী”তে একটি দীর্ঘিকা খনন করাইয়াছিলেন। লোকে উক্ত দীর্ঘিকা লক্ষ্য করিয়া অধুনা শিবসিংহের নাম করিয়া থাকে। তাঁহার সম্বন্ধে স্থানীয় বহুপ্রবাদ প্রচলিত আছে, যথা :—শিবসিংহের নির্মিত “রাজবাড়ী” যথার্থ দীর্ঘিকা, আর যে সকল দীর্ঘিকা নয়নগোচর হয় তাহা দীর্ঘিকা নামের যোগ্য নহে, সে সকল “ডোবা”। শিবসিংহই প্রকৃত রাজপদবাচ্য অন্ত সকল রাজা নহেন, তাঁহারা সামন্তরাজ বলিয়া কথিত। পরন্তু শিবসিংহের যশের হেতু এই যে, তিনি প্রকৃত বিদ্যামুরাগী ও শিক্ষার পৃষ্ঠপোষক ছিলেন। তাঁহার মহিষী লখিমা দেবীও ভারতবর্ষের মধ্যে তৎকালে অদ্বিতীয় বিদুষী ছিলেন। বিদ্যাবৃত্তায় রাজা ও তৎমহিষী বিশেষ কৃতিত্ব প্রদর্শন করিয়াছিলেন। রাজা শিবসিংহের রাজসভা সর্বদা সুধী, পণ্ডিত, কবি এবং গুণিগণ দ্বারা পরিপূর্ণ থাকিত। স্বয়ং নরপতি তাঁহাদের সমাদরে নিয়ত পরিতুষ্ট করিয়া গুণের পুরস্কারস্বরূপ অর্থ, সম্পত্তি প্রভৃতি দ্বারা প্রোৎসাহিত করিতেন। তাঁহার সভাকবি বিদ্যাপতি ঠাকুর তন্মধ্যে বিশেষ উল্লেখযোগ্য। তিনি উক্ত সভায় যথেষ্ট খ্যাতি এবং প্রতিপত্তি লাভ করিয়াছিলেন। সেন রাজ্যগণের দ্বারা তাঁহারাও সৈন্ত সংগ্রহের পরিবর্তে দেশময় কবিতা সংগ্রহে ব্যাপৃত ছিলেন। এই ব্রাহ্মণ রাজগণ শিক্ষা ও কলাবিদ্যা আলোচনার প্রসার কল্পে গুণী ব্যক্তিদিগকে প্রভূত পুরস্কার প্রদান করিতেন। তাঁহারা বিদ্যাশিক্ষায় উৎসাহ প্রদানে কৃপণ ছিলেন না। তাঁহাদের সভা প্রকৃতই সংস্কৃত সাহিত্যের ও অলঙ্কারের লীলাভূমি ছিল। তাঁহারা পবিত্র ধর্ম পুস্তক এবং কবিতা পাঠে অহোরাত্র নিযুক্ত থাকিতেন। * রাজা শিবসিংহ কে বিদ্যাপতিকে

বিপদের আশঙ্কা ছিল না। সুতরাং মুসলমান শাসনের চিহ্ন কেবল হাজিপুর অঞ্চলেই দৃষ্ট হইয়া থাকে। হাজিপুর বঙ্গদেশের রাজা হাজিইলিয়াসের নামে স্থাপিত হইয়াছিল। তিনি বাঙ্গালায় ১৩৪৫-৫৮ খ্রীষ্টাব্দ পর্য্যন্ত রাজত্ব করিয়াছিলেন। কিয়ৎদিন পরে তিনি বাঙ্গালা ও দিল্লীর সীমান্ত প্রদেশ ত্রিহত ধ্বংস করিলেন এবং তৎস্থানের দুর্দান্ত ব্যক্তিগণকে স্ববশে আনয়ন করিবার জন্ত একটি উত্তম দুর্গ নির্মাণ করিলেন। দিল্লীতে এই সংবাদ প্রচারিত হইল। হাজিইলিয়াসকে শাসন করিবার জন্ত দিল্লী হইতে ফিরোজসা সৈন্যে সমুপস্থিত হইলেন। তিনি অমিত বিক্রমে ত্রিহত আক্রমণ করিলেন। হাজি ইলিয়াস উপায়ান্তর না দেখিয়া পাণ্ডুয়ায় পলায়ন করিলেন। অবশেষে ফিরোজ সা তাঁহাকে সম্পূর্ণরূপে পরাজিত করিয়া ত্রিহতে কর্মচারী নিযুক্ত করিয়া দিল্লী প্রত্যাগমন করিলেন।

অবশেষে সেকেন্দর লোদী দিল্লীর সিংহাসনে আসীন হইয়া বঙ্গদেশের রাজা হুসেনসাকে পরাজিত করিবার মানসে সৈন্য প্রেরণ করিলেন। হুসেন সা কালবিলম্ব না করিয়া বাঢ় (Barh) নামক স্থানে সত্রাটের সহিত সন্ধি-শূত্রে আবদ্ধ হইলেন। তাহাতে এইরূপ স্থির হইল যে, বঙ্গাধিপ হুসেন সা বিহার, ত্রিহত এবং সারণ দিল্লীর সত্রাটকে প্রদান করিবেন। কিন্তু সত্রাট আর কখনও হুসেনসার বঙ্গরাজ্য আক্রমণ করিতে পারিবেন না। ত্রিহতরাজ এই প্রকার সন্ধির সঠক অবগত হইয়া তৎক্ষণাৎ সত্রাট সেকেন্দরের বশতা স্বীকার করিয়া কতিপয় লক্ষ মুদ্রা সেলামী স্বরূপ প্রদান করিলেন। *

বঙ্গাধিপ এবং ত্রিহতরাজ অধিক দিন নিরাপদে থাকিতে পারিলেন না। ষোড়শ শতাব্দীতে নসরৎ সা (১৫১৮-৩২ খ্রীঃ) ত্রিহত আক্রমণ করিয়া দর্প-নারায়ণের কনিষ্ঠ পুত্র হরিনারায়ণ ওরফে ভৈরবসিংহকে পরাজিত ও নিহত করিলেন। অতঃপর সেখানে তাঁহার জামাতা আলাউদ্দিনকে শাসনকর্ত্তা নিযুক্ত করিলেন। পরিশেষে তিনি হাজিপুর আক্রমণ করিয়া তথায় তাঁহার অপর জামাতা মুখদাম আলীকে শাসনকর্ত্তা নিযুক্ত করিলেন। তথায় এই প্রকারে নানা গোলযোগ ঘটিল।

* Elliot's History of India, page 96.

অনন্তর সম্রাট আকবরের রাজত্বকালে স্বয়ং সম্রাট বাঙ্গালা দেশ নিজ করায়ত্ত করিয়া ত্রিছত দিল্লীর সুবা মধ্যে পরিগণিত করিলেন । অবশেষে ১৭৬৪ খ্রীঃ পর্যন্ত ত্রিছত রাজ্য আর কোন গোলযোগই হয় নাই । উক্ত খৃষ্টাব্দের শেষে ত্রিছত প্রভৃতি অঞ্চলে দস্যাগণের পূর্ণ অধিকার হইল । অবশেষে ইংরাজ ও নেপাল গভর্নমেন্টের সাহায্যে দস্যুভীতি বিদূরিত হইল ।

যাহা হউক, মিথিলা রাজ্যে নৈন্য সংগ্রহে যত্ন করা হইত না । তাহার পরিবর্তে শিক্ষা বিস্তার কল্পে স্বয়ং নরপতি বন্ধপরিষ্কার হইয়াছিলেন । তাহার ফলে তৎস্থান বিদ্যার কেন্দ্রস্থান হইয়া উঠিল । মিথিলা বীরত্বের আবাসভূমি নহে, উহা সরস্বতীর লীলানিকেতন । তথায় সময় বিজয়ের আবশ্যক হয় নাই, পরন্তু বিশ্ববিজয়ী গুণিগণের পূর্ণ বিকাশ হইয়াছিল । বহু স্বনামধন্য মনীষী মিথিলা ভূমি হইতে মহামূল্য রত্ন কেবল ভারতবর্ষ কেন জগৎবাসীকে প্রদান করিয়া গিয়াছেন । ষিঙখৃষ্টের আবির্ভাবের সহস্র বর্ষ পূর্বে মিথিলা হিন্দুশাস্ত্র শিক্ষার কেন্দ্রভূমি ছিল । খৃষ্টীয় চতুর্থ শতাব্দীর পূর্বে বৈশালী বৌদ্ধধর্মের কেন্দ্রভূমি ছিল । অবশেষে তথা হইতে বৌদ্ধধর্ম অন্তর্মিত হইলে, মিথিলা পুনর্বার জ্ঞান গরিমায় উৎফুল্ল হইয়া উঠিয়াছিল । উহা খৃষ্টীয় পঞ্চম শতাব্দীর পূর্বের কথা । যে সময় মুসলমান বন্যায় বিহার প্রদেশ প্রাবিত হইতেছিল, তখনও মিথিলা শিক্ষা-বিস্তারে স্বীয় প্রাধান্য রক্ষা করিয়াছিল । সে কার্য্য অবিরাম গতিতে চলিতেছিল । তখনও কাব্য-রসে মিথিলা প্রাবিত হইতেছিল । শিক্ষিত জনগণের অবিরত সমাগমে মিথিলা তখনও ভারতবর্ষের গৌরবের বিষয় ছিল । নিতান্ত আশ্চর্য্যের বিষয় এই যে, তথায় অবিরত শাস্ত্রালোচনা ও শিক্ষিতগণের গুণ গরিমা পরিবর্দ্ধন করিবার জন্য স্বয়ং নরপতি বিনিযুক্ত ছিলেন । তদীয় প্রজাগণও সেই সুরস পান করিয়া কৃতার্থ হইয়াছিলেন । কারণ, তথায় এই সুদীর্ঘ সময়ের মধ্যে কোন রাষ্ট্রবিপ্লব, ধর্মবিপ্লব বা অপর কোন অশান্তির কারণই উত্থিত হয় নাই, ইহাও ভগবানের কৃপা ভিন্ন অপর কিছুই নহে । বস্তুতঃ প্রজাগণ শিক্ষারসের আনন্দ প্রাপ্ত হইলে অপর কোন অশান্তিই তাহাদের হৃদয়মন্দিরকে উদ্বেলিত করে না । পূর্বে যে মিথিলার অবস্রকার উন্নতি লক্ষিত হইত, তাহা কালের কুটিল গতিতে বিপত্তির গর্ভে বিলীন হইয়া গিয়াছে ।

প্রণয়-পারিজাত ।

১ বা
বসন্তসেনা ।*

(১)

“তপসা মনসা বাগ্ভিঃ পূজিতা বলিকর্ম্মভিঃ ।

তুষ্যন্তি গৃহিণাং রিত্যাং দেবতাঃ কিং বিচারিতৈঃ ॥”

উজ্জয়িনী অতি প্রাচীন সমৃদ্ধিশালিনী নগরী। চারুদত্ত নামক এক ব্রাহ্মণ এই মহানগরীর অতুল ভূষণ স্বরূপ ছিলেন। তরুগণ ফলশালী হইলেই অবনত হইয়া থাকে, কিন্তু ফলবিহীন বৃক্ষ আর অবনত থাকে না; এই গুণেই ধন-গর্কিত মানব অপেক্ষা ইহারা শ্রেষ্ঠ। চারুদত্ত নিজ বিনীততায় এই তরুরাজিকেও অতিক্রম করিয়াছিলেন, তিনি ধন থাকিতে যেরূপ বিনীত ছিলেন, নিধন অবস্থায়ও সেইরূপ লোকপ্রিয় ও বিনয়-বিনয় ছিলেন।

চারুদত্তের পূর্বপুরুষগণ উজ্জয়িনীর শ্রেষ্ঠ পল্লীতে বাস করিয়া বাণিজ্য ব্যবসায় আপনাদের অবস্থার অত্যন্নতি সাধন করিয়াছিলেন। তাঁহাদের অবর্তমানে চারুদত্ত সেই বিপুল ধনসম্পত্তির একমাত্র অধীশ্বর হইয়াছিলেন।

* “মৃচ্ছকটিক” সংস্কৃত ভাষার একখানি অত্যাৎকৃষ্ট নাটক :—কাব্যের লক্ষণ অনুসারে সংস্কৃত অলঙ্কার শাস্ত্রে ইহাকে নাটক না বলিয়া “প্রকরণ” বলা হইয়া থাকে। প্রসিদ্ধি আছে যে, মৃচ্ছকটিক অতি প্রাচীন নাটক, মহাকবি কালিদাস ও ভবভূতি প্রভৃতি কবিগণের শ্রাদ্ধ-ভাবেরও অনেক পূর্বে বিরচিত হইয়াছিল। ইদানীং মহাকবি ভাস-প্রণীত “চারুদত্ত” দেখিয়া অনেকের ধারণা হইয়াছে, ভাসের রচনা অবলম্বন পূর্বকই শূদ্রক স্বীয় মৃচ্ছকটিক প্রণয়ন করিয়াছিলেন। কিন্তু কার্যতঃ ভাসই পূর্বের হউন অথবা শূদ্রকই পরবর্তী হউন, পণ্ডিত গণপতি শাস্ত্রী যে ভাসের গ্রন্থাবলী প্রকাশ করিয়াছেন, তাহাতে “চারুদত্ত” অসম্পূর্ণ রহিয়াছে। এখন উহাই ভাসের রচিত, কি উহার পরবর্তী অংশ কালধর্ম্মে বিলুপ্ত হইয়াছে, তাহার নিশ্চয় নাই। বাহা হউক, বাহারা সংস্কৃত ভাষার এই মৃচ্ছকটিক অধ্যয়ন করিয়াছেন, তাহারা এই সরস কাব্য-প্রণেতাকে শতমুখে প্রশংসা না করিয়া থাকিতে পারেন না।

“চারুদত্ত” নামক সার্থবাহ (বণিক) ব্রাহ্মণ এই গ্রন্থের নায়ক ও অসামান্য রূপ ও গুণশালিনী বসন্তসেনা নামী বেণীপুত্রী ইহার নায়িকা। উভয়ের অলৌকিক প্রণয় উপাখ্যানেই এই গ্রন্থরত্ন বিরচিত হইয়াছে। সংস্কৃতে অনভিজ্ঞ সহস্র ব্যক্তিগণ এই অপাখিব করণ ও অপূর্ব প্রণয় উপাখ্যানের রসাবাদনে সমর্থ হইবেন, এই আশাতেই “মৃচ্ছকটিক” অবলম্বন পূর্বক এই “বসন্তসেনা” লিখিত হইয়াছে। ইহা পাঠে গ্রন্থকারের কাব্যের রস গ্রহণে পাঠক কিঞ্চিন্মাত্র সফল হইলেও যত্ন ও পরিশ্রম সার্থক বিবেচনা করিব। এহলে একথা বক্তব্য, এই প্রবন্ধে “মৃচ্ছকটিক” অবিকল অনুবাদ করা হয় নাই। লেখক।

চারুদত্তের নিতান্ত দয়ার শরীর, দীনহীন জনগণের দারিদ্র্যদুঃখ দর্শনমাত্র তাঁহার অকৃত্রিম দয়ার উৎস উদ্বেলিত হইয়া উঠিত । উপাধীন নিরাশ্রয় ব্যক্তি দর্শন মাত্র তিনি নিজের জীবন পণ করিয়াও তাহার দুঃখ নিবারণ করিতে যত্নপর হইতেন । অন্তর্দিকে স্বকীয় ধর্মকর্মের ও তাঁহার প্রবল অনুরাগ ছিল;—দেবতা অর্চনা ও অতিথি-সৎকার প্রভৃতি নিত্য কর্ম অনুষ্ঠানে তিনি সর্বদাই অবিচলিতমনা ছিলেন ।

এই সব গুণে চারুদত্তের প্রতি সাধারণ লোকে বড়ই সন্তুষ্ট ও অনুরক্ত ছিল :—কিন্তু এই ব্যাপার হইতেই চারুদত্তের অচলা কমলার আশ্রয় টলিল ! দান-ব্যাপারে তিনি প্রতি নিরতই মুক্তহস্ত ছিলেন, পক্ষান্তরে আয় পরিবৃদ্ধির উপায় কিছুমাত্রই দেখিতে পারিতেন না, অথবা তাহা জানিবার জ্ঞান কিঞ্চিৎমাত্র উৎসুক্যও তাঁহার ছিল না; তাঁহার ধারণা দৃঢ়বদ্ধ ছিল যে, কুবেরের গ্রায় স্বীয় অতুল ধনভাণ্ডার কখনও পরিক্ষীণ হইবে না । কিন্তু অবিশ্রান্ত সৎপাত্রে দান করিয়া চারুদত্ত অবশেষে কপর্দকপর হইয়া পড়িলেন ! এই অবস্থায় ক্রমে তাঁহার বাস-ভবন লোকসমাগমশূন্য হইতে লাগিল ! দাস দাসী, লোক জন, একে একে বিদায় গ্রহণ করিল ! অতিথিগণও দরিদ্র বোধে তাঁহার আশ্রয়ে আগমন করা পরিত্যাগ করিল ।

একদিন চারুদত্ত দেবতার অর্চনায় অভিনিবিষ্ট আছেন, এমন সময়ে তাঁহার অকৃত্রিম মিত্র মৈত্রেয় কোন বন্ধু-প্রদত্ত উত্তরীয় বস্ত্রসহ তাঁহার নিকটে আসিয়া উপস্থিত হইলেন । মৈত্রেয় দূর হইতে দেখিতে পাইলেন, চারুদত্ত পূজোপকরণ লইয়া গৃহ হইতে বহির্গত হইয়াছেন, আর অসময়ের একমাত্র সহচরী দাসী রদনিকা তাঁহার পশ্চাতে আছে । চারুদত্ত তৃণশূন্য দ্বারা সমাচ্ছাদিত নিজ গৃহ-প্রাঙ্গণ নিরীক্ষণ করিয়া অত্যন্ত দুঃখের সহিত দীর্ঘনিশ্বাস পরিত্যাগপূর্বক বলিতে লাগিলেন,—হায়, আমার সুনির্মল স্বচ্ছপ্রায় তৃণশূন্য গৃহপ্রাঙ্গণে বিনিক্রিপ্ত পূজার উপহারগুলি হংস ও সারস প্রভৃতি বিহঙ্গমগণ স্বচ্ছন্দে আগমন পূর্বক মুহূর্ত মধ্যে নিঃশেষ করিয়া ফেলিত, সেই গৃহপ্রাঙ্গণ এক্ষণে তৃণসমাচ্ছন্ন;—আর তাহার মধ্যে কীটদষ্ট বীজগুলি পতিত হইয়া পড়িয়া রহিয়াছে !

মৈত্রেয় নিকটে আসিয়া বন্ধুপ্রদত্ত উপহার বস্ত্র চারুদত্তের হস্তে সমর্পণ করিলেন, চারুদত্ত তাহা গ্রহণ করিয়া নিরতিশয় স্মিয়মাণ হইয়া রহিলেন ! “এক্ষণে আমার আর পূর্বের গ্রায় সৌভাগ্য নাই, তাহাতেই এই সময়ে বন্ধু

কর্তৃক এই উত্তরীয় প্রদত্ত হইয়াছে,”—এইরূপ চিন্তা করিয়া তিনি দীর্ঘনিশ্বাস পরিত্যাগ পূর্বক অধোমুখে রহিলেন !

মৈত্রেয় চাকরদত্তের তৎকালিক মানসিক অবস্থা বুঝিতে পারিয়া প্রবোধদান মানসে তাঁহাকে বলিলেন, ‘সখে, তুমি এত দুঃখিত হইলে কেন ? ধন চিরদিন এক হস্তে থাকে না। লক্ষ্মী চিরদিনই চঞ্চলা, কদাপি তিনি একস্থানে স্থির থাকিতে পারেন নাই ! যাহারা কৃপণ, সর্দ্যয়ে একান্ত পরাশ্রুত, তাহারাই বিশেষতঃ মা লক্ষ্মীর কৃপার পাত্র হইয়া থাকে। আরও দেখ, তুমি অসর্দ্যয় করিয়া অর্থের অপচয় কর নাই, সৎপাত্রে সর্দ্যয় করিয়া এইরূপ অবস্থাপন্ন হইলে, তাহা অপেক্ষা গৌরবের বিষয় আর কি হইতে পারে ?

চাকরদত্ত সাক্ষনয়নে মৈত্রেয়কে বলিলেন,—সখে, তুমি ভুল বুঝিয়াছ ;—অর্থহীন হইয়া এখন অর্থের অভাবে আমার এই কষ্ট ও শোকের উদয় হয় নাই ! কারণ সর্দ্যয়ে অর্থহীন হইয়াছি, সুতরাং তাহাতে আর আমার ক্ষোভের সম্ভাবনা কি আছে ? সখে, আজ আমার কি জন্ম এই কষ্ট উপস্থিত হইয়াছে, তাহা তুমি শুনিতে চাও ; তবে শোন ;—এখনও যে আমি পূর্বের মত নিজের ইচ্ছা অনুসারে ধন দান করিয়া দীন দুঃখী ব্যক্তিগণের অভাব বিমোচন করিতে সমর্থ হইতে পারিতেছি না, এই জন্যই আমার বিষাদ, ইহাতেই আমার দুঃখ সমুদ্র উদ্বেলিত হইয়া পড়িয়াছে ! দেখ, ষে রূপ মধুলোভী লমর, মধুহীন পুস্পের দিকে দৃষ্টিপাত করিয়াই অন্তর্জ চলিয়া যায়, সেইরূপ অতিথিগণও দূর হইতেই আমার শ্রীহীন আবাসগৃহের প্রতি বিষাদভরে চক্ষু ফিরাইয়া স্থানান্তরে গিয়া আশ্রয় গ্রহণ করিতেছে ! চির প্রতিপালিত অনুচরগণ আজ আমার গৃহ শূন্য করিয়া অন্তর্জ বাস করিতেছে। অধিক আর কি বলিব, একথা মুখে বলিতে আমার হৃদয় শতধা বিদীর্ণ হইয়া যায়, আজ আমি এরূপ নিঃস্ব—নিরন্ন হইয়া পড়িয়াছি যে তোমার স্তায় চিরসুস্থকেও, আগার এই ভাগ্যহীনতার জন্য, নিজভিকালক অন্ন জীবন ধারণ করিতে হইতেছে ! ইহা অপেক্ষা আমার দুর্ভাগ্যের আর কি পরিণতি বাকি আছে, তাহা কেবল বিধাতাই বলিতে পারেন !

মৈত্রেয় সাক্ষনা বাক্যে বলিলেন, সখে, তুমি স্থির হও। দৈবের উপরে কাহারও হাত নাই, জগতে এইরূপ অবস্থার পরিবর্তন চিরকাল হইতেই ঘটিয়া আসিতেছে ;• কেহই এ সংসারে চিরদিন এক অবস্থায় জীবন যাপন করিতে সমর্থ

হয় নাই । দেখ, যে ব্যক্তি অদ্য লক্ষপতি, দৈবছর্কিপাকে কাল সে পথের ভিখারী ;—আবার ভিখারীও অদৃষ্টবলে লক্ষপতি হইয়া পড়ে । আরও ভাবিয়া দেখ দেখি, তোমার এত দুঃখিত হওয়ার কি কোন কারণ আছে ? আজ তুমি নিজেকে কিসে অর্থহীন বলিয়া ভাবিতেছে ? এই বিশাল নগরী উজ্জয়িনী ষাঁহাকে স্বীয় অঙ্কে ধারণ করিয়া গৌরববিমণ্ডিতা—পরম সুভূষণে সুভূষিতা, সেই ব্যক্তি আবার দীন হীন কি প্রকারে হইতে পারে ? তোমার আশয়ে এখন আর পূর্বের মত সেইরূপ জনসমাগম নাই,—এই তোমার দুঃখের কারণ ! কিন্তু তোমাকর্তৃক সংস্থাপিত দেবালয় ও অন্নসত্র যে এখনও বহু দরিদ্র ব্যক্তি ক্ষুধায় অন্ন পাইয়া স্বীয় স্বীয় প্রাণ যাত্রা নির্বাহ করিতেছে ! আবার তোমাকর্তৃক খনিত কূপ ও সরোবর প্রভৃতি হইতে এই উজ্জয়িনীবাসী শত শত ব্যক্তি তৃষ্ণায় শীতল পানীয় জল প্রাপ্ত হইতেছে ! তবে আর তোমার এই শোক, এই তাপ কি জন্মে ? উজ্জয়িনীবাসী সকল লোকেই এখনও তোমাকে পূর্বের ন্যায়ই সম্মানপ্রদান করিয়া থাকেন ;—তবে ভাবিয়া দেখ দেখি, তোমার তুল্য ভাগ্যশীল ব্যক্তি আর কে আছে ?

চারুদত্ত বলিলেন, সখে, দারিদ্র্য অপেক্ষা এ জগতে দুঃখকর আর কি আছে ? দরিদ্র ব্যক্তির সহিত তাহার ধনবান্ সুহৃদ্বর্গের সম্বন্ধ বিচ্ছিন্ন হইয়া যায় ! ছরবস্থায় নিপতিত বন্ধুর সহিত সাক্ষাৎ করিয়া তাহাকে সময়োচিত সাহায্য প্রদান করা দূরে থাকুক, ভাগ্যবান্ বান্ধবের ভ্রমবশতঃ ও দরিদ্র সুহৃদের কথা শ্রুতিগোচর হইলে তিনি নিজের অপুণ্যের সঞ্চার হইল বলিয়াই বিবেচনা করিয়া থাকেন ! যদি নির্ধন হতশ্রীক ব্যক্তি কদাচিত্ ধনশালী সুহৃদের নেত্রপথবর্তী হয়, কি জানি পাছে স্বীয় দৈন্য জানাইয়া কিছু ষাঙ্কা করিতে পারে এই ভবিয়া ধনী বন্ধু বিপরীত পথ অবলম্বন পূর্বক তাহার নয়নপথের অদৃশ্য হইয়া থাকেন । দরিদ্র অবস্থা অনুসারে নিজের পূর্ব-গৌরব রক্ষা করিয়া চলিতে পারে না, সুতরাং সাধারণের নিকটে তাহাকে নিতান্ত লজ্জার ভাজন হইয়া পড়িতে হয় । লজ্জা আসিয়া আশ্রয় করিলে, সেই ব্যক্তিকে নিজের পৌরুষপরিচ্যুত হইতে হয় । পৌরুষহীন ব্যক্তি প্রতি-পদেই সাধারণের নিকটে অবমাননার পাত্ররূপে পরিগণিত হয় । “দেখ, এই অবমাননা হইতেই নির্বেদ, ও নির্বেদ হইতেই বিষাদ ও শোক জন্মিয়া থাকে ।

শোকাভিত্তিক ব্যক্তির বুদ্ধিব্রংশ হইয়া পড়ে। বুদ্ধিহীন ব্যক্তির ক্ষয় অবশ্যস্বাবী : তাহা হইলেই দেখ, সখে, একমাত্র নিধন হই সকল আপদের আশ্রয়।

মৈত্রেয় প্রবোধে সাধনা প্রদান করিয়া বলিলেন,—তুচ্ছ অর্থ, আগামী কাল পর্য্যন্তও যাহার অস্তিত্বের বিশ্বাস নাই,—সেইরূপ ক্ষণস্থায়ী জানিয়াও তাহার জন্য আর দুঃখ কর কেন ?

পূর্ব বৈভব স্মরণে দারুণ চিন্তায় উদ্বেলিত চারুদত্ত বলিলেন, সখে, দরিদ্রতা পুরুষের একমাত্র চিন্তার নিবাস স্থান। বল ত দরিদ্র ব্যক্তির চিন্তাশক্তির কি উপায় বর্তমান থাকিতে পারে ? কেবল অপরের অবজ্ঞার পাত্র নহে, দরিদ্র ব্যক্তি মিত্রদিগেরও অতিশয় ঘৃণাভাজন হইয়া থাকে। অথবা অন্যের কথা কি বলিব, দরিদ্রব্যক্তি আপনার গৃহেও সতত লঙ্কিত হইয়া মরণাধিক যন্ত্রণা পাইয়া থাকে ! পিতা বা মাতা, ভ্রাতা বা ভগ্নী, পুত্র বা কন্যা, দাস বা দাসী প্রভৃতি পরিবারস্থ কোন ব্যক্তিই তাহাকে মেহ, মমতা, ভক্তি বা প্রভুভাবে নিরীক্ষণ করে না,— তাহার প্রতি কাহারও কিছুমাত্র সমদুঃখশীলত্ব প্রাদুর্ভূত হয় না। অধিক আর কি বলিব, সুখ ও দুঃখের চিরসহচারিণী অর্দ্ধাঙ্গিণী জায়া হইতেও নিধন ব্যক্তি সর্বত্র মরণাধিক যন্ত্রণা প্রাপ্ত হইয়া থাকে। অসহ্য যন্ত্রণা পরম্পরায় বনবাসই নিজের শ্রেয়স্কর বলিয়া বিবেচনা করিয়া থাকে। অপর ব্যক্তিকৃত দুষ্কৃতির ভারও দৈবদুর্কিপাকনিবন্ধন তাহারই অঙ্গে আসিয়া আপতিত হইয়া থাকে ! হৃদয়ের প্রবল দাবানলস্বরূপ সুদুঃসহ গোক প্রভাবে অহর্নিশ সস্তাপিত হয়, কিন্তু একেবারে ভস্মীভূত হইয়া যায় না, যাহাতে জীবন অপগমে শান্তির স্মৃতিতল ছায়ায় বিশ্রামলাভে সমর্থ হইতে পারে !

সঙ্কলনে মৈত্রেয় বলিলেন, সখে, তুমি আর বিলাপ করিও না, তোমার এই সঙ্কলন আর্তনাদে এই মৈত্রেয়ের পাষণ্ড হৃদয়ও বিগলিত হইয়া যাইতেছে ! চিরদিন কাহারও একভাবে যায় না, বিশেষতঃ তোমার মত সর্বগুণশালী ব্যক্তিকে কখনও এই দীর্ঘকালব্যাপী দরিদ্রতার জগ্গ ব্যাকুলিত হইয়া কাটাঠিতে হইবে না। তোমার ভবিষ্যৎ শুভ অতি নিকটবর্তী বলিয়া জানিবে; দেবগণ নিশ্চয়ই তোমার মঙ্গল বিধান করিবেন ;—অতএব এখন স্থির হও।

সঙ্কলিত চারুদত্ত তখনও বলিতে লাগিলেন,—ঘনঘটাচ্ছন্ন অমানিশায় নিবিড়

জনশূন্য অরণ্যে পথিভ্রষ্ট পথিক, সুদূর জনপদস্থিত দীপালোকে ধেরূপ জীবন আশায় উৎফুল্ল হইয়া থাকে, চিরদুঃখগ্রস্ত ব্যক্তি পরিণামসুখভোগ ফলে তাহা হইতেও অধিক শান্তিসুখনন্দোন্নে সমর্থ হইয়া থাকে । কিন্তু যে ব্যক্তি সুখ-সম্পদের অধিকারী হওয়ার পরে ভাগ্যবিপর্যয়ে দারিদ্র্যদ্বিপীর বিশাল দংষ্ট্রা বিবরে চিরদিনের জগ্ন নিপতিত হয়, তাহার শরীর ধারণ করা বৃথা ;—কারণ জীবিত থাকিতেও সে মৃতব্যক্তির অবস্থাই ভোগ করিয়া থাকে !

এইরূপ মর্শ্বেভেদী পরিবেদনার পরে হস্তস্থিত পূজোপহার প্রদান করিয়া চারুদত্ত বলিলেন, সে যাহা হউক সখে, সময় অতীত হইয়া গিয়াছে । যাও তুমি চতুস্পথে গিয়া মাতৃদেবতাদিগকে এই বলি প্রদান করিয়া এস ; গৃহদেবতার পূজা আমি অগ্রেই সম্পন্ন করিয়াছি ।

চারুদত্তের এই কথায় মৈত্রেয় বাধা দিয়া তাঁহাকে বলিলেন, একান্ত মনে দেবতার অর্চনা করিয়াও তোমার এই সর্বস্বাস্ত্ররূপ সমৃদ্ধি লাভই দেখিতে পাইতেছি ! উহাই যদি দেব-আরাধনার পরিণাম, তবে আর ঐ বিড়ম্বনা স্বীকার করা কেন ?

চারুদত্ত বাধা দিয়া বলিলেন—অমন কথা মুখেও আনিও না । মানব নিজ কৃতকর্মের ফলভোগ করে, তাহাতে ভাই আর দেবতার অপরাধ কি ! গৃহদেবতার অর্চনা করা গৃহস্থের নিত্যবিধি । কারমনোবাক্যে শুদ্ধাচারে নিত্য-দেবতার অর্চনা করিলে, তাঁহারা প্রসন্ন হইয়া থাকেন । সেই কর্তব্যকার্যে সংশয়বুদ্ধির আশ্রয় করিতে নাই ; অতএব যাও, তুমি শীঘ্র মাতৃদেবতাদিগকে পূজার উপহার প্রদান করিয়া এস ।

এতরাত্রিতে বাহিরে যাওয়ার নির্বন্ধে সরলমনা মৈত্রেয় বড়ই আপত্তি দেখাইয়া বলিলেন, ওহে এখন আর আমি কিছুতেই বাহিরে যাইতে পারিব না । তোমার যদি নিত্যস্তুই প্রয়োজন হয়, অল্প কাহাকেও পাঠাও । বাহিরের অবস্থা যে এখন কিরূপ তাহাত ঘরে বসিয়া কিছু দেখিতে পাও না ! রাজপথে কি এখন অপর লোক কিছুতেই গমনাগমন করিতে সমর্থ হইতে পারে ? এখন ত নিশাচরেরই রাঙ্কড় হইয়াছে । বাহির হইলেই দৌঁধিতে পাইবে, বেগা ও লম্পটেরা ছটাছটি করিয়া বেড়াইতেছে ! যেমন আলস্যের ছায়ায় দিক্‌ভ্রম হয়, ডান ও বাম জ্ঞান থাকে না, আমার মতন লোকও ত এই বেটাদের গোলক ধারণ

পড়িয়া তাই হইয়া পড়িবে ! এই পাণ্ডুলার কাণ্ডকারখানার সংবাদ তুমি কিছুমাত্রও রাখ কি ? ব্যাং যেমন সাপের মুখে পড়ে, পথে এই রাত্রি বেলায় বাহির হইয়া আমিও কি সেইরূপ ইহাদের গ্রাসে গিয়া পড়িব ? তোমার মনের ভাবটা কি বল দেখি ?

চারুদত্ত বলিলেন, আচ্ছা, তুমি আর একটু অপেক্ষা কর, আগে আমি জপটা সারিয়া লই । জপ সমাধানান্তে পুনর্বার বলিলেন, বয়স্তু, আমার জপ শেষ হইয়াছে । যাও, এক্ষণে তুমি বাহিরে যাইয়া মাতৃগণ বলি প্রদান করিয়া এস ।

এইরূপে পুনর্বার অনুরুদ্ধ হইয়াও মৈত্রের গমন করিতে অনিচ্ছা প্রকাশ করিলে, তাহাতে চারুদত্তের অতিশয় নিকের্দ উপস্থিত হইয়া পড়িল ! তিনি নিতান্ত অধৈর্যের সহিত বলিতে লাগিলেন, ধিক্, ধিক্, এই অবস্থাতে আমার মৃত্যুই শ্রেয়স্কর ! হায়, দরিদ্রদশায় নিতান্ত অনুগত ব্যক্তিও এইরূপে আদেশ লঙ্ঘন করিয়া থাকে ! সুতরাং এইরূপ ঘটবার পূর্বে মৃত্যুকে আশ্রয় করাই সেই হতভাগ্য মানবের পক্ষে পরম সৌভাগ্যের বিষয় । হে দারিদ্র্যাদশা, আমার এই বর্তমান অবস্থাতে একমাত্র তোমার জন্মই আমার শোক উপস্থিত হইয়াছে ; কেননা তুমি ত অকৃত্রিম সুহৃদের ঞায় বিশ্বস্তসূত্রে নিঃশঙ্কপ্রায় আমার এই জীর্ণশীর্ণ কঙ্কালশরীর আশ্রয় করিয়া রহিয়াছ, কিন্তু ভাই, বল ত, ভাগ্যের বিপর্যয়ে এই দেহের অবসান হইলে, এইরূপ সুখে তুমি শেষে আর কোথায় গিয়া অবস্থান করিতে সমর্থ হইবে ?

চারুদত্তের এই মর্মঘাতী বিলাপে মৈত্রের হৃদয় গ্রহি বড়ই বিদলিত হইয়া পড়িল । এক্ষণে আর তাঁহার চতুর্পথে যাইতে কোন আপত্তি রহিল না, কিন্তু দুর্বৃত্ত নিশালম্পটজনগণের হস্তে কথঞ্চিৎ উদ্ধার কামনা করিয়া তিনি চারুদত্তের নিকটে প্রার্থনা করিলেন, যদি রদনিকা সঙ্গে যায়, তাহা হইলে আর চতুর্পথে যাইতে তাঁহার কোন আপত্তি থাকিবে না ।

চারুদত্তের আদেশে অগ্রে প্রদীপ হস্তে রদনিকা ও তৎপশ্চাৎ পূজোপকরণ হস্তে মৈত্রের বহির্গমনের জন্ম প্রস্তুত হইলেন । বহির্দ্বার উদ্বাটিত হইবামাত্র কাঠারও ফুৎকারে রদনিকার হস্তস্থিত প্রদীপ নিকর্ষিত হইয়া পড়িল এবং উভয়ের অলক্ষিতেই সেই অন্ধকারে এক আগস্তক বেগে চারুদত্তের বাড়ীর অভ্যন্তরে প্রবেশ করিল ! কেহই এই ঘটনাকে লক্ষ্য করিতে সমর্থ হইলেন না । চারুদত্ত প্রদীপ নিভিয়া বাইবার কারণ জিজ্ঞাসা করিলে, মৈত্রের বলিলেন কপাট ত বন্ধই ছিল, তাহাতেই বাতাসগুলা একত্র জমাট বাধিয়া পড়িয়াছিল । যেমন দরজা খোলা পড়িয়াছে, আর সেগুলি খুব স্রোরে আসিয়া ঢুকিয়া পড়িয়াছে ; অমনি প্রদীপটাও নিবিয়া গিয়াছে ! যাহা হউক, রদনিকা, তুমি একটু বাহিরে দাঁড়াও, আমি ঘরে যাইয়া প্রদীপটা আবার জালিয়া আনিতেছি ।

শ্রীমথুরানাথ কাব্যভীর্ণ কবিচিন্তামণি ।

সমালোচনা ।

দ্বিজেন্দ্রলাল । শ্রীযুক্ত নবকৃষ্ণ ঘোষ, বি এ প্রণীত । মূল্য দেড় টাকা ।

ইহা স্বর্গীয় কবি দ্বিজেন্দ্রলাল রায়ের জীবন চরিত । দ্বিজেন্দ্রলাল ভাগ্যবান্ পুরুষ ; বাণীর পূজায় জীবন আরম্ভ করিয়াছিলেন, সেই পূজাতেই জীবন শেষ করিয়াছেন ; দেশবাসী তাঁহার পূজার মূল্য বুঝিয়াছে, তাঁহাকে হৃদয়ে স্থান দিয়াছে । শত শত বঙ্গবাসীর হৃদয়-উৎস নয়ন-দ্বারে প্রবাহিত হইয়া তাঁহার চিত্তাভঙ্গ্য বিধৌত করিয়াছিল । ইহা কয়জনের ভাগ্যে ঘটে ? দ্বিজেন্দ্রলালের আর এক সৌভাগ্য যে, নবকৃষ্ণ বাবু তাঁহার জীবনচরিত প্রণয়ন করিয়াছেন । নবকৃষ্ণ বাবু বঙ্গীয় সাহিত্য-সংসারে সুপরিচিত । আলোচ্য গ্রন্থখানিতে তাঁহার প্রতিষ্ঠা আরও বর্দ্ধিত হইবে । তিনি দ্বিজেন্দ্রলালকে ভালবাসেন, শ্রদ্ধা করেন ; কিন্তু তাই বলিয়া তাঁহার দোষের প্রতি অন্ধ নহেন । কবির চরিত্র ও রচনার সমালোচনায় তিনি অনেক অপ্রিয় সত্যও বলিয়াছেন । গ্রন্থ-সমালোচনায় তাঁহার সূক্ষ্ম দৃষ্টির যথেষ্ট পরিচয় পাওয়া যায় । দ্বিজেন্দ্রলালের পারিবারিক জীবন অপেক্ষা সাহিত্যিক জীবনেরই পরিচয় এই গ্রন্থ হইতে অধিক পাওয়া যায় । ইহাতে গ্রন্থের গৌরববৃদ্ধিই হইয়াছে । গ্রন্থকার দ্বিজেন্দ্রলালের বৈশিষ্ট্য দেখাইবার প্রয়াস পাইয়াছেন, এবং তাহাতে অনেকাংশে কৃতকার্য হইয়াছেন । কালের নিকষের গ্ৰায় গ্রন্থপরীক্ষার উৎকৃষ্ট উপায় আর নাই । দ্বিজেন্দ্রলালের গ্রন্থের সে পরীক্ষার সময় এখনও আসে নাই । আজ যাহাকে 'সোণা' বলি, কালে তাহা 'বেঙা পিতল' হইয়া দাঁড়ায় । দ্বিজেন্দ্রলালের অনেক জিনিসই এখনও সোণা, পরেও সোণা থাকিবে । কেন ? তাহা নবকৃষ্ণ বাবু সুন্দররূপে বুঝাইয়া দিয়াছেন । ভাষা ও ভাবে গ্রন্থখানি উপাদেয় হইয়াছে । আমরা প্রত্যেক সাহিত্য-সেবীকে ইহা পাঠ করিতে অনুরোধ করি ।



সুসঙ্গাধিপতি মহারাজ কুমুদচন্দ্র সিংহ

সাহিত্য-সংহিতা।

নবপর্ষ্যায়, ৫ম খণ্ড। ১৩২৩ সাল, কার্তিক। [৭ম সংখ্যা।

চীন ও হিন্দু সভ্যতা।

চীন ও হিন্দু এই দুই জাতির মধ্যে কোন্ জাতি অধিকতর প্রাচীন তাহা নির্ণয় করা সহজ নহে। হিন্দুগণ মনে করেন যে, তাঁহারা পৃথিবীর মধ্যে সর্বাপেক্ষা প্রাচীন জাতি। আবার চীনাগণ মনে মনে গর্ব করিয়া থাকেন যে, তাঁহাদের অপেক্ষা প্রাচীন সভ্য জাতি পৃথিবীতে আর নাই। চীন জাতির ৫০০০ বৎসরের লিখিত ইতিহাস পাওয়া যায়; কিন্তু হিন্দু জাতির কোন ধারা বাহিক প্রাচীন ইতিহাস নাই। বর্তমান অনুসন্ধানের ফলে ষত দূর জানা যাইতেছে তাহাতে বোধ হয় ইজিপ্টবাসিগণ পৃথিবীর সকল জাতি হইতে অধিক প্রাচীন। কারণ তথায় ভূগর্ভ হইতে সমাধি সকল উত্তোলন করত বিশেষজ্ঞেরা ঐ সকলের কোন কোন সমাধি যে দশ হাজার বৎসরের পূর্বে নির্মিত হইয়াছিল তাহার যথেষ্ট প্রমাণ পাইয়াছেন। আমাদের দেশে ঐ সম্বন্ধে একটা কথা বিশেষ ভাবে বিবেচনা করা কর্তব্য। আমাদের দেশে যে সত্য, ত্রেতা, দ্বাপর ও কলি বলিয়া চারি যুগের উল্লেখ আছে, সেই চারি যুগের বয়স হিসাব করিলে আমরা ইজিপ্ট অপেক্ষা বয়সে অনেক বড় হইব তাহার সন্দেহ নাই। এক কলিযুগের বয়সই প্রায় ৫০১৭ বৎসর হইল। সত্য, ত্রেতা, দ্বাপরের প্রত্যেকের বয়স কত হইয়াছিল তাহা জানিবার উপায় নাই। তবে প্রত্যেক যুগের বয়স যদি গড়ে ৫০০০ বৎসর ধরা যায়, তাহা হইলে হিন্দু জাতিও ২০০০০ বৎসর বয়সের দাবী করিতে পারেন। এ সকলই অনুমানের উপর নির্ভর

সাত্ৰ, ইজিপ্ট বা চীনদেশের মত আমাদিগেরও অতি প্রাচীন কালে যদি সমাধি-স্তম্ভ নিৰ্মাণ করিবার প্রথা প্রচলিত থাকিত, কি প্রস্তর বা তাম্রফলকে প্রধান প্রধান ঘটনা সকল লিখিয়া রাখিবার নিয়ম থাকিত, তাহা হইলে আমরাও আমাদিগের সভ্যতার কয়স নিৰ্ণয় করিতে সমর্থ হইতাম । বৌদ্ধ যুগের পূর্বে প্রস্তর বা তাম্রফলকে প্রসিদ্ধ ঘটনা সকল লিখিয়া রাখিবার প্রথা এ দেশে ছিল বলিয়া মনে হয় না । দেশ হইতে বৌদ্ধ ধর্মের তিরোভাবের সঙ্গে সঙ্গে এই প্রথা তিরোহিত হইয়াছে । যাহা হউক, এ প্রশ্নের মীমাংসা মাদৃশ লোকের সাধ্যাতীত ; ইহার মীমাংসা করাও এই প্রবন্ধের উদ্দেশ্য নহে ।

চীন ও ভারতীয় সভ্যতার তুলনা করিতে গেলে প্রধানতঃ নিম্নলিখিত কয়েকটি বিষয়ের আলোচনা কর্তব্য ।

১। ধর্ম । ২। সামাজিক রীতি । ৩। সাধারণশিক্ষা ও নীতিশিক্ষা ।
৪। শিল্প ও বাণিজ্য ।

১। ধর্ম—ভারতবর্ষে হিন্দু, বৌদ্ধ, জৈন, মুসলমান ও খৃষ্টীয়ান ধর্ম প্রচলিত । চীনে কনফুসার ধর্ম, তাও ধর্ম, বৌদ্ধ ধর্ম ও মুসলমান ধর্ম প্রচলিত । চীনে খৃষ্টীয়ানের সংখ্যা এত সামান্য যে তাহা নগণ্য । কনফুসা চীনের মনু ছিলেন । তিনি বুদ্ধদেবের প্রায় সমসাময়িক লোক ছিলেন । আমাদিগের মনুসংহিতানুসারে যেমন হিন্দুদিগের অনেক ধর্ম ও সামাজিক কার্য সম্পন্ন হইয়া থাকে, সেইরূপ কনফুসার সংহিতানুসারে চীনাগের ধর্ম, সমাজ ও রাজনৈতিক কার্যাদি নিষ্পন্ন হইয়া থাকে । আমাদিগের দেশের অধিকাংশ লোকের বিশ্বাস এই যে, চীনারা সকলেই বৌদ্ধ । কিন্তু তাহা ঠিক নহে । চীনাগের ধর্মমন্দিরে যেমন বুদ্ধমূর্তি স্থাপিত আছে, তাদৃশ অগ্ৰাণ্য বহুসংখ্যক দেব দেবীর মূর্তিও দেখিতে পাওয়া যায় । আমাদিগের দেশে যেমন শাক্তের বাড়ীতে শালগ্রাম শিলা ও শিবলিঙ্গ পূজিত হইয়া থাকেন, সেই মত চীনারা কনফুসার, তাও ধর্ম ও বুদ্ধ দেবের পূজা করিয়া থাকে । মূল কথা, এই তিন ধর্ম একত্র জড়িত । সুতরাং অধিকাংশ লোকই খাঁটি বৌদ্ধ নহে । খাঁটি বৌদ্ধ হইলে জীবহিংসা বা অপর দেবদেবীর উপাসনা করিতে পারে না । হিন্দুগণও পৌত্তলিক, চীনারাও পৌত্তলিক । চীন জাতিকে কেহ কেহ দুই শ্রেণীতে ভাগ করিয়া থাকেন, এক শ্রেণীকে হিন্দু চীনা ও অপর শ্রেণীকে

মুসলমান চীনা আখ্যা প্রদান করেন। চীনাদিগের জাতিভেদ নাই এবং খাদ্য বিচার নাই। তাহা হইলেও অনেক বিষয়ে চীনারা হিন্দুদিগের মত। নানা দেবদেবীর উপাসনা, গাছ পাথরের ও ভূত প্রেতের পূজা করা, পূর্ব পুরুষগণের শ্রদ্ধা করা, পূজা ও শ্রদ্ধাদিতে অন্ন ব্যঞ্জন প্রভৃতির দ্বারা ভোগ ও ভোজ্য প্রদানের রীতি, পিতা মাতার মৃত্যু হইলে নির্দিষ্ট কালের জন্ত অশৌচ গ্রহণ করা, দেবকার্যে ও শ্রদ্ধাদিতে অগ্নিতে আহুতি প্রদান করা, গৃহে ও মন্দিরে ধূপাদি জ্বালাইবার প্রথা চীন দেশে প্রচলিত আছে। তবে এক কথা এই যে, দুই জাতির পূজা ও শ্রদ্ধাদি করিবার পদ্ধতি এক প্রকার নহে। আমাদিগের দেশের মত কোন পর্কেপলক্ষ্যে মূর্তি গড়িয়া পূজা করিয়া পূজাস্তে সেই মূর্তি জলে বিসর্জন দিবার রীতি চীন দেশে নাই। চীন দেশে সমস্ত মন্দিরে স্থায়িতাবে দেবমূর্তি সকল স্থাপিত থাকে, তাহার আহ্বান ও বিসর্জন নাই। চীনারা কোন পর্কেপলক্ষ্যে মন্দিরে গিয়া ধূপাদি জ্বালাইয়া, বরাহ মাংস, কুক্কট মাংস, কিংবা অন্যান্য উপচার সহ অন্ন ভোগ দিয়া, জাহ্নু পাতিয়া প্রথম তিনবার প্রণাম করিয়া, করযোড়ে মন্ত্র উচ্চারণ করিয়া পুনরায় তিনবার প্রণাম করিয়া, পূজা সঙ্গ করে। অগ্নি জ্বালিয়া তাহাতে রূপা ও সোণালি রঙের কাগজ জ্বালাইয়া আহুতি প্রদান করে। বুদ্ধদেবের পূজায় শুদ্ধ শাস্ত্র ভাবে নিরামিষ ভোগ প্রদান করে। যেমন আমরা দুর্গা ও কালী পূজায় মাছ মাংসের ভোগ দিয়া থাকি, কিন্তু নারায়ণের ভোগ নিরামিষ দিই। শক্তি পূজায় আমরা যেমন ছাগ বলি দিই, চীনারা কুক্কট ও বরাহ বলি দেয়, তবে এক কোপে নয়, কতকটা মুসলমানদিগের হালাল করার মত।

চীন দেশে মৃত দেহের প্রতি যে প্রকার সম্মান ও ভক্তি প্রদর্শন করিবার রীতি আছে, তাহা বাস্তবিকই প্রশংসাহঁ। পক্ষান্তরে, আমাদিগের হিন্দু জাতি মৃত দেহের প্রতি যে প্রকার ঘৃণা ও অবজ্ঞা প্রকাশ করিয়া থাকেন তাহা অতি ক্রোভের বিষয় ও নিন্দনীয়। হিন্দুর পরম পূজনীয় পিতামাতা, পরম স্নেহের স্রাস্তা ও পুত্রাদির মৃত্যুর প্রাক্কালে, যখন মুমূর্ষু ব্যক্তিকে শাস্তিতে রাখিবার প্রয়োজন, তখন ঘরে মৃত্যু হইবার আশঙ্কায় টানা হেঁচড়া করিয়া উঠানে অনাবৃত স্থানে একঝানি চাটাই কি মাছরের উপর আনিয়া শোয়ান হয়। 'অনেকের তাহাতেও মৃত্যু হয় না। পুনরায় গৃহে তুলিবার প্রয়োজন হয়। ষ্ণেংগাঁও

দুই চারি ঘণ্টা আরও বাঁচিত, তাহাকে টানাটানি করিয়া সত্বরই স্বর্গে যাইবার সহায়তা করা হয় ।

আসন্ন কালে মূর্খ ব্যক্তিকে টানা হেঁচড়া করিবার রীতি চীন দেশেও আছে, কিন্তু তাহা ঘরের বাহিরে নহে, ঘরের ভিতরে । চীনারা প্রাচীন ব্যক্তি সকলের মৃত্যুর অব্যবহিত পূর্বে, তাহাদিগকে স্নান করাইয়া, নূতন পরিচ্ছদ পরাইয়া, একখানি চেয়ারে উপবেশন করাইয়া তাহার মুখের মধ্যে কিঞ্চিৎ তণ্ডুল ও একখণ্ড রৌপ্য প্রদান করত মৃত্যুর জন্য অপেক্ষা করে । অনেকের এই সকল টানাটানিতে সত্বরই পঞ্চস্বপ্রাপ্তি হয় । আসন্নকাল উপস্থিত হইলে মুখগহ্বরে তণ্ডুল ও একখণ্ড রৌপ্য প্রদানের উদ্দেশ্যে আত্মার সজ্জা সাধন করা । ইহা দ্বারা পরকালে মৃত ব্যক্তি ধনধান্যে ঐশ্বর্যশালী হইবে এই বিশ্বাস । রোগীর মৃত্যু হইবামাত্র গৃহের জানালাদি খুলিয়া দিয়া মৃত ব্যক্তির আত্মার গতি বিধির পথ মুক্ত করিয়া রাখে । মৃত্যু হইবার পর মৃত দেহটীর মাথায় টুপি ও পায়ে জুতা পরাইয়া শোয়াইয়া রাখে । পরে মৃত দেহটী একটা মূল্যবান শবাধারে রাখিয়া ও বস্ত্রাদি দ্বারা আবৃত করিয়া উহা বন্ধ করত গৃহের মধ্যে এক উচ্চ আসনে স্থাপিত করে । তৎপার্শ্বে ধূপ, দীপ, দিবা রাত্রি জ্বলিতে থাকে । প্রেতাচার পানাহারের জন্য অন্ন জল প্রত্যহ প্রদত্ত হইয়া থাকে । মৃত ব্যক্তির পুত্রগণের মধ্যে যিনি জ্যেষ্ঠ, তিনি সর্বপ্রধান শোককারী (Chief mourner) হইয়া শ্বেত পরিচ্ছদ পরিধান করত মৃত দেহের পার্শ্বে দিবা নিশি উপবিষ্ট থাকেন । মৃত্যু হইবামাত্র স্ত্রীলোকগণের ক্রন্দন ধ্বনিতে মৃত্যু সংবাদ ক্রমমধ্যে চতুর্দিকে ঘোষিত হইয়া পড়ে । প্রতিবেশীরা পর্য্যন্ত সেই ক্রন্দনে যোগ দিয়া থাকে । প্রতিবেশী ও আত্মীয় বন্ধুগণের বাড়ীতে তিন হাত পরিমিত লম্বা দেশী তাঁতের মোটা কাপড় এক এক খণ্ড প্রেরিত হয় । মৃত্যু সংবাদ শুনিবামাত্র যত লোক মৃত ব্যক্তির প্রতি সম্মান প্রদর্শনার্থ গমন করিবে, সেই সকলকে শোকচিহ্নস্বরূপ ঐ শ্বেত উষ্ণীষ ধারণ করিতে হইবে । যাহারা প্রণাম করিতে পারেন, তাঁহারা মৃত দেহের সম্মুখে অবনত হইয়া প্রণাম করেন, পরে আহাঁরাদি করিয়া প্রস্থান করেন । যে ব্যক্তির অবস্থা ভাল, সে পিতা মাতার মৃত দেহকে এক মাস, এমন কি দুই তিন মাস পর্য্যন্ত গৃহে রাখে । যত অধিক দিন মৃত দেহটী ঘরে রাখা যায়, মৃত

ব্যক্তির আত্মা তত সন্তুষ্ট হন। যত দিন মৃত দেহ ঘরে থাকিবে, তত দিন প্রত্যাহ বাটীতে নিমন্ত্রণ ও সদাব্রত চলিবে। পরে জ্যোতির্বেত্তা বা দৈবজ্ঞ সমাধির দিন ও ক্ষণ স্থির করিয়া দিলে, শেষ দিনে বড় নিমন্ত্রণের আয়োজন হয়। সে দিন যত লোক আসিবে সমস্ত লোককেই খেত উষ্ণীয় প্রদান করা হয় এবং যাহারা বেশী পরমা খরচ করে তাহারা খেত পরিচ্ছদ প্রদান করিয়া থাকে। দুই একবার লেখকও এই প্রকার খেত উষ্ণীয় ও খেত পরিচ্ছদ উপহার প্রাপ্ত হইয়াছিলেন। যত লোক যাইবে সকলকেই কিছু কিছু অর্থ প্রদান করিবার রীতি আছে। যে দিন মৃত দেহের সমাধি হইবে সে দিন নানা প্রকার সংস্কারইয়া নৃত্যগীতাদি সহ বহুবিধ ছবির মিছিল বাহির হয়। প্রায় এক মাইল দীর্ঘ সেই শোভাযাত্রা চলিতে থাকে। বাটীর বধু ও কণ্ঠাগণ আপাদমস্তক খেত পরিচ্ছদে আবৃত হইয়া বদনাবৃত করত মৃত দেহের সম্মুখে সাষ্টাঙ্গে প্রণিপাত করিতে করিতে, চিৎকার করিয়া রোদন করত পশ্চাৎ পশ্চাৎ কতকদূর গিয়া, পথিমধ্যে আবার প্রণাম করিবার পর, গৃহে প্রত্যাবর্তন করে। কেহ না পড়িয়া যায় তজ্জন্ম শোকাকর্ষদিগকে, বিশেষতঃ প্রধান শোককারীকে, দুইজনে ধরিয়া চলে। তিনিও শোকে অতি কাতরতার ভাণ করিয়া অবনত হইয়া চলিতে থাকেন। চীনাদের প্রত্যেকের পারিবারিক সমাধি স্থান আছে। সেই স্থানে সমাধি দেওয়া হইলে অচিরে তথায় এক সমাধি মন্দির নির্মাণ করিয়া মৃত ব্যক্তির নাম প্রভৃতি প্রস্তর ফলকে লিখিয়া রাখে। সেই লিপিসকল শত শত বৎসর পর্য্যন্ত থাকিয়া মৃতের স্মৃতি জাগাইয়া দেয়। অনেক ঐতিহাসিক ঘটনা প্রসিদ্ধ ব্যক্তিগণের সমাধি স্থান হইতে সংগৃহীত হইয়া থাকে। আর আমাদের দেশের যত বড় প্রসিদ্ধ লোকই হউন না কেন, তিন মরিলামাত্রই তাড়াতাড়ি স্থান ক্ষেত্রে লইয়া গিয়া তাঁহাকে ভস্মীভূত করিয়া তাঁহার সমস্ত চিহ্ন লোপ করিয়া ফেলা হয়। চীনারা প্রতি বৎসর পর্বাদির সময় এই সকল সমাধি স্থানে গিয়া পূজা দেয় এবং তথায় বন্দনা করিয়া সবাঙ্কবে ভোজন করে। প্রতি বৎসর চীনা দিগের সপ্তম মাসে (চীনাদের মাসের কোন নাম নাই, ফেব্রুয়ারি মাসের মধ্যভাগে চীনাদের প্রথম মাস আরম্ভ হয়। প্রথম, দ্বিতীয়, তৃতীয় মাস বলিয়া মাসের উল্লেখ করে; এই রূপ বারের নামও নাই) অর্থাৎ আগষ্ট বা জ্যাজ্ঞ মাসে আমাদের পিতৃপুরুষের তর্পণের ত্রায় পনের দিন যাবৎ প্রেতাঙ্গকে অন্নাদি প্রদান করে।

চীনারা বিশ্বাস করে যে, এই সময়ে প্রেতাঙ্গণ বাড়ীতে ফিরিয়া আইসে । পনের দিন শেষ হইলে শেষ দিনে প্রত্যেক বাড়ীর সম্মুখে একখানি টেবিল পাতিয়া তাহাতে ধূপ দীপ, নৈবেদ্য, নানা' ভোজ্য দ্রব্য প্রেতাঙ্গার আহারের জন্ত রাখিয়া দেয় । পরে প্রত্যেক মৃত ব্যক্তির নামে এক এক খানা ১ ফুট লম্বা বড় চিঠির খামের উপর তাহাদের গুণ কীর্তন লিখিত থাকে । অগ্নিকুণ্ড করিয়া মন্ত্র পাঠ করত ঐ সকল খাম অগ্নি দ্বারা দগ্ধ করিয়া প্রেতাঙ্গ-গণকে স্বস্থানে প্রস্থান করিতে অমুরোধ করে । আমাদিগের হোমের মত সকল কার্যেই চীনারা অগ্নিকুণ্ড করিয়া তাহাতে আছতি প্রদান করিয়া থাকে । হিন্দু-গণ পিতা মাতার মৃত্যু হইলে এক বৎসর যাবৎ কালাশৌচ পালন করে, কিন্তু চীনারা মাতা মরিলে তিন বৎসর এবং পিতার মৃত্যুতে এক বৎসর অশৌচ পালন করিয়া থাকে ।

স্ত্রীলোক বিধবা হইলে তিন বৎসর যাবৎ মাথায় শ্বেত উষ্ণীষ ধারণ করিয়া অশৌচ পালন করে । বিধবাগণ পুনর্বার বিবাহ করিতে পারে । যে সকল অল্পবয়স্ক বিধবা পুনরায় বিবাহ না করিয়া পবিত্র বৈধন্যভাবে নিষ্কলঙ্ক কাল কাটাইতে পারে, চীনারা তাহাদের স্মরণ চিহ্নস্বরূপ সদর রাস্তার উপর বিধবার স্মৃতিরক্ষণ অর্থবা (widows' memorial arch) নির্মাণ করে ।

সমগ্র চীন দেশের সর্বত্রই বৃহৎ বৃহৎ ধর্মমন্দির নির্মিত আছে । এমন কি এমন বৃহৎ গ্রাম আছে যেখানে তিন চারিটা পর্য্যন্ত বড় বড় মন্দির দেখিতে পাওয়া যায় । প্রতি সহরে বহু মন্দির আছে । এ তুলনায় বঙ্গদেশ কত ছীন তাহা সহজেই বুঝা যাইতে পারে । তবে আধ্যাত্মিকতায় হিন্দুগণ জগতে শ্রেষ্ঠ । চীন-দেশে বাস করিয়া চীনাগিরের সঙ্গে মিলিয়া এক দিনও কোন চীনার মুখে ঈশ্বরের নাম শুনি নাই । ফলতঃ ঈশ্বরের যে কোন একটা প্রতিশব্দ চীনভাষায় আছে, তাহা চীন ভাষায় পণ্ডিত পাদার সাহেবগণের নিকট জিজ্ঞাসা করিয়াও জানিতে পারি নাই ।

চীনাগিরের জাতিভেদ নাই, খাদ্য বিচার নাই ; সুতরাং আহারাদি লইয়া জাতি ধ্বংসের সূত্রে দলাদলির কোন আশঙ্কা নাই । পার্থিব ব্যাপারের উন্নতিতে চীনারা হিন্দুগণ অপেক্ষা অনেক শ্রেষ্ঠ, কিন্তু আধ্যাত্মিক চিন্তায় আত্মাদিগের অপেক্ষা অনেক ছীন ।

২। সমাজ : বিবাহপ্রণালী—কোন কোন বিষয়ে আমাদের সঙ্গে চীনাদের বিবাহপ্রথার সাদৃশ্য দৃষ্ট হয়—যেমন বিবাহের সম্বন্ধ নির্ণয় ও পাত্রী নির্বাচনে পিতা মাতার কর্তৃত্ব থাকে, যিনি বিবাহ করিবেন, তাঁহার মতামতের প্রয়োজন হয় না। পিতা মাতা কালো, বোবা ও কুংসিং পাত্রী দিলেও পুত্র তাহাকে বিবাহ করিতে বাধ্য। সেই মত কন্যাকেও যে বরে পিতামাতা বিবাহ দিবেন তাহাতে তাহার আপত্তি করিবার শক্তি নাই। পাত্রী নির্বাচিত হইলে, পত্র করিবার পর, বিবাহের পূর্বে, পাত্র মারা গেলে ঐ পাত্রীকে বিধবা বলিয়া গণ্য করা হয়। চীন দেশে স্ত্রীস্বাধীনতা নাই, অথচ স্ত্রীলোকের অবরোধপ্রথা বা অবগুণ্ঠন প্রথা নাই। যুবতীগণ অভিভাবকের অধীনে অস্বারোহণে বা পদব্রজে যথাতথা যাইতে পারে, কিন্তু যুবতী কুমারীদের বিবাহ না হওয়া পর্যন্ত তাহা-দিগকে গৃহমধ্যে অবরুদ্ধভাবে রাখা হয়। কন্যা বিবাহ দিয়া পণ গ্রহণের প্রথা আছে।

বিবাহের পত্র বা এগ্রিমেন্ট অনেক সময় বালক বালিকাদিগের অল্প বয়সেই হয়। কিন্তু বিবাহ উভয়েই যৌবনে পদার্পণ না করিলে হয় না। পাত্রের অর্থ-সঙ্গতির অভাব হইলে কন্যা যৌবনে পদার্পণ করিলেও কোন কোন সময় ৮-১০ বৎসর পর্যন্ত বিবাহের জন্ত অপেক্ষা করিতে হয়।

বিবাহ ব্যাপার আমাদেরও যেমন ব্যয়সাপেক্ষ, ইহাদেরও সেইরূপ। প্রত্যেক ব্যক্তিকেই বিবাহ করিতে হইবে, অবিবাহিত থাকিবার উপায় নাই। যৌতুক দান শু লোকজন খাওয়ানিতে অনেক অর্থ নষ্ট হয়। এ বিষয়ে ইউরোপীয় ও বর্মানুগণের বিবাহ পদ্ধতি ভাল, অল্প খরচে হইয়া থাকে। আমাদের দেশে অনেকে ঋণ করিয়া বিবাহ করে, চীন দেশেও সেইরূপ। একবার বিবাহ করিয়া তালাক দিবার বা ডাইভোর্স করিবার রীতি নাই, তবে যাহারা বহু বিবাহ করে তাহারা পরবর্ত্তী-স্ত্রীদিগকে অল্পের নিকট মূল্য গ্রহণ করিয়া বিক্রয় করিতে পারে। এই সকল স্ত্রীকে উপপত্নী স্বরূপ মনে করে। চীনদেশে দাস দাসী ক্রয় বিক্রয় প্রথা আছে।

চীনাদের বিবাহে কন্যা তুলিয়া আনিয়া বরের বাড়ীতে বিবাহ হয়। বিবাহের দিন নানা বাগ্গ বাজনা করিয়া কন্যার জন্ত নানা প্রকার পরিচ্ছদ, মিষ্টান্ন, একটা বরাহ, কুকুট, হংস প্রভৃতি দ্রব্য, উপহার প্রেরিত হয়। তাহার পরে

সায়ংকালে বহু পতাকা উড়াইয়া বাতাদি সহ একখানি উৎকৃষ্ট শিবিকা কন্যাকে আনিবার জন্ত প্রেরিত হয় ; এক বা একাধিক বয়ঃস্থা মহিলাও অপর শিবিকা-রোহণে প্রেরিত হয় । কন্যা উঠাইয়া দিবার সময় নানা স্ত্রী-আচার আছে । কন্যা বরের বাড়ীতে উপস্থিত হইলে বাটীর সদর দরজা হইতে কন্যা তুলিয়া আনিতে আরও অনেক স্ত্রী-আচার করিবার রীতি আছে । ইতিপূর্বে বরের কক্ষ সজ্জিত থাকে । কন্যা উপস্থিত হইয়া বরের কক্ষে প্রবেশ করিলে, তথায় পরস্পর পরস্পরকে সুরা আদান প্রদান করত এবং স্ত্রীর স্বামীর প্রতি বশুতা স্বীকার স্বরূপ দুই একটা আচার ব্যবহার করার পর, বিবাহ হইয়া যায় । কন্যা দান ও মন্ত্র পাঠের জন্ত কন্যাকর্তা ও পুরোহিতের প্রয়োজন হয় না । স্নাত্তিষাপনের পর দিন কন্যা কুমারীত্বের চিহ্নস্বরূপ মাথার বেণী কর্তন করিয়া ফেলিয়া স্বামিসহ গৃহদেবতাকে ও গুরুজনকে প্রণাম করে ; এইরূপে বাসি বিবাহ সাজ হয় । তা'ও ধর্মের পুরোহিত আসিয়া কিছু দৈবকার্য সম্পন্ন করেন ।

চীনে বাল্য বিবাহ নাই, সচরাচর স্বামী অপেক্ষা স্ত্রীর বয়স দুই তিন বা ততোধিক বৎসর বেশী হইয়া থাকে । তাহার ফলে পুরুষ অপেক্ষা স্ত্রী শীঘ্রই বৃদ্ধ হইয়া পড়ে ।

(২) আহাৰ্য্য ও আহাৰ প্রণালী—পূর্বেই উল্লেখ করিয়াছি যে, চীনেরা এক জাতি, সুতরাং খাদ্য বিচার নাই । জগতে এমন কোন খাদ্য নাই যাহা চীনদেশের প্রায় কোন না কোন প্রদেশে ভক্ষিত হয় না । চীনাদের প্রধান আহাৰ্য্য অন্ন এবং মাংস । বরাহ মাংসই চীনের সর্বত্র নিত্য প্রচুর পরিমাণে ব্যবহৃত হয় । আমাদের দেশে যেমন মৎস্য না হইলে এক বেলা আহারে রুচি হয় না, চীনদেশে তাদৃশ কোন প্রকার মাংস ব্যতীত চীনেরা এক বেলা আহার করিতে পারে না ।

চীনারা ইউরোপীয়গণের মত টেবিলে আহার করে । তবে ইউরোপীয়গণ কাঁটা, চামচ ও প্লেটের সাহায্যে আহার করেন, চীনারা চীনা মাটির বাটা ও একজোড়া শলাকার (Chop stick) সাহায্যে আহার করে । এক একটা টেবিলে ছয় অথবা আটজন লোকের আহার করিবার রীতি । কোন নিমন্ত্রণে কার বাড়ী কত লোক খাইবে ভিজ্ঞাসা করিলে বলে যে 'বিশ' কি ত্রিশ টেবিল

হইবে।” টেবিলের সংখ্যা দ্বারাই লোকের সংখ্যা নির্ণীত হয়। চীনাদের আহার-প্রণালী আমাদের আহার-প্রণালী অপেক্ষা অনেক উৎকৃষ্ট। আমাদের কোন নিমন্ত্রণে বাটীর আঙ্গিনায় কলার পাতা পাতিয়া লোক মাটিতে বসিয়া অঙ্গুলির সাহায্যে আহার করে। দই কি অম্বল খাইবার সময় মহা মুষ্কিল। অঙ্গুলির দ্বারা পাতলা দই কি অম্বল তুলিয়া মুখে দেওয়া কষ্টকর। ইতিমধ্যে পাতা খানি হটাৎ ছিঁড়িয়া গেলে নিম্ন হইতে মাটি উঠিয়া খাণ্ড দ্রব্যের সঙ্গে মিশ্রিত হইয়া “মাটি খাওয়া” কার্যে পরিণত হয়। আমাদের কলার পাতায় খাওয়া আজকাল বিজ্ঞান-চর্চার দিনে অতি আপত্তিজনক। এই প্রকার আহার-প্রণালী ও অন্যান্য কারণে ইউরোপীয়গণ ভারতবাসীদেরকে অসভ্য মনে করেন। কলার পাতা অচিরে পরিত্যাগ করা কর্তব্য। কাঁসার বা পিতলের খালায় আহার-প্রণালীও আজকাল বিজ্ঞানবিরুদ্ধ। তাহার পরিবর্তে চীনাмаটির বাসন চলিত হইলে খুব ভাল হয়। আমরা অঙ্গুলি দ্বারা আহার করি বলিয়া চীনারা আমাদেরকে বিদ্রূপ করে।

চীনাদিগের টেবিলের উপর একটা বাটা, এক জোড়া শলা (বাশের—হাতির দাঁতের বা রূপার), একখানি চামচ প্রভৃতি প্রত্যেক ব্যক্তির জন্য সজ্জিত থাকে। টেবিলের উপর আট কি দশখানা প্লেটে নানাবিধ ফলাদি সাজাইয়া রাখে। অনেক নিমন্ত্রণে নিমন্ত্রিত ব্যক্তিগণের কে কোন্ স্থানে আসন গ্রহণ করিবেন, তাহার নিদর্শনস্বরূপ এক এক খানি করিয়া কাগজে তাঁহাদের নাম লেখা থাকে। সুতরাং কোথায় কে বসিবে, পাতা পাইলাম না, জল পাইলাম না বলিয়া একটা গুণগোল হয় না। গৃহস্থ প্রত্যেক নিমন্ত্রিত ব্যক্তিকে অভিবাদন করত নির্দিষ্ট স্থানে বসিবার জন্য অনুরোধ করেন। সকলে আসন গ্রহণ করিলে এক এক টেবিলে একজন বা দুইজন করিয়া নির্দিষ্ট পরিবেশক নিয়মমত আহার্য্য পরিবেশন করিতে থাকে। কোন গোলযোগ হয় না। একটুশব্দও শুনিতে পাওয়া যায় না। টেবিলের মধ্য ভাগে একটা গামলায় বা বড় বাটিতে করিয়া এক একটা ব্যঞ্জন রাখিয়া দেওয়া হয়, সকলে তাহা হইতে উক্ত শলাকা দ্বারা উত্তোলন করত মুখে দেন। ঝোল খাইতে হইলে চীনারা চীনে মাটির বা প্লেটের চামচ ব্যবহার করে। আহারাদির সময় চীন দেশে জল পান করিবার নিয়ম নাই। আমরা কিন্তু খাইবার সময় জল পান না করিলে

খাওয়া গলাধঃকরণ করিতে পারি না । প্রত্যেক নিমন্ত্রিত ব্যক্তির নিকট এক একটী ক্ষুদ্র সুরা পাত্র থাকে, তাহাতে এক কি দেড় তোলার বেশী সুরা ধরে না । পুনঃ পুনঃ সুরা পানের অনুরোধে সকলকে অত্যধিক সুরা পান করিতে হয় । ইহা দ্বারা নেশা হইলেও আমাদিগের দেশের মাতালগণের মত ইহাদিগকে টলিয়া গথে ঘাটে পড়িতে বা নানারূপ কেলেকারী করিতে দেখি নাই । প্রত্যেক বাড়ীতেই প্রত্যেক টেবিলেই প্রতিদিন সুরা ব্যবহৃত হইয়া থাকে । চীনাঙ্গের অনেকে ভোজনে মাংসাদিই অধিক পরিমাণে আহাৰ করে । ভাত অতি অল্পই খায় । কেবল মদ ও মাংসদ্বারা উদর পূর্ণ করে, চীনাঙ্গের আহাৰ্যের মধ্যে Birdsnest soup সর্বাধিক মূল্যবান । ইহার এক তোলায় মূল্য ৪।৫ টাকা । ব্রহ্মদেশের সমুদ্রের ধারে Swallow নামে এক প্রকার পাখী দেখা যায় । তাহার পাখরের উপর আপন থু থু দ্বারা এই সকল বাসা নির্মাণ করে । ইহা অতি বলকারক পথ্য । আহাৰ শেষ হইলে নিমন্ত্রিত ব্যক্তিগণ শলাকা দুইটা হাতে করিয়া গৃহস্থকে নমস্কার করিয়া আহাৰ সমাপ্ত করেন । পরে এক এক পেরালা উত্তপ্ত সাদা চা অর্থাৎ চিনি ও দুধবর্জিত চা পান করিয়া ও ধূম পান করত আহাৰ কার্য শেষ করেন । সাহেবদিগের মত চীনারা আহাৰান্তে মুখ ধোয় না । অনেক চীনা আহাৰ কালে মাঝে মাঝে ধূমপান করে ।

(৩) অন্যান্য সামাজিকপ্রথা—জাতিভেদ না থাকিলেও চীনাঙ্গের মধ্যে ইউরোপীয় জাতি সকলের ন্যায় উচ্চশ্রেণী, মধ্যমশ্রেণী ও নিম্নশ্রেণী এইরূপ বিভাগ আছে । অর্থ-প্রতিপত্তিশালী রাজকর্মচারীগণ উচ্চশ্রেণীর মধ্যে গণ্য, ব্যবসায়ী ও ধনী শিল্পীগণ মধ্যমশ্রেণীভুক্ত এবং কৃষক ও মজুরগণ নিম্নশ্রেণীভুক্ত । প্রয়োজন হইলে নিম্ন শ্রেণীর কন্যাও উচ্চশ্রেণীর লোকে বিবাহ করিয়া থাকে । সামাজিক নিমন্ত্রণে নিম্নশ্রেণীর লোকে স্বতন্ত্র ঘরে আহাৰ করে ।

সৌজন্য ও আদব কারদায় চীনাঙ্গের সমকক্ষ কোন জাতি নাই । এত Etiquette কোথায়ও দৃষ্ট হয় না । কোন ভদ্র লোকের কাহারও সঙ্গে সাক্ষাৎ করিতে হইলে কার্ড দ্বারা সাক্ষাৎ করিবার নিয়ম । সকল ভদ্রলোকেরই নিজের নিজের নামের কার্ড আছে । কোন আগন্তুক ভদ্রলোক অন্য কোন

ভক্তলোকের সঙ্গে সাক্ষাৎ করিতে বাইলে বাটীর সদর দরজায় উপস্থিত হইয়া সর্বপ্রথমে কার্ড খানি পাঠাইয়া অপেক্ষা করিতে থাকেন । বাহার সঙ্গে সাক্ষাৎ করিবেন, তিনি স্বয়ং নিজের কার্ড পাঠাইয়া আগন্তুক ভক্তলোককে সংবাদ দেন যে তিনি অবিলম্বে বাইতেছেন । পরে নিজে গিয়া সদর দরজায় উপস্থিত হইয়া, পরস্পর অভিবাদন করত আগন্তুককে সাদরে আহ্বান করিতে থাকেন । প্রথমতঃ পরস্পর পরস্পরকে অগ্রে যাইতে অনুরোধ করার পর আগন্তুককেই বাধ্য হইয়া অগ্রে যাইতে হয় । পরে বৈঠকখানায় উপস্থিত হইলে, গৃহস্থ আগন্তুককে আসন গ্রহণ করিবার জন্য অনুরোধ করেন । আগন্তুকও গৃহস্থস্বামীকে অগ্রে বসিতে অনুরোধ করেন, কিন্তু কেহই আগে বসেন না । এইভাবে শিষ্টাচার করিতে করিতে কতকটা সময় যায় । অতঃপর কেহই যখন অগ্রে উপবেশন করেন না, তখন উভয়েই অবনত হইতে হইতে একযোগে বসিয়া পড়েন । অতঃপর ভৃত্য দুই পেয়লা চা আনিলে গৃহস্থস্বামী স্বয়ং দণ্ডায়মান হইয়া এক পেয়লা চা লইয়া অতি বিনীতভাবে আগন্তুকের হস্তে দিলে, তিনি স্বয়ং দণ্ডায়মান হইয়া অভিবাদন করত চার পেয়লাটি হাতে গ্রহণ করেন । আবার চা একটু ঠাণ্ডা হইলে, পেয়লাটি মুখে তুলিবার সময় আবার পরস্পরকে পরস্পর চা-পানের অনুরোধ করিয়া পান কার্য শেষ করেন । আগন্তুক যদি কোন বিশেষ গুণবিশিষ্ট হন তাহা হইলে গৃহস্থস্বামী তাঁহাকে শতমুখে প্রশংসা করেন । প্রশংসা করিতে করিতে বাম হস্তের বৃদ্ধাঙ্গুলি সটান করিয়া তাঁহাকে দেখান । আরও বেশী প্রশংসা করিতে হইলে দুই হস্তের বৃদ্ধাঙ্গুলি একযোগে সটান করিয়া দেখান । ভাষায় যে কথা প্রকাশ করা না যায়, এই বৃদ্ধাঙ্গুলি দেখাইলে তাহা প্রকাশ পায় অর্থাৎ ইহা অপেক্ষা আর অধিক প্রশংসা হইতে পারে না । আমাদের দেশে এই প্রকার বৃদ্ধাঙ্গুলি দেখাইলে বিষম অনর্থ ঘটে । কিন্তু চীনাদিগকে বৃদ্ধাঙ্গুলি দেখাইলে তাহারা বড় খুসী হয় । চীনাদিগের জন্মদিন উপলক্ষে তাহারা বহু বাক্সবগণকে কার্ড পাঠাইয়া নিমন্ত্রণ করিয়া থাকে এবং বহু বাক্সবগণও নানা প্রকার উপহার কার্ডসহ প্রেরণ করেন । এই প্রথা আমাদের নাই ; কিন্তু ইহা ইউরোপীয়দিগের মত । কোন প্রসিদ্ধ ব্যক্তি বা রাজকর্মচারী যদি একস্থান হইতে স্থানান্তরে গমন করেন বা অন্যস্থান হইতে আসেন, তাহা হইলে সহরের সমস্ত সম্ভ্রান্ত লোককে কার্ড পাঠাইয়া নমস্কার প্রেরণ করেন ।

কোন সম্ভ্রান্ত ব্যক্তির স্থানান্তরে গমনকালে সহরের বা গ্রামের লোকের তাঁহাকে সঙ্গে করিয়া অনেকটা দূর আগাইয়া দিবার রীতি, এবং কোন বিশিষ্ট সম্ভ্রান্ত লোক বা কর্মচারী অন্তস্থান হইতে আসিবার কালে তাঁহাকে অগ্রসর হইয়া লইয়া আসিবার রীতি আছে, তাহা না হইলে অসৌজন্য প্রকাশ পায় ।

মলত্যাগের সময় চীনারা সাহেবদিগের মত কাগজ ব্যবহার করে, জল ব্যবহার করে না । চীন দেশে চীনারা কচিং স্নান করে । এ দেশে একটা প্রবাদ আছে যে, চীনারা জীবনে তিন দিন স্নান করে—জন্মদিনে এক দিন, বিবাহের দিন এবং মৃত্যুকালে একদিন । তবে প্রত্যহ প্রাতঃকালে একটা বেসিনে গরম জল লইয়া সাবান দ্বারা হাত ও মুখমস্তক ধুইয়া গামছা দ্বারা মুছিয়া ফেলে, এই তাহাদের স্নান । এক চীন জাতি ছাড়া এসিয়া খণ্ডে অন্য কোন জাতির চেয়ার টেবিল প্রভৃতি আসবাব ছিল না । চীনাদিগের বৈঠকখানা মূল্যবান চেয়ারে সজ্জিত, টেবিলও বেশ মূল্যবান সোনালী রং দ্বারা ভূষিত । চীনাদিগের বৈঠকখানার সম্মুখে মূল্যবান ফুলের টব সকল সজ্জিত থাকে । গৃহ মধ্যে নানা ধর্ম-কথায়ুক্ত নানাপ্রকার পট ঝুলান থাকে । আমাদিগের আসবাবের মধ্যে পিঁড়ি জল চৌকি ও তক্তপোষ খাট, ও ফরাষের বিছানা, তাহাতে দুই একটা তাকিয়া থাকে । চীনাদিগের চেয়ার টেবিল ছাড়া খুব সম্মানসূচক আসনও আছে । তাহা এই—একখানা তক্তপোষের উপর মধ্য স্থানে এক খানি একফুট উচ্চ, তিনফুট লম্বা ও দেড় ফুট প্রশস্ত টেবল থাকে । তাহার দুই পার্শ্বে দুই লাল রঙের বনাতির দ্বারা প্রস্তুত করা ছোট গদি এবং তাহার প্রান্তে দুইটা লাল রঙের তাকিয়া থাকে । যাহাকে বেশী সম্মান দেখাইতে হইবে, তাহাকে সেই আসনের বামদিকে বসাইতে হইবে এবং গৃহস্থ দক্ষিণ দিকে বসিবেন, কারণ বামহস্ত চীন দেশে পবিত্র, বাম দিকও সম্মানসূচক । দক্ষিণ হস্ত অপবিত্র, কারণ ডাইন হাত দ্বারা নানা ময়লা দ্রব্য ব্যবহার করিতে হয় । আমাদিগের সম্পূর্ণ বিপরীত । ব্যক্তিগত পরিষ্কার পরিচ্ছন্নতার চীনজাতি হিন্দুগণ অপেক্ষা হীন । সাধারণ লোকের গৃহ গুলি অতি অপরিষ্কার । চীনারা যে ঘরে বাস করে তাহাতে থু থু ফেলিয়া কক্ষটি অতি অপরিষ্কার করিয়া রাখে । ঘরের মেজে কাঠের বা মাটির হইলেও তাহা কখনও ধুইয়া পরিষ্কার করিবার রীতি নাই । স্নান না করার

গারে ময়লা আঁটরা থাকে, এবং অধিকাংশ লোকের গাত্র খুঁজলী প্রভৃতি ছোঁয়াচে রোগে ভরা। তবে দিন রাত্রি গারে জামা থাকায় তাহা সহসা দৃষ্টি-গোচর হয় না। আমাদিগের অপেক্ষা চীনারা আমীর ও খুব বিলাসী। তাহাদের পরিচ্ছদ আমাদের পরিচ্ছদ অপেক্ষা শ্রেষ্ঠ। আমাদের জাতীয় পরিচ্ছদ অতিহীন ও বর্তমান সভ্যতাবিরুদ্ধ। এ বিষয়ে চীন বহু অগ্রসর। ইউরোপীয়গণের নীচেই চীনারা।

৩। শিক্ষা ও নীতি—সাধারণ শিক্ষায় সমগ্র চীনদেশ আমাদিগের দেশ অপেক্ষা শ্রেষ্ঠ। প্রতি পল্লীতে অন্ততঃ একটা করিয়া বিদ্যালয় আছে। কোন বন্ধিষ্ণু গ্রামে তিন চারিটি স্কুলও আছে। বর্তমানকালে নূতন ধরণে শিক্ষা প্রচলিত হইয়া সমগ্র চীনদেশকে জাগ্রত করিয়া তুলিয়াছে। স্ত্রীশিক্ষা পূর্বে আদৌ ছিল না, এখন সর্বত্র প্রচলিত হইয়াছে। বয়ঃস্থা বিবাহিতা স্ত্রীলোক পর্য্যন্ত স্কুলে গিয়া অধ্যয়ন করিয়া থাকে। চীনদেশে লেখাপড়ার চর্চা এত অধিক যে নিরক্ষরের সংখ্যা অতি কম। চীনদেশে ইউনিভার্সিটি বহু প্রাচীনকাল হইতে আছে। পেকিন গেজেট নামক সরকারি কাগজ প্রায় সহস্র বৎসরের প্রাচীন। ইহা যখন স্থাপিত হয়, তখন পৃথিবীর কুত্রাপি কোন সংবাদপত্র ছিল না। পরীক্ষা দ্বারা এণ্ট্রাস, এফ এ, বি, এ, এম, এ প্রভৃতি পরীক্ষার সমান ডিগ্রি প্রদত্ত হইয়া থাকে। পেকিনে পরীক্ষার কেন্দ্রস্থল। তথায় ইনভার্সিটি হল আছে। চীন দেশে যেখানেই যাওয়া যায়, তথায়ই প্রস্তর-ফলকে, কাষ্ঠ-ফলকে, প্রাচীর-গাত্রে, সমাধিস্তম্ভে, গৃহ মধ্যে, দোকানে সর্বত্রই চীনাভাষায় লিখিত নানা ধর্মকথা বা অশ্রান্ত প্রয়োজনীয় কথা থাকে। এইপ্রকার সর্বত্র লেখাপড়ার ছড়াছড়ির এক কারণ আছে। চীনা ভাষায় alphabet নাই। বর্ণবিভ্রাস-প্রথা নাই, ব্যাকরণ নাই। এক একটা অক্ষর এক একটা শব্দ। সেই সকল স্মরণ করিতে তীক্ষ্ণ মস্তিষ্কের প্রয়োজন। চীন ভাষায় বহু সহস্র অক্ষর আছে। কেহ কেহ বলে ৪০।৫০ হাজার অক্ষর চীন ভাষায় দৃষ্ট হয়। চীন দেশে এমন কোন পণ্ডিত নাই, যিনি এই সমস্ত অক্ষর জানেন। শুনাযায় দশ বার হাজার বা ত্রিশ হাজারের বেশী কেহ জানেন না। এই কারণে সর্বত্র বড় বড় অক্ষরে লিখিত ধর্ম-কথাযুক্ত সকল বিবরণ দৃষ্টিগোচর হইলে অপরিচিত অক্ষরগুলি শিখিবার ও স্মরণ করিবার পক্ষে সুবিধা হয়।

চীনাদিগের নৈতিক চরিত্র আমাদিগের অপেক্ষা উন্নত নহে । চীনারা অনর্থক সর্বদাই মিথ্যা কথা বলে । তবে সম্ভ্রান্ত মহাজনগণ ব্যবসারে ততদূর মিথ্যা বলে না । সচরাচর চীনারা এত মিথ্যা বলে যে, সত্য মিথ্যা নির্ণয় করা দুষ্কর । চীনারা সর্বদাই কুৎসিৎ ভাষায় পরস্পর পরস্পরকে গালি দেয় । আমাদের কাণে কিন্তু অসহ্য । চুরি, দস্যুতা, প্রতারণা এদেশে অত্যন্ত অধিক । চুরির শাস্তি এত তাহা কঠোর যে চোরকে ধরিতে পারিলে তাহার দুইটা কাণ কাটিয়া দেয় ।

কৃষি ও শিল্প—চীনারা উৎকৃষ্ট কৃষক । আমাদিগের দেশের কৃষক হইতে ইহাদের কৃষি কার্যে বুদ্ধি ও কোশল বেশী । ইহাদের ক্ষেত্রে জল সেচনের প্রণালী ও ইরিগেসন প্রথা চমৎকার । গবর্নমেন্ট ইহাদের কোন সহায়তা করেন না । প্রজামণ্ডলীর সমবেত চেষ্টার ও একতার ক্ষেত্রে খাল খনন, রাস্তা নির্মাণ, প্রস্তরের সেতু নির্মাণ কার্য চীন দেশের সর্বত্র দেখিতে পাওয়া যায় । ক্ষেত্রে জল আনিবার প্রণালী চমৎকার । প্রয়োজন হইলে নদীর জল চালিত করিয়া ক্ষেত্রে আনে । ক্ষুদ্র নদী সকল এই সময় কিছু কালের জন্য এই কারণে জলশূন্য হয় । পর্বতের গাত্র কাটিয়া চীনারা থিয়েটারের প্যালারির মত ক্ষুদ্র ক্ষুদ্র এক এক খণ্ড জমি থাকে থাকে উপর হইতে নিম্ন পর্য্যন্ত প্রস্তুত করিয়া, পর্বতের গাত্র বেষ্টন করিয়া পরিখা কাটিয়া তাহার দ্বারা বরণায় জল আনাইয়া ক্ষেত্রে পাতিত করায় । উপরস্থ ক্ষেত্র জলে ভরিয়া সিক্ত হইলে নিম্নে পতিত হয় ; সমস্ত ক্ষেত্র ভরিয়া উঠিলে সেই জলের মধ্যে চাষ করে । নানা প্রকার সার, মনুষ্যের মল-মূত্র, আগাছাসকল ক্ষেত্রে আনিয়া ফেলে । আগাছাসকল পচিয়া সার হয় । মনুষ্য-মল যখন ক্ষেত্রে ও বাগানে ঢালে তখন পথ ঘাটে চলিতে বড় কষ্ট হয় । নাক বন্ধ না করিয়া চলা কষ্টকর । তরকারির বাগানের মধ্যে একটা করিয়া পাকা ক্ষুদ্র চৌবাচ্চা থাকে । পায়খানার মল ভায়ে ভায়ে কিনিয়া আনিয়া সেই চৌবাচ্চার ঢালে । এক এক ভার মল পাঁচ ছয় আনাশ বিক্রীত হয় । মূত্র সংগ্রহের জন্য কৃষকগণ হাটের মধ্যে গামলা রাখিয়া দেয়, যত লোক হাটে যায়, তাহারা সেই সকল পাত্রে মূত্র ত্যাগ করে । কৃষকগণ তাহা লইয়া উক্ত চৌবাচ্চার কণ্ঠের হাতা দ্বারা মল মূত্র খাটিয়া চতুর্দিকে গন্ধে আমোদিত করিয়া তোলে । পরে হাতার করিয়া তরকারির গাছের গোড়ায় ঢালে । চীনারা বলে যে মল মূত্র না দিলে তরকারি ও ফসলাদি

ভাল জন্মে না। চীন দেশে যেমন ও বড় বড় করকারি জন্মে অন্য দেশে তেমন দেখি নাই। চীনারা যে প্রসিদ্ধ শিল্পী তাহা সর্ববাদিসম্মত। তাহাদের অনেক বিষয়ে মৌলিকত্ব আছে। চীনা মাটির দ্রব্য তাহাদের মৌলিকত্বের প্রমাণ। চীনদেশীয় পটুবস্ত্র জগতে প্রসিদ্ধ। চীনাদিগের মত ব্যবসায়বুদ্ধি অন্য লোকেই আছে। ইউরোপীয় জাতিসকলের নিয়েই চীনারা। অবশ্য বর্তমানে জাপানীরা চীনাঙ্গিকে অতিক্রম করিয়াছে। ইহাদের বাণিজ্য বিষয়ে স্বদেশে ও বিদেশে প্রসিদ্ধ প্রসিদ্ধ সভাসমিতি আছে। তাহা দ্বারা ব্যবসায় কার্য চালিত হয়। গুপ্ত সমিতি দ্বারা সমগ্র চীনদেশের রাজনৈতিক ও অনেক সামাজিক ও নৈতিক কার্য সকল পরিচালিত হইয়া থাকে। এবিষয়ে আমাদিগের দেশ কত হীন তাহা সহজেই বুঝিতে পারা যায়। যে দেশে দশজন একত্র হইয়া একটা কার্যের প্রস্তাব করিলে দশ মত হয়, সে দেশের কথাই উল্লেখ নিশ্চয়োজন। মূল কথা, এক ধর্ম ও আধ্যাত্মিক চিন্তা ভিন্ন এবং কোন কোন নীতিমূলক আচার ব্যবহার ভিন্ন চীনারা হিন্দুজাতি অপেক্ষা অনেক শ্রেষ্ঠ।

শ্রীরাংলাল সরকার।

৩ মহারাজ কুমুদচন্দ্র সিংহ বাহাদুর বি, এ।

. আমরা অতীব শোকাকর্ষিতদয়ে প্রকাশ করিতেছি যে, সাহিত্য-সভার পরম হিতৈষী বন্ধু—অনুভব সহ-সভাপতি মহারাজ কুমুদচন্দ্র সিংহ শর্মা বাহাদুর বি, এ, সাহিত্য-সভাকে, আত্মীয় স্বজনগণকে, বঙ্গবাসীদিগকে শোকসাগরে ভাসাইয়া, গত ১৬ই আশ্বিন অমরধামে প্রস্থান করিয়াছেন। গত ৩২শে আষাঢ় সাহিত্য-সভার, ১৭শ বার্ষিক ২য় মাসিক অধিবেশনে মহারাজ কুমুদচন্দ্র, সভাপতির কার্য সমাপনের পর বলেন, “আমি বাণীর চরণে পুষ্পাঞ্জলি দিবার অল্প এতদিন সাহিত্য-সভার সহিত সংশ্লিষ্ট ছিলাম। দুর্ভিক্ষ রোগে আমাকে এদেশ ছাড়িয়া যাইতে হইল, কিন্তু সাহিত্য-সভার সহিত আমার সম্বন্ধ চিরকালই

অক্ষুণ্ণ থাকিবে । আপনারা আমার সমস্ত ক্রটি মার্জনা করিবেন ।” মহারাজের এই উক্তি শ্রবণে তখন সভাস্থ সকলেই হুঃখিত হইয়াছিলেন, কিন্তু হায় ! তখন কেহই ভাবেন নাই যে, মহারাজের এই বিদায়বাণীই শেষ বিদায়বাণীতে পরিণত হইবে । সাহিত্য-সভা, স্বর্গীয় মহারাজের নিকট নানা বিষয়ে ঋণী । মহারাজের অকালে স্বর্গারোহণে সাহিত্য-সভার যে বিশেষ ক্ষতি হইল, তাহা পূর্ণ হইবার নহে । আমরা অল্প নিয়ে মহারাজ কুমুদচন্দ্রের আদর্শ জীবনের সংক্ষিপ্ত বিবরণী প্রকাশ করিলাম । ভবিষ্যতে বিস্তৃত সমালোচনার ইচ্ছা রহিল ।

মহারাজ কুমুদচন্দ্র ১২৭৩ সালে, ১৮ই আষাঢ়, রবিবার (1866, June) ময়মনসিংহ জেলার অন্তর্গত সুসঙ্গ দুর্গাপুরের রাজবংশে জন্মগ্রহণ করেন । বাল্যকালে দুর্গাপুর উচ্চ-ইংরাজী বিদ্যালয়ে কিছুকাল অধ্যয়ন করেন, পরে এই স্কুল স্থায়ী না হওয়ার অধ্যয়ন সমাপ্তির জন্ত কলিকাতায় আগমন করেন । তথায় যথাক্রমে এন্ট্রান্স, এফ,এ, পরীক্ষায় উত্তীর্ণ হইয়া ১৮৮৯ খৃষ্টাব্দে প্রেসিডেন্সি কলেজ হইতে তদানীন্তন বিকোসে' বি, এ, পরীক্ষায় উত্তীর্ণ হন । তাহার পর তিনি এম, এ, ও আইন পরীক্ষার জন্ত প্রস্তুত হইতেছিলেন । এমন সময় তাঁহার পিতা ৮মহারাজ রাজকৃষ্ণ বাহাদুরের পীড়ার সংবাদ পাইয়া স্বদেশে গমন করেন । বাটী যাইবার কিছুকাল পরেই তাঁহার পিতার মৃত্যু হয়, সুতরাং বাধা হইয়াই এম, এ, ও আইন পরীক্ষা দিবার বলবতী বাসনা পরিত্যাগ করেন । তিনি কলেজে সংস্কৃত পড়েন নাই, কিন্তু শৈশবাবধি সংস্কৃত ভাষার প্রতি প্রগাঢ় অনুরাগ থাকায় বাড়ীতে আসিয়া স্বচেষ্টায় সংস্কৃত সাহিত্য ও কাব্যাদি পাঠ করিতে আরম্ভ করেন । তাঁহার এই অদ্ভুত অধ্যবসায়ের ফলে তিনি সংস্কৃত শাস্ত্রে এতদূর ব্যুৎপত্তি লাভ করিয়াছিলেন যে, তিনি অনায়াসে সংস্কৃত ভাষায় আলাপাদি ও বক্তৃতা করিতে পারিতেন এবং কাব্য, দর্শন, অলঙ্কার, জ্যোতিষ, আয়ুর্বেদ, সঙ্গীত শাস্ত্র প্রভৃতিতে পারদর্শী হইয়াছিলেন । ভারতবর্ষের যে কোন স্থানে যে কোন নূতন সংস্কৃত গ্রন্থ মুদ্রিত হইত, তিনি তৎক্ষণাৎ তাহা আনাইয়া পাঠ করিতেন । কতিপয় বৎসর হইল, মহারাজ বাহাদুর আয়ুর্বেদ শাস্ত্রের সবিশেষ অধুশীলন আরম্ভ করিয়াছিলেন এবং মহাকবি ভাসের নবাবিষ্কৃত গ্রন্থ সমূহ সম্বন্ধরূপে অধ্যয়ন করিয়া মনীষী পণ্ডিতগণের সহিত তদ্বিষয়ে সবিশেষ

কার্তিক, ১৩২৩।] মহারাজ কুমুদচন্দ্র সিংহ বাহাদুর। ৩১৭

আলোচনা করিয়া গিয়াছেন। মহর্ষি পালকানা-প্রণীত স্মৃহৎ 'হস্ত্যায়ুর্বেদ' গ্রন্থখানি আশোপাস্ত পাঠ করিয়াছিলেন (এই গ্রন্থ বিষয়ে তাঁহার অভিমত সাহিত্য-সংহিতায় হস্তী-প্রসঙ্গে দ্রষ্টব্য)। তিনি যে সমস্ত উৎকৃষ্ট ও দুপ্রাপ্য সংস্কৃত গ্রন্থ সংগ্রহ করিয়া রাখিয়া গিয়াছেন, তাহা অনেক বহুৎ পুস্তকালয়েও বিরল।

বঙ্গ-সাহিত্যকে তিনি যে কেবল প্রীতির চক্ষে দেখিতেন এমন নহে, পরন্তু যথোপযুক্তরূপে তাহার সেবা করিতেন এবং সংস্কৃতের জ্ঞান বাঙ্গলারও তিনি একজন প্রকৃত সাধক ছিলেন। (আধুনিক বঙ্গসাহিত্যের গতিবিধি সম্বন্ধে মহারাজ বাহাদুরের অভিমত ময়মনসিংহ-সাহিত্য-সম্মিলনীর অত্যর্থনা-সমিতির সভাপতিরূপে তাঁহার বক্তৃতা দ্রষ্টব্য)। বঙ্গভাষার গোজাতি, হস্তী ও নানাজাতীয় পক্ষী সম্বন্ধে গভীর গবেষণাপূর্ণ যে সমস্ত প্রবন্ধ 'সাহিত্য-সংহিতা,' 'আরতি' 'সৌরভ' প্রভৃতি মাসিক পত্রিকায় প্রকাশিত হইয়াছে, তাহা পাঠ করিলে অনেক তত্ত্ব অবগত হওয়া যায়। তন্মধ্যে 'দুগ্ধ' 'হস্তী-প্রসঙ্গ' "প্রাচীন ভারতের পশু চিকিৎসা" "প্রাচীন ভারতের চতুষষ্টি-কলাবিজ্ঞা" প্রভৃতি প্রবন্ধ বিশেষ উল্লেখ যোগ্য। কালীঘাটের ব্রাহ্মণ মহাসম্মিলনীতে তিনি যে বক্তৃতা দিয়াছিলেন তাহা এবং কলিকাতা-সাহিত্য-সম্মিলনে 'প্রাচীন ভারতের পুস্তকরথ' সম্বন্ধে তাঁহার পঠিত প্রবন্ধ গভীর জ্ঞানের পরিচায়ক।

পেশ্বিল দ্বারা অতি অল্প সময়ের মধ্যে তিনি বেশ সুন্দর চিত্র অঙ্কিত করিতে পারিতেন। চিত্রবিদ্যা সম্বন্ধেও তাঁহার গভীর জ্ঞান ছিল। সঙ্গীত চর্চার তাঁহার বিশেষ আগ্রহ ছিল এবং তিনি নিজেও বেহালা, বাঁশী ও হারমোনিয়মে সিদ্ধহস্ত ছিলেন।

স্বর্গীয় মহারাজ রাজকৃষ্ণ সিংহ বাহাদুর ১৮৬৫ খৃঃ 'রাজা বাহাদুর' ১৮৭৭ খৃঃ ১লা জানুয়ারি দিল্লী দরবার উপলক্ষে 'মহারাজ' উপাধি প্রাপ্ত হন এবং উল্লিখিত উপাধি ১৮৮৪ খৃঃ Hereditary অর্থাৎ বংশানুক্রমিক হয়। মহারাজ কুমুদচন্দ্র তদনুসারে ১২৯৭ বাঙ্গলা সনের ১৭ই পৌষ বুধবার, মহারাজ রাজকৃষ্ণ সিংহ বাহাদুরের মৃত্যুর অব্যবহিত পরেই মহারাজ হন। মহারাজ রাজকৃষ্ণের জীবিতাবস্থায়ই মহামাণ্ড সদাশয় গভর্নমেন্ট তাঁহাকে মাত্র ১০০ শত শরীর-রক্ষী সৈন্য রাখিবার অধিকার প্রদান করেন। মহারাজ কুমুদচন্দ্র

এই সম্মান অব্যাহত ভাবে ভোগ করিয়া গিয়াছেন এবং এই সম্মান অস্বাপি তাঁহার সুষোণ্য পুত্র শ্রীযুক্ত মহারাজ ভূপেন্দ্রচন্দ্র সিংহ ও তাঁহার খুল্ল-পিতামহ ও পিতৃব্যগণ ভোগ করিতেছেন। মহারাজ রাজকৃষ্ণ সিংহ বাহাদুরকে দেওয়ানী আদালতে উপস্থিত হইয়া সাক্ষ্য দিতে হইত না, গভর্ণমেন্ট অনুগ্রহ করিয়া এই সম্মান ও Right of Private entry (সাধারণের অব্যবহার্য্য দ্বার দিয়া রাজপ্রাসাদে প্রবেশ) ১৯১৩ খৃঃ হইতে মহারাজ কুমুদচন্দ্রকে বংশানুক্রমে ভোগ করিবার অধিকার প্রদান করেন। মহারাজ কুমুদচন্দ্র, মহামান্ত ভারতেশ্বরের ভারতে আগমন উপলক্ষে দিল্লীতে যে অতি বৃহৎ দরবার হইয়াছিল, তাহাতে যোগদান করিয়াছিলেন এবং উচ্চ সম্মান লাভ করিয়াছিলেন। হিন্দু বালিকাদের শিক্ষা পদ্ধতির বিষয় আলোচনা করিবার জন্ত মাননীয় বিচারপতি শ্রীযুক্ত স্ত্রী আশুতোষ মুখোপাধ্যায় মহাশয়ের কর্তৃত্বাধীনে বঙ্গেশ্বর লর্ড কারমাইকেল যে কমিটি নিয়োগ করিয়াছিলেন এবং সংস্কৃত শিক্ষা-পদ্ধতি সম্বন্ধে আলোচনা করিবার জন্ত যে কমিটি গঠিত হইয়াছিল, মহারাজ কুমুদচন্দ্র এতদ্বয়েরই একজন সদস্য ছিলেন। লর্ড কারমাইকেল বাহাদুর ও অন্যান্য বহু উচ্চপদস্থ রাজকর্মচারী তাঁহাকে অত্যন্ত শ্রীতি ও শ্রদ্ধার চক্ষে দেখিতেন এবং অকৃত্রিম বন্ধুভাবে গ্রহণ করিয়াছিলেন। স্বর্গীয় মহারাজ বাহাদুর, লর্ড কারমাইকেল বাহাদুরের সহিত সাক্ষাৎ কালে শিক্ষা ও স্বাস্থ্য বিষয়ে ভারতের প্রাচীন রীতি নীতি সম্বন্ধে সবিশেষ আলোচনা করিয়া গিয়াছেন। ভূতপূর্ব লর্ড হার্ডিঞ্জ বাহাদুরের প্রতিষ্ঠিত Imperial war relief fund, Bengal Branch এর অগ্রতম সদস্য রূপে মহারাজ বাহাদুর মনোনীত হইয়াছিলেন।

বারেন্দ্র কুলীনসমাজ ৮টি বিভিন্ন পঠিতে বিভক্ত ছিল, সুসঙ্গের রাজবংশ এই আট পঠির নায়ক। এই সম্মান অত্র কাহারও নাই এবং ইটা সুসঙ্গের রাজবংশ বহু পুরুষাবধি ভোগ করিয়া আসিতেছেন। মহারাজ কুমুদচন্দ্র এই বিভিন্ন ৮ পঠির মিলন সাধন করেন। ৮কালীঘাটে ১৩২০ বঙ্গাব্দে সনে যে প্রথম ব্রাহ্মণ মহাসম্মিলনীর অধিবেশন হইয়াছিল, মহারাজ কুমুদচন্দ্র তাহার সর্ব প্রথম সভাপতি হইয়াছিলেন। তিনি 'ব্রাহ্মণ-সভা', কলিকাতায় অন্নমনসিংহ ছাত্র-সম্মিলনীর সভাপতি ছিলেন এবং কিছু কালের নিমিত্ত

কার্তিক, ১৩২৩।] মহারাজ কুমুদচন্দ্র সিংহ বাহাদুর। ৩১২

‘সাহিত্য-সভার’ সভাপতি এবং বহু বর্ষকাল তাঁহার সহ-সভাপতি ছিলেন। মরমনসিংহে বিজ্ঞানাচার্য ডাক্তার শ্রীযুক্ত শ্যাম জগদীশ চন্দ্র বসু মহাশয়ের নেতৃত্বাধীনে সাহিত্য-সম্মিলনের যে অধিবেশন হইয়াছিল, মহারাজ কুমুদচন্দ্র তাহারও অভ্যর্থনা-সমিতির সভাপতি ছিলেন। এতদ্ভিন্ন ‘Calcutta Old club,’ ‘Calcutta Literary Society,’ ‘৩ মহাকালী পাঠশালা’ ‘সংসঙ্গ’ প্রভৃতি সদস্যগণে তিনি সভাপতি ও সভ্যরূপে কার্য্য করিয়াছিলেন। বর্তমানে পঞ্জিকা-সংস্কার-বিষয়ে তাঁহার অত্যধিক আগ্রহ ও উৎসাহ ছিল এবং তাঁহারই যত্নে-ব্রাহ্মণসভা সে ভার গ্রহণ করিয়াছেন।

প্রজাবৎসল মহারাজ কুমুদচন্দ্র, প্রভূত ভোগ বিলাস ও বিষয় সম্পত্তির অধিকারী হইলেও কোন দিনই ভোগ বিলাস বা বিষয়াসক্ত ছিলেন না পরন্তু বিষয় কার্য্যে কোন দিনই অনুরাগ বা স্পৃহা প্রদর্শন না করিলেও প্রজার আর্তনাদে তাঁহার কোমল হৃদয় বিচলিত হইত; এমন কি মৃত্যুর সপ্তাহকাল পূর্বেও যখন প্রজাবৃন্দ ও অমাত্যবর্গ মহারাজ কুমুদচন্দ্রের রোগ মুক্তি কামনার হই দিন অহোরাত্র হরিসংকীর্তন করিতেছিলেন, তখন সেই সংবাদ শুনিতে পাইয়া তাঁহার শুভানুধ্যায়ী প্রজাবৃন্দ ও অমাত্যবর্গকে দর্শন অভিলাষে ব্যাকুল হইয়াছিলেন, কিন্তু তখন তিনি শয্যাশায়ী ও উত্থানশক্তিহিত স্মৃতরাং তাঁহাদিগের সম্মুখে উপস্থিত হইতে না পারিয়া, অশ্রুপাত করেন ও অবশেষে অধীর হইয়া নিম্নলিখিত কতিপয় ছত্রে তাঁহার মনোগত ভাব ব্যক্ত করেন :—

“সমবেত প্রিয় অমাত্যবর্গ ও প্রজাবৃন্দ! আমার পীড়ার সংবাদ শ্রবণে নিতান্ত ব্যথিত ও চিন্তিত হইয়া আপনারা সকলে, আমার অচিরে রোগমুক্তি কামনার ভগবচ্চরণে যে প্রার্থনা জানাইতেছেন আমার দৃঢ় বিশ্বাস, তাহার ফল শীঘ্রই ফলিবে এবং অল্পকাল মধ্যেই আমি আপনাদের সমক্ষে উপস্থিত হইয়া হৃদয়ের কৃতজ্ঞতা জ্ঞাপনে সমর্থ হইব। আজ আমি উত্থানশক্তি-রহিত, হৃদয়ের প্রবলভাব প্রকাশ করিতে পারিতেছি না, স্মৃতরাং বাধ্য হইয়াই আমার সঙ্গত সামান্য হই একটি ত্রাবর্ষলিখিয়া দিলাম এবং তাহা আপনাদিগের নিকট পাঠ করিয়া শ্রবণ করাইবার নিমিত্ত আমার সর্ব্ব কনিষ্ঠ অনুজ শ্রীমান, বিজ্ঞান চন্দ্র সিংহকে পাঠাইলাম। জানিনা জন্মান্তর কি ইহজন্মকৃত কোন ঠক্কড়ের ফলে আজ আমাকে রোগশয্যায় শাসিত থাকিয়া এইরূপ যন্ত্রণা ভোগ করিতে

হইতেছে । এ সংসারে কর্মফল সকলকেই ভোগ করিতে হইবে । গগনস্পর্শি প্রাসাদবাসী হইতে পর্ণাশুভোজী দীন কুটীরবাসী পর্যন্ত কাহারও কর্মফলের হস্ত হইতে নিস্তার পাইবার উপায় নাই । “মাতৃকং কীর্ত্তে কর্ম করকোটি শতৈরপি” । নিশ্চয়ই কোন পাপের ফলেই আজ আমাকে এই দুঃখ ভোগ করিতে হইতেছে । আপনাদের নিকট জ্ঞানতঃ কিম্বা অজ্ঞানতঃ যদি কোন অপরাধ করিয়া থাকি, আপনারা অমুগ্রহপূর্বক তাহা ক্ষমা করিবেন । আমার আর বেশী লিখিবার ক্ষমতা নাই, ভরসা করি আপনাদের প্রার্থনায় ভগবান কর্ণপাত করিবেন এবং আমিও শীঘ্র আরোগ্য লাভপূর্বক আপনাদের সকলের নয়নপথবর্তী হইয়া জীবন ধন্য করিতে সমর্থ হইব । ইতি ১০ই আশ্বিন মঙ্গলবার (১৩২৩) ।”

স্বর্গীয় মহারাজ বাহাদুরের Life is duty জীবন কর্তব্যময় ইহাই তাঁহার প্রবাদবাক্য ছিল তিনি এই প্রবাদবাক্য জীবনে কতটুকু অনুসরণ করিয়াছিলেন, সুধীগণ তাঁহার জীবনী সুন্দররূপে পর্যালোচনা করিলেই বুঝিতে পারিবেন । তিনি অত্যন্ত সরল ও উন্নতহৃদয়, উদারপ্রকৃতি, স্বধর্ম্মানুরাগী, শিষ্টাচারসম্পন্ন, বিনয়ী ও সদালাপী ছিলেন এবং জীজ্ঞাতিকে অত্যন্ত সম্মান করিতেন ও শ্রদ্ধার চক্ষে দেখিতেন । তাঁহার চরিত্র সম্পূর্ণরূপে নিশ্চল ও তাঁহার হৃদয় পবিত্রভাবে পরিপূর্ণ ছিল । তাঁহার ত্রায় বালকসুলভ সরলতা বর্তমান কালে কচিং দৃষ্ট হয় । সাহিত্যচর্চায় নানাবিধ শাস্ত্রালোচনা ও ধর্ম্মপ্রসঙ্গেই তিনি কালান্তিপাত করিতেন । তাঁহার ধর্ম্মভাব এতদূর প্রবল ছিল যে, আসন্ন মৃত্যুর লক্ষণ প্রকাশ পাইলে যখন তাঁহাকে ভগবানের নাম স্মরণ করিতে বলা হইল, তখন অতি কষ্টে হাত জোড় করিয়া স্পষ্টভাবে কতকবার “দুর্গা” নাম উচ্চারণ করেন ও জড়িত-কণ্ঠে একটি স্তোত্র পাঠ করেন ।

মৃত্যুর দিন সন্ধ্যার সময় যখন করাল কাল তাঁহাকে গ্রাস করিবার জন্ত প্রস্তুত হইতেছিল, তখনও তিনি অসহ রোগ ব্যঞ্জনা বিস্মৃত হইয়া, সুসজ্জনবাসী শ্রীযুক্ত যোগেন্দ্র নাথ তর্ক-সাংখ্যবেদান্ততীর্থ মহাশয়কে সন্নিকটে বসাইয়া ৮/৮টুকু ভৈরব স্তোত্র পাঠ করিতে বলেন । তখন তাঁহার কণ্ঠ বিজড়িত ও তিনি মুহূর্ম্মুহু মোহে আক্রান্ত হইতেছিলেন ও সুদীর্ঘ শ্বাস তাঁহার আসন্ন মৃত্যু জ্ঞাপন করিতে-

কার্তিক, ১৩২২।] মহারাজ কুমুদচন্দ্র সিংহ বাহাদুর। ৩২১

ছিল, সেই অবস্থায় কণকাল সংজ্ঞা লিখা করিয়া, পণ্ডিত প্রবরের সতিত সাগ্রহে অর্ধ স্মৃতিত্ব স্বরে স্তব পাঠ করিয়াছিলেন।

আসন্নকালে তাঁহার প্রবল ধর্মভাবের কোনরূপ ব্যতিক্রম দেখিতে পাওয়া যায় নাই, মহারাজ বাহাদুর তদীয় খুল্লভাত-অগ্রজ ভ্রাতাকে তখন ডাকিয়া বলেন যে, “আপনারা দেখিবেন যে ঔষধ রূপেও যেন আমাকে কোন অধাতু না দেওয়া হয়” এইরূপ কথাটাই তাঁহার হিন্দু ধর্মাত্মমোদিত সদাচার পালনের বিশেষ সাক্ষ্য প্রদান করিতেছে।

সাহিত্য-ক্ষেত্রে তিনি যে কেবল প্রবন্ধাদি লিখিয়া গিয়াছেন এমন নহে, তাঁহার লিখিত অপ্রকাশিত ক্ষুদ্র ক্ষুদ্র কবিতাও বর্তমান আছে।

পূর্ব ময়মনসিংহে Minor (মধ্য ইংরাজী) পরীক্ষাপ্রার্থী জমিদারবর্গকে পৃথক আসনে বসিতে দেওয়া হইত। মহারাজ বাহাদুর Minor পরীক্ষা দিতে বাইরা পৃথক ভাবে বসিতে অনিচ্ছাপ্রকাশ করিয়া সর্বসাধারণের সঙ্গে একত্রে বসিয়া পরীক্ষা দেন এবং তদবধি উল্লিখিত বিভিন্ন আসনে উপবেশনের প্রথা লুপ্ত হয়। ঢাকা বিশ্ববিদ্যালয় সম্বন্ধে আলোচনার সময় যখন কমিটি জমিদারবর্গের জ্ঞান পৃথক বিদ্যালয় স্থাপন করিবার অভিলাষ প্রকাশ করেন, তখন স্বর্গীয় মহারাজ বাহাদুরও এই প্রথার বিরুদ্ধে অভিমত প্রকাশ করেন।

দেশের জিনিষকে আন্তরিক ভালবাসা, দেশের পুরাতন আদর্শ গুলিকে প্রীতির চক্ষে দেখা এবং সেই গুলিতে একটা আমোদ ও প্রকৃত মাধুর্য্য অনুভব করা ও সঙ্গে সঙ্গে সেই আদর্শ গুলিকে দেশের ‘খাঁটি’ জিনিষ বলিয়া ধারণা রাখা ও তৎপ্রতি সম্মান প্রদর্শন করা তাঁহার একটা লোভনীয় বস্তু ছিল এবং প্রকৃতপক্ষে এই ভাবে তিনি একজন খাঁটি দেশহিতৈষী ছিলেন। দামোদরের বন্ধায় যখন বর্দ্ধমানবাসী নিরাশ্রয় হইয়াছিল, স্বর্গীয় মহারাজ বাহাদুর সর্বপ্রথমে সেই সংবাদ পাইয়া, শ্রীবুদ্ধ মাননীয় স্তার মহারাজ মণীন্দ্রচন্দ্র নন্দীর সম্মানার্থ আহূত সভায় বর্দ্ধমানবাসী দিগের দুর্দশার অবসানকরে নানারূপ অনুষ্ঠান করিবার জ্ঞান প্রস্তাব উত্থাপন করেন।

৬ বৃন্দাবন ও তদ্বিকটবর্তী স্থানে পশুহত্যা-নিবারণ জ্ঞান মাননীয় গভর্নমেন্ট বাহাদুরের নিকট আবেদন করিবার জ্ঞান কলিকাতার ৬ মকনমোহন ভায়া যে সভা আহূত হইয়াছিল, সেইখানে তিনি সৎকরণ ভাষায় যে বক্তৃতা

দিয়াছিলেন তাহাতে অনেককেই অশ্রুপাত করিতে হইয়াছিল এবং সেইদিনা উপস্থিত শ্রোতৃবর্গ প্রকৃতই তাঁহার দেবতাব লক্ষ্য করিয়াছিলেন ।

তিনি বিজ্ঞানাচার্য্য শ্রীযুক্ত স্যার জগদীশ চন্দ্র বসু মহাশয়ের সহিত সাক্ষাৎ করিয়া প্রায়ই বিজ্ঞান-আলোচনা করিতেন । এবং বিজ্ঞান-ক্ষেত্রে সমধিক চেষ্টা না করার ও শৈশবাবধি ক্যাকরণ আশ্রয় না করিয়া সংস্কৃত পড়ায় সময়ে সময়ে আশ্রয় করিতেন ।

তিনি ময়মনসিংহ আনন্দমোহন কলেজ ফণ্ড, দামোদর রিলিফ ফণ্ড, বেঙ্গল এমুলেন্স কোর, ইম্পিরিয়েল রিলিফ ফণ্ড ও অন্যান্য অনেক সদগুষ্ঠানে অনেক অর্থ সাহায্য করিয়াছেন ।

যদিও স্বর্গীয় মহারাজ বাহাদুর রাজনীতিক আলোচনায় অতি অল্পই যোগদান করিয়াছেন, তথাপি রাজনীতিকক্ষেত্রেও তাঁহার লক্ষ্য ছিল । স্বদেশী আন্দোলনে তাঁহার আন্তরিক সহানুভূতি ছিল এবং এবং কলিকাতা-স্বদেশী-প্রদর্শনীতে (Exhibition) সর্বদা গমনাগমন করিয়া দেশের শিল্পাদির উন্নতি লক্ষ্য করিয়া আনন্দিত হইতেন । ভূতপূর্ব বড়লাট লর্ড কার্জন বাহাদুর যখন ময়মনসিংহে গমন করিয়াছিলেন, তখন ময়মনসিংহে বঙ্গবিচ্ছেদের বিরুদ্ধে অভিমত প্রকাশ করিবার জন্ত যে মহতী সভা আহূত হয়, মহারাজ বাহাদুর তাহার সভাপতিরূপে স্বীয় অভিমত ব্যক্ত করেন এবং গভর্নমেন্টের প্রস্তাবের প্রতিবাদ করেন । কতিপয় বৎসর পূর্বে ময়মনসিংহ জেলা বিভক্ত করিবার প্রস্তাব করিয়া মাননীয় লর্ড কারমাইকেল বাহাদুর ময়মনসিংহে যে Round table conference আহ্বান করেন, স্বর্গীয় মহারাজ বাহাদুর তাহার সভ্যরূপে ঐ প্রস্তাবের প্রতিবাদ করেন এবং পক্ষান্তরে জেলার বিভিন্ন স্থান-গুলিতে Railway বিস্তার করিবার প্রস্তাব উত্থাপন করেন ।

মহারাজ বাহাদুর স্বচেষ্টায় ও নিজ পরিশ্রমে সুসঙ্গের প্রাচীন সাহিত্যিক রাজা রাজসিংহের প্রণীত অপূর্ব 'ভারতী মঙ্গলকাব্য' গ্রন্থখানি সাহিত্যসংহিতায় প্রকাশ করেন ।

পুত্র, ভ্রাতৃপুত্র, ভাগিনের প্রভৃতিকে শিক্ষা প্রদান করিবার মানসে ও অগ্রান্ত কার্যাবশতঃ তিনি জীবনের শেষাংশের অধিকাংশ সময় কলিকাতায় অতিবাহিত করিতেন । তথায় অবস্থান-কালে দেশহিতকর প্রায় সকল অগুষ্ঠানেই যোগদান

কার্তিক, ১৩২৩।] মহারাজ কুমুদচন্দ্র সিংহ বাহাদুর। ৩২৩

করিয়াছিলেন। দীর্ঘকাল বিদেশে অবস্থানের পরে বিগত ভাদ্র মাসে দেশবাসী প্রজাবৃন্দ অমাত্যবর্গ ও আত্মীয় স্বজনের আনন্দ কোলাহলের মধ্যে স্বদেশে প্রত্যাগমন করেন। বাড়ী আগমনের ৪।৫ দিন পরেই জ্বরাক্রান্ত হন, এই অসুস্থতাই তাঁহার কালস্বরূপ হইল। প্রায় ৬৭ বৎসর পূর্বে হইতেই তিনি বহুমূত্ররোগে আক্রান্ত হইয়াছিলেন এবং সেই দারুণ পীড়াতেই তাঁহার শরীরের অবস্থাও ক্রমশঃ খারাপ হইতেছিল। বাড়ী আসিয়াই যে জ্বরাক্রান্ত হন, ক্রমে তাহার প্রকোপ বৃদ্ধি পাইল ও নানা উপসর্গের সঙ্গে অবশেষে—uremiaর লক্ষণ সমূহ স্পষ্ট প্রকাশ পাইল। সকলে বুঝিতে পারিল সুসজ্জের মুকুটমণি চিরতরে অন্তমিত হইবে। প্রজাবৃন্দের, আত্মীয় স্বজনের সমস্ত আকুল প্রার্থনা শেষ হইল। দেখিতে দেখিতে ১৬ই আশ্বিন কাল নিশা আসিয়া সমুপস্থিত হইল। মহামারার বোধন আরম্ভ হইল, জগজ্জননী নিদ্রোথিতা হইয়া দেখিলেন, তাঁহার প্রিয় সন্তান কুমুদচন্দ্র তাঁহারই কোড়ে স্থান লাভ করিবার নিমিত্ত লালায়িত হইয়া অপেক্ষা করিতেছেন, মায়ের প্রাণ কাঁদিয়া উঠিল, বোধনের অব্যবহিত পরেই ১৬ই আশ্বিন সোমবার রাত্রি প্রায় ১০½ ঘটিকার সময় শান্তিরূপিণী মহামারা তাঁহার শান্তিময় কোড়ে সন্তানকে আশ্রয় দান করিলেন। ১৬ই আশ্বিনের রজনী অবসানের সঙ্গে কুমুদচন্দ্রের চিতানল সোমেশ্বরীতীরে নিৰ্কাপিত হইল। সব ছাই হইয়া গেল, সুসজ্জের আশাভরসা যশঃ গৌরব কুমুদচন্দ্রের সন্তিত তিরোহিত হইল।

স্বর্গীয় মহারাজ বাহাদুরের বৃদ্ধা জননী ও ভার্য্যা এখনও বর্তমান। তাঁহার একমাত্র পুত্র শ্রীযুক্ত মহারাজ ভূপেন্দ্রচন্দ্র প্রেসিডেন্সি কলেজে আই, এ, শ্রেণীতে অধ্যয়ন করিতেছেন। তিনি দীর্ঘজীবী হইয়া পিতৃপথানুসরণ করিতে সমর্থ হউন, ভগবানের নিকট আমরাদিগের ইতাই প্রার্থনা।

শ্রী . —

সুসঙ্গাধিপতির স্বর্গারোহণে—

বাগীশ্বরী-বরপুত্র কমলার প্রিয়
'কুমুদ' মুদিল আজ ছড়ারে সৌরভ
মুগ্ধরিত খ্যাতি যার বজের পৌরব
সেই রত্ন কাঁধি নিল দেব-উত্তরীয়,
তাক্ত দেখি তা'রা—যা'রা কেবলি নিষ্ক্রিয়
কালরূপী মহাকাল ভূতেশ ভৈরব
সিদ্ধহস্ত ফিরিছেন হরিতে বৈভব
কেন হেন ? কোবোনাক মোর জ্ঞানেন্দ্রিয়
রক্তময় বঙ্গহৃদি-মধুর আসনে
কত মুক্তা কত মণিমাণিক্যের ভার
একে একে খসিতেছে কালের শাসনে !
আজি যে খসিল হীরা কিবা জ্যোতিঃ তার
অশ্রুপূর্ণ আঁখি মোর নীরব ভাষণে
'কুমুদ' ছিল না সে যে পতদল-হার !

শ্রীচণ্ডীচরণ মিত্র

বৈজ্ঞানিক-তত্ত্বানুসারে মানবের স্বাভাবিক আহার বিচার ।

প্রকৃতি এবং প্রাকৃতিক ব্যবস্থাপরম্পরার দিকে উত্তরোত্তর অধিকতর মনোনিবেশ হইতেছে, এবং সভ্যজন সভ্যতার উচ্চতমাবস্থা প্রাপ্ত হইয়া যে দৈহিক, মানসিক এবং নৈতিক অশুভ ফল ভোগ করিয়া থাকেন তাহার অধিকাংশ যে যথার্থই উচ্চতমাবস্থাসম্ভব বিলাসিতা বা অস্বাভাবিক আচার-জনিত বিষয়ে ধারণা ক্রমশঃ বৃদ্ধি হইতে চলিয়াছে ইহা বর্তমানকালীন জ্ঞানোন্নতির বিশেষ পরিচায়ক ।

বিগত কতিপয় শতাব্দীতে জনসমাজে অদ্ভুত উন্নতি সাধিত হওয়া সত্ত্বেও মানব জাতির বাহ্যিক এবং মানসিক অবনতি হওয়াতে সপ্রমাণ হইতেছে যে সভ্যতা উৎকৃষ্ট ফলপ্রসূ এবং শুভকারিণী হইলেও তাহা হইতে নিরবচ্ছিন্ন মঙ্গল আশা করা যায় না । “আমরা কি মরণোন্মুখ জাতি ?” এই আখ্যা বিশিষ্ট কোন পত্রিকার লেখক নিশ্চিত ঘটনাপরম্পরা দ্বারা সপ্রমাণ করিবার চেষ্টা করিয়াছেন যে “আমরা মরণোন্মুখ জাতিই বটে ।”

মানব স্বভাবতঃ সরল রীতি এবং প্রকৃতির উপযোগী । ইহার বহুল পরিমাণে ব্যভিচারই এই বাহ্যিক অবনতির কারণ । সভ্যতা জনিত অবশ্রম্ভাবী কলুষিত ভাবের তথ্যানুসন্ধানে যে নানা প্রকার কথা উপস্থিত হয় তন্মধ্যে একটির মাত্র উল্লেখ করাই এই পত্রিকার উদ্দেশ্য । এ কথাটি মাংসাহার বিষয়ক ; অর্থাৎ প্রাণি-মাংস মনুষ্যের স্বাভাবিক আহার ? কি স্বচ্ছন্দ ভূমিজাত শস্তাদি মনুষ্যের স্বাভাবিক আহার ?—এই কথাটিরই পত্রিকার আলোচনা করা হইয়াছে । এই কথার মীমাংসার জন্য তিনটি বিষয়ে লক্ষ্য রাখিতে হয় :—

প্রথমতঃ—পুরাবৃত্ত অর্থাৎ মানবের অভিজ্ঞতার বাহা জানা যায়,

দ্বিতীয়তঃ—বিজ্ঞান অর্থাৎ প্রাকৃতিক তত্ত্বের আলোচনার বাহা জানা যায়,

তৃতীয়তঃ—ধর্মনীতি অর্থাৎ ঐশ্বরিক অভিপ্রায় বিচার,

বিজ্ঞান অধ্যয়নের ফলে জানা যায় যে স্বাভাবিক অবস্থায় যে কোন প্রাণীর

আহার তাহার দৈহিক গঠনভাব ও তাহার পরিপাক প্রণালী পরম্পরা এবং তাহার অন্যান্য দৈহিক ক্রিয়ার অমুরূপ ; এই বৈজ্ঞানিক সূত্রের প্রতি লক্ষ্য করিয়া পূর্বোক্ত কথা বা প্রস্তাবনা—অর্থাৎ মাংস মানবের স্বভাবসিদ্ধ ভোজ্য ? বা শাক শস্য তাহার স্বাভাবিক ভোজ্য ?—ইহা পর্যালোচনা করিতে হইবে ।

শারীরতত্ত্ববিৎ পণ্ডিতেরা ঐ সূত্র অবলম্বন পূর্বক প্রাণি-গণের আহারের প্রকার ভেদে তাহাদিগকে চারি প্রধান শ্রেণীতে বিভক্ত করিয়াছেন । যথা,— তৃণপত্রভোজী, ফলাহারী, মাংসাশী এবং সর্বভুক । উচ্চশ্রেণীস্থ জীবের পক্ষেই প্রধানতঃ এই বিভাগ সঙ্গত হইয়া থাকে । তবে পক্ষী, মৎস্য প্রভৃতি অধঃ-শ্রেণীস্থ প্রাণিকেও এই বিভাগের অন্তর্ভুক্ত করা যাইতে পারে ।

এই সাধারণ শ্রেণী বিভাগকে আরও অনেক শ্রেণীতে বিভক্ত করা হইয়াছে । যথা—শস্ত্রভোজী, চৰ্কক, রোমন্থক এবং অদন্তী । অধিকাংশ ফলাহারী প্রাণীর ভক্ষ্য শস্য, তজ্জন্ত শস্য-ভোজী প্রাণী ফলাহারীর অন্তর্নিবিষ্ট বলিয়া সাধারণতঃ পরিগণিত হইয়া থাকে ।

কোন, প্রাণী পূর্ব-নির্দেশিত কোন শ্রেণীর অন্তর্গত ইহা নির্ণয় করিতে হইলে বিশেষ মনোযোগের সহিত প্রাণীর গঠনপ্রণালী পর্যবেক্ষণ করা আবশ্যিক । এই পর্যবেক্ষণে প্রাণি-জগতের মধ্যে বিভিন্ন জাতীয়প্রাণী নিজ নিজ প্রাকৃতিক আহারানুসারে আবার বহুতর শাখা শ্রেণীতে বিভক্ত হইয়াছে, তাহাদিগের আকৃতির প্রকৃতিগত বিশেষত্বের জ্ঞান থাকা আবশ্যিক হইবে । তাদৃশ শ্রেণী-বিভাগ হেতু প্রয়োজনীয় উপাদান—জানিবার জন্ত বিভিন্ন শ্রেণীস্থ প্রাণীর প্রকৃতিগত বিশেষ ভাব সংক্ষেপে কথিত হইতেছে ।

তৃণপত্র ভোজী প্রাণীর দন্ত ।

গো, অশ্ব, মেষ, প্রভৃতি তৃণপত্র ভোজী-প্রাণি অন্তর্নিবিষ্ট শ্রেণীর দন্ত তাহাদিগের কর্কশ এবং আয়ত আহার্য্য পদার্থ চৰ্কণের সম্যক উপযোগী । গোর চতুর্ভুজ চৰ্কণ-দন্ত ; তন্মধ্যে প্রত্যেক হনুর প্রত্যেক দিকে ছয়টি । অষ্ট সংখ্যক ছেদন-দন্ত ; সবগুলি নিম্নহনুতে সন্নিবিষ্ট, উপরিস্থ হনুতে ছেদন-দন্ত নাই ; সেই স্থান শূন্য-সদৃশ এক প্রকার কঠিন পত্র দ্বারা পরিব্যাপ্ত । হনুদ্বয় বন্ধ হইলে সেই কঠিন পত্রে নিম্নস্থ ছেদন দন্ত পঙ্ক্তি সংলগ্ন হইয়া থাকে ।

কার্তিক, ১৩২৩ ।] বৈজ্ঞানিক-তত্ত্বানুসারে আহার বিচার । ৫২৭

ইহাদিগের দন্তের গঠন প্রণালীতে বিশেষত্ব আছে । অন্যান্য শ্রেণীস্থ প্রাণীর অধিকাংশের দন্তের ঞায় ইহাদিগের দন্ত রুচকে * আবৃত না হইয়া তাহা পর্যায়ক্রমে রুচক এবং রদিনের † দ্বারা স্তরে স্তরে সংযোজিত । দৃঢ় ও মসৃণ রুচকের স্তর গুলির মধ্যস্থিত কোমল রদিনের স্তর গুলি অপেক্ষা নীচ ক্ষয় প্রাপ্ত হয় । তখন তৃণ পত্রাদি পেষিত এবং বিচূর্ণিত করিবার উপযোগী প্রসারিত রুচকের স্তর গুলি বর্তমান থাকে ।

মাংস ভোজি-প্রাণীর দন্ত :-

মাংসাশী মাত্রই মাংসভোজি প্রাণীর অন্তর্গত । এই শ্রেণীভুক্ত প্রাণিগণের বিশেষত্ব এই যে ইহাদের উভয় হাতে খদন্ত ‡ চতুষ্টয় বর্তমান । প্রত্যেক হস্তর উভয় পার্শ্বে দুইটি অবস্থিত । খদন্তের সম্মুখে ছেদন-দন্ত, এবং পশ্চাতে চর্ষণ-দন্ত । এই চর্ষণ-দন্তগুলির অগ্রভাগ দেখিতে ঠিক করপত্র অর্থাৎ করাতির কর্তন প্রান্তের ঞায় ।

কেবল মাত্র সিংহের মত মাংসভোজী জন্তুর খদন্ত অতিদীর্ঘ এবং তাহা সমস্ত খদন্ত প্রাণীর খদন্তের ঞায় অন্য দন্ত হইতে সুদূরে সংস্থাপিত । কুকুরের খদন্ত অপেক্ষাকৃত ক্ষুদ্র । ভল্লুকের মত যে জন্তু অধিক পরিমাণে উদ্ভিদ এবং ফলভোজী তাহার খদন্ত কুকুরের খদন্তাপেক্ষা অধিকতর ক্ষুদ্র ।

ফল ভোজী জন্তুর দন্ত :-

ফলভোজী প্রাণি-শ্রেণীর অন্তর্গত বনমানুষ অর্থাৎ সিম্পাজি, ওরাঙ-আউটাঙ এবং গোরিলার কেবল মাত্র ফল শস্য, বাদাম প্রভৃতি কঠিনত্ব সম্পন্ন অন্তঃশস্য বিশিষ্ট ফল আহার । ইহাদিগের সর্বসাকল্যে ষাত্রিশং সংখ্যকদন্ত । প্রত্যেক হস্তর দন্ত সংখ্যা ষোড়শ । যথা, চারি ছেদন-দন্ত, খদন্ত স্থানে প্রত্যেক দিকে একটি করিয়া দুইটি ভেদন-দন্ত, চারি দ্বিপিণ্ড অর্থাৎ ক্ষুদ্র চর্ষণ দন্ত এবং ছয় বৃহৎ চর্ষণ-দন্ত । তীক্ষ্ণ ভেদন-দন্তদ্বয় অন্যান্য দন্তাপেক্ষা বৃহত্তর ; এবং অন্যান্য হইতে অল্প পৃথকভাবে অবস্থিত । বানর জাতি ব্যতীত আরও বহুতর জাতীয় ফলভোজী-প্রাণী আছে । চর্মচর্চী বা বাহুড়, কাঙ্গারু

* Enamel

† Canine teeth

‡ Dentine

প্রভৃতি জাতীয় প্রাণীর দন্ত উচ্চশ্রেণীস্থ বানর জাতির অর্থাৎ বনমানুষের দন্তের অনুরূপ ।

সর্বভুক জন্তুর দন্ত—সর্বভুক প্রাণীর দন্ত তাহাদিগের প্রকৃতির বিশেষ অনুরূপ । এই শ্রেণীস্থ প্রাণী সর্বপ্রকার আহারই গ্রহণ করিয়া থাকে । স্বভাবতঃ ইহারা আবর্জনা পরিষ্কারক । শূকর এই শ্রেণীর অন্তর্গত । ইহাদিগের দন্তে বিশেষ দ্রষ্টব্য এই যে সন্মুখে প্রসারিত ছেদন-দন্ত এবং ঋদন্তগুলি দীর্ঘ এবং উপর দিকে বক্র । ইহারা উহা দ্বারা অপর জীবিত বা মৃত জন্তুকে নষ্ট বা ছিন্ন ভিন্ন করে এবং বন্যাবস্থায় ইহাদিগের ভোজ্য মূলাদি মৃত্তিকাতল হইতে উত্তোলন করে ।

নর-দন্ত—মানব দন্তের প্রতিকৃতি প্রতি দৃষ্টিপাত করিলে তাহার সহিত পূর্ব কথিত বিবিধ শ্রেণীস্থ প্রাণী সমূহের দন্তের বিশেষ পার্থক্য লক্ষিত হইবে । মনুষ্য দন্তে দুইটি বিশেষত্ব আছে । প্রথমতঃ ইহাদিগের অর্ধচন্দ্রাকৃতি দস্তাধার দন্তে পূর্ণ ; অর্থাৎ দন্ত-পঙক্তি মধ্যে কোন ব্যবধান নাই । দ্বিতীয়তঃ সকল দন্তগুলি কার্য্যতঃ সমান দীর্ঘ । দন্তের সংখ্যা দ্বাত্রিংশৎ । প্রত্যেক হনুতে চারি ছেদক, দুই ভেদক, চারি ক্ষুদ্র চর্কক এবং ছয় বৃহৎ চর্কক দন্ত ।

এক্ষণে যদি আমরা দন্তের গঠন বিচার পূর্বক স্থির করিয়া থাকি মানব কোন্ শ্রেণীস্থ প্রাণীর অন্তর্গত তাহা হইলে আমাদের আলোচিত পূর্বোল্লিখিত কতিপয় শ্রেণীস্থ প্রাণীর বিবরণ উল্লেখ করিলেই জিজ্ঞাস্যের উত্তর দেওয়া হইবে । এই প্রকার পর্যালোচনা করিতে হইলে আমাদের পূর্ব স্থিরীকৃত মত এবং সংস্কার পরিত্যাগ করিতে হইবে ; এবং ঋণকালের নিমিত্ত মনুষ্যকে কোন ভূতপূর্ব ভূগর্ভ নিহিত অপ্ৰকাশিত প্রাণী বলিয়া গণ্য করিতে হইবে । তাহার রীতি প্রকৃতি নির্ধারণ জন্ত তাহার কঙ্কাল, যে সকল প্রাণীর রীতি প্রকৃতি আমরা অবগত আছি তাহাদিগের কঙ্কালের সহিত মিলাইতে হইবে । তৃণ-পত্র ভোজীপ্রাণীর দন্তের সহিত মানবদন্তের আমরা কিঞ্চিন্মাত্রও সাদৃশ্য দেখিনা । কেবল মাংস ভোজী-প্রাণীর দন্তের সহিত মনুষ্য-দন্তের তুলনা করিলে দেখিতে পাওয়া যায় যে, মনুষ্যের সিংহ এবং ব্যাঘ্রের ন্যায় অন্য মাংস-ছেদনোপযোগী দীর্ঘ ধারাল দন্তের সম্পূর্ণ অভাব । সর্বভুক-প্রাণীর দন্তের সহিত

কার্তিক, ১৩২৩।] বৈজ্ঞানিক-তত্ত্বানুসারে আহার বিচার। ৩২৯

মানব-দন্তের তুলনা করিতে আমরা দন্তের আকৃতি এবং হনুতে সজ্জিত সাধারণ ব্যবস্থা সম্বন্ধে অধিকতর বৈলক্ষণ্য লক্ষ্য করিব, কিন্তু যখন নর-দন্তের সহিত উচ্চতর বানর বা বনমানুষ জাতির অন্তর্গত ফলাহারী প্রাণীর দন্তের তুলনা করিব, তখন যে কেবল মাত্র আশ্চর্য্য সাদৃশ্য লক্ষ্য করিব তাহা নহে; দন্তের সংখ্যা, আকৃতি, যোজনা এবং হনুতে সজ্জিত হইবার ব্যবস্থার সম্পূর্ণ সাদৃশ্য লক্ষিত হইবে। কেবল মাত্র আকারে এই প্রভেদ দেখিতে পাওয়া যায় যে, বানর জাতির ভেদ-দন্ত তাহার অন্য দস্তাপেক্ষা বৃহত্তর; এবং অন্য দস্তাপেক্ষা অল্প দূরে অবস্থিত। ইহাতে হনু যোজনের এবং বন্ধ করিবার সুবিধা হইয়া থাকে। এবং দন্ত-চতুষ্টয় মাংসাশী প্রাণীর খদন্ত-চতুষ্টয় হইতে সম্পূর্ণ ভিন্ন; যেহেতু সেই খদন্ত দীর্ঘ, ধারাল ও তীক্ষ্ণ এবং মাংসচ্ছেদনোপযোগী; কিন্তু বানর জাতির ভেদন-দন্ত বিষমকোণাকৃতি এবং ইহা পরস্পর সম্যক্রূপে সংযোজিত হইতে পারায়, বানর জাতি ওহারা তাহাদিগের ভোজ্য বাদাম প্রভৃতি কঠিনত্বক্ সম্পন্ন অন্তঃশস্য বিশিষ্ট ফল পেষিত করিতে এবং ফলের আবরণ চ্যুত করিতে সমর্থ হয়।

কেবল মাত্র দন্ত নহে। অগ্ৰাণ্ড বস্তুর ও পরীক্ষায় দেখা যাইবে যে, যে গুলি ভিন্ন ভিন্ন জাতীয় প্রাণীর ঋণ সামগ্রীর পরিচায়ক এবং উপযোগী। এই সকল বিশেষত্ব পরস্পরাভাব এবং বর্তমান জাতব্য বিষয়ের সহিত তাহার সম্বন্ধের সংক্ষেপ পর্যালোচনার উৎসুক্য জন্মাইবে সন্দেহ নাই।

দেহের শাখা চতুষ্টয়—জীব-রহস্য বিৎ পণ্ডিত হক্সলি (Huxley) সাহেব জায়ায়ুজ প্রাণীর দৈহিক শাখা লক্ষণের উপর নির্ভর করিয়া তাহাদিগকে তিন শ্রেণীতে বিভক্ত করিয়াছেন। যথা মশক, নখী, এবং হস্তী (হস্তশিষ্ট)। মশক প্রাণী তৃণপত্র ভোজী বা সর্বভুক্ হইবে। নখী প্রাণী সংধারণতঃ মাংসভোজী হয়। মানবের পদ হস্তের রূপান্তর মাত্র। অতএব হস্তী বা হস্ত বিশিষ্ট প্রাণী মাত্রেই ফলাহারী। এই নিয়মের ব্যতিক্রম কেবল মাত্র কতিপয় নিম্ন শ্রেণীস্থ মানবের মধ্যে দেখিতে পাওয়া যায়। তাহারা অন্য আহার্য্যভাবে কীটও ভক্ষণ করিয়া থাকে। অতএব পূর্বে-লিখিত বিবরণানুসারে মানবকে ফলশস্যভোজী প্রাণি-শ্রেণী ভুক্ত করিতে হইবে।

তাহার হস্ত মাংসালী প্রাণীর নথের মত মাংস ছেদনের সম্পূর্ণ যোগা । তাহার হস্ত তৃণপত্রভোজী বা সৰ্বভুক প্রাণীর খুরের মতও নহে ।

অন্ননালী ।—আপেক্ষিক শারীরবিদগণ * কর্তৃক অন্ননালীর দৈর্ঘ্য বিষয়ক এবং অত্যাৱশ্যক তত্ত্বনিরূপিত হইয়াছে । মাংসাশি-প্রাণিগণের অন্ননালী অতি হৃৎ ; এবং তৃণপত্রভোজী-প্রাণিগণের অন্ননালী দীর্ঘ । বিভিন্ন জাতীর প্রাণীর শারীরিক দৈর্ঘ্যের সহিত তুলনায় অন্ননালী এইরূপ হইয়া থাকে যথা,—মাংসাশি প্রাণিগণের অন্ননালীর দৈর্ঘ্য তাহাদিগের দেহাপেক্ষা ত্রিংশুণ অধিক , মেবের মত তৃণ পত্র ভোজী প্রাণিগণের অন্ননালী তাহাদিগের দেহাপেক্ষা ত্রিংশুণ দীর্ঘ ; বানরের অন্ননালী তাহার দেহাপেক্ষা দ্বাদশ গুণ দীর্ঘ ; সৰ্বভুক গণের অন্ননালী তাহাদিগের দেহাপেক্ষা দশগুণ দীর্ঘ ; এবং ফলাহারী প্রাণীর ন্যায় মানবের অন্ননালী তাহাদিগের দেহাপেক্ষা দ্বাদশগুণ দীর্ঘ । এ স্থলে দেখা যাইতেছে যে শারীরসংস্থান বিদ্যা + অনুসারে মানব পূৰ্ব কথিত মত ফলাহারী প্রাণী মধ্যে পরিগণিত । কোন কোন লেখক ভ্রান্তিক্রমে যম্বুস্যের দৃশ্যমান কালীন দৈর্ঘ্যের পরিমাণ গ্রহণ করাতে দৈর্ঘ্য দ্বিগুণিত করিয়া দৈর্ঘ্যের অনুপাত ১০:১২ স্থলে ১০:৬ । স্থির করিয়াছেন । এই রূপ পরিমাণ ভ্রান্তিমূলক । কারণ, ইহাতে নিম্ন সীমা কর্তীং পদছয় পর্য্যন্ত পরিমাপিত হইতেছে । অথচ অন্যান্য প্রাণীর অগ্রভাগ হইতে পৃষ্ঠ বংশের শেষ পর্য্যন্তই মাপ হইয়া থাকে । সৰ্বভুক প্রাণীর অন্ননালী বানর এবং নরের অন্ননালী অপেক্ষা হৃৎ । সুতরাং এই জাতীর প্রাণীর সহিত তৃণ পত্র ভোজীপ্রাণীর অপেক্ষা মাংসাশি প্রাণীর সহিত অধিকতর সাদৃশ্য আছে ।

শারীরবিৎ কটনার † কর্তৃক এক রহস্য প্রকাশিত হইয়াছে । গ্রন্থকার ভিন্ন ভিন্ন শ্রেণীস্থ ব্যক্তির ক্ষুদ্র অন্ত § সম্বন্ধে বহুল পরিমাণ গবেষণা করিয়াছেন । তিনি বলেন রুসিয়ার উদ্ভিষ্টোজি কৃষকগণের ক্ষুদ্র অন্ত দৈর্ঘ্য ২০ হইতে ২৭ ফীট ॥ এবং জার্মানবাসিগণ নানা প্রকারের যথেষ্ট পরিমাণ মাংসাহার

* Comparative anatomists.

‡ Kutnet.

। ৩ ফীটে ১গজ বা ২হাত ।

† Anatomy.

§ Small intestine.

করায় তাহাদিগের ক্ষুদ্র অস্ত্রের দৈর্ঘ্য ১৭ হইতে ১৯ ফীটের মধ্যে আহারের বিভিন্নতা নিবন্ধনই যে এই দ্বিবিধ শ্রেণীস্থ ব্যক্তির মধ্যে ঈদৃশ তারতম্য ইহাই গ্রহকার নির্দেশ করিয়াছেন। বহু পুরুষ পর্য্যন্ত কোন এক প্রকার গৃহীত আহারের প্রভাবে যে এই বৈলক্ষণ্য লক্ষিত হইয়া থাকে ইহা স্থির। এই কথায় ইহাই প্রতিপন্ন হয় যে, মাংসাশি প্রাণি সহস্র সহস্র বৎসর হইতে তাদৃশ আহার গ্রহণ হেতু তাহার প্রভাবে ক্রমশঃ তাহাদের দৈহিক গঠন বিশেষ রূপে সেই আহার গ্রহণের উপযোগী হইয়াছে। যদি মনুষ্যের অস্ত্রের দৈর্ঘ্য, কয়েক শতবৎসর অন্ত আহারের সহিত মাংসাহার হেতু হ্রাস হইয়া যায় তাহা হইলে যে সকল প্রাণী কেবল মাত্র মাংসাহার করিয়া থাকে অধিকতর দীর্ঘকালীন অভিজ্ঞতার ফলে তাহাদিগের মধ্যে আরও অধিক পরিমাণে পরিবর্তন সহজেই লক্ষিত হইবে।

একটি জৈবিক রহস্য :—

জীব রহস্যবিৎ হক্‌স্লি এই রহস্যের আবিষ্কারক। রহস্য এই যে প্রাণীর জন্মের পূর্বে তাহারা যে গঠন প্রণালী ক্রমে পোষণ প্রাপ্ত হইয়া থাকে তাহার প্রকার ভেদানুসারে তাহাদিগকে শ্রেণী বদ্ধ করা যাইতে পারে।

১। ভূগ-পত্র ভোজি মশক এবং সর্কভুক প্রাণী। জন্মকালে ইহাদিগের প্রসূতির পরিষ্রব * জরায়ু হইতে স্থলিত হয় না; ইহা নাভীদেশে সংলগ্ন থাকিয়া যায়। এই অন্ত্র মধ্য দিয়া অজাত শাবক প্রসূতী হইতে পোষণ প্রাপ্ত হয়।

২। মাংসাশী প্রাণী। ইহাদিগের পরিষ্রব শাবকের জন্মকালে জরায়ু হইতে স্থলিত হয়; এবং ইহা বলয়াকার †।

৩। বানর প্রভৃতি ফলাহারী প্রাণী। ইহাদিগের জন্মকালে পরিষ্রব স্থলিত হয়; এবং ইহা মণ্ডলাকৃতি ‡।

* Placenta.

† Zone.

‡ Disc.

স্তন * :—

মাংসভুক্ এবং সৰ্বভুক্ প্রাণীর স্তন নিম্নোদরে স্থিত । উচ্চ-শ্রেণী বানর জাতির এবং মানবের স্তন বক্ষে অবস্থিত । দৈহিক গঠন প্রণালী সম্বন্ধে এই একটি বিশেষ দ্রষ্টব্য বিষয় । ইহাতে কোন ব্যতিক্রম দৃষ্ট হয় না ।

বৃহৎ অল্প গ† । মাংসাসি প্রাণীর বৃহৎ অল্প মসৃণ ; এবং কোষা-কারে বদ্ধিত অর্থাৎ ক্ষুদ্র ক্ষুদ্র কোষ বিশিষ্ট ‡ নহে ।

উচ্চশ্রেণী বানর এবং নরের বৃহৎ অল্প কোষ বিশিষ্ট । তৃণপত্রভোজী প্রাণীর বৃহৎ অল্প নরের ঞায় কোষ বিশিষ্ট ।

জিহ্বা । মাংসাসি-প্রাণীর জিহ্বা অতি কক্শ । শরীরে লাগিলে ঘর্ষণের ঘটনা অন্বভূত হয় । উচ্চ শ্রেণী বানর এবং নরের জিহ্বা মসৃণ ।

চৰ্ম্ম—মাংসাসি প্রাণীর চৰ্ম্মে ঘৰ্ম্মনালী নাই ; সুতরাং কুকুর, বিড়াল এবং তজ্জাতীয় প্রাণীর চৰ্ম্মে ঘৰ্ম্ম থাকে । বানরের চৰ্ম্মে লক্ষলক্ষ ঘৰ্ম্মনালী আছে ; এবং মানবের চৰ্ম্মে এতাদিক ঘৰ্ম্মনালী বা আধার আছে যে সে গুলি খুলিয়া দিলে একাদশ সহস্র বর্গকীট * স্থান আচ্ছাদিত হইতে পারে । সৰ্বভুক প্রাণী শূকরের কেবল মাত্র নাসাগ্র ঘৰ্ম্মাক্ত হইয়া থাকে । অশ্ব, গো প্রভৃতি উদ্ভিদ-ভোজী প্রাণীর সমগ্র চৰ্ম্ম মনুষ্যের ঞায় ঘৰ্ম্মাক্ত হইয়া থাকে ।

‡ $2\frac{2}{3}000 = 1222\frac{2}{3}$ বর্গগজ ।

লাঙ্গুল—মাংসাসি, তৃণপত্রভোজী এবং সৰ্বভুক্ প্রাণীর মেরুদণ্ড * পরিবদ্ধিত হইয়া একাংশ লাঙ্গুল রূপে পরিণত হইয়া থাকে । উচ্চশ্রেণীস্থ বানর লাঙ্গুল বিহীন ।

চলিবার ভাব—মাংসাসি, তৃণপত্রভুক্ এবং সৰ্বভুক্ প্রাণী চতুষ্পদ ; এবং চলিবার সময়ে তাহাদিগের চক্ষু উভয় পার্শ্বে দৃষ্টিপাত করে ; কিন্তু ওরাও

* Mammary gland.

† Colon.

‡ Succulated.

কার্তিক, ১৩২৩।] বৈজ্ঞানিক-তত্ত্বানুসারে আহার বিচার। ৩৩৩

ওটাঙ্ প্রভৃতি অনেক উচ্চ শ্রেণী বানর প্রায়ই অথবা সম্পূর্ণরূপে মনুষ্যের
জায় সোজা ভাবে চলে এবং তাহাদিগের দৃষ্টি সম্মুখ দিকে থাকে।

নখর—মাংসাশি-প্রাণীর ধারাল নখ আছে। তৃণপত্রভোজী এবং
সৰ্কভূকের খুর আছে; এবং উচ্চ শ্রেণীস্থ বানর ও নরের চেপ্টা নখ আছে।
এইরূপ নখ অল্প কোন প্রাণীর নাই। মাংসাশী তৃণ পত্র ভোজী এবং সৰ্কভূক
প্রাণী চতুষ্পদ; কিন্তু উচ্চশ্রেণী বানর এবং নর দুই হস্ত ও দুই পদ বিশিষ্ট।
কখন কখন ভ্রান্তি বশতঃ বানরের পশ্চাদে কিছু পদ দ্বয় হস্ত নাম অভিহিত হইয়া
থাকে। ডাক্তার হক্‌লি বলেন সেই দুইটির অস্থি এবং মাংস পেশীর গঠন প্রতি
লক্ষ্য করিলে তাহাদিগকে হস্ত শ্রেণী ভুক্ত না করিয়া পদ-শ্রেণী ভুক্ত
করিতে হয়।

লালাধার *। মাংসাশি প্রাণীর লালাধার ক্ষুদ্র; এবং তাহাতে
যে পরিমাণ লালারক্ষিত হয়। তাহার খেত সার † জাতীয় আহারের পক্ষে
কার্যকারী নহে। কিন্তু উচ্চশ্রেণী বানর এবং নরের লালাধার সম্পূর্ণ পরি-
বর্ধিত এবং লালা কার্যকারী।

দন্ত—নরের চারি ভেদন-দন্ত ‡ থাকায় কিছু মাত্র প্রমাণ
হইতেছে না যে আহার সম্বন্ধে এই প্রাণী সম্পূর্ণ রূপে বা কিয়ৎ পরিমাণে
মাংসাশী। যদি আহারে ইহাকে স্বভাবতঃ সৰ্কভূক বলা হয়, তাহা হইলে
ইহার দন্ত শূকরের দন্তের জায় গঠিত এবং সজ্জিত হইত। ইতঃপূর্বে কথিত
হইয়াছে, যে মাংসাশী-প্রাণীর খদন্ত তাহার ভোজ্য মাংসের পরিমাণের অল্পতানু-
সারে হ্রস্ব হইয়া থাকে; অর্থাৎ সেই প্রাণী যত অল্প পরিমাণ মাংসাহার করে
তাহারি খদন্ত তত হ্রস্ব এবং তত অল্প প্রকাশিত হয়। এই জন্ত কুকুরের খদন্ত
সিংহের খদন্তাপেক্ষা ক্ষুদ্রতর।

বানরের ভেদন দন্ত মাংসাশি-প্রাণীর খদন্ত, স্থানীয় এবং এই ভেদন-দন্ত অল্প
দস্তাপেক্ষা কিঞ্চিৎ বৃহত্তর। এই প্রাণীর আহাৰ্য্য মাংস নহে। ফল, শস্য এবং
বাদাম প্রভৃতি কঠিন দ্রব্য যুক্ত অন্তঃশস্য বিশিষ্ট ফলই ইহার আহাৰ্য্য। নরের

* Salivary gland.

† Storch.

‡ Cuspid

ভেদন-দস্ত বানরের ভেদন-দস্তাপেক্ষা ক্ষুদ্রতর । ইহাতে প্রতিপন্ন হইতেছে এই প্রাণী বিশেষরূপে ফলাহারী । মাংসাহার দূরে থাকুক স্থূল উদ্ভিদ এবং অপক শস্য পর্য্যন্ত তাহার পক্ষে বর্জনীয় । 'এটি সহজে প্রমাণিত হইবে যে মনুষ্যের ভেদন-দস্ত কোন প্রাণীর আম মাংসচ্ছেদন কার্য্যের একেবারে অনুপযোগী ।

নিরবচ্ছিন্ন তৃণ-পত্র তোড়ী মৃগ এবং উষ্ট্রের নাম মাত্র ভেদন-দস্ত থাকায় এবং অশ্বেরও ঐরূপ বলগাদস্ত নামক দস্ত থাকায় ঐদৃশ ভেদন-দস্ত একেবারেই সম্পূর্ণ বা আংশিক রূপে মাংসভোগের পরিচায়ক হইতে পারে না ।

পূর্ব্ব কথিতানুসারে স্পষ্ট প্রতিপন্ন হইতেছে যে, মানবের গঠন প্রণালী দৃষ্টি পূর্ব্বক বলা যাইতে পারে যে বিজ্ঞান এবং প্রকৃতি অনুসারে নিরামিষাহারই নিঃসংশয়িত রূপে মানবের পক্ষে অনুকূল । এই কথা প্রতিপন্ন করিবার জন্ত গঠন প্রণালী সংক্রান্ত আরও পোষক প্রমাণ নির্দেশ করা যাইতে পারে ; কিন্তু তাহা বিশেষ প্রতিপাদক হইলেও এস্থলে অনাবশ্যক বিবেচনায় পরিত্যক্ত হইল ।

(ক্রমশঃ)

শ্রীহর্গাদাস চট্টোপাধ্যায় ।

৩পণ্ডিত লালমোহন বিদ্যানিধি ।

বঙ্গভাষা বঙ্গসাহিত্য একটা উজ্জ্বল রত্ন—সাহিত্য-সভা একজন মাননীয় সভ্য হারাইয়াছে । আমরা শোকাক্ত হৃদয়ে প্রকাশ করিতেছি, পণ্ডিত লালমোহন বিদ্যানিধি গত ১২ই আশ্বিন আমাদিগকে পরিত্যাগ করিয়া বৈজয়ন্ত ধামে বাণীকুঞ্জে প্রয়াণ করিয়াছেন । সুশিক্ষিত শাস্ত্রজ্ঞ পণ্ডিত লালমোহন বিদ্যানিধি মহাশয় যৌবনের প্রারম্ভে যে বাণীসেবাব্রত অবলম্বন করিয়াছিলেন, বৃদ্ধ বয়স পর্য্যন্ত সেই মহাব্রত পালনপূর্ব্বক বঙ্গভাষা—বঙ্গ-সাহিত্যের অঙ্গে অনেকগুলি উজ্জ্বল রত্নালঙ্কার দান করিয়া গিয়াছেন । তাঁহার রচিত সম্বন্ধ-নির্ণয় গ্রন্থখানি তাঁহার অক্ষর কীর্ত্তি, তাঁহার পাণ্ডিত্য ও গবেষণাপূর্ণ অনেক সারগর্ভ প্রবন্ধ সাহিত্য-সংহিতার গৌরব বৃদ্ধি করিয়াছে । তাঁহার বিয়োগে সাহিত্য-সভা একজন পরম হিতসাধক সভ্য হারাইয়াছেন ।

পণ্ডিত লালমোহন বিদ্যানিধি মহাশয় স্বহস্তে যে অতি সংক্ষিপ্ত আত্মপরিচয় লিখিয়া গিয়াছেন এবং তৎসহ তাঁহার পুত্র শ্রীযুক্ত মাণিকচন্দ্র ভট্টাচার্য্য যে টীকা সংযোজিত করিয়াছেন, পাঠকগণের অবগতির জন্ত আমরা নিম্নে তাহা প্রকাশিত করিলাম ।

• “নদীয়া জিলার বনগ্রাম সবডিভিসনের অন্তর্গত মহেশপুর সমাজের ৩রমেশ চন্দ্র ভট্টাচার্য্যের পুত্র নাট্যপরিশিষ্টাদি গ্রন্থপ্রণেতা সর্কশাস্ত্রবিশারদ নদীয়ার রাজ-সভাসদ ধর্ম্মদহনিবাসী ৩কৃষ্ণানন্দ সরস্বতী বিদ্যাবাচস্পতির ভ্রাতৃপুত্র, ৩রামলোচন তর্কসিদ্ধান্তের পৌত্র, ৩রামরাম তর্কপঞ্চাননের দৌহিত্র লালমোহন বিদ্যানিধি ভট্টাচার্য্য ।

জন্ম ১৭৬৪ শকাব্দার ৬ই চৈত্র । পঞ্চম বর্ষ মধ্যে বিদ্যারম্ভ—সপ্তম বর্ষ মধ্যে পাঠশালার বাঙ্গলা লেখা পড়া সমাপ্ত । একাদশ বর্ষে উপনয়ন ও মুক্তকোষ ব্যাকরণ সম্পূর্ণরূপে আবৃত্তি । ত্রয়োদশ বর্ষ মধ্যে মুক্তবাধ, অমরকোষ অভিধান

কবিকল্পদ্রুম খাতুপাঠ ও তট্টীকাব্য অধ্যয়ন । এই সমুদায়ের অধ্যয়ন মহেশপুর, দিগম্বরপুর ও উলার চতুষ্পাঠীতে হয় । তৎপরে মহেশপুরের মডেল স্কুলে প্রবেশ ও তথা হইতে কলিকাতা সংস্কৃত কলেজে প্রবিষ্ট হইয়া ইংরাজী ১৮৬৮ সাল মধ্যে কাব্য, অলঙ্কার, স্মৃতি ও শ্রাবাদি অধ্যয়ন এবং তদ্বিষয়ে কৃতার্থতার নিদর্শন স্বরূপ কলেজ কমিটী হইতে বিদ্যানিধি এই উপাধি প্রাপ্তি । ইতি মধ্যে অর্থাৎ ১৮৬২ খৃঃ অঙ্গে বাঙ্গলা ভাষার প্রথম অলঙ্কার কাব্যনির্গম গ্রন্থের রচনা করণ । তাহাতে সংস্কৃত কলেজের তৎকালীন অধ্যক্ষ মিষ্টার ই, বি, কাউয়েলের সঙ্গে বিশেষ আনুগত্য এবং তৎকার্য্যেই বঙ্গভাষার কাব্যোতিহাসাদি সভার সদস্যগণের সঙ্গে বিশেষ সৌহার্দ এবং রহস্য সন্দর্ভাদিতে লেখন । তাহাতে বিদ্বন্মণ্ডলীতে বিশেষরূপে সুপরিচিত হই । ১৮৬৮ সালের ২৫ জানুয়ারিতে কটক কলেজের সংস্কৃত অধ্যাপকের পদে অধিষ্ঠান । তৎপর দিনাজপুর জিলার স্কুল সমূহের ডেপুটী ইন্স্পেক্টরের কার্য্যে নিয়োগ । ১৮৭২ খৃঃ অঙ্গে ছোট নাগপুরের জিলা সমূহের স্কুল ডেপুটী ইন্স্পেক্টরের পদে ক্রমান্বয়ে অধিবেশন । তৎপর ১৮৮৮ খৃঃ পর্য্যন্ত কৃষ্ণনগর ও বহরমপুর ট্রেনিং স্কুলের প্রধান শিক্ষক এবং বর্ধমান কালনা কাটোয়ার স্কুল সমূহের তত্ত্বাবধান কার্য্যে থাকিয়া পুস্তকাদি লিখন । এই সময় মধ্যে বঙ্গদর্শনে ভারতীয় আর্য্যজাতির আদিম অবস্থা বর্ণন ও তদ্বিষয়ে কৃতার্থতা লাভে বিশেষ সূখ্যাতি প্রাপন । তৎপরে সম্বন্ধনির্গম গ্রন্থের লিখন ও ১৮৭৪ খৃঃ অঙ্গে উহার প্রকাশ করণ ।

শ্রীলালমোহন বিদ্যানিধি ।”

১ । মহেশপুর গ্রাম এক্ষণে যশোহর জিলার অন্তর্গত হইয়াছে ।

২ । মহামাণ্ড হাইকোর্টের ভূতপূর্ব জজ শ্রীল শ্রীযুক্ত স্যর গুরুদাস বন্দ্যোপাধ্যায় এম, এ, ডি, এল শ্রীযুক্ত নীলাধর মুখোপাধ্যায় এবং ৬গোলাপ চন্দ্র শাস্ত্রী মহাশয় তাঁহার সহাধ্যায়ী ছিলেন ।

৩। তাঁহার মুখে শুনিয়াছি কলিকাতা হাইকোর্টের ভূতপূর্ব জজ মহামায়া এল, এস, জ্যাক্সন সাহেব বাহাদুর রহস্যসন্দর্ভে তাঁহার বাঙ্গলা প্রবন্ধ পাঠ করিয়া তাঁহার সহিত বন্ধুত্ব স্থাপন করেন। রাজা রাজেন্দ্রলাল মিত্র তাঁহাকে বড়ই ভাল বাসিতেন তজ্জন্ত তাঁহাকে কলিকাতা কোর্ট-অব-ওয়ার্ডসের রাজ-কুমারদিগের শিক্ষার ভার অর্পণ করেন। তিনি যখন সংস্কৃত কালেজের ছাত্র তখন হইতেই শিক্ষা বিভাগের ইংরাজ উচ্চ কর্মচারীগণ তাঁহার নিকট বাঙ্গলা ভাষা শিক্ষা ও শাস্ত্রালোচনা করিতেন।

৪। কৃষ্ণনগরের মহারাজ স্বর্গীয় ৬ক্বিতীশচন্দ্র রায় বাহাদুর তাঁহার সহিত প্রায়ই শাস্ত্রালোচনা করিতেন। মহারাজের সহিত যখনই তাঁহার মতানৈক্য হইত তখনই তিনি বিশেষভাবে পুরস্কৃত হইতেন।

৫। মুর্শিদাবাদের তদানীন্তন ম্যাজিষ্ট্রেট মিষ্টার সি, ডবলিউ, বোলটন সাহেব বাহাদুর তাঁহার বিদ্যাবুদ্ধির পরিচয় পাইয়া তাঁহার নিকট বাঙ্গলা ভাষা শিক্ষা করেন। এই সময় বঙ্গদর্শনে প্রবন্ধ লিখিয়া ৬বন্ধিম বাবুকে বিশেষ সাহায্য করেন।

৬। বঙ্গের তদানীন্তন ছোটলাট বাহাদুর (সম্ভবতঃ রিভার্স টমসন সাহেব বাহাদুর) কালনা পরিদর্শন কালে রাজকীয় যানে কেবল মাত্র পিতৃদেবকেই সঙ্গে লইরাছিলেন।

৭। ১৮৮৮ খৃঃ অব্দে তিনি হুগলী নর্মাল স্কুলের হেড পণ্ডিতের পদ গ্রহণ করেন। তথায় অবস্থান কালে ৬ভূদেব মুখোপাধ্যায় ৬রামপতি ঝাররত্ন, বর্ধমানের কমিশনার ৬রমেশচন্দ্র দত্ত, মিষ্টার পি, মুখার্জি, শ্রীযুক্ত বিধুভূষণ গোস্বামী প্রভৃতির সহিত সাদালাপে কালক্ষেপণ করিতেন। হুগলীর অনেক রাজকর্মচারীই তাঁহার নিকট হিন্দুধর্মের মীমাংসা গ্রহণ করিয়া দণ্ডাজ্ঞা দিতেন।

ইংরাজ রাজপুরুষগণ তাঁহাকে কি চক্ষে দেখিতেন তাহা নিম্নোক্ত পত্র পাঠ করিলেই বুঝিতে পারা যাইবে :—

BIHAR and ORISSA

'Government Camp.

20th May 1916.

DEAR SIR,

I thank you for your letter and good wishes which I reciprocate. I hope you have still many years of happiness before you.

I remain

yours truly

(Sd.) E. A. GAIT.

Lieutenant Governor.

এক সময় তিনি ঢাকায় কালীপ্রসন্ন ঘোষ বিদ্যালয়গর বাহাদুরের বাড়ীতে যাইয়া দেখা করেন। তাঁহার সহিত কএক ঘণ্টা আলাপের পর কালীপ্রসন্ন বাবু কহিলেন, কাব্যনির্ণয় গ্রন্থই আপনাকে অমর করিয়া রাখিবে। মহামহো-
পাধ্যায় পণ্ডিত শ্রীকালীপ্রসন্ন ভট্টাচার্য্য এম, এ মহোদয়ের মত এই যে আজিও
বঙ্গভাষায় কাব্যনির্ণয়ের গ্রন্থ প্রকাশিত হয় নাই। অত লোকের মত—
স্বকনির্ণয় তাঁহার অক্ষয় কীর্তি ঘোষণা করিবে।

পেনসন লইয়া তিনি বঙ্গের বহু রাজা মহারাজ এবং সামাজিক ব্যক্তিবর্গের
সহিত সুপরিচিত হন। তিনি সরল মিলিত, ভেজস্বী স্পষ্টবক্তা, পরিশ্রমী,
কষ্টসহিষ্ণু, কার্যতৎপর, সত্যনিষ্ঠ ও সদাচারসম্পন্ন ব্যক্তি ছিলেন।

শ্রীমানিকচন্দ্র ভট্টাচার্য্য।

যতিপঞ্চকম্ ।

মনোনিবৃত্তিঃ পরমোপশান্তিঃ,

সা তীর্থবর্ষ্যা মণিকর্ণিকা বৈ ।

জ্ঞানপ্রবাহা বিমলাদিগঙ্গা,

সা কাশিকাং নিজবোধরূপা ॥

মনের নিবৃত্তি যেই সুশান্তিদায়িনী,

মণিকর্ণিকাই সেই তীর্থের প্রধান ।

আদিগঙ্গা—উৎসারিত জ্ঞানের প্রবাহ,

পুণ্যময়-তীর্থ কাশী—সে যে আত্মজ্ঞান ॥

ষথামিদং কল্পিতমিন্দ্রজালং,

চরাচরং ভাতি মনোবিলাসম্ ।

সচ্চিৎসুখৈকা জগদাত্মরূপা,

সা কাশিকাং নিজবোধরূপা ॥

মানস-বিলাস এই চারু চরাচর,

হতেছে কল্পিত যাহে ইন্দ্রজাল সম ।

পুণ্যময়-তীর্থ কাশী—সে যে আত্মজ্ঞান—

সুখময় চিরানন্দ ; অতি নিরুপম ॥

পঞ্চেষু কোষেষু বিরাজমানা,

বুদ্ধির্ভবানী প্রতিদেহগেহং ।

সাক্ষী শিরঃ সর্বগতান্তরায়া,

সা কাশিকাং নিজবোধরূপা ॥

হৃদয়ের পঞ্চকোষে রাজেন ভবানী,

প্রতিদেহে বুদ্ধিরূপে তাঁর অধিষ্ঠান ।

জগতের সাক্ষী শিব আত্মা সর্বাকার,

প্রতিমানে কাশী তীর্থ—সে যে আত্মজ্ঞান ॥

কার্যং হি কাশ্যতে কাশী,
 কাশী সর্বং প্রকাশ্যতে ।
 সা কাশী বিদিতা যেন,
 তেন প্রাপ্তা হি কাশিকা ॥
 কার্যপ্রকাশিকা কাশী সর্বপ্রকাশিকা,
 মনোমাবে মহাতীর্থ সর্বতীর্থসার ।
 বিদিত এ কাশী ধার, তিনি অতি ধীর,
 কাশীলাভে মনে তাঁর আনন্দ অপার ॥
 কাশীক্ষেত্রং শরীরং
 ত্রিভুবনজননী ব্যাপিনী জ্ঞানগঙ্গা,
 ভক্তিশ্রদ্ধাগয়েয়ং
 নিজ গুরুচরণধ্যানযোগঃ প্রয়াগঃ ।
 বিশেষোহয়ং তুরীয়ঃ
 সকল জনমনঃ সাক্ষীভূতান্তুরাত্মা
 দেহে সর্বং মদীয়ং
 যদি বসতি পুনস্তীর্থমন্যং কিমস্তি ॥

শরীরেই এ কাশীক্ষেত্র ; সকল ব্যাপিনী
 বিশ্বমাতা জ্ঞানগঙ্গা হেথা প্রবাহিত ।
 হৃদয়ের ভক্তিশ্রদ্ধা—পুত গয়াধাম,
 গুরুর চরণ ধ্যান—প্রয়াগের মত ॥
 এই যে আনন্দ প্রাণে—ইনি বিশেষর,
 সকল মানব সাক্ষী আত্মা সবারকার ।
 দেহে মোর রহিয়াছে সব বিত্তমান,
 অন্য তীর্থে প্রয়োজন কি আছে আমার ?

প্রণয়-পারিজাত বা বসন্ত-সেনা ।

(পূর্বানুবৃত্তি)

(২)

“গুণো কথু অমুরাএস কারণং, গ উণ বলকারো ।”

“রত্নং রত্নেন সংগচ্ছতে ।”

উজ্জয়িনী নগরীতে মূর্ত্তিমতী বসন্ত শোভার ত্রায় অলৌকিক রূপগুণ শালিনী যুবতী বসন্ত সেনানায়ী এক বারাজনাপুল্লী বাস করিত । কোন সময়ে কামদেবায়াতন নামক উপবনে তাদৃগ্গুণগ্রামসম্পন্ন চারুদত্তকে অবলোকন করিয়া এই রমণী তৎপ্রতি একান্ত অমুরাগিণী হইয়া পড়ে । অবস্থার বিপর্যয়ে তখন চারুদত্ত কপর্দক শূণ্ণ, একপ্রকার পরোপজীবী বলিলেই হয় । পক্ষান্তরে এই তরুণী রমণী স্বীয় জননীৰ অতুল ধনসমৃদ্ধিতে উজ্জয়িনী নগরে অতি প্রসিদ্ধি লাভ করিয়াছিল, তদুপরি নিজেও সমাজসুন্দরী নবোদ্ভাসিত যৌবনবতী কামিনী, সূতরাং তাহার কটাক্ষকামুক লম্পটব্যক্তির কিছুমাত্রও তথায় অভাব ছিল না । কিন্তু দৈবের বিচিত্রতায় বিপুলসমৃদ্ধিশালিনী পরম রূপগুণযৌবনবতী এই বারাজনা-পুল্লীও নিঃস্ব চারুদত্তের গুণাবলীতে একেবারে সমাকৃষ্ট হইয়া পড়িল ! বসন্তসেনা তাহার চাক্ষুষ দর্শনের পূর্বেও অতুলগুণাধার চারুদত্তের যশঃসৌরভে কতকটা বিমুগ্ধ হইয়াছিল বটে, কিন্তু উত্তানে সাক্ষাৎ দর্শন অবধি তাহার পক্ষে চিত্তদমন করা ক্রমে অসম্ভব হইয়া পড়িল । অবশেষে একদিন নিশীথভাগে সেই প্রেমোন্মাদিনী স্বয়ংই প্রিয়তম চারুদত্তের মিলন আশায় তাঁহার বাসস্থান অভিমুখে গমন করিতে স্থিরসঙ্কল্প হইল ।

উজ্জয়িনী অধিপতি পালকের উপপত্নীর এক অতি হর্ষিত্ত ভ্রাতা ছিল, তাহার নাম “সংস্থানক”—সে রাজার “শ্যালক” এই অভিমানে একরূপ অন্ধ ছিল যে কিছুই তাহার পক্ষে অকর্তব্য ছিল না । পরম সুন্দরী বসন্তসেনার দর্শন অবধি সেই মহামূর্খও উন্মত্তপ্রায় হইয়া পড়িয়াছিল । কিন্তু চারুদত্ত-গতপ্রাণা বসন্তসেনা ঐ হৃৎস্তের প্রদত্ত ধন, বস্ত্র ও আভরণ প্রভৃতি উপ-

টোকন সমস্তই তুণের ন্যায় দূরে নিক্ষেপ করিয়া ফেলিয়া দিয়াছিল। সংস্থানক বসন্তসেনার মিলনলোভে অন্ধপ্রায় হইয়া প্রতি নিয়তই তাহাকে হস্তগত করিবার জন্য সহচরগণের সহিত কি দিবা রজনী সকল সময়ে রাজপথে বিচরণ করিত। অতঃপর বসন্তসেনাকে বলপ্রকাশ পূর্বক নিজ হস্তগত করিবে এই কামুকের এই অভিপ্রায় জন্মিয়াছিল। পরিশেষে একদা চাক্রদত্তের অভিমুখে প্রস্থিতা বসন্তসেনাকে রাজমার্গে দর্শন করিয়া স্বীয় মনোরথ পূর্ণ হইল ভাবিয়া, সে স্বীয় সহচরদ্বয়ের সহিত বসন্তসেনার অনুসরণ আরম্ভ করিল।

তখন বসন্তসেনা সানুচর সংস্থানককে তাহার অভিমুখে আসিতে দেখিয়া ব্যাধানুধাবিতা চঞ্চল-নয়না ভীতা কুরঙ্গিনীর গায় উর্দ্ধ্বাসে দৌড়াইতে আরম্ভ করিল। সংস্থানকও নানাবিধ ভাবভঙ্গীতে অহুন্নয় বিনয় সহকারে নিজের প্রণয় বিজ্ঞাপন করিয়া তাহার প্রসন্নতার আশায় বসন্তসেনার দিকে ধাবিত হইতে লাগিল। অসহায় রমণীর হৃৎখে সমবেদনা দেখাইবার জন্যই যেন রজনীদেবী শোকে নিজ তিমির বগন পরিধান করিয়াছিলেন! প্রমত্তগণ তিমিরাচ্ছন্ন বসন্তসেনাকে স্পষ্টত নয়নগোচর করিতে সমর্থ হইল না বটে, কিন্তু কেবল অলঙ্কারের শব্দ অনুমান করিয়া তাহার পশ্চাতে অনুধাবন করিতে লাগিল।

এইরূপ বহুদূর পর্য্যন্ত দৌড়িয়া পরিশ্রান্তা বসন্তসেনা তখন নিজ পরিচারিকা-গণের নাম ধরিয়া ডাকিয়া দেখিল, কেহই তাহার সঙ্গে আসে নাই! তখন আরও ভীতা বসন্তসেনা মনে করিল হুবৃত্তেরা অলঙ্কারের লোভে অনুসরণ করিতেছে, অতএব তাহা দিয়া এই বিপদ কাটাই;—মনে ভাবিয়া বলিল, তোমরা কারা? কেন অসহায়্য অবলাকে তাড়না করিতেছ?

হুবৃত্তদের কেহ বলিল, তুমি অবলা সরলা জানিয়াই তোমাকে ধরিতে ছুটিতেছি। কেহ বা বলিল, অবলা বলিয়াই না মারিয়া ফেলিয়া তোমাকে জীবন্তে ধরিতে চেষ্টা করিতেছি।

বসন্তসেনার অহুন্নয় বিনয়েও হুবৃত্তেরা ভয়ই দেখাইতেছে, এই অনুমান করিয়া সে বলিল, তোমরা কি এই গহনার জন্ত আমার সঙ্গে সঙ্গে আসিতেছ? আমি সব খুলিয়া দিতেছি, নিয়া আমাকে ছাড়িয়া চলিয়া যাও!

সংস্থানক বলিল, আমি কে জান? আমি সাক্ষাৎ দেবতা রাজপুরুষ। তুমি আমাকে দয়া কর, আমি ইহাই চাই, গহনা চাই না।

সংস্থানকের সহচর বিট ভদ্রবংশীয় যুবক লাম্পাটো সর্কস্বাস্ত হইলেও একেবারে নিজের প্রকৃতি হারায় নাই।' সে বলিল,—বসন্তসেনা, বাগানের লতার ফুলগুলি তুলিয়া নিলে কি তাহার শোভা থাকে? আমরা তোমার অলঙ্কার হরণ করিতে ইচ্ছুক নহি।

সংস্থানকের বাক্যে বসন্তসেনা ঘৃণার সহিত তাহাকে বলিল, মূর্খ, তুমি শাস্ত হও। আমার কাছ হইতে তুমি দূরে সরিয়া যাও।

কামাক্ষী মূর্খ সংস্থানক বসন্তসেনার প্রথমোচ্চারিত ‘শাস্ত’ শব্দে ‘শ্রাস্ত’ বলিয়া বুঝিয়া নিজ মনে ভাবিল, সে দৌড়িয়া পরিশ্রাস্ত হওয়াতেই বসন্তসেনা তাহাকে পরিশ্রম দূর করিবার অভিপ্রায়ে শাস্ত শব্দ দ্বারা স্থির হইতে বলিয়া তাহার প্রতি নিজের অনুরাগ প্রকাশ করিতেছে! সে তখন বিটকে বলিল, সখে, শোন, শোন, বসন্তসেনা আমাকে ‘শাস্ত’ হইতে বলিয়া আপনার ভাল-বাসা জানাইতেছে।

বিট মনে মনে বলিল, ওরে মহামূর্খ, তুমি ঠিকই বুঝিয়াছ! তোমার মত কাপুরুষকে দূর করিয়া দিতেছে, আর তাহাতেই তুমি জীবন্ত ভালবাসা ফুটিয়াছে দেখিতে পাইতেছ! তখন সে প্রকাশে বসন্তসেনাকে বলিল, বসন্তসেনা, তুমি যে কুলে জন্মিয়াছ এইরূপ ব্যবহার তাহার উপযোগী নহে। মনে ভাবিয়া দেখ, ধনাঢ্য তরুণ ব্যক্তিগণই বেশ্যাদের অবলম্বন। তুমি ত গণিকার গর্ভেই জন্মিয়াছ, পথে জাত লতার ঝাড়া, সকলের সহিতই তোমার সম্বন্ধ রহিয়াছে। পণ্যভূত তোমার এই শরীর, ধন বিনিময়ে যে কোন ব্যক্তিই আশ্রয় আশ্রয় ক্রম করিবার অধিকারী। ধন লাভই ত তোমাদের শরীর ধারণের অবলম্বন; সুত্রাং প্রিয় বা অপ্রিয়, এইরূপ জ্ঞান না করিয়া, ধন দেখিয়াই ব্যক্তিবিশেষের প্রতি তোমার অনুরাগিনী হওয়া উচিত। তুমি আরও দেখ, যে পুকুরে বিচক্ষণ পণ্ডিত ব্রাহ্মণ স্নান করেন, বর্ণাধম অম্পৃশ্য চণ্ডালও ত সেই পুকুরের জলেই স্নান করিয়া থাকে। যে প্রফুটিত লতা মধুর আরাবকারী মধুকরের পদভরে অবনমিত হয়, সেই লতাতেই কর্কশ আরাবী বায়সও আরোহণ করিয়া থাকে। যে নৌকায় বর্ণশ্রেষ্ঠ ব্রাহ্মণ পার করেন, ইতর ব্যক্তিও ত সেই নৌকাতেই পার হইয়া থাকে! তোমার অবস্থাও এই সকল হইতে কিছুতেই ভিন্ন প্রকার নহে। যখন তুমি বেশ্যা,—তখন দেহ বিনিময়ে অর্থলাভই তোমার জীবিকার একমাত্র উপায়।

এই ব্যক্তি মূৰ্খ হইলেও তোমার প্রতি বড়ই অমুরাগী হইয়া পড়িয়াছে, এবং এজন্য তোমাকে প্রচুর অর্থও প্রদান করিতেছে, অতএব নিজ জাতি ও ধর্ম ভাবিয়া ইহার বাসনা পূর্ণ কর, প্রতিকূল হইও না ।

বসন্তসেনা বলিল, আপনি যাহা বলিলেন, তাহা সবই ঠিক, কিন্তু পরম্পরের গুণই অমুরাগ প্রকাশ করিয়া থাকে, বল করিয়া কখনও প্রণয় গঠিত হয় না !

বিট্ বলিল, এ কথা কুলবধূর পক্ষে, তোমার ন্যায় বারাজনার পক্ষে নহে, কারণ তোমাদের ভালবাসা কেবল অর্থ বায় দেখিয়া । যাহা হউক, তুমি এখন ইহাকে দূর করিয়া দিতেছে বটে, কিন্তু অর্থের লোভে তোমার মা যখন বাধ্য হইয়া পড়িবে, তখন কিছুতেই আর ইহার হাত এড়াইয়া যাইতে পারিবে না ।

সেই সময়ে সংস্থানক সহসা বলিয়া উঠিল, সখে, শুন, কামদেব উদ্যানে চারুদত্তকে দেখিয়া অবধি বসন্তসেনা সেই দরিদ্র চারুদত্তের ভালবাসায় পড়িয়াছে, আমি সবই জানি । এখন আমরা ক্রমে সেই চারুদত্তের বাড়ীর কাছেই আসিয়া পড়িয়াছি । অতএব সাবধান হও, দেখিও যেন আমাদের চক্ষে ধূলি দিয়া বসন্তসেনা সেখানে গিয়া সরিয়া না পড়ে !

বসন্তসেনাকে চারুদত্তের প্রতি অমুরাগিনী জানিয়া সহসা বিটের চিত্তে ভাবান্তর উপস্থিত হইল । সে তখন মনে মনে ভাবিল, মূর্খের বুদ্ধির দোড় দেখ, যাহা গোপন করা আবশ্যিক, তাহাই আগে দেখাইয়া দিল । সে যাহা হউক, “রত্ন রত্নেরই অমুরাগ করে” এ কথাটি ঠিকই বটে ! বসন্তসেনা এক্ষণে নিজ প্রণয় পাত্রের নিকটেই থাক, আর এ মূর্খও নিবুদ্ধিতার ফল প্রাপ্ত হউক ! পরে সংস্থানককে বলিল, ভাল, বাঁ দিকে না চারুদত্তের বাটী ? আচ্ছা এই আধারে বসন্তসেনাকে ধরা যায় কিরূপে বল ত ?

নির্কোষ সংস্থানক তখন, “হাঁ, হাঁ, বাঁ দিকেই সেই হতভাগ্য চারুদত্তের বাড়ী,” সহর্ষে উচ্চৈঃস্বরে বলিয়া ফেলিল । “আমি গহনার গন্ধে ও মালার শব্দে * বসন্তসেনাকে এখনই ধরিয়া ফেলিতেছি !”

বসন্তসেনা এই সঙ্কটে তখনই নিজের গলা হইতে সুগন্ধ মালা দূর

* সংস্কৃত নাট্যশাস্ত্র অনুসারে সংস্থানকের সর্ষ প্রকৃতি লোকের পারিভাষিক সংজ্ঞা “শকার”—এইরূপ অসংবদ্ধ প্রসঙ্গপ্রায় বচনপরম্পরার বাহুল্য তাহার কথাবার্তার প্রচুর প্রয়োগ হইয়া থাকে ।

করিয়া ফেলিয়া দিয়া .এবং স্বীয় নূপুর যুগল খুলিয়া বস্ত্র দ্বারা আবদ্ধ করিয়া লইল। ক্রমে সে যখন চারুদত্তের আবাসের সন্নিকটে আসিয়া উপস্থিত হইয়া পড়িল, তখন গৃহে প্রবেশ করিয়া প্রদীপ দেখিয়া যুগপৎ হর্ষ ও বিষাদ প্রাপ্ত হইল, কিন্তু অমনই অলক্ষিতে বস্ত্রসঞ্চালন পূর্বক রদানিকার হস্তস্থিত প্রদীপ নিবাইয়া দিয়া, একেবারে চারুদত্তের আবাসগৃহের মধ্যে গিয়া প্রবেশ করিল !

শ্রীমথুরানাথ মজুমদার কাব্যতীর্থ কবিচিন্তামণি।

ক্রমশঃ

সমালোচনা

মণিমুক্তা।। শ্রীরসময় লাহা প্রণীত। রসময় বাবু হাম্মরনের কবিতা লিখিয়া খ্যাতিলাভ করিয়াছেন। “মণিমুক্তা”য় তিনি কয়েকটি ইংরাজী কবিতার ভাবানুবাদ করিয়াছেন। স্থানে স্থানে অবিকল অনুবাদও দৃষ্ট হয়। গ্রন্থখানিতে তাঁহার কৃতিত্বের যথেষ্ট পরিচয় পাওয়া যায়। অনুবাদে প্রায়ই মূল কবিতার ভাব রক্ষা করা যায় না। রসময় বাবুর কৃতিত্ব এই যে তিনি অনেক স্থানে তাহা করিতে সমর্থ হইয়াছেন। পুস্তকখানির আদর দেখিলে সুখী হইব।

৩মহেন্দ্রনাথ বিদ্যানিধির দুঃস্থা কন্ঠার

সাহায্যার্থ টাঁদা সংগ্রহ ।

বঙ্গদেশের খ্যাতনামা সাহিত্যিক স্বর্গীয় মহেন্দ্রনাথ বিদ্যানিধি মহাশয়ের নিরাশ্রয় দুঃস্থা কন্ঠার সাহায্যার্থ আমরা যে অর্থসংগ্রহে প্রবৃত্ত হইয়াছি, নিতান্ত পরিতাপের বিষয় যে, সে বিষয়ে আজি পর্য্যন্ত আমরা সিদ্ধমনোরথ হইতে পারি নাই। বঙ্গের খ্যাতনামা সাহিত্যানুরাগিগণ এবং সাহিত্যসেবিগণ এখনও এ বিষয়ে সহায়তা করেন, ইহা আমাদের প্রার্থনা। ৩বিদ্যানিধি মহাশয় যেরূপ প্রাণপণে ও নিঃস্বার্থভাবে বঙ্গ সাহিত্যের ও বঙ্গ ভাষার সেবা করিয়া গিয়াছেন, তাহা স্মরণ করিয়া সাধারণে অবশ্যই এ বিষয়ে তৎপর হইবেন আমাদের এইরূপ বিশ্বাস। ইহা হইতে বাঙ্গালা সাহিত্যানুরাগিগণের অনুরাগের মূল্য বুঝা যাইবে। আজীবন নিঃস্বার্থ সাহিত্যসেবার এই পরিণাম বাস্তবিকই বিদ্যানিধি মহাশয়ের স্বদেশবাসিগণের পক্ষে লজ্জা ও কলঙ্কের কথা।

এ পর্য্যন্ত যতটাকা সংগৃহীত হইয়াছে, নিম্নে তাহার হিসাব প্রদত্ত হইল—

শ্রীযুক্ত চন্দ্রশেখর সেন বার এট-ল...	...	১১.
„ রায় বাহাদুর সুরেন্দ্রনাথ মিত্র বি, এ,	...	১১
„ রায় রাজেন্দ্রচন্দ্র শাস্ত্রী বাহাদুর	...	২১
„ রাজা হৃষীকেশ লাহা সি, আই, ই,	...	১১
„ শ্রী গুরুদাস বন্দ্যোপাধ্যায় কেটি	...	২১
„ কবিরাজ যামিনীভূষণ রায় এম্, এ, এম, বি,	...	২১
„ রাজা প্যারীমোহন মুখোপাধ্যায় সি, এস, আই,	...	৪১
„ কবিরাজ বসন্ত কুমার গুপ্ত	...	১১
„ রায় কিরণচন্দ্র রায় বাহাদুর	...	১১
„ দেবেন্দ্রনাথ বন্দ্যোপাধ্যায়	...	১১
„ মহারাজা শ্রী মণীন্দ্রচন্দ্র নন্দী কে, সি, আই, ই,	...	১০১
„ রসময় লাহা	...	১০
„ সরোজরঞ্জন বন্দ্যোপাধ্যায়	..	১১
„ গুরুদাস চট্টোপাধ্যায়	...	১১
„ সুরেন্দ্রচন্দ্র রায় চৌধুরী	...	১১

শ্রীযুক্ত কবিরাজ নগেন্দ্র নাথ সেন	...	১
„ পণ্ডিত শ্রীমাচরণ কবিরত্ন	...	১
„ হেমচন্দ্র মিত্র	...	২
„ প্রফুল্ল নাথ ঠাকুর	...	২
„ প্রিয়নাথ ভট্টাচার্য্য বিদ্যাভূষণ (ঢাকা)	...	২
„ নগেন্দ্রনাথ বন্দ্যোপাধ্যায় বি, এল,	...	১
„ চণ্ডীচরণ তর্কবাগীশ (কলসকাটা)	...	২
„ যত্ননাথ কাব্যতীর্থ (বারাকপুর)	...	১
„ অধরচন্দ্র মুখোপাধ্যায়	...	১
„ রায় শরচ্চন্দ্র বন্দ্যোপাধ্যায় বাহাদুর	...	৫
„ অমৃতলাল দত্ত	...	১
„ বীরেন্দ্রলাল বসু	...	১
„ চণ্ডীচরণ মিত্র (বেলঘরিয়া)	...	২
„ পণ্ডিত লালমোহন বিদ্যানিধি	...	১
„ কুমার শোভেন্দ্রকৃষ্ণ দেব	...	১
„ রায় ডাঃ চুণীলাল বসু বাহাদুর	...	১
„ অনিঃপ্রকাশ বসু বার-এট-ল	...	১
„ বিপিন চন্দ্র সেন	...	১
শ্রীযুক্ত মহামহোপাধ্যায় প্রমথনাথ তর্কভূষণ	...	১
„ জয়চন্দ্র সিদ্ধান্তভূষণ	...	২
„ যজ্ঞেশ্বর বন্দ্যোপাধ্যায়	...	১
„ ডাঃ বারিদবরণ মুখোপাধ্যায়	...	১
„ ক্ষেত্রমোহন বিদ্যারত্ন	...	১
„ আব্দুল মহিয়াড়ী সাহিত্য সম্মিলন	...	১২
		<hr/>
	মোট	৭৫।০
বাদখরচ ৮বিদ্যানিধি মহাশয়ের কন্ঠাকে দেওয়া হইয়াছে		৫০
		<hr/>
সম্পাদকের নিকট মজুদ		২৫।০

সাহিত্যসভা

১০৬।১ংগ্রে ষ্ট্রীট।

শ্রীরাজেন্দ্র চন্দ্র শাস্ত্রী

সম্পাদক।

সাহিত্য-সভা হইতে প্রকাশিত

দানসাগরঃ ।

মহারাজাধিরাজ শ্রীবল্লাল সেন দেব বিরচিতঃ ।

শ্রীশ্যামাচরণ কবিরত্ন সম্পাদিতঃ ।

প্রথম খণ্ড—মূল্য ॥০ আট আনা । ২য়—॥০, ৩য় ॥০ ।

সম্পাদক, সাহিত্য-সভা,

১০৬১ গ্রে-স্ট্রীট, কলিকাতা ।

বঙ্গের কবিতা ।

প্রথম ও দ্বিতীয় ভাগ,

কুমার অনাথকৃষ্ণ দেব প্রণীত ।

দুই ভাগের প্রায় পাঁচশত পৃষ্ঠায় সম্পূর্ণ । ১ম ভাগ আট আনা, দ্বিতীয় ভাগ দেড় টাকা মাত্র । বাঙ্গালা কবিতার উৎপত্তি হইতে ইংরাজী প্রভাবের পূর্ব সময় পর্য্যন্ত ইহার ধারাবাহিক ইতিহাস সুন্দর ভাষায় লিপিবদ্ধ হইয়াছে । প্রাচীন কবিগণের অনেক অপ্ৰকাশিতপূর্ব কবিতা, গান ইত্যাদি প্রদত্ত হইয়াছে । গ্রন্থের সূচী হইতেই ইহার গুণবত্তা ও প্রয়োজনীয়তা উপলব্ধ হইবে ।

সাহিত্য সভা পুস্তকাগার ।

প্রত্যহ প্রাতে সাতটা হইতে সাড়ে আটটা পর্য্যন্ত ও সন্ধ্যায় ৬টা হইতে ৮টা পর্য্যন্ত সাধারণের জন্ম খোলা থাকে ।

পুস্তকালয়াধ্যক্ষ

১০৬১ গ্রে-স্ট্রীট ।

সাহিত্য-সংহিতা।

নবপর্যায়, ৫ম খণ্ড ।] ১৩২৩ সাল, অগ্রহায়ণ । [৮ম সংখ্যা ।

বাঙ্গালা ও সংস্কৃত সাহিত্যের আদর্শ ।

(১)

সংস্কৃত সাহিত্যের সহিত বাঙ্গালা সাহিত্যের সাদৃশ্য ও বৈসাদৃশ্য কি তাহার অনুশীলনের জন্ত, বর্তমান সময়ের বঙ্গ সাহিত্যিকগণের মধ্যে একটু চেষ্টা বা অভিলাষ উৎপাদন করিবার আকাজক্ষায় এই প্রবন্ধটি লিখিত হইতেছে । বঙ্গভাষার বর্তমান সাহিত্যিক বা কবি হইতে হইলে, অনেকের বিবেচনায়, সংস্কৃত কাব্যের অনুশীলন এখন এক প্রকার নিষ্প্রয়োজন বা অকিঞ্চিংকর । যাহারা এই মত প্রচার করিতেছেন, তাঁহারা বলিয়া থাকেন যে, বঙ্গ সাহিত্যের বর্তমান যাহা কিছু উন্নতি হইয়াছে তাহা সকলই ইংরাজি সাহিত্যের অনুশীলনের ফল, ইংরাজী সাহিত্যের ভাব গুলিকে বাঙ্গালা ছাঁচে ঢালাই করিতে পারিলেই বঙ্গসাহিত্যের অপেক্ষিত পুষ্টি হইবে এবং তাহার দ্বারাই সহৃদয় হৃদয়াকর্ষক সৌন্দর্য্যও বর্ধিত হইবে । বঙ্গ সাহিত্য এখন যে ভাবে সমুন্নত হইয়াছে এবং পাশ্চাত্যশিক্ষার প্রভাবে বাঙ্গালীর ক্রটি ও আকাজক্ষা যেরূপ হইয়া দাঁড়াইয়াছে, তাহাতে ও নিঃসঙ্কোচে বলিতে পারা যায় যে, ভাবের জন্ত, সৌন্দর্য্য সৃষ্টির জন্ত, বা রীতির জন্ত অথবা অলঙ্কার সম্পদের জন্ত, এক্ষণে আর বাঙ্গালা সাহিত্য কোন প্রকারেই সংস্কৃত সাহিত্যের মুখাপেক্ষি নহে, সুতরাং এহেন সময়ে সংস্কৃতসাহিত্যের বা সংস্কৃত অলঙ্কার শাস্ত্রের আলোচনা দ্বারা বাঙ্গালা সাহিত্যের পুষ্টি বা সৌন্দর্য্য বৃদ্ধির প্রয়াস বিড়ম্বনা মাত্র । নব্য সাহিত্যিকগণের এই প্রকার মতের দ্বারা পরিচালিত হইয়া যাহারা সংস্কৃত সাহিত্যের প্রতি অবজ্ঞা প্রদর্শন করিতে উদ্বৃত হন, তাঁহারা যে অজ্ঞান বশতঃ বঙ্গসাহিত্যের পুষ্টি ও সৌন্দর্য্যের প্রতি শত্রুতাচরণ করিয়া থাকেন, তাহাই

বুঝাইবার জন্ত এই প্রবন্ধটির অবতারণা করা যাইতেছে—আশা আছে, নিরপেক্ষ সাহিত্যিকগণ এই প্রবন্ধের প্রতিপাদ্য বিষয়কয়টির প্রতি অগ্রেই অবজ্ঞা প্রদর্শন না করিয়া, একটু অবধানের সহিত ইহার আলোচনা করিতে পশ্চাৎপদ হইবেন না।

কথাটা হইতেছে—এই যে, অধিকাংশ বাঙ্গালী সাহিত্যিকগণ যে ভাবে এখন সাহিত্যের পুষ্টি করিতে চাহেন, তাহা দ্বারা বাঙ্গালীর জাতীয় অভ্যুদয়ের আকাঙ্ক্ষা চরিতার্থ হইতে পারে কি না তাহাই ভাল করিয়া বুঝিবার ইহাই উপযুক্ত সময়। কেন যে বর্তমান সময় এই প্রকার আলোচনার উপযুক্ত, তাহাও বলি।

বর্তমান সময়ে আমরা আমাদের জাতীয় জীবনের গম্ভীর পথের এমন একটা স্থলে আসিয়া উপস্থিত হইয়াছি, যে স্থলে দাঁড়াইয়া আমাদের একজন একবার অগ্র ও পশ্চাৎ দুই দিকে ভাল করিয়া দেখিয়া লইতেই হইবে। পাশ্চাত্য শিক্ষার প্রথম আলোক ছটার উন্মাদিনী ও আকর্ষণী শক্তির প্রভাবে পশ্চাতে না চাহিয়া, পশ্চাতে কি ছিল বা কি আছে তাহা ক্ষণকালের জন্ত না ভাবিয়া, যতবেগে একটা পরাধীন জাতির বিজেতৃ জাতির আদর্শের দিকে দৌড়ান সম্ভব পর, তাহা আমরা দৌড়িয়াছি, নানা কারণে আর কিন্তু সেইরূপ বেগে দৌড়ান আর সম্ভবপর নহে, ইহা অভিজ্ঞ ব্যক্তিমাত্রেই আজ বুঝিতেছেন এবং ক্রমে আরও বুঝিবেন। আশু সমাজে পাশ্চাত্য আদর্শের সম্পূর্ণভাবে প্রতিষ্ঠা করিবার জন্ত ও আমরা এ পর্য্যন্ত যত কাৰ্য্য করিয়াছি তাহার মধ্যে সাহিত্য সৃষ্টিই যে আমাদের সর্ব প্রধান ও উল্লেখযোগ্য কাৰ্য্য, তাহা কে অস্বীকার করিবে? সাহিত্য মুকুরেই জাতীয়জীবনের আদর্শ প্রতিবিম্বিত হয় এবং সেই আদর্শের প্রতিষ্ঠার দ্বারা আত্মোৎকর্ষ লাভ করিবার জন্ত সত্য জাতিমাত্রই আবহমান কাল হইতে চেষ্টা করিয়া আসিতেছে, সমগ্র সভ্যজাতির অতীত ও বর্তমান ইতিহাস ইহাই আমাদের নিঃসন্দেহভাবে বুঝাইয়া থাকে।

এদেশে পাশ্চাত্য শিক্ষার প্রচারের আরম্ভের সময় হইতে এই লক্ষ্যের দিকে দৃষ্টি রাখিয়াই বাঙ্গালার শিক্ষিতসম্প্রদায় ব্যস্ততা ও আবেগের সহিত বাঙ্গালী সাহিত্য সৃষ্টির জন্ত বহুপরিকর হইয়াছেন—রাজা রামমোহন রায় হইতে আরম্ভ করিয়া বর্তমান সময়ে বাঙ্গালীর গৌরব কবিসম্রাট শ্রী রবীন্দ্রনাথপর্য্যন্ত সকল সাহিত্যিকই এই সাধনায় দীক্ষিত, জাতীয় সাহিত্যের দ্বারা আদর্শ নির্মাণ পূর্বক

জাতির সর্বতোমুখ অভ্যুদয় বিধানই হইল এই সাধনার লক্ষ্য, ইহা কে অস্বীকার করিবে? এক্ষণে কিন্তু, দেখিতে হইবে যে এই সাধনার পথে অগ্রসর হইয়া আমরা আমাদের লক্ষ্যের দিক কতটা অগ্রসর হইয়াছি এবং সেই সঙ্গে ইহাও দেখিতে হইবে যে রাজা রামমোহন রায় হইতে কবির রবীন্দ্রনাথ পর্যন্ত আমাদের বরণীয় সাহিত্যরথগণ যে সাহিত্য সৃষ্টি করিয়াছেন, তাহার মধ্যে আমাদের জাতীয় জীবনের আদর্শ প্রতিমা গঠিত হইয়াছে কিনা।

আমাদের বিবেচনায় এ পর্যন্ত আমাদের বঙ্গভাষায় এমন একখানি সাহিত্যও প্রস্তুত হয় নাই, যাহার সাহায্যে আমাদের জাতীয় জীবন প্রকৃত পক্ষে স্বীয় লক্ষ্যের দিকে নিঃসঙ্কোচে অগ্রসর হইতে পারে, অর্থাৎ সাহিত্যের আদর্শকে সম্মুখে রাখিয়া আমরা আমাদের জাতীয় জীবনকে অভ্যুদয়ের ও নিঃশ্রেয়সের অমুকুল ভাবে গঠন করিতে পারি।

কেন যে, এই প্রকার বিশ্বাস আমাদের হৃদয়ে বদ্ধমূল হইয়াছে তাহাও বলি।

বঙ্গদেশে জন্মগ্রহণ করিয়া আপনাকে বাক্সালী হিন্দু বলিয়া পরিচয় দিতে যিনি—স্বাধা বোধ করিয়া থাকেন, এমন শিক্ষিত ব্যক্তি মাত্রই স্বীকার করিয়া থাকেন যে, বাক্সালীর জাতীয় জীবনের অভ্যুদয়রূপ বিরাট প্রাসাদ নিষ্কাণ করিতে হইলে একমাত্র ধর্মই তাহার সুদৃঢ় ভিত্তি হওয়া উচিত এবং সেই ধর্ম আমাদের পূর্ব পুরুষগণসেবিত ক্রতি, স্মৃতি, পুরাণ ও তন্ত্রমূলক সনাতন ধর্ম ব্যতিরিক্ত অন্য কোন ধর্ম হইতেই পারে না, আমরা যে কেবল ধর্মের জন্তই ধর্ম চাহি, তাহা নহে, আমরা ধর্ম চাহি, কাম অর্থ ও মোক্ষের জন্ত, সুতরাং ধর্মের ঐকান্তিক সাধনা করিতে গেলে আমরা অর্থ কাম পরিত্যাগ পূর্বক ব্যবহার ক্ষেত্রে মনুষ্য হারাইয়া অকর্মণ্য ও বিরক্তিগ্রবণ সন্ন্যাসী হইয়া পড়িব, এই প্রকার শঙ্কা এক্ষেত্রে উদিতই হইতে পারে না।

সেই ধর্মলাভ করিতে হইলে এবং সেই ধর্মের বলে অর্থ কাম ও মোক্ষলাভ করিতে হইলে, আমাদের চতুরাশ্রম প্রণালীর সংস্কার ও পরিপুষ্টি যে একান্ত আবশ্যিক তাহা কে অস্বীকার করিবে?

আমাদের দেশে ব্রহ্মচর্যাপ্ত ছাত্রজীবন বহুদিন হইল বিনষ্ট হইয়াছে। বিলাসবাসনা করান রাক্ষসীরা জায় আমাদের জাতীয় অভ্যুদয়ের প্রধান ভরসা হুল ছাত্র জীবনকেও গ্রাস করিবার জন্য বিকট আশ্রয় ক্যান্ডান করিয়া

আজ বঙ্গের এক প্রান্ত হইতে অপর প্রান্ত পর্যন্ত অপ্রতিহতভাবে যথেষ্ট বিচরণ করিতেছে, হুঃখের বিষয় বঙ্গে এখনও এমন সাহিত্যের সৃষ্টি হইল না, যাহার সাহায্যে অনুরাগ ও শ্রদ্ধা সহিত ছাত্র জীবনের উজ্জ্বল আদর্শ হৃদয়ে অঙ্কিত করিয়া বাঙ্গালী ছাত্র ব্রহ্মচর্যের কঠোর সাধনায় জীবন উৎসর্গ করিতে পারে, অতীত যুগে সংস্কৃত সাহিত্য যে ব্রহ্মচর্য, গুরুভক্তি, সংযম ও সরলতার আদর্শভূত ছাত্রজীবনের গৌরবোজ্জ্বলিত মধুর চিত্র তাত্‌কালিক হিন্দুসমাজের মানসপটে অঙ্কিত করিয়া গিয়াছে, আজ নেক্রপ চিত্র নব্য বাঙ্গালীর সাহিত্য ভাণ্ডারে কয়টা খুঁজিয়া পাওয়া যায় ? কই সে উত্তম ? কই সে উদালক ? কোথায় সেই বেদ ? কোথায় সে আরাগি ? আর কোথায় সেই বরতনু শিষ্য ধোঁস ? সমগ্র নব্য বাঙ্গালা সাহিত্য খুঁজিয়া কই তেমন একটা মধুর ও পবিত্র আদর্শ বাহির কর দেখি ? বঙ্কিমচন্দ্রের চরিত্র সৃষ্টির অপূর্ব চাতুরী ও এবিষয়ে পরাভূত, রমেশচন্দ্র, দামোদর, তারকনাথ প্রভৃতি ঔপন্যাসিক সাহিত্যিকগণের লেখনী এই চিত্র অঙ্কিত করিতে অগ্রসর হয় নাই । এই সকল সুপ্রসিদ্ধ ঔপন্যাসিকগণ যে সকল জীবনের চিত্রণ কার্যে প্রয়াস পাইয়াছেন, তাহা কিছুতেই ছাত্রজীবনের আদর্শ হইতে পারেনা, আমাদের ছাত্রসম্প্রদায় বর্তমান সময়ে কোন প্রকার তাদৃশ সমুন্নত আদর্শ সাহিত্যের মধ্যে দেখিতে পায় না বলিয়া তাহারা এক প্রকার নিস্পন্দ বা উত্তমহীন হইয়া পড়িতেছে ইহা কে অস্বীকার করিবে ? ফুটবল খেলায় তাহাদের উৎসাহ আছে, সত্য বটে, পরীক্ষায় উত্তীর্ণ হইবার জন্ত তাহারা প্রাণপাতী পরিশ্রম করে তাহাও ঠিক, অর্দ্ধোদয় প্রভৃতি যোগ উপস্থিত হইলে কিয়ৎকালের জন্ত দেশহিঁতষণার বশে তাহারা বিপৎ সমুদ্রে অবগাহন করিতেও কুণ্ঠিত হয় না একথাও কেহ অস্বীকার করে না, কিন্তু তাই বলিয়া তাহাদের জীবন যে বর্তমান সময়ে প্রাচীন ভারতের পবিত্র ছাত্র জীবনের আদর্শে গঠিত হইতেছে, চন্দ্রচর্য ও সংঘমের কঠোর অগ্নি পরীক্ষায় উত্তীর্ণ হইয়া তাহারা সকলের অবলম্বনভূত পবিত্র গাহস্বৈর গুরুভার বহন করিবার জন্ত প্রস্তুত হইতেছে একথা কে স্বীকার করিবে ? তাহারা লেখা পড়া শিখে কেন ? তাহাদের অধিকাংশের জীবনের উদ্দেশ্য যে কোন প্রকারে অর্থার্জন ব্যতিরিক্ত আর কিছুই নহে ইহা বলিলে বোধ করি অত্যাুক্তি বা অতিরঞ্জন হয় না, লেখা পড়া শিখিয়া একটা বড় চাকরী যোগাড় করিতে পারিলে তাহারা এবং তাহাদের অভিভাবক বর্গ জীবনের সাফল্য

বোধ করিয়া থাকেন .এ অর্থার্জন ও তাহাদের কিসের জন্ত ? বিলাসের জালাময়ী বাসনার চরিতার্থতা সম্পাদনই এক তাহাদের অর্থার্জনের মুখ্যতম উদ্দেশ্য নহে ? কিসে আমি আমার পুত্র পরিবার লইয়া আয়্যামে থাকিব, নিত্য নিত্য নূতনতর আমোদের স্রোতে ভাসিয়া বেড়াইব নিজের স্বার্থসিদ্ধির পথে যাহা কষ্টক, তাহার উদ্ধার করিতে হইলে যদি মনুষ্যত্ব ও বর্জন করিতে হয় তাহাও কারিব, ইহাই ত হইল এখন বাঙ্গালী জীবনে জাগ্রত আকাঙ্ক্ষা। এই বিলাস বাসনারূপ করাল রাক্ষসীর সর্বগ্রাসী কবলে আমাদের ছাত্রবর্গ পতিত হইয়া যাহাতে মনুষ্যত্ব হীন না হয়, তাহার জন্ত আমাদের জাতীয় সাহিত্য এ পর্যন্ত কয়টি আদর্শ চরিত্র সৃষ্টি করিয়াছে ? কয়জন সাহিত্যিকের সাহিত্য সৃষ্টি প্রভাবে আমাদের জাতীয় অভ্যুদয়ের ভিত্তিস্বরূপ এই ছাত্রজীবন ব্রহ্মচর্যের কঠোর সাধনার জন্ত বন্ধপরিষ্কর হইয়াছে ? ছাত্র জীবনের কথা ছাড়িয়া গার্হস্থ্য জীবনের আলোচনা করা যাক, এদিক্‌ও নৈরাশ্রের সূচীভেদ্য অন্ধকারে নিবিড়ভাবে আবৃত, পশ্চিমের সভ্যতার যাহা সার তাহা সংগ্রহ করিবার জন্য আমরা আজ লোলুপ হইয়াছি—ইহা সত্য বটে, কিন্তু, সেই সঙ্গে আমাদের প্রকৃতির অনুকূল চিরাভ্যস্ত প্রাচ্য সভ্যতার যাহা কিছু সার সেইগুলিকে একে একে পরিত্যাগ করিতেছি বলিয়া আজ আমরা মনুষ্য নামধারী এক কিন্তুুত কিমাকার জীবে পরিণত হইয়া পড়িতেছি... গার্হস্থ্য যে আত্মভোগের জন্য নহে, বিলাস বাসনার চরিতার্থতাই ইহার উদ্দেশ্য নহে বর্তমানেই ইহা প্রতিষ্ঠিত নহে অতীত ভবিষ্যতের স্বার্থ ও গৌরবের অপূর্ব মিশ্রণের দ্বারা আমাদের বংশের আমাদের জাতির এবং পরিশেষে সর্বমানবজাতির ঐহিক ও পারত্রিক অভ্যুদয়ের সাধনরূপে ইহা বর্তমানের সহচর মাত্র, ইহাই হইল হিন্দুর গার্হস্থ্যের পরিচয়, এই পরিচয় পাইবার জন্ত আমরা এখনও সম্পূর্ণভাবে সংস্কৃত সাহিত্যেরই অপেক্ষা করিয়া থাকি এই পরিচয়ের সাড়া এখনও বাঙ্গালা সাহিত্যে পাওয়া যায় না কেন ?

প্রকৃতির বৈচিত্র্যময়ী সৃষ্টির মধ্যে—যাহা কিছু সন্নিবিষ্ট আছে, সুন্দর হউক বা অসুন্দর হউক, পবিত্র হউক বা অপবিত্র হউক, ললিত হউক বা বীভৎস হউক, তাহারই যথাযথ চিত্রণ করাই কবির কার্য, কবির কল্পনা সৌন্দর্য্য সৃষ্টির জন্য, এই সৌন্দর্য্য জ্ঞান কোন প্রকার নৈতিক শৃঙ্খলের দ্বারা নিয়ন্ত্রিত হওয়া উচিত নহে, অনাবৃত নভো মণ্ডলে স্প্রতিহত মলয়মাকতের

জায় কবি প্রতিভা ধর্ম, সমাজ ও লোকমর্যাদাজ্ঞান দ্বারা প্রতিহত বা সংযত হইবার নহে, তাহা সত্যপক্ষপাতিনী হইবে মাত্র, কিন্তু তাই, বলিয়া সে পবিত্র বা লোক সম্মানিত বা লোক মত পুষ্ট সত্যেরই পক্ষ পাতিনী হইবে, একরূপ নিয়ম মানিলে চলিবে কেন? যাহা সত্য তাহা পবিত্রও হউক আর অপবিত্র হউক, তাহা স্বর্গীয় হউক বা নারকীয় হউক, সে বিষয়ে বিচার করিলে চলিবে কেন? যে হেতু তাহা সত্য, সেই হেতু তাহা কবির বর্ণনীয় এবং তাহারই যথাযথভাবে বর্ণন করিতে পারাই কবিত্ব, এই প্রকার বিশৃঙ্খল মতের বশবর্তী হইয়া বর্তমান সময়ে বাঙ্গালীর কাব্য উপন্যাস বা নাটকজাতীয় সাহিত্য নিৰ্মাণে যাহারা সমালোচনাদি দ্বারা উৎসাহ দেন বা ঐরূপ কার্য স্বয়ং করেন, আমরা তাঁহাদের সহিত কখনই একমত হইতে পারিবনা, প্রত্যুত জন্মান্তরকৃত তপস্কার প্রভাবে লক্ষ কবিত্বশক্তির অপব্যবহার দ্বারা লক্ষ্যভ্রষ্ট স্মৃতরাং কিংকর্তব্যবিমূঢ় হইয়া তাঁহারা যে বঙ্গীয় সমাজের বিশেষরূপে অনিষ্ট করিতেছেন, ইহা আমরা নিঃসঙ্কোচে আমাদের জাতীয় সমাজে ঘোষণা করিব। এই কথা তাহাদিগকে বুঝাইয়া আবার লোকহিতৈষণা প্রণোদিত সংস্কৃত অমর কবিদিগের সরস ও সদ্ভাবপূত বরণীয় সাহিত্যের উপাসনার জন্ম প্রবর্তিত করিবার চেষ্টা করিব। তাঁহাদের আবেগময়ী রসসৃষ্টিকুশল কল্পনাকে ধর্মময় লোকহিতকর বিরাট সংস্কৃত হিন্দু সাহিত্যের আদর্শে বঙ্গ সাহিত্যে আদর্শ সৃষ্টি করিবার জন্ম সাদরে ও সগৌরবে আমন্ত্রণ করিব।

মোট কথায় আমরা বলিতে চাহি—যে ক্ষণিক আনন্দের জন্ম কাব্য রচনা নহে, অপরিণামতি চঞ্চল প্রকৃতি যুবার বা যুবতীর হৃদমমনীয় বিলাস বাসনার অগ্নি জ্বালায় ঘৃহাহতি দানকরা ও জাতীয় সাহিত্যের কার্য নহে—বাঙ্গলার লোকোত্তর প্রতিভাসম্পন্ন মহা কবি বঙ্কিমচন্দ্র তাঁহার জীবনের সঙ্কটকালে এই মহান সত্যের বিদূর্ত হৃদয়ঙ্গম করিয়াছিলেন, কিন্তু, দুঃখের বিষয়, তিনি তাহা আরও অনেক পূর্বে ইহা বুঝিতে পারেন নাই, যখন তিনি বুঝিয়া ছিলেন, তখন তাঁহার সেই কবিত্ব শক্তি, সেই অপূর্ব মধুর কল্পনা, সেই স্বর্গীয় সৌন্দর্য্য বিকাশ পটুতা—বার্ককোর তীব্র অবসাদ যষ্টির আঘাতে ভগ্নশীর্ষ ও উন্মাদনা হীন হইয়া পড়িয়াছিল, তাই তাঁহার দেবী চৌধুরাণী তাঁহার সীতারাম বা তাঁহার আনন্দ মঠ দ্বারা—যে জন্ম তাঁহাকে সেই বৃদ্ধ বয়সে লেখনী ধারণ করাইয়াছিল, সে কার্য সম্যগ্ভাবে

সাধিত হয় নাই—কপালকুণ্ডলা যুগলিনী চন্দ্রশেখর ও ভ্রমরের গায় তাঁহার শেষ জীবনের এই তিন খানি উপন্যাস তাঁহার অভিমত আদর্শ সৃষ্টি করিয়া তাহাতে প্রাণ প্রতিষ্ঠা করিতে পারে নাই, লোকচরিত্রঅঙ্কনে প্রবৃত্ত হইয়া ঐ তিনখানি উপন্যাসে তিনি প্রাণের আবেগময়ী ভাষার সাহায্যে সেই সৌন্দর্য্য সৃষ্টি করিতে পারেননাই, যাহার সৃষ্টি করিতে তরুণ বয়সে তিনি সিদ্ধহস্ত ছিলেন।

তাই বলিতেছিলাম বাঙ্গালী সাহিত্যের স্রোত ; এতদিন যে দিকে বুকিয়া বহিতেছে, তাহার বিপরীত দিকে তাহাকে ফিরাইতে হইবে, যাহারা বাঁচিয়া আছে; যাহাদের প্রভুতার গৌরব সূর্য্য দিবারাত্রির মধ্যে ক্ষণকালের জন্য অন্তর্মিত হয় না—ধনে মানে জ্ঞানে ঐশ্বর্য্য ও গৌরবে যাহারা অতুলনীয় হইয়া এখন মগরের পৃথিবীতে মাথা উঠাইয়া চলিতেছে; তাহাদের সাহিত্যের গতি প্রকৃতি ও ভাব লইয়া আমাদের গায় অধঃপতিত ও লক্ষ্যভ্রষ্ট জাতির জীবনপ্রদও অভ্যাদয় কর সাহিত্যের সৃষ্টি করা সম্ভবপর নহে, আমাদের অতীত গৌরবের দিনে যে সাহিত্য রচিত হইয়া আমাদের ঐহিক ও পারত্রিক সর্বপ্রকার অভ্যাদয়ের পথকে প্রশস্ত করিয়া দিয়াছিল, সেই সংস্কৃত সাহিত্যের গতি প্রকৃতিও ভাবের খবর আমাদের কাছে ভাল করিয়া লইতেই হইবে, আরও একটা কথা এই যে সাহিত্য সৃষ্টির পূর্বে, যে জাতির জন্য সাহিত্য সৃষ্টি করিবে, সেই জাতির অস্তিত্ব প্রসার ও অভ্যাদয়ের প্রকৃতি কি তাহা ভাল করিয়া বুঝিতে হইবে। তাহা না বুঝিয়া যদি সাহিত্য সৃষ্টি করিতে উদ্যত হও, তাহা হইলে অনেক স্থলেই তুমি শিব গড়িতে বানর গড়িয়া বসিবে, সূত্রবাং সময় থাকিতে সাংধান হওয়া একান্ত আবশ্যিক। এবারে এই পর্য্যন্ত, আগামী বারে সংস্কৃত সাহিত্যের গতি প্রকৃতিও ভাবের স্বরূপ দেখাইয়া এই প্রবন্ধের উপসংহার করিব।

আমাদের জাতীয় উন্নতির একটি সূত্র ।

“নিজে উন্নত” বা “উন্নতি করিতে সমর্থ” এরূপ আত্মমর্যাদাজ্ঞান না থাকিলে বাধা সত্ত্বে স্বতঃপ্রবৃত্ত হইয়া কখনও কাহারও উন্নতিলাভ ঘটে না— ইহা একটি সাধারণ নিয়ম । কারণ, যে ব্যক্তি নিজেকে কোন একটা বিষয়ে উন্নত বলিয়া জানে, সেই ব্যক্তিই বাধা-বিঘ্নের ভিতর দিয়া অপর বিষয়ে উন্নতিলাভে প্রবৃত্ত হইতে পারে, কিন্তু, যে ব্যক্তি নিজেকে কোন একটা বিষয়েও উন্নত বলিয়া জানে না, সে ব্যক্তি বাধা-বিঘ্নের ভিতর দিয়া অপর বিষয়েও উন্নতিলাভ করিতে পারে না । যদি কোথাও দেখা যায়, কোন ব্যক্তি নিজেকে কোন বিষয়েও উন্নত বলিয়া বুঝে না, অথচ সে ব্যক্তি বাধা-বিঘ্ন অতিক্রম করিয়া উন্নতিলাভ করিতেছে, তাহা হইলে বুঝিতে হইবে, সে ব্যক্তি অন্ততঃ পক্ষে নিজেকে উন্নতিলাভে সমর্থ বলিয়া জানে, নচেৎ বাধা-বিঘ্ন সত্ত্বে স্বতঃ প্রবৃত্ত হইয়া উন্নতিলাভ তাহার পক্ষে সম্ভবপর নহে । অতএব “নিজে উন্নত” বা “উন্নতি লাভে সমর্থ” এরূপ আত্মমর্যাদাজ্ঞান না থাকিলে বাধা সত্ত্বে স্বতঃ প্রবৃত্ত হইয়া কখনও কাহারও উন্নতি লাভ ঘটে না ।

উন্নতি লাভের ইহাই যদি সাধারণ নিয়ম হয়, এবং বর্তমান অবস্থায় যদি আমাদের উন্নতি লাভ করিতে হয়, তাহা হইলে আমাদের কোন্ উপায় অবলম্বনীয়, কোন্ পণ অমুসরণীয় ইহা চিন্তাশীল ব্যক্তি মাত্রেই বোধ হয় চিন্তার বিষয়, ইহা বুদ্ধিমান শ্রেয়স্কামী ব্যক্তি মাত্রেই ভাবিবার বিষয় ।

এই পথে চিন্তা করিলে আমরা দেখিতে পাই, যাহা আমাদের গৌরবের জিনিষ, যাহার জন্য আজও আমরা প্রধান, আজও আমরা গর্ব করিতে পারি, আমাদের তাহারই বিষয় প্রথমে সবিশেষ জ্ঞানলাভ এবং তাহারই প্রচার অত্যাবশ্যক । এই জ্ঞানলাভ বা প্রচারকার্যের সুবিধা না থাকিলে আমাদের উন্নতির পথ সংকীর্ণ হইতে হইতে ক্রমেই রুদ্ধ হইয়া আসিবে । কারণ, আমরা যদি আমাদের গৌরবের বস্তুর সবিশেষ জ্ঞান লাভ করিয়া সমধিক আত্মমর্যাদা সম্পন্ন না হই, তাহা হইলে উন্নতিশীল স্বাধীন জাতি, ক্ষতবলে উন্নতির পথে

অগ্রহায়ণ, ১৬২৩। আমাদের জাতীয় উন্নতির একটি সূত্র। ৩৬৫

অগ্রসর হইয়া আমাদের সকল বিষয়েই পশ্চাতে ফেলিয়া দিবে, এবং তখন আমাদের আত্মসম্মান-বোধোপকরণের অভাববশতঃ প্রতিদ্বন্দিতাক্ষেত্রে আমাদের হতাশার সঞ্চার হইবে এবং ক্রমে আমাদের উন্নতির প্রবৃত্তি পর্যাস্ত ও বিলুপ্ত হইয়া যাইবে। তদ্রূপ, আমাদের গৌরবের বস্তুর প্রচারকার্য না থাকিলে সাধারণভাবে আমাদের উন্নতির প্রবৃত্তি পর্যাস্ত বিলুপ্ত হইবে; কারণ, যাহারা নবীন সংসারে প্রবেশ লাভ করিতেছে, তাহাদের সকলের পক্ষে ওরূপ জ্ঞানলাভ প্রচার ভিন্ন অসম্ভব হয়। প্রচারকার্য না থাকিলে কোন কোন ব্যক্তির পক্ষে মেরুপ জ্ঞান সম্ভবপর হয় বটে, কিন্তু সাধারণভাবে বহুলোকের পক্ষে ওরূপ জ্ঞানলাভ কখনই সম্ভবপর নহে।

অতএব আমাদের যদি উন্নতিলাভ করিবার ইচ্ছা হয়, তাহা হইলে আমাদের যাহা গৌরবের জিনিষ অগ্রে তাহারই ম বিশেষ জ্ঞানলাভ প্রয়োজন, অগ্রে আমাদের তাহারই প্রচারকার্যে প্রবৃত্ত হওয়া উচিত। অতঃপ, যে ব্যক্তি কোন বিষয়ে উন্নত নহে, বা যাহার নিজেকে “উন্নতি করিতে সমর্থ” বলিয়া জ্ঞান নাই, তাহার উন্নতি করিতে হইলে কি উপায় অবলম্বনীয়, কোন্ পথ অনুসরণীয় তাহা এস্থলে আমাদের আলোচ্য বিষয় নহে।

যাগ হউক, এখন জিজ্ঞাসা—আমাদের সেই গৌরবের জিনিষ কি? আমরা কি লইয়া এখনও গর্ব করিতে পারি? কিসের জন্ত এখনও আমরা প্রধান, এখনও আমরা গণ্যমান্য হইতেছি?

একটু চিন্তা করিলে মনে হয় যে, আজও আমরা যাহা লইয়া গর্ব করিতে পারি, আজও আমরা যাহার জন্ত পাশ্চাত্য পণ্ডিতবর্গের গুরুত্ব আসন গ্রহণ করিতে পারি, ভারতীয় দর্শনশাস্ত্র তাহাদের মধ্যে অন্ততম। এখনও পর্যাস্ত পাশ্চাত্য বিদ্বৎগণ ভারতীয় দর্শনশাস্ত্র শিক্ষা করিতে বহুযত্ন করিতেছেন,—কিন্তু তথাপি তাহারা ইহা আয়ত্ত করিতে পারিতেছেন না। এখনও তাহারা এদিশে আসিয়া পণ্ডিত নিযুক্ত করিয়া ভারতীয় দর্শনশাস্ত্র অধ্যয়ন করিয়া থাকেন, এখনও পর্যাস্ত ভারতীয় দর্শনশাস্ত্র বহু পাশ্চাত্য পণ্ডিতের বিশেষ আশ্রয়ের সামগ্রী, বিশেষ শ্রদ্ধার বস্তু—একথা আমাদের মধ্যে অনেকেই বিদিত আছেন, অতীতের ইতিহাসও ইহা সাক্ষ্য দিয়া আসিতেছে। ফলতঃ এই জন্ত বলিতে হয়, ভারতীয় দর্শন যে ভারতবাসীর এখনও গৌরবের বস্তু, তাহাতে আর সন্দেহ নাই।

কিন্তু এমনই দুঃখের বিষয় এই যে, আজ আমরা বাহার জ্ঞান প্রধান ও গণ্যমান্য, আমরা তাহারই বিষয় সম্যক অবগত নহি। আজ আমাদের অনেক দর্শনশাস্ত্রীয় গ্রন্থ আমাদের দেশে মুদ্রিত না হইয়া ইংলণ্ড, জার্মানি, ফ্রান্স, ও ক্রিয়াতে মুদ্রিত হইতেছে। আজ আমরা আমাদের দর্শনশাস্ত্রের তাৎপর্য্য আমাদের ভাষায় যত অবগত হইতে পাই, তদপেক্ষা অধিক ইংরাজি প্রভৃতি ভাষার সাহায্যে অবগত হইয়া থাকি। অধিক কি আমাদের মধ্যে অনেকে এই সকল গ্রন্থ পাঠ করিয়া আমাদের পূর্ব গৌরব অবগত হইতেছেন। জানি না, কোলকক ম্যাক্সমুলার প্রভৃতি না জন্মিলে আমাদেরই দর্শন-বেদ-বেদান্ত আমাদের অনেকের গৃহে বিরাজ করিত কিনা? জানি না, স্যার উইলিয়াম জোন্স এমিয়াটিক সোসাইটীর সৃষ্টি না করিলে আমাদের দর্শনশাস্ত্রের বহুলুপ্ত গ্রন্থরত্ন উদ্ধার হইত কি না? কবরাজ্যের অর্থে জার্মান পণ্ডিতগণের সাহায্যে যে সংস্কৃত অভিধান রচিত হইয়াছে, অণ্ডাবধি ভারতবাসী ভারতীয় ভাষায় তাহা অপেক্ষা উত্তম অভিধান রচনা করিতে পারিল না। ম্যাক্সমুলারের “ভারতীয় ষড়দর্শন” ও “প্রাচ্য পবিত্র-গ্রন্থমালা” প্রকাশিত না হইলে টুবনারের গ্রন্থাবলী প্রকাশিত না হইলে, কাউয়েল, গাফ, জেকব, উইলসন, ডুসেন প্রভৃতি পণ্ডিতবর্গের গ্রন্থরাজি অধ্যয়ন করিতে না পারিলে আমাদের মধ্যে অনেকেই আমাদের দর্শনপ্রভৃতি শাস্ত্রসম্বন্ধে অনভিজ্ঞ থাকিতেন। তাই বলিতে হয়—বাহা লইয়া আজ আমরা গর্ব করিতেছি—তাহারই সবিশেষ পরিচয়পর্য্যন্তও আমরা অবগত নহি, তাই বলিতে হয়—আমাদের উন্নতিলাভের উপায়চিন্তা করিলে আমাদের মন দুঃখসাগরেই নিমগ্ন হয়।

কিন্তু, এই দুঃখের সীমা এই স্থলেই শেষ হয় না, এতদপেক্ষা আরও দুঃখের বিষয় রহিয়াছে। দেখা যায়, আমাদের মধ্যেই অনেকে আবার বলিয়া থাকেন যে, আমাদের দর্শনশাস্ত্র পাশ্চাত্য দর্শনশাস্ত্র হইতে উৎকৃষ্ট নহে, অর্থাৎ বাহা লইয়া আমরা আমাদের গৌরবান্বিত জ্ঞান করিতেছি, তাহাই পাশ্চাত্য দর্শনের তুলনায় নিকৃষ্ট, সুতরাং এ পথ দিয়া আমাদের উন্নতির আশা সুদূরপরাহত, ইত্যাদি।

বাহা হউক, এই কথাটা কতদূর যুক্তিসহ তাহা স্থির করিতে হইলে, আমাদের দেখিতে হইবে একত্রে ইহারা কি কি যুক্তি প্রদর্শন করেন, তাহার পর দেখিতে হইবে সেই সকল যুক্তির-সারস্বতাই বা কতদূর।

ইহারা একত্র যে সকল যুক্তি সাধারণতঃ প্রদর্শন করেন, তাহাদের মধ্যে প্রথম এই যে, পাশ্চাত্যপ্রদেশে তদেশীয় দর্শনশাস্ত্রের ইতিহাস প্রভৃতি যেরূপ পাওয়া যায়, আমাদের দর্শনশাস্ত্রের সেরূপ কিছু নাই। আমাদের এরূপ কোন গ্রন্থই নাই, বাহাতে আমাদের দেশের দার্শনিক মতগুলি একসঙ্গে জানিতে পারা যায়,—বাহাতে তাহাদের উৎপত্তি, বিস্তার, বিকৃতি এবং উদ্ভাবনকর্তা-দিগের চরিত্রপ্রভৃতি এক সঙ্গে জানিতে পারা যায়। দার্শনিক চর্চা ভালরূপ হইলে এরূপ গ্রন্থের অভাব কখনই সম্ভবপর নহে! দর্শনশাস্ত্রে প্রথমপ্রবৃত্তগণের পক্ষে এ জাতীয় বিবরণ নিতান্ত প্রয়োজন হয়। দর্শনশাস্ত্রের বহুল প্রচার কামনা হইলে এ সকল কথা গ্রন্থাকারে লিপিবদ্ধ হওয়া আবশ্যিক হইয়া উঠে। দেখ, পাশ্চাত্য দর্শনের কত লোকে কত ইতিহাস রচনা করিয়াছে। কতলোক তাহাদের সংক্ষিপ্ত পরিচয়প্রদানার্থ তাহাদের উৎপত্তি, স্থিতি, বিকৃতি, প্রচার, এবং মতপ্রবর্তকগণের আবির্ভাবকাল ও চরিত্রপ্রভৃতি কতরূপে সুসজ্জিত করিয়া কত গ্রন্থ রচনা করিয়াছে। কিন্তু এরূপ গ্রন্থ আমাদের কি একখানিও আছে? এইজন্য বলিতে হয়, আমাদের দর্শনচর্চা ভালরূপ হয় নাই; সুতরাং আমাদের দর্শনশাস্ত্র লইয়া গর্ব করা বা আশ্রয় মর্যাদা জ্ঞানের বৃদ্ধির চেষ্টা করা বৃথা।

দ্বিতীয় যুক্তি এই যে, আমাদের দর্শনশাস্ত্র অতি প্রাচীনকালের জিনিষ; অতএব তাহা আধুনিক কালের জিনিষ অপেক্ষা পূর্ণতর বা নির্দোষ হইতে পারে না। কারণ, অভিব্যক্তিবাদের সিদ্ধান্তই এই যে, জগৎ দিন দিন উন্নতির পথেই অগ্রসর হইতেছে, জগতের জ্ঞানসম্পত্তি, বলবীৰ্য্য বিস্তারবৃদ্ধি সকলই উত্তরোত্তর বৃদ্ধি পাইতেছে। পূর্ববর্তী কালে যাহা যেরূপ ছিল, আজ তাহা অনেক উন্নত ও অনেক ভাল হইয়াছে। তাহার পর এদেশেও আধুনিক কালে যে দর্শনচর্চা হইয়াছে, তাহাও আধুনিক পাশ্চাত্য-দর্শন অপেক্ষা কোন রূপেই উত্তম হইতে পারে না। আধুনিক ভারতীয় দর্শন যে সময় জন্মগ্রহণ করিয়াছে, সে সময় ভারত পরাধীন, স্নেহশাসনে উৎপীড়িত, কিন্তু আধুনিক পাশ্চাত্য দর্শন যে সময় উৎপন্ন হইয়াছে, সে সময় ইয়োরোপ স্বাধীন, সমগ্র পৃথিবী তাহার অধীন। পরাধীনের চিন্তা বা চেষ্টা কখন স্বাধীনের চিন্তা বা চেষ্টার সমকক্ষ হইতে পারে না। সুতরাং, ভারতীয় আধুনিক দর্শন পাশ্চাত্য আধুনিক দর্শনের মত পুষ্ট হইতে বা পূর্ণতা লাভ করিতে পারে না।

তৃতীয় যুক্তি এই যে, আমাদের দার্শনিক সিদ্ধান্ত, যে সকল দৃষ্টান্ত অবলম্বন করিয়া ত্বরীকৃত হইয়াছে, তাহাদের মধ্যে বহু দৃষ্টান্ত, আজকাল দেখা যাইতেছে, ভ্রান্ত এবং আধুনিক বিজ্ঞানসম্মত নহে। দৃষ্টান্তবলেই লোকে সিদ্ধান্তে উপনীত হয়। সুতরাং, আমাদের দর্শনের মধ্যে বহু ভ্রান্ত-সিদ্ধান্তই প্রবেশলাভ করিয়াছে, আর তাহার ফলে আমাদের দর্শনশাস্ত্র পাশ্চাত্য দর্শনশাস্ত্র হইতে কোন মতেই শ্রেষ্ঠ হইতে পারে না। অতএব একরূপে আমাদের আত্মমর্ষাদাজ্ঞানবুদ্ধির চোখা নিষ্ফল হইতে বাধ্য।

চতুর্থ যুক্তি এই যে, আমাদের দর্শনশাস্ত্রের গ্রন্থগুলির রচনাপ্রণালী, সাজান পদ্ধতি ও বাধ্যারীতি প্রভৃতি লক্ষ্য করিলে মনে হইবে—উহা যেন নিতান্ত অপরিণত বুদ্ধিপ্রসূত, একজন প্রথমশিক্ষার্থী গুরুপদেশসাহায্য ভিন্ন ইহার ভিতর প্রবেশ করিতেই পারে না। পক্ষান্তরে পাশ্চাত্যদর্শনে অন্ধও যেন নিজ গন্ত্বাপথ দেখিতে পায়, সকল কথাই বুঝিতে পারে। আমাদের ভালরূপদর্শন চর্চা হইলে কি এইরূপ অপূর্ণতা, একরূপ ক্রটি পরিলক্ষিত হইত? এইজন্য বলিতে হয়—আমাদের দর্শন লইয়া আমাদের গৌবৎস্তান করা নিশ্চয়োত্তম।

পঞ্চম যুক্তি এই যে, আমাদের দর্শনশাস্ত্র ঋষিবাক্য ও বেদকে প্রমাণ অর্থাৎ অত্রান্ত সত্য বলিয়া বিবেচনা করিয়া অনেক সিদ্ধান্তে উপনীত হইয়াছে। ইহার ফলে আমাদের দার্শনিকসিদ্ধান্ত অনেকই ভ্রমসংকুল হইয়া পড়িয়াছে। কারণ, ঋষিবাক্য ত মনুষ্যবাক্য, এবং বেদ মনুষ্যকর্তৃক রচিত। তাহাতে মনুষ্যোচিত ভ্রমপ্রমাদ স্থান পাইতে বাধ্য। মনুষ্য কখন অত্রান্ত বা সম্যক্জ্ঞানসম্পন্ন হইতে পারে না। যেহেতু, মনুষ্যের জ্ঞানলাভের যে সকল করণ (হস্তঃকরণ ও ইন্দ্রিয়াদি), তাহার। সকল প্রকার বিষয় গ্রহণ করিতে অসমর্থ। আজকাল যন্ত্রগাঠাঘ্যে কত চক্ষুর্কর্ণের অগোচর পদার্থের আবিষ্কার হইয়াছে। এই সকল পদার্থের অস্তিত্ব পূর্বে সকলের অজ্ঞাত ছিল বলিয়া জানিতে পারা যাইতেছে। অতএব ঋষিবাক্য ও বেদকে অত্রান্ত বিবেচনা করিয়া দর্শনশাস্ত্র রচনা করায় আমাদের দর্শনশাস্ত্র যে নিতান্ত ভ্রমসংকুল, সত্যাবেষণের বিশেষ অনুরাগ হইয়াছে, তাহাতে আর সন্দেহ কি? তাহার পর, এই সকল ঋষিবাক্য ও বেদ অতি প্রাচীনকালের জিনিষ। এই সকল ঋষি ও বেদগণ যে সময় বিদ্যমান ছিলেন, সে সময় জগৎ একরূপ অন্ধতমসাক্ষর

অগ্রহারণ, ১৩২৩। আমাদের জাতীয় উন্নতির একটি সূত্র। ৩৬২

ছিল বলিলে অত্যাঙ্কি হয় না। এই সংরে লোকের জ্ঞানভাণ্ডার কিরূপ সংকীর্ণ ছিল, তাহা সেই বেদাদি গ্রন্থমধ্যেই মধ্যে মধ্যে দেখিতে পাওয়া যায়। অতএব অতি প্রাচীনকালের ঋষিবাক্য ও বেদকে অবলম্বন করিয়া আমাদের দর্শনশাস্ত্র নানা দোষহীন হইয়াছে, আর তজ্জগৎ তাহা লইয়া আমাদের আত্ম-যাদাবুদ্ধির আশা করা বৃথা, আমাদের দর্শন লইয়া বর্তমান নিত্যনুতন-প্রসবিনী পাশ্চাত্য সভ্যতার সমক্ষে দণ্ডায়মান হইবার চেষ্টা করা আমাদের পক্ষে বাতুলতাবিশেষ বলিতেই হইবে।

এইরূপ যুক্তি আজকাল আমাদের মধ্যে অনেকেই প্রদর্শন করিয়া থাকেন এবং সাধারণ লোককে তদনুযায়ী শিক্ষা প্রদানও করেন। কিন্তু, আমাদের বোধ হয় এই সকল যুক্তির মধ্যে অনেক অসঙ্গতি আছে, ইহাদের সর্ব্বাংশ নির্দোষ নহে। যে কারণে আমরা এই সকল যুক্তিকে নির্দোষ বিবেচনা করি না তাহার কতিপয় এই,—

প্রথম—সত্য বটে, ঐ পাশ্চাত্য দর্শনশাস্ত্রের ইতিহাসের গ্রন্থ আমাদের দর্শনশাস্ত্রের ইতিহাস নাহি। সত্য বটে, আমাদের একখানি গ্রন্থমধ্যে আমাদের যাবতীয় দার্শনিকমতের সমাবেশ, ইহাদের উৎপত্তি, বিস্তৃতি, বিকৃতি মত প্রবর্তকের চরিত্র ও আবির্ভাবকাল প্রভৃতি নাহি; কিন্তু তাই বলিয়া আমরা আমাদের দর্শনশাস্ত্রকে বা আমাদের দর্শনচর্চাকে পাশ্চাত্য দর্শনশাস্ত্র ও পাশ্চাত্য দর্শনচর্চা অপেক্ষা হীন বলিয়া বিবেচনা করিতে পারি না। দর্শনের যাহা প্রতিপাদ, দর্শনের যাহা প্রয়োজন, তাহা লইয়া পাশ্চাত্য দর্শনের সহিত তুলনা করিলে আমাদের দর্শন পাশ্চাত্য দর্শন অপেক্ষা শ্রেষ্ঠ আসনই লাভ করিবে।

ইহার কারণ, ভালরূপ দার্শনিক চর্চা করিতে হইলে যে, দার্শনিক ইতিহাস 'সংকলন' করা একান্ত আবশ্যক হয়, এমন কোন নিয়ম হইতে পারে না। ইতিহাসের লক্ষ্য ঘটনাবলীর পারস্পর্য্যপ্রদর্শন, এবং ঘটনাবলীর মধ্যে পরস্পরের দৃষ্টিনির্গম। অতএব দর্শনশাস্ত্রের ইতিহাস বলিলে দার্শনিকমতের বিবরণ, দার্শনিক মতসমূহের উৎপত্তি ও স্থিতিসংক্রান্ত পারস্পর্য্য এবং তাহাদের মধ্যে পরস্পরের দৃষ্টিপ্রদর্শন প্রভৃতিই বুঝায়। দর্শনশাস্ত্রের ইতিহাস বলিলে দার্শনিকমতের বাহ্যপ্রতিবাদ, অমূল ও প্রতিকূল যুক্তি এবং সিদ্ধান্তের

প্রতি প্রভৃতির সম্যক প্রদর্শন বুঝায় না। প্রকৃত দর্শনশাস্ত্রের মধ্যেই এই সকল কথা স্থান পাঠিয়া থাকে। সুতরাং, দর্শনশাস্ত্রের ইতিহাস অধ্যয়ন করিয়া কখনই দর্শনশাস্ত্রের পরিপাক প্রভৃতি সম্যক বর্গত হওয়া যায় না। দর্শনশাস্ত্রের ইতিহাসে য সকল বিষয় স্থান পাঠিয়া থাকে তাহারা অপ্রবৃত্ত বাকিকে প্রবৃত্ত করাইবার পক্ষে কতকটা উপযোগী হয়, তাহারা সাধারণের মধ্যে দর্শন শাস্ত্র-লোচনার একটা উচ্চার উদ্দেশ্য মাত্র কবিতা দিতে পারে, তাহারা দর্শনচর্চার বিস্তৃতির পক্ষে সহায়তা করিতে পারে, কিন্তু তাহারা কখনই একজনকে অসাধারণ দার্শনিক করিয়া তুলিতে পারে না, অথবা একজনকে দর্শনের নূতন ও সুন্দর তত্ত্ব আবিষ্কারে সর্বিশেষ সমর্থ করিতে পারে না, কিংবা তাহারা দার্শনিক বিজ্ঞার আশঙ্করূপ গভীরতাসম্পাদন ও কবিতা দিতে পারে না। এ সকল উদ্দেশ্য সিদ্ধ করিতে হইলে যথার্থ দর্শনশাস্ত্র আলোচনা করিতে হয়, দর্শনের প্রকৃত বিষয়ে গভীর চিন্তা ও সর্বিশেষ জ্ঞানলাভ করিতে হয়। এইজন্য বলিতে হয়—ভালরূপ দার্শনিক চর্চা করিতে হইলে য দার্শনিক ইতিহাস সংকলন করা একান্ত আবশ্যিক হয়—এমন কোন নিয়ম নাই। ইতিহাসের ফল গুরুত্ব সহিত নিষত বিন্যাসে সিদ্ধ ও হয়।

তাহার পর, আর এক কথা—দর্শন শাস্ত্রালোচনার নিষ্ফলতা ও গভীরতার মধ্যে তুলনা করিলে দেখা যায়—সত্যনির্ণয় জ্ঞানের গভীরতার যত উপযোগিতা আছে, জ্ঞানের বিস্তৃতির ততট উপযোগিতা নাই। একটা জাতির বহু লোক সামান্যভাবে দার্শনিক হইয়া উঠিলে সে জাতির নিকট যতটা সত্য আবিষ্কৃত হইয়া থাকে, সেই জাতীয় অল্পলোকে বিশেষভাবে দার্শনিক হইয়া উঠিলে সেই জাতির নিকট অপেক্ষাকৃত অধিক সত্য আবিষ্কৃত হইয়া থাকে। বলিরাজ শত পণ্ডিত লইয়া পাতালগমনে সম্মত হইয়াছিলেন, কিন্তু স্বর্গে যাওয়া মুখ প্রকার উপর রাজত্ব করিতে অনিচ্ছা প্রকাশ করিয়া ছিলেন। অতএব যাহা দার্শনিকচর্চার বিস্তৃতির পক্ষে সহায়তা করে তাহার দ্বারা কোন জাতির দার্শনিক চর্চার উৎকর্ষাপকর্ষ নির্ণীত হইতে পারে না। দার্শনিক চর্চার উৎকর্ষ পকর্ষবিচার দার্শনিক শাস্ত্রের সত্যাসত্যনির্ণয় লইয়া করিতে হইবে, অল্প পথে গমন করিয়া হইবে না। অতএব পাশ্চাত্য দর্শনশাস্ত্রের ইতিহাসের দ্বারা আমাদের দর্শনশাস্ত্রের ইতিহাস আমাদের নাই বলিয়া আমাদের দর্শনশাস্ত্র পাশ্চাত্য দর্শন অপেক্ষা হীন বা নিষ্ফল হইতে পারে না।

তাহার পর, পাশ্চাত্য দর্শনের যে ইতিহাস, তাহার সৃষ্টি বহুল পরিমাণে অভিব্যক্তিবাদের সত্যতা প্রমাণ করিবার জন্ত—ইহা একরূপ যে-কোন গ্রন্থের প্রতি দৃষ্টি করিলেই বুঝিতে পারা যায়। পক্ষান্তরে আমাদের প্রাচীন পণ্ডিতগণ পাশ্চাত্য অভিব্যক্তিবাদের সত্যতা স্বীকার করিতেন না, এবং তজ্জন্ত তাঁহারা একরূপ ইতিহাসরচনার আবশ্যতাও উপলব্ধি করেন না। পাশ্চাত্য পণ্ডিতগণ, আঙ্গকাল অভিব্যক্তিবাদের অনুসরণ করিয়া জগতের যাবতীয় পদার্থের উত্তরোত্তর উন্নতি লক্ষ্য করিয়া থাকেন, আমাদের পূর্বন পণ্ডিতগণ তাহা স্বীকারই করিতেন না, তাঁহারা জগতের যাবৎ পদার্থের উন্নতি ও অবনতি উভয়ই স্বীকার করিতেন। পাশ্চাত্য দার্শনিকগণ একরূপ ক্রমোন্নতিবাদী, কিন্তু আমাদের শাস্ত্রকারগণ পরিবর্তনবাদী। এইরূপ মতভেদই বাস্তবিক আমাদের দেশে পাশ্চাত্য দেশের গ্রাম দর্শনশাস্ত্রের ইতিহাসরচনা না হইবার হেতু। সুতরাং, এতদ্বারা আমাদের দর্শনের হীনতা কোনরূপেই প্রমাণিত হইতে পারে না। এক পথের পথিকদেরই গন্তব্যসংক্রান্ত তুলনা হইতে পারে, বিভিন্ন পথের পথিকের মধ্যে সেরূপ তুলনা দৃষ্ট হইতে পারে না।

তাহার পর, যাহারা বলেন আমাদের দর্শনশাস্ত্রের মতভেদগুলি একত্র জানিবার উদ্যোগরূপ কোন গ্রন্থ আমাদের নাই, তাঁহাদের কথাও চিহ্নীয়। কারণ, আমরা দেখিতে পাই, আমাদের মহাত্মারদের এক শাস্ত্রি পক্ষটীকত যে দার্শনিক সিদ্ধান্তের উল্লেখ করিয়াছে, তাহার নির্ণয় করা বড় সহজ ব্যাপার নহে। তৎপরে হরিভদ্র সুরির ষড়্দর্শনসমুচ্চয়, বৌদ্ধসর্বদর্শনসংগ্রহ, শাক্যর সর্বসিদ্ধান্তসংগ্রহ এবং মাধবীয় সর্বদর্শনসংগ্রহ প্রভৃতি গ্রন্থগুলি দেখিলে আমাদের দেশের দার্শনিক মতগুলি অবগত হইতে পারা যায়। অবশ্য তাই বলিয়া পাশ্চাত্য দর্শনশাস্ত্রের ইতিহাসের গ্রাম ইহাতে ভিন্ন মতাবলম্বী যাবৎ প্রধান ব্যক্তির মত উল্লিখিত হয় নাই; পরন্তু ইহাতে নিঃসন্দেহ প্রধান প্রধান মত প্রবর্তকের মতই সংগৃহীত হইয়াছে মাত্র।

পাঠকবর্গের কৌতূহল চুরিতার্থ করিবার জন্ত নিম্নে আমরা এই সকল গ্রন্থে যে সকল মতবাদ আছে, তাহাদের নাম ও সংখ্যা মাত্র নির্দেশ করিলাম। যথা—

পঞ্চম শতাব্দীর কৈন হরিভদ্র সুরিকৃত ষড়্দর্শনসমুচ্চয়ে যে সকল মতবাদ দেখা যায়, তাহা এই—

- | | |
|------------------|----------------------------------|
| ১ । বৌদ্ধ মত | ৪ । জৈন মত |
| ২ । নৈয়ায়িক মত | ৫ । বৈশেষিক মত |
| ৩ । সাংখ্য মত | ৬ । জৈমিনিয় মত । (পূর্বমীমাংসা) |

ষষ্ঠ শতাব্দীর বৌদ্ধ সর্বদর্শনসংগ্রহে যে সকল মতবাদের উল্লেখ আছে, তাহাও শুনিয়াছি উপরি উক্ত জৈন ষড় দর্শনসমূহেরই অনুরূপ । এই গ্রন্থখানি এখনও আমাদের দৃষ্টিপথে পতিত হয় নাই । সুতরাং, ইহার সবিশেষ পরিচয় আর এখানে দিতে পারিলাম না । ইহা আমরা একটা জাপানি পণ্ডিত বন্ধুর নিকট হইতে অবগত হইয়াছি মাত্র ।

সপ্তম অষ্টম শতাব্দীতে শঙ্করাচার্য্য বিরচিত সর্বসিদ্ধান্তসংগ্রহে আমরা যে সকল মতবাদ দেখিতে পাই, তাহা এই—

- | | |
|--------------------------------|------------------------|
| ১ । লোকায়তিক মত (চার্ব্বাক) | ৮ । নৈয়ায়িকমত |
| ২ । আর্হত মত (জৈন) | ৯ । শাভাকর মীমাংসামত |
| ৩ । মাধ্যমিক বৌদ্ধমত | ১০ । কুগারিল মীমাংসামত |
| ৪ । যোগাচার বৌদ্ধমত | ১১ । সাংখ্যমত |
| ৫ । সৌত্রান্তিক বৌদ্ধমত | ১২ । পাতঞ্জলমত |
| ৬ । বৈভাষিক বৌদ্ধমত | ১৩ । ব্যাসমত |
| ৭ । বৈশেষিক মত | ১৪ । বেদান্তমত । |

পঞ্চদশ শতাব্দীর মাধবচার্য্য বা বিষ্ণুগোপালমিথ্যবিরচিত সর্বদর্শনসংগ্রহে যে সকল মতবাদ দেখিতে পাওয়া যায়, তাহা এই—

- | | |
|--|------------------------------------|
| ১ । চার্ব্বাক দর্শন | ৭ । শৈব দর্শন |
| ২ । বৌদ্ধদর্শন | ৮ । প্রত্যভিজ্ঞাদর্শন |
| ৩ । আর্হত দর্শন (জৈন) | ৯ । রসেশ্বর দর্শন |
| ৪ । পূর্ণপ্রজ্ঞদর্শন (মাধবদেবতবেদান্ত) | ১০ । ঔলুকা দর্শন (বৈশেষিক) |
| ৫ । রামানুজ দর্শন (বিশিষ্টাষ্টমত
বেদান্ত) | ১১ । অক্ষপাদ দর্শন (জায়) |
| ৬ । নকুলীশ পাণ্ডপত দর্শন | ১২ । জৈমিনি দর্শন (পূর্বমীমাংসা) |
| ১৩ । পাণিনি দর্শন | ১৫ । পাতঞ্জল দর্শন |
| ১৪ । সাংখ্য দর্শন | ১৬ । শাভাকর দর্শন, (অষ্টমতবেদান্ত) |

বিংশ শতাব্দীতে শ্রীযুক্ত, রামস্বত্রকণ্যাচার্যাকৃত যে সর্বমতসংগ্রহবিলাস নামে একখানি পুস্তিকা প্রকাশিত হইয়াছে, তাহাতে যে সকল মতবাদ দেখা যায়, তাহা এই—

১। অদ্বৈতমত	১১। যোগমত
২। বিশিষ্টাদ্বৈতমত	১২। বৈশেষিকমত
৩। মাধ্বমত	১৩। শ্যামমত
৪। শ্রীকৃষ্ণমত	১৪। শাক্তমত
৫। পাঞ্চরাত্রমত	১৫। বুদ্ধমত
৬। বল্লভমত	১৬। জৈনমত
৭। ব্যাসমত	১৭। চার্বাকমত
৮। ভাস্করমত	১৮। ভট্টপ্রভাকরমত
৯। নিম্বার্কমত	১৯। বৈখানসমত
১০। সাংখ্যমত	২০। যাদবমিশ্রমত

অবশ্য আজ কাল পাশ্চাত্য শিক্ষাপ্রভাবে অনেকে নানামত সংগ্রাহক নানা-গ্রন্থ রচনা করিতেছেন, এস্থলে সে সকল আমাদের লক্ষ্য নহে। প্রাচীন শিক্ষার ফলে ভারতীয় রীতিতে যাহা রচিত হইয়াছে, তাহাই এস্থলে আমাদের লক্ষ্য; এই জন্ত বিংশশতাব্দীর শেষোক্ত গ্রন্থখানি মাত্রেরই উল্লেখ করা গেল।


যাহা হউক, দেখা যাইতেছে মাধবের মতে উল্লেখযোগ্য ভারতীয় দার্শনিকমত সর্বশুদ্ধ ১৬টি, এবং রামস্বত্রকণ্যাচার্যের মতে তাহা সর্বশুদ্ধ ২০টি মাত্র। অবশ্য এতদৃষ্টে কেহ মনে করিতে পারেন যে, পূর্বকালে মতভেদ সংখ্যা অল্প ছিল, যতদিন গিয়াছে, জগৎ যতই উন্নতির পথে অগ্রসর হইয়াছে, ততই তাহা বৃদ্ধিপ্রাপ্ত হইয়া ১৬ অথবা ২০টিতে পরিণত হইয়াছে; সুতরাং এস্থলেও অভিব্যক্তিবাদানু-মোদিত ক্রমোন্নতি পরিলক্ষিত হইবে, ইত্যাদি। ইহা কিন্তু ঠিক নহে। কারণ পঞ্চদশ শতাব্দীর সর্বদর্শনসংগ্রহে যে সকল মতবাদেয় স্থান হইয়াছে, তাহাদের মধ্যে অনেক মতবাদ পঞ্চদশ শতাব্দীর বড় দর্শনসমূহের রচনার পূর্বেও ছিল, এরূপ অনুমান করিবার যথেষ্ট কারণ আছে, যেমন বেদান্ত ও যোগমত ইত্যাদি।

তাহার পর, এই কয়খানি দর্শনমতসংগ্রাহক গ্রন্থ তিন আরও কোম এই জাতীয় গ্রন্থ ছিল কিনা, তাহা নিশ্চয় করিয়া বলিবার কোন উপায় নাই। প্রক-

তত্ত্ববিদগণের চেষ্টায় সম্প্রতি এ জাতীয় আরও কয়েকখানি গ্রন্থের সন্ধান পাওয়া যাইতেছে বলিয়া মনে হয়—এ জাতীয় আরও অনেক গ্রন্থ ছিল, কালে তাহারা প্রকাশিত হইবে, অথবা তাহারা নষ্ট হইয়া গিয়াছে ।

যাহা হউক, মাধবের সৰ্বদর্শনে অথবা রামস্বত্রক্ষণ্যাচার্যের সৰ্বদর্শনে যে সকল মত আছে, তাহারা যথাক্রমে ১৬টি অথবা ২০টি হইলেও অন্তরূপ প্রাচীন বিভাগ অনুসারে তাহারা ২টির অতিরিক্ত হয় না। সেই প্রাচীন বিভাগ এই, যথা—

ভারতীয় দর্শন ।




এই বিভাগে কৌশলক্রমে ইহাদিগের সকলকেই অন্তর্ভুক্ত করা যায়। অবশ্য কোনটী কাহার অন্তর্গত, তদ্বিষয়ে মতভেদ থাকিলেও তাহারা এই বিভাগে অতিক্রম করিতে পারে না, তাহা স্থির। মতভেদের মীমাংসা না করিয়া এ কার্য করিলে নানারূপ সন্দেহের উদয় হইবে, এজন্য এ ক্ষেত্রে এ কার্যে আমরা বিরত রহিলাম। ফলতঃ, উপরি উক্ত ১৬টি বা ২০টি মতই ইহাদের যে অনতিরিক্ত এবং তাহা যে সর্বস্বধীজনসম্মত, তাহাতে আর সন্দেহ নাই।

কিন্তু, যদি আমরা আচার্য্য মধুসূদন সরস্বতী মহাশয়ের বিভাগের প্রতি দৃষ্টি করি, তাহা হইলে ইহাদিগকে আবার কেবলমাত্র তিনটী মতে পরিণত করিতে পারা যায়, যথা—

- ১। সংকার্য্য বাদ । (পরিণামবাদ)
- ২। সংকারণ বাদ । (বিবর্তবাদ)
- ৩। অসংকার্য্য বাদ । (আরম্ভবাদ)


ইহাই হইল ভারতীয় দর্শনের শ্রেণীবিভাগবৈচিত্র্য; এইবার দেখা যাউক, এই সকল মতবাদের আবার অবাস্তরভেদ কত হইয়াছে। বলা বাহুল্য, এই কার্যটি যেরূপ গুরুতর এবং বৃহৎ, তাহা এ ক্ষুদ্র প্রবন্ধে লিপিবদ্ধ করা সম্ভবপর নহে। অতএব আমরা অধিকাংশ পণ্ডিতবর্গের যাহা বিদিত, তদবলম্বনে ইহার একটা সংক্ষিপ্ত পরিচয় প্রদান করিলাম মাত্র।

প্রথমে সাংখ্যদর্শনটা গ্রহণ করা যাউক। আমরা দেখিতে পাই—ইহাতে টীকাকারগণের মতানুসারে যে মতভেদ হইয়াছে, তাহার নির্ণয় নিতান্ত দুর্বল ব্যাপার। তথাপি, যাহা অনেকেই অবগত আছেন এবং যাহা প্রধানরূপে পরিগণিত হয়, তাহা এই—




এতদ্ব্যতীত তত্ত্বসমাসসূত্র, সাংখ্যসূত্র প্রভৃতি গ্রন্থ হইতে যে মতভেদ উৎপন্ন হইয়াছে, তাহা নির্ণয় করা সহজ নহে। কেহ কেহ বলেন, তত্ত্বসমাসসূত্রই আদি-জ্ঞানী কপিলকৃত প্রকৃত সাংখ্য, সাংখ্যসূত্রখানি পরবর্তী সম্প্রদায়ভুক্ত কপিল নামধারী অপর ব্যক্তিকৃত গ্রন্থ। অনেকে বলেন এই কপিল, এমন কি বাচস্পতি মিশ্রেরও পরবর্তী ব্যক্তি। আবার কেহ বলেন সাংখ্যসূত্রই যথার্থ আদি গ্রন্থ। ফলতঃ, এ সকল মতামতবিষয়ে অনেক জ্ঞানিবার, অনেক ভাবিবার আছে, এস্থলে ইহার দিগ্‌নির্দেশ মাত্রই আমার প্রয়াস। কপিল যে একজন নহেন, তাহার প্রমাণের অভাব নাই। এ যাবৎ চারিজন কপিল সম্বন্ধে পণ্ডিতগণ পরিচয় পাইয়াছেন। যাহা হউক, এই শাস্ত্রে এখন প্রধানতঃ দুইটা মতভেদ প্রবল। ইহারা বাচস্পতিমত এবং বিজ্ঞানভিন্দুমত।

এইবার পাতঞ্জল মতটা গ্রহণ করা যাউক। ইহারও বিভাগ নিতান্ত অল্প নহে। তথাপি—



ইহাদের মধ্যে মাহেশ্বর মত বিলুপ্ত, ইহার উল্লেখ প্রাচীন গ্রন্থ মধ্যে মাত্র দেখিতে পাওয়া যায় ।

শ্রায়দর্শন মধ্যে প্রাচীন ও নব্যভেদে দুইটি প্রধান শাখা দেখা যায় । কিন্তু চীনদেশের প্রবাদ গ্রহণ করিলে বুদ্ধকৃত শ্রায়শূত্রবৃত্তির মতটি লইয়া ইহাকে তিন সম্প্রদায়ে বিভক্ত করা যায়, যথা—




রঘুনাথের টীকার উপর বহু টীকা আছে, তাহার উল্লেখ এ স্থলে অসম্ভব ।

কলকথা, এই শ্রায়দর্শন সম্বন্ধে বহু মতভেদ আছে । ইহার নির্ণয় করা আজ এক প্রকার অসম্ভব বলিলে অত্যাধিক হয় না । সহস্র বৎসর পূর্বে প্রাচীন পণ্ডিতগণ কেবল এক শ্রায়শূত্রের নির্ণয় যেরূপ পরিশ্রম করিয়াছেন যে, তাহা দেখিলে এরূপ মনে করা অসম্ভব হয় না । নব্যশ্রায় সম্বন্ধেও সেই কথা ।


বৈশেষিক মতের সম্প্রদায়ভেদ বড় কম নহে। ইহার বহু শাখা বিলুপ্ত, তথাপি যাহা সাধারণতঃ অবগত হওয়া যায়, তাহা এই ;—

বৈশেষিক দর্শন।




মীমাংসা দর্শনের মতভেদ বোধ হয় সর্বাপেক্ষা দুর্লভ। ইহার সম্বন্ধে আজ কাল যাহা সচরাচর পণ্ডিতগণের নিকট শুনা যায়, তাহা এই—

মীমাংসাদর্শন।




বেদান্ত সম্প্রদায়ের বিভাগটা মীমাংসা অপেক্ষা কোন অংশেই সহজ নহে। তথাপি ইহা যতদূর জানিতে পারা যায়, তাহা এইরূপ—

বেদান্ত দর্শন।



ইহার মধ্যে এক শব্বরের মতাবলম্বনে আবার কত মত ভেদ হইয়াছে, তাহা বলাও দুঃকর । এক্ষণে মহামতি অশ্বয় দীক্ষিত সিদ্ধান্তলেশসংগ্রহ নামক একখানি গ্রন্থই রচনা করিয়াছেন । অশ্বয় দীক্ষিত যে সকল মতের নাম করিয়াছেন, তাহার বহুমত আজ বিলুপ্ত । তথাপি যদি বলিতে হয়, তাহা হইলে তাহার কয়েকটি এবং অপর কয়েকটি একত্র করিলে এইরূপ বিভাগ আমরা দেখিতে পাই ।

শব্বর মত ।



এতদ্ব্যতীত আনন্দবোধেশ্বরভট্টারক, গঙ্গাপুরীভট্টারক, চিংসুখাচার্য্য, শ্রীহর্ষ, সর্কজ্ঞানমুনি, মধুসূদন সরস্বতী, রামতীর্থ, শব্বরানন্দ, বিজ্ঞানরথ্য, প্রভৃতি মহাত্মগণের মতভেদ ধরিলে যে কত মতভেদ হয়, তাহা নির্ণয় করা দুঃসাধ্য ব্যাপার । বলা বাস্তব্য; রামানুজ, মধব বল্লভ ও নিম্বার্কমতেও বহু মতভেদ ঘটিয়াছে, তবে তাহা শব্বরমতের জ্ঞান সংখ্যায় অধিক নহে ।

চার্খ্যাক দর্শনও বহুবিধ, কিন্তু ইহা আজ প্রায় একবারে বিলুপ্ত বলিলেও অত্যাঙ্কি হয় না । শুনা যায় বৃহস্পতি ও বেণরাজ প্রভৃতি এই মতের প্রবর্তক ছিলেন ; এবং তাঁহাদের বহু শিষ্যসম্প্রদায় হইয়াছিলেন ।

জৈনমতটী শ্বেতাশ্বর ও দিগম্বরভেদে প্রধানতঃ দ্বিবিধ । কিন্তু ইহাদের আবার অবাস্তুর ভেদ গ্রহণ করিলে তাহা অসংখ্য হইয়া উঠে । ইহারা প্রায় সর্বত্র হিন্দুগণের সহিত প্রতিদ্বন্দ্বিতাচরণ করিয়া আসিয়াছেন । হিন্দুগণ, যে নামে যে গ্রন্থ রচনা করিয়াছেন, কয়েকটি ক্ষেত্রে জৈনগণও সেই নামে তাঁহাদের নিজ মতানুযায়ী গ্রন্থ রচনা করিয়াছেন ।

বৌদ্ধমতের প্রধানতঃ চারিটি বিভাগ, যথা—সৌত্রান্তিক, বৈশাখিক, যোগাচার ও মাধ্যমিক । ইহারা আবার পরিণেবে ১৮টি মতে পরিণত হইয়াছে । তাহারও আবার অবাস্তুরভেদ আছে, কিন্তু তাহারা তত প্রবল নহে ।

বলা বাহুল্য, এইরূপে বহু যাবৎ প্রধান প্রধান গ্রন্থকারকেই গ্রহণ করা যায়, তাহা হইলে এই মতভেদসংখ্যা একরূপ অগণ্য হইয়া পড়ে। আমরা, উপরে নিতান্ত প্রসিদ্ধ, বহুজন বিদিত কয়েকটি মাত্র মতভেদের উল্লেখ করিলাম। যাহা হউক, এই সকল মতভেদকে যদি সংক্ষিপ্ত করা যায়, তাহা হইলে তাহা মাধবীয় সৰ্বদর্শনসংগ্রহামুযায়ী ১৬টি, অথবা নয়টি, যথা—বৈদিক ছয়টি এবং অবৈদিক তিনটি, আবার মধুসূদনের মতে তিনটি হয়। এই সকল মতের সারমর্ম বিশদভাবে জানা যায় একরূপ গ্রন্থ আমাদের নাই, কিন্তু তাই বলিয়া আমাদের দেশের নিতান্ত প্রধান প্রধান দার্শনিক মতগুলি জানিতে পারা যায়—একরূপ কোন গ্রন্থ আমাদের নাই, একথা বলা চলে না।

কিন্তু, একরূপ গ্রন্থ থাকিলেও অনেকে বলিয়া থাকেন যে, আমাদের দেশে দার্শনিক মত যখন ১৬টি বলিয়া বিখ্যাত ও তাহাই গ্রন্থমধ্যে লিপিবদ্ধ হইল এবং পাশ্চাত্য দার্শনিকমতসংগ্রাহক গ্রন্থাবলীতে যখন তদপেক্ষা বহু অধিকমতের স্থান হইয়াছে, তখন ইহার দ্বারা প্রমাণিত হইতেছে যে, পাশ্চাত্য দেশে দার্শনিকচর্চা আমাদের দেশের চর্চা অপেক্ষা যে অধিক হইয়াছে, তাহাতে আর সন্দেহ নাই।

কিন্তু আমাদের মনে হয় এ কথাও ভিত্তিহীন। আমাদের দেশে যে সকল দার্শনিক গ্রন্থ রচিত হইত, তাহা সাধারণতঃ তর্করোধী আবশ্যিক বা প্রধান মতের নিরাসপূৰ্ণকই রচিত হইত, এজন্য যে-কোন ব্যক্তি যে-কোন দর্শনে প্রগাঢ় পাণ্ডিত্য অর্জন করিতেন, তিনিই প্রায় অপর সকল দার্শনিক মতই অবগত হইতেন। এই প্রথা এই দেশেরই একপ্রকার বিশেষত্ব। সুতরাং, মতসংগ্রাহক গ্রন্থাবলীর আবশ্যিকতা আমাদের দেশে তত হইত না।

তাহার পর, কালগত-পারস্পর্যের প্রতি যদি লক্ষ্য করা যায়, তাহা হইলেও দেখা যায় যে, আমাদের দেশে যে সময় এই জাতীয় প্রথম গ্রন্থ রচিত হইতে আরম্ভ হয়, সে সময় পাশ্চাত্য প্রদেশে এ জাতীয় গ্রন্থের উদয়ই হয় নাই। পাশ্চাত্য দার্শনিক ইতিহাসের বয়স তুলনায় নিতান্ত অল্প। যে সময় পাশ্চাত্য দর্শন শাস্ত্রের ইতিহাস প্রথম রচিত হয়, সে সময় যদি পাশ্চাত্য প্রথায় ইতিহাস রচনার প্রয়োজন হইত, তাহা হইলে ভারতীয় দর্শনের ইতিহাস যে পাশ্চাত্য দর্শনের ইতিহাস অপেক্ষা বৃহৎ হইত না, তাহা কেহ বলিতে পারেন না। আজ কাল

যদি কোন মনুষী আমাদের দেশের সকল দার্শনিক পণ্ডিতের মতভেদগুলি একত্র করিয়া কোন ইতিহাসরচনার চেষ্টা করেন, তাহা হইলে তাহাতে যে অপেক্ষাকৃত অল্পসংখ্যক মতবাদের স্থান হইবে, তাহা বোধ হয় না।

কিন্তু, তাহা হইলেও একটা কথা স্বীকার করিতে হইবে যে, আমাদের দেশ যেরূপ বৃহৎ, এবং যত প্রাচীন কাল হইতে ইহাতে যত দার্শনিক পণ্ডিতের আবির্ভাব হইয়াছে, তাহা পাশ্চাত্য দেশের সহিত তুলনা করিলে সংখ্যায় অল্পই হইবে বলিয়া বোধ হয়।

এ কথার উত্তরে বলিতে পারা যায় যে, যে কারণে এইরূপ অল্পতা ঘটিয়াছে, তাহা ভারতে দার্শনিকচর্চার হীনতার সূচনা করে না; পরন্তু তাহা এদেশের ক্রীতি ও নীতি ভেদের সূচক, এককথায় তাহা এদেশের প্রবৃত্তিভেদের জ্ঞাপক।

প্রথমতঃ দেখা যায়, আমাদের দেশে সত্যনিষ্ঠা ও জাগতিক স্বাধীনতালাভের প্রবৃত্তি, একপ্রকার গুরুদ্রোহিতা বা রাজদ্রোহিতার সীমা হইতে পাশ্চাত্য দেশের সত্যনিষ্ঠা ও জাগতিক স্বাধীনতা লাভের প্রবৃত্তি অপেক্ষা যেন কিছু অধিক দূরে অবস্থিত। পাশ্চাত্য দেশে সত্যনিষ্ঠা ও স্বাধীনতালাভপ্রবৃত্তির মধ্যে একপ্রকার গুরুদ্রোহিতা ও একপ্রকার রাজদ্রোহিতা বতটা আছে, আমাদের দেশে তাহা বতটা নাই। আমাদের দেশে স্বাধীনতালাভের প্রবৃত্তি জগতের বিষয়ে কম, কিন্তু পারলৌকিক বিষয়ে অধিক। পারলৌকিক বা আত্মার স্বাধীনতা আমাদের যত প্রিয়, জাগতিক বা শারীরিক স্বাধীনতা আমাদের তত প্রিয় নহে। আমরা যত লোকে আত্মাকে এক, অষ্টভুত, পূর্ণ ও সম্পূর্ণস্বাধীন বস্তু বলিয়া বুঝি, পাশ্চাত্য দেশে ততলোকে সেরূপ বুঝে না। বস্তুতঃ, এইরূপ সত্যনিষ্ঠা ও স্বাধীনতার প্রবৃত্তি কতকটা এইরূপ মতভেদের মূল। শিষ্য, সাধারণতঃ গুরুমতাবলম্বী হইয়া থাকে, অধিক কি মানবপ্রকৃতির গতিই এইরূপ হয়, যেহেতু গুরুই শিষ্যের সাধারণতঃ আদর্শস্থানীয় হইয়া থাকেন। অতএব গুরুর দ্রাব্ধি প্রভৃতি শিষ্যের নিকট উপলব্ধ হইলেও শিষ্য যদি গুরুর অসুগত হয়; তাহা হইলে শিষ্য গুরুবাক্যের ব্যাখ্যাচ্ছলে, অথবা গুরুবাক্যের সম্মানরক্ষাপূর্বক মূতন মত প্রচার করে। গুরুর অসুগত্য অল্প না হইলে শিষ্য সাধারণতঃ স্বয়ং মতভেদের সৃষ্টি করেন না। এজন্য মতভেদের মূলে এক প্রকার গুরুদ্রোহিতা-সংঘর্ষ সত্যনিষ্ঠা ও জাগতিক স্বাধীনতালাভের প্রবৃত্তি কতকটা কোন না-কোন

অগ্রহায়ণ, ১৯২৩। আমাদের জাতীয় উন্নতির একটি সূত্র। ৩৮১

আকারে প্রায় থাকিয়া যায়। আমাদের দেশে এই প্রবৃত্তিটা একটু কম, আমাদের দেশে হিন্দুর বেদান্তগত প্রবৃত্তি অপরের নিজ নিজ উপদেষ্টার মতামত-সরণপ্রবৃত্তি অপেক্ষা একটু অধিক একনিষ্ঠ, অথবা একটু অধিক সংযত বলিয়া বোধ হয়। এজন্য তুলনায় আমাদের দেশে মতভেদ কিছু অল্প উৎপন্ন হইয়াছে বলিতে হইবে। সুতরাং, স্বীকার করিতে হইবে—নীতিভেদবশতঃ আমাদের দেশে দার্শনিক মতভেদের সংখ্যা অল্প দেখিয়া আমাদের দর্শনচর্চাকে হীন বলিয়া বিবেচনা করা সঙ্গত হয় না।

তাহার পর রীতি বা প্রকৃতি ভেদবশতঃও কি করিয়া আমাদের দার্শনিক চিন্তায় মতভেদ অল্প হইয়াছে, দেখা যাউক। দেখা যায়, আমাদের দর্শনশাস্ত্রের লক্ষ্য কতকটা জাগতিক অভ্যাসপূর্বক নিঃশ্রেয়স অর্থাৎ মোক্ষলাভ। কিন্তু পাশ্চাত্য দর্শনের লক্ষ্য যথাসম্ভব সম্পূর্ণরূপে জাগতিক অভ্যাসলাভপূর্বক স্বর্গবিশেষ লাভ। অর্থাৎ জগতে কি করিয়া সকলে মিলিয়া উত্তরোত্তর সুখে স্বচ্ছন্দে থাকিয়া পরিণেবে ঈশ্বররাজ্যে বসতিলাভ করিতে পারা যায়, তাহারই জ্ঞান পাশ্চাত্য দর্শনের চেষ্টা। পক্ষান্তরে আমাদের দর্শনের চেষ্টা প্রধানতঃ নিঃশ্রেয়স অর্থাৎ মোক্ষলাভ, এবং সেই মোক্ষলাভের পথের পথিক হইয়া যেভাবে জীবনকে কতকটা সুখে প্রতিবাহিত করা যাইতে পারে, তাহারই উপায় নির্ধারণ করা। পাশ্চাত্য দর্শনে জাগতিক পদার্থের প্রতি অনুরাগ নষ্ট করে না, কিন্তু আমাদের দর্শনশাস্ত্র তাহা করিয়া থাকে।

এখন এই জাগতিক অভ্যাসলাভে জাগতিক স্বাধীনতার বিশেষ আবশ্যকতা থাকে, আর তজ্জন্য পাশ্চাত্যগণের আবার সেই জাগতিক স্বাধীনতাচিন্তারও বিশেষ আবশ্যকতা হয়। এই জাগতিক স্বাধীনচিন্তার প্রধান উপকরণ নানা মতবাদের জ্ঞানলাভ। সকলেই জানেন যে, লোকে পাঁচটা মতামত শুনিলে নিজে একটা নূতন মত গঠন করিয়া লইতে পারে। সুতরাং, এই স্বাধীনচিন্তার জ্ঞান মতবাদের জ্ঞান লাভ হয়, ততই সুবিধা হইয়া থাকে। এজন্য বুঝিতে পারা যায় যে, পাশ্চাত্য রীতি বা প্রকৃতির অনুসারে বহু মতবাদের উৎপত্তি হওয়াই স্বাভাবিক। পক্ষান্তরে আমাদের দেশের দর্শনমতসংগ্রহের উদ্দেশ্য—এই স্বাধীন চিন্তার উপকরণ সংগ্রহ নহে, পরন্তু ইহার উদ্দেশ্য—অপরাপর প্রধান প্রধান মতের সহিত তুলনা করিয়া নিজ নিজ সাম্প্রদায়িকমতের সত্যতাধারণ, এবং

প্রাধান্য প্রদর্শন মাত্র। অতএব আমাদের রীতি অনুসারে অল্প মতবাদের উৎপত্তি হওয়া স্বাভাবিক। ইহাই আমাদের দার্শনিকমতসংগ্রাহক গ্রন্থাবলীতে অল্প সংখ্যক মতবাদের স্থান হইবার হেতু, আর এই জন্য আমাদের দর্শনচর্চাকে হীন বলিয়া বিবেচনা করা কোন মতেই সঙ্গত হইতে পারে না।

এস্থলে অবশ্য কেহ কেহ শঙ্কা করিতে পারেন, তবে কি হিন্দুদিগের দার্শনিক চর্চা জৈন ও বৌদ্ধগণের দার্শনিক চর্চা অপেক্ষা হীন ছিল? আর সেই জন্যই ভারতীয় দার্শনিকমতসংগ্রাহক গ্রন্থ প্রথমে জৈনগণ এবং বৌদ্ধগণ রচনা করেন এবং তৎপরে হিন্দুগণ তাহাদের পদাঙ্কানুসরণ করিয়াছিলেন? কারণ, দেখা যাইতেছে, পঞ্চমশতাব্দীর জৈন হরিভদ্রসুরির ষড়দর্শনসমুচ্চয়ই প্রথম এই জাতীয় গ্রন্থ, তাহার পর সপ্তম শতাব্দীর আচার্য্য শঙ্করের সর্বসিদ্ধান্তসারসংগ্রহ এবং চতুর্দশশতাব্দীতে মাধবীয় সর্বদর্শনসংগ্রহের উৎপত্তি হইয়াছে, ইত্যাদি।

ইহাও কিন্তু ঠিক নহে। জৈন ও বৌদ্ধগণের এ জাতীয় গ্রন্থরচনারও হেতু তাহাদের বেদবিরোধী প্রবৃত্তি। এই বেদ তৎকালে সাধারণের নিকট সর্বাপেক্ষা প্রবল প্রমাণ বলিয়া সম্মানিত হইত, সাধারণের নিকট এই বেদের প্রভাবই তখন বিশেষ ভাবে বিরাজমান ছিল। পাশ্চাত্যগণের প্রবৃত্তিতে যে প্রকার স্বাধীনতা প্রভূতি দেখা যায়, জৈন ও বৌদ্ধগণের প্রকৃতিতেও এই ক্ষেত্রে সেইরূপ কতকটা লক্ষিত হয়। ইহা একটু চিন্তা করিলেই বুঝা যায়। যাহা হউক এ বিষয় আমরা এ স্থলে আর অধিক বিস্তার করিতে ইচ্ছা করি না, আমরা এই বার পাশ্চাত্য মতানুরাগিগণের দ্বিতীয় আক্ষেপের উত্তর প্রদানে চেষ্টা করিব।

শ্রীরাজেন্দ্রনাথ ঘোষ।

মাধবী-কুঞ্জ

নাটকীয় চরিত্রাবলি

পুরুষ ।

গৌতম বৃদ্ধ	মগধের পূর্বতন নৃপতি শুক্লোদনের সংসার বিরাগী পুত্র
জীমূত বাহন	মগধের বৌদ্ধ রাজা ।
শালিবানু	ঐ সেনাপতি ।
শোনক	ঐ মন্ত্রী ।
পুষ্পধনু	অবন্তী রাজকুমার ।
বিক্রমদম	ঐ সেনাপতি ।
অনিরুদ্ধ	ঐ বয়স্য ।

অবন্তী রাজমৈত্রগণ, মগধ রাজমৈত্রগণ, শিকুগণ,
কোটাল প্রহরীগণ ইত্যাদি ।

স্ত্রী ।

মুঞ্জরা	...	মগধ রাজকুমারী ।
বাসন্তী	...	ঐ প্রিয়সখা ।
মন্দাকিনী	...	ঐ মাতা (মগধের রাণী)

সখীগণ ইত্যাদি ।

প্রস্তাবনা।

কুঞ্জকানন। বাসন্তীপ্রকৃতি।

কন্দর্প বিলাসিনীগণ।

নৃত্যগীত

প্রমোদ পরাণে, মধুর পঞ্চমে পাপিয়া তুলিছে তান।
বকুল নিকুঞ্জে, অলিকুল গুঞ্জে, কোকিল গাহিছে গান

হেম-রবিরাগে কুসুম হাঁসিছে,
সোহাগ আবেগে পবন চুমিছে ;

(হের) যৌবন পুলক কানন বল্লরী
লুটায়ৈ দিতেছে প্রাণ।

প্রেমে ভেসে গেছে নিকুঞ্জ কানন,
প্রেমগন্ধভরা আকাশ পবন,

(তাই) ছিঁড়ে গেছে শত মরম বাঁধন
আকুল করেছে প্রাণ।

প্রথম অঙ্ক।

প্রথম দৃশ্য—মগধ উপকণ্ঠে শিবির।

অদূরে শৈলরাজি। নিব্বারে জল নির্গমন। অরুণোদয় কাল।

বৈভালিকের গীত।

যামিনী মুদেছে অঁধি অরুণ হাঁসিছে ঐ।

পুলকে প্রভাতী গীতি বিহগ, গাহিছে ঐ।

নব কুসুমের কলি, সমীর চুম্বনে হলি

পড়ে লাজে ঢলি ঐ।

রঞ্জিত ভপন রাগে, গিরিশির পুরোভাগে

গগন চুমিছে ঐ ।
 জুড়ায় শ্রবণ প্রাণ, কলতানে গাহি গান,
 তুটিনী চলেছে ঐ ।
 মেল আঁখি হের ধরা, বিপুল পুলকে ভরা,
 অমরা সমান ঐ ।

(গীতাঙ্কে প্রস্থান)

(শিবিরাদ্যস্তর হইতে পুষ্পধনু ও অনিরুদ্ধের প্রবেশ)

পুষ্পধনু—

সখা, সখা, হের কিবা অতুল সুধমা !
 ব্যোমঅঙ্গে ভাসমান নীরদ সমান—
 দূরে হের তুঙ্গ শৈলমালা ।
 ভেদিয়া পাষণ, ভুলি কলতান
 রক্তধারায় নেচে আসে স্রোতস্বিনী ।
 ঝকারে তাহার পুলক জাগায় প্রাণে ।
 হের পূর্ব গগনে ধীরে ওঠে রবি,
 কিবা মনোহর ছবি !
 চঞ্চল পবনে উড়ায় অঞ্চল
 প্রকৃতি নামিছে যেন তপন চরণে ।
 বিহঙ্গ সঙ্গীত ছলে, ললিত লহর তুলে
 প্রকৃতি গাহিছে যেন আবাহন গীতি !

অনিরুদ্ধ—

তাই মহাভীতি জাগে প্রাণে !
 ভাবি মনে, কহিব কেমনে তোমা—
 দারুণ হৃদশা মোর !

পুষ্পধনু—

এমন মাধুরীমাখা মধু উষাকালে,
 মুখ তুমি তাই কহ বিবাদের কথা ।
 মন্দ প্রভাত সমীরে পুলকে শিহরে,
 জীবদেহ !

ব্যোমচারী বিহঙ্গ সঙ্গীতে জুড়ায় শ্রবণ,
 প্রাণ মন, ডুবে যায় নন্দন-হরণে ।

তব সম কে আছে অভাগা—

হেন শোভা, মনোলোভা নহে ষার ।

অনিরুদ্ধ—

সখা ! ক্রমাকর বাতুল প্রলাপ ।

রজনীর অমিত আহারে

পরিহার নিদ্রাদেবী ক'রেছেন মোরে ।

উ হঃ ! (উদরে হস্ত স্থাপন পূর্বক বিরক্তি প্রকাশ)

দৃষ্ট এই উদরের তরে,—

বারে বারে সহি কহ লাঞ্ছনা অপার ।

ধিক্ পেটুক ব্রাহ্মণ !—

শতধিক্ মোরে ।—হেন মলয় সমীরে

পুলকে নাচেনা মম প্রাণ ।

মন্দাগ্য ব্রাহ্মণ, শুনি বিহগ কুজন

প্রাণ মন হরষে না মাতে !

ওহো ।—

মন্দাগি ক'রেছে অধীর ।

শ্রবণ বধির তাই সখা ।—

পুন্দরী— (সহাস্যে) অসম্ভব হেন বাণী ।

মন্দাগি সম্ভব নহে ব্রাহ্মণ উদরে ।

ব্রহ্মার কৃপায়, ব্রহ্মসম লভিয়াছ

শ্রেষ্ঠত্ব ধরায় । সর্বভুক্ বিভূসদা—

বিদিত ভুবনে ।

অনিরুদ্ধ—

তাই ভাবি মনে, রসনা কর্তনে

নির্মূল করি যত লোভ আশা মোর ।

কিন্তু হায় ! রসনা বিহনে,

কেমনে হ'বে হে সখা বাণী উচ্চারণ ?

পরানের সাধ পরানে রহিবে পড়ে ।

প্রিয়-সম্ভাষণ রসনা বিহনে,

কেমনে হবে হে ভাবি ।

গৌতম । এই বুঝি কুমার শিবির ?

১ম ভিক্ষু । অনুমান হয় প্রভু !

গৌতম । লয়ে এস সমাচার, শিবিরে কুমার কিনা !

১ম রক্ষি । আজ্ঞে, যুবরাজ শিবিরে নাই । তিনি মৃগয়ায় গমন ক'রেছেন ।

গৌতম । মৃগয়া ! ও হোঁহো, একি নিদারুণ কথা !

ব্যথা বড় বাঁধিল পরাণে !

ব্যাকুল করিল মর্ম্মস্থল !

জ্ঞানহীন শ্বাপদ সকল—

মুক্ত প্রাণে ভ্রমে বনস্থল

নিষ্পাপ সরল—বিলোল নয়নে

চাহে তারা মানব নয়ন পানে !

কত ব্যথা প্রাণে, জানাতে না জানে

নীর্বে চালে অশ্রুধারা !

কঠিন প্রস্তরে গঠিত কি মানব হৃদয় !

কৃপালেশ নাহি কি হে ভায়—

অন্ধ মন সদা কি হে ধায়—

কিসে হয় বাসনা পূরণ !

করুণায় নাহি গলে প্রাণ !

চল, চল, বৃথাবাক্য কাল ব'য়ে যায়

জীবকুল ব্যাকুল পরাণে কাঁদে,

হৃদি ফাটে শুনি আর্তনাদ !

বিলম্বে ঘটিবে প্রমাদ

ক্ষতপদে এস চলে—

বারিব কুমারে ।

(প্রস্থান, ভিক্ষুগণের অমুসরণ)

১ম রক্ষি । কি মিষ্ট কথা ! শুনে প্রাণ জুড়িয়ে গেল !

২য় রক্ষি । তাত গেল । কিন্তু যুবরাজকে ফেরাতে গেলেন, তার কি !

১ম রক্ষি । কি ক'রব বল ।

২য় রক্ষি । দেখ, আমার বোধ হয় প্রভুকে কখনও ব্যাধি ভল্লুকে ভয় দেখায় নাই ।

১ম রক্ষি । কেন ?

২য় রক্ষি । তা না হলে তাদের উপর এত দয়া হয় ! সে ভীষণ মূর্তি দেখলে—
অত দয়া ধর্ম কোথায় ভয়ে পালিয়ে যায় তার ঠিকানাই থাকে না ।

১ম রক্ষি । তুমি নারকী । তোমার মত লোকে মহাত্মার মহাত্ম্য কি বুঝবে ।

[প্রস্থান ।

২য় রক্ষি । ওহে পুণ্যাত্মা ! ওহে ধার্মিক মহাশয়—শোন, শোন ।

[প্রস্থান ।

দ্বিতীয় দৃশ্য—কানন ।

ধনুহস্তে পুষ্পধনুর প্রবেশ । তাঁহার পশ্চাতে রক্ষিগণ

পরিবেষ্টিত অনিরুদ্ধের প্রবেশ ।

পুষ্পধনু । এইবার সার্থক মম শ্রম ।

আর কোথা যাবে ? (তাঁর নিক্ষেপ, ও নেপথ্যে শার্দূল গর্জন ও পতন শব্দ) ঐ পশু ভূমিতলশায়ী !

অনিরুদ্ধ । ওঃ ! (ভীতিসূচক আর্তনাদ করিধা, স্তব্ধভাবে অবস্থান)

পুষ্পধনু । (সোল্লাসে) সখা, সখা ! আনন্দে অধীর প্রাণ ।

গীত-প্রাণ শার্দূল সম্মুখে হের । (প্রদর্শন)

নির্ঝাক্ কি হেতু সখা ?

অনিরুদ্ধ । আর সখা ! কারে আর কর সম্বোধন !

বুঝিতে না পারি এখনও কি ধরি প্রাণ !

শুনি সেই ভীষণ গর্জন, অচেতন—

সংস্রাহীন সম করি অবস্থান ।

বক্ষে রাখি কর, দেখ একবার—

পরান নাচে কিনা উরস মাঝারে ।

'হায়, হায়, কেন আমি এসেছি তব সাথে—'

গহন কাননে ? আতঙ্কে ত্যজিতে মম
অমূল্য জীবন ? ব্রাহ্মণীর হৃদয় রতন—
অবহেলে ব্যাত্রমুখে দিতে জলাঞ্জলি ?

পুষ্পধনু—

এস, এস, শঙ্কার নাহিক কারণ !
হের ঐ গত প্রাণ শার্দূলভীষণ—
এস সখা ক'রে আসি নিরীক্ষণ (অনিরুদ্ধের হস্তধারণ)

অনিরুদ্ধ—

ক্ষমা কর, ক্ষমা কর মোরে !
একশরে ব্যাত্র নাহি ত্যজিবে জীবন ।
হ'য়ে অচেতন, শায়িত ধরণী পরে ।
পুনঃ যদি লক্ষ্য দিয়া করে আক্রমণ,—
ডরে প্রাণ তখনি ত্যজিব !

রক্ষিগণে দাও অহুমতি—
ক্রতগতি স্বক্কে বহি লয়ে যাক—
শিবিরে তোমার—

পুষ্পধনু—

রক্ষিগণ—সাবধান লয়ে যাও—
শার্দূল ভীষণে—!

রক্ষিগণ—

যে আদেশ যুবরাজ । (প্রস্থান)

অনিরুদ্ধ—

খুলি প্রাণ মন—করি আশীর্বাদ—
ব্রাহ্মণের অভিলাষ করিলে পূরণ ।

পুষ্পধনু—

সখা শঙ্কা দূর তব ?

অনিরুদ্ধ—

কিবা কব, বুঝিতে না পারি ।
নির্বিষ্মে শিবিরে যদি পারি পশিবারে—
শঙ্কাদূর হইবে তখন ।

স্মরি ভীম শার্দূল গর্জন
আতঙ্কে এখনও কাঁপে প্রাণ !

ওঃ ! কি আপদ ভীষণ !

শতজন্য ধরি করিয়াছি—

বহুকষ্টে স্মৃতি অর্জন—

তাই আজি রহিল জীবন ।
 পুষ্পধনু— নহে সখা স্মৃতির ফল ।
 ব্রাহ্মণীর হাতে শোভে অহস কঙ্কণ—
 প্রাণ তব রহিল আজি তাই ।
 অনিরুদ্ধ— সেই ভাল ! কোন মতে ধরি প্রাণ !
 চল, চল ছুরু ছুরু কাঁপে হৃদিস্থল—
 বিকল অন্তর মম !
 হেথা আর রহিতে না পারি ।
 পুষ্পধনু— চল সখা ।
 (প্রস্থানোচ্চত)
 (নেপথ্যে দূরাগত সঙ্গীত ধ্বনি)

গীত ।

কুসুম ফটেছে মাধবী কুঞ্জে, পুঞ্জে পুঞ্জে সহি ।
 সৌরভে মধুর, মাতি মধুকর চুমে পরিমল ঐ ।

পুষ্পধনু— আভা কিবা মোহন সঙ্গীত তান !
 সহ মঞ্জীর নিকণ,—
 সমীরণে ভেসে আসে হেথা !

অনিরুদ্ধ— নিরুপায় এতক্ষণে !
 (পুনঃ সঙ্গীতধ্বনি)

পুষ্পধনু— ঐ ! ঐ পুনঃ উঠে স্বর !
 বিকল অন্তর মম !
 এস দেখি কোথা হ'তে ওঠে তান ।

অনিরুদ্ধ— এ কি তব কৌতুহল !
 কুধানল প্রথর জলিছে—
 মম উদরের মাঝে ।
 সঙ্গীত বন্ধার, কুখাদুর নাহি করে !

পুষ্পধনু— এস ফিরি শিবিরে সখর !
 বারেক হেরিব মাজ স্থান—!

তিলেক দেখিব সে বদন স্কন্দর—
 এস, এস সখা—! (প্রস্থান)
 অনিরুদ্ধ— প্রমাদ, প্রমাদ!
 উপায় নাহিক আর! (প্রস্থান)

তৃতীয় দৃশ্য—মাধবী-কুঞ্জ ।

কুসুম ও চূত মঞ্জরী ভূষিতা সহচরীগণ বেষ্টিতা—
 বাসন্তী ও মুঞ্জরা ।
 বসন্তোৎসব গীত ।

কুসুম কুটেছে মাধবীকুঞ্জে পুঞ্জে পুঞ্জে সই ।
 সৌরভে মধুর, মাতি মধুকর. চুমে পরিমল ঐ ।

মধু গন্ধে তায় বহে ধীরি ধীরি—
 ঝরে পড়ে তায় কুসুম মঞ্জরী—
 রিনি রিনি রিনি, মধুর শিঞ্জিনী
 বাজেলো চরণে সই ।

রসালে ঘিরেছে কানন বল্লরী—
 প্রেমের স্পন্দনে উঠিছে শিহরি !
 যৌবন নিরখি, মেলি ফুল অঁখি
 অনিমেঘে হেরে ঐ ।

কোকিল গাহিছে প্রেমের মহিমা—
 কুসুমে ভাসিছে পিরীতি সুষমা—
 নিখিলে ভাসিছে, ভুবনে ফুটিছে
 মিলন গীতিকা ঐ ।

বাসন্তী— লো সজনি !
 হের কি মোহন ভূষণে আজি—
 সাজিয়াছে তব সাধের মাধবীকুঞ্জ ।
 হের, গুঞ্জরি ভ্রমর,—
 ফুলে ফুলে ক'রে মধুপান—!

ঐ হের, লতাকুঞ্জমাঝে—
 বিহগ তুলিছে তান—!
 নিজ মন সৃষ্টি, অবাধে
 উড়িছে প্রজাপতি—!
 হরিৎপল্লবে—শোভিত এ কুঞ্জবন—
 এ নবমধুমাসে, হরষে কাঁপিছে হৃদি—
 মলয় বাতাস, আকুল পিয়াস
 জগায় পরাণে ।

মুঞ্জরা—

আয়াস সফল এতদিনে ।
 সাধের নিকুঞ্জে বসি—
 শুনি যবে পাপিয়ার তান—
 প্রাণ মম শূন্যে উড়ে যায় !
 মানস মুকুর পরে,—
 ধীরে ধীরে ফোটে কত
 স্বপনের ছবি !

বাসন্তী—

র'য়েছে সকলি সই,—
 তবু যেন নাহি কিছু মোর—!
 এ হেন মধুমাসে, মধুর যৌবনে,
 এই তোমার মোহন মাধবীকুঞ্জে—
 নাগর যদি না আসিল সই—
 তবে চকোর-পিয়াসে—
 কত দিন রবি ব'সে সই ?

মুঞ্জরা—

ভাবিব না আর সই !
 ফুটিলে কমল, লোভে পরিমল
 আপনি আসিবে অলি !
 এস করি কুসুম চয়ন । (কুসুম চয়ন)
 (অলঙ্কে পুষ্পধনু ও অনিরুদ্ধের প্রবেশ)

পুষ্পধনু—(জনাঙ্গিকে) সখা, সখা, হের ঐ নন্দন-কানন !

গলে ফুলমালা, হাতে ফুলডালা—

দেব বালা, গাঁথে হার ।

মরি মরি !

কিবা মাহুরী লহরী—

খেলে ঐ বদন সরলে !

মন্দ মন্দ বহি,—

ফুলগন্ধ ছাড়ে গন্ধবহ,

অন্ধ অলি মকরন্দ কর পান !

আনন্দে অধীর প্রাণ মম ।

অনিরুদ্ধ—

তবে স্বর্গে কি আসিহু মোরা ?

অমরা সমান বল,—

প্রাণ বিমোহন সঙ্গীতনিখল—

ষাছময় মঞ্জীর নিকণ—

অনিরুদ্ধ—

(স্বগত) বিস্মৃত কিশিকারের কথা ?

আহা শুনিলে একথা,—

বড় ব্যথা বাজিবে পরাণে—

আকুল পরাণে কাঁদিবে নিয়ত

যত বোঁদ্ধ ভিক্কুগণে !

লোক মুখে শুনি, সিদ্ধার্থ আপনি,

ঘারে ঘারে করিছেন জীব-প্রেমগান !

করিতে কি পারিব সখারে ?

পারি যদি, আয়াস সফল মম তবে ।

পুষ্পধনু—

চিন্তা কেন কর অকারণ ?

চল করি গিরি আরোহণ—

হেরিব চরণ মূলে শ্রামলা মেদিনী !

সমীরণে ভাসিবে বিহগভাঁক,

বীণাতানে ছুটিবে নির্ঝর ধারা—

প্রষণে অমির ধারা,

অনিরুদ্ধ । পরাণে পুলক কারা—ঢালিবে তখন—
নিখিলে রোমাঞ্চ লেখা উঠিবে ফুটিয়া !
আনন্দে নাচিছে হিয়া !
রহিয়া, রহিয়া, উঠিছে কাঁপিয়া
হৃদিস্তল !
বাকুল পরাণ—আশ্রয়ান হও সখা !

(ভৃত্যের প্রবেশ)

ভৃত্য । যুবরাজ ! অশ্বধনু সব প্রস্তুত ।
অনিরুদ্ধ । (স্বগত) হায় ! হায় ! প্রমাদ ঘটিল বুঝি !
পুষ্পধনু । বিশ্বত আছিহু সখা শীকারের কথা !
চল ঘুরা গহন কাননে ।
অনিরুদ্ধ । যুবরাজ ! ক্ষমা কর মোরে ।
নিবেদিত উদর যজ্ঞগা !
পুনঃ কেন कह মোরে—
তব সনে গহন শমন কথা ?
পুষ্পধনু । বুঝিলাম, ভীকু ব্রাহ্মণ কুমার !
ব্যস্ত্র ভয়ে ভীত এবে তুমি ।
কিস্ত ভয় কিবা মম সাথে ?
থাকিব দুজনে রথে ।
অনিরুদ্ধ । বন পথে, কেমনে চলিবে রথে
বুঝিতে না পারি ।
পুষ্পধনু । শত্রুধারী রক্ষিগণ পার্শ্বে রবে মম—
আশঙ্কার নাহিক কারণ—
অনিরুদ্ধ । কিস্ত বুঝেও না বুঝে প্রাণ মন—
গণি অক্ষয়, পাছে দীন ব্রাহ্মণ নন্দন
পশে বুঝি শার্দ্দূল বদনে !
পুষ্পধনু । ব্রাহ্মণীয়ে পড়েছে কি মনে ?
প্রতিক্রমে আশঙ্কা আগে আগে তব ?

- ভয় নাই , আমি তব থাকিব হে সাথে—
 চল রথে ; ব্যাঘ্রসাথে করিব সমর !
 উৎসাহে হৃদয় ভোর !
 এসহ সত্বর, বিলম্ব না সহে আর । (অনিরুদ্ধের হস্ত ধারণ)
- অনিরুদ্ধ ।
 হায়, হায় ! কি হবে উপায় !
 বিষম প্রমাদ গণি !
 ব্রাহ্মণি ! ব্রাহ্মণি !
 সতী সীমন্তিনি ! বুঝিবা হারায়—
 তোর নয়নের মণি !
- পুষ্পধনু ।
 কেন আঁকুল পরাণী ?
 ব্রাহ্মণীর ভালে শোভে অক্ষয় সিঁদুর—
 প্রমাদ হইবে দূর তার পুণ্যবলে ।
 এস চলে । (অনিরুদ্ধকে ধরিয়া প্রশ্নানোদিত)
- অনিরুদ্ধ ।
 ধীরে সখা করহ গমন—
 চরণ ভাঙ্গিবে টানে—
 বমনে তিতিবে সখা—
 শ্রামলা মেদিনী । (উভয়ের প্রশ্নান)
 (রক্ষিণের প্রবেশ)
- ১ম রক্ষি ।
 এতরূপে সর্বনাশ ঘটবে ।
- ২য় রক্ষি ।
 কেন ?
- ১ম রক্ষি ।
 কেন ? তা বুঝতে পাচ্ছ না ? তুমি একটা জলজ্যান্ত
 গর্দভ কিনা !
- ২য় রক্ষি ।
 গালাগাল দিস্না বলছি । আমি গর্দভ ? আর তুই
 কি ? তুই কি ? তুই যে একটা আস্ত মর্কট !
- ১ম রক্ষি ।
 মুখ সামলে কথা বলিস্ । নইলে তোর ভাল হবে না
 বলছি ।
- ২য় রক্ষি ।
 কি করবি ? তোর মতন উল্লুক, বাঁদর, গরু এ ভূভারতে
 নাই । বলব বেশ ক'রব বলব । একশবার বলব,
 লাখবার বলব !

১ম রক্ষি।

মাথা গরম করিস্ না,— ঠাণ্ডা কর, ঠাণ্ডা কর। নইলে
একটী বিরেশী-শিকে ওজনের চাঁচি মাথায় মারব, আর
অমনি ঠাণ্ডা হ'য়ে ব'সে থাকবি।

২য় রক্ষি।

বটে! এতদূর সাহস তোর—! তবে তাকে দেখিয়ে
দিচ্ছি র'স্।

(নেপথ্যে সঙ্গীত ধ্বনি)

অচেতন করিল হে মোরে!

আহা মরি মরি!

পরাণ করিল চুরি—

ভেবে মরি,—ব্রাহ্মণীর সাধেবাদ

কে সাধে এমন!

যুবরাজ থাক তুমি হেথা—

চলিছ শিবিরে একা;

বাথা বড় বাজিল পরাণে

স্মরি এবে ব্রাহ্মণীর কথা।

পুষ্পধনু।

(মুগ্ধভাবে) সখা! সখা!

অনিরুদ্ধ।

হায়, হায়! ছাড়িয়াছে শর!

নিঠুর মদন ছাড়িয়াছে শর!

অপার দুর্গতি এবে।

এস ভেবে কি বা হবে!

এখনও রয়েছে সময়

পায় পায় চ'লে এস।

বাসন্তী।

লো সই! জিনি মকর কেতন—

মোহন মুরতি ঐ

এত দিনে বিধি বুঝি মিলন রতন!

মুগ্ধরা।

(সহসা পুষ্পধনুকে দেখিয়া)

এ কি মোহন মুরতি সই! (একদৃষ্টে নিরীক্ষণ)

অনিরুদ্ধ।

হায়, হায়! মজিল সকলি!

অঁখিবাণ হানিছে দুর্জয় ত্রৈ,
 আর নাহি দ্বিতীয় উপার !
 সখা, সখা !—

পুষ্পধনু । (বিহ্বলভাবে) কি সুন্দর ! মন্দার কুসুম বলি—
 হয় অনুমান !
 স্বপনের ছবি !
 হৃদয় করিল চুরি মোর ! (এক দৃষ্টে নিরীক্ষণ)

অনিরুদ্ধ । হায়, হায় ! মজিল সকল !
 হীন ফুলশর,—
 দুর্জন, পামর,—
 অভিলাষ মিটিল কি তোর ?

শ্রীঅমর চন্দ্র ঘোষ, বি এ

ক্রমশঃ

সংক্ষিপ্ত সমালোচন

বীরভূমবিবরণ । প্রথম খণ্ড । মহারাজকুমার মহিমানিরঞ্জন চক্রবর্তী মহোদয় সম্পাদিত, মূল্য দুই টাকা মাত্র । মহারাজ কুমার মহিমানিরঞ্জন চক্রবর্তী মহোদয় জননী বঙ্গভাষার উপাসনায় প্রবৃত্ত হইয়া এই যে প্রথম পুষ্পাঞ্জলির উপহার ভক্তিভরে তাঁহার চরণে অর্পণ করিয়াছেন, তাহার দিব্য সৌরভ আশ্রাণ করিয়া জননীর সেবকবৃন্দ আজ সকলেই পরম প্রীতি অনুভব করিবেন ইহা নিঃসঙ্কোচে বলিতে পারা যায় । কমলার প্রিয় পুত্র হইয়া মহারাজকুমার যে বাণীর বরপুত্র হইবার জন্ত সাহিত্য সাধনায় প্রবৃত্ত হইয়াছেন—শুধু প্রবৃত্ত হইয়াছেনই বা বলি কেন, তাঁহার সাধনার সিদ্ধি প্রভাবে সাহিত্যক্ষেত্রে এমন একটা সুন্দর ফলের আবির্ভাব হইয়াছে, ইহা দেখিয়া বোধ করি শিক্ষিত বাঙ্গালী মাত্রই অদ্য আনন্দিত ও গর্বিত ।

বীরভূমের ইতিহাস বাঙ্গলার অতীত গৌরবের অত্যাঞ্জল কীর্তিজ্যোৎসায় সমুদভাসিত, অতীত যুগে বাঙ্গালীর শৌর্য বীর্য, বাঙ্গালীর জ্ঞান গরিমা, বাঙ্গালীর সাধন মহিমা, বাঙ্গালীর ভক্তিময়ী উপাসনা ও বাঙ্গালীর উদারতা ও নীতি নিপুণতা আজ বাঙ্গালীর মানসনেত্রে এমন মধুর ও সরল ভাষায় এমন অত্যাঙ্কি ও পুনরুক্তি বর্জন পূর্বক যিনি ফুটাইতে পারেন তিনি যে একজন অসাধারণ সাহিত্য স্রষ্টা তাহা আমরা মুক্তকণ্ঠে বলিতে পারি। মহারাজকুমার মহিম-নিরঞ্জন চক্রবর্তী একজন স্বদেশ প্রেমিক ঐতিহাসিক, তাঁহার বর্ণনার সারলা ও গভীরার্থতা দেখিয়া আমরা বড়ই প্রীতলাভ করিয়াছি—এই প্রথম খণ্ডের প্রথম অংশে হেতমপুর কাহিনী অগ্ন্যাগ্নি-কাহিনী হইতে বৃহৎ হইয়াছে এবং ইহার মধ্যে মহারাজকুমার হেতমপুরের বর্তমান রাজবংশের পরিচয় প্রসঙ্গে যেরূপ সংযতভাবে আত্মবংশ গৌরবের বর্ণনা করিয়াছেন, তাহা সর্বথা প্রশংসনীয়, তাঁহার লেখার কোন স্থলেই আভিজাত্য বা ঐশ্বর্যের বিরক্তিকর অভিমান প্রকটিত হয় নাই ইহা দেখিয়া আমরা বড়ই প্রীতলাভ করিয়াছি। বীরভূম সম্বন্ধে অনেক পুরাতন বিস্মৃত তথ্য এই গ্রন্থে নূতনভাবে নিবদ্ধ হইয়াছে। এইরূপ গ্রন্থের প্রচার যত অধিক হয় ততই দেশের পক্ষে মঙ্গল। পরিশেষে একটা বক্তব্য এই যে—এই গ্রন্থখানির সহিত যে ভূমিকাটি লিখিত হইয়াছে, তাহা না থাকিলে যে গ্রন্থের কোন অঙ্গে ঐশ্বর্যের হানি হইতে পারে ইহা আমরা বিশ্বাস করি না, আমাদের বিবেচনায় এইরূপ ভূমিকাটি এই সুন্দর গ্রন্থের সহিত যোজিত না হইলেই ভাল হইত। ভূমিকার লেখক বঙ্গের সুপ্রসিদ্ধ ঐতিহাসিক প্রাচ্যবিজ্ঞানমহার্ণব বাবু নগেন্দ্র নাথ বসু মহাশয়ের প্রতি আমাদের যথেষ্ট শ্রদ্ধা আছে, কিন্তু দেখিতেছি নিতান্ত তাড়া তাড়ি করিয়া বাধ্যতাবশে এই ভূমিকাটি লিখিতে যাইয়া তিনি মূল গ্রন্থের সৌন্দর্য্য ত বাড়াইতে পারেন নাই, বরং গ্রন্থের সৌন্দর্য্য যে কোন অংশে তাহা তিনি নিজেই বৃদ্ধিতে বা প্রকাশ করিতে অসমর্থ হইয়াছেন। তাহা ছাড়া এমন অনেক বাজে কথা তিনি বলিয়া ফেলিয়াছেন যে তাহা দেখিলে অভিজ্ঞব্যক্তি মাত্রই বিস্মিত হইবেন! আমাদের সাহিত্য সংহিতার কলেবর বৃহৎ নহে সুতরাং তাহার এইপ্রকার সকল উক্তির উল্লেখপূর্বক দোষ প্রদর্শন করিবার সম্ভাবনা নাই, তথাপি কর্তব্যানুরোধে কয়েকটা স্থল উদ্ধৃত করা যাইতেছে। ভূমিকাতে দেখিতে পাই “ভাগীরবন প্রসঙ্গে গ্রন্থকার একটা অতি

প্রাচীন ঋষির আশ্রমের সন্ধান দিয়াছেন । রামায়ণের ঋষ্যশৃঙ্গের পিতা বিভাগুকের আশ্রমের সংবাদ পাইয়াছি । রামায়ণের বিভাগুক বন অধুনা বৈষ্ণব প্রাধান্যকালে ভাগীরবনে পরিণত হইয়া থাকিবে । আমরা রামায়ণ হইতে জানিতে পারি, অঙ্গাধিপ লোমপাদ বিভাগুক ঋষির আশ্রম হইতে তৎপুত্র ঋষ্যশৃঙ্গকে কোশল করিয়া নিজ রাজধানীতে জলপথে লইয়া গিয়াছিলেন । বলা বাহুল্য এই বীরভূম জেলার পশ্চিমাংশ হইতেই প্রাচীন অঙ্গরাজ্য আরম্ভ । সুতরাং রামায়ণী কথার যদি কিছুমাত্র ঐতিহাসিকতা থাকে, তাহা হইলে অবশ্য বলিতে হইবে অঙ্গাধিক তাঁহার রাজ্যের অদূরবর্তী বিভাগুক ঋষির আশ্রম হইতে ঋষ্যশৃঙ্গকে আনাইয়া ছিলেন । এক্ষণে স্থলে বলিতে হয় রামায়ণীযুগে বীরভূমের এই অংশে ঋষির আশ্রম ছিল ।”

প্রাচ্য বিদ্যামহার্ণব মহাশয়ের এই প্রকার উক্তি— ঋষির উক্তি হইতে পারে, কল্পনার রশ্মিকে অসংযত করিয়া আকাশে উড়াইয়া দিলে এইরূপ তত্ত্ব আবিষ্কৃত হইতে পারে, ইহা আমরা অস্বীকার করিতে পারি না, কিন্তু ঐতিহাসিকের পক্ষে এইরূপ উক্তি শোভা পায় না, প্রথমতঃ বিভাগুক বনকে ভাগীরবনে পরিণত করিতে বৈষ্ণব প্রাধান্য যে কিরূপে উপযোগিতা পাইল, তাহা প্রাচ্য বিদ্যামহার্ণব মহাশয় কি অনুগ্রহ পূর্বক বুঝাইয়া দিবেন ? বিভাগুক নামে বৈষ্ণবের বিদ্বেষ আছে এবং তৎপরিবর্তে ভাগীর শব্দ প্রয়োগ করিলে বৈষ্ণবভাণ্ডা রক্ষা পায়, এইরূপ আজগুবি সিদ্ধান্ত কেন যে প্রাচ্য বিদ্যামহার্ণব মহাশয়ের ঐতিহাসিক মস্তিষ্কে প্রবেশ করিল, তাহা কি তিনি দয়া করিয়া আমাদের বুঝাইয়া দিবেন ? দ্বিতীয়তঃ প্রাচ্য বিদ্যামহার্ণব মহাশয় বলিতেছেন রাজা লোমপাদ জলপথে শৃষ্য শৃঙ্গকে বিভাগুক ঋষির আশ্রম হইতে লইয়া গিয়াছিলেন, আমরা কিন্তু রামায়ণে এই জলপথের কোন উল্লেখ দেখিতে পাই না, নগেন্দ্রবাবু স্বয়ং মহার্ণব বলিয়া কি জলপথটা তাঁহার এত প্রিয় হইয়াছে ? তাহার পর প্রাচ্যবিদ্যামহার্ণব মহাশয় নিঃসন্দেহে কি বলিতেছেন শুনুন “যদি রামায়ণী কথার কিছুমাত্র ঐতিহাসিকতা থাকে, তাহা হইলে অবশ্য বলিতে হইবে অঙ্গাধিপ তাঁহার রাজ্যের অদূরবর্তী বিভাগুক ঋষির আশ্রম হইতে তৎপুত্র ঋষ্যশৃঙ্গকে আনাইয়া ছিলেন । এক্ষণে স্থলে বলিতে হইবে রামায়ণীযুগে বীরভূমের এই অংশে ঋষির আশ্রম ছিল ।” “যদি রামায়ণী কথার কিছুমাত্র ঐতিহাসিকতা থাকে”

ইহা দ্বারা বুঝা যায় যে প্রাচ্য বিদ্যামহার্ণব মহাশয় মনে মনে রামায়ণী কথার ঐতিহাসিকত্বে তেমন আস্থাবান নহেন, না হইবারই ত কথা! এখন বড় প্রত্ন-তাত্ত্বিক হইলে হইলে অগ্রে রামায়ণ ও মহাভারতের ইতিহাসিক খণ্ডন বা মন্তক চর্কণ একান্ত আবশ্যিক, কারণ নব্য বাঙ্গালীর ইতিহাসগুরু প্রতীচ্যপণ্ডিতগণ রামায়ণ ও মহাভারতকে ইতিহাস বলিয়া মানিতে চাহেন না। যাক সে কথা, নগেন্দ্র বাবুর এখানে ঐতিহাসিক যুক্তির বাহারটা একবার দেখুন “যদি রামায়ণী কথার কিছুমাত্র ঐতিহাসিকতা থাকে, তাহা হইলে বলিতে হইবে অঙ্গাধিপ তাঁহার রাজ্যের অদূরবর্তী বিভাগক ঋষির আশ্রম হইতে ঋষাশ্রমকে আনাইয়াছিলেন অর্থাৎ রামায়ণী কথার যদি কিছুমাত্র ঐতিহাসিকতা থাকে তাহা হইলে ঋষাশ্রমকে অঙ্গরাজ্যে লইয়া যাওয়াটাই একমাত্র সেই ঐতিহাসিক ক্রম সত্য, তদ্ব্যতিরেকে রামায়ণে আর যাহা কিছু বর্ণিত হইয়াছে তাহার কোনটীও ঐতিহাসিক সত্য বলিয়া বিশ্বকোষ প্রণেতা মহাশয়ের মতে পরিগৃহীত হইতে পারে না. হায় বঙ্গদেশ! বর্তমানকালে ইহাঁরাই তোমার শিক্ষিত সম্প্রদায়ের নিকট ঐতিহাসিক! ইহাঁদেরই বচনবাগীশতার উপরই দেশের অতীত গৌরবের বিলুপ্ত স্মৃতিকে পুনরুজ্জীবিত করিবার ভার গুস্ত হইয়াছে! ইহাত হইল ভূমিকার ঐতিহাসিক গবেষণার দিগ্ভ্রাত্ত পরিচয়, একরূপ আরও অনেক আছে সাহিত্য-সংহিতার কলেবর নিতান্ত মল্ল বলিয়া এই জাতীয় উদাহরণ আর উদ্ধৃত হইল না। পাঠক নিজে দেখিয়াই মনস্তুষ্টি করিয়া লইবেন। এখন ভূমিকা লেখকের বাঙ্গালা ভাষার উপর ব্যুৎপত্তিটা কিরূপ প্রবল তাহারও কয়েকটা পরিচয় লউন।

উল্লিখিত পঙ্ক্তির মধ্যেই দেখিবেন “রামায়ণীযুগে” যুগটা যে কি করিয়া রামায়ণী হয় তাহা বৈয়াকরণগণ বুঝিতে পারিবেন কি? আর একস্থলে দেখিতে পাই “বিক্ষস্ত স্তূপগুলি প্রাচীনযুগের অতীত কীর্তির বিলুপ্ত স্মৃতি বলিয়া মনে হইবে” বিক্ষস্ত স্তূপগুলি বিলুপ্ত স্মৃতি হইবে কিরূপে? স্মৃতি হইল জ্ঞানবিশেষ, স্মরণ্য, আত্মদর্শন বা অন্তঃকরণ ধর্ম—অর্থাৎ আন্তর বস্তু, তাহা বাহ্য বিক্ষস্ত স্তূপ হইতে অভিন্ন হইবে কিরূপে? এমন উদ্ভট ও নিরর্থক বাঙ্গালা প্রাচ্যবিদ্যামহার্ণব শিখিলেন কোথা হইতে? আবার শুধুন “কিন্তু তন্মধ্যে অনেক অমূলক কথা প্রকাশিত হওয়ার তাহার সংশোধনের আবশ্যিক

হইয়াছিল” ‘সংশোধনের আবশ্যক’টা যে সর্বাঙ্গে সংশোধনীয় তাহা নিশ্চিতই নগেন্দ্রবাবুর পক্ষেও স্বীকারের আবশ্যকতা আছে, আশা করি একথা তিনি অঙ্গীকার করিতে পরাঙ্মুখ হইবেন না। আর এক স্থানে ভূমিকায় লিখিত হইয়াছে—“ইহার কার্য্যক্ষেত্র বিপুল ও বিশাল” এইরূপ পুনরুক্তির ছড়া-ছড়ি করিয়া কি উদ্দেশ্য সিদ্ধ হইয়াছে, তাহা বোধ করি প্রাচ্যবিদ্যার্ণব মহাশয়ই জানেন।

যাক্ এসব হইল অবাস্তুর কথা, কারণ এইরূপ ভূমিকার সহিত প্রকৃত গ্রন্থের কোন অপেক্ষিত সম্বন্ধ নাই বরং ভূমিকাটা বাদ দিয়া গ্রন্থখানি প্রকাশ করিতে পারিলেই ভাল হইত। আজকাল উপাধিব্যাধিগ্রস্ত লোকের দ্বারা একটা ভূমিকা লেখাইয়া মূল গ্রন্থের সহিত মুদ্রিত করা একটা ফ্যাশান হইয়া দাঁড়াইয়াছে, অবশ্য ভাল ভূমিকা গ্রন্থের গৌরবই বাড়াইয়া থাকে, কিন্তু, ফ্যাশান রক্ষা করিবার অনুরোধে এইরূপ অসার ও দোষপূর্ণ ভূমিকা জুড়িয়া দিলে গ্রন্থের সৌন্দর্য্য সাধিত হয় না, প্রত্যুত ইহা দ্বারা মূল গ্রন্থের প্রতি অনেক স্থলে সাধারণের অরুচি উৎপাদিত হয়, ইহাষ্ট আমাদের বক্তব্য।

পরিশেষে মহারাজকুমার শ্রীযুক্ত মহিম্যানিরঞ্জন চক্রবর্তী মহোদয়কে এইরূপ সুখ পাঠ্য ও বহু জ্ঞাতব্য ঐতিহাসিক তথ্যে পূর্ণ মনোহর গ্রন্থ প্রণয়নের জন্য আমরা বঙ্গসাহিত্যিকগণের পক্ষ হইতে ধন্যবাদ জ্ঞাপন করিতেছি।

সাহিত্য-সংহিতা।

নবপর্গ্যায়, ৫ম খণ্ড। ১৩২৩ সাল, পৌষ, মাঘ। [৯-১০ সংখ্যা।

প্রকৃতির কোশল।

ডারুইন্ সাহেব গত উনবিংশ শতাব্দীর মধ্যকালে জীব-বিজ্ঞানে যে নূতন আলোক পাত্ত করিয়াছিলেন, তাহার সাহায্যে এই বিশাল সৃষ্টির যে কত রহস্য জানা যাইতেছে, তাহার ইয়ত্তাই হয় না। আমরা চক্ষুর দ্বারা প্রকৃতির যে মূর্তি দেখি, তাহা অতি মনোরম; কিন্তু জ্ঞানের আলোক দিয়া পরীক্ষা করিলে সেই প্রকৃতিরই যে এক অপরূপ মূর্তি দেখা যায়, তাহা অতুলনীয়। ডারুইন্ সাহেব প্রকৃতিকে যথার্থভাবে দেখিবার জন্ত কেবল একটি দীপশিখা জ্বালাইয়া গিয়াছিলেন; আধুনিক বৈজ্ঞানিকগণ সেই শিখারই উজ্জ্বল আলোকে এখন প্রকৃতির নব নব রূপ দেখিয়া অবাক হইয়া যাইতেছেন। সেই আলোকে আণুবীক্ষণিক প্রাণী ও উদ্ভিদের অভিব্যক্তি হইতে আরম্ভ করিয়া, এখন ক্ষুদ্র নক্ষত্রলোকের ভীমকায় জ্যেষ্ঠতরঙ্গদের অভিব্যক্তির ধারাও বুঝা যাইতেছে। চরাচর ব্রহ্মাণ্ড একই মহানিয়মের অধীন হইয়াই যে, এই সৃষ্টিকে এমন সুন্দর করিয়া তুলিয়াছে, প্রাচীন পাশ্চাত্য পণ্ডিতগণ তাহা জানিতেন না; আধুনিক বৈজ্ঞানিকগণ এখন তাহাই বিজ্ঞানের নূতন আলোকে সুস্পষ্ট দেখিতে পাইতেছেন।

ডারুইন্ যে সকল প্রাকৃতিক রহস্যের পরিচয় দিয়া বিজ্ঞানকে নূতন পথ দেখাইয়াছেন, এই প্রকার ক্ষুদ্র প্রবন্ধে তাহার আলোচনা করা অসাধ্য। তিনি এক জীবের যে সহিত অপর জীবের স্বাভাবিক সম্বন্ধের আভাস পাইয়াছিলেন, আমরা এখানে কেবল তাহারই একটু পরিচয় দিব। এই মহাবিশ্বে কোন জীবই

অনাবশ্যক নয় ; কেহই অপরের সহিত সম্বন্ধ রোধ করিয়া জীবিত থাকিতে পারে না ; প্রকৃতি দেবী সমস্ত প্রাণী ও উদ্ভিদকে একই শৃঙ্খলে আবদ্ধ রাখিয়া জীব রাজ্যের শাসনকার্য্য চালাইতেছেন । এই কয়েকটি উক্তি ডারুইনের পূর্বে অপর কোন বৈজ্ঞানিকের নিকটে শূন্য যায় নাই । ডারুইন্ এই বৈজ্ঞানিক সত্য-গুলিকে Web of Life নামে অভিহিত করিয়া গিয়াছেন ; আমরা সেই গুলিরই কিঞ্চিৎ আলোচনা করিব ।

কেঁচো অতি ক্ষুদ্র প্রাণী, পশু পক্ষী প্রভৃতি উন্নত প্রাণীর দেহে যে সকল ইন্দ্রিয় আছে, ইহাদের দেহে তাহা নাই । হঠাৎ দেখিলে মনে হয়, বুঝি ইহারা সংসারের কোন কাজে লাগে না, কিন্তু নিম্নের উর্ধ্বের মৃত্তিকা উপরে উঠাইয়া ইহারা নীরবে শস্তক্ষেত্রের যে উপকার করে তাহা অগ্রাহ্য করিবার বিষয় নহে । ডারুইন্ হিসাব করিয়া বলিয়াছেন, কোন দিন ধরা পৃষ্ঠ হইতে কেঁচোজাতীয় প্রাণী যদি হঠাৎ লোপ পাইয়া যায়, তবে সঙ্গে সঙ্গে ভূমির উর্ধ্বতাও কমিয়া যাইবে । বিড়াল গৃহস্থের প্রচুর অনিষ্ট করে সত্য, কিন্তু ইহারা শস্তহানিকর ইঁদুর এবং নানা প্রকার কীট নষ্ট করিয়া যে উপকার করে, তাহা ভুলিয়া যাওয়া উচিত নয় । ডারুইন্ সাহেব এই প্রকার কয়েকটি স্থূল উদাহরণ দিয়া, জীবগণের পরস্পরের সহিত সম্বন্ধের কথা বলিয়াছিলেন ।

ডারুইনের মৃত্যুর পর প্রায় চল্লিশ বৎসর অতীত হইয়া গিয়াছে, এই সুদীর্ঘ-কালে জীবতত্ত্ববিদগণ প্রাণী ও উদ্ভিদের জীবনেতিহাসের যে সকল নূতন তথ্য সংগ্রহ করিয়াছেন, তাহাতে ডারুইনের উক্তির সত্যতা আরও সুস্পষ্ট হইয়া পড়িয়াছে । ইহারা বলিতেছেন, জীবগণ যদি পরস্পরের সহিত যোগরক্ষা করিয়া চলিতে না পারে, তাহা হইলে এই সৃষ্টি হইতে তাহাদের অস্তিত্ব একেবারে লোপ পাইয়া যায় । আমরা সংসারের দৈনন্দিন কার্য্যে কত অনৈক্য কত অমিলের মধ্যে পড়িয়া সংগ্রাম করি, ইহাতে যে, কত শক্তি ও সময়ের অপব্যয় হয়, তাহার পরিমাণই হয় না । প্রকৃতির কার্য্যে এই প্রকার অনৈক্য অসামঞ্জস্য স্থান পায় না ; যে জীব প্রকৃতির বিধানের বিরুদ্ধে দাঁড়াইয়া বিদ্রোহ ঘোষণা করে, তাহার মৃত্যু অবশ্যস্থাবী হইয়া পড়ে ।

প্রচুর খাদ্য সম্মুখে পাইলে প্রাণিগণ তাহা আহার করিয়া পুষ্ট হয়, এবং সঙ্গে সঙ্গে দ্রুত বংশ বিস্তার করে । কোনও সীমাবদ্ধ স্থানে কোন বিশেষ প্রাণীর

এই প্রকার বংশধ্বংসি কখনই সৃষ্টি রক্ষার অধিকূল নয় । সুইডেনে কয়েক বৎসর পূর্বে এই প্রকার একটি ঘটনা দেখা গিয়াছিল । আনাদের শশক বা কাঠ-বিড়ালের গায় লেমিং নামে এক প্রকার উদ্ভিজ্জভোজী ক্ষুদ্র প্রাণী ঐ দেশে সর্বত্র দেখা যায় । হঠাৎ দুই বৎসর সুজন্মা হওয়ায় প্রচুর আহাৰ্য্য পাইয়া ইহারা সংখ্যায় এত বাড়িয়া গিয়াছিল যে, দেশে শস্যহানির সম্ভাবনা হইয়াছিল । কৃষকেরা এই উপদ্রবের শাস্তির জন্ত নানা উপায় অবলম্বন করিল, কিন্তু, তাহাতে বিশেষ ফল পাওয়া গেল না । শেষে প্রাকৃতিক বিধানেই এই উপদ্রবের শাস্তি হইল ; অকস্মাৎ এই ক্ষুদ্র প্রাণীদিগের মধ্যে মড়ক দেখা দিল । এবং পূর্বে যে পরিমাণে ঘাস-পাতা জন্মিত তাহাও কমিয়া আসিল । এই প্রকারে কতক লেমিং পীড়ায় এবং কতক অনাহারে মরিয়া যাওয়ার দেশের শস্যহানি রোধ প্রাপ্ত হইল । এই ঘটনার মধ্যে বিস্ময়কর ব্যাপার কিছুই নাই । এই প্রকার উদাহরণ সংগ্রহের জন্ত সুইডেনের পশুপক্ষীদিগের ইতিহাস অনুসন্ধান করিবারও প্রয়োজন হয় না । আমাদের এই বাঙ্গালা দেশেরই শস্যক্ষেত্রে হয় ত পূর্বোক্ত ব্যাপার সংঘটিত হয় । বিশেষ কারণে কোন প্রাণি জাতির অত্যধিক অভ্যুদয় হইলে যে সঙ্কট উপস্থিত হয়, প্রকৃতি কি প্রকার কৌশলে তাহার প্রতিবিধান করেন, ইহাই আমাদের চিন্তার বিষয় । উদ্ভিজ্জভোজী প্রাণীরা কেবল তৃণ পত্র আহাৰ্য্য করিয়া জীবিত থাকে । আবার মাংসাশী প্রাণিগণ কেবল উদ্ভিজ্জভোজী প্রাণীদিগের মাংসে জীবন ধারণ করে । কাজেই একের অভাবে অপরের জীবিত থাকা অসম্ভব হইয়া পড়ে । খাদ্য ও খাদকের মধ্যে যাহাতে নিয়ত সামঞ্জস্য থাকে, স্বভাবতঃই তাহার ব্যবস্থা আছে । যদি কোনও অকস্মিক কারণে এই সামঞ্জস্য নষ্ট হয়, তখন জীবন-সংগ্রাম অতি ভীষণ হইয়া দাঁড়ায় এবং তাহারই ফলে দেশে হাহাকার পড়িয়া যায় । কিন্তু এই সংগ্রাম রোধ করিয়া শাস্তি সংস্থাপনের অধিকার মানুষের নাই ; স্বয়ং প্রকৃতিই শাস্তির বিধাত্রী ।

প্রাণীর মৃত্যুর সহস্র দ্বার নিয়তই উন্মুক্ত রহিয়াছে । কতকগুলি দুর্বল প্রাণী প্রবল শত্রুর হস্তে জীবন বিসর্জন করে ; কতকগুলি আবার আকস্মিক প্রাকৃতিক উৎপাতে মরিয়া যায় । সন্তান প্রসব করিয়া প্রসূতি নিজের সন্তানদিগকে নিজেই ভক্ষণ করিতেছে, এ প্রকার দৃষ্টান্তও কীট পতঙ্গদিগের মধ্যে বিরল নহে । কিন্তু আশ্চর্যের বিষয়, এই প্রকারে দলে দলে জীবন বিসর্জন দেওয়া সত্ত্বেও কোনও

প্রাণীর বংশ লোপ হয় না। বংশ রক্ষার জন্ত এই সবল প্রাণীদিগকে চেষ্টাও করিতে হয় না, প্রাকৃতিক স্বেচছিত্যেই দুর্বল প্রাণীদিগের বংশ অক্ষুণ্ণ থাকে। যাহারা নিঃসহায় তাহারা স্বভাবতঃই এত অধিক সন্তান প্রসব করে যে, আকস্মিক উৎপাতে ও বলশালী শত্রুর উপদ্রবে বহু সন্তানের বিনাশ হইলেও যাহা অবশিষ্ট থাকে, তাহা বংশ রক্ষার পক্ষে প্রচুর হয়। রাত্রিতে আলো জ্বালিলে যে এক প্রকার সবুজ রঙের ক্ষুদ্র পতঙ্গ প্রদীপের চারিদিকে ঘুরিয়া বেড়ায়, পাঠক অবশ্যই তাহা দেখিয়াছেন। ইহাদের শত্রু অনেক,—নানা জাতীয় পক্ষী ইহাদিগকে খুঁজিয়া বাহির করিয়া ভক্ষণ করে; ইহা ছাড়া পীপিলিকা ভেক ইত্যাদি প্রাণিগণও এই গুলিকে নিকটে পাইলে বিনষ্ট করে। প্রসিদ্ধ বৈজ্ঞানিক হক্সলি সাহেব হিসাব করিয়া বলিয়াছিলেন, এই শ্রেণীর ক্ষুদ্র পতঙ্গগুলি হইতে এত অধিক সন্তান জন্ম গ্রহণ করে যে, একটি মাত্র পতঙ্গের সন্তান সন্ততি তিন মাসের মধ্যে পৃথিবীর জন সংখ্যার প্রায় অর্ধেক হইয়া দাঁড়ায়। সুতরাং দেখা যাইতেছে, এই ক্ষুদ্র প্রাণীদের জন্মের হার যেমন অধিক মৃত্যুর হারও ঠিক তদনুরূপ অধিক, এই ব্যবস্থায় জন্মমৃত্যু সমান তালে চলে বলিয়া, এই শ্রেণীর প্রাণীদিগের বংশ লোপ ঘটে না। কেবল ক্ষুদ্র পতঙ্গগণই যে, অধিক সন্তান প্রসব করে, তাহা নহে। যে প্রাণীর মৃত্যুর হার অধিক, তাহাদের জন্মের হারও স্বাভাবিক নিয়মে আপনা হইতেই অধিক হইয়া দাঁড়ায়। শশক অতি নীরহ প্রাণী, মাংসাশী প্রাণিমাত্রেরই ইহারা ভক্ষ্য। এই কারণে ইহাদের মধ্যে মৃত্যুর হার অত্যন্ত অধিক। বংশ অব্যাহত রাখিবার জন্ত ইহাদের জন্মের হারও অত্যন্ত অধিক হইয়া দাঁড়াইয়াছে। শশক মাত্রেই প্রতি বৎসরে চারিবার শাবক প্রসব করে এবং প্রত্যেক বারে পাঁচ ছয়টি করিয়া শাবক জন্মগ্রহণ করে। পক্ষান্তরে যে সকল প্রাণী নিজের দৈহিক বল বা বুদ্ধির সাহায্যে আত্মরক্ষা করিতে পারে, তাহাদের মধ্যে আকস্মিক মৃত্যু অতি অল্পই দেখা যায়। কাজেই ইহাদের যে সকল সন্তান জন্মে, সেগুলি প্রায়ই দীর্ঘ জীবন লভে করিয়া বংশের ধারা অক্ষুণ্ণ রাখিতে পারে। এই কারণে ইহাদের সন্তানের সংখ্যাও অল্প হয়। মানুষ বুদ্ধিমান প্রাণী; বুদ্ধি প্রয়োগ করিয়া শত্রুর আক্রমণ নিবারণ করিতে পারে। মানুষের সন্তান ইতর প্রাণীদিগের তুলনায় অনেক কম হয়। হস্তী বুদ্ধিমান ও বলশালী প্রাণী; এই কারণে

ইহাদের শত্রুও স্ত্রী। হস্তিনী দশ বৎসর অন্তরে এক একটি শাবক প্রসব করে।

পক্ষীজাতির সহিত আমরা সকলেই অল্পাধিক পরিচিত আছি। কিন্তু প্রকৃতিতে ঐক্য রক্ষার জন্য ইহারা যে কিছু করে, তাহা আমাদের হঠাৎ মনেই হয় না। জীবতত্ত্ববিদগণ পক্ষীর কার্য্য সম্বন্ধে যে সকল কথা বলিয়া থাকেন, তাহা উল্লেখযোগ্য। ইহারা বলেন, উদ্ভিজ্জভোজী কীটপতঙ্গ এবং মুষিক প্রভৃতি ক্ষুদ্র প্রাণিগণ যে প্রকার দ্রুত সন্তান প্রসব করে, তাহাতে অল্পকালের মধ্যে সমস্ত পৃথিবী ঐ সকল ক্ষুদ্র প্রাণীতে আচ্ছন্ন হইয়া যাইবারই সম্ভাবনা দেখা যায়। বহু মুষিক ও কোটী কোটী পতঙ্গাদি ভক্ষণ করিয়া পক্ষিগণই উহাদের সংখ্যা কমাইয়া রাখে। ইহাতেই ভূপৃষ্ঠের তৃণপত্রাদি অব্যাহত থাকিয়া প্রকৃতির সৌন্দর্য্য বৃদ্ধি করে। জনৈক জীবতত্ত্ববিদ হিসাব করিয়া বলিয়াছিলেন, আজ যদি পৃথিবী হইতে পক্ষিজাতি লোপ পাইয়া যায়, তবে ছয় বৎসর পরে সমগ্র ভূতল খুঁজিয়া একটি উদ্ভিদেরও সন্ধান পাওয়া যাইবে না ;— পতঙ্গের উপদ্রবে সমগ্র বৃক্ষলতা গুল্ম বিনষ্ট হইয়া যাইবে।

পক্ষীগণ সাধারণতঃ কীটপতঙ্গ নষ্ট করিয়া উদ্ভিদের উপকার করে সত্য, কিন্তু তাহাদেরই মধ্যে কতকগুলি শস্যাদি ভক্ষণ করিয়া সংসারের যে ক্ষতি করে, তাহা অস্বীকার করা যায় না। এই সামান্য ক্ষতির জন্য উক্ত পক্ষীদিগকে প্রকৃতির বিদ্রোহীদের দলে ফেলিলে অবিচার করা হয়। কৃষক বহুশ্রমে ক্ষেত্রে যে শস্য উৎপাদন করে, রাজার আইনে তাহাতে উহার ষোল আনা অধিকার থাকিলেও, প্রকৃতির বিধান অনুসারে সমগ্র শস্য একক ক্ষেত্র স্বামীরই প্রাপ্য হয় না। এই বিশাল বসুন্ধরার অসংখ্য বৃক্ষলতাতৃণাদি যে কল প্রদান করে, তাহাতে প্রকৃতির সকল সন্তানেরই তুল্য অধিকার আছে। মানুষ স্বার্থপর ; এইজন্য প্রকৃতির সকল নিয়মই নিজের মুখস্বাচ্ছন্দ্যের জন্য বিধিবদ্ধ হইয়াছে বলিয়া মনে করে।

গো মেঘ মহিষাদি প্রাণীদিগকে পালন করিয়া আমরা যখন সংসার পাতিয়া লই, তখন মনে হয় বুঝি এই সকল প্রাণীদের অভাবে আমাদের সংসারযাত্রা নির্বাহ করা অসম্ভব। বলা বাহুল্য ইহা একটি প্রকাণ্ড মিথ্যা ধারণা। মানুষ উন্নত বুদ্ধির অধিকারী হইয়া নিজেকে এবং নিজের সমাজকে এমন কৃত্রিম

আবরণে আবৃত রাখিরাছে যে, প্রকৃতি হইতে তাহার যাহা প্রাপ্য তাহা অপেক্ষা অনেক অধিক সে দাবী করে। কিন্তু প্রকৃতির দানে পক্ষপাত নাই, যাহার যাহা প্রাপ্য তাহা অপেক্ষা একটুও অধিক কেহই প্রকৃতির নিকট হইতে পায় না। কাজেই কৃত্রিম অভাব পূরণ করিবার জন্ত মানুষ বুদ্ধিবলে অনেক ইতর প্রাণীর স্বাধীনতা হরণ করে এবং ইহাতে তাহাদের অবস্থা এ প্রকার হইয়া দাঁড়ায় যে, মানুষের সাহায্য ব্যতীত তাহাদের জীবন ধারণ অসম্ভব হইয়া পড়ে। বুদ্ধিমান মানুষ প্রকৃতির বিদ্রোহী হইয়া জীবন ধারণের উপায়গুলিকে কৃত্রিম করিয়া ফেলিরাছে বলিয়াই তাহাদের এত অভাব এবং এত অভিযোগ। আমরা যেমন গো-মহিষাদির সাহায্যে জীবনযাত্রা নির্বাহ করি, উদ্ভিদ ও ইতর প্রাণীরাও জীবন ধারণের জন্ত সেই প্রকার পরস্পরের সাহায্য গ্রহণ করে। কিন্তু ইহাদের মধ্যে কেহই মানুষের তায় বুদ্ধিমান জীব নয়, কাজেই তাহারা ই প্রাকৃতিক নিয়মভঙ্গ করে না, প্রকৃতির নির্দেশানুসারে জড়বৎ চলিয়াই পরস্পরের সাহায্য করে। সৃষ্টির ধারা অক্ষুন্ন রাখিবার জন্ত প্রকৃতি যে কৌশলে প্রাণী ও উদ্ভিদাদিগকে পরস্পরের সাহায্যে নিযুক্ত করেন, তাহা বড়ই আশ্চর্য-জনক। পাঠক অবশ্যই জানেন, পুষ্পের পুংকেশরের পরাগ গর্ভকেশরে আসিয়া না পড়িলে, পুষ্প হইতে ফল হয় না। পুংকেশর ও গর্ভকেশর কতকগুলি উদ্ভিদের পুষ্পে একত্র থাকে, কিন্তু আমাদের পরিচিত অধিকাংশ উদ্ভিদেরই পুংপুষ্প ও স্ত্রীপুষ্প পৃথক হইতে দেখা যায়। লাউ ও কুমড়া প্রভৃতি উদ্ভিদ ইহার প্রকৃষ্ট উদাহরণ। এ গুলিতে কতক পুষ্প গর্ভকেশর লইয়া এবং কতক কেবল পুংকেশর লইয়া প্রস্ফুটিত হয়। কাজেই পুংপুষ্পের পরাগ স্ত্রীপুষ্পের কেশরে আসিয়া না ঠেকিলে ফল জন্মে না; ইহাতে এই শ্রেণীর উদ্ভিদের বংশলোপের সম্ভাবনা দেখা দেয়। কিন্তু কোন জীবের বংশ লোপ করা প্রকৃতির বিধান নয়, স্বয়ং প্রকৃতিই মধুমক্ষিকা প্রভৃতি নানা জাতীয় পতঙ্গের সাহায্যে পুংপুষ্পের পরাগ স্ত্রীপুষ্পে যোজনা করিয়া থাকেন। পতঙ্গেরা মধুপানের জন্ত যখন পুংপুষ্পের উপরে বসে, তখন এই পরাগ কণা তাহাদের দস্তক পদে এবং সর্বদেহে সংলগ্ন হইয়া যায়। পরে এই পতঙ্গগুলি যখন স্ত্রীপুষ্প হইতে মধু সংগ্রহের চেষ্টা করে, তখন সেই পরাগকণিকা গুলিই স্ত্রীপুষ্পের গর্ভকেশরে সংযুক্ত হইয়া পুষ্পের গর্ভাধান করে। নিঃসহায়

উদ্ভিদদিগের বংশ-রক্ষার এ প্রকার সুব্যবস্থার কথা শুনিলে প্রকৃতিই
বিস্মিত হইতে হয়।

উদ্ভিদের ফল পাকিলে তাহা ভূতলে পতিত হয় এবং মৃত্তিকা সরস ও উর্বর
হইলে হয় ত সেই সকল ফলের বীজ বৃক্ষতলেই অঙ্কুরিত হয়। কিন্তু একই
স্থানে বহু বীজ একত্র অঙ্কুরিত হইলে কোন অঙ্কুরই বৃক্ষে পরিণত হয় না; যে
সকল বীজ পরস্পর দূরে দূরে থাকিয়া অঙ্কুরিত হয়, সেইগুলিই ভবিষ্যতে বৃদ্ধি
প্রাপ্ত হয়। নিজের বীজগুলিকে বহুদূরে নিক্ষেপ করিয়া বংশরক্ষা করার শক্তি
উদ্ভিদের নাই, কাজেই অশুক স্থানে যথাযোগ্যভাবে বীজ নিক্ষেপ হওয়ার
অভাবে উদ্ভিদদিগের বংশলোপের সম্ভাবনা থাকে। প্রকৃতির কৌশলে কতক-
গুলি উদ্ভিদের বংশ কি প্রকারে অক্ষয় থাকে, তাহা উল্লেখযোগ্য।

ফল পাকিতে আরম্ভ করিলেই বহু ফলভোজী পক্ষী বৃক্ষে আসিয়া উপস্থিত
হয়, এবং তাহাদের মধ্যে অনেকেই এক একটি সুপক্ক ফল ঠোঁটে করিয়া দূরে
লইয়া গিয়া ফেলে। এই গুলির বীজই উপযুক্ত মৃত্তিকায় পড়িলে সহজে
অঙ্কুরিত হয়, এবং শেষে সেই অঙ্কুরগুলিই বৃক্ষে পরিণত হয়। আমাদের দেশের
বট ও অশ্বখ নিম্ন প্রভৃতি উদ্ভিদগণ এই প্রকারেই বংশ বিস্তার লাভ করে। কাঠ-
বিড়াল এবং মূষিক জাতীয় প্রাণীরাও কখন কখন এই কার্যের সহায়তা করে।
ইহারা বৃক্ষ হইতে সুপক্ক ফল সংগ্রহ করিয়া ভবিষ্যতের ব্যবহারের জন্ত সে
গুলিকে মৃত্তিকাতলে লুকায়িত রাখে। কিন্তু ইতর প্রাণীর স্মৃতিশক্তি প্রবল
নয়, এই কারণে তাহারা কোথায় ফল লুকায়িয়া রাখিয়াছে, তাহা ভুলিয়া
যায়। শেষে মৃত্তিকা-আচ্ছাদিত এই সকল ফলের বীজ অঙ্কুরিত হইলে বৃক্ষে
পরিণত হয়। জলচর পক্ষীরা যে, জলজ উদ্ভিদ এবং প্রাণীর বংশ বিস্তারে
সাহায্য করে, জীবতত্ত্ববিদগণ তাহা প্রত্যক্ষ দেখিয়াছেন। কোন জলাশয়ে
বিচরণ করিয়া এই সকল পক্ষী যখন অপর জলাশয়ে গিয়া উপস্থিত হয়, তখন
তাহাদের পায়ে এবং ঠোঁটে জলজ উদ্ভিদদিগের ক্ষুদ্র বীজ সংলগ্ন থাকে। এই
সকল বীজ নূতন জলাশয়ে আশ্রয় পাইয়া অঙ্কুরিত হয়, এবং তাহাতে ঐ সকল
উদ্ভিদের বংশ বিস্তার লাভ করে। জলচর পক্ষীরা এই প্রকারে জলজ ক্ষুদ্র
প্রাণীদিগেরও ডিম্ব নূতন নূতন জলাশয়ে বহন করিয়া লইয়া যায়। জনৈক
জীবতত্ত্ববিদ বক জাতীয় পক্ষীর পদে লিপ্ত কর্দম পরীক্ষা করিয়া তাহাতে প্রায়

ত্রিশ প্রকার উদ্ভিদ ও প্রাণীর-বীজ এবং উদ্ভিদ আবিষ্কার করিয়াছিলেন । সুতরাং বুঝা যাইতেছে,—জলজ জীবের বিস্তৃতি এবং বংশ রক্ষার জন্যও পক্ষীরা যথেষ্ট সাহায্য করে ।

পিপীলিকার মত ক্ষুদ্র প্রাণী যে, সংসারের কোনও উপকারে আসিতে পারে, তাহা হঠাৎ আমাদের মনে হয় না । কিন্তু জীবতত্ত্ববিদ পণ্ডিতগণ পর্য্যবেক্ষণ করিয়া দেখিয়াছেন, এই প্রাণীগণ নানা প্রকার তৃণ জাতীয় উদ্ভিদের বংশ রক্ষার বিশেষ সাহায্য করে । আকারে ক্ষুদ্র হইলেও, পিপীলিকাগণ বৃহৎ প্রাণীদিগের তুলনার অনেক অধিক বুদ্ধিমান, ইহাদের সমাজ আছে এবং সেই সমাজেরই মঙ্গল বিধানের জন্য দিবারাত্রি পরিশ্রম করে । জীবতত্ত্ববিদগণ লক্ষ্য করিয়াছেন, পিপীলিকারা যখন নানা জাতীয় ঘাসের বীজ এবং শস্যাদির দানা মুখে করিয়া তাহাদের দূরবর্তী গর্ভের দিকে চলিতে আরম্ভ করে, তখন সকল বীজ ও শস্য তাহাদের ভাঙারে গিয়া স্থান পায় না ; পথের মধ্যে যে গুলি ঘটনাক্রমে তাহাদের মুখ হইতে স্থলিত হয়, তাহা পথেই পড়িয়া থাকে । জীবতত্ত্ববিদগণ বলেন, এই প্রকারে তৃণের বীজ ও শস্যাদি দূরান্তরে ছড়াইয়া পড়িয়া ঐ সকল উদ্ভিদের বংশ বিস্তার করে ।

প্রকৃতির নির্দেশে প্রাণী ও উদ্ভিদ পরস্পরকে সাহায্য করিয়া কি প্রকারে পরস্পরের বংশের ধারা অক্ষুণ্ণ রাখে, আমরা তাহার কিঞ্চিৎ পরিচয় প্রদান করিলাম । এক জাতীয় প্রাণী অপর আর এক জাতীয় প্রাণীকে সাহায্য করিয়া প্রকৃতিতে ঐক্য রক্ষা করিতেছে, এ প্রকার উদাহরণও জীব-বিজ্ঞানে অনেক পাওয়া যায় । জলাশয়ে যে সকল গুলি অর্থাৎ বিহুক জন্মে, তাহাদের জীব-নেতিহাসে এই ব্যাপারটির পরিচয় গ্রহণ করা যাইতে পারে । বিহুক তাহাদের ক্ষুদ্র ক্ষুদ্র বহু সন্তানকে মৎস্যের মত নিশ্চয়ভাবে জলে ছাড়িয়া দেয় না ; শাবক-গুলিকে তাহারা কিছুদিন নিজেদের কান্কার, (Gill-plate) গোড়ায় রাখিয়া পালন করে । তার পরে বিশেষ বিশেষ কয়েক জাতীয় মৎস্য নিকটবর্তী হইলে বিহুকেরা তাহাদের শাবক গুলিকে জলে ছাড়িয়া দিতে আরম্ভ করে । ছাড়া পাইলে সে গুলি নিকটস্থ মৎস্যের দেহে সংলগ্ন হইয়া যায় । এই প্রকারে বিহুক শাবকগুলি দীর্ঘকাল মৎস্যের দেহে লিপ্ত থাকিয়া কাটাইয়া দেয় এবং সঙ্গে সঙ্গে বয়োবৃদ্ধির সহিত নিজেদের দেহগুলিকে পরিণত করিতে থাকে । পূর্ণাবয়ব

প্রাপ্ত হইলে ঝিনুক শাবকেরা আর মৎস্যের দেহে থাকিতে চায় না ; তখন তাহারা সেখান হইতে একে একে স্থলিত হইয়া জলাশয়ের পক্ষে আশ্রয় গ্রহণ করে । সুতরাং দেখা যাইতেছে, ঝিনুক শাবকগুলি ঝিনুকের গর্ভে জন্ম গ্রহণ করে মাত্র ; তাহাদের পালনের ভার মৎস্যদিগকে গ্রহণ করিতে হয় । বলা বাহুল্য, ঝিনুক স্বেচ্ছায় নিজের সন্তানদিগের পালন ভার মৎস্যের উপরে সমর্পণ করে না, এবং মৎস্যও দয়াদ্রচিত হইয়া নিজের দেহে অপরের সন্তানকে আশ্রয় দেয় না । নিঃসহায় ঝিনুক শাবক গুলিকে পালন করার ইহাই প্রাকৃতিক বিধান,—এই কারণেই স্বাভাবিক সংস্কার দ্বারা চালিত হইয়া ঝিনুক তাহাদের শাবকগুলির পালন ভার মৎস্যদিগের উপরে দিয়া মিশ্চিত্ত হয় ।

সহযোগিতার সাহায্যে আমরা সংসারের অনেক কাজ করি । আমি বিদ্যালয়ে ছাত্রদিগকে বিদ্যাদান করি, ছাত্রের অভিভাবকেরা ইহার বিনিময়ে কিছু অর্থ দান করেন ; ইহাতে আমার গ্রাসাচ্ছাদনের সুব্যবস্থা হয় । এই প্রকারে একের অভাব অপরের পূরণ করে এবং শেষে দেখা যায় উভয়েই লাভবান হইয়াছে । খঞ্জ যখন অন্ধের স্কন্ধে চাপিয়া রাজবাটিতে ভিক্ষার জন্ত যায়, তখনও তাহাদের মধ্যে ঐ প্রকার সহযোগিতা দেখা যায় । কারণ ভিক্ষালব্ধ ধন উভয়ে ভাগ করিয়া লয় এবং তাহাতে উভয়েই লাভবান হয় । ইতর জীবের মধ্যে এই প্রকার সহযোগিতা জীবতত্ত্ববিদগণ আবিষ্কার করিয়াছেন । বলা বাহুল্য আমরা যেমন স্বার্থ-সিদ্ধির কথা মনে করিয়া বুদ্ধিপ্রয়োগে অপরের সহিত সন্ধক পাতাই ; ইতর জীবেরা তাহা করে না । দুইটি অসম্পূর্ণ জীবকে পরস্পরের সহিত সন্ধক সূত্রে আবদ্ধ করিয়া প্রকৃতিই তাহাদিগকে বাঁচাইয়া রাখেন । জীবতত্ত্ববিদগণ ব্যাপারটিকে Symboisis বলেন,—আমরা তাহাকে সহযোগিতা বলিলাম । উদ্ভিদ এবং ক্ষুদ্র প্রাণীদিগের জীবন হইতে ইহার অনেক উদাহরণ সংগ্রহ করা যায় ।

শৈবাল ও ব্যাঙের ছাতা উভয় উদ্ভিদ ; কিন্তু একজাতীয় উদ্ভিদ নয় । শৈবাল (Algae) অসম্পূর্ণ এক কোষময় জীব । বহু জলে বে হরিদ্বর্ণের সর পড়ে, তাহাই ঐ এক কোষময় উদ্ভিদের সমষ্টি । ইহাদের মূল নাই ; বহু জলে আকস্মিক পদার্থ মিশ্রিত থাকে, তাহাই উহারা দেহস্থ করিয়া জীবিত থাকে । অপর খাদ্য তাহারা দেহের হরিদ কণার (Chlorophyl) সাহায্যে প্রস্তুত

করিয়া লয় । ব্যাঙ্গের ছাতা উদ্ভিদ শ্রেণীভুক্ত হইলেও অপুষ্পক । ইহাদের মূল আছে,—আকরিক পদার্থ হইরা মূলের সাহায্যে মৃত্তিকা হইতে গ্রহণ করিয়া দেহস্থ করে । কিন্তু দেহে হরিদকণা না থাকায়, তাহারা অপর প্রয়োজনীয় খাদ্য নিজ দেহে প্রস্তুত করিতে পারে না । এই জন্তই যেখানে লতাপাতা বা গোমরাদি পচিতে থাকে, সেখানে ব্যাঙ্গের ছাতা জন্মে । সুতরাং দেখা যাইতেছে, শৈবাল ও ব্যাঙ্গের ছাতা উভয়েই এক একটি অভাব লইয়া জন্ম গ্রহণ করে এবং একের অভাব অপরটিতে পূর্ণ মাত্রায় বিদ্যমান থাকে । জীবতত্ত্ববিদগণ দেখিয়াছেন, প্রায়ই ব্যাঙ্গের ছাতা এবং শৈবাল জাতীয় উদ্ভিদ একই স্থানে একত্র অবস্থান করে দেহের হরিদকণার সাহায্যে বায়ুর অঙ্গারক বাষ্প টানিয়া শৈবাল যে খাদ্য নিজ দেহে প্রস্তুত করে, তাহার সমগ্র অংশ সে নিজে ভক্ষণ করে না ; একটা ভাগ সে ব্যাঙ্গের ছাতাকে দিতে থাকে । ব্যাঙ্গের এই অযাচিত দান পাইয়া নিশ্চিন্ত থাকে না । সে নিজের মূলে সাহায্যে মৃত্তিকার আকরিক পদার্থ শোষণ করিয়া যে খাদ্য প্রস্তুত করে, তাহার একটা ভাগ শৈবালকে দান করিতে থাকে । এই ব্যবস্থার কাহারও খাদ্যের অভাব হয় না । প্রত্যেকে অপরের অভাব মোচন করিয়া পরিপূর্ণ হইতে আরম্ভ করে । বৃক্ষের ত্বকে পুরাতন প্রাচীরের গায়ে যে সাদা ও সবুজ রঙ্গ মিশান ছাতা দেখা যায়, তাহা শৈবাল ও ক্ষুদ্র জাতীয় ব্যাঙ্গের ছাতারই এক একটি উপনিবেশ । প্রকৃতির নির্দেশে পরস্পরকে পূর্বোক্ত প্রকারে সাহায্য করিয়াই উহারা জীবন ধারণ করে ।

মটর কড়াই শিম প্রভৃতি উদ্ভিদের জীবনেও সহযোগিতার পরিচয় পাওয়া যায় । এই অবস্থায় এক প্রকার জীবাণু (Bacillus) উহাদের মূলে আশ্রয় গ্রহণ করিয়া নাইট্রোজেনের অভাব পূরণ করিতে থাকে । বায়ু হইতে নাইট্রোজেন সংগ্রহের এক অদ্ভুত ক্ষমতা এই জীবাণুগুলিকে দেখা যায় । কাজেই এই অতিথিদিগকে আশ্রয় দিয়া উদ্ভিদগণ বিশেষ লাভবান হয় এবং সঙ্গে সঙ্গে নিজেদের দেহস্থিত অঙ্গার ও হাইড্রোজেন—যাটত অনেক সুখান্ড জীবাণুদিগকে দান করিতে আরম্ভ করে । এই আদান প্রদানে উদ্ভিদ ও জীবাণু উভয়েই লাভবান হয় । . .

ইউরোপীয় সাহিত্যে দুঃখবাদ ও বঙ্গ সাহিত্যে তাহার প্রভাব।

“Werther infusing itself into the core and whole spirit of literature, gave birth to a race of sentimentalists, who have raged and wailed in every part of the world till better light dawned on them or at least exhausted nature laid itself to sleep, and it was discovered that lamenting was an unproductive labour,”—Carlyle.

যে দিন ইউরোপে Wertherএর জন্ম হইল, সেই দিন হইতে ইউরোপে সাহিত্যেরও এক নবীন ধারা প্রবাহিত হইল। এই সাহিত্যের মূলমন্ত্র,—‘জীবন ভোগ একটা বিড়ম্বনা’। এখানে সুখ স্বাচ্ছন্দ্য অপেক্ষা দুঃখহৃদশার ভাগই বেশী। আর এই জীবনভোগের পর কি আছে তাহা অনন্ত সংশয়াচ্ছন্ন। কিছুই আমরা সত্য ও ঐশ্বর্যবলিয়া ধরিতে পারি না। এই কথাই নানা ভাবে, নানা আকারে এই সাহিত্যের ভিতর প্রতিক্ষণিত হইতেছে। কথাটা কিছু নূতন নয়। কিন্তু ইউরোপ এই ভাবের উপর যে সাহিত্য প্রতিষ্ঠিত করিল তাহাতে একটু নূতনত্ব আছে। যখন দুঃখ অমঙ্গলই জীবনে বেশী তখন তাহাকে ভুলিবার জন্ত, চাপা দিবার জন্ত, তাহার কোন অনুষ্ঠানের কথা ভুলিল না। তাহার দুঃখকে এক রকম বরণ করিয়া লইল। অমঙ্গলের বড়াই করিতে শিখিল। অবশ্য জীবনে সুখের আশা নাই বা সুখ নাই, এ কথা এ সাহিত্য বলিতেছে না। তবে তাহার পরিমাণ এত অল্প ও তাহা এত ক্ষণিক যে তাহা প্রকৃত ভোগের বস্তু না হইয়া কেবল বিড়ম্বনার কারণ হইয়া উঠে। নিরবচ্ছিন্ন অন্ধকার অপেক্ষা ক্ষণিক বিদ্যুদ্দীপ্তি অধিকতর সঙ্কটজনক। ইহার ফল ইংলণ্ডে Byron, ফ্রান্সে Chateaubriand ইতালীয় সাহিত্যে Leopardi, রুসিয়ার সাহিত্য, বলিতে গেলে, Byronism এর উদ্ভেজনাতেই প্রথম প্রাণলাভ করে। Poushkin Byron এর মস্ত শিষ্য।

ইউরোপে এই ভাব প্রথমে Wertherism, পরে Byronism ও শেষে Pessimism নামে পরিচিত হইয়াছে। দর্শনশাস্ত্রের Pessimism সাহিত্যের এই pessimism হইতে একটু স্বতন্ত্র পদার্থ। 'নৈরাশ্র বাদ' বলিলে ইহা ঠিক বুঝান হয় না। ইহাতে শুধু কান্না নাই, হাঁসিও আছে, সব তুচ্ছ করা বিশেষতঃ মানুষের উচ্চতর নৈবৃত্তি, স্নেহ, প্রেম, দয়া ভালবাসা প্রভৃতিকে খাটো-করা হান্কা-করা হাসি। ইহার একটা লক্ষণ—'দুঃখকে লইয়া, অমঙ্গলকে লইয়া বড় করা। নিজের অন্তর ক্ষত দেখাইয়া লোকের কাছে গর্ব করা এবং তাহার জোরে প্রোখা বা বিশেষত্ব লাভ করিবার চেষ্টা। Intellectual বা মননশীল ইউরোপীয়গণ সকল বিষয়ে বিশ্বাস হারাইয়া শেষে নিজ নিজ ব্যক্তিত্ব লইয়া পড়িল এবং অন্ত সব তুচ্ছ করিতে শিখিল। তখন প্রত্যেকের বোধ হইতে লাগিল যেন জগতের সব বস্তু তাহাকেই আঘাত করিতেছে, সংসারের সকল অমঙ্গল তাহারই পিছনে ছুটিয়াছে। নিজেকে ভিন্ন যে আর কাহাকেও জানে না, তাহার কাছে ইহা স্বাভাবিক। সেই জন্ত ইউরোপীয় মন তখনকার সাহিত্যে নিজের যে চিত্র প্রতিকলিত করিল তাহাতে মনে হয় যেন জীবনের বহু স্মরণ্য দুঃখ দুর্দশায় নষ্ট হইয়া যাইতেছে, হৃদয়ের ও মনের অনেক শক্তি দুঃখের ও অমঙ্গলের পেষনে বৃথা নষ্ট হইয়া যাইতেছে। এই ভাব হইতে ইউরোপীয় Realistic বা বাস্তব সাহিত্যের উৎপত্তি। কারণ Pessimism হইতে realism ও Optimism হইতে Idealism উদ্ভূত হওয়া স্বতঃসিদ্ধ।

সকলেই জানেন জার্মান কবি Goethe প্রথম বয়সের চাকল্যবশে এই Werther-এর গল্প লেখেন। তিনি তাঁহার যুবা নায়ককে ইউরোপ সুলভ প্রেমের নৈরাশ্র ডুর্ভাইয়া, কর্মহীনতার অন্ধ তামসের মধ্যে কিছুকাল ঘুরাইয়া শেষে আত্ম-হত্যার পথে জীবনের দুর্ভিক্ষ কারণভোগ হইতে বাহির করিয়া দিলেন। পরিণত বয়সে Goethe এই Werther কে ইউরোপের অধিকতর উপযোগী করিয়া এবং সমস্ত জন সমাজের এক নিত্য অংশের প্রতিবিম্ব নূতন ছাঁচে ঢালিয়া Mephistopheles চরিত্র গঠন করিয়াছিলেন। কিন্তু সাহিত্যে অল্পতর ক্ষমতামালী লেখকগণ এই Werther কে 'ছাড়াইয়া উঠিতে পারিল না। Goethe অসাধারণ ক্ষমতা শালী ছিলেন। তিনি ইউরোপের মন ঠিক ধরিয়াছিলেন। Goethe র মত সমস্ত ইউরোপ তখন এক নব অভ্যুদয়ের চাকল্যে

পৌষ, মাঘ, ১৩২৩।] ইউরোপীয় সাহিত্য ও বঙ্গ সাহিত্য । ৪০৯

আলোড়িত । ইউরোপ তখন ধর্মপ্রধান ও কর্মপ্রধান যুগ পার হইয়া চিন্তা প্রধান যুগে পদার্পন করিতেছে । চিন্তা প্রধান যুগে মানুষ তর্ক করে, অতীত-পেক্ষী বা Retrospective হয়, যাহা হইয়া গিয়াছে তাহারই সূত্র ধরিয়া অনেক নাড়াচাড়া কবে, সমালোচনা করে, প্রায়ই সকল বিষয়ে সংশয় কাটাঠিয়া উঠিতে পারে না, কিন্তু যাহা করে তাহা অত্যন্ত হঠকারিতার সহিতই সম্পন্ন করে । Goethe এ যুগের একজন আদর্শ কবি । তাই সেই প্রথম বয়সের চাকল্য প্রসূত Werther এর সুর তখনকার ইউরোপীয় জনচিত্তে ও জনচিন্তামুসারক সাহিত্যে বেশ জন্মিয়া গেল । ইউরোপে, Werther-বাদ আরম্ভ হইল । সেই দিন হইতে Byron এর আবির্ভাব এবং ইতালীয় কবি Leopardi র নিরাশ সঙ্গীত গুলির জন্ম কেবল সময়ের অপেক্ষা করিতেছিল । অষ্টাদশ শতাব্দীর সংশয়বাদ ও Sentimentalism অযথাভাবুকতার মিশিয়া সাহিত্যে Pessimism এর সৃষ্টি করিল ।

এরূপ হইবার যে কারণ ছিল না, তাহাও নয় । কারণ যথেষ্টই ছিল । ইহার কারণ হইতেছে, শিক্ষা ও সমাজের অসামঞ্জস্য । ইহা খৃষ্টীয় ষোড়শ শতাব্দীর প্রথম ভাগ হইতেই আরম্ভ হইয়াছিল । বিশ্বতপ্রায় প্রাচীন গ্রীক সাহিত্য ফিরাইয়া পাইয়া ইউরোপ দেখিতে দেখিতে জাগিয়া উঠিল এবং আপনাকে শিক্ষিত কবিত্তে যত্ববান হইল । কিন্তু ষোড়শ শতাব্দী এক মহা ধর্ম দ্বন্দ্বের যুগ । যখনই ভিন্ন ভিন্ন ধর্মের মধ্যে দ্বন্দ্ব হয় তখনই বুঝিতে হইবে যে উভয়ের অন্তরে গলদ আছে । সেই গলদের নামান্তর ভণ্ডামী । প্রাচীন রোমক গ্রীসীয় সাহিত্যের পুনরাবিষ্কারে ইউরোপের মস্তিষ্ক যখন নবভাবে উদ্বুদ্ধ হইয়া, স্বাধীন ভাবে চিন্তা করিয়া সকল জিনিষই যাচাই করিতে লাগিল তখন এই ধর্ম দ্বন্দ্বের অন্তর্নিহিত ভণ্ডামি ধরিয়া ফেলিতে তাহার দেরি হইল না । কিন্তু অধিকাংশ নব্য শিক্ষিতেরা দেখিল যে সে ভণ্ডামী ভাঙিতে গেলে সমস্ত সমাজকে ভাঙিয়া গড়িতে হইবে । সুতরাং সমাজ ধর্মকে আপন পথে যাইতে দিয়া তাহারা নূতন নূতন কাব্য ও শিল্প কলার সৌন্দর্যের আশ্বাদনে ব্যাপ্ত রহিল । তাহারা যখন গ্রীক সাহিত্য রসের আশ্বাদনে Pagan, বাহিরে তখন Catholic ধর্মের সমাজবন্ধন । কাজেই শিক্ষা ও সমাজের সামঞ্জস্য রহিল না । ফলে সমাজধর্মের অপেক্ষা না থাকায়

সংঘম লুপ্ত হইল। এ যুগের অনেক শিল্পী ও সাহিত্যিকের জীবন এই সংঘম হীনতার চূড়ান্ত নিদর্শন। যাহারা Catholic সমাজের গণ্ডী ছাড়াইল তাহারাও সেই চেষ্টার উত্তেজনার সংঘম হারাইল। লোকে সংঘম হারাইয়া শান্তি হারাইল। সেই অশান্তির তাড়নায় তাহারা জীবন দেবতাকে দেখিতে না পাইয়া চারিদিকেই বিকট বিভীষিকা দেখিতে লাগিল। তখনও প্রতিভাশালী ব্যক্তিগণের কল্পনা সৌন্দর্য্য ও রস সৃষ্টি করিতে লাগিল বটে কিন্তু Grotesque বা উদ্ভট ভাবে। জীবন ও সৌন্দর্য্যকে সম্পূর্ণ আয়ত্ব করিয়া নহে! জীবনের পূর্ণতা লক্ষ্যের অতীত হইয়া গেল। সাহিত্য খণ্ড বিছিন্ন ভাব ধারণ করিল। চারিদিক হইতে সাহিত্যে কেবল নিষ্ফলতা, চাঞ্চল্য ও দুঃখের ক্রন্দন উঠিতে লাগিল। ইহার মধ্যে জীবনের চাঞ্চল্যও ছিল, কিন্তু বেশী ছিল আপনাকে না জানার চাঞ্চল্য।

সাহিত্যে দুঃখের কথা চিরকালই আছে। এই দুঃখবাদ সাহিত্যে Traedy বা ককরণ রসের গীতিকাব্যাদির ভিতর দিয়া প্রকাশিত হয়। সংস্কৃত সাহিত্যে Tragedy নাই। আলঙ্কারিকগণ তাহা পরিহার করিয়াছেন। কিন্তু Tragedyর উপকরণ সমস্তই আছে। কারণ দুঃখই ককরণ রসের অবলম্বন, আর সংস্কৃত কাব্য নাটকাদিতে ককরণ রসের অভাব নাই, কিন্তু সংস্কৃত কবি জীবনের পূর্ণতার দিকে যথাসম্ভব দৃষ্টি রাখিতেন। তাঁহারা অথও জীবনচিত্র আঁকিতেন। তাই উত্তরচরিত ও মৃচ্ছকটিক এমন সর্ব্বাঙ্গ সম্পূর্ণ। Tra-gedy—উদ্দীপ্ত করিবার জন্ম নহে, শাস্ত করিবার জন্ম। আমাদের প্রাচীন নাটককারেরা বোধ হয় তাহা বুঝিয়াছিলেন। তাই তাঁহারা শেষের দিকে মঙ্গলটা ঘুড়িয়া দিতেন। তাহাতে একটু কৃত্রিমতা ছিল। গ্রীক কবিগণ আরও স্পষ্ট ভাবে এ সত্যটা বুঝিয়াছিলেন। কিন্তু তাঁহারা ঘোড়া তাড়া দিয়া বা বতই কৌশল সহকারে হটুক, এই মঙ্গলটাকে পার্থিব আকার দিবার চেষ্টা করিতেন না। তাঁহারা জানিতেন কোন কোন মহাজীবনের পরিণাম পৃথিবীর মঙ্গলামঙ্গলের অতীত হইয়া যায়। তাঁহারা আরও জানিতেন Fate বা অদৃষ্ট দেবীর জালে সমস্ত মানব জীবন বদ্ধ। সুখদুঃখ সেই একই স্থান হইতে যাত্রা করিয়া একই পথে বাতায়াত করে। তাহারা মানুষের আয়ত্বের অতীত। যে পথে হয়ত কাহারও সর্ব্বনাশ আসিতেছে, সেই পথেই কাহারও অনন্তমের মঙ্গল

আসিতেছে। আনুষ্ঠানিক মঙ্গলকে ছাড়িয়া নিরবচ্ছিন্ন দুঃখ গ্রীক কবি জানিতেন না। যে দৃশ্যে Oedipus এর হৃদয়োন্মাদকর প্রলাপ, সেই খানেই Antigoneর মহৎ হৃদয়ের অভিব্যক্তি। এই জন্ম গ্রীক Tragedy এত বিখ্যাত জিনিষ। গ্রীক কবিও জীবনের সম্পূর্ণতা ভাঁঙ্গিতেন না। তাই শান্ত চাক্ষুস্যহীন গাভীর্যে গ্রীক Tragedy—অঙ্কিত জীবন কানায় কানায় ভরিয়া উঠিয়াছে। দুর্নিবার বিপদের উদ্দাম ক্ষণেও মানব হৃদয়ের গৌরব কোথাও নষ্ট হয় নাই। হোমর, ভার্জিল, বাল্মীকিতেও দুঃখের কথা আছে। কিন্তু তাহা জীবনের নানা অবস্থার অন্ততম। তাহাকে লইয়া সাজান গুছান নাই। সেখানেও জীবনের পূর্ণতাই বজায় রাখা হইয়াছে। Dante র অমর কাব্যে দুঃখী হৃদয়ের ঘেরাপ মেঘান্নকার ছায়া পড়িয়াছে। সেরূপ খুব কম কাব্যেই আছে। কিন্তু দাস্তে ও দুঃখকেই সার করেন নাই। তাঁহার চিন্তাম্বিত বিষাদক্লিষ্ট মুখের ছায়ার স্বর্ণ অবধি মলিন হইয়া উঠিয়াছে কিন্তু তবুও তিনি জীবনের পূর্ণ পরিণাম ভুলেন নাই। ক্ষণেকের তাঁর সুখে, যদি পরবর্তী চির জীবনও দুঃখ ময় হয়, তবে সে সুখ ও বর্জনার। ইহাই তাঁহার কাব্য পাঠে আমাদের মনে হয়। একবার যে তাঁহার Beatrice র সহিত সাক্ষাৎ হইয়াছিল!

কিন্তু Renaissance এর পর ইউরোপে যে সাহিত্য গঠিত হইতে আরম্ভ করিল তাহার একাংশ তেমন পূর্বতন সাহিত্য অপেক্ষা অধিকতর বিস্তৃত ও নূতন নূতন ভাবময় অঙ্গদিকে তেমনই ভাষাতে এই দুঃখের চিত্র ভিন্ন রূপ ধারণ করিল। এখন হইতে দুঃখবাদ বলিয়া একটা জিনিষ সাহিত্য মধ্যে প্রচলিত হইতে লাগিল। যে Romantic Tragedy গঠিত হইল তাহাতে সেক্সপীয়ারের মত মহা-কবি ছাড়া আর কাহারও মানব জীবনের সূক্ষ্ম অদৃষ্টসূত্র পরিমাপ করিবার ক্ষমতা ছিল না। কাজেই তাহা উচ্ছৃঙ্খল হইয়া উঠিল। শুধু চঞ্চলতা ও তজ্জনিত দুঃখ দেখানই Tragedyর আদর্শ হইল। ইহা সাহিত্যে সত্যেরও পরিপূর্ণতার অভাব আনিল। কিন্তু সপ্তদশ শতাব্দীতে ইউরোপীয় জাতির মন নানাদিকে কর্ষব্যপ্ত ছিল। ষানিজ্যে, উপনিবেশ সংস্থাপনে, চিত্র, স্থাপত্যবিদ্যা, তাহারা নানা কীর্তি লাভ করিতেছিল। কাজেই তখন এই দুঃখ বাদের বিশেষ কল লক্ষ্য হয় নাই। কারণ কল্প-প্রধান যুগে লোকে Tragedy কে Tragedy ভাবেই গ্রহণ করে, তাহার

সম্মুখে ভাবিবার অবসর পায় না । তাই সেই দুঃখ বাদের ভিতরেও অনাবশ্যক আকুলতা নাই, বরং একটি পরিপূর্ণতা আছে । কিন্তু চিন্তাপ্রধান যুগে এই Tragedy কে তলাইয়া বুঝিবার চেষ্টা করিয়া মানুষের মন শেষে সংশয়ের গোলকধাঁধায় পড়িয়া পথহারা হইয়া যায় ও মুখ বাঁকাইয়া সংসারকে বিক্রম করিতে বা দুঃখের একটা বিভীষিকা মূর্তি দেখাইতে শেখে । কেহবা গভীর ভাবে নিশ্চয় হস্তে কেবলি সংসারের কেহ বা আপনার কৃতগুণি বাহির করিয়া সংসারকে দেখাইতে থাকে । অষ্টাদশ শতাব্দীতে যখন ঐশ্বর্য্য ও বিলাসিতা সমাজের মধ্যে জাঁকিয়া বসিয়াছে, লোকে ভাবিবার অবসর পাইয়াছে, তখনই দেখা গেল, তাহার ফল ফলিতে আরম্ভ করিয়াছে, মানুষ সব বিষয়ে বিশ্বাস হারাইয়া সমস্ত সংযম ভাসাইয়া দিয়াছে ।

ইউরোপীয় সাহিত্যে এই দুঃখবাদ আরও এক রূপে দেখা দিল । সমাজের নানা কুৎসা ও জীবনের দুঃখ জানাইবার জন্য Satire বা ব্যঙ্গচিত্র রচিত হইতে লাগিল । এই Satire গুলি প্রাচীন রোমক জাতির Satire এর আদর্শে রচিত । রোমক জাতির ধ্বংসের কিছু পূর্বে কয়েক খানি সুন্দর Satire তাহাদের মধ্যে রচিত হইয়াছিল । সব অধঃপাতে যাইতেছে, ইহাই সেই Satire গুলির প্রধান বক্তব্য । রোমক জাতির মধ্যেও শিক্ষা বিভ্রাট ঘটয়াছিল । গ্রীসদেশ জয়ের পর গ্রীক পণ্ডিতগণ আসিয়া রোমে শিক্ষাদান করিতে লাগিলেন । গ্রীসের আর তখন সে তেজ ছিল না । অহঙ্কারী, গর্বিত, যোদ্ধার জাতি রোমকগণ এই পণ্ডিতগণকে অত্যন্ত ঘৃণার চক্ষে দেখিতেন । ফল হইল, শিক্ষা ও সমাজের মধ্যে ঠিক মিল হইল না । রোমকগণ তখন সকল জিনিসে মুখ বাঁকাইতে আরম্ভ করিল । জীবনের মঙ্গল ও মহৎ মূর্তি ভুলিয়া গেল । দুঃখের মহৎ ভুলিয়া শুধু হীনতাটাকে উপহাস রাশির দ্বারা বাঁচাইয়া রাখিল । Horace ও Ovid এর গীতি কাব্যে, Perseus ও Juvenal এর Satire ও, Plautus ও Terence এর নাটকে, যে একটা সঙ্কীর্ণতা ও হীনতা দেখা যায়, তাহা সেই জাতীয় হৃদয়ের সঙ্কীর্ণতা ও হীনতারই ফল, এবং সেই হীনতার মূলে ঐ শিক্ষার অসামঞ্জস্য । শুধু রোমে যে এই রূপ হইয়াছিল তাহা নয়, সকল জাতির অবনতির সময় বা শিক্ষা ও সমাজের অসামঞ্জস্যে ইহা অতি স্বাভাবিক ঘটনা । সেই Renaissance এর দিন হইতে আজ পর্য্যন্ত

ইউরোপে এই শিক্ষা ও সমাজ সমস্যার মীমাংসা চলিয়া আসিতেছিল। অষ্টাদশ শতাব্দীর মধ্যভাগে ইহার চরম পরিণতি ঘটে। তাহারই ফলে Werther এর সৃষ্টি। জার্মানীর নিকট হইতে শিথিয়া ইউরোপীয় মন তাহার অসংযত চঞ্চলতাকে একটা গভীর ভাব বলিয়া ধারণা করিয়া তাহার নাম দিল Sturm- und drang, Storm and Stress. তাহারই সুর আজও থাকিয়া থাকিয়া ইউরোপীয় সাহিত্যে উঠিতেছে। কিন্তু সুর ফিরিতে আরম্ভ করিয়াছে বলিয়া বোধ হয়। তাহার শিক্ষাকে সমাজের অমুরূপ করিয়া লইতে পারিয়াছে বলিয়া বোধ হয়। Ibsen ও Maeterlinck এর সাহিত্য সেই চেষ্টার প্রথম ফল। তবে এখন কেবল বুদ্ধি চর্চা। ইহার পরিণত ফল ভবিষ্যৎ গর্ভে নিহিত। ইউরোপের যে অবস্থায় Werther এর রচনা, ইংরাজাধিকারের কিছুদিন পরেই বাঙ্গালার প্রায় সেই রূপ অবস্থা ঘটে। বহুদিন পূর্বে হইতে বাঙ্গালার শিক্ষা বিলাটের সূত্রপাত হইয়াছিল। বাঙ্গালার Renaissance, পাঠান রাজত্বের শেষ হইতে বিদ্যাপতি চণ্ডীদাসে আরম্ভ করিয়া, মোগল রাজত্বের প্রথমাংশে রঘুনন্দন, রঘুনাথ, শ্রীচৈতন্য ও বৈষ্ণব কবিগণের অদ্ভুত সম্মিলনে পর্যাবসিত। বিদেশী রাজার ভয়ে বিখ্যাত পণ্ডিতগণ তখন নানা বিধি ব্যবস্থা ঠিক করিয়া সমাজের আট ঘাট বাঁধিয়া ফেলিতেছিলেন! কিন্তু মুসলমানেরা কখনই প্রকৃত প্রস্তাবে দেশকে শাসন করিতে পারেন নাই। কেবল আকবরের চেষ্টাই কতকটা কৃতকার্য হইয়াছিল। কাজেই বিদেশীয় শিক্ষার বিশেষ কোন বিস্তার বা ফল হয় নাই। রাজদরবার ব্যতীত তাহার ফল প্রায়ই দৃষ্টিগোচর হইত না। কিন্তু ইংরাজেরা অধিকার করিয়াই দেশের প্রকৃত শাসন আরম্ভ করিলেন। ইংরাজী শিক্ষার বিস্তার এই শাসনের একটি প্রকাণ্ড সহায় ও চিহ্ন স্বরূপ হইল। তখন শিক্ষা ও সমাজে প্রকৃত সংঘর্ষ আরম্ভ হইল। সমাজ একদিকে টানে ও শিক্ষা আর এক দিকে বল প্রয়োগ করে। ফলে মানুষের মন নিশ্চেষ্ট থাকে না। হঠাৎ শিক্ষার প্রবলতর বেগে সে সমাজের দিকে না চাহিয়া অসংযত ভাবে অন্য দিকে ছুটিল। তখন সেই বিক্ষুব্ধ অসংঘর্ষের ফলে মানসিক দৃষ্টিবিভ্রম ঘটিল। তখন সকল বস্তুই শিক্ষিতগণ ধংশঃ দেখিতে লাগিলেন। মনে অন্ধকার ও সংশয় ঘনীভূত হইল। এই কালের একখানি পরিষ্কার চিত্র রাজনারায়ণ বসুর 'আত্মচরিতে'

ও তাঁহার 'একাল ও সকালে' কিছু কিছু আছে, আমরা বেশ দেখিতে পাই।

এখন বাঙ্গালা সাহিত্যে ইহা কিরূপে প্রবেশ করিল? ইংরাজী শিক্ষার সঙ্গে সঙ্গে আমাদের সাহিত্যে করটি নূতন জিনিষ দেখা দিয়াছে। পাশ্চাত্য ধরণের গীতি কবিতা, কাব্য ও উপন্যাস ইহাদের মধ্যে প্রধান। বাঙ্গালা গদ্যেরও জন্ম ইংরাজী শিক্ষার প্রভাবে। প্রধানতঃ গীতি কবিতা কাব্য ও উপন্যাসের ভিত্তর দিয়াই বঙ্গ সাহিত্যে এই ছুঃখবাদ প্রবেশ করিয়াছে।

এই ইংরেজী ভাষের প্রথম ফল ঈশ্বর গুপ্তের Satire ও কিছু পরে রঙ্গলালের স্বদেশিকতা; হেম চন্দ্র এই স্বদেশিকতাকে আরও জাঁকাইয়া তুলিলেন। এই Patriotism একটা সম্পূর্ণ বিলাতী জিনিষ। রঙ্গলাল ও হেমচন্দ্রে আন্তরিকতা থাকিতে পারে এবং আছেও, কিন্তু তখনকার ছোট খাট অনেক কবিই ভারত খশানে বসিয়া ছুঃখের গান গাহিয়াছেন, যাঁহারা ভারতের কোনই খবরই জানিতেন না। আজ তাঁহাদের নাম মুদ্রিত পুস্তকের তালিকা ভিন্ন অন্তর্ভুক্ত পাওয়া অসম্ভব। বিজয়লাল এই ইংরাজী Patriotism জিনিষটাকে অনেকটা শোধন করিয়া দেশের হৃদয়ের সঙ্গে মিলাইয়া দিয়াছেন।

রায়প্রসাদও ভারতচন্দ্র আমাদের খাঁটি বাঙ্গালা বা মুসলমানী বাঙ্গালার বড় কবিদের শেষ কবি। কৃষ্ণকমল বা জয়নারায়ণ শিক্ষিত সর্ব সাধারণের পরিচিত নহেন, এবং ভারতচন্দ্র ও ঈশ্বরগুপ্ত এই উভয়ের মধ্যবর্তী কবিগণের মধ্যে কেহই শকাড়ম্বর ছাড়িয়া প্রকৃত কবি হইতে পৌছান নাই। ঈশ্বরগুপ্ত হইতে বঙ্গ সাহিত্যে ইংরাজী সাহিত্যের না হটক, ইংরাজী শিক্ষার প্রভাব। এই ঈশ্বরগুপ্তের নিজস্ব কবিত্ব কোথায়? সেটুকু তাঁহার রঙ্গরসে নহে। এই রঙ্গরস ভারত চন্দ্র ও ভারতচন্দ্রের পূর্বতন অনেক কবির মধ্যে আছে। সেটুকু তাঁহার পরমার্থিক বা নৈতিক কবিতায় নহে। কারণ, তাঁহা আমাদের শাস্ত্রকারগণের উক্তিই হৃদ্যবন্ধনে লিখিত। সে নিজস্ব কবিত্বটুকু, তাঁহার Satire গুলিতে। এই গুলিতে যে 'Go to hell, don't care' এর ভাব আমদানী হইতেছিল, সমাজের সুন্দর অংশকেও একটু নগ্ন করিয়া দেখাইবার চেষ্টা হইতেছিল, তাহা বঙ্গ সাহিত্যে নূতন। তাহা ইংরাজী শিক্ষা ও ভাবের ছায়ার দেশ মধ্যে বর্ধিত হইতেছিল। ইহার মূলে ইউরোপীয় realism (বাস্তবতা)। শিক্ষার ও মনের

পৌষ, মাস, ১৩২৩ ।] ইউরোপীয় সাহিত্য ও বঙ্গ সাহিত্য । ৪১৫

বিকৃতির সহিত অসঙ্গতসারে তাহা সাহিত্যে আসিয়া পড়িতেছিল, শুধু দুঃখই ইহার মূলভূত বস্তু নয় । ইহার ভিতর একটা বিরক্তি, একটা বিদ্রোহ, একটু আফসোসের ভাব আছে । বলিতে পারেন, ইহা সমাজের যে অংশ কৃত্রিমতার উপর গঠিত হইতেছিল, তাহার বিরুদ্ধে বিদ্রোহ । কিন্তু সমাজের মধ্যে কৃত্রিমতা ও তাহার বিরুদ্ধে এই বিদ্রোহের মূলে সেই একই কারণ—শিক্ষাপরিষদ মুকুন্দরাম ও ভীড়দত্তকে অপদস্থ করিয়াছেন, কিন্তু সেখানে এমন একটি সহৃদয়তা আছে যাহা ঈশ্বরগুণ্ডে বা হতোমী ব্যঙ্গচিত্রে একেবারেই দেখা যায় না । কিন্তু সমাজের ও হৃদয়ের ক্ষতস্থান খুঁটিয়া খুঁটিয়া বাহির করিলেও, ইহারা সেগুলিকে সাজাইয়া বাহির করেন নাই । এই ভাব ক্রমশঃই বাড়িয়া বস্তুতন্ত্রতা চলিয়াছে । এখন Satire এর তীব্রতা ও ভাঙামি ছাড়িয়া ইহা নানা উপন্যাস, কবিতা ও সন্দর্ভের ভঙ্গবেশ পরিয়া বাহির হইতে আরম্ভ করিয়াছে । কিন্তু ভিতবে সেই অসংযত চাঞ্চল্য ; জীবনকে পূর্ণরূপে দেখিবার ও বুঝিবার অসামর্থ্য ।

ইহার পরবর্তী সাহিত্যেই দুঃখের নামে হা ছতাশ আরম্ভ হইল । বাঙ্গালার নূতন Tragic ভাবের আদর্শ আসিল । তখন গল্প পূর্ণতা লাভ করে নাই । কাব্যগুলি Tragic ভাবে এ অনুপ্রাণিত হইতে লাগিল । বাঙ্গালার দুইখানি শ্রেষ্ঠ কাব্য পরীক্ষা করিলেই আমরা ইহা দেখিতে পাইব । মেঘনাদ বধ ও বৃক্সসংহার উভয়েই দুঃখের করাল অঙ্ককারে পরিসমাপ্ত । ইলিয়ড, রামায়ণ, Divine Comedy বা Paradise Lost এর মত এ কাব্য দুইখানি এক একটি পূর্ণ বস্তু হইয়া উঠিতে পারে নাই । তাহার কারণ জীবনের অমঙ্গলাংশকে তাহাতে বিশেষ ক্ষীত করিয়া দেখান হইয়াছে । তাহাতে একদিক যেমন উজ্জ্বল হইয়াছে অত্রদিকে তেমনই পূর্ণতার অভাব রহিয়া গিয়াছে । এই যে অভাববোধ ইহা ইংরাজাধিকারের পূর্বের কবিদের সামান্য গঙ্গাস্তোত্র ও একাদশীর উপাখ্যান হইতে আরম্ভ করিয়া কোন পুস্তকেই পাওয়া যায় না । কবিত্ব যতটুকুই হউক, সকলেরই একটি সমগ্রতা আছে । আধুনিক প্রতীচ্য সাহিত্যের প্রভাবে আমরা এই সমগ্রতা হারাইতে বসিয়াছি । ইংরাজী সাহিত্যও এই বিষয়ে বিশেষ ক্ষতি গ্রস্ত ।

প্রাচীন বঙ্গসাহিত্যে দুঃখ হৃদশায় চিত্র বিরল নহে । মুকুন্দ রাম হইতে

আরম্ভ করিয়া অনেক কবিই সুর ধরিয়াছেন—‘শিশু কাদে ওদনের তরে ।’ ফুল্লরার দুঃখ, খুল্লনার সপত্নীকৃত লাঞ্ছনা, সবই বঙ্গের দরিদ্রের, বঙ্গের সংসারের নিত্য অভিনীত দুঃখের দৃশ্য । আরও কত দুঃখের চিত্র ভাসান ও মঙ্গল কাব্য সমূহের মধ্যে নিহিত আছে । তখনকার দিনে ইহার উপর আবার দুর্দান্ত রাজপুরুষগণের অত্যাচার ছিল । তখন অনেকেই মামুদ সরিফগণের অত্যাচারে সর্বস্বান্ত হইত । কেবল তাহাদের মধ্যে একজন কবির আলেখ্যে থাকিয়া নাম রাখিয়া গিয়াছে । ধনী জমীদারগণ গৃহস্থ কৃষকগণকে উৎপীড়ন করিতেন, তাহার প্রমাণও বিরল নহে । সেই যুগের সাহিত্যে তাহাদের ক্রন্দনও স্থান পাইয়াছে । এক হিসাবে ইহাকে সেই যুগের বাস্তবতা বলা যাইতে পারে, এবং এই বাস্তবতা আধুনিক যুগের বাস্তবতা হইতে বহু উচ্ছে । কারণ তাহার সমস্তই সহজ ও সরল । দুঃখকে অনাবশ্যক রূপে ক্ষীণ করিবার চেষ্টা নাই । বরং যেখানে স্বাভাবিক সেখানে ‘জগদবতংসে পালধিবংশে, নৃপতি রায় রঘুরাম’গণ আসিয়া দুঃখ নিবারণ করিয়াছেন । এই যে অমঙ্গলের পিছনে মঙ্গল দেখিবার একান্ত চেষ্টা, ইহা সে যুগের একটা অকপট হৃদয়-ভাব, এবং সাহিত্যে আশ্চর্যরূপে প্রতিফলিত হইয়াছে । কোন নিরর্থক ভাবনা ও সংশয় নাই । তাই সাহিত্যেও আকুলতার কোন চিহ্ন পাওয়া যায় না । তবে আকুল হইবার মত ক্রিমা পাইলে সে যুগের লোকেরাও আকুল হইতে জানিত । কিন্তু মেঘনাদ বধ ও বৃদ্ধসংহারে আমরা কি দেখিতে পাই ? বিপদের ঘনীভূত অন্ধকারে অমঙ্গলের করাল ছায়ায় তাহাদের পরিসমাপ্তি । বৃদ্ধ সংহারে দধীচির অস্থিদান কাব্যের অন্তর্কর্তী একটি সামান্য ঘটনা, Episode মাত্র । বৃদ্ধাসুরবধের পর ঠিকের মহনীয় পরাক্রমের উল্লেখ মাত্র নাই । শুধু ঐক্লিয়ার ক্লিষ্ট বেশ ও বৃদ্ধের নিরুদ্ধ মৃত্যুশ্বাসে কাব্যের সমাপ্তি । মেঘনাদবধে শুধু চিতার আগুনেই শেষ সর্গ উজ্জল হইল । রাবণের বিলাপে রামচন্দ্র বলিয়া যে কেহ আছেন তাহাও ভুলিয়া যাইতে হয় । জীবনের যে চিত্র ইন্দ্রজিতের পতনে আমাদের চক্ষে ফোটা উচিত ছিল, তাহার পরিবর্তে শুধু আহত অভিমান ও ব্যর্থ নৈরাশুর চিত্রে কবি গ্রন্থ শেষ করিয়াছেন । আগেকার বাঙ্গালা কাব্যেও কবিগণ বিপজ্জ্বালজড়িত মনুষ্যজীবনের অংশ দেখাইয়াছেন । কিন্তু তাহাদের মত আধুনিক কাব্যগুলিতে ভগবতীর চৌত্রিশ অঙ্করে স্তুতি নাই, এই সকল

কাব্যে বিপন্নোঘনির্মুক্ত সৌভাগ্যস্বর্ধ্যালোকসমুদ্ভাসিত প্রশান্ততা নাই বা তাহার ক্ষীণতম আভাস মাত্র নাই। ইহাদের দুঃখের আড়ম্বর নিতান্ত By-ronism এর অনুরণন।

তখনকার দিনেও লোকে কাঁদিতে জানিত, আকুল হইবার মত জিনিষ পাইলে আকুল হইত। সমস্ত বৈষ্ণব সাহিত্য এই আকুলতার, এই ক্রন্দনের উপর প্রতিষ্ঠিত। কিন্তু সে কি আকুলতা! সে কি ক্রন্দন! সে কেবল এক অন্তরাশ্রুপরিপ্লুত, নিবিড় ভাব মোহ। সেখানে হাসির অন্তরালে অশ্রু, আবার অশ্রুর অন্তরালেও হাসির মত দীপ্তি। সে প্রেমাশ্রুবিগলিত ভাবমোহে আশা ও নিরাশা হারাইয়া গিয়াছে, তখন ভাবপ্রাচুর্য্যে বাহ্য ও বাহ্যিতে এক হইয়া গিয়াছে। সে কান্না বাঙ্গালার নিজস্ব সামগ্রী। এমন কি এই বৈষ্ণব-কবিতার মোহে ভুলিয়া একজন কান্নাকেই বাঙ্গালার নিজস্ব সামগ্রী বলিয়া ফেলিয়াছেন। কিন্তু সে কান্না নিজের দুঃখের বড়াই নহে, বা জীবনের অমঙ্গলভীত হৃদয়ের অসংগত অশ্রু-উচ্ছাস নহে। কবি যখন আত্ম-নিবেদনের অবসরে 'মাধব! হাম পরিণাম নিরাশা!' বলিয়া গলদশ্রু হইতেছেন, তখনই করপুটে 'অন্তএব তোহারই বিশোয়াসা' বলিয়া শান্তি পাইতেছেন। জীবনের একটি পরিপূর্ণ অখণ্ড অনুভূতি কবির সমস্ত হৃদয়ে ভরিয়া উঠিতেছে। চণ্ডীদাসের 'সুখের লাগিয়া এ ঘর বাঁধিছ' শুধু কাহ্নুপ্রীতির তন্ময়তার ভরপুর হইয়া উঠিয়াছে। নিজের জগৎ কিছুই নাই। ইউরোপের কোনও কবিতার আজ পর্য্যন্ত এ ভাব ধরা পড়ে নাই। ইউরোপের দুঃখ সমস্তই নিজের জগৎ। তাই তাহার অনুরণনে বর্তমান বঙ্গসাহিত্যেও যে সুর উঠিতেছে তাহাতে দুঃখ শুধু জমকাইবার, নিজেকে বিশিষ্ট করিবার জগৎ ব্যবহৃত হইতেছে। পরিবর্তী কবি গোবিন্দদাস ও জ্ঞানদাসে এই ভাব একটু তরল হইয়া আসিয়াছে। কিন্তু তথাপি এই সমস্ত বৈষ্ণব সাহিত্যের ছোট বড় বহু কবির ক্রন্দন একই সুরে বাঁধা। সে নৈরাগ্ন কেবল পরবর্তী শান্তিটুকুকে ডাকিবার জগৎ, পথ দেখাইয়া আনিবার জগৎ। এ নৈরাগ্নে বিরক্তি নাই অনুভূতি আছে। সংশয় নাই, বিশ্বাস আছে। ক্রন্দন নাই, সরসতা আছে। বৈষ্ণব সাহিত্য কান্নার সুরে জমিয়াছে বটে, কিন্তু সে কান্না ইউরোপের কান্নার সাহিত্য স্বপ্নেও ভাবিতে পারে না।

এখন দেখা যাক, এখনকার গীতি কবিতার ছঃখ কেমন ভাবে কুটিয়াছে । ধরিতে গেলে বর্তমান গীতিকবিতাসমূহ অধিকাংশই কোন না কোন আকারে ছঃখের সুরে বাঁধা । জাতির মনে এখন নানা ছঃখ রহিয়াছে তখন ইহা হওয়াই স্বাভাবিক । বহিঃপ্রকৃতির সুন্দর চিত্রপট আঁকিতেও আমরা যেন ছঃখের ভাবনাগ্রস্ত হইয়া পড়া অভ্যাস করিয়া ফেলিয়াছি । তার পর বিলাতী ধরণের প্রেমের নৈরাশ্র ও ছঃখ আমাদের কাব্য সাহিত্যে আমদানী হইয়াছে । হেমচন্দ্র ও রবীন্দ্রনাথ ও বিহারীলাল গীতি কবিতার ধঃ অর্জন করিয়াছেন । মবীনচন্দ্রের গীতি কবিতায় তেমন বিশেষত্ব নাই । মধুসূদন বৈষ্ণব কবিগণের পদ্যকানুলরণ করিয়া ব্রজবিরহিনীগণের ছঃখ গাইয়াছেন । মধুসূদনের গীতি কবিতায় বিশেষত্ব আছে । কিন্তু তাহা বৈষ্ণব কবিতা হইতে স্বতন্ত্র পদার্থ । সেখানে যে ছঃখ কুটিয়াছে, তাহাতে সে ভাবমোহ নাই । কারণ তিনি যে জীবনের চিত্র আঁকিতে বসিয়াছিলেন সে জীবনের রস কখনও অনুভব করেন নাই । বিহারীলালের সারদামঙ্গলে একটি ব্যাপক ভাবের উদ্ভেজনা আছে, কিন্তু সনেহ হর, তাহারও মূলে অতিরঞ্জিত আবেগের অতিপ্রাকৃত প্রকাশ । যদি ইহা সত্য হর, তবে তিনিও প্রতীচ্য শিক্ষাবিষের হাত হইতে পরিভ্রাণ পান নাই । কিন্তু হেমচন্দ্রের ও রবীন্দ্রনাথের গীতি কবিতাতেই আধুনিক যুগের অনেক ভাব সর্বাঙ্গাঙ্গ অধিক প্রতিকলিত হইয়াছে । হেমচন্দ্রের প্রেম নৈরাশ্র মূলক অনেকগুলি গীতি-কবিতা আছে । সেগুলি কিংসেগুলি Byronism এর চর্কিত-চর্কন । বাঙ্গালার কখন যাহা ঘটে নাই বা সহজ ভাবে ঘটবার আপাততঃ সম্ভাবনা নাই এমনই ঘটনার প্রতিবিম্বে সেগুলি চিত্রিত । হেমচন্দ্রের patriotic কবিতা ও Poushkin এর patriotic কবিতা একই উপাদান হইতে প্রস্তুত । তাহা জাতীয় ছঃখকে লইয়া জাঁক । জাতীয় ছঃখের প্রকৃত অনুভূতি নীরবে মহৎ চরিত্র গঠনের চেষ্টা করে । তাহাতে Byronic আক্ষয়লন থাকিতে পারে না ।

রবীন্দ্রনাথের গীতি কবিতা আজ অপ্রতিদ্বন্দ্বিত । ইউরোপ তাঁহার My-
sticismএ ভুলিয়াছে । এখন তিনি সত্য ও বৌদ্ধ অফুরন্ত ইহাই প্রচার
করিয়া নিশ্চিত আছেন । এখন তিনি লোকশিক্ষার ব্রত গ্রহণ করিয়াছেন ।
কিন্তু তিনি সাহিত্যের আসরে অনেকবার অনেক রূপে নামিয়াছেন । প্রথম

ও মধ্য যুগের লেখার রবীন্দ্রনাথও এই ব্যাপক ছঃখবাদের মোহে ডুবিয়াছিলেন । আর তাহা হওয়াই স্বাভাবিক । যৌবনের চাকল্যে মন স্বভাবতঃই আপনার সুখকেও চিনিতে পারে না, ছঃখেরও গভীরতা স্পষ্ট বুঝে না । শুধু চঞ্চলতাই সমস্ত হৃদয় পূর্ণ করে । রবীন্দ্রনাথের প্রথম ও মধ্য কালের সমস্ত কবিতার প্রাণ এই চঞ্চলতা, এবং এইটাই তাঁহার কবিতার একটি বিশেষত্ব । কিন্তু সময়ের গতি রবীন্দ্রনাথের উপর যে অঙ্ক বসাইয়াছে, তাহাতে এই ছঃখবাদ একটু নূতন আকারে দেখা দিয়াছে । রবীন্দ্রনাথ প্রথমে অনেক হা হতাশ করিয়াছেন, কিন্তু শেষে তিনি একটি নিজের পথ বাছিয়া লইয়াছেন । সর্বশুদ্ধ রবীন্দ্র সাহিত্যের মূল সূত্র কি এই নয়,—‘আর নিশ্চেষ্টভাবে সংযত হইয়া থাকিও না । একটা কিছু কর্মপথ অবলম্বন কর, যদি তাহাতে ধ্বংস হইয়া যাও সেও ভাল, কিন্তু তথাপি চূপ করিয়া বাঁচিয়া থাকিবার চেষ্টা করিও না । মৃত্যুর ভয় রাখিলে সিদ্ধি আসিবে না । ইহা নিশ্চয় খুব উন্নত ভাব । কিন্তু তিনি জীবনের কোন চিত্র পট অঙ্কিত করিয়া এই ভাব গুলি বুঝাইবার চেষ্টা করিয়াছেন ! তাঁহার আধুনিক উপন্যাস গ্রন্থগুলিতে তিনি একটি স্পষ্ট পথ দেখাইয়া দিয়াছেন । আমরা সকলে Westernized, প্রতীচ্য ভাবাপন্ন হও । যুগসংসার বড়ের বেগে চালাইতে থাক, সংসারের ভাবনা ভাবিও না । যে পারে সে উন্নত ভাবে থাকুক, যে পারে না তাহাকে নীচু অসংযত হইতে দাও । তাহাতেই তাহার জীবন সার্থক হইবে ।’ নিশ্চেষ্টতা অবশ্য কখনই প্রশংসনীয় নহে । কিন্তু তাঁহার এই ভাবের মধ্যে যে উচ্ছ্বলতার পথ দেখান হইতেছে তাহা কি নিশ্চেষ্টতারই নামান্তর নহে ? জীবন ভোগ করিতে হইলে জীবনকে আয়ত্ত করিতে হইবে । আমরা সকলেই জীবন ভোগ করিতে চাই কিন্তু যে জীবনকে আয়ত্ত করিতে পারিল না, সে জীবন ভোগ করিবে কি রূপে ? ইউরোপ কি উচ্ছ্বল হইয়া জীবন ভোগ করিতে পাইতেছে ? একটু স্থির ভাবে বিবেচনা করিয়া দেখিলেই ইহা বুঝা যাইবে । ইউরোপের বর্তমান সাহিত্য এ বিষয়ে কি সাক্ষ্য দিতেছে ? ইউরোপে ভাব অপ্রচুর হইয়া আসিয়াছে, Realistic literature এর আকর্ষণ বাড়িয়াছে, শুধু এই উচ্ছ্বলতার ক্ষয় । রবীন্দ্রনাথ ‘চতুরঙ্গ,’ ‘ঘরে বাইরের’ মধ্যে, নানা গল্প, নানা কবিতার, নানা আকারে ইউরোপের এই বিপদ ঘরে ডাকিয়া আনিবার চেষ্টা করিতেছেন । রবীন্দ্রনাথের

কতকগুলি আধুনিক গীতি কবিতার বেশ দেখা যায় তিনি ইউরোপের দুঃখ বাদটিকেও একটা ত্বের পোষাক পরাইয়া খাড়া করিবার চেষ্টায় আছেন। এই ত্ব হইতেছে 'দুঃখ দুঃখ হইয়াই সার্থক । অমঙ্গল অমঙ্গল হইয়াই সার্থক । তাহাকে বরণ করিয়া লও । যদি নিতান্ত ঝড় ঝঞ্ঝাবাত তোমার শিরে আসিয়া পড়ে, তবে তাহাতে ক্রক্ষেপ করিও না !' দুঃখের মহত্ব চিত্তকে সংঘত করে, আপনাকে দুঃখের অন্ধে অন্ধিত করিয়া বিশিষ্ট করে না। প্রকৃত দুঃখের মর্ম্মস্পর্শী কাতরতার চাঞ্চল্যও অনুভূতি দুইই হারাইয়া যায় 'নিবাত নিষ্কম্পমিব প্রদীপম্'। এ কথাও এখনকার দিনে বলিয়া দিতে হয়। প্রাচীন সাহিত্যে সীতা নীরবে অশ্রু-বিসর্জন করিতেন, Electra নির্ঝাক হইয়া দাঁড়াইয়া থাকিত। দুঃখের এ চিত্র আমরা বঙ্গ-সাহিত্যে কয়টা পাইয়াছি! দুঃখের সরল ভাব ছাড়িয়া তাহাকে পোষাক পরান একেবারে মানায় না। সুখকে সেরূপ আভরণ পরাইতে পার।

তারপর ইংরাজী শিক্ষা ও সাহিত্য সংস্পর্শের আর একটি ফল, বাঙ্গালায় উপন্যাসের সৃষ্টি। নাট্যকার্য এখনও আমাদের দেশে আপনার সুর পায় নাই। কারণ জাতীয় দৃঢ়তা ভিন্ন সেরূপ সুর দেওয়া যায় না। আমাদের তাহার একান্ত অভাব। যাহা আছে, তাহা হয় ইংরাজীর অনুকরণ, না হয় স্বভাববহির্ভূত রঙ্গালয়ের সৃষ্ট বস্তু। গিরিশচন্দ্র শুধু লোক-রঞ্জন করিয়া গিয়াছেন। দু'এক খানি সমাজচিত্র তাঁহার নাম রাখিবে মাত্র। তাহাতেও সাহিত্য-কলা অপেক্ষা রঙ্গালয়ের কলাদর্শ বেশী ফুটিয়াছে। দ্বিজেন্দ্রলাল ইংরাজীর অনুকরণে ও লোক রঞ্জন প্রবৃত্তির মিশ্রনে নিজের শক্তি সম্পূর্ণ দেখাইয়া যাইতে পারেন নাই। কাজেই তাঁহার সুরও অনুকরণের ফল। তাহা স্থির প্রণালীবদ্ধ নহে। একা দীনবন্ধু তাঁহার Comedy গুলিতে আধুনিক কালের উপযোগী অথচ মৌলিক রচনা রাখিয়া গিয়াছেন। ইংরাজী সাহিত্যের এই হ্রস্ব দুঃখবাদ মনে হয় তাঁহাকে স্পর্শ করে নাই।

সুতরাং বাঙ্গালার আধুনিক জীবন ষেটুকু সাহিত্যে প্রতিফলিত হইয়াছে, তাহা সমস্তই উপন্যাসে। ইহার মধ্যেও প্রথম শ্রেণীর উপন্যাস অতি সামান্ত। বঙ্কিমচন্দ্র, রমেশচন্দ্র, রবীন্দ্রনাথ ও আধুনিক কালধক দিগের মধ্যে শরৎ চট্টোপাধ্যায়, এই কল্পজনের নাম করা যাইতে পারে। ইহাদের মধ্যে রমেশচন্দ্র

ব্যতীত সকলের উপলক্ষেই ইউরোপীয় হুঃখ-বাদের বিষবীজ উণ্ড হইয়াছে। ইউরোপীয় উপলক্ষে ইহা যে ভাবে প্রবেশ করিয়াছে তাহার একটি লক্ষণ সাধারণ ও দরিদ্র জীবনের অবিকল বিবৃতি, Realism. এই ছবছ নকলের মধ্যে অনেক কদর্যতা আছে, অনেক সাহিত্য-রচনার বিপ্লবকর সামগ্রী আছে। ইহাতে সাধারণ ও দরিদ্র জীবনকে মহৎ-জীবনের সহিত যোগ বিচ্ছিন্ন করিয়া দেখান হইয়াছে। কিন্তু তাহাই এই শ্রেণীর লেখকগণ জোর করিয়া সাহিত্য মধ্যে লইতে চান। জীবনের অমঙ্গলটা কত বড় তাহাই ফাঁপাইয়া দেখাইতে চান। ইহার ভিতর যে একটা কৃত্রিমতা আছে তাহা সহজেই অনুমের। যে নিজে সুখ স্বচ্ছন্দে বিলাসিতার মধ্যে প্রতিপালিত হইতেছে, তাহার কাছে দরিদ্র জীবনের সমস্তটাই বিষম অবিচার বলিয়া বোধ হইবে এবং তাহার প্রত্যেক অংশটি তাহার অবস্থার অনুপাতে তাহার চোখে লাগিবে; এবং বিলাস প্রকোষ্ঠের (Drawing room) আলোকে সেই জীবন বিবরণের পাণ্ডুলিপি পাঠ করিয়া এবং প্রকাশকদিগের সুবর্ণ মুদ্রার বৃষ্টিতে তাহার চোখে ইহা আরও সুস্পষ্টরূপে বাজিবে। কিন্তু যাহারা সত্য সত্যই নিজে সেই দরিদ্র অবস্থার মধ্যে আছে, তাহাদের হুঃখ অনেক থাকিতে পারে এবং আছেও; কিন্তু তাহা অতি বিষম ভাবে তাহাদিগকে লাগে না; লাগিতে পারে না। কারণ আমাদের অনেক অভাবই আশ্রয়। সেই জন্তই এই দরিদ্র জীবনের হুঃখ-চিত্রগুলি স্বাভাবিক ও সরল নহে, পরন্তু Sentimental,—বৃথা কল্পনা ছষ্ট। অবিকল নকলের মত দেখাইলেও, তাহা অতিরঞ্জিত। ইহার মূলে যে বিষবীজ আছে সে ওই Pessimism এর উদ্ভেজনা। আমাদের বঙ্গ সাহিত্যেও সে সুর উঠিতেছে না কি? “বাতাসী নিকাসীর” দল বোধ হয় অবিলম্বেই বাড়িয়া চলিবে। শরৎ চট্টোপাধ্যায়ের উপলক্ষে দরিদ্র ও সাধারণ জীবনের যে বিবৃতি আরম্ভ হইয়াছে, তাহা অত্যন্ত স্বাভাবিক দেখাইলেও, তাহাতে একটা ফেনানো আছে। তাহা দরিদ্রের মত দেখিয়া লেখা নয়। সেইটুকু হইলেই তাহার উপন্যাসগুলি প্রকৃতই স্বরণীয় জিনিস হইবে, কারণ তাহার art অতি উৎকৃষ্ট। এ বিষয়ে প্রাচীন সাহিত্যিকগণ উৎকৃষ্ট উদাহরণ রাখিয়া গিয়াছেন। প্রাচীন সাহিত্যেও শবর, কিরাত, নিষাদ, arcadian মেঘপালকদের জীবন প্রতিকলিত হইত। সেখানে যেটুকু অতিরঞ্জন আছে, তাহা তাহাদেরই পারিপার্শ্বিক

অবস্থার সামঞ্জস্যে । তাহা তাহাদেরই মতন হইয়া দেখিয়া লেখা । কিন্তু তখন ধনী দরিদ্রের মধ্যে প্রভেদ-চিহ্ন এত স্পষ্ট হয় নাই । তথাপি আজিকালকার দিনেও সরল ও সহজ ভাবে দরিদ্রের জীবন বুঝা যাইতে পারে এবং তাহাই প্রকৃত সাহিত্যের বস্তু । অষ্টাদশ শতাব্দীর ইউরোপে আজিকালিকার দিনের ঠিক বিপরীত ভ্রম হইয়াছিল । ঐশ্বৰ্য্যের আলোকে লালিত হইয়া ধনীদিগের মধ্যে দরিদ্র জীবনের সবই সুখকর বলিয়া একটা গল্প রচনার প্রয়াস হইয়াছিল । আজিকার ও তখনকার ভ্রম একই কারণে উৎপন্ন । তবে সে ভ্রম আমাদের সাহিত্যে দেখা দেওয়া সম্ভব নহে ।

বঙ্কিমচন্দ্রের উপন্যাসই এখনও বাসিলার জাতীয় জীবনের আদর্শ । তাহারই আলোচনা করিয়া এইবার প্রবন্ধ শেষ করিব । বঙ্কিমচন্দ্রের উপন্যাসে আমরা তিনটি স্তর দেখিতে পাই । প্রথম, ইংরাজী উপন্যাসের অনুকরণ,—দুর্গেশ নন্দিনী তাহার অবিমিশ্র প্রথম ফল, ও কপালকুণ্ডলা তাহার গৌরবময় পরিণতি । তাহার পর ঘর সংসারের কথা । কৃষ্ণ-কাস্তুর উইল তাহার পরিণত ফল । এবং শেষে আদর্শ চরিত্র গঠনের চেষ্টা । দেবী-চৌধুরানী তাহার সুন্দর উদাহরণ । ইহার মধ্যে নানা ভাবের মিশ্রিত উপন্যাসও আছে । কিন্তু সকল গুলিতেই (দুর্গেশ নন্দিনী ও হু'এক খানি ছোট গল্প বাদ দিয়া) জাতীয় চরিত্র গঠনের চেষ্টা আছে । বঙ্কিমচন্দ্রের লেখার মূল সূত্র কি ? আমার মনে হয় তাহার প্রধান সূত্র—‘তোমরা স্বপ্রধান হও । আপনাকে দৃঢ় কর, উন্নত কর, সংযত কর । বিপদ এখার ওখার হইতে আসিবেই, তোমাদেরও হয়ত তাহার মুখে আঘ-বিসর্জন দিতে হইবে ; কিন্তু মানুষের মত দাও । বিপদ কাটাইয়া উঠিতে পারে, চেষ্টা কর ।’—ইহার উপর প্রগাঢ় ঈশ্বর-ভক্তির রসান দিয়া বঙ্কিম-চন্দ্র উপন্যাসে আপনার মত প্রচার করিয়াছেন । রবীন্দ্রনাথের সহিত তাহার এই পার্থক্য,—তিনি হিন্দু চরিত্রের বিশেষত্ব সংঘমের সাফল্য কখন ভুলেন নাই ।

কিন্তু বঙ্কিমচন্দ্রেরও চক্ষু ইংরাজী শিক্ষার ঝলসিয়াছিল । প্রকৃত প্রস্তাবে উপরোক্ত রূপে মত গঠন করিলেও, তিনি সব সময়ে তাহাকে ঠিক রাখিতে পারেন নাই । তিনিও ইউরোপীয় ছঃখ-বাদেব্দ ছাড়া এড়াইতে পারেন নাই । বঙ্কিমচন্দ্রের সৃষ্ট চরিত্র গুলির কোন্টি সর্বাপেক্ষা উন্নত চরিত্র ? “চন্দ্রশেখরের”

পৌষ, মাঘ, ১৩২৩।] ইউরোপীয় সাহিত্য ও বঙ্গ সাহিত্য। ৪২৩

প্রতাপকে বঙ্কিমচন্দ্র স্বর্গে পাঠাইয়াছেন। কিন্তু প্রতাপের জীবনের বিশেষত্ব কি? ইঙ্গিত কর,—নির্মল প্রেম, ইহাই বঙ্কিমচন্দ্রের দেখাইবার উদ্দেশ্য। কিন্তু আমরা কি দেখি? আমরা দেখি প্রতাপ সারা জীবন বিশেষত্বহীন হইয়া মৃত্যুতে বিশেষত্ব লভে করিল। প্রেমের বন্ধুতা দিয়া পরে মৃত্যুকে আলিঙ্গন এই উপদেশ আমরা কৃত্রিম শিক্ষা হইতে পাইয়াছি। জাতীয় চরিত্রের অন্তঃস্থল হইতে উহা উদ্ভূত নয়। আদর্শ জাতীয় চরিত্রের গঠনের চেষ্টা থাকিলেও বঙ্কিমচন্দ্র কার্যতঃ অন্য চিত্র আঁকিয়া ফেলিয়াছেন। বঙ্কিমচন্দ্রের স্পষ্ট নির্দেশ সত্ত্বেও আমরা শৈবলিনীকে কখন স্ত্রীধনী কল্পনা করিতে পারি না। কারণ বঙ্কিমচন্দ্র শৈবলিনীকে শুধু দুঃখ দেন নাই, তাহাকে একটা দুঃখের আড়ম্বরে ভূষিত করিয়াছেন। তাহার দুইখানি ঘর সংসারের উপন্যাস লইলে ইহা আরও স্পষ্ট দেখা যাইবে। বিষবৃক্ষ ও কৃষ্ণকাস্তুর উইল কি? ইহা ঠিক হা হতাশ নয় সত্য, জীবনের যে পুঞ্জীভূত অমঙ্গলের অন্ধকারে কান ও ভ্রমরের প্রাণদীপ নির্ঝাপিত হইল, তাহা মনুষ্য অদৃষ্টের একটা অনর্থক অংশ বটে, কিন্তু তাহাতে সমাজ-সমস্তার যে নির্দেশ ও বিবৃতি রহিয়াছে,—তাহার মূলে শিক্ষার বিকার,—জাতীয় হৃদয়ের বিষম চাঞ্চল্য ভিন্ন কিছুই নয়। কেবল মাত্র ‘কপালকুণ্ডলার, Tragedy অত্যন্ত স্বাভাবিক হইয়াছে। যে ভাগ্য নিয়মে তাহার দুঃখসূত্র গাঁথা হইয়াছে তাহা সম্পূর্ণ ও পরিণামহীন। আমরা সেখানে পার্থিব মঙ্গলের কোন আশাই রাখি না। পারিপার্শ্বিক অবস্থার সহিত কোথাও তাহার যোগ ছিল হয় নাই। এক হিসাবে ইহা জগতের কয়েক খানি শ্রেষ্ঠ কাব্যের মধ্যে স্থান পাঠিতে পারে। “রাজসিংহে” মবারক ও জেব্-উন্নিসার দুঃখচিত্রও বঙ্কিমচন্দ্র সত্য ও সহজ করিয়া দেখাইতে পারিয়াছেন। সীতারাম ঐতিহাসিক চরিত্র হইলেও, এই বিষ-তরুর ছায়ার বিষম বিকার প্রাপ্ত হইয়াছে।

সাহিত্যে এই অসম্পূর্ণতা, অসংঘম, বিজোহের ভাবের জন্য কাহাকেও দায়ী করা যায় না। সাহিত্য জাতীয় মনের প্রতিবিম্ব মাত্র। জাতীয় জীবনে যখন এই ভাব রহিয়াছে ও তাহা নানা দুঃখ দুর্দশাপূর্ণ তখন তাহা সাহিত্যে প্রতিফলিত হইবেই। ইউরোপীয় জাতির ও শিক্ষার সংস্পর্শেই তাহা আমাদের জাতীয় জীবনে বিশেষ ভাবে সংক্রামিত হইয়াছে, ইহাই এখন আমাদের বুঝা

উচিত । ইহাকে শুধু নূতন বলিয়া দোষ দেওয়া চলে না । কালিদাসের দিন হইতে ও বোধ হয় তাহার পূর্ব হইতেও 'নবনিত্যবস্তু', চলিয়া যে কথাটা চলিয়া আসিতেছে তাহা সর্বথা পরিহার্য্য । কিন্তু এই যে ইউরোপীয় ভাব, নূতনত্ব ছাড়া ইহার আরও কুফল আছে । আমি দেখাইবার চেষ্টা করিয়াছি, ইহা সাহিত্যের অখণ্ডতা নাশ করিতেছে, সাহিত্যে সংশয়ের ভাব আনিতেছে । শক্তি-সংঘমের স্থলে উচ্ছৃঙ্খলতার প্রশ্রয় দিতেছে, এবং অনাবশ্যক চঞ্চলতার বহু শক্তির অপব্যয় করিতেছে । অবশ্য চঞ্চলতা জীবনেরই লক্ষণ । এ চঞ্চলতায় আমাদের জড়তা কাটিবারই সম্ভাবনা । কিন্তু যখন প্রকৃত কার্যের সময় তখন অনাবশ্যক চঞ্চলতা অভ্যস্ত হইয়া গেলে কিছুই কাজ পাওয়া যাইবে না । সাহিত্যের মহত্বম উদ্দেশ্য জীবনকে পূর্ণ ভাবে প্রতিবিম্বিত করা । সে ভাব আজি কলিকার দিনের এই চঞ্চলতার ঢাকা পড়িয়া যাইতেছে, এবং ভয় হয় ইহাই ক্রমে অভ্যাস হইয়া না পড়ে । আমরা ইউরোপীয় সাহিত্যের সংস্পর্শে নূতন সৌন্দর্য্য বোধ লাভ করিছি ইহা নিশ্চিত, কিন্তু ইহাকে আপনার করিয়া লইতে হইবে । এখনও আমরা অনুকরণ করিতেছি মাত্র । তাই ইউরোপীয় সাহিত্যের একটা স্বর এতদূর আসিয়া পড়িয়াছে । আমরা Satirism ও Sentimental Tragic ভাবেই যেন শ্রেষ্ঠ সাহিত্য সৃষ্টি বলিয়া গ্রহণ না করি ।

কিন্তু শিক্ষা ও মনের মধ্যে যতদিন মিল না হইবে ততদিন উন্নততর সাহিত্য সৃষ্টি হইবে না । তা সে শিক্ষার পরিবর্তনেই হউক, বা মনের পরিবর্তনেই হউক অথবা উভয়ের পরিবর্তনেই হউক । আমাদের ভিতরে এই শিক্ষার সহিত মনের মিলের অভাব রহিয়াছে । সেই অভাব সেই দুঃখবোধ আমরা শ্রেষ্ঠ বলি না, কিন্তু প্রাচীন সাহিত্যের সহিত তুলনার এই দুঃখের চিত্রের অস্বাভাবিকতা স্পষ্ট বোধ হইবে । যতদিন না সে অভাব পূর্ণ হইবে ততদিন সাহিত্যের এই কাল্পনিক দুঃখ-বাদ ঘুচিবে না । যতক্ষন শিক্ষা ও সমাজের সামঞ্জস্যে জীবনের পূর্ণস্বাদা হৃদয়ঙ্গম না হইবে ততদিন অমঙ্গলের মূর্তিকেই স্ফীত করিয়া আমরা হৃদয়ের সেই শূন্য পূরণ করিতে থাকিব, এবং সাহিত্যেও তাহারই চিত্র প্রতিকলিত হইবে ।

শ্রীগোপাল চন্দ্র ভট্টাচার্য্য ।

প্রণয়পারিজাত ।

(৩)

“কিং তব পরিহবো ? আত্ম অক্ষানম্ ?”.

* * * *

“হৃদয়ে গৃহ্যতে নারী, যদিদং নাস্তি গম্যতাম্”

তখন সংস্থানক বসন্তসেনার অন্তরে বড়ই বিব্রত হইয়া পড়িল ! সে ক্রিষ্টপ্রায় ইতস্ততঃ ধাবমান হইতে লাগিল । কারণ এখন সে আর বসন্তসেনার অলঙ্কারের রুন্ন রুন্ন শব্দও শুনিতে পায় না, কিংবা মালার সুগন্ধও অনুভব করিতে পারিতেছিল না । তখন আর কি করে ? দৌড়াদৌড়ি করিয়া কখনও বা বিটকে, আর কখনও বা নিজের ভৃত্যকে, সেই গাঢ় অলঙ্কারের ভিতরে মহা আক্ষালনের সহিত ধরিয়া বিবাদগ্রস্ত হইতে লাগিল । পরে সকলে ক্রমে অনুসরণ করিতে করিতে একেবারে চারুদত্তের বাস ভবনের সন্নিকটে উপস্থিত হইলে, সংস্থানক মৈত্রয়ের অপেক্ষায় একপার্শ্বে দণ্ডায়মানা রদনিকাকে ধরিয়া ফেলিল । ভয়বিহ্বলা রদনিকা, তখন উচ্চৈঃস্বরে চীৎকার করিয়া উঠিলে, বিটু ব্যাপার দেখিয়া, অতি ব্যস্তসমস্ত ভাবে বলিল, “অরে আহান্যক, তুমি কাহাকে ধরিতে গিয়া কাহাকে ধরিয়া, বাহাজুরি প্রকাশ করিতেছ ? এখন যদি নিজের ভাল চাও, শীঘ্র ছেড়ে দাও, আর চল, এখনই এখান হইতে দূরে সরিয়া পড়ি ।”

এই কথায় দুর্বিনীত শকার আক্ষালনের সহিত তখনও বলিয়া উঠিল, “তুমি দেখিতেছি নিতান্তই মূর্খ ; জান না যে, বিড়ালগুলি ছানা চুরি করিয়া খাইবার সুযোগে কেমন করিয়া গলার আওয়াজ বদলায় ? আমি সবই বুঝিয়াছি, কাজেই যখন ধরিয়াছি, তখন আর কিছুতেই ইহাকে ছাড়িতেছি না ।”

“অসম্ভব নহে,” বিটু বলিল, “ইহা অসম্ভব নহে । ধারাজনারা নানারকম হাব ভাব চাতুরি শিকার সঙ্গে সঙ্গে গলার আওয়াজেরও রকমারি বদল করিতে বেশ সক্ষম হইয়া থাকে ।”

এই সময়ে এক হস্তে প্রদীপ ও অন্য হস্তে স্বক্কে উত্তোলিত বংশদণ্ড গ্রহণপূর্বক মৈত্রেয় বহির্দেশে আসিয়া উপস্থিত হইলেন । তখন মৈত্রেয় এই বৃত্তান্ত নিরীক্ষণ করিয়া রোষকষায়িত নয়নে বলিলেন, “এ কি? রদনিকে, তোমার এই কি কাজ ? চারুদত্ত এখন গরিব হইয়াছেন বলিয়া কি তাঁহার মান সম্ভ্রমও চলিয়া গিয়াছে ? কোন্ সাহসে চারুদত্তের বাড়ীতে, তুমি এই কেলেঙ্কারি চলাইতেছ ?”

মৈত্রেয়ের ক্রোধ প্রকাশ দেখিয়া সংস্থানক তখনই রদনিকাকে ছাড়িয়া দিয়া ব্যস্তসমস্ত হইয়া এক পাশে গিয়া দাঁড়াইয়া ছিল ।

তখন রদনিকা, লোটাইয়া কাঁদিতে কাঁদিতে মৈত্রেয়ের পা ধরিয়া বলিতে লাগিল, “দাদাঠাকুর, এতে আমার নিজের কসুর কিছুই নাই, আমি আপনার জন্ত একপাশে বাহিরে দাঁড়াইয়া ছিলাম, আমাকে হঠাৎ ধরিয়া ইহারা আমার ইচ্ছা নষ্ট করিয়াছে জানিবেন । আমি আপনাদেরই ভরসায় আছি, অতএব আমাকে রক্ষা করুন ।”

“রে পামরগণ ! তোদের এত বড় স্পর্ধা, এই নিরাশ্রয়া অবলার উপরেও তোরা অত্যাচার করিতে দ্বিধা বোধ করিস নাই ?” মৈত্রেয় অতি কোপাবিষ্ট হইয়া বলিতে লাগিলেন, “রে পামরগণ ! তোদের এ কিরূপ অত্যাচার ? তোদের পীড়নে কি বাড়ী ঘরেও কেহ থাকিতে সমর্থ হইবে না ? ওরে তোরা কি জানিস না,—এই কাহার বাড়ী ? চারুদত্ত এখন গরিব বলিয়া কি তাঁহার দান, ধ্যান—সংকার্যগুলিও এই উজ্জয়িনী হইতে লোপ হইয়া গিয়াছে ?”

তখন বিট সলজ্জভাবে মৈত্রেয়কে বলিল, “ওহে ঠাকুর, ক্ষমা কর, তুমি অত রাগান্বিত হইও না । আর্ঘ্য চারু দত্তকে কে না জানে ? তুমি ইহা ঠিক জানিও, যে চারুদত্তের অপমান উদ্দেশ্যে এইরূপ করা হয় নাই, কিন্তু দৈবাৎ ভুলবশতঃই এই মহা অনর্থ ঘটিয়া পড়িয়াছে । কোন বারবনিতার সন্ধানেই এই ব্যক্তি এই অপরাধ ভ্রমে করিয়া ফেলিয়াছে, নতুবা এই রাজধানীতে চারুদত্তের সংকার্যের অপলাপ করিতে পারে, এমন পামরপ্রকৃতির মানুষ কে আছে ?” এইরূপ বলিতে বলিতে চারুদত্তের গুণবিমুগ্ধ বিট সহসা মৈত্রেয়ের পদ ধারণপূর্বক বলিতে লাগিল, “এই অন্ত্যায় কাজ ইচ্ছা ক্রমে ঘটে নাই, অতএব আপনি দিব্য করিয়া বলুন, কিছুতেই এব্যাপার আর্ঘ্য চারুদত্তকে বলিবেন না ! নচেৎ আমি কিছুতেই আপনাকে ছাড়িব না ।”

মৈত্রেয় তখন অতি ব্যস্ততার সহিত বিটের হাত হইতে নিজের পা ছাড়াইয়া লইয়া বলিল, “মহাশয়, আপনি উঠুন উঠুন । এই ক্রটির জন্য আপনি আর কোভ করিবেন না, আমি ঠিক জানিয়াছি যে, এই ব্যাপারে আপনি প্রকৃতই নির্দোষ । অতএব আমি চারুদত্তকে আর এ ঘটনা কিছুতেই জানাইব না । কিন্তু আমি এইটি ঠিক বুঝিতে পারিয়াছি যে, এই চারুদত্তের অবমাননার রাজার শ্যালক এই দুর্বৃত্ত সংস্থানকই দায়ী !” এইরূপ বলিয়া তিনি পরে রদনিকাকে বলিলেন, “রদনিকে ! এই অপমানের কথা আর আৰ্য্য চারুদত্তকে জানাইয়া কোন ফল নাই, কারণ এ ঘটনা শুনিতে পাইলে, এই দুঃসময়ে তিনি বড় মর্দ-পীড়ার কাতর হইয়া পড়িবেন ।”

বিট কর্তৃক মৈত্রেয়ের পদধারণ ব্যাপার সংস্থানকের পক্ষে বড়ই অসহ হইয়া পড়িয়াছিল । সে নিতান্তই অবজ্ঞার সহিত বলিতে লাগিল, “ওহে, বলি তুমি কি হইলে ? তোমার কাণ্ডাকাণ্ড জ্ঞানটাও কি শেষ এইরূপে একেবারে লোপ পাইয়া গেল ! তুমি কি জান না যে, আমি কত বড় লোক ? আর তুমিত আমার আপনার জন । তাতেও তুমি একেবারে এই ‘কাকের ঠ্যাং মাথার’ বামুনটার পায়ে গিয়ে একেবারে লোটাইয়া পড়িলে ? ছি ছি, বলি, তুমি হইলে কি ? আচ্ছা বলত, চারুদত্ত এমন একটা কি বড় লোক যে, তুমি তার নাম শুনেই, একেবারে হত্যা দিয়া ফেলিয়াছ ? বলি, তোমার জিবটা তবে শুকাইয়া গিয়াছে নাকি ? যার ঘরে খুঁজিলে একটা খুদকণাও সকাল বেলা মিলে না, সে আবার মাঘ্ব কিসে ?”

বিট তখন বলিল, “ওরে মূর্খ ! আৰ্য্য চারুদত্ত, এই রাজধানীর এক মাত্র অলঙ্কারস্বরূপ, তাঁহার গুণ তুমি কি বুঝিতে পারিবে ?” তিনি আমাদিগের স্তায় শত শত দীন দরিদ্রের জন্তই অকাতরে ধন ব্যয় করিয়া আজ কপর্দক হীন হইয়া পড়িয়াছেন । যখন তাঁহার অগাধ টাকা ছিল, তখনও কেহ কোন মময়ে তাঁহাকে ধনের গরব করিতে দেখে নাই ! তিনি অর্থের উদ্যম আত্মহারা হইয়া কখনও কাহার কোন অবমান করেন নাই । ওরে মূর্খ ! জলপরিপূর্ণ বৃহৎ সরোবর যেরূপ প্রচণ্ড গ্রীষ্মের সময় সকলের তৃষ্ণার জল বিতরণ করিতে করিতে ক্রমে ক্ষীণ-কলেবর হইয়া পড়ে, আজ আৰ্য্য চারুদত্তও ঠিক তাহাই হইয়া পড়িয়াছেন । তুমি কি জানিবে ? আৰ্য্য চারুদত্ত, দীন হৃদীর অক্ষয় কল্পরূপের স্তায় আছেন,

তাহাতেই তাঁহার সদৃশ্যে তাঁহাকে এত বিনয়নম্র করিয়া রাখিয়াছে । আৰ্য্য চারুদত্ত, সাধু সজ্জনদিগের প্রতিপালক ; তিনি শিক্ষিত ব্যক্তিগণের আদর্শ ; স্বেচ্ছাচারিতার তিনি নিকষ-প্রস্তর তুল্য । অধিক কি বলিব, চারুদত্তের গুণের সীমা নাই । সেই মহানুভব চারুদত্তই অসংখ্য লোকপরিপূর্ণ এই উজ্জয়িনীর মধ্যে এক মাত্র সজীব মনুষ্য, তিনি ছাড়া আর প্রকৃত মানুষ কে আছে ? যা হউক, যাহা হইবার তাহা ত হইল, এখন চল যবে ফিরিয়া যাই, আর এখানে থাকিয়া কি হইবে ?”

“কি, অমনি চলিয়া যাইব ?” দম্ভের মূর্তি সংস্থানক বলিল, “আমার বসন্ত-সেনাকে চারুদত্তের বাড়ী ছাড়িয়া দিয়া আমি অমনি চলিয়া যাইব ? তাহা তাহা কিছুতেই হইবে না । তুমি কাপুরুষ, যাইতে হয়, তোমার ভয় হইয়াছে, তুমি এখনই চলিয়া যাও । শর্মা কিছুতেই যাইবেন না ।”

“ওরে মূর্খ ! এখনও তোমার বসন্তসেনাকে পাইবার আশা আছে ? তুমি কি জান না, যেমন অন্ধের চক্ষে দেখার আশা, তোমারও ঠিক আজ বসন্তসেনাকে পাওয়া সেইরূপ দাঁড়াইয়াছে ! তুমি নিতান্তই কাণ্ডাকাণ্ড-জ্ঞানশূন্য, তুমি ত জান না যে, কেমন করে মেয়ে লোক বাধ্য করিতে হয় । স্বেচ্ছা পিছনে পিছনে হস্তা করিলেই কি মেয়ে মানুষ বাধ্য হয় ? আরও কিছু চাই । মূর্খ ! তুমি জানিও তোমার সেইটারই অভাব । দেখ, আলানেই কেবল হাতীকে বাঁধা যায়, আর লাগাম দিয়া ঘোড়াকে বাধ্য করিতে পারা যায় । সেইরূপ যদি মনের যথার্থ ভালবাসা থাকে, তাহা হইলেই স্ত্রীলোক বস্ত হইয়া থাকে, নতুবা কেবল বল বা ভয় দেখাইয়া কোন ফলই হয় না । তোমার ত ভালবাসারই অভাব, তবে আর কোন্ গুণে তুমি বসন্তসেনাকে পাইবে বলিয়া আশা কর ? যাহা হউক, ইচ্ছা হয়, তুমি একাই থাক, আমি এখন চলিলাম ।” এই বলিয়া বিট চলিয়া গেল ।

“যা, যা, তুই নিপাত যা,” অবজ্ঞার সহিত সংস্থানক, বিটকে এইরূপ বলিয়া, পুনর্বার বলিতে লাগিল ;—“হাঁ, আমি বুঝিয়াছি, ঠিক, বসন্তসেনা চারুদত্তের বাড়ীতেই গিয়া পলাইয়াছে ।” তখন মৈত্রয়র্ক সগর্বে বলিতে লাগিল, “ওরে বামনা, তুই একমনে শোন, এই যে বসন্তসেনা, চারুদত্তের বাড়ী গিয়া পলাইয়া আমাকে আজ অপমান করিল, তুই এখনই গিয়া চারুদত্তকে বলিবি,

যদি চারুদত্ত নিজে বসন্তসেনাকে আমার হাতে গিয়া দিয়া আসে, তবেই তাহার ভাল হইবে ; আর তাহা না হইলে বুঝিতে পার, মরণ পর্য্যন্তও আমার শক্রতা দূর হইবে না।” এই বলিয়া তখনই প্রস্থান করিল ।

ক্রমশঃ

শ্রীমথুরানাথ মজুমদার কবিরত্ন কাব্যতীর্থ কবিচিন্তামণি ।

পুরাণ-প্রসঙ্গ ।

(১)

হিন্দুর পুরাণ শাস্ত্র অনেকের নিকটে নিতান্ত তুচ্ছের বিষয়, কেননা তাঁহাদের বিবেচনার পুরাণে কেবল অবাস্তুর কথা—বাতুলের প্রলাপই সন্নিবিষ্ট হইয়াছে ! কিন্তু পুরাণে যে নিগূঢ় বৈজ্ঞানিক সছাক্তি সমূহও উপদিষ্ট হইয়াছে, একথা তাঁহারা বিশ্বাস করিতেও প্রস্তুত নহেন ! আমরা আমাদের ক্ষুদ্র শক্তিতে এখানে পুরাণের অত্রান্ত “প্রামাণিকতা” কিছু কিছু সংগ্রহ করিতে প্রয়াস পাইব ।

১। অত্র (মেঘ) ।

মেঘ কি প্রকারে হয়, তাহাতে লিঙ্গপুরাণ বলেন ;—

“অথ ধূমাগ্নিবাতানাং সংযোগস্তত্র উচ্যতে ।”

ধূম (জলীয় বাষ্প), অগ্নি (তেজঃ) ও বায়ুর সংমিশ্রণে অত্র অর্থাৎ মেঘের উৎপত্তি হইয়া থাকে ।

মহাকবি কালিদাস স্বীয় মেঘদূত কাব্যেও বলিয়া গিয়াছেন ;—

“ধূমজ্যোতিঃ সলিলমরুতাং সন্নিপাতঃ ক মেঘঃ ।”

কালিদাস ধূম ও সলিলের বিভিন্নরূপে উল্লেখ করিয়া গিয়াছেন, কিন্তু এখানে

লিঙ্গপুরাণে ধূম ও সলিলকে এক বলিয়াই ধরিয়া লইয়াছেন, কারণ জলের বিপরীণাম কথতই ধূমের সমুৎপত্তি ।

২। শুভ ও অশুভ মেঘ ।

“মৃতধূমোদ্ভবং চাভ্রমশুভায় ভবিষ্যতি ।
অভিচারাগ্নিধূমোখং ভূতনাশায় বৈ দ্বিজ ॥
এবং ধূমবিশেষেণ জগতাং বৈ হিতাহিতম্ ।
তন্মাদাচ্ছায়েদন্ধু মং অভিচারকৃতং নরঃ ॥”

মৃত শরীর দাহ করিলে, যে ধূমরাশি সমুৎপত্ত হয়, তাহা জীব জীবনের অশুভদায়ক হইয়া থাকে । আর মারণ ও উচ্চাটন প্রভৃতি অভিচার ক্রিয়া-সম্বৃত ধূমরাশিও সকলের প্রাণ অপহারক হইয়া থাকে । এই প্রকারে ধূমের হিত ও অহিত এই বিশিষ্টতা হইতে জগতেরও শুভ বা অশুভ সংঘটিত হইয়া থাকে ; সুতরাং অভিচারসম্বৃত ধূমরাশি যাহাতে সর্বত্র প্রসারিত হইয়া জীবনের হানিকর না হয়, তজ্জন্ত তাহার আচ্ছাদন করা বিধেয় ।

৩। সূর্য্যই মেঘ উৎপত্তির কারণ ।

“সহস্রাংগমুৎস্রষ্টু মাদভে কিরণৈর্জ্বলম্ ।
জলস্য শাশোরুদ্ধির্বা মাত্ত্যেবাস্ত্য বিচারতঃ ॥”

সহস্রাংগু দিবাকর নিজ কিরণপরম্পরা দ্বারা জগৎ হইতে জলরাশি গ্রহণ করেন, কারণ তিনিই বৃষ্টিরূপে সহস্রধারায় সেই সেই জলরাশির বিকিরণ করিয়া ধরিত্রীর শস্তসম্পদ অতিবৃদ্ধি করিয়া থাকেন । এই সূক্ষ্ম তত্ত্বের আলোচনা করিয়া দেখিলে বোধগম্য হইবে, জগতে জলের নাশও হয় না অথবা বৃদ্ধিও হয় না ।

ভগবান মহুও বলিয়া গিয়াছেন ;—

অগ্নৌ প্রাস্তাহতিঃ সন্ন্যগাদিত্যমুপতিষ্ঠতে ।
আদিত্যাচ্ছায়তে বৃষ্টির্বৃষ্টৈরমং ততঃ প্রজাঃ ॥”

যজ্ঞাদি ব্যাপারে যে স্বতাহতি প্রদান করা হইয়া থাকে, তাহাই বায়ুরূপে আকাশে আদিত্যকে আশ্রয় করিয়া মেঘরূপে পরিণত হয়। এই জন্ম আদিত্য অবলম্বনেই মেঘ হইতে বৃষ্টি আর সেই বৃষ্টি হইতেই অন্ন অর্থাৎ শস্ত্র জন্মিয়া থাকে। সেই অন্নই প্রজা বৃদ্ধির কারণ।

মহাভারতেও দেখিতে পাওয়া যায় ;—

“আদত্তে চ রসান্ ভৌমানাদিত্যঃ স্বগভস্তিভিঃ ।

বায়ুরাদিত্যতপ্তাংশ্চ রসান্ দেবঃ প্রবর্ষতি ॥

তদ্বদা মেঘতো বারি পতিতং ভবতি ক্ষিতৌ ।

তদা বসুমতী দেবী স্নিগ্ধা ভবতি ভারত ॥

ততঃ শস্যানি রোহন্তি যেন বর্ভয়তে জগৎ ॥”

সূর্য্য নিজ কিরণ বলে ভূমি হইতে রস গ্রহণ করিয়া থাকেন আর বায়ু আদিত্য কর্তৃক গৃহীত ও সঙ্কপ্ত সেই রস সর্বত্র বর্ষণ করিয়া থাকেন। সূর্য্যকর্তৃক গৃহীত ও বায়ু কর্তৃক ক্ষরিত জলই মেঘরূপে ধরণী-পৃষ্ঠে নিপতিত হইয়া থাকে। এই বারিধারার প্রভাবেই দেবী বসুমতী স্নিগ্ধা হইয়া তাঁহার অমৃতময় ফলে হরিৎ-ছবি শস্য-পরিশোভিতা হইয়া থাকেন, আর ঐ শস্ত্র দ্বারাই জগতের প্রাণিবর্গ জীবন ধারণ করিতে সমর্থ হয়।

এই যজ্ঞ ব্যাপার হইতে যে মেঘের সমুৎপত্তি হয়, তাহাই “শুভ মেঘ” ; আর অভিচার চা মৃতদেহ দাহ নিবন্ধন সংজাত ধূম রাশি হইতে সমুদ্ভূত মেঘই জগতের অশুভদায়ক। ষাংহারা স্বকীয় জ্ঞানচক্র বলে এই জাগতিক ব্যাপারের গূঢ় রহস্য ক্রামলকবৎ প্রত্যক্ষ করিয়া গিয়াছেন, সেই প্রজ্ঞাচক্র ঋষিবৃন্দ এই জন্মই জগতের হিতকামনা করিয়া যজ্ঞানলে আজ্য আহতি প্রদান করিবার ব্যবস্থা করিয়াছিলেন। যখন অনাবৃষ্টি-সংজাত দুর্ভিক্ষের প্রসীড়নে শস্ত্রসমুৎপত্তির কোন সম্ভাবনা আর দেখিতে পাওয়া যায় না, তখন এই যোর কলিবহন সঙ্কট কালেও জ্ঞানবৃদ্ধ সম্ভবতঃ ভুক্তিশীল ব্রাহ্মণ কর্তৃক যজ্ঞবিশেষ অনুষ্ঠিত হইলে, জীব জীৱনের কল্যাণবিধায়ক স্রষ্টার বারিধারার প্রাদুর্ভাব হইতে দেখিতে পাওয়া যায়। পক্ষান্তরে এই যে বর্ষত্রয়ব্যাপী ইন্দ্রোপীর মহা অভিচার ক্রিয়া,

ব্যাপার সংঘটিত হইয়াছে, ইহাতে ত সমগ্র ধরণীমণ্ডলের অন্তর্ভুক্ত উত্তরোত্তর পরিবৃদ্ধি প্রাপ্ত হইতেছে । আশ্চর্যের বিষয়, সেই কামানের হৃদয়বিদারক উদ্‌গর্জন, সেই বালরুগ্ন রমণীবৃন্দের অকালমৃত্যুপ্রদায়ক বোমার আক্ষালন এবং অরাতির বক্ষ-রুধির-পিয়াসী বন্ধুকের ধূমরাশি বিকীরণ প্রভৃতি ব্যাপার হইতে যথেষ্ট জলীয় বাষ্পও প্রোত্‌ভূত হইতেছে, আর তাহা হইতে নিবিড় মেঘ-মালায় আবির্ভাব হইয়া ভীষণ রণক্ষেত্র প্রবল বারিধারার সম্পাতে কর্দম-পরিষিক্তও ত হইয়া পড়িতেছে, কিন্তু তাহাতেও ত' ধরিত্রী দেবীর শান্তিলাভ হইতেছে না, জীবের মঙ্গল সাধিত হইতেছে না, শ্রামল শস্যসম্পদ ভরে ত' ভূত-ধাত্রীদেবী স্তুভূষিতা হইতে পারিতেছেন না । অধিকন্তু আধিব্যাধির প্রবল প্রকোপেই উত্তরোত্তর জীব জীবনের পরিহানি সংঘটিত হইতেছে । কিন্তু স্বার্থান্ধ মানব এই ব্যাপার কিছুতেই প্রত্যক্ষ করিয়াও বুঝিতে পারিতেছে না ।

৪। সূর্য ও চন্দ্র কি ?

“ধনতোয়ান্নকং তত্র মণ্ডলং শশিনঃ স্মৃতম্ ।

ধনতেজোময়ং শুক্লং মণ্ডলং ভাস্করস্য চ ॥”

চন্দ্রমণ্ডল কেবল নিবিড় জলময় এবং সূর্যমণ্ডল শুভ্র নিবিড় তেজোময় বলিয়া জানিবে ।

৫। চন্দ্রের হ্রাস ও বৃদ্ধি কেন ?

“সোমস্য কৃষ্ণপক্ষাদৌ ভাস্করাভিমুখস্য চ ।

প্রক্ষীয়ন্তে পরস্মান্তঃ পীয়মানাঃ কলাঃ ক্রমাৎ ।

এবং সূর্যমিনিতৈষা ক্ষয়বৃদ্ধী নিশাকরে ॥”

কৃষ্ণপক্ষারম্ভে চন্দ্র, সূর্যের সন্নিকটে উপস্থিত হওয়াতে ক্রমে চন্দ্রমণ্ডলের হ্রাস হইয়া থাকে, ইহাকেই দেবগণ কর্তৃক চন্দ্রের অমৃতময় কলা পান বলা হইয়া থাকে । আবার শুক্লপক্ষে গতি বশতঃ সূর্য হইতে চন্দ্র দূরে অপসরণ করাতে ক্রমে চন্দ্রের অভিবৃদ্ধি হইয়া থাকে । এইরূপে চন্দ্রের ক্ষয় ও বৃদ্ধি এই উভয় ব্যাপারই সূর্যের সন্নিকর্ষ ও বিপ্রকর্ষ নিবন্ধন সংঘটিত হইয়া থাকে ।

বায়ু পুরাণেও উক্ত হইয়াছে ;—

“বৃদ্ধিক্রমো চ সোমশ্চ কীর্ত্যেতে সূর্য্যকারিতৌ ।”

চন্দ্রের অভিবৃদ্ধি ও পরিষ্কর্য সূর্য্য কর্তৃকই সম্পাদিত হইয়া থাকে।

৬। রাহু কি ?

“উদ্ধৃত্য পৃথিবীছায়াং নির্মিতং মণ্ডলাকৃতি ।

স্বৰ্তানোস্তু বহৎ স্থানং তৃতীয়ং যত্তমোময়ম্ ॥”

চন্দ্র বা সূর্য্যমণ্ডলে পৃথিবীর মণ্ডলাকৃতি ছায়ার আচ্ছাদন ঘটিলে, নিবিড় তমোময় ঐ পরিমণ্ডলকেই উভয়ের তৃতীয় স্থান স্বৰ্তানু অর্থাৎ রাহু বলা হইয়া থাকে।

৭। চন্দ্র ও সূর্য্যগ্রহণ।

“আদিত্যাত্তচ্চ নিষ্ক্রম্য সোমং গচ্ছুতি পৰ্ব্বসু ॥”

আদিত্যসেতি সোমাচ্চ পুনঃ সৌরেষু গৰ্ব্বসু ॥”

রাহু শুরু পক্ষের পৰ্ব্ব অর্থাৎ পূর্ণিমা তিথিতে চন্দ্রকে এবং সৌরপৰ্ব্ব অর্থাৎ অমাবস্তা তিথিতে পুনর্বার চন্দ্র হইতে সূর্য্যকে আচ্ছাদিত করিয়া থাকে।

এই প্রমাণ হইতে সুস্পষ্ট বোধগম্য হয়। সকল পূর্ণিমা বা অমাবস্তা তিথিতেই চন্দ্র ও সূর্য্যের গ্রহণ এই বিশাল ধরণীমণ্ডলের কোন না কোন স্থান হইতে প্রত্যক্ষ করিতে পারা যায়। আমরা পঞ্জিকার গ্রহণ গণনার সেইরূপ দেখিতেও পাইয়া থাকি, যে এই গ্রহণ অমুক অমুক স্থান হইতে দৃষ্ট হইবে এবং অমুক অমুক স্থানে দেখিতে পাওয়া যাইবে না।

৮। পৃথিবীর সীমা।

ব্রহ্মপুরাণ বলেন,—

“রবিচন্দ্র মসোর্চাবম্ময়ুথৈরবভাসতে ।

সসমুদ্র সারিচ্ছৈলা তাবতী পৃথিবী স্মৃতা ॥”

বতদূর পর্য্যন্ত সূর্য্য ও চন্দ্রের কিরণরাশি জগৎ অবতাসিত করিয়া থাকে, সমুদ্র, নদী ও পর্ব্বতাদি সমন্বিত। এই পৃথিবীর সীমা ততদূর পর্য্যন্ত জানিবে। পৃথিবীর এই সীমা বিনির্দেশ হইতে, তাহা যে এখনও সম্যক্ নির্দ্ধারিত হয় নাই, ইহাই স্পষ্ট প্রতীয়মান হয়।

ক্রমশঃ

শ্রীমধুরানাথ মজুমদার কবিরাজ কাব্যতীর্থ কবিচিন্তামণি।

মহাকবি শ্রীক্ষেমেন্দ্রের

সেব্যসেবকোপদেশ ।

বিভূষণায় মহতে ভূষণাতিমিরহারিণে ।

নমঃ সন্তোষরত্নায় সেবাবিষয়িনাশিনে ॥ ১ ॥

১১২। হইতে অত্ন কিছুই শ্রেষ্ঠ নহে, ধরায় যাহার তুল্য অত্ন কোন অলঙ্কার নাই এবং ভূষণরূপ তিমির যাহার সংস্পর্শে বিদূরিত হইয়া যায়, সেবারূপ বিষয়িনাশক সেই সন্তোষরূপ রত্নকে আমি নমস্কার করিতেছি । ১।

উৎসৃজ্য নিজকার্য্যাণি সন্তির্বাঙ্গ্যাকুলেশ্চগম্ ।

সেব্য-সেবক-সেবানাং ক্রিয়তামনুশাসনম্ ॥ ২ ॥

সেব্য, সেবক ও সেবার বিষয় নিবিষ্টচিত্তে চিন্তা করিলে, সহদর ব্যক্তি-
মাত্রেই চক্ষু বাস্তবতাক্রান্ত হইয়া পড়িবে; অতএব এই সেব্য, সেবক ও
সেবার সম্বন্ধে যে প্রকৃত বিষয় উপনিষদ হইতেছে, অত্ন কার্য্য পরিত্যাগ করিয়াও
তাহা সকলে অস্বাভাব্য পুরস্কার একবার চিন্তা করিয়া দেখুন । ৩।

শৌখ, মাঘ, ১৩২৩।] শ্রীক্ৰমেন্দ্রের সেব্যসেবকোপদেশ। ৪৩৫

দর্শাদেকঃ পরো লোভাদ্ দ্বাবন্ধৌ সেব্যসেবকৌ ।

ধনোঽদৈনবিকৃতী মুখে কঃ কশ্চ পশ্যতি ॥৩॥

সেব্য ও সেবক এই উভয়েই প্রকৃত অন্ধের আয় কার্য্য করিয়া থাকে ; সেব্য প্রভু নিম্ন অহঙ্কার বশতঃ অল্প কিছু দেখিয়াও দেখিতে সমর্থ হইবেন না, আবার পক্ষান্তরে সেবকব্যক্তিও নিজের লোভপরতন্ত্রতা বশতঃ কিংকর্তব্যবিমূঢ়তার জন্মপ্রায় হইয়া পড়ে। এক ব্যক্তির মুখে তীব্র ধনমদের অচণ্ড সন্তাপ, আর অল্পদিকে অপরের পরিক্ষীণ বদনমণ্ডলে দীনতার চরম বিকৃতি ; সুতরাং উভয়ের কেহই পরস্পরের মধ্যে কাহাকেও দেখিতে সমর্থ হয় না। ৩।

দুর্ন্যার-মোহ-লোভাক্ষৌ যদি ন স্মাদয়ং জনঃ ।

কঃ ক্রুর-ক্রোধ-বিধুরং সহেত ধনিনাং মুখম্ ॥৪॥

যদি এই যাচক ব্যক্তি দুর্ন্যহ মোহ ও লোভ দ্বারা অভিভূত হইয়া অন্ধপ্রায় না হইয়া পড়িত, তাহা হইলে হিংস্র ঋপদের আয় প্রতিনিয়ত কোটিল্য ও ক্রোধ-পরায়ণ ধনবান ব্যক্তির সম্মুখে নিপতিত হইয়া, তাহাকে প্রাণান্তক কষ্ট ভোগ করিতে হইত কি ?

যঃ পৃথ্বীমপি দর্শাক্ষৌ ন পশ্যতি পুরঃ স্থিতাম্ ।

স দৈন্য-লঘুতাং যাতং কথং সেবকমীক্ষতে ॥৫॥

হায়, দর্শকগণ যদিরা অন্ধ যে ব্যক্তি, বাহাতে অবস্থিতি করিয়া জীবনযাত্রা নির্বাহ করিতেছে, চতুর্দিকে বিচক্ষমান সেই পৃথিবীকেও যখন কিছুতেই দেখিয়াও দেখিতে সমর্থ হয় না, তখন যাক্ষাপরায়ণ অতি দীনহীন নিজের সেবককে দেখিয়া কিরূপে বুঝিতে সমর্থ হইবে ? ৫।

অসতিং বাহয়ত্যেকো বধিরং স্তোতি চাপরঃ ।

অহো জগতি হাশ্চায় নির্লজ্জৌ সেব্যসেবকৌ ॥৬॥

ধনী অগতি (উপায়বিহীন) যাচক ব্যক্তিকে প্রতিনিয়তই বহন করিয়া ক্লান্ত হইয়া থাকেন, কারণ যাচকের অভাব-সমূহের আকাঙ্ক্ষা-ভঙ্গ বিদীন

হইয়া কখনও শাস্ত ভাব ধারণ করিতে পারে না । • ওদিকে যাচকও বধির প্রায় ধনবান ব্যক্তিকে বৃথা স্তবস্তুতি করিয়া থাকে, কেননা, দাতা কখনও যাচকের সর্বপ্রকার অভিলাষ একেবারে পরিপূর্ণ করিয়া দিতে সমর্থ হইতে পারেন না । অহো কি আশ্চর্যের বিষয়, যথার্থ বিচার করিয়া দেখিলে স্পষ্টই দেখিতে পাওয়া যায়, সেবা (ধর্মী) ও সেবক (যাচক) এই উভয় ব্যক্তিই এই জগতে মিলনজ্ঞতার পরাকাষ্ঠা প্রাপ্ত হইয়া হাশ্বাস্পদ হইয়া থাকে । ৬।

দূরস হৃৎকারমাত্রেণ বিসৃষ্টো মার্গণঃ সদা ।

শুণভ্রষ্টঃ ক্রিয়াহীনো নোদ্বৈগং যাতি সেবকঃ ॥৭॥

মার্গণ (যাচক) ব্যক্তি দাতার হৃৎকার মাত্রেই বিক্ষিপ্ত মার্গণের (শরের) ছায় বিদূরে অপসারিত হইয়া পড়ে, কিন্তু তাহাতেও শুণহীন ও স্বকার্য্যে অলস মুঢ় ব্যক্তি কোন উদ্বৈগই অনুভব করে না ; পক্ষান্তরে বিক্ষিপ্ত শর ও শুণ (রজু) হইতে ব্রষ্ট হইয়া অচিরে ক্রিয়াহীন (গতিশক্তিবিহীন) হইয়া থাকে । ৭।

মন্যে স্মৃতিনা তেন ভাগীরথ্যাং কৃতং তপঃ ।

বৈরাগ্য-ভাগীরথ্যাং যঃ সেবাসু ন বিগাহতে ॥৮॥

আমি বিবেচনা করি, সেই ব্যক্তিই প্রকৃত পক্ষে ভাগীরথী গঙ্গাকে আশ্রয় করিয়া তপশ্চর্যা দ্বারা নিজের জীবন ধন্য করিয়াছেন, যিনি বৈরাগ্যরূপ ভাগীরথীকে অবলম্বন পূর্বক কখনও সেবারূপ পক্ষে নিমজ্জিত হইয়া নিজ দেহকে কলুষিত করেন নাই । ৮।

কথিতক্লেশবাপেন শাপেনেব বিপাকিনা ।

সেবাতাপেন পচ্যন্তে ন হৃদুকৃতিনো নরাঃ ॥৯॥

পরের দাসত্ব, যাচক ব্যক্তিকে অভিশাপের ছায় পরিণামে হৃৎসহ ক্লেশ পরম্পরা প্রদানপূর্বক সম্ভাপিত করিয়া থাকে ; কিন্তু কি সৌভাগ্যের বিষয় অযাজ্ঞাপরায়ণ পুণ্যশীল ব্যক্তিকে কখনও এই হৃৎস দাবানল স্পর্শ করিতেও সমর্থ হয় না । ৯।

অদৈন্য-পুণ্য-মনসাং যশস্তেষাং বিরাজতে ।

সেবা-পঙ্ক-কলঙ্কানাং যৈর্গ পাত্রীকৃতং শিরঃ ॥১০॥

যাহারা পরসেবারূপ ছরপনের কলঙ্ক পঙ্ক দ্বারা নিজের মস্তক কলুষিত করেন নাই, তাঁহাদিগকে কখনও দুঃখ দারিদ্র্যের একমাত্র আধার এই দীনতা স্পর্শ করিতেও পারে না ; অধিকন্তু যাক্কাবিহীনতার সতত পবিত্র অন্তঃকরণ সেই সাধু ব্যক্তিদিগের অক্ষয় যশোরাশি সর্বত্র নিজ প্রভাব বিস্তার করিয়া থাকে ।১০।

ক্রমণঃ

শ্রীমথুরানাথ মজুমদার কবিরাজ কাব্যতীর্থ কবিচিন্তামণি

বল্লাল-কাহিনী

খৃষ্টীয় দ্বাদশ শতাব্দীর প্রথমপাদে বিজয় সেনের পুত্র বল্লাল সেন গৌড়-সিংহাসনে আরোহণ করিয়াছিলেন। সেনবংশীয় স্বাধীন রাজগণের মধ্যে তিনিই সর্বশ্রেষ্ঠ স্বাধীন নরপতি ছিলেন। তাঁহার রাজ্যকালের কোন ঘটনাই অষ্টাবধি ইতিহাসে নির্ধারিত হয় নাই। কিন্তু রামপালে অষ্টাবধি তাঁহার সম্বন্ধে অনেক কিম্বদন্তী প্রচলিত আছে। তাঁহার যশঃসৌরভ বহুদূর বিস্তৃত হইয়াছিল এবং তাঁহার মৃত্যুর বহুকাল পরেও সংঘটিত ঘটনাবলি তাঁহার সমসাময়িক বলিয়া জনশ্রুতি নিরূপণ করিয়া থাকে।

তাঁহার জন্মবৃত্তান্তও গভীর রহস্যময়। কেহ কেহ তাঁহাকে আদিশূরের পুত্র বলিয়াও নির্দেশ করেন। কথিত আছে, তাঁহার মাতা, শূর-রাজবংশোদ্ভূতা বিলাস দেবী আদিশূরের বড়ই প্রিয়পাত্রী ছিলেন। একদিন রাজা মহিষীর চরিত্র বিষয়ে সন্দেহান হইয়া তাঁহাকে রাজ্য হইতে নির্বাসিত করেন। সমাজ-চ্যুতা রানী নিরাশ অন্তঃকরণে চিরশান্তি লাভের আশায় ব্রহ্মপুত্র নদে ঝাঁপাইয়া

পড়েন । কিন্তু পুণ্য-সলিল নদ তাঁহাকে নির্ঝিল্পে অপর তীরে পৌছাইয়া দেন এবং নিকটবর্তী বৃদ্ধী-গঙ্গার তীরস্থিত দুর্গা দেবীর তত্ত্বাবধানে রাখিয়া যান । এই নদীর পার্শ্বস্থ এক অরণ্যের ভিতর রাণী তাঁহার পুত্র সন্তান প্রসব করেন । দেবীর আশ্রয়েই কুমার লালিত পালিত হইতে লাগিল । বয়োবৃদ্ধির সহিত তিনি নানা প্রকার ব্যায়াম-কৌশলে পারদর্শী হইলেন এবং রাজপুত্রের উপযুক্ত বুদ্ধি অর্জন করিতে লাগিলেন ।

কিশোর বয়সে একদিন বনমধ্যে বেড়াইতে বেড়াইতে বল্লাল তাঁহার রক্ষাকর্ত্রী দুর্গাদেবীর প্রতিমূর্তি জঙ্গলের ভিতর লুক্কায়িত রহিয়াছে দেখিতে পাইলেন । সেই স্থানেই পরে তিনি দেবীর সম্মানার্থ ঢাকেশ্বরীর (লুক্কায়িত দেবী) মন্দির নির্মাণ করেন । কিম্বদন্তী এইরূপ যে, এই মন্দিরের নাম হইতেই দেশের নাম ঢাকা হইয়াছে । দেব-দেবীর অনুগ্রহে বল্লাল সেন যৌবনাবস্থায় পদার্পণ করিলেন । তাঁহার পিতা লোকমুখে পুত্রের গুণাবলির কীর্ত্তন শুনিয়া তাঁহাকে দেখিতে ইচ্ছা করেন । যুবক রাজসভায় আনীত হইলে, রাজা তাঁহার রূপ-গুণে বিশেষ মুগ্ধ হন এবং তাঁহাকে যৌবরাজ্যে অভিষিক্ত করেন ।

অষ্টাবধি রামপালে প্রাচীন কীর্ত্তি যাহা কিছু বর্ত্তমান আছে, তাহারই সহিত বল্লাল সেনের নাম জড়িত । তিনি বড় বড় অট্টালিকা ও পথ নির্মাণ ও পুষ্করিণী খনন করাইয়া গিয়াছেন । তাঁহার প্রাসাদের ধ্বংসাবশেষ মাত্র দেখিলেই স্পষ্ট বুঝিতে পারা যায়, কিরূপ বৃহৎ আয়তনে এ অট্টালিকার নক্সা প্রস্তুত হইয়াছিল । প্রায় তিন হাজার স্কয়ার ফিটব্যাপী ভূমির উপর এই প্রাসাদ বিস্তৃত ছিল এবং দুই তিন শত ফিট প্রশস্ত খাতের দ্বারা চতুর্দিক বেষ্টিত । পূর্বদিকে প্রাসাদে প্রবেশের একমাত্র পথ । এখন কেবল মৃত্তিকাস্তূপই পরিখা-বেষ্টিত সেই বৃহৎ প্রাসাদের স্মৃতি রক্ষা করিতেছে । যেখানে রাজা ও রাজপুত্রগণ সভার অধিবেশন করিতেন, মৈত্ৰদল শিবির স্থাপন করিত, সে ভূমি কৃষকগণ আজ নির্ঝিল্পে কর্ষণ করিতেছে । এই রাজ-প্রাসাদের গাত্র হইতে ইষ্টক খুলিয়া বর্ত্তমানে রামপালে অনেকগুলি বাড়ী নির্মিত হইয়াছে, এবং ইসলাম খাঁ ঢাকা নগরীতে তাঁহার রাজধানী স্থাপন করিবার সময় অনেক ইট সেখানে লইয়া যান । বহুকালের পরিত্যক্ত এই মৃত্তিকা স্তুপাভ্যন্তরে বহু ধনরত্ন নিহিত আছে বলিয়া জনশ্রুতিও প্রচলিত আছে, এবং প্রায় একশত বৎসর পূর্বে একজন কৃষক নিকটস্থ ভূমি

কর্ষণ করিতে করিতে ৭০ হাজার টাকা মূল্যের এক অত্যাঙ্গুল হীরকখণ্ড পাইয়াছিল। জনসাধারণের ধারণা, এ হীরকখণ্ড নিশ্চয়ই একদিন বল্লাল সেনের প্রাসাদের শোভা বর্ধন করিত।

বল্লাল সেন কর্তৃক নির্মিত রাস্তাগুলি সবই বিস্তৃত ও উচ্চ। একটি বড় রাস্তা রামপাল হইতে পদ্মা নদী পর্য্যন্ত বিস্তৃত। এই রাস্তা সম্বন্ধে ঐ অঞ্চলে এক জনশ্রুতি প্রচলিত আছে। জ্যোতিষীগণ গণনা করিয়া বলিয়াছিলেন যে, গলদেশে মাছের কাঁটা বিদ্ধ হইয়া রাজা মৃত্যুমুখে পতিত হইবেন। এই সংবাদ শ্রবণে ভীত হইয়া তিনি মৎস্যাহার একেবারে বন্ধ করিতে কৃতসঙ্কল্প হইলেন। কিন্তু পদ্মানদীতে কেচকি নামে একজাতীয় মাছ পাওয়া যায়, সাহার কাঁটা নাই। রাজা নদী হইতে দেশে সেই মৎস্য আনা হইবার জন্ত এই পথ নির্মাণ করান। তদবধি এই পথ “কেচকি দরওয়াজা” নামেই অভিহিত।

বল্লাল সেনের প্রাসাদের নিকট “রামপাল দীঘি” নামে যে একাণ্ড দীঘিকা আছে, তাহারও খনন সম্বন্ধে এক অদ্ভুত কিম্বদন্তী প্রচলিত আছে। এই দীঘি দৈর্ঘ্যে আধ ক্রোশ, প্রস্থে পাঁচশত গজ। হিন্দুরাজগণ কিরূপ বৃহৎ আয়তনে প্রাসাদ, অট্টালিকা, পথ, পুকুরিণী, দীঘি প্রভৃতি নির্মাণ করিতেন, ইহা তাহার জ্ঞানস্তম্ভ দৃষ্টান্ত। সংস্কারের অভাবে এই দীঘির অধিকাংশ ভাগই এখন ভরাট ও শুষ্ক হইয়া গিয়াছে। সে উর্বর ভূমিতে কৃষকগণ এখন ধাতু উৎপাদন করিতেছে।

জনসাধারণের হিতার্থে ও দেবতাগণের অমুগ্রহ লাভের আশায় তিনি এই মহৎ কার্যে ব্যাপৃত হন। দীঘির আয়তন নির্ধারণের জন্ত তিনি এক আশ্চর্য্য উপায় উদ্ভাবন করিয়াছিলেন। তিনি স্থির করিলেন যে তাঁহার মাতা একদিন কোন্ স্থানে না থামিয়া ষতদূর পদব্রজে যাইতে পারিবেন, দীঘির দৈর্ঘ্যও ততদূর বিস্তৃত হইবে; এবং রাত্রে মধ্যস্থি সেই স্থান খনন করাইতে প্রতিজ্ঞা করিলেন। রাজমাতা জীবনে অতি অল্পই পদব্রজে বাহির হইয়াছেন। সেই ঐশ্বর্য্য জননী অক্ষমতার উপর নির্ভর করিয়া তিনি ভাবিয়াছিলেন যে, দীঘির দৈর্ঘ্যের সীমাও বেশী বিস্তৃত হইবে না; কিন্তু কার্য্যক্ষেত্রে বুঝিতে পারিলেন, তাঁহার মাতার পদব্রজে গমনশক্তির বিষয় তিনি ভুল ধারণা করিয়াছিলেন। বস্ত্রাবৃত হইয়া পুত্র ও মন্ত্রীগণের সমভিব্যাহারে রাজমাতা প্রাসাদ হইতে দক্ষিণ মুখে যাত্রা

করিলেন। পদব্রজে গমনে তাঁহার বিশেষ স্মৃতিই লক্ষ্য হইল এবং কিছুদূর গিয়াও তাঁহার কোন অবসাদের চিহ্ন দেখা গেল না। রাজা বড়ই ভীত হইলেন। ভাবিলেন রাজমাতা এই গতিতে আরও বেশীদূর অগ্রসর হইলে, রাত্রের মধ্যে এত বড় দীঘি খনন করাইয়া প্রতিজ্ঞা রক্ষা করা তাঁহার পক্ষে অসম্ভব হইবে। পক্ষান্তরে প্রতিজ্ঞা ভঙ্গে মহাপাপের ভাগী হইতে হইবে। জননীকে আরও অগ্রসর হইতে দেখিয়া রাজা বড়ই চিন্তিত হইলেন। পক্ষান্তরে তাঁহারই কষ্টসহিষ্ণুতার উপর প্রজাগণের স্মৃতির সীমা ও পরিমাণ নির্ভর করিতেছে, এই ভাবিয়া রাজমাতা স্বয়ং পথভ্রমণজনিত ক্লেশ ও অবসাদ স্বীকার করিয়াও সম্মুখে অগ্রসর হইতে লাগিলেন। মনে হইল যেন দৈব অনুগ্রহে তিনি নববলে বলীমান হইয়াছেন। ব্যাপার ক্রমেই সঙ্গীন হইয়া দাঁড়াইল। বল্লাল সেন নিক্রপায় হইয়া এক কৌশল অবলম্বন করিতে বাধ্য হইলেন।

মাতার অজ্ঞাতসারে তাঁহার চরণের উপরিভাগ অলঙ্করণ-রঞ্জিত করিতে তিনি চাকরদিগকে আদেশ করিলেন। এক অনুগত ভৃত্য তাঁহার আদেশ পালন করিলে, তিনি অকস্মাৎ চীৎকার করিয়া উঠিলেন,—“রাজমাতার চরণে জৌক ধরিয়াছে।” রাজমাতাও পায়ে লাল দাগ দেখিয়া রক্ত বলিয়া মনে করিলেন এবং ভাল করিয়া পরীক্ষা করিবার জন্ত খামিয়া গেলেন। এই স্থানই দীঘির শেষ সীমা, প্রাসাদ হইতে প্রায় আধ ক্রোশ দক্ষিণে। তৎক্ষণাৎ রাজা বহুসংখ্যক শ্রমজীবী সংগ্রহ করিয়া খনন কার্যে ব্যাপৃত হইলেন এবং রাত্রির মধ্যেই সেই বৃহৎ দীঘি খনন করাইয়া প্রতিজ্ঞা রক্ষা করিলেন।

দৈর্ঘ্যে এই দীঘির এক প্রান্ত হইতে অপর প্রান্ত দৃষ্টিগোচর হইল না। কিন্তু বল্লাল সেন দীঘির আয়তন অথবা বর্ধিত হইবার ভয়ে যে কৌশল অবলম্বন করিয়াছিলেন, তজ্জন্ত দেবতাগণ তাঁহার উপর অত্যন্ত রাগান্বিত হইলেন এবং দীঘিটি গভীর হইলেও, শুষ্ক হইয়া রহিল। দিনের পর দিন চলিয়া গেল, দীঘি আর জলপূর্ণ হইল না। রাজা বড়ই লজ্জিত হইলেন। অবশেষে তাঁহার বন্ধুবর রামপাল এক আশ্চর্য্য স্বপ্ন দেখিলেন, দেবী যেন তাঁহাকে প্রজাগণের হিতার্থে নিজের প্রাণ বিসর্জন করিতে আদেশ করিতেছেন; তাহা হইলেই দীঘি জলপূর্ণ হইয়া উঠিবে। পরদিন তিনি রাজা ও দেশবাসিগণকে দীঘির পাড়ে সমবেত করিয়া, তাঁহাদিগকে তাঁহার অদ্ভুত স্বপ্নদর্শনের কথা বলিলেন, এবং

উত্তরের প্রতীক্ষা না করিয়াই দীঘির গভীর তলদেশে স্বেচ্ছায় অবতীর্ণ হইলেন । তৎক্ষণাৎ শত শত জলস্রোত কোথা হইতে আসিয়া দীঘিটিকে পূর্ণ করিয়া ফেলিল । রামপালও সেই অগাধ জলরাশির মধ্যে নিমগ্ন হইলেন, আর পাড়ে উঠিতে পারিলেন না । বিস্মিত দর্শকবৃন্দ সম্মুখে “রামপাল, রামপাল” বলিয়া চীৎকার করিয়া উঠিল । কিন্তু তৎপূর্বেই জলরাশি দীঘিটিকে একেবারে পূর্ণ করিয়া ফেলিয়াছিল । রামপালের চিহ্নমাত্রও আর দেখিতে পাওয়া গেল না । বল্লাল সেন বন্ধুর জন্ত দুঃখ করিয়া কাঁদিতে কাঁদিতে বলিলেন, ...“আমারই পাপে আমার বন্ধুর মৃত্যু ঘটয়াছে । তাহার মৃত্যুর জন্ত আমিই দায়ী । এই দীঘি অস্ত্রাবধি রামপালের নামেই অভিহিত হইবে ।” তদবধি ইহা “রামপালের দীঘি” নামেই খ্যাত । এই ঘটনা হইতে এ প্রশ্ন স্বতঃই মনোমধ্যে উদ্ভূত হয়—“দীঘির নাম হইতেই কি দেশের নামকরণ হইয়াছে ?”

এই দীঘির অদূরেই একটি পুষ্করিণী আছে । রামপাল দীঘির সহিত ইহার উৎপত্তির বিবরণ সংশ্লিষ্ট । কথিত আছে, উক্ত দীঘি খননের পর বল্লাল সেন প্রত্যেক শ্রমজীবিকে নিকটস্থ এক স্থান হইতে এক কোদাল করিয়া মাটি খুঁড়িতে আদেশ করেন । শ্রমজীবীদের সংখ্যা এত অধিক ছিল যে, তাহারা প্রত্যেকে এক কোদাল করিয়া মাটি খুঁড়িতেই স্থানটি এক বৃহৎ পুষ্করিণীতে পরিণত হইল । ইহার আয়তন ১০৫০ ফিট দীর্ঘ ও ৭৫০ ফিট প্রস্থ । উহা এখনও “কোদালধোয়া” দীঘি নামে অভিহিত হয় ।

রামপাল দীঘির উত্তর পাড়ে একটি বিশাল গজারি বৃক্ষ আছে । ইহার উচ্চতা প্রায় দেড়শত ফিট । ইহা বহুকাল ধরিয়া ঐস্থানে অবস্থিত । স্থানীয় হিন্দু-অধিবাসিগণ বৃক্ষটিকে পবিত্র জ্ঞানে পূজা করিয়া থাকে । তাহাদের ধারণা বৃক্ষটি অমর এবং ইহার অসাধারণ গুণ ও দৈব শক্তি আছে । ইহার পাত্রে অনেকের ছরারোগ্য রোগের উপশম হইয়াছে বলিয়া কথিত আছে । ইহার পাতা ছেঁড়া বা ডাল কাটা বিশেষ ভাবে নিষিদ্ধ । একবার একজন ফকির এই বৃক্ষের তলদেশে আশ্রয় লইয়া ইহার ডাল কাটিয়া অগ্নি সংযোগে তাহার সাক্ষ্য আহাৰ্য্য প্রস্তুত করিয়াছিলেন । কিন্তু সেই অন্ন মুখে করিবামাত্র তিনি রক্ত বমন করিয়া মৃত্যুমুখে পতিত হন । বন্দ্য স্ত্রীলোকগণ এই পবিত্র বৃক্ষতলে বসিয়া সন্তান-লাভের জন্ত ঠাকুর-দেবতার পূজা করিয়া থাকে এবং কৃষকেরা সন্তোষজনক শস্য

লাভের আশায় ইহার অনুগ্রহপ্রার্থী হয়। বহুদিন পূর্বে ইহার সম্মানার্থে নিকটেই প্রতিবৎসর চৈত্রমাসে এক মেলা বসিত।

বজাল সেনের মৃত্যু সম্বন্ধেও এক অদ্ভুত জনশ্রুতি প্রচলিত আছে। রামপালের অদূরেই আবদাল্লাপুর নামক গ্রামে একঘর মুসলমান বাস করিত। বাড়ীর কর্তা নিঃসন্তান ছিলেন এবং বহুদিন ধরিয়া ঈশ্বরের নিকট পুত্রের জন্মকামনা প্রার্থনা করিয়াও, যখন তাঁহার বাসনা পূর্ণ হইল না, তাঁহার মনে গভীর অশান্তির সঞ্চার হইল। এমন সময় একদিন এক ফকির ভিক্ষা লাভের আশায় তাঁহার ঘরে আসিয়া উপস্থিত হইলেন। ঈশ্বরের অনুগ্রহ লাভে বঞ্চিত হইয়া, তিনি বড়ই হতাশ হইয়া পড়িয়াছিলেন। ফকিরকে মুষ্টি ভিক্ষা দানে অসম্মত হইয়া তাঁহাকে এই বলিয়া স্থানান্তরে যাইতে আদেশ করিলেন ;—“আল্লা আমার মনোবাঞ্ছা পূর্ণ করেন নাই, আমি তাঁহার নামে আর ভিক্ষা দিব না।” কিন্তু সর্বদর্শী ফকির উত্তর করিলেন,—“আল্লা আপনার প্রার্থনা গুনিয়াছেন। আপনি শীঘ্রই পুত্র সন্তানের মুখ দেখিবেন।” মুসলমান আনন্দে অধীর হইয়া ফকিরকে ভিক্ষা দিলেন এবং আরও বলিলেন পুত্র সন্তান ভূমিষ্ট হইলে তিনি ফকিরকে খুব সম্বল করিয়া দিবেন। ফকির যাইবার সময় বলিয়া গেলেন, “আমাকে আর কিছুই দিতে হইবে না ; কেবল আল্লার তৃপ্ত্যর্থৈ একটা গরু জবাই করিও।”

যথা সময়ে মুসলমানের একটি পুত্র সন্তান জন্মিল। ফকিরের আদেশমত তিনি গরু জবায়ের বন্দোবস্ত করিতে লাগিলেন। কিন্তু তাঁহার হিন্দু প্রতিবেশীরা তাঁহার কার্য্যে বাধা দিতে দলবদ্ধ হইয়া দাঁড়াইল। প্রতিজ্ঞা পালনে কৃত-সংকল্প হইয়া তিনি নিকটস্থ জঙ্গলের ভিতর গমন করিয়া জবাই কার্য্য সম্পন্ন করিলেন। পরে পরিবারবর্গের আহারোপযোগী মাংস লইয়া, অবশিষ্টাংশ মৃত্তিকা-ভ্যস্তরে পুতিয়া ফেলিলেন। গৃহে ফিরিবার পথে এক চিল এই মাংসের কিয়দংশ তাঁহার হাত হইতে ছোঁ মারিয়া লইয়া বিক্রমপুর অভিমুখে উড়িয়া গেল এবং রাজার প্রসাদের সন্মুখেই তাহা ফেলিয়া দিল। রাজা ইহা হিন্দুগণের উপাস্ত গরুর মাংস বলিয়া চিনিতে পারিয়া, এই গর্হিত কার্য্য কে করিয়াছে সন্ধান লইবার জন্য নানা স্থানে চর পাঠাইলেন। জঙ্গলে অনুসন্ধান করিবার সময় তাহার দেখিতে পাইল, একদল শূণ্ডাল সেই মৃত্তিকাপ্রাণিত মাংসখণ্ড তুলিয়া ধাইতেছে। এবং পথে লইয়া যাইবার সময় হস্তস্থিত মাংস হইতে পতিত রক্তবিন্দুর দাগ

অনুসরণ করিয়া তাহারা সেই মুসলমানের গৃহদ্বারে গিয়া পৌঁছিল । রাজা সমস্ত বৃত্তান্ত অবগত হইয়া আদেশ করিলেন,—“যে শিশুর মঙ্গলার্থে এই গো নিহত হইয়াছে, তাহাকে কল্যা প্রাচ্যে, প্রাসাদে আনিয়া বধ করা হইবে । বাহার জন্মোৎসবে এত বড় এক পাপ কার্য্য অনুষ্ঠিত হইয়াছে, তাহার বাঁচিয়া থাকা যুক্তিসঙ্গত নহে ।”

মুসলমান ভিতর ভিতর রাজ-আজ্ঞা অবগত হইয়া, সেই রাত্রেই দ্বী ও নবজাত শিশুপুত্রকে লইয়া বাসভূমি ত্যাগ করিলেন এবং ভারতবর্ষ পার হইয়া তাঁহার আদিম নিবাসস্থান :আরব্য দেশে উপস্থিত হইলেন । মক্কানগরীতে বাবা আদম নামক এক ফকিরের সাক্ষাৎ পাইয়া তিনি তাঁহাকে তাহার পলায়ন বৃত্তান্ত জ্ঞাপন করিলেন । একরূপ দেশ আছে, যেখানে মুসলমানেরা স্বাধীনভাবে তাহাদের ধর্ম্ম আচরণ করিতে পারে না শুনিয়া, বাবা আদম সধর্ম্মীগণের ধর্ম্মাচরণে স্বাধীনতা লাভ করিতে কৃতসঙ্কল্প হইলেন এবং শত সহস্র অস্ত্রে সজ্জিত অনুচর সংগ্রহ করিয়া বিক্রমপুর যাত্রা করিলেন । পথে নানা বাধা বিঘ্ন অতিক্রম করিয়া, তিনি সদলবলে বল্লাল সেনের রাজধানীর নিকট উপস্থিত হইলেন এবং সেখানে একটি মসজিদ নির্মাণ করিয়া মুসলমান ধর্ম্মের নিত্য নৈমিত্তিক ক্রিয়া কলাপ প্রকাশ্য ভাবে অনুষ্ঠান করিতে লাগিলেন । অনেক গো, বৃষ নিহত হইতে লাগিল এবং নেমাজ পড়িবার পূর্বে সধর্ম্মীগণকে মসজিদে হাজির করিবার আহ্বানধ্বনি রাজার প্রাসাদ মধ্য হইতে শুনিতে পাওয়া যাইত ।

বল্লাল সেন রাগে অগ্নিশর্মা হইয়া উঠিলেন । তিনি আগন্তুকদের নিকট দূত দ্বারা বলিয়া পাঠাইলেন,—“হয় তোমরা এস্থান ত্যাগ করিয়া চলিয়া যাও ; নচেৎ হিন্দুগণের ধর্ম্মবিরোধী আচার অনুষ্ঠান হইতে বিরত হও ।” কিন্তু বাবা আদম অসংখ্য অনুচরের সাহায্যে উৎসাহিত হইয়া রাজাকে উদ্ধতভাবে উত্তর পাঠাইলেন,—“ঈশ্বর এক এবং একমাত্র মহম্মদীয় ধর্ম্মই পবিত্র ধর্ম্ম । সেই ধর্ম্মাণুযায়ী আচার আমরা অনুষ্ঠান করিব । বিধর্ম্মী বল্লাল সেন যাহা ইচ্ছা করিতে পারে ।” হিন্দু রাজা সৈন্ত সামন্ত সংগ্রহ করিয়া বাবা আদমের বিরুদ্ধে যুদ্ধ যাত্রা করিলেন । রাজধানী ত্যাগ করিবার পূর্বে প্রাসাদের ভিতর এক বৃহৎ অগ্নিকুণ্ড নির্ম্মিত করাইলেন । বলিয়া গেলেন, যদি তিনি যুদ্ধ ক্ষেত্রে পরাজিত হইয়া আর প্রত্যাবর্তন না করেন, বিজয়ী মুসলমানদের হাতে পড়িয়া

অপমানিত হইবার পূর্বেই তাঁহার পরিবারবর্গ প্রজ্জ্বলিত অগ্নিকুণ্ডে কাঁপ খাইয়া প্রাণত্যাগ করিবে। পাছে বিজয়ী শত্রু সৈন্য হঠাৎ অতর্কিতভাবে প্রাসাদ আক্রমণ করে এই ভয়ে তিনি এক সঙ্কেত চিহ্নেও নির্দেশ করিলেন। তাহার দ্বারা প্রাসাদস্থ নরনারী বৃষ্টিতে পারিবে যে, তিনি যুদ্ধে পরাজিত হইয়াছেন। তিনি তাঁহার যুদ্ধসজ্জার ভিতর এক পত্রবাহক পারাবত সঙ্গে করিয়া লইলেন। যুদ্ধে ভাগ্যবিপর্যয় ঘটিলেই তিনি পারাবতটিকে মুক্ত করিয়া দিবেন; সে প্রাসাদে উড়িয়া আসিলেই, তাহার অগ্নিকুণ্ড প্রজ্জ্বলিত করিয়া প্রাণত্যাগ করিবে।

বর্তমানে যেখানে বাবা আদমের মসজিদ অবস্থিত, সেখানে ছই সৈন্যদল পরস্পর সম্মুখীন হইয়া ভীষণ সংগ্রামে নিরত হইল। বহুক্ষণ ধরিয়া জয়পরাজয় অনিশ্চিত রহিল। পরে জয়লক্ষ্মী ক্রমে ক্রমে বল্লাল সেনের পক্ষই অবলম্বন করিলেন। মুসলমানেরা যুদ্ধে পরাজিত হইল। তাহাদের অধিকাংশ সৈন্যই যুদ্ধক্ষেত্রে নিহত হইল। শেষে বল্লাল সেন বাবা আদমের সাক্ষাৎ পাইলেন। তখন সন্ধ্যা আগত প্রায়। ফকির যুদ্ধে পরাজয়ে আদ্যো বিচলিত হন নাই। মন্দির দিকে মুখ করিয়া মাটিতে হাঁটু গাড়িয়া সন্ধ্যা নেমাজ পড়িতেছিলেন। কথিত আছে, বল্লাল সেন উপাসনা নিরত শত্রু সেনাপতিকে তরবারির দ্বারা আঘাত করিলেন; কিন্তু বড়ই অশর্ঘ্যের বিষয়, তরবারির আঘাত ফকিরের গায়ে কোনও রেখাপাত করিতে পারিল না। ফকির তখন উঠিয়া রাজার সম্মুখে দাঁড়াইলেন। ছই বিরুদ্ধভাবাপন্ন ধর্মের নেতা আজ পরস্পর মুখোমুখী। ফকির জিজ্ঞাসা করিলেন,—“নেমাজ পড়বার সময় কেন আমাকে বাধা দিতেছ?” বল্লাল সেন উত্তর করিলেন,—“হিন্দু জাতির উপাস্ত্র দেবী গো হত্যা তুমি করিয়াছ। তোমাকে বধ করিতে আসিয়াছি।” এই বলিয়া তিনি ফকিরকে পুনর্বার তরবারির দ্বারা আঘাত করিলেন। ফকিরের দেহ বোধ হয় লৌহ-নির্মিত ছিল। এবারও সেই তীক্ষ্ণ অসিধারা ব্যর্থ হইল। তখন বাবা আদম যুদ্ধক্ষেত্রে শায়িত মৃত অনুচরদের প্রতি দৃষ্টিপাত করিয়া চীৎকার পূর্বক বলিলেন,—“তোমার হাতেই মরা আল্লার মরজি। কিন্তু বিধর্মীর হস্তে আমার পতন হইবে না। এই লও আমার তরবারি;—আমাকে সংহার কর। অপর তরবারিতে আমাকে কিছুতেই আহত করিতে পারিবে না। আল্লার অভিশাপ

যেন শীঘ্রই তোমার শিয়রে বর্ষিত হয়!” সেই তরবারি লইয়া বল্লাল সেন ফকিরকে আঘাত করিলেন। এক আঘাতেই তাঁহার দেহ দুইভাগে বিভিন্ন হইয়া গেল।*

বল্লাল সেন শত্রুজয়ে উল্লসিত হইয়া হস্ত মুখ প্রক্ষালন নিমিত্ত নদীতে অবঅরণ করিলেন। কিন্তু নত হইয়া জলস্পর্শ করিবার সময় পারাবতটি অলক্ষিতে তাঁহার পোষাকের ভিতর হইতে উড়িয়া গেল। এদিকে রাজপরিবারবর্গ প্রাসাদ প্রাচীর হইতে উৎসুক নয়নে সংবাদের প্রতীক্ষায় চাহিয়াছিল। তাহারা সাক্ষ্য-গগনে উড্ডীয়মান পারাবতের গুরু ডানাছুটি দেখিতে পাইল। পারাবতটি উড়িয়া আসিয়া প্রাসাদ প্রাচীরে বসিল। সঙ্গে সঙ্গে প্রাসাদ ধ্বংস জ্বীলোকের করুণ আর্তনাদ উঠিত হইল। এবং শত্রু সৈন্য আসিয়া প্রাসাদ আক্রমণ করিবার পূর্বেই যথা শীঘ্র সম্ভব অগ্নিকুণ্ড প্রজ্জ্বলিত করিল। সকলেই সেই জ্বলন্ত ছত্যাশনে বাঁপ খাইয়া স্বেচ্ছায় মৃত্যু বরণ করিল।

প্রাসাদের চতুর্দিক ধূমাচ্ছন্ন হইয়া উঠিল। এদিকে নদীতীরে উঠিয়া বল্লাল সেনের চৈতন্য হইল; দেখিলেন পারাবতটি অতর্কিতে কখন উড়িয়া গিয়াছে। তিনি দ্রুত অশ্চাৎকরণ করিয়া প্রাসাদভিষুখে ধাবিত হইলেন। কিন্তু তিনি যখন প্রাসাদে উপস্থিত হইলেন, তখন সব শেষ হইয়া গিয়াছে। তাঁহার পরিবার-আত্মীয় স্বজনের মধ্যে আর কেহই জীবিত নাই। ছুখে ও নৈরাশ্যে তিনিও সেই ধূমায়িত অগ্নিচিতায় আপনাকে নিক্ষেপ করিলেন এবং পুড়িয়া ভস্ম হইয়া গেলেন। নিষ্ঠুর দৈবের হস্তে ক্রৌড়াপুত্তলিকাসম বিক্রমপুরের শেষ

* এই ছিন্ন শরীরের একাংশ কোনও অদ্ভুত উপায়ে চট্টগ্রামে নীত হয়। সেখানে তাঁহার সম্মানার্থে স্থাপিত এক মসজিদ অতীত বর্তমান আছে। এবং যেখানে তাঁহার মৃত্যু হইয়াছিল, মুসলমান সম্রাট জালালুদ্দিন ফতে সার রাজত্বের সময় ১৪৮৩ খৃষ্টাব্দে সেখানে এক মসজিদ নির্মিত হইয়াছিল। মসজিদের অর্দ্ধাংশ বর্তমানে ভগ্ন হইয়া গিয়াছে। অবশিষ্ট ভগ্নাবশেষ দুটি খেত প্রস্তরের স্তম্ভের উপর ভর করিয়া দাঁড়াইয়া আছে। এই স্তম্ভ দুটি বল্লাল সেনের গদা বলিয়া জনশ্রুতি এখনও প্রচলিত। হিন্দু স্ত্রীলোকগণ এই মসজিদের ভিতর প্রবেশ করিয়া স্তম্ভ গাত্রে সিন্দূর বিন্দু লেপন করে।

হিন্দু রাজা ভস্মীভূত হইলেন । অত্যাধি তিনি “পোড়া রাজা” নামেই ঐ
অঞ্চলে খ্যাত ।

ফরিকের অভিশাপ হাতে হাতেই ফলিয়া গেল !

F. B. Bradley—Birt, B. A, I. C. S., প্রণীত “The Romance
of an eastern capital” নামক পুস্তক হইতে সঙ্কলিত । ইহা কাহিনীমাত্র ;
ঐতিহাসিক সত্য ইহার ভিতর কতটুকু নিহিত আছে, তাহা ইতিহাসজ্ঞ পাঠক
বিচার করিবেন ।

শ্রীঅনিলচন্দ্র মুখোপাধ্যায় ।

অমরা ও অমর ।

(এলা ছইলার ভাব উইলক্সের অবলম্বনে)

এহ উপগ্রহ মাঝে রমা বহুকরা ;

অমরা যে—এর মাঝে তাহার উদয় ।

মানব—দেবতা, স্নেহমমতার ভরা ;

ভূমিকা তোমার ভূমিকের অভিনয় ।

পূর্ণতা জীবনে এলে কোথা মৃত্যু জরা ?

ভূমিই ফুটাবে অশ্রু কলিকা-হৃদয় ;

করণাতে প্রাণ লভি’ যত আধ-মরা

তোমারে “অমর” বলি দিবে “জয় জয়” ।

বার্ণ এ পৃথিবী নয় ;—নও ব্যর্থ ভূমি—

ভিতরে জাগিছে তব অমর-পরাণ ।

“প্রেমেই পূর্ণতা রাজে”—বলি’ দিনযামি,

চলেছে সাধনা-পথে হয়ে আশ্রয়ান ।

ঘুমার দেবতা-সভা ওগো প্রেম-কামী

বচন-অমৃতে সবে কর আস্থান !

শ্রীচণ্ডিচরণ মিত্র ।

আমাদের জাতীয়-উন্নতির একটি সূত্র ।

পূর্বানুয়ত্তি ।

এইবার দেখা যাউক—যাঁহারা আমাদের দর্শনকে পাশ্চাত্যদর্শন অপেক্ষা নিরুৎকৃষ্ট বলেন, তাঁহাদের দ্বিতীয় যুক্তিটা কতদূর সঙ্গত ।

দ্বিতীয় যুক্তিটা এই যে, (ক) আমাদের দর্শনশাস্ত্র অতি প্রাচীন কালের জিনিষ, অতএব তাহা আধুনিক কালের জিনিষ অপেক্ষা পূর্ণতর বা নির্দোষ হইতে পারে না । কারণ, অভিব্যক্তিবাদের সিদ্ধান্তই এই যে, জগৎ দিন দিন উন্নতির পথেই অগ্রসর হইতেছে, জগতের জ্ঞানসম্পত্তি, বলবীৰ্য্য, বিদ্যাবুদ্ধি সকলই উত্তরোত্তর বৃদ্ধি পাইতেছে । পূর্ববর্তী কালে যাহা স্বেল্প ছিল, আজ তাহা অনেক উন্নত ও অনেক ভাল হইয়াছে । (খ) তাহার পর, এদেশেও আধুনিক কালে যে দর্শনচর্চা হইয়াছে, তাহাও আধুনিক পাশ্চাত্য-দর্শন অপেক্ষা কোনরূপেই উত্তম হইতে পারে না । কারণ, আধুনিক ভারতীয় দর্শন যে সময় জন্মগ্রহণ করিয়াছে, সে সময় ভারত পরাধীন, শ্বেচ্ছ-শাসনে উৎপীড়িত, কিন্তু আধুনিক পাশ্চাত্য দর্শন যে সময় উৎপন্ন হইয়াছে, সে সময় ইয়োরোপ স্বাধীন, সমগ্র পৃথিবী তাহার অধীন । পরাধীনের চিন্তা বা চেষ্টা কখন স্বাধীনের চিন্তা বা চেষ্টার সমকক্ষ হইতে পারে না । সুতরাং ভারতীয় আধুনিক দর্শনও পাশ্চাত্য আধুনিক দর্শনের মত পুষ্ট হইতে বা পূর্ণতা লাভ করিতে পারে না, ইত্যাদি ।

ইহার উত্তর এই যে, অভিব্যক্তিবাদের সিদ্ধান্তানুসারে প্রাচীনকালের বস্তুকে পরবর্তী কালের বস্তু অপেক্ষা সকল স্থলে অপূর্ণ বলিয়া বিবেচনা করা যায় না । কারণ, অভিব্যক্তিবাদের উক্ত সিদ্ধান্ত, উত্তরবাদিসম্মত সিদ্ধান্ত নহে । যাহা উত্তরবাদিসম্মত সিদ্ধান্ত নহে, তাহাকে অবলম্বন করিয়া এক পক্ষ একটী কথা বলিলে তাহা অপর পক্ষ স্বীকার করিতে বাধ্য নহে, সুতরাং সাধারণেও যে তাহা গ্রাহ্য হইবে না, তাহা নিশ্চিত ।

এখন দেখা যাউক, কি জন্ম আমরা অভিব্যক্তিরাদের উক্ত সিদ্ধান্তটি স্বীকার করি না ; কি কারণে আমরা জগতের সকল জিনিষেরই ক্রমোন্নতিকে সত্য বলিয়া বিবেচনা করি না ।

প্রথমতঃ দেখা যায়, পূর্বকালের যে সকল বিদ্যার এখনও যৎকিঞ্চিৎ অবশেষ রহিয়াছে, এবং যাহাকে আয়ত্ত করিবার জন্ম এখনও সেই পাশ্চাত্য জগতেই বিশেষ যত্ন দেখা যাইতেছে, তাহা অত্যাধিক পূর্ববৎ ফলদায়ক বা আয়ত্ত হইতেছে না, অথবা তাহাদের পরিবর্তেও অনুরূপ ফলপ্রদ কোন বিদ্যাও আবিষ্কৃত হইতেছে না । ভারতের ফলিতজ্যোতিষ, চিকিৎসাবিদ্যা এবং যোগবিদ্যার কথা ভাবিলে এ বিষয়ে আর সংশয় থাকে না । ফলিতজ্যোতিষ হইতে পূর্বকালে যে রূপ ভবিষ্যৎজ্ঞানলাভ হইত, তাহা আর এখন দেখা যায় না । যদি কেহ বলেন—এ কথার ভালরূপ প্রমাণ নাই ; তাহা হইলে তাহার উত্তরে আমরা বলিতে পারি যে, এখনও পর্য্যন্ত অপ্রচারিত যে সকল প্রাচীন জ্যোতিষ গ্রন্থের লুপ্তাবশেষ পাওয়া যায়, তাহাদিগকে অবলম্বন কেহ কেহ এখনও এরূপ ভবিষ্যৎ বর্ণনা করিয়া থাকেন যে, তাহা দেখিলে নিতান্তই চমৎকৃত হইতে হয় । আমরা স্বয়ং ইহা প্রত্যক্ষ করিয়াছি । এবং ভৃগুসংহিতা এই জাতীয় গ্রন্থের একটা দৃষ্টান্তস্থল হইতে পারে । ফলতঃ, ফলিতজ্যোতিষশাস্ত্র দেখিলে বলা যায় না যে, পরবর্তী কালের জিনিষ মাত্রেরই উন্নত ।

তাহার পর, চিকিৎসাশাস্ত্রেও সেই কথা । কারণ, ইহাতে যে সকল রসায়ণ ও কল্প প্রভৃতির প্রয়োগের ব্যবস্থা দেখা যায়, তাহার ফলে মনুষ্য অতি দীর্ঘকাল সুস্থ ও সবল শরীরে বাঁচিয়া থাকিতে পারে, যুযুঁ, জরাজীর্ণ, ও শীর্ণকলেবরও পুনরায় নবজীবন লাভ করিতে পারে । যদি কেহ বলেন—একথা গুলি গ্রন্থে থাকিলেও বিশ্বাস্য নহে ; কারণ, ইহা অসম্ভব ব্যাপার । তাহা হইলে বলিতে পারা যায় যে, বাস্তবিক অসম্ভব কথা কোন গ্রন্থে স্থান পাইলে, তাহা ষড়্‌কাল হইতে প্রচারিত থাকিতে পারে না ; কালে তাহার অসত্যতা পরীক্ষিত হইয়া থাকে, এবং তাহার ফলে তাহা বিলুপ্ত ও বিস্মৃত হইয়াই যায় । আমাদের প্রাচীন কালের চিকিৎসাবিদ্যার এতাদৃশ সফলতা যে, কেবল আমাদের দেশেই, প্রচলিত আছে, তাহা নহে, সহস্র বৎসর পূর্বে চীন দেশীয় পরিব্রাজক হুয়েন সঙ্গ তৎকালে প্রায় সহস্র বৎসর পূর্বে প্রাচীন নাগাজুনের চিকিৎসাবিদ্যার প্রশংসা-

গৌষ, মাঘ, ১৩২৩।] আমাদের জাতীয়-উন্নতির একটি সূত্র। ৪৫৯

মুখে এ কথা উল্লেখ করিয়াছেন, দেখা যায়। বর্তমান পাশ্চাত্য চিকিৎসাবিদ্যা-লতা যে আমাদের চিকিৎসাবিদ্যালতার বীজসমুতা, তাহা আজ পাশ্চাত্যগণ স্বীকার করিতেছেন এবং এখনও পর্যন্ত যে সমস্ত আশুফলপ্রদ ঔষধি, পাশ্চাত্য চিকিৎসাবিদ্যা-বিশারদ কর্তৃক আবিষ্কৃত বলিয়া অভিনব নামে প্রচারিত হইতেছে, তাহার বহু আমাদের চিকিৎসাশাস্ত্রের প্রসাদ ভিন্ন আর কিছুই নহে—ইহা সেদিন ডাক্তার লিউকিস্ সাহেব মুক্তকণ্ঠে ঘোষণা করিয়াছিলেন। (মাদ্রাজে চিকিৎসা সন্মিলনে কথিরাজ শ্রীযুক্ত যামিনিভূষণ রায়, এম,এ, এম,বি, মহাশয়ের সভাপতির অভিভাষণ দ্রষ্টব্য।) যাহা হউক, আমাদের চিকিৎসাশাস্ত্র অতি প্রাচীনকালের সম্পত্তি বলিয়া বর্তমান চিকিৎসাশাস্ত্র অপেক্ষা যে অনুন্নত, তাহা নহে। পক্ষান্তরে বহু পাশ্চাত্য পণ্ডিতই এখনও পর্যন্ত স্বীকার করিতেছেন যে, আমাদের সেই প্রাচীন চিকিৎসাবিদ্যা অনেক বিষয়ে বর্তমান চিকিৎসাবিদ্যা অপেক্ষা শ্রেষ্ঠ। অতএব পরবর্তী কালের সকলই উন্নত ইহা বলা ভুল।

তাহার পর, যোগবিদ্যার প্রতি দৃষ্টি করিলে এ কথায় কোন সংশয়ই থাকিতে পারে না। যোগবলে মনুষ্য বহুকাল দেহ রাখিতে পারেন; হৃৎপিণ্ডের ক্রিয়া বন্ধ রাখিয়াও জীবিত থাকিতে পারেন; শূন্যমার্গে অবস্থিতি করিতে পারেন। ইহা ত' এখনও আমরা দেখিতেছি। দূর-দর্শন, দূর শ্রবণ, ভূতভবিষ্যতের জ্ঞান, এখনও দৃষ্টিগোচর হইয়া থাকে। পাঞ্জাবের হরিদাস সাধুর কথা এখনও লোকে বিশ্বাসিত হয় নাই। তিনি ছয় মাস মৃত্তিকামধ্যে প্রোথিত থাকিয়াও জীবিত ছিলেন। সুন্দরবন হইতে ভূকৈলাসে আনীত সমাধিস্থ যোগীর কথা এখনও অনেকের স্মৃতিপটে জাগরুক রহিয়াছে। ইনি কতকাল মৃত্তিকামধ্যে প্রোথিত ছিলেন, তাহার স্থিরতা হয় নাই। লেখকও স্বয়ং সমাধিস্থ যোগী এবং হৃৎপিণ্ডের ক্রিয়াস্বগিতকারী যোগী দেখিয়াছেন। এ সকল সামর্থ্য পূর্বকালে লোকের যত ছিল, আজ তত নাই, ইহা প্রাচীন গ্রন্থ হইতে সহজেই বুঝিতে পারা যায়। তাহার পর, এই সমস্ত সামর্থ্য, আজ বহু চেষ্টা করিয়াও কোন পাশ্চাত্য বিদ্যাই আমাদের দিতে পারিতেছেন না, তাহা কি কারো অবিদিত আছে? ইতিহাসে দেখা যায়, প্রাচীন মিসর, ব্যাবিলনে যে সকল উত্তম বিদ্যা প্রচলিত ছিল, আজ ক্রমোন্নতিবাদী ও বর্তমান সভ্যতাভিমাত্রী রাজধানীতে তাহা আকাঙ্ক্ষণীয় হইলেও অজ্ঞাত রহিয়াছে; পাশ্চাত্য জগত, পাশ্চাত্য সভ্যতা, আজ

পর্যন্ত এই সকল বিলুপ্তপ্রায় অপ্রচারিত বিদ্যার পরিবর্তে তুল্যফলপ্রদ বিদ্যাদানে অসমর্থ রহিয়াছে । সুতরাং, প্রাচীনের সকল বস্তু অপেক্ষা পরবর্তী কালের সকল বস্তুই যে ভাল বা উন্নত, তাহা বলিবার উপায় নাই । কতকগুলি ভাল বা অনেকগুলি ভাল হইলেও সকলই ভাল—একথা বলিবার অধিকার কাহারো নাই ইহা সুনিশ্চিত ।

তাহার পর, মানবের সকল বিদ্যাবুদ্ধির ফল যে সচ্চরিত্রতা, ধর্মজ্ঞান বা সুনীতি, সেই সচ্চরিত্রতা প্রভৃতির প্রতি যদি দৃষ্টি করা যায়, তাহা হইলেও দেখা যাইবে, জগৎ চিরকাল ক্রমশঃই উন্নতির পথে ধাবিত হয় নাই । পূর্বকালের সত্য-পালন পরোপকারপ্রবৃত্তি, দান ও ত্যাগের কথা ভাবিলে কি মনে হয় না যে, বর্তমানকালে মানবসমাজ এ বিষয়ে আমাদের পূর্বপুরুষগণকে অতিক্রম করিতে পারে নাই । এই সকল সদগুণ আজ অতিশয় বাঞ্ছনীয় হইলেও যে নিরতিশয় দুর্লভ হইয়া উঠিতেছে, তাহা কি কেহ অস্বীকার করিতে পারেন ? দুই হাজার বৎসর পূর্বে গ্রীক দূত ম্যাগাস্থেনিস্ ভারতীয় সভ্যতার যেরূপ পরিচয় দিয়াছেন, তাহা পড়িলে ভারতের নীতির যেরূপ পরিচয় পাওয়া যায়, তাহা কি আজ জগতের কোন সমাজে দেখিতে পাওয়া যায় ? ষ্ট্রাবো, হুমেনসাজ, সুংজন প্রভৃতি বিদেশীয় প্রব্রাজকগণ তৎপরে ভারতবাসীর যেরূপ চরিত্রের উল্লেখ করিয়াছেন, তাহাই কি আজকাল দেখিতে পাওয়া যায় ? এখনও পর্য্যন্ত ভারতের সাওতাল, ভীল প্রভৃতি গণের মধ্যে যে সত্যনিষ্ঠা ও সরলতা বিদ্যমান, তাহা কি মনুষ্যসমাজের আদর্শ নহে ? আর ইহাদের এ সকল গুণ, অজ্ঞানের বা অসভ্যতার ফল বলিয়া উড়াইয়া দেওয়া কি যায় ? কারণ, প্রাণীমাত্রেরই স্বভাবতঃ রাগদ্বেষাদিই প্রবল হয় । জাতিগত সত্যনিষ্ঠা, সরলতা, উপযুক্ত চর্চার ফল বা চেষ্টার ফলই হইয়া থাকে । ইহাদের এ সকল গুণ কোন এক অতীত কালে ইহাদের উন্নতিরই ফল বলিতে হইবে । অবশ্য তাই বলিয়া আজকালকার অধঃপতিত বা নীচ জাতির মধ্যে যে সকল সদগুণাবশেষ রহিয়াছে, তাহা দেখিলে তাহাদের সকলেরই পূর্বপুরুষগণকে আজকালকার সভ্যতায় সভ্য বলিয়া নির্দেশ করা কোন মতেই যুক্তিযুক্ত হইতে পারে না ; কারণ, সভ্যতার গতি আলোচনা করিলে মনে হয়, মনুষ্যের কাহা নিত্যই বর্ধিত, তাহা লাভের জন্য কর্তব্যবোধী চেষ্টার ফলে পূর্বকালে লোক সকল এক পথে গিয়াছিল, এখন যেন

পৌষ, মাঘ, ১৩২৩।] আমাদের জাতীয়-উন্নতির একটি সূত্র । ৪৫১

অন্য পথে যাইতেছে মাত্র, লক্ষ্য কিন্তু সেই একই আছে। পূর্বে যে সভ্যতা ছিল, তাহার ফলে বহু লোকে মানবের সেই পরমাতীষ্ট লাভ করিয়াছে, এবং আজও বহু লোকে মানবের সেই পরমাতীষ্ট লাভ করিতেছে, তবে সেই সকল লোকের সংখ্যার তারতম্য এবং উপায়ভেদ বা পথভেদ মাত্র কেবল বিশেষ। যাহা হউক, তাহা হইলেও পূর্বকাল হইতে সকল বিষয়েই বর্তমান জগৎ যে উন্নত নহে, তাহা অগত্যা স্বীকার করিতে হইবে। অর্থাৎ বর্তমান জগৎ যে ক্রমেই উন্নত হইতেছে—একথা কোন মতেই তাহা হইলে সন্দেহ হইতে পারে না।

তাহার পর, দেখা যায়—অভিব্যক্তিবাদের অন্তর্গত ক্রমোন্নতিবাদটা অন্য কারণেও যুক্তিসহ নহে। দেখা যায়, ক্রমোন্নতিবাদের মূল মন্ত্র হইতেছে—“নিম্ন জাতীয় জীব হইতে উন্নতজাতীয় জীবের উৎপত্তি। যেমন, বানরজাতি হইতে বনমানুষজাতির উৎপত্তি, বনমানুষজাতি হইতে মনুষ্যের উৎপত্তি, প্রভৃতি। এই মূল মন্ত্র হইতে সিদ্ধান্ত করা হয় যে, যতই দিন যাইবে, ততই মোটের উপর মনুষ্যজাতির উন্নতি হইবে, অর্থাৎ একদেশে কতকগুলি মনুষ্যের উন্নতি হউক আর না হউক বিভিন্ন দেশে বিভিন্ন সময়ে মনুষ্য, বিভিন্নরূপে দলবদ্ধ হইয়া মোটের উপর উন্নতিই করিবে। অবশ্য, এই উন্নতির ফলে বিভিন্ন দেশের বহু মনুষ্যের দল জীবনসংগ্রামে পরাজিত হইয়া বিলুপ্ত হইবে বটে, কিন্তু তাহারা বিলুপ্ত হইয়া ভবিষ্যতের কোন অধিকতর উন্নত জাতির উন্নতির সহায় হইবে, অর্থাৎ বিলুপ্ত জাতির বিদ্যা-বুদ্ধি ও ধর্নৈশ্বর্য লইয়া তাহারা অধিকতর বিদ্বান, উন্নত ও বুদ্ধিমান হইবে। এইরূপে মোটের উপর মনুষ্যজাতির উত্তরোত্তর উন্নতির সম্ভাবনা সপ্রমাণ করিবার জন্য ক্রমোন্নতিবাদিগণ ইতিহাস-সাহায্যে দেখাইতে লাগাইলেন যে, অতীত মনুষ্যসমাজ অনুন্নত ছিল, ক্রমে উন্নত হইতে হইতে বর্তমান উন্নতির অবস্থা প্রাপ্ত হইয়াছে। অতএব সিদ্ধান্তটা যখন অতীত ও বর্তমানে প্রমাণসিদ্ধ হইতেছে, তখন ভবিষ্যতেও যে ইহা সপ্রমাণ হইবে, তাহাতে আর সন্দেহ কি? তাহার পর, এই ক্রমোন্নতিবাদ কেবল এই স্থলেই আবদ্ধ হইল না, ব্যক্তিতেও প্রযুক্ত হইল, অর্থাৎ এক একটি মানুষের আত্মাও সূতরাং উত্তরোত্তর উন্নতির শিখরে আরোহণ করিতেছে—ইহাও স্থিরীকৃত হইল। বলা বাহুল্য, মহাত্মা ডারউইন এই অভিব্যক্তিবাদের

প্রচার করিবার পর তাঁহার অনুসারিগণ সকল দিকেই এই সিদ্ধান্তের অভ্রান্ততা লক্ষ্য করিতেছেন, এবং আজকাল দর্শন ও বিজ্ঞানপ্রভৃতি সকল শাস্ত্রই ইহার আলোকে উদ্ভাসিত, ইহার অলঙ্কারে ভূষিত, ইহার ইঙ্গিতে পরিচালিত হইতেছে। যাহা হউক, ফলতঃ ক্রমোন্নতিবাদ ও অভিব্যক্তিবাদ একই হইয়া দাঁড়াইতেছে। এবং যতদূর পরীক্ষা করিতে পারা যাইতেছে, ততদূর ইহা যে অভ্রান্ত, তাহাই প্রতিপন্ন হইতেছে।” ইত্যাদি।

এখন জিজ্ঞাস্য হইতেছে—নিম্ন জাতি হইতে উন্নতজাতির উৎপত্তি হইতেছে বলিয়া যে, উত্তরোত্তর উন্নত জাতির আবির্ভাব হইবে, তাহার প্রমাণ কি? জিজ্ঞাসা করি—পৃথিবীর কি ধ্বংস নাই? পৃথিবীর ধ্বংসে সেই উন্নত জাত্যুৎপত্তির ধারা কি করিয়া অব্যাহত থাকিবে? যদি বলা যায়—যতদিন পৃথিবী থাকিবে, তত দিনই উন্নত জাতির ধারা প্রবাহিত হইবে, তাহা হইলে জিজ্ঞাস্য—অতীতের ইতিহাসে কি কোন ঋগুপ্রলয়ের কথা নাই? কোন সুসভ্য দেশ প্রাকৃতিক ঘটনাবশতঃ কি একেবারে শ্রীকৃষ্ণের দ্বারকাপুরীর গ্ৰাম জলধিতলে নিমগ্ন, অথবা পম্পাই সহরের গ্ৰাম ভূগর্ভে প্রোথিত হয় নাই? আচ্ছা, যদি ইহা নাই থাকে, তাহা হইলে ভবিষ্যতে এরূপ ঘটিলে,—দেশব্যাপী অনায়ত্ত জলপ্লাবন হইলে দীর্ঘকাল জলে বাস করিয়া যাহারা আত্মরক্ষা করিতে সমর্থ হইবে, তাহারা কি যুক্তাঙ্গলী হইবে না? আর এই যুক্তাঙ্গলী কি উন্নতির চিহ্ন? জাগতিক নৈসর্গিক উপদ্রবে দুর্বস্থাপন্ন হইলে মানবসমাজের অবনতি কি রুদ্ধ করা যায়? দেখ, যাবৎব্যক্তির সাধারণ ধর্মের নাম জাতি, এমন ব্যক্তিতে এরূপ যদি কোন সাধারণ ধর্ম দেখা যায়, তাহা হইলে জাতিতেও কি তাহা লক্ষিত হইবে না? দেখা যায়—শৈশবে আমাদের বলবুদ্ধির অভাব, যৌবনে তাহাদের বিকাশ এবং বার্দ্ধক্যে তাহার বিলয় হইতেছে। ইহা যদি যাবৎব্যক্তির সাধারণ ধর্ম হয়, তাহা হইলে আমাদের জাতিতেও তাহা ঘটবে না কেন? ক্রমোন্নতিবাদিগণের মতে যে বালকের যৌবনে বলবুদ্ধির প্রার্থ্যা দেখা গিয়াছে, বার্দ্ধক্যে তাহার ভীমরতি হওয়া অসঙ্গত। আর যদি বলা যায়, বার্দ্ধক্যে দেহের অবনতি হইলেও আত্মা ও মনের উন্নতিই হইয়া থাকে, তাহা হইলে বলিব উদারতাপ্রভৃতি গুণগ্রাম্য যাহার যৌবনে অধিক দেখা গেল, তাহার বার্দ্ধক্যে ক্ষুদ্রতা ও সংকীর্ণতা কেন প্রবল হইল? বার্দ্ধক্যে

পৌষ, মাঘ, ১৩২০।] আমাদের জাতীয়-উন্নতির একটি সূত্র। ৪৫৩

স্বাভিও বুদ্ধি প্রভৃতির বিলোপ ত আত্মমনের উত্তির সূচক হইতে পারে না। অতএব ব্যক্তিতে যদি এইরূপ অবনতি দেখা যায়, তাহা হইলে জাতিতেও তদনুরূপ অবনতি কেন দেখা যাইবে না?

ইহাতেও যদি বলা হয় যে, মৃত্যুকালে মনঃ প্রভৃতির দুর্বলতা দেখিয়া আত্মা ও মনের উন্নতি হয় না, বলা উচিত নহে। কারণ, জন্মান্তরে সেই ব্যক্তির মনঃ বুদ্ধির বিকাশ পূর্বজন্মের অপেক্ষা অধিক হইবে। পূর্বজন্মের বালক অবস্থায় ধেরূপ বুদ্ধি ছিল, পরজন্মে বাল্যে তাহার বুদ্ধি অধিক হইবে, পূর্বজন্মের তাহার যৌবন ও বার্দ্ধক্যাদি অবস্থা ধেরূপ ছিল, পরজন্মে তদপেক্ষা উন্নত হইবে, সুতরাং মোটের উপর এক জীবাত্মাতেও উন্নতি ঘটিতেছে; তাহা হইলে বলিব, একজনের আত্মমনের এই উন্নতি, উত্তরোত্তর ঘটিতে ঘটিতে কালে পূর্ব আত্মমনের বিনাশ ও নূতন আত্মমনের আবির্ভাব হইতে কি তাহা হইলে বাধা দেওয়া যায়? অংশের পরিবর্তন ক্রমাগত হইলে কালে অংশীর পরিবর্তনও অবশ্যস্বাভাবী হয়। অতএব ক্রমোন্নতিবাদী আত্মার নিত্যতাই অস্বীকার করিয়া বসিলেন। আর তাহা হইলে আত্মজাতীয় পদার্থেরও বিনাশ ঘটিল।

তাহার পর, যদি একটা জাতি হইতে আর একটা উন্নতজাতির জন্ম স্বীকার করা যায়, তাহা হইলে বানর ও মনুষ্যের মধ্যবর্তি বহু জাতির বিলোপ কেন হইল? বানর ও মনুষ্যের মধ্যে বনমানুষ প্রভৃতি জাতি যেমন নিজ অস্তিত্ব রক্ষা করিতেছে, তদ্রূপ তাহারিও কেন নিজ অস্তিত্ব রক্ষা করিতে পারিল না? যোগ্যজনের উৎকর্ষনে যে অযোগ্যের নিবরণের বিনাশ, তাহা কেন ঘটে? এখন যদি এই বিনষ্ট বা বিনাশোন্মুখ জাতির প্রতি দৃষ্টি করা যায়, তাহা হইলে জাতিরও ত অবনতি অবশ্য স্বীকার্য, আর অবনতি সবিধাৎ, তাহা হইলে ক্রমোন্নতি কি করিয়া সর্বত্র রক্ষিত হয়? ইহাকে ও তাহা হইতে সার্বভৌমিক নিয়ম বলা যায় না।

তাহার পর, অতীতের জাতি যে অন্নত, তাহাই কি কে কল্পিতে পারে? হিন্দু জাতিতে যে এই নিয়মের ব্যতিচার হয়, তাহা পূর্বে দেখান হইয়াছে। তাহার পর, এখনও পর্যন্ত ভূগর্ভের যে সকল গুহ হইতে ধেরূপ মনুষ্যকাল কাহির হইতেছে, তাহাতে ধেরূপ প্রাচীন জাতির সত্তা সিদ্ধ হয়, তাহা এখন কোথায়? অথবা সে সময়ে ধেরূপ মনুষ্যের উৎপত্তি ক্রমোন্নতিবাদে ত সম্ভবপর হয় না।

তাহার পর, বাঁচিবার ইচ্ছা, সুখ লাভের ইচ্ছা ও পারিপার্শ্বিক অবস্থানকুল কৰ্ম্ম মিলিয়া যদি ক্রমোন্নতির আবশ্যকতা প্রমাণিত করে—ইহা বলা হয়, তাহা হইলে বহুদিন হইতে যে সকল কৰ্ম্ম, যে সকল সমাজে অনুষ্ঠিত হইতেছে, সেই সকল কৰ্ম্মানুকুল দেহ সেই জাতীয় ব্যক্তিবৃন্দের হইতেছে না কেন? এই যে স্লেচ্চ-গণ স্বরণাতীত কাল হইতে অঙ্গবিশেষের ত্বক্ বালোয়ই ছেদন করিয়া আসিতেছে, তাহার ফলে তাহাদের এই অনুষ্ঠান এখনও নিশ্চয়োজন হইতেছে না কেন? স্ত্রী ও পুং দুইটী মূষিকের লালসুল কাটিয়া তাহাদের সন্তানের আবার তাহাই করিয়া তিন লক্ষ সংখ্যায় উপনীত হইয়া একজন পণ্ডিত দেখিয়াছেন, সেই বংশের মূষিকের লালসুলের পরিমাণ একটুও হ্রাস প্রাপ্ত হয় নাই। সুতরাং, পারিপার্শ্বিক অবস্থানকুল কৰ্ম্মানুসারে যে দেহের পরিবর্তন হয়, তাহা যে সৰ্বত্র জাতিধৰ্ম্মে পরিণত হয়, ইহা বলা বড় সহজ নহে। জাতির উৎপত্তিবিনাশে আরও কিছু হেতু আছে— ইহাই বলিয়া বোধ হয়।

তাহার পর, ব্যক্তিগতভাবে দেখিলেও বর্তমানকাল যে অতীত হইতে উন্নত, তাহাই বা কি করিয়া বলা যায়? কৈ আজ পাণিনির বুদ্ধি লইয়া কয় জন জনগ্রহণ করিলেন? কৈ আজ বুদ্ধ, খৃষ্ট, মহম্মদ, শঙ্করের মত দুই চারিটি করিয়া দেশবিদেশে দেখা যাইতেছে না কেন? অগৎ যদি উন্নতির দিকেই ছুটিরাছে, তবে কেন এই জাতীয় ব্যক্তি দেশে দেশে দুদশটি করিয়া দেখা যায় না? কেবল তাহাই নহে, এই সকল মহাত্মা, উন্নতির যে উচ্চ সোপানে আরোহণ করিয়াছিলেন, ইহারা যে উচ্চজীবন লাভ করিয়াছিলেন, তাহাও সেই অতীতের মহাপুরুষদিগের পদাঙ্ক অনুসরণ করিয়া, তাহাও সেই অতীতের মুণিঋষিগণের চরিত্রকে আদর্শ করিয়া, অনুধা নহে। অতীতের বস্তু যদি বর্তমানের উন্নতির আদর্শ হয়, তাহা হইলে বর্তমানকে কি করিয়া উন্নত বলা চলে?

যাহা হউক, অতীতের ইতিহাস আলোচনা করিলে দেখা যায়, জাতিগতভাবে কি ব্যক্তিগতভাবে—উভয়ভাবেই মোটামুটিভাবে উন্নতি বা অবনতি যেন চক্রাকারে পরিভ্রমণ করিতেছে, একদেশে এক জাতির এক সময় উন্নতি, অন্য সময় তাহার অবনতি, আবার এক সময় অবনতি অন্য সময় উন্নতি এইরূপই ঘটয়া আসিতেছে। কখন বা কেহ বিস্মৃত, কখন বা কেহ উদিত এইরূপই হইতেছে। ইতিহাস কখনও কেবল উন্নতি বা কেবল অবনতি বলিয়া দেয় না। ইতিহাস

পৌষ, মাঘ, ১৩২৩।] আমাদের জাতীয়-উন্নতির একটি সূত্র। ৪৫৫

উভয়েরই সাক্ষ্য দেয়। অর্থাৎ ইতিহাস পরিবর্তনেরই সাক্ষ্য দেয়। পরিবর্তনই
এ জগতের প্রকৃত ধর্ম। আর পরিবর্তন কোন অপরিবর্তনকে আশ্রয় করে
বলিয়া মূলে কোন নিত্য অপরিবর্তনীয় বস্তুর সত্তা স্বীকার করিতে আমরা
বাধ্য হই—এইমাত্র।

তাহার পর, উন্নতি শব্দের প্রকৃত অর্থের প্রতি দৃষ্টি করা যায়, তাহা হইলেও
দেখা যায়, প্রকৃতস্থলে ইহার প্রয়োগ নিতান্ত স্থূলদৃষ্টির পরিচায়ক। আমার
যদি এক সহস্র মুদ্রা থাকে, এবং যদি আমি পরে তাহাকে একাধিক সহস্র করিতে
পারি, তাহা হইলে অর্থবিষয়ে আমার উন্নতি হইল, বলা হয়। অর্থাৎ যাহার
সাহা ছিল, তাহার তাহা থাকিয়া যদি তদতিরিক্ত অর্জিত হয়, তবেই তদ্বিষয়ে
তাহার উন্নতি হইল—বলা যায়। আচ্ছা, ইহাই যদি উন্নতিশব্দের অর্থ হইল,
তাহা হইলে বানরজাতি হইতে মনুষ্যজাতি জন্মিলে কি করিয়া বানরজাতির
উন্নতি হইল—বলা যায়? এক্ষেত্রে ত বানরজাতি হইতে অপর একটা জাতির
জন্মই হইল, উন্নতি কি করিয়া হইল? বানরজাতির যে সকল বিশেষধর্ম
ধর্ম আছে, মনুষ্যজাতির সেগুলি সব থাকিয়া অল্প উত্তম ধর্ম আসিলে, তবে
বানরজাতির উন্নতি হইল—স্বীকার করা যাইতে পারে। অতএব জাতির উন্নতির
কথাটাই নিতান্ত স্থূলদৃষ্টির কথা।

আরও একটা কথা। মনুষ্যজাতির মধ্যে এক দেশে যদি একটা জাতির
ত্রীবৃদ্ধি হয় এবং অপর জাতির দুর্বলতা হয়; অর্থাৎ একটা জাতি যদি অপর
জাতির বিনাশসাধন করিয়া শক্তিশালী হইয়া উঠে, যেমন ইয়োরোপীয় জাতির
অনুগ্রহে আমেরিকার আদিবাসীর বিনাশ এবং বর্তমান আমেরিকা বাসীর
উদয় হইয়াছে; এবং এখনও এইরূপ অভিনয় জগতের অগ্ৰভ্র হইতেছে, তাহা
হইলে কি মনুষ্যজাতির উন্নতি হইল বলিতে হইবে? আমেরিকার আদিম-
বাসিগণ কি মানুষ নহে? তাহার কি মনুষ্যজাতির মধ্যে নহে?
এক্ষেত্রে যদি আমেরিকাবাসীদিগকে দেখিয়া মনুষ্যজাতির উন্নতি স্বীকার করা
যায়, তাহা হইলে আমেরিকার আদিবাসিগণকে দেখিয়া কি মনুষ্যজাতির
অবনতি বা বিনাশ স্বীকার করিতে হইবে না? অতএব মনুষ্যজাতির বেতনই
উন্নতি হইতেছে না—ইহাই বলিতে হইবে।

আরও সিদ্ধান্তানুসারে জাতির উন্নতি বা অবনতি এই কথাটাই সূত্র।

কারণ, জাতি পদার্থটির গুণ বা কৰ্ম সম্ভবপর নহে, আর উন্নতি বলিতে গুণ বা প্রভৃতিই বুঝিতে হইবে, অন্য কিছু নহে । অতএব জাতির উন্নতি কথাটা তত্ত্ব সূক্ষ্মদৃষ্টির পরিচায়ক নহে ।

তাহার পর, ক্রমোন্নতিটা ব্যক্তিতেও পরিলক্ষিত হয় বলিয়া বিশেষ বিশেষ মনুষ্য-আত্মাতে ইহার ফলে ক্রমোন্নতি যে স্বীকার করা হয়, তাহাও নিতান্ত যুক্তিবিরুদ্ধ কথা । দেখা গিয়াছে, অভিব্যক্তিবাদের একটা মূলমন্ত্র—কৰ্মজন্ম দেহাবয়বের পরিবর্তন । ইহা যদি হয়, তাহা হইলে যে ব্যক্তি বার্ককে্যে দুশ্চরিত্র হইয়া পড়িল, তাহারও কি আত্মার উন্নতি হইবে ? তাহারও কি ভবিষ্যৎ জীবন উত্তরোত্তর সুখময় হইবে ? কে না দেখিতেছে—কত লোক প্রথম বয়সে দেবচরিত্রসম্পন্ন থাকিয়া পরিণতবয়সে ধৰ্ম্মাধৰ্ম্মজ্ঞানশূণ্য হইয়া পড়িতেছে । সমাজে কি এ দৃষ্টান্তের অভাব আছে ? ক্রমোন্নতিবাদী কি ইহাদেরও আত্মার জন্ম অক্ষয়কর্মেণে যাবস্থা করিবেন ? শুভকর্মেণে ফলে যদি উন্নতি এবং অশুভকর্মেণে ফলে যদি অবনতি নিশ্চিত হয়, তাহা হইলে এই শ্রেণীর ব্যক্তিবৃন্দের অবনতি কি অবশ্যজ্ঞাবী নহে ?

এইরূপ যতই চিন্তা করা যাইবে, ক্রমোন্নতিবাদটা যে সব ভিত্তির উপর প্রতিষ্ঠিত, সেই ভিত্তিগুলিই অদৃঢ় বলিয়া প্রতিপন্ন হইবে । অভিব্যক্তিবাদের সহিত ইহাকে অভিন্ন জ্ঞান করিয়া আজকাল ইতিহাস, দর্শন, বিজ্ঞান প্রভৃতি সর্বত্রই ইহার প্রয়োগ করা হইতেছে, এবং তাহার ফলে সময়ে সময়ে অনেক দুই মতের উদ্ভবও হইতেছে । ইহারই ফলে আজকাল ঘরে ঘরে উত্তরোত্তর উন্নত অবতারণ দেখা দিতেছেন ; ইহারই ফলে আজ অনেকে আজীবন গর্হিত কৰ্ম্ম আচরণ করিয়াও উত্তরোত্তর পূর্ণতা লাভই অবশ্যজ্ঞাবী বলিয়া জ্ঞান করিতেছে । ইহারই ফলে প্রাচীন নিৰ্ম্মল আদর্শ দিন দিন লোকে বিস্মৃত হইতেছে ; ইহারই ফলে কোন একটা মতেই লোকের আস্থা স্থাপিত হইতেছে না, ইহারই ফলে মানব অবলম্বনশূণ্য হইয়া মৃত্যুকালে অন্ধতমস রূপ সেই মহার্গবে পতিত হইতেছে, এবং ইহারই ফলে বর্তমান এই ভীষণ নৃসংশ ব্যাপার অনুষ্ঠিত হইতেছে । ফলতঃ, জগৎ যে দিন দিন উন্নতির পথে ছুটিয়াছে—ইহা আমরা বুঝিতে পারি না ।

বাহা হউক, এখনও এই দ্বিতীয় যুক্তির উত্তর প্রসঙ্গে আর একটা কথা অবশিষ্ট রহিল । পাশ্চাত্য দর্শনানুরাগিগণ বলেন যে প্রাচীন দর্শনের স্থায় আমাদের

পৌষ, মাঘ, ১৩২৩।] আমাদের জাতীয়-উন্নতির একটি সূত্র। ৪৫৭

আধুনিক দর্শনও আধুনিক পাশ্চাত্য দর্শনের সমকক্ষ হইতে পারে না। কারণ, আমাদের আধুনিক দর্শন, যে সময়ে উৎপন্ন, সে সময়ে আমরা পরাধীন, কিন্তু পাশ্চাত্যগণ সে সময় স্বাধীন; স্বাধীনের চিন্তা ও পরাধীনের চিন্তার ফল কখনও তুল্য হইতে পারে না, ইত্যাদি। আমরা কিন্তু এ কথাতেও সম্পূর্ণ আস্থা স্থাপন করিতে পারি না। আমরা বিবেচনা করি, আমাদের দর্শনশাস্ত্রের যে উদ্দেশ্য, সে উদ্দেশ্য সিদ্ধ করিবার জন্য রাজকীয় পরাধীনতা আমাদের অতীষ্ট সিদ্ধির পথে বিশেষ অন্তরায় হইতে পারে না। পাশ্চাত্যদর্শনের যে উদ্দেশ্য, তাহার সিদ্ধিতে রাজকীয় পরাধীনতা বিশেষ অন্তরায়—ইহা আমরা স্বীকার করি; কিন্তু যাহারা জগৎকে হুঃখময় জ্ঞান করিয়া জগতের সুখকে হুঃখেরই অপর মূর্তি বুঝিয়া সর্বস্বত্যাগের ব্যবস্থা করিয়াছেন, যাহাদের মতে ত্যাগ তির যুক্তি নাই, তাহাদের পক্ষে রাজকীয় পরাধীনতা বিশেষ ক্ষতিকারক হইতে পারে না। আমাদের দর্শনের উদ্দেশ্য—জীব, জগৎ ও ঈশ্বরের স্বরূপ নির্ণয় করিয়া সংসার-বন্ধন হইতে মুক্তিলাভ, কিন্তু পাশ্চাত্য দর্শনের উদ্দেশ্য অন্ম, অর্থাৎ অভ্যাদয়। এ কথা আমরা পূর্বে প্রবন্ধে ৩৮১ পৃষ্ঠায় সবিস্তরে উল্লেখ করিয়াছি, সুতরাং এস্থলে তাহার পুনরুল্লেখ নিম্প্রয়োজন। অতএব পরাধীন জাতির চিন্তা বলিয়া আমাদের আধুনিক দর্শন যে আধুনিক পাশ্চাত্য দর্শন হইতে নিকৃষ্ট—ইহা বলিবার কোন কারণ দেখা যায় না। আর তাহা হইলে পাশ্চাত্য দর্শনানুরাগিগণ আমাদের দর্শনের নিকৃষ্টতা প্রমাণ করিবার জন্য যে দ্বিতীয় প্রকার যুক্তির অবতারণা করিয়া থাকেন, তাহা সঙ্গত নহে।

এইবার দেখা যাউক, প্রতিপক্ষগণের তৃতীয় যুক্তিটা কি? পাশ্চাত্য দর্শনানুরাগিগণ বলেন যে, আমাদের দার্শনিক সিদ্ধান্ত, যে সকল দৃষ্টান্ত অবলম্বন করিয়া স্থিরীকৃত হইয়াছে, তাহাদের মধ্যে বহু দৃষ্টান্ত, আজকাল দেখা যাইতেছে, ভ্রান্ত এবং আধুনিক বিজ্ঞানসম্মত নহে। অতএব ভ্রান্তদৃষ্টান্ত-মূলক আমাদের দর্শন কখনই পাশ্চাত্যদর্শনের সমকক্ষ হইতে পারে না; ইত্যাদি।

এতদ্বতরে আমরা বলি, প্রতিপক্ষের এ কথা সঙ্গত হয় নাই। কারণ, দৃষ্টান্তদোষবশতঃ সিদ্ধান্তদোষের সম্ভাবনা থাকিলেও আমাদের দর্শনশাস্ত্রের মূল দৃষ্টান্তগুলি যে দৃষ্ট, তাহা বলা যায় না। নৈরায়িকগণ ঘটকে কার্য বলিয়া

নিম্নস্থান হইতে উঁচুে আরোহণ নহে, অথবা তাঁহাদের চিন্তা আঁধার হইতে তাঁহাদিগকে আলোকে লইয়া যার নাই । তাঁহারা সর্বজ্ঞোপদিষ্ট তপস্যা প্রভাবে যাহা সাক্ষাৎকার করিয়াছিলেন, তাহাই বলিবার জন্য, বুঝাইবার জন্য তৎকালোপযোগী দৃষ্টান্তসহকৃত অনুমানাদির সাহায্য গ্রহণ করিয়াছিলেন, অর্থাৎ তাঁহারা জীবানুকাপাবশতঃ উচ্চস্থান হইতে নিম্নভূমিতে অবতরণ করিয়াছিলেন । বুদ্ধ, খ্রীষ্ট, মহম্মদ, শঙ্কর, চৈতন্য প্রভৃতি হইতে সেদিনকার পরমহংসদেব পর্য্যন্ত সেই একই পথের পথিক । ইঁহারা সমাধিতে যাহা সাক্ষাৎকার করিয়াছিলেন, তাহাই উপদেশ মধ্যে এবং শাস্ত্রব্যাখ্যায় যুক্তিসহকারে প্রতিপাদিত করিয়াছেন । খ্রীষ্ট নিজ গ্রন্থে স্পষ্ট করিয়া বলিয়াছেন যে, তিনি সমাধিযোগে পরম ব্রহ্মের সাক্ষাৎকার করিয়াছিলেন । মধুসূদন, চিংসুথ প্রভৃতি অপরেও সেইরূপ আভাস দিয়াছেন । কিন্তু এ কথা কি একজনও পাশ্চাত্য দার্শনিকের গ্রন্থে আছে ! সুতরাং, প্রাচীনগণ প্রদর্শিত দৃষ্টান্তের জন্য তাঁহাদিগের প্রচারিত সত্যকে অপূর্ণ বলা সঙ্গত হয় না । যাহা হউক, প্রতিপক্ষের এই তৃতীয় যুক্তিটা অকাটা বলিয়া বোধ হয় না, সুতরাং এইরূপ যুক্তির অবলম্বনে আমাদের দর্শনকে নিকৃষ্ট বলা আমাদের দর্শনবিষয়ে সম্যক্ জ্ঞানের অভাবেরই পরিচয় হয় । যাহা হউক আগামীবারে অবশিষ্ট কথার আলোচনা করিবার ইচ্ছা রহিল ।

শ্রীরাধেন্দ্র নাথ ঘোষ ।

দেয়াল।

(১)

দেখি কতদিন ঘুমাইছে শিশু,
আঁখিপাতা দুটি বুজায়ে ছোট ;
সরলতা মাথা দেবোপম মুখ—
যেন একখামি নিখুঁত ফটো !

(২)

নীরব নিশীথ, যুঁহু আলো ঘরে
দেহের উপরে পড়েছে প্রভা ;
নাহি ব্যথা লেশ, বেদনার রেশ—
মুখে আঁধ-হাসি মধুর কিবা !

(৩)

ঝিলে দেখি চেয়ে, স্বাস পড়ে ক্রত
হাসিটি লুকার কমল-মুখে ;
ওঠ ফুলার অক্ষুট স্বরে,
চমকিয়া উঠি' অজানা হুঃখে ।

(৪)

কোন্ হুঃখ তাঁ'র ক্ষুদ্র হৃদয়ে ?
সেই ছোট দেহ—সোণার কায়া—
সে হুঃখের আমি পাইনা ঠিকানা
আসে কোথা হ'তে 'তেমর্ন' ছায়া !

শ্রীচণ্ডিচরণ মিত্র ।

সংক্ষিপ্ত সমালোচনা ।

শিক্ষা সমস্যা ও কৃষিশিক্ষা । শ্রীকৃষ্ণীন্দ্রনাথ ঠাকুর তত্ত্বনিধি প্রণীত
মূল্য ॥০ আট আনা মাত্র । এই গ্রন্থখানি পাঠ করিয়া আমরা বড়ই সন্তোষলাভ
করিয়াছি গ্রন্থখানি আকারে ছোট হইলেও অর্থ গৌরবে ছোট নহে ।
বর্তমান সময়ে আমাদের বালকগণের কিরূপ শিক্ষা হওয়া উচিত তাহার
একটা সূত্রীমাংসা এবং সেই শিক্ষার সঙ্গে প্রত্যেক বালকেরই
কৃষি বিষয়ে সাধারণ জ্ঞান একান্ত আবশ্যিক, এই দুইটি বিষয় প্রধান ভাবে
এই গ্রন্থ মধ্যে আলোচিত হইয়াছে । গ্রন্থকারের মতে বর্তমান সময়ে
আমাদের দেশে ছাত্র সম্পদারের মধ্যে যে অশান্তি ও বৈপ্লবিক ভাবের
আবির্ভাব দেখা যাইতেছে ইহার মূল ধর্মশিক্ষার অভাব এবং বর্তমান
আমাদের স্কুল ও কলেজে ধর্ম ও নীতি শিক্ষার প্রবর্তন না হইবে, ততদিন
এই অশান্তি ও বিপ্লববাদের নিবৃত্তি হওয়া সম্ভবপর নহে, আমরা গ্রন্থকারের
এই প্রকার মতের সম্পূর্ণভাবে সমর্থন করি । কৃষি জ্ঞানের ও উপযোগিতা
সম্বন্ধে তিনি যে সকল কথা বলিয়াছেন তাহাতে অনেক ভাবিবার বিষয়
আছে । এরূপ গ্রন্থের আদর হওয়া উচিত ।

শ্রীভগবৎকথা । শ্রীকৃষ্ণীন্দ্রনাথ ঠাকুর তত্ত্বনিধি প্রণীত । মূল্য
॥০ আট আনা মাত্র ।

গ্রন্থকারের উদ্দেশ্য সাধু, আট দশ বৎসরের বালক বালিকাগণের হৃদয়ে
ভগবানের চিন্তা ও তাঁহার প্রতি বিশ্বাস ও ভক্তি অনায়াসে বাহাতে উদ্ভিত
হইতে পারে, গ্রন্থকার তাহারই জন্য এইরূপ গ্রন্থ রচনা কর্যে অগ্রসর
হইয়াছেন, তাহার প্রাঞ্জলতা রক্ষা করিবার জন্য গ্রন্থকারের প্রয়াস প্রশংসনীয়
সন্দেহ নাই, কিন্তু আট দশ বৎসরের বালক বালিকাদিগের হৃদয়ে ঈশ্বরের
স্বরূপোপলব্ধি আগাইবার পক্ষে গ্রন্থকারের প্রবৃত্তি যে সম্পূর্ণ ভাবে সাফল্য
লাভ করিয়াছে তাহা বলা যায় না—একটা নমুনা দেখিলেই পাঠকগণ সুবিশেষ
গার্নিয়েন গ্রন্থের ২৩ পৃষ্ঠে দেখিতে পাই ।

“আমরা এ সংসারে যে কিছু জ্ঞান ভাব পাচ্ছি, সে সকলই সেই জ্ঞান ও ভাবের অনন্ত ভাণ্ডার থেকেই পাচ্ছি” । আবার দেখিতেছি—

“আমরা ঈশ্বরের অনন্তত্বের বিষয়ে বড় বড় কথা বলুম বটে, কিন্তু আমাদের সীমাবদ্ধ জ্ঞানে কি সেটা ধারণা করতে পারি ? ঈশ্বরের অনন্তত্ব আমরা সম্পূর্ণ ধারণা করতে না পারিলেও কবিত্বপূর্ণ ভাষায় এটা বলা যেতে পারে যে আমরা সময়ে সময়ে আমাদের সীমাবদ্ধজ্ঞানের দ্বারা ঈশ্বরের অনন্তত্বের কিনারাটুকু ছুঁয়ে আসতে পারি. আমরা সীমাবদ্ধ বলেই তদ্বিপরীতে জানতে পারি যে এক অনন্ত মহান পুরুষ আছেন যাকে অবলম্বন করে আমরা আছি, আকাশ আছে, কাল আছে । আবার জানে এই রকম জানতে পারলে ও সকল সময়ে আমরা তাঁকে অনুভব করতে পারিনে । যখন সংসারের ছোট খাটো ঘটনা, ছোট খাটো কথা থেকে আমরা আমাদের জ্ঞানকে ছাড়িয়ে নিয়ে তাঁর জ্ঞানে যুক্ত করে দিতে উদ্যত হই আমাদের ইচ্ছাকে তাঁর ইচ্ছার সঙ্গে যুক্ত করতে চাই, তখনই-কণিক বিদ্যৎ প্রকাশের যত হৃদয়ে কণেকের জন্য তাঁকে অনুভব করতে পারি ।” ইত্যাদি । বড় বড় দার্শনিকগণ এই কথাগুলি ভাল করিয়া বুঝিতে পারেন কি না সে বিষয়ে সন্দেহ হয়, আট দশ বৎসরের বালক বালিকাগণ যে ইহার কি বুঝবে তাহা আমরা বুঝি না । আমরা সীমাবদ্ধ বলিয়া আমাদের আলম্বন একজন অসীম মহাপুরুষ আছেন এবং তিনি দিক ও কালের আশ্রয় এই সিদ্ধান্ত কি সকল দার্শনিকের সম্মত ? নৈরাসিক বৈশেষিক ও সাংখ্য শাস্ত্রের আচার্যগণ ত এই সিদ্ধান্তের ঘোর বিরোধী এইরূপ দুরূহত্ব আট দশ বৎসরের বালকদিগকে বুঝাইয়া তাহার সাহায্যে তাহাদের হৃদয়ে ঈশ্বরের প্রতি বিশ্বাস ও ভক্তি উৎপাদন করিবার চেষ্টা যে কলবতী হইতে পারে এ বিশ্বাস আমাদের নাই ।

ওঁ পিতা নোহ্মি । শ্রীকৃষ্ণনাথ ঠাকুর তত্ত্বনিধি প্রণীত । মূল্য
১০ আট আনা মাত্র ।

পরম কারুণিক জগৎপিতার পিতৃভাবের আবেশময় অনুভূতির প্রবাহে ভাসিতে ভাসিতে তত্ত্বনিধি মহাশয় এই গ্রন্থে যে ভক্তিরসের অবতারণা করিয়াছেন তাহা দ্বারা অনেকের হৃদয় পরিতৃপ্তি লাভ করিবে, গ্রন্থকার সুপণ্ডিত জ্ঞান ও ভাবুক, সরল ভাবে প্রাণের ভাবনক উচ্ছাস ব্যক্ত করিবার শক্তি তাঁহার

যথেষ্ট আছে এবং তাহা সর্ষথা প্রশংসনীয়, তবে ভাবের উচ্চাসের মাত্রা বাড়িলে সময়ে সময়ে পুনরুক্তি ও একটু আধটু অসামঞ্জস্য অনেকের পক্ষে অপরিহার্যই এ ক্ষেত্রেও অনেক স্থলে ঘটিয়াছেও তাই। এইরূপ ক্রটি সত্ত্বেও এ গ্রন্থখানি পাঠ করিলে যথেষ্ট আনন্দ পাওয়া যায়। একনিষ্ঠ ভক্তের অনেকগুলি প্রাণের কথা এই গ্রন্থে বড়ই মধুর ভাবে ফুটিয়া উঠিয়াছে এরূপ গ্রন্থের আলোচনার সমাজ যে লাভবান হইতে পারে তাহা আমরা নিঃসন্দেহে বলিতে পারি।

প্রাণের কথা। শ্রীকৃষ্ণভীষ্মনাথ ঠাকুর তত্ত্বনিধি প্রণীত। মূল্য ১৮০ ছয় আনা মাত্র।

এই প্রাণের কথা আমাদের বড়ই মধুর লাগিয়াছে এমন সরল ভাষায় এমন মধুর ভক্তিময় ভাবের উচ্চাস দেখিয়া কাহার হৃদয় না আনন্দ রসে সিক্ত হয়। গ্রন্থকারের ভগবানের প্রতি বিশ্বাস একান্ত নির্ভর ও অকপট ভক্তি পুস্তকখানির প্রতি হৃদয়ে ফুটিয়া উঠিয়াছে এরূপ গ্রন্থ বঙ্গভাষার গৌরব বর্ধন করিয়াছে।

অনুভূত বোগ সাধন। স্বামী সত্যানন্দ প্রণীত। বীরভদ্র হৃদীকেশ জেলা ডেরাদুন) হইতে গ্রন্থকার কর্তৃক প্রকাশিত। এই পুস্তকের প্রধানতঃ আলোচ্য বিষয় হঠবোগ, হঠবোগ ব্যতিরেকে জ্ঞানবোগের ভূমিতে আরোহণ সম্ভবপর নহে, সুতরাং হঠবোগ কি কৰ্ম্মবোগী কি জ্ঞানবোগী কাহারও উপেক্ষণীয় নহে। এই বোগের তত্ত্ব সাধারণকে বুঝাইবার জন্য গ্রন্থকার স্বামী সত্যানন্দ যে চেষ্টা করিয়াছেন তাহা প্রশংসনীয় হইলেও তাহা যে সাধারণের পক্ষে সফল হইয়াছে—তাহা বলিতে না পারার আমরা দুঃখিত হইলাম। সাধারণকে বুঝাইবার জন্য বাহার রচনা সে গ্রন্থে বৃষ্টিতে না পারিয়া যদি আবার বিশেষজ্ঞ গুরুর আশ্রয়ই গ্রহণ করিতে হয়, তাহা হইলে, সেরূপ গ্রন্থ না লিখিলেই বা কি ক্ষতির সম্ভাবনা ছিল?—গ্রন্থকার নিজের ভূমিকায় লিখিতেছেন “করেক বৎসর হইতে শত শত মহাত্মাকে অষণা সাধন জন্য কেবল মাত্র ব্যথিত হইতে দেখিয়া সাধারণের সমক্ষে এই পুস্তকটী প্রকাশিত করিতে আমি ইচ্ছা করিলাম।” এইরূপে দেখা বাক সাধারণকে বুঝাইবার জন্য গ্রন্থকারের প্রয়াস কেমন ফলপ্রসূ হইয়াছে—

“অন্তর্মুখে আকর্ষিত প্রাণ আকর্ষণকারী নাড়ী সমূহের তারতম্যানুসারে অনেক প্রকার দৃষ্ট হয় । অর্থাৎ বামান্বিত নাসিকাদি পক্ষ জ্ঞানেন্দ্রিয় যে সকল প্রাণ অন্তর্মুখে প্রবাহিত হয় তাহারা সকলে ক্রীড়াভীর হইয়া স্থানভেদ অনুসারে পক্ষত্ব বিশিষ্ট হয়” ইত্যাদি ইহা দ্বারা গ্রহকার কি বুঝাইতে চাহেন তাহা সাধারণ পাঠকের মধ্যে যে কেহ বুঝিবেন সে আশা আমাদের নাই এবং শাস্ত্রানুসারে এই সকল কথার কোন বিশদ ব্যাখ্যা যে হইতে পারে, সেরূপ বিশ্বাসও আমরা হৃদয়ে পোষণ করি না—এইরূপ শব্দাঙ্কুরপূর্ণযোগের গ্রহ লিখিয়া সাধারণকে উপকৃত করিবার চেষ্টা কোনদিন সকল হয় নাই “কখনও যে সকল হইবে তাহারও সম্ভাবনা দেখি না । যোগশাস্ত্রের গভীর রহস্যজ্ঞ সিদ্ধ যোগীগণ—এ গ্রহকে আদর করিবেন কিনা তাহাও জানিবার কোন উপায় নাই—তবে সাধারণতঃ যে এ গ্রহ কোন উপকারপ্রদ হইবে না তাহা স্থির, এরূপ গ্রহ সমালোচনার কল্প প্রেরিত না হওয়াই উচিত ।

সাহিত্য-সংহিতা।

নবপর্ষ্যায়, ৫ম খণ্ড] ১৩২৩ সাল, ফাল্গুন, চৈত্র । [১১।১২শ সংখ্যা ।

বর্ধমান-ভারতী ।

.মহারাজাধিরাজ বর্ধমানাধিপ বাহাদুরের প্রীতির নিদর্শন স্বরূপ উপহৃত গ্রন্থগুলি ক্রমে ক্রমে একটি হুস্বাবয়ব লাইব্রেরীর আকার ধারণ করিতেছে । অথচ সে আজ বেশীদিনের কথা নয়—যখন ইহাদের প্রথমখানি আমাদের অতি সামান্য রকম বঙ্গসাহিত্যগ্রন্থসংগ্রহের দলপুষ্টি করে । এই গ্রন্থাবলীর মধ্যে সাহিত্যের প্রায় সকল বিভাগেরই প্রতিনিধি বর্তমান । ইহার মধ্যে গীতিকবিতা আছে, নাটক আছে, উপদেশাত্মক পত্রসাজিও আছে । কিন্তু সকল রচনার মধ্যে একটি সুরের রেশ স্পষ্ট অনুভব করা যায়—সেটি সাধিকতার সুর, সেটি সাধকের প্রাণ । সাহিত্যের প্রধান আকর্ষণ যদি তথ্য বা তথ্যসংগ্রহে না থাকে, সাহিত্যের প্রয়োজনীয়তা যদি কেবলমাত্র বাস্তবের অনুকরণে নিঃশেষিত না হয়, এবং একথা যদি সত্য হয়—যে সাহিত্যের সার্থকতা সাহিত্য স্রষ্টার ব্যক্তিত্বের পরিষ্কৃতি, তাহা হইলে নিঃসংশয়ে বলা যায়, যে বর্ধমান মহারাজের এই সকল সৃষ্টির স্থান সাধারণ সাহিত্য ক্ষেত্র হইতে স্বতন্ত্র এবং বিশিষ্ট । কারণ, এই সকল গ্রন্থে যে ব্যক্তিত্ব, যে চরিত্র মুকুরিত হইয়াছে, সচরাচর তাহার প্রতিরূপ পাওয়া যায় না । কবি অথচ সাধক, লক্ষীর বরপুত্র অথচ বাণীর সেবক, অতুল ঐশ্বর্যের, অধিকারীর অন্তরে বৈদান্তিকের বিরক্তি—আজকাল এমনটা কোথায় দেখিয়াছেন ? এরূপ মণিকাঞ্চন সংযোগ সচরাচর ঘটে না—বাজালী পাঠক সমাজের এরূপ সংযোগ দেখিবার এবং দেখিয়া ধস্ত হইবার সৌভাগ্য ঘটিয়াছে ।

প্রবন্ধান্তরে আমি প্রমাণ করিতে চেষ্টা করিয়াছি যে সমালোচনার হুই প্রকার পদ্ধতি বা রীতি অধুনা স্বীকৃত হইয়া থাকে। তাহার একটীর নাম, বিচার; অপরটীর নাম, বিবৃতি। ক্লাব্যকনার বিচারকার্য এত অনিশ্চিতফলোপধায়ক, এবং এত গভীর জ্ঞানসাপেক্ষ, যে সেরূপ বিচার করিবার শক্তি এবং স্পর্ধা আমার নাই। অধিকন্তু, বিচারিত অপেক্ষা উচ্চভূমি অধিকার না করিলে বিচারকের কার্য কখনও যথাযথ প্রতিপালিত হইতে পারে না; এস্থলে তাহা কল্পনাতীত। কিন্তু বিবৃতিমূলক সমালোচনা পাঠক মাত্রেরই একরূপ সাধ্যায়ত্ত। বিবৃতির অর্থ ব্যাখ্যা, সৌন্দর্যের উন্মোচন বা আবিষ্করণ। ব্যক্তিগত অনুভূতি তাহার ভিত্তি—কাব্যের রস ও মাধুর্য উপভোগ তাহার অবলম্বন। সেরূপ সমালোচনাও ও উপস্থিতক্ষেত্রে দুঃসাহসের পরিচায়ক, এবং বহুদিন সংকল্প করিলেও তাহাতে প্রবৃত্ত হইতে পারি নাই। ইতিমধ্যে অধ্যাপক সমাদ্দার “সারকথা” নাম দিয়া মহারাজাধিরাজের গ্রন্থ হইতে কয়েকটি মূল্যবান উপদেশ চয়ন করিয়া পাঠক সমাজে উপহার দিয়াছেন। ভারবি বলিয়াছেন—

“বিম্বোপি বিগাহতে নয়ঃ কৃততীর্থঃ পয়সামিবাশয়ঃ ।

সতুতত্র বিশেষদুর্লভঃ সহপন্যশ্রুতি কৃত্যবশ্বযঃ” ॥

যোগীন্দ্র বাবুর এই সদৃষ্টান্তে ও পথপ্রদর্শকতার মাদৃশের পক্ষে উক্তরূপ উত্তম স্মৃকর হইয়াছে।

এদেশে লক্ষ্মী ও স্বরস্বতীর মধ্যে বিবাদবিষয়ে চিরদিন এক প্রবাদ চলিয়া আসিতেছে। বীণাপুস্তকমঞ্জি হস্তা বাগেদবী চিরদিন আপন সেবককে কমলদলবাসিনী কমলার অনুগ্রহ হইতে দূরে রাখিতে যেন যত্নপর। পক্ষান্তরে, লক্ষ্মীর বরপুত্র যদি বাগেদবীর কৃপাভাজন হইয়েন, বাণীর একনিষ্ঠ সেবকেরা তাহাতে যেন চঞ্চল হইয়া উঠেন, তাঁহাদের অননুসাধারণ অধিকারের অপহৃব হইল মনে করেন। মহারাজাধিরাজ বাহাদুরের গ্রন্থরাজি আজও যে যথাযোগ্যভাবে পর্য্যালোচিত হয় নাই, ইহা তাহার অন্যতম কারণ।

বিখ্যাত ভাবুক কবি ও সাহিত্যিক শ্রীযুক্ত চিত্তরঞ্জন দাশ তাঁহার সম্প্রতি-প্রকাশিত “রূপান্তরের কথা” শীর্ষক প্রবন্ধে বলিতেছেন, “সকল কল্পনার উদ্দেশ্য রসসৃষ্টি, সকল কল্পনার ভিত্তি রসসাধন! সুতরাং সকল রসের আকর যে রসময়,

তাঁহাকে ছাড়িয়া দিলে কোন রসসাধনই সার্থক হইতে পারে না।” কাব্যসৃষ্টির জন্য সর্বত্র সকলক্ষেত্রে সকলরসাকরের সাধন অপরিহার্য কিনা বলিতে পারি না ; আধ্যাত্মিক সাধনা ব্যতিরেকে রসসাহিত্য জন্মিতে পারে কিনা, সে সম্বন্ধেও কোন সিদ্ধান্ত নির্দেশ করিতে আমি অপারগ। এরূপ অব্যভিচারী কার্য কারণ সম্বন্ধ প্রতিপন্ন করা যে কতদূর সম্ভব তাহাও বুঝিতে পারি না ; তবে বৈষ্ণবকবিদিগের মত অনেক উৎকৃষ্ট কবির জীবনে যে বাস্তবপক্ষে এরূপ সম্বন্ধ দেখা যায় তাহা অবশ্য স্বীকার্য। মহারাজাধিরাজের কবিতা গ্রন্থের উৎপত্তি যে এই দ্বিবিধ সাধনার মিলনের ফল, তাহা তাঁহার যে কোন গ্রন্থ হইতেই স্পষ্ট প্রমাণ করা যায়।

কল্পকলার স্বরূপ সম্বন্ধে একজন ইংরাজী সমালোচক বলিয়াছেন, Art is life seen through a temperament, অর্থাৎ বিশিষ্ট প্রকার অন্তঃকরণের সাহায্যে সংসারপর্যাবেষ্ণনের ফল কল্পকলা। সংসারের ঘটনাবলি আমরা সকলেই ত অবলোকন করিতেছি, আমাদের প্রত্যেকেরই মানসফলকে উহার প্রতিফলিত হইতেছে। অথচ সাধারণজনের এই অভিজ্ঞতার ফল কল্পকলা নামে কেন পরিচিত হয় না ? ইহার কারণ, সাধারণ লোকের বৈশিষ্ট্যের অভাব। এই বৈশিষ্ট্য যত চিত্তাকর্ষক হয়, চরিত্র যত মহনীয় হয়, অন্তঃকরণ যত অমূল ও সৌন্দর্য্যগ্রহণপর হয়, কল্পকলাও তত রসজ্ঞের হৃদয় সবলে হরণ করে। রঙ্গীন কাচের ভিতর দিয়া দেখিলে জগৎ কাচের রঙ্গ দেখায়। পাত্রের আকার ও বর্ণের গুণে জলের যেমন বর্ণ ও আকারের পরিবর্তন হয়, ইহাও সেইরূপ। এই জন্যই বলিয়াছি, সাহিত্যের প্রধান শোভা—সাহিত্য স্রষ্টার ব্যক্তিত্বের বিকাশ। ভাষা মানুষের ভাবপ্রকাশের জন্যই প্রবর্তিত হইলেও ভাবগোপনের জন্য তাহার ব্যবহার বিরল নহে। কিন্তু মহারাজাধিরাজের কবিতায় ও নাটকে আত্মগোপন নাই, আত্মপ্রকাশ আছে, আত্মসঙ্কোচ নাই, আত্মত্বের প্রসার আছে। আবার এরূপ সরলভাবে, নিঃশঙ্কচিত্তে আপনাকে বিলাইয়া দেওয়া, রচনার মধ্যে নিজেকে ঢালিয়া দেওয়া তাঁহাতেই সম্ভব, যাহার অন্তঃকরণে গোপনীয় কিছু নাই, যাহার মানসিকক্রিয়া স্বভাবতঃই পবিত্র ও সৎপথচারিণী। পর্তের শিরোভাগ হইতে নিঃশিষ্ট চিত্তে উদয়ান্ত কেহ কখন নীল গগনের পরিবর্তনবিলাস লক্ষ্য কবিয়াছেন কিনা আমি

না । বিভিন্ন বর্ণের সে নিত্য লীলা, মেঘ ও রৌদ্রের সে অপূর্ব মিলন বিরোধ, ক্রমে ক্রমে আলোক ও ঔজ্জ্বল্যের সে হাসবুদ্ধি, নিপুণতম চিত্রকরও প্রকাশ করিতে অক্ষম । এই অনন্ত সৌন্দর্য্যময় নীলনভোমণ্ডলের অমুরূপ আর একটা আকাশ প্রত্যেক মানবের সত্তার বর্তমান । এই চিদাকাশের বা চিত্তাকাশের অনন্ত ও চিরপরিবর্তনশীল শোভাপরম্পরা প্রত্যেকেই অল্পবিস্তর অনুভব করিয়া থাকেন । তবে সে অনুভূতির সমষ্টি লিপিবদ্ধ হইয়া তখনই আনন্দ দেয়, যখন এই চিত্তাকাশ নীলগগনের মতই মহানু হর উন্নত হর, নির্মল ও লীলাময় হয় । এই সকল কারণে, অগ্লাম্য গ্রন্থাবলীতে প্রথমতঃ এই অপূর্ব চরিত্রের বিষয় প্রনিধান করিতে হইবে । মহারাজাধিরাজের সমগ্র কবিতার মধ্যে আত্মসাক্ষাৎকারের একটা প্রবল আকাঙ্ক্ষা, “তত্ত্বমসি” উপদেশ আয়ত্ত করিবার বাসনা, এবং কার্যক্ষেত্রে, বাক্যে ও আচারে, তদ্ভাবভাবিত হইবার চেষ্টা পরিস্ফুট রহিয়াছে ।

তুমিহ জল্পনা, আমিহ কল্পনা, এ দুটা লয়ে বিবাদ গো—

আমি নিজেকেই নিজে খুঁজিয়াপাইনা, সে খোজ পাইলে পরে কিছুই চাইনা ।

আমিহ মুছাও, তুমিহ বুঝাও, তুমি আমিতো সে ব্রহ্মই গো । গায়ত্রী ৩ ।

আমি ত জীবনযুক্ত, সত্যে আছি সদা মিশে । গায়ত্রী ৬ ।

আত্মযোগে মাত মন, আত্ম সুধা পান করি

আত্মাতে হও মগন, আত্মামাত্র সার করি ।

অদ্বৈততত্ত্বের সারসত্যগুলি জীবনে প্রয়োগ করিবার, হৃদয়ে অনুভব করিবার, এরূপ আগ্রহ গৃহীর জীবনে অতি বিরল । বিলাসোপকরণবেষ্টিত কুবেরসমের পক্ষে এরূপ প্রবৃত্তি ততোধিক বিরল । এ সকল শুধু মুখের কথা নহে । এরূপ সঙ্কল্পের পশ্চাতে যে নিরন্তর দৃঢ় সাধনা রহিয়াছে, যাহারা মহারাজাধিরাজ বাহাদুরের দৈনন্দিন জীবন সঙ্কল্পে সাক্ষাৎ খবরও রাখেন তাঁহারা ই বেশ জানেন । “একাদশীর” একস্থলে তিনি বলিতেছেন—

“সাধনার কঠোরতা অজ্ঞানীর বাচালতা

তাতে কি যে মধুরতা যে জানে সে জানে”

আধ্যাত্মিক বিষয়ে মাদৃশের কিছু বলিতে যাওয়া হুঃসাহস, এবং ভয় হর, অমার্জনীয় চপলতা বলিয়া পরিগণিত হইবে । তথাপি দূর হইতে বাহ্যে সমস্ত

আয়োজন উপকরণ লক্ষ্য করিয়াছি, তাহাতে সত্যই মনে হইয়াছে—যে
“আত্মবেদন ও আত্ম চেতনেই তাঁহার মন যথার্থ ব্যাপ্ত রহিয়াছে এবং
মহারাজাধিরাজ যথার্থ—

“গৃহেতে প্রবাসী অন্তরে প্রয়াসী জ্ঞান বারাগসী তরে।”

বর্ধমান গোলাপ বাগের নিকটস্থ, তাঁহার নবপ্রতিষ্ঠিত আশ্রম
ইহার একটা উৎকৃষ্ট প্রমাণ। তাহার “আবেগ” কবিতাগুলোর প্রথম
চিত্রের উপরিভাগে ইহার প্রতিকৃতি প্রদত্ত হইয়াছে। ইহার অভ্যন্তর
এক অদ্ভুত ভাব অন্তরে আনিয়া দেয়। চতুর্দিকে প্রাচীর গায়ে
‘মোহমুদগর’ প্রভৃতি গ্রন্থ হইতে উদ্ধৃত উৎকৃষ্ট শ্লোকরাজি বৃহৎ অক্ষরে খোদিত
আছে। জীবন যে বিনশ্বর, সুখ যে ক্ষণস্থায়ী, জগৎ যে মায়াময়, ব্রহ্মই যে এক
মাত্র সত্য, যে দিকে চক্ষু ফিরান যায় সেদিক হইতেই এইরূপ উপদেশ হৃদয়কে
উদ্ভুদ্ধ করিতে থাকে। মধ্যস্থলে একটা সুন্দর পুষ্করিণী। তীরে গৈরিক নির্মিত
সুগঠিত মন্দির। অভ্যন্তরে নানা আকারের কোথাও বুদ্ধ মূর্তি, কোথাও শঙ্কর
মূর্তি, কোথাও বা দক্ষিণামূর্তি, কোথাও বা মহাদেব লিঙ্গ খেত প্রস্তরে
খোদিত হইয়া পূজিত হইতেছেন। অপর পাশ্বে বিশাল বটবৃক্ষতলে উচ্চ বেদী।
সুনিয়াছি মহারাজাধিরাজ এই বেদীর উপর আসীন হইয়া বিবিধে আত্মস্থ হইয়া
থাকেন।

তরুতলে বসে ডাকি, বল ঈশ কত বাকি,
অস্ত্রমে দিওনা কাঁকি, আমি তো গো আশ্রয়ান।
নিশি শেষে হেথা বসে ভাবি বাকি কতদিন
জীবনের সন্ধ্যা এলে, বাসনা নিতে কোপীন।

উদ্ধৃত ছই কবিতার, ভক্তের ভগবৎসমাগমের অল্প ব্যাকুলতা ও উৎকর্ষা
অতি প্রাণস্পর্শিভাবে ব্যক্ত হইয়াছে। এরূপ কাণ্ডরতা ইহার হৃদয়ে সন্দা
জাগরক—তিনিই ধন্য, তিনিই কৃতী।

এই সমগ্র জগতের অধিকারী রাজরাজেশ্বরের রাজ্যে নিজেকে manager
বা নায়ের মনে করা—প্রত্যেক গৃহীর আদর্শ হওয়া উচিত। ধনজনবিশিষ্টবে
মমত্ববোধ উৎকর্ষ হইলেই মানুষ সং-পথব্রষ্ট হইবে। সে অনিষ্ট পরিহার

করিতে হইলে, সকল চেষ্টার মূলে বিশ্বনিয়ন্তার সত্তা অনুভব করা উচিত ; এ সংসার যে তাঁহারই—তিনিই যে ইহার স্বামী—আমরা যে তাঁহার সেবক, এ ধারণা অন্তরে বদ্ধমূল করা অবশ্য প্রয়োজনীয় । এই আদর্শানুপ্রাণিত হইয়া মহারাজাধিরাজ বহুস্থলে আত্মকথা নিবেদন করিয়াছেন ।

শৈশবে বরিয়াছিলে এই রাজ্য মোরে তুমি
প্রৌঢ়ত্বে এসেছি এবে তোমারি মায়ায় আমি ।
বুঝেছি এ সিংহাসনে বসিলে নিষ্কাম মনে
হয় দেখা তব সনে, হ'তে পারি জিতকারী ।

আর একস্থলে তিনি বলিতেছেন—

তোমারি মহিমা লইয়া ছড়াই
তোমারি গরিমা আমার বড়াই
তোমারি আলোকে নিয়ত বেড়াই
তোমাতেই যাই মিশে ।

এসকল কথা—ভারতের প্রাণের কথা, শেখাবুলি নহে । যাহারা সকল বিষয়ে নূতনের অনুসন্ধান করিয়া বেড়ান, তাঁহারা মহারাজাধিরাজের এ সকল উক্তিতে হরত পূর্ণকাম হইবেন না । কিন্তু হিন্দুর মনোভাব এ সকল বিষয়ে অতীতানুগ । হিন্দু সভ্যতা-সূর্য্য পূর্কদিগ্নুথ আলোকিত করিয়া প্রথম যেদিন উদ্ভিত হয়—সেদিন হইতে অথবা সেইক্ষণ হইতেই—হিন্দু, জীবনের সার সত্য হৃদয়ঙ্গম করিয়াছে,—“তদ্বিষ্ণোঃ পরমং পদং” ধ্যানকেই লক্ষ্য বলিয়া চিনিয়া লইয়াছে । তাই আধ্যাত্মিকতার রাজ্যে নূতনের অবকাশ কোথায় তাহা জানি না,—কেবল ইহাই বুঝি নূতনত্ব ঘটে,—ব্যক্তিগত উপলব্ধির প্রসঙ্গে—নিজ নিজ সাধনার । যাহা পরম ঈম্পিত—পরম শ্রেয় ও সকল চেষ্টার শেষ লক্ষ্য—তাহাকে পুনরায় আবিষ্কার করিতে যাওয়া নিরর্থক । ভারতীয় অধ্যাত্মবিচার প্রতি এই জাতীয় প্রগাঢ় শ্রদ্ধা চিরদিনই মহারাজাধিরাজের অন্তরে বর্তমান আছে । এই শ্রদ্ধাভক্তির সূত্রে তাঁহার জীবনের পূর্কাপর ঘটনাস্রেনী গ্রথিত হইয়া একটা সুবিন্যস্ত মালার গায় শোভা পাইতেছে । এবং এই সূত্রেই তাঁহার সকল সাহিত্য রচনা অঙ্কুরিত ।

সাহিত্যের যে সকল শ্রেণীবিভাগ সচরাচর আমরা মানিয়া লই—তাঁহা হইতেও বিভিন্নরূপ একটী শ্রেণীবিভাগের কথা মহারাজাধিরাজের গ্রন্থাবলী পাঠে, স্বতঃই আমাদের মনে উদিত হয়। গল্প, প্রবন্ধ, কাব্য, উপন্যাস, নাটক, epic, lyric এ সকল শ্রেণী আমাদের নিকট সুপরিচিত। কিন্তু বিখ্যাত চণ্ডীদাস জ্ঞানদাস জয়দেব হইতে কমলাকান্ত রামপ্রসাদ পর্যন্ত বাঙ্গালী সাহিত্য যখন সমষ্টিগত ভাবে আমরা আলোচনা করি, তখন দেখি যে এই মামুলী শ্রেণীবিভাগে আর কুলায় না। ইহাদিগের অন্তর্নিহিত বিশেষত্বটুকু ফুটাইয়া তুলিতে হইলে, ইহাদিগকে একটী স্বতন্ত্র আখ্যা দিতে হয়। কাব্য-মোদিগণ এই সকল কাব্যগ্রন্থ হইতে যে আনন্দ উপভোগ করেন সে আনন্দদান নির্বিশেষে সকল সাহিত্যের লক্ষ্য নহে। তাহার কারণ, ইহারা কেবল মাত্র রস-সাহিত্যের দৃষ্টান্ত নহে, ইহারা সাধনমার্গেরও সহায় এবং সঙ্গী। একান্ত আমার মনে হয়—ইহাদিগকে এক স্বতন্ত্র পর্যায়ভুক্ত করা উচিত, সে পর্যায়ের নাম—সাধনাসাহিত্য। এরূপ সাহিত্যের মর্ম গ্রহণ করিতে হইলে শুধু লৌকিক-রস-পিপাসু হইলে চলিবে না। আধ্যাত্মিক বাসনায় অনুপ্রাণিত হইতে হইবে। আধ্যাত্মিক প্রযত্নে উদ্বুদ্ধ হইতে হইবে। সার্বভৌমিক সাহিত্যের সমাবেশে বিশ্বভারতীর হস্তে যে অপূর্ব সপ্তস্বর শোভা পায়, তাহার মধ্যে বঙ্গবাসী এই বিশিষ্ট ভারতী উপহার দিয়াছেন। পাঁচশত বৎসর ধরিয়া সেই তারে বঙ্গকবিরন্দ বিচিত্র রাগ রাগিনী সুরও বঙ্গার আহত করিয়াছেন, সে সঙ্গীত ধারা যেন মন্দীভূত হইয়া আসিতেছে। মহারাজাধিরাজ সেই শুকপ্রায় ফল্গুপ্রোতকে পুনরায় লোকলোচনপোচর করিতেছেন।

শুধু তাহাই নহে। মহারাজাধিরাজ লুপ্তপ্রায় এই কাব্য ধারাতে শুধু যে রস সঞ্চার করিয়াছেন তাহা নহে, অধিকতর ইহাতে তাঁহার ব্যক্তিগত চিন্তার স্রোতও মিলিত করিয়াছেন। ফলে ইহাতে সাম্প্রদায়িকতাও যেমন আছে, তেমনি তাঁহার বৈশিষ্ট্যও প্রতীয়মান হয়। অভীষ্টদেবের উপর মাতৃদেহের আরোপ করিয়া, কিছা তাঁহাকে প্রেমের মূর্তি বলিয়া, যে সকল সাধককবি সঙ্গীতে কীর্তনে ও ভজনে বাঙ্গালার নরনারীকে কৃতার্থ করিয়া গিয়াছেন, বর্ধমানাধিপ তাঁহাদিগের হইতে এক বিষয়ে পার্থক্যের দাবী করিতে পারেন। ভারতীয় চিন্তার বাহা পরম ফল, এদেশের দার্শনিক গবেষণার বাহা চন্দ্রম উৎকর্ষ, মহারাজাধিরাজ ত্রীমং

শঙ্করাচার্য্যাবিবৃত সেই অদ্বৈততত্ত্বকেই তাঁহার কাব্য নাটক ও সাধনার উপজীব্য রূপে গ্রহণ করিয়াছেন । বহুর পরিবর্তে একের স্বীকার ও ধ্যানই উন্নত ঘননক্রিয়ার প্রকৃষ্ট প্রমাণ । ইহা জ্ঞান রাজ্যের সকল বিভাগেই পরিদৃষ্ট হয় । আটকেশোর মহারাজাধিরাজ এই অদ্বৈতের উপাদক । প্রায় ষোড়শবর্ষ পূর্বে প্রকাশিত ‘আত্মবোধ’ শীর্ষক কবিতায় তিনি বলিতেছেন—

জলের গোলক সলিলে যেমন, মিশে একবার দিবে দরশন,
জেনেছি তেমন জীবের জীবন নিমেষের তরে চলিছে ।

শ্রীমদাচার্য্যশঙ্করকে উদ্দেশ্য করিয়া বিজয় গীতিকার একস্থলে তিনি প্রার্থনা করিতেছেন—

যে বোধ কিরণে, দীপিলে ভুবনে, তার কণাদামে, এ আঁধার মনে
উজল স্বপ্নে, ঘাটিছে চরণে, শঙ্করকিঙ্কর বিজয় কাতরে ।

শাস্ত্র বলিয়াছেন “ষাদৃশী ভাবনা যন্ত সিদ্ধিভবতি তাদৃশী ।” একথা যে সত্য তাহার প্রমাণ মহারাজাধিরাজের জীবনেই । শঙ্কর প্রবর্তিত অদ্বৈততত্ত্বের মহিমা তাঁহার কার্য্যকলাপ, বাক্য ও মনে ক্রমশঃই ব্যাপ্ত হইতেছে,—ইহা প্রত্যক্ষ অমুভবযোগ্য ।

রসসাহিত্য হিসাবে মহারাজাধিরাজের অশ্রান্ত রচনা হইতে তাঁহার নাটকগুলি সহদয়গণের অধিক মনোমত হইবে, ইহা নিশ্চিত । “চন্দ্রজিৎ” ও “কমলাকান্ত” দৃশ্যকাব্য পর্যায়ে একরূপ অপূর্ব । ভারতীয় সমাজের সর্বোচ্চ স্তরের ব্যক্তিগণের কথাবার্তা স্বভাবতঃ ধেরূপ হইয়া থাকে, সাধারণ নাটকাদিতে তাহার অবিকৃত নমুনা পাওয়া অসম্ভব, কারণ অল্পমানই উহার ভিত্তি । নাটকীয় ব্যক্তির কথাবার্তার এই ত্রুটি মহারাজাধিরাজের রচনাধরে নাই । তাহাজে যেসকল উক্তি প্রত্যুক্তি নিবদ্ধ হইয়াছে, তাহা সজীব, সরল ও স্বাভাবিক । কোথাও বাহুল্য নাই, গল্পাংশের অপরিপোষক অবাস্তুর কল্পনা নাই । লেখনীর এই সংযম ও শিল্প সচরাচর নাটককারগণে দেখিতে পাই না । এই সংযমের ফলে সূত্রাকার হইলে ও নাটকগুলি মনের উপর অনপন্নর প্রভাব বিস্তার করে । এবং সে প্রভাবের ফলে চিন্তা প্রসন্ন হয়, পবিত্র হয়, উন্নত হয় । আর যনে হয়, এদেশের প্রত্যেক রাজা ও জমিদারের গৃহে এইরূপ আদর্শ যদি প্রতিষ্ঠিত হয় তাহা হইলে বাঙ্গলার সামাজিক জীবনে যে হৃদয়হীনতা ও অকরণ্য আসিয়া

পড়িতেছে, তাহা অস্বহিত হইবে । কারণ, এ আদর্শের মধ্যে কাঞ্চন কৌশলের ছায়া নাই, কুৎসিত ভোগবাসনার পাপলীলা নাই, বৃথা গর্বের আভার নাই । বাহ্য আছে, তাহা মনোহর, তাহা মহনীয়, তাহা এদেশের প্রকৃতির অঙ্গুত, তাহা 'সরল জীবন বাপনের সহিত উচ্চতম মননক্রিয়া'র অঙ্গুত দৃষ্টান্ত । নাটকধরের গম্ভীর-বিস্তৃত মনে, কিং উহাদের উপদেশ বড় সুন্দর । "কমলাকান্তের" উৎসর্গ পত্রে সে উপদেশ এইরূপে সূচিত হইয়াছে—“যঃ পিতা সপুনঃ পুত্রঃ স্বঃ পুত্রঃ সপুনঃ পিতা” ।

এ তত্ত্ব আজ কাল প্রতীচী নৃতন ও গভীর ভাবে আলোচনা করিতেছে, যল— Heredity বা বংশক্রম সম্বন্ধীয় বিস্তৃত নানা গ্রন্থ । নরওয়ের বিখ্যাত নাট্যকার Ibsen তাঁহার Ghosts নামক নাটকে পূর্বপুরুষের দোষগুণ সদৃশতাচার ও তাহার ফলাফল কিরূপ অমূল্য নিয়মে সন্তানে সংক্রামিত হয়, তাহার এরূপ চিত্র অঙ্কিত করিয়াছেন, যে, তাহাতে হৃদয় বিস্ময় ও আতঙ্কে অভিভূত হইয়া পড়ে । মহারাজাধিরাজ এই সকল আশ্চর্য তত্ত্ব নিজ বংশের অত্যন্ত মহাপুরুষকাহিনী অবলম্বনে অধুর্ভাষক নাট্যকারে প্রদর্শন করিয়াছেন । "কমলাকান্তের" পরিচয় মহারাজ উৎসর্গপত্রেই দিয়াছেন—“যে মহাযোগী তিতিল্লার অঙ্গুত অন্তরায়রূপে বর্ধমান রাজসিংহাসনে তেজশ্চন্দ্র নরপতি নামে বিরাজমান থাকিয়া, পুনঃ আকৃতাচক্ররূপে বিদ্যালেক্ষার ন্যায় নানা কৌতুক কলা দেখাইয়া নিজ ধামে চলিয়া গিয়াছেন, তাঁহার স্মরণে স্মৃতিসাধনার্থেই আমার কমলাকান্ত । এই “ইতিহাসমূলক নাটকে” শুধু যে বর্ধমান রাজবংশের এক গৌরবময় ইতিবৃত্ত খ্যাপিত হইয়াছে, তাহা নহে—ইহাতে প্রকৃত ভক্ত ও সাধকের প্রতি মহারাজাধিরাজের হৃদয়ে যে অপরিমিত শ্রদ্ধা আছে—তাহাও পরিষ্কৃত হইয়াছে । এ দেশের সাধকজীবনতিহাসে কমলাকান্তের নাম সুপ্রসিদ্ধ মহারাজ তেজশ্চন্দ্রের তিনি সর্বসাময়িক ছিলেন । আরাধ্য দেবীর স্বরূপে তিনি অসেক অলৌকিক কাণ্ডার সংঘটিত করেন । একবার বিজয়নগরপুরে দস্যুদলকর্তৃক আক্রান্ত হইয়া নিজ ভক্তিসঙ্গীতের প্রভাবে আততায়ীদিগকে মোহিত করেন । রাজকুমার প্রতাপচন্দ্রের সহিত ইহার নিবিড় মোহর্দে ও সৌন্দর্যের সংঘটিত হয়, এবং ইনি একরূপ পুরুষের মতিভাষক নিহত

হইলেন । বিপন্নীক হইবার পর এই মহাপুরুষ যখন অনন্যমনে শ্রামাচরণ ধ্যামনিরত ছিলেন, তখন মহারাজ ভৈরবচন্দ্র নিজ পুত্রের যৌবন সুলভ নানারূপ হুট আচার দেখিয়া তাঁহাকে রাজবাটীতে আহ্বান করেন, এবং তাঁহার পুত্রের অবনতি যে তান্ত্রিক সাধকের সংসর্গে ঘটিতেছে এরূপ মত প্রকাশ করেন । ইহাতে কমলাকান্ত যৎপরোনাস্তি বিরক্ত হন—এবং দৃঢ়তা ও ভৈরবিতা সহকারে মহারাজকে সাধকের সাধনার এরূপ অবমাননা করিতে নিবেদন করেন । কমলাকান্তের অধীরতায় মহারাজাধিরাজ মুহূর্তসাহসহকারে কেবল বিস্ময় প্রকাশ করিলেন—তাঁহার মত সাধকের অল্পে এতদূর বিচলিত হওয়া অসুচিত । রাজা ও সাধকের জীবনের তুলনা করতঃ তিনি বলিলেন—“কমলাকান্ত, তোমরা সাধক, কিন্তু আমাদের অপেক্ষা অনেক নীচ সিংহাসনাধিকারী । তোমরা নিজে মুক্ত হইতে পারলেই বাঁচ, তোমাদের ক্ষুদ্র প্রাণ আপনার গতির জন্যই ব্যস্ত, আর আমরা যোগভ্রষ্ট যোগী হই, নিজের লক্ষ্যপথ পলকে পলকে দেখতে পেরেও, এই ধর্মের সংসার রক্ষার জন্য, এই একটা রাজ্যের নাম দিয়া সেই বিখ্যাতেরই লক্ষ্যজীবের হুঃখতাপ বিমোচন জন্য, তাঁর মহাভাগুর হাতে মুক্ত হস্তে দিতে এসেছি । তাঁর উদ্দেশ্য সাধন জন্য নিজ মুক্তি করতলগত হলেও পিঞ্জরাবদ্ধ থাকি ।” পরে প্রথমতঃ বংশের অমঙ্গলসূচক একটা স্বপ্নের কথা বিবৃত করেন । পুত্রের বিপদগামিতার ফলে বংশের ধারা রক্ষার যে বিপদের সূত্রপাত হইয়াছে, তাহার নিবারণের জন্য তাঁহার পিতৃদেব পুনরায় দেহ পরিগ্রহ করিতে সংকল্প করিয়াছেন—স্বপ্নের মর্ম এইরূপ । কিন্তু প্রতাপচন্দ্রের উদ্ধারের আশা অসীম । তাঁহার বাহু সুরাসেবনের তলে যোর তান্ত্রিকতা বিদ্যমান । তাই পিতার নির্মূলে সংসারে আরও হইবার প্রমত্ত মাত্রেই তাঁহার আশ্রয় “হুঃখ-পরীত” গৃহের মত সেহত্যাগে উদ্ধার হইল । ছাত্রসম প্রেমাস্পদ কমলাকান্তের ভালবাসাও তাঁহাকে বিরত করিতে পারিল না । এমত সময়ে চিরতৈবরী পরাগচন্দ্রের ধরে বর্ধনামের ভাবী অধীশ্বরের জন্মবার্তা শুনিয়া তিনি মর্মান্বিত হইলেন, এবং আক্ষেপ করিয়া বলিলেন, যে “কেমন বারেই রাজস্বতঃপুরে রাজকুমার হইবে জন্মান; সন্মহারের ললাটে লেখা নাই ।” অমাবস্তার তৃতীয় বাসই যে তাঁহার তদুত্যাগের কাল তাহাও ব্যক্ত করিলেন । “বৈকব যোগী ভৈরবচন্দ্র

ও সাধকবর প্রতাপচন্দ্রের ত্রেজেই বর্ধমান রাজ আজও জাজ্জল্যমান।” তথাপি প্রতাপচন্দ্রের এ শোচনীয় পরিণাম কি কারণে ঘটিল তাহা বুঝিতে গিয়া তেজশ্চন্দ্র প্রশ্ন করিতেছেন, “সে কি পুরম শাক্ত বলে, এ বৈষ্ণব মধ্যে স্থান পেলে না?” কমলাকান্ত ও প্রতাপচন্দ্রের মধ্যে যে প্রণয় তাহা অপার্থিব—অস্তিমকালে তাই দেবীর মন্দিরে কমলাকান্তের ক্রোড়ে মাথা রাখিয়া প্রতাপচন্দ্র দেহত্যাগ করিলেন। কিন্তু সে সময়েও পিতাপুত্রে সাক্ষাৎ হইল না। অচিরে কমলাকান্তও মহারাজাধিরাজ কুমারের অনুসরণ করিয়া ঈশ্বরী লোকে উপস্থিত হইলেন, এবং শেষ জীবনে তেজশ্চন্দ্রের মুখে কেবল এই আক্ষেপের বাণী শ্রুত হইল, “ভট্টচন্দ্র ভূমিও ত চল্লে। কেবল এই কুড়োটা পড়ে রইল।”

উল্লিখিত আখ্যানবস্তু হইতেই প্রতীত হইবে; যে “কমলাকান্ত” একখানি গভীর ও রহস্যময় ট্রাজেডী—অতীন্দ্রিয় জগতের সূত্র নিয়ম ও কার্য পরম্পরা লইয়া ইহা রচিত। ইহার মধ্যে যে Mysticism আছে, তাহা পাঠকমাত্রকেই স্পর্শ করে ও অভিভূত করে। অথচ ইহা আদর্শেই বৈদেশিক Mysticism নহে। কর্মফল ও জন্মান্তরের তত্ত্বসকল এদেশে চিরদিন প্রচলিত আছে। কিন্তু, মহারাজাধিরাজ যেভাবে সে সকল তত্ত্বকে নাটকীয় চরিত্রগুলির জীবনের মধ্যে অঙ্কিত করিয়াছেন, তাহাতে বুঝিতে পারি অধ্যাত্মজগতের এই সকল আকর্ষণ বিকর্ষণ কিরূপ অপ্রতিহতবল—কিরূপ অমূল্যজন্যীয়। এবং সাধক সাধে হৃদয়ও কণ্টকিত হইয়া উঠে।

“চন্দ্রজিৎ” এক হিসাবে “কমলাকান্তের” সৌন্দর্য। উভয়ের গল্পাংশে অনেক সাদৃশ্য আছে। কিন্তু “চন্দ্রজিতে” মহারাজাধিরাজের উদ্দেশ্য অন্তরূপ। “চন্দ্রজিৎ”—“প্রাচীন ভারতের প্রাচীন রাজবর্গের মহনীয় স্মৃতির উদ্দেশে উৎসৃষ্ট।” চন্দ্রজিৎ চরিত্রে মহারাজাধিরাজ একটা আদর্শ রাজর্ষি চিত্রিত করিয়াছেন। ইহার গল্পাংশ কাল্পনিক হইলেও, পুণ্ড্রনগরের অধিপতি ও তাঁহার পরিচর পরিবারের সহিত বর্ধমানরাজের যে সহানুভূতি ও সাদৃশ্যের যোগসূত্র আছে, তাহা বেশ অনুভব করা যায়। চন্দ্রজিতের আদর্শ ও ধ্যান,—“কর্মব্রহ্ম, কর্মই কর্ম করকারী”। এ কারণে “অব্যক্তে অব্যক্ত, অনন্তে মিশ্রিত” হইবার সাধনা রত হইলেও, “রাজ্যের সংরক্ষণের জন্য রাজর্ষি চন্দ্রজিৎ এখনও শ্রোত্রপন্থিকলোচন-সদৃশ।” রাজপুত্র ইন্দ্রজিৎ বিলাসব্যসনে আসক্ত হওয়ার, মহারাজের মনে শাস্তি

নাই। কেমন করিয়া ছটা বারবনিতার হস্ত হইতে তাহার উদ্ধার সাধন করিবেন, সেই চিন্তায় তিনি আকুল। মহারাজ ভক্ত—ভগবানের মাতৃরূপে ধ্যানে তিনি গদগদ—তথাপি তিনি সদয়হৃদয়, তাই তাঁহার প্রথম কীর্তি—মায়ের মন্দিরে পশুবলি নিবারণ। যে দৃশ্যে মহারাজ স্বয়ং দেবীমন্দিরে উপস্থিত হইয়া, পশুহত্যা নিষেধ করেন—সে দৃশ্য যথার্থই হৃদয়কে আন্দোলিত ও চমকিত করে। পশুবলির সমর্থকগণের বিপক্ষে চন্দ্রজিতির কথাগুলি ‘ওজস্বিতার’ ও ‘গাভীর্য্যে’ নিরূপম। “যারা প্রকৃতির তামসিক চিত্রাঙ্কনেই সত্যত যত্নবান, যারা শ্রীভগবানের হৃদয়চ্ছায়ায় ‘অভয়া’ ‘অভয়া’ বলে ডেকেও, তাঁর চিহ্নমন্দিরে মন্দিরের স্রোত প্রবাহনে তৎপর; যারা পরমেশ্বরের জগজ্জননীত্ব জগজ্জীবহত্মীত্বে আনয়ন করতঃ সাধনার অগ্রসর; যারা নিজ হৃদিস্থিত কলুবতা, শাস্ত্র ও নীতি বিগর্হিত নহে, ইহা প্রচার করে; যারা নিজের তামসিকতা পরব্রহ্মের মহামায়াতে আয়োগ্য করিতে সক্ষম, তাদের বিচার এ ক্ষুদ্র মন্দিরে হবার নহে। গৌতমের বুদ্ধবাণী, শঙ্করের কাপালিকদমনও ভারতের শক্তিপূজার গতি ফিরাইতে পারে নাই। যে কারণে, জ্ঞানপ্রসাবিনী ভারতমাতা অজ্ঞানমাতা হইয়া ক্রমে ভুবনের পুণ্যধাম হইতে দিন দিন পাপের অতলজলে নিমগ্ন হ’তে চলেছেন, সে কারণে, চন্দ্রজিৎ অনিলেও নীরব। কারণ এখন সবই নীরব, প্রেমিকের কক্ষুর মধুর সুরসী নীরব, ঋষি-গীত-মুখরিত গহনকানন, গিরিশৃঙ্গ, গিরিগহ্বর নীরব, বেদগান নীরব, প্রণয়ধ্বনি নীরব।” এইরূপে ধর্ম্মানুষ্ঠানের প্রধান অস্ত্রস্বরূপ তামসিকতার উচ্ছেদ করতঃ চন্দ্রজিৎ, পুত্রের চৈতন্য সম্পাদনে মনোনিবেশ করিলেন, এবং নিজ চেষ্টার বলে পুত্রকে বারবনিতার কবল হইতে উদ্ধার করিয়া গৃহধর্মে দীক্ষিত করিলেন। এখন “পুত্রে নিবেশ্য পরিকল্পিত রাজ্যভারং।” গৃহত্যাগ করতঃ একনিষ্ঠ সাধনার উদ্যোগ হইলেন। ক্রমশঃ “তাঁরই” জ্যোতিতে পাগলিনী প্রকৃতিরাজী হৃদয়তন্ত্রীতে আর নিজে নাচিল না। এখন তাঁর গান গেয়েই নাচিতে ও নাচাইতে লাগিল।” “ব্রহ্মভেরী বাজিয়া উঠিল,” চন্দ্রজিতির অবসানের দিন সন্নিহিত হইল। চন্দ্রজিৎ ব্রহ্মতানে ব্রহ্মলুয়ে লীন হইবার জন্য ভগবানের নাম গিরি গুহা নদী নিবন্ধিণীতে প্রতিস্থানিত করবার সংকল্পে, নিজের শিষ্য ও সহচর বিশ্বগিরি ও গুরুপাদ সমভিব্যাহারে নিক্রান্ত হইলেন, এবং পরিশেষে তাহারিগকেও পশ্চাতে রাখিয়া যুধিষ্ঠিরের মত গিরিপথে মহা অন্ধান করিলেন।

চন্দ্রজিৎ প্রতর্জিত হইবার পূর্বে, পুত্র ইন্দ্রজিৎকে যে কয়টি উপদেশ দেন, সেগুলি দেশের প্রত্যেক রাজা ও ভূস্বামী, এমন কি প্রত্যেক গৃহীর পর্যায় হৃদয়গটে মুদ্রিত হওয়া উচিত। “এ রাজ সিংহাসনে বিনা তপস্যায় বিনা যোগবলে, যে কসবে সেই কসবে। বৎস মনে রেখো ইহা ধর্মের সংসার; মনে রেখো, পুস্পনগররাজ্যাধীশ হইয়া কর্মকর্ম জন্ত, কর্মজয় জন্ত, কর্মবুদ্ধি জন্ত নহে; মনে রেখো প্রজাবৃন্দ তোমার প্রকৃত সন্তানস্বরূপ। তুমি এ রাজ্যের অধিপতি হইলেও, তুমি তাঁর এ মহাভাগ্যের কোষাধ্যক্ষমাত্র।”

প্রতীচ্যসভ্যতার ফলে দেশে দেশে আজ শ্রমজীবীগণের ও কৃষকগণের আর্তনাদ গগণ বিদীর্ণ করিতেছে। কারণ, বাহান্ন! ধনবান্ বা ভূম্যধিকারী তাহারা দরিদ্র শ্রেণীদিগকে আপন বিলাসদ্রব্যসংগ্রহের ও অর্থোপার্জননের যত্নমাত্র বলিয়া মনে করেন। এ মনোভাব ভারতের শাস্ত্র ও জাতীয় হৃদয়ের অনুরূপ নহে। “রাজা”র অর্থ এদেশে ‘প্রকৃতি রক্ষক,’ ভূমিপালের আদর্শ, “সপিতা পিতৃসন্তাসাং কেবলং অন্নহেতবঃ”। জগন্ময় লক্ষ্মীর বরপুত্রগণের বিরুদ্ধে বিদ্রোহের সূচনা হইতেছে। ইউরোপে অষ্টদিকপালের অংশাবতার রাজার মর্ধ্যাদা ও লজ্জিত হইতেছে। এ অবস্থায় প্রাচীন ভারতের এই আদর্শ পুনঃ প্রতিষ্ঠিত করাই শান্তি ও সমৃদ্ধির একমাত্র সাধন বলিয়া মনে হয়। এই সকল কারণে মহারাজাধিরাজ ভূস্বামীমাত্রকেই “বিষেখরের ভাগ্যের কোষাধ্যক্ষ” বলিয়া ঘোষণা করিয়া, যে শিক্ষা প্রচার করিতেছেন, তাহা দেশের রাজা ও জমিদার দিগের সর্বাস্বঃকরণে গ্রহণ করা উচিত। ভূস্বামিগণ শুধু যে প্রকৃতি পালক, তাহা বলিয়াই মহারাজ ক্ষান্ত হন নাই, পরন্তু একরূপ প্রত্যেক সমাজপতির বংশের কার্যকলাপের ভিতর ভগবানের মঙ্গলময় ইচ্ছার প্রেরণা আছে, ইহা ও তিনি প্রকাশ করিয়াছেন। বর্তমান যুগ ব্যক্তিগত স্বাতন্ত্র্যের যুগ। প্রত্যেক ব্যক্তির জীবনেরই যে প্রয়োজনীয়তা ও সার্থকতা আছে, ইহাই এযুগের বানী। ফলে মধ্যবিত্ত ও নিম্ন শ্রেণীর পুরুষগণ নিজ নিজ উন্নতি সাধনে বদ্ধপরিকর এবং কৃতকার্যও হইতেছেন। এ অবস্থায় বাহারা সমাজের শীর্ষস্থানীয়, তাহাদের নিজ পদবীর গৌরব রক্ষা করিতে হইলে এই ভগবৎ প্রেরণার কথা অনুরূপ স্বরণ করা ও তদনুসারে নিজ নিজ কার্যাবলী নিয়মিত করা কর্তব্য।

প্রবন্ধের প্রারম্ভেই মহারাজাধিরাজের গ্রহাস্ত্রনিহিত সাধকতাবের

উল্লেখ করিয়াছি । সেই সাধকভাবে কথা লইয়াই প্রবন্ধ শেষ করিব : কারণ, সকল লেখার মধ্যে ধ্রুবনক্ষত্রের মত এই ভাবটী উজ্জলভাবে বর্তমান আছে । মহারাজাধিরাজের আধ্যাত্মিকতার বিশেষত্ব ইহাই, যে তাহাতে বাহ্যভঙ্গ্য নাই, “হৃদয়স্পন্দনঃ কবয়ো বদন্তি” নীরবে ভিন্ন এ সাধনা হইতে পারে না । আজ বাঙ্গলার চারিদিকে ‘ঋষি’ ‘মহর্ষি’ ‘ব্রহ্মর্ষি’র উদ্ভব হইতেছে । উপাধিব্যাধির এই সংক্রামকত্বের ভিতর মহারাজাধিরাজ প্রকৃত দ্বিজের আদর্শ প্রতিষ্ঠিত আছেন । মনু বলিতেছেন “সন্মানাদ্ ব্রাহ্মণো নিতঃ উদ্বিজতে বিষাদিব ।” সাহিত্যসম্মিলনের সভাপতিপদের সম্মান যে দিন তিনি স্বৈচ্ছায় অস্বীকার করেন, সে দিন ইহা সকলেই বুঝিতে পারিয়া ছিলেন । সে কথা স্মরণ করিয়া, এবং তাঁহার সমস্ত লেখার পরিব্যাপ্ত আধ্যাত্মিকতার সন্ধান গাইয়া, যথার্থই মনে হয়, মহারাজাধিরাজ তাঁহার কল্পিত “চন্দ্রজিতের” মত, তাঁহার পূর্বগামী বর্ধমানরাজসিংহাসনাধিকারী মহাপুরুষগণের মত, “প্রাচীন ভারতের প্রাচীন রাজর্ষি বর্গের মহনীর পথ” অনুসরণ করিতে সতত উদ্বুদ্ধ রহিয়াছেন ।

শ্রীবটুকনাথ ভট্টাচার্য্য ।

মণিভদ্র ।

প্রথম অঙ্ক ।

প্রথম দৃশ্য ।

রাজগৃহ-বিহার ।

ভিক্ষু ও ভিক্ষুণী পরিবৃত বেন্দীর উপর
বুদ্ধদেব ।

ভিক্ষু ও ভিক্ষুণীগণ

গীত ।

তুমি মণ্ডিত প্রভু মহিমা কিরণে রঞ্জিত রবিরাগে ।
তব, বন্ধুত মৃদুবাণীর পরশে চিত্ত তৃষিত জাগে ॥
সঙ্কিত কত আশা তোমাতে অর্পিত কত ভরসা
বাঞ্ছিত তুমি অন্তরে প্রভু শাস্ত অমৃত বরষা ।
আনত শিরে বন্দিত পদ নন্দিত কত ভাগে
জীবন মরণ কাতর জন চরণ শরণ মাগে ॥

বুদ্ধ । শুন শিষ্যগণ

যে বিজ্ঞান করেছ অর্জন
বিতরণে কর আয়োজন ।
হের স্বভাব নিরম, সুখ অবেষণ
দিন দিন নবরবি সনে
নব নব আকিঞ্চন জাগে মনে ।
রবিশস্ত যার সে সব কোথায়
আশার আশার ভাসে প্রাণে পরদিন ;
হতাশ নিশ্বাস ; অবিশ্বাস পরিণাম ।

অবিরাম গতি—লক্ষ্য অনিয়ত,
 ভ্রান্ত যুগ্ম জীবগণ,
 রমণী বদনে কাতর নয়নে কেহ চায়,
 ধন জন বিষয় বিলাস করোঁ আশ,
 যাত প্রতিঘাত বাদ বিসম্বাদ
 আর্তনাদ ঘরে পরে ।
 এ চক্রে পাঠিতে নিস্তার
 দয়ার বিস্তার কর
 সত্য শৌচ ধৃতি শাস্তি দেহ উপদেশ ।
 জীবের উদ্ধার ব্রত কর সার,
 হাহাকার ঘুচাও ধরার,
 ত্রিতাপ নিবৃত্তি মুক্তি করহ প্রচার,
 গাঁও মহানির্ঝানের গান ঘরে ঘরে ।
 চল শ্রাবস্তী নগর বিশাল সুন্দর
 অপেক্ষিছে ভক্তশিষ্য স্নাত পিণ্ডিক,
 মহা আয়োজন
 নব ধর্ম সংস্থাপন
 প্রাণগণে জাগায়েছে সবে ।
 তার এই পবিত্র উৎসাহে
 শান্তির প্রবাহে
 বিমল আলোকে পুলকে ভাসিবে ধরা ।

ভিকু ও ভিকুণীগণ

শিষ্যগণ ! অন্ন অন্ন বুদ্ধদেব দয়ার সাগর
 সর্বত্র সুগত শুদ্ধ জ্ঞানের আকর ।

দূতের প্রবেশ ।

দূত । নমো নমো ভগবন্ ! রাজীব চরণে,
 শিষ্যগণে করি প্রণিপাত,

এনেছি সংবাদ
 শ্রাবস্তীর দূত আমি ।
 করি নিবেদন
 সেথা যেয়ে নাহি প্রয়োজন
 পুরজন বিরোধী সবাই ॥
 বুদ্ধদেবে কেহ নাপূজিবে,
 ধর্ম কথা কেহ না শুনিবে
 না মানিবে উপদেশ দেবতার ।
 ক্ষুদ্র চিত্ত অনাথ পিণ্ডিক
 ত্রঃখে তাই নিমন্ত্রণ করে প্রত্যাহার ।

শিষ্যগণ । একি অদ্ভুত ব্যাপার !

বুদ্ধ । নহে চমৎকার,
 বহুবাধা সহে ধর্মাচার ।
 বিস্ময় না মান কেহ
 কহ ভদ্র, কিবা বিবরণ ?

দূত । তোমার বচন শুনি স্থির করি চিত্ত
 অমাথ পিণ্ডিক মনে করিল বাসনা
 শ্রাবস্তীর প্রতিঘরে প্রত্যেক কুটীরে
 জনে জনে শুনাব এ মহা গাথা ।
 জলে তৈল বিন্দু যথা বিস্তারিবে স্নিগ্ধ ধর্ম ।
 নরনারী উৎসুক অন্তরে
 দিন গণে ঘরে ঘরে
 বুদ্ধ পদার্পণে ধন্য হবে কবে পুরী ।
 পত্র পুষ্প শোভিত সুন্দর
 মনৌহর স্যাজিল নগর
 তোরণে তোরণে ফুলহারবিচিত্র বরণে

চাকু চপল পবনে—
 পতকা লহরী মনোরম
 নয়ন রঞ্জন পূর্ণ ষট্‌ ধারে ধারে ।
 উজলিত আলোক মাগার,
 কি শোভার সাজার নিশার,
 চাহে পাছ মর্ত্তে স্বর্গ ভ্রমে !
 অস্ত্র কথা নাই আনন্দ সমাই
 নাই কোন স্বন্দ্ব বিধা
 উৎসবে নগর ভাসে ।
 অকস্মাৎ ব্রাহ্মণের দল
 কোলাহল তুলিল বিধম
 নাস্তিকের ধর্ম নাহি লবে ।
 যে শুনিবে বুদ্ধ-উপদেশ
 আর্ধ্য ধর্মের স্থান নাহি তার
 দলবদ্ধ বৈশ্বগণে একত্র করিয়ে
 মহা আন্দোলনে
 উৎসবে দিতেছে বাধা,
 ধীরে ধীরে মন ফিরে গিয়েছে সবার ।
 মহামতি বুঝিয়াছে সার
 বুদ্ধ ধর্ম হবে না প্রচার হেথা,
 তাই ব্যথা রাখি মনে মনে
 গোপনে প্রেরিলা মোরে ।
 করে কাতরে প্রার্থনা
 দেখ যেন অধমে ভুলনা
 এসনা এদেশে
 মোহ বশে উপদেশ বুঝিবে না কেহ
 শেল সম' বাজিবে পরাগণে ।

বুদ্ধ । এই সে কারণে
 এত ঘন সন্দ তার মনে ?
 যাও দূত সত্বর গমনে
 আতিথ্যবার্তার মম শাস্ত কর তারে।
 শ্রাবস্তীর প্রতিঘরে ভিক্ষা প্রার্থী আমি।
 হিংসা ঘেষ যথায় প্রবল,
 অবিরত অশান্তির কোলাহল,
 সেই স্থলে আগে যাই করিতে উদ্ধার।
 আহা, তারা ক্লান্ত কত তাপে
 কবে হবে সুদিন উদয়
 মহৌষধ বিতরণ করিব সবার !
 কথায় কথায় বেলা বয়ে যায়
 বৃথা কালক্রয় উচিত না হয়।
 আশ্রয় হও শিব্যগণ
 সঙ্কল্প অক্ষুণ্ণ রাখ রাখ দৃঢ়পণ
 জ্ঞান রত্ন বিতরণ মহা প্রয়োজন।

(সকলের প্রশ্নান ।)

— * —

দ্বিতীয় দৃশ্য ।

শ্রাবস্তী—সমস্তভদ্রের গৃহ ।

সমস্ত ভদ্র ও রত্নমালা ।

রত্ন । আর্ধ্য প্রণাম করি, শ্রীচরণে দাসীর একটা নিবেদন আছে।

সমস্তা । এসমা, কি চাও মা, স্বচ্ছন্দে বল ।

রত্ন । আমার একটা প্রার্থনা পূর্ণ কর্তে হবে।

সমস্ত । কেন মা এত কুণ্ঠিত হচ্চ ? তোমার পিতা বসুমিত্র আমার কিঙ্কর

অন্তরঙ্গ বন্ধু তাত জ্ঞান ? তবে কেন এত দ্বিধা কর কন্যা আমার ?

রত্ন । আর্ধ্য, আমরা একটু ভিন্ন পথাবলম্বী তাই এমন সঙ্কুচিত হচ্ছি, আর্ধ্য কন্যাকে মাজ্জনা ক'রবেন ।

সমস্ত । তার জন্ম সঙ্কোচ কি মা ? ধর্ম বিভিন্ন হ'লেও অস্তঃকরণে আমরা ছুই বস্তু এক, নইলে বৌদ্ধ বসুমিত্র কখনই সমস্তভদ্রের গৃহে অতিথি হ'তেন না বা তাঁর কন্যাকে এখানে রেখে তীর্থ ভ্রমণেও যেতেন না ; বলমা তুমি কি চাও, তোমায় অদেয় আমার কিছুই নাই ।

রত্ন । আপনি মহাত্মা ; জানেন ভগবান্ বুদ্ধদেব এই শ্রাবস্তী নগরে ভিক্ষার্থী হয়ে আসছেন ?

সমস্ত । আসছিলেন বটে ; কিন্তু এখন আর আশা হবে না, পুরবাসীরা তাঁর কোনরূপ অভ্যর্থনা ক'রবেন না ।

রত্ন । সেই জন্মই তাঁর আসার আর কোনও অন্তথা হবে না ।

সমস্ত । তুমি কি বলছ মা ?

রত্ন । আমি জানি তাঁর শিষ্য শ্রাবস্তী প্রবেশে ব্রাহ্মণগণের প্ররোচনার আপনিই একজন প্রধান অস্তরায় ।

সমস্ত । (স্বগত) বালা তেজস্বিনী । (প্রকাশ্যে) তবে আর আমাকে সে কথা জিজ্ঞাসা কচ্ছ কেন মা ?

রত্ন । কিছু জিজ্ঞাসা কচ্ছি না, আমি হীনমতি সামান্ত বালিকা, সে কথা জিজ্ঞাসা করবার কোন অধিকারও রাখি না । কেবল প্রার্থনা, ভগবান যখন নগরে পদার্পণ ক'রবেন, আমাকে সেই শ্রীচরণ দর্শনে অনুমতি দেবেন ।

সমস্ত । যদি আসেন, তিনি তোমাদের আরাধ্য দেবতা, নিশ্চয়ই তুমি তথায় গমন ক'রবে, আমার বারণ করবার সামর্থ্য নাই । তবে কি জান মা তাঁর আগমনের সম্ভাবনা খুব কম, ব্রাহ্মণগণ বিষম বিরোধী, দুর্ভাগ্যবশতঃ আমিও বিরোধী তাও তুমি জান ?

রত্ন । আপনি কেন আশঙ্কা কচ্ছেন ? নিশ্চয়ই জানবেন, অতি শীঘ্রই তিনি এখানে পূণ্য পদার্পণে দীনহীনের পরিভ্রাণের উপায় ক'রবেন । আমি বেশ বেগতে পাচ্ছি, যেন সেই করুণার অবতার শ্রাবস্তীর ঘরে ঘরে ভিক্ষা ব্যপদেশে অমূল্য জ্ঞান-রত্ন বিতরণ কচ্ছেন, রাজা প্রজা দীন হুঃখী আবার বনিতা গুরুদেহ

তাঁর কৃপার সমান অধিকারী, আমি ক্ষুদ্র নারী অধিক জানি না, তবে বেশ বুঝতে পাচ্ছি,—হৃদয়ের নিভৃত প্রদেশে বেশ অনুভব ক'ছি,—যেন আপনি—
যিনি সর্কাপেক্ষা তাঁর প্রতিপক্ষ, তাঁর কৃপায় অর্হৎপদ লাভ ক'রবেন ও
জীবশুক্ল হবেন,—ভিক্ষু সজ্জ্বর অগ্রণী হবেন,—আমরাও ধন্ত হব,—দেশও ধন্ত
হবে ; অগতে আপনার অক্ষর কীর্ত্তি—অমর অক্ষরে বিরাজ ক'রবে !

সমস্ত । মা !

রত্ন । অশ্চর্য্য হবেন না, আপনার বিষাদ মলিন মুখে অন্তরের দারুণ বেদনা,
অনুভূতাপের তীব্র যন্ত্রণা—একটা ভয়ঙ্কর অনুশোচনা, স্পষ্ট ফুটে বেরুচ্ছে, কিন্তু ভয়
নাই, যে বেশী তাপী, তাকেই তিনি আগে হাত বাড়িয়ে কোলে তুলে নেন । আগে
তারই ম্লান অশ্রু মুছরে দেন । নির্ঝাণের স্নিগ্ধ মধুর উজ্জল আলোক আগে
তার চক্ষের সন্মুখে ধরেন । আপনিও এ ব্যথা বিশ্বৃত হবেন, গরম শান্তিলাভ
ক'রবেন । আমি পেয়েছি বুঝেছি, প্রণেহের মধ্যে সেই শান্তি—সেই তৃপ্তিলাভ
ক'রেছি । সাধ হয়েছে, সবাই তাই পাব, সবাই আমরা এক হয়ে যাব ।
পিতা অনুপস্থিত, আপনিই আমার অভিভাবক, অনুমতি লাভে কৃতার্থ হয়েছি,
কৃত্যার কৃতজ্ঞতাপূর্ণ প্রণাম গ্রহণ করণ

(প্রস্থান ।)

অপর দিক দিয়া স্তম্ভের প্রবেশ ।

স্তম্ভ । কোথায় গেল ? সেই না ? কি চমৎকার !

সমস্ত । একি অদ্ভুত প্রকৃতি ? বালিকার কি কোন প্রকার বায়ুরোগ
আছে ! কি ব'লে গেল ? মনের ভাব গুলো লিপিবদ্ধ ভাষার মত আবৃত্তি
ক'রে গেল ! আশ্চর্য্য !

• কে ? স্তম্ভ ! কি সংবাদ ?

স্তম্ভ । এইমাত্র সুনলেম বুদ্ধ নগর প্রান্তে, জৌর্ণ আত্র কাননে এসে আত্র
সশিব্য বিপ্রায় কচ্ছেন ।

সমস্ত । এসেছেন !

স্তম্ভ । হাঁ পিতা আপনি বিচলিত হচ্ছেন কেমন ?

• সমস্ত । কি জানি কেমন একটা ভাব মনের মধ্যে চম্কে উঠছে । স্তম্ভ !

সুভদ্রা । আদেশ করুন ।

সমস্ত । দেখ আমরা বৃদ্ধ যা করি, তোমরা যুবা; এসব রস্মান্দোলনে যোগ দিও না, কি জানি কি হতে কি হয়, ভয় করে । তুমি ও যে ভাবছ দেখছি !

সুভদ্রা । আজ্ঞে,

সমস্ত । দেখ ও সবে তোমাদের থাকা উচিত নয় আমরা অবসর প্রাপ্ত বৃদ্ধ বুঝেছি ? মনি কোথায় ?

সুভদ্রা । সে ত বড় একটা বাড়ী থাকে না ।

সমস্ত । আহা থাকতে পারে না, সে আর ভোলে না ; আমরা সবাই ভুলে আছি, কেমন আছি, সেই শুধু একা একা থাকে, একা একা কাঁদে ! সুভদ্রা সুভদ্রা একবার তার খোজটা ত নিতে হয়, এখনও সে তোমাদের গর্ভধারিণীর শোক ভুলতে পারিনি । দেখো তাকে মাঝে মাঝে !

সুভদ্রা । যে আজ্ঞে পিতা । আপনিও তাকে একটু দেখবেন ।

(প্রস্থান)

সমস্ত । আমি দেখব ! আমার কে দেখে তার ঠিক নাই ! গৃহলক্ষ্মী আমার ফঁকি দিয়ে আগে চলে গিয়েছে, আমিও তোমাকে সেই আশীর্বাদই ক'ন্তেম, কিন্তু বড় তাড়াতাড়ি পালিয়ে গেলে ! আজ যদি থাকতে কত পরামর্শ দিতে, কত দিক সামলাতে ! কি কচ্ছি, কি যে হচ্ছে কে জানে !

জৈবলীর প্রবেশ ।

জৈবলী । সমস্তভদ্র ! একি ?

সমস্ত । কি গুরুদেব ?

জৈ । এ সকল কি শুনতে পাচ্ছি ?

সমস্ত । কি হয়েছে গুরুদেব ?

জৈবলী । এই ধর্ম বিপ্লবের দিনে ব্রাহ্মণ ও বৌদ্ধধর্মের মহাসংঘর্ষে বেদ বিহিত ঐহিক পারত্রিক ক্রিয়াকলাপের আশ্রয় দাতা তুমি তোমার ঘরে এ সকল কি অভূতপূর্ব জটিল ঘটনা ?

সমস্ত । বুঝেছি গুরুদেব, নিজ বহুমিত্যের কীর্তাকে গৃহে স্থান দিয়েছি, তাই এত আন্দোলন উঠেছে ।

জৈবলী । আশ্চর্য্য । সমস্তভক্ত, তোমার সম্বন্ধে এ মহাশক্তি, নিতান্ত বিস্ময়কর স্বপ্নেরও অগোচর! এই আকস্মিক বিভীষিকার নগরের গণ্যমাণ্য যাবতীর ব্যক্তিই আজ ভীত চমকিত ও স্তব্ধ হয়ে গিয়েছে, কি ঘেন একটা অজানা আশঙ্কার মেঘ ধর্ম্ম-প্রাণ মহোদয়দিগের হৃদয়াকাশ আচ্ছন্ন করেছে, আমিও একান্ত স্তব্ধ হয়েছি, জানি না কোথায় কি ভাবে এর পরিণতি হবে, সমস্তভক্ত একি কল্পে ?

সমস্ত । কি ক'রেছি গুরুদেব ? হু'দিন মাত্র বালিকা আমার ঘরে অতিথি, স্বীকার করি বৌদ্ধ, কিন্তু আমরা ত সম্পূর্ণ সংশ্রব শূন্য হ'য়ে আছি, এরূপভাবে আশ্রয় টুকু দিয়েও কি পতিত হব ? আমার বাল্য সহচরের এই তুচ্ছ বিষয়ে নির্ভর স্থল হয়েও কি একটু উপকার করতে পাব না ?

জৈবলী । না, তোমার যে মিত্র সমাজের দিকে চাইনি, জেনো সে তোমার দিকেও চাইনি, পূর্ব পুরুষগণের অধোগতি ক'রেছে, স্বেচ্ছাচার নাস্তিকের ধর্ম্ম গ্রহণ ক'রেছে, অধিকন্তু তোমার সংশ্রবে এসে তোমারই সর্বনাশে কৃতসংকল্প হয়েছে, যদি তাকে পরিত্যাগ না কর সমাজ হারাতে নিজেকে মজাবে, এত ধর্ম্ম কর্ম্ম সব রসাতলে যাবে । আমি তোমার হিতকাঙ্ক্ষী কুল পুরোহিত আচার্য্য গুরু, আমার উপদেশ অগ্রাহ্য করোনা, জান না কি ভয়ঙ্কর আশ্রয় বিনাশে অগ্রসর হ'য়েছ, আমার কথা শোন, ফের এখনও সাবধান হও ।

সমস্ত । আপনাদের অভিপ্রায় এখনি তাকে গৃহ হ'তে বহিষ্কৃত করি, বিখ্যাত ক'রে বন্ধু তাহার কন্ঠাকে এখানে রেখে গিয়েছে এখনিই তার উপযুক্ত পুরস্কার দিই ।

জৈবলী । নিশ্চয়ই । ধর্ম্মরক্ষার জন্ত, সমাজের জন্ত আমি তোমাকে সেই-রূপই আদেশ করি । সমস্তভক্ত তুমি তাকে অচিরে স্থানান্তরিত কর ।

সমস্ত । এই হীনতার নাম যদি ধর্ম্মরক্ষা হয়, কমা ক'রবেন গুরুদেব অধম সে ধর্ম্মের মর্যাদা রক্ষা করিতে সম্পূর্ণ অক্ষম ।

জৈবলী । বটে, এতদূর অধঃপতন, এত কালে এই জ্ঞান অর্জন ক'রেছ ? ঘোর কলি, ঘোর কলি ; তা না হলে সেই ক্ষুদ্র ক্ষত্রিয় পুত্র সমগ্র ভারতে আজ নিজেকে শুদ্ধ বুদ্ধ বলে প্রচার কচ্ছে, যারা বর্ণাশ্রম ধর্ম্মের রক্ষক তারা তার প্রশ্রয় দিচ্ছে, এই ব্রাহ্মণ প্রধান শ্রাবস্তী নগরে অনাথ পিণ্ডিকের মত নগণ্য একজন

ধনিক মহাসমারোহে তার আমন্ত্রণ অভ্যর্থনার জন্য সাধারণকে উৎসাহিত ক'রে সাহস ক'রেছে তুমিও বৈশ্বাধম সমস্তভঙ্গ, “তুচ্ছ ঐশ্বর্য গর্বে অন্ধ হ'য়ে বর্ণশ্রেষ্ঠ ব্রাহ্মণের সম্মুখে গুরুর মুখের উপরে অকম্পিত স্বরে স্পর্ধা প্রকাশ ক'রছ; সমস্তভঙ্গ বেশ হয়েছে ।

সমস্ত । সব ভেঙ্গে গেল সব ভেঙ্গে গেল, কোন দিকে যাই কোনটা রাখি, বড় বিপদ বড় বিপদ !

জৈবলী । অনেক এগিরে পড়েছ, যাও, আর বাধা দেব না আর তোমার বলবার আমার কিছুই নাই !

সমস্ত । গুরুদেব !

জৈবলী । এতই যদি তোমার মনে ছিল, কেন আমাদের সঙ্গে ঘোগ দিয়ে আমাদের পরামর্শ নিয়ে শ্রাবস্তীর এ মহোৎসবে বাধা দিলে, কেন নাস্তিক অনাথ পিত্তিককে নিরস্ত ক'লে, কেন বুদ্ধের আগমনে বিরোধী হ'য়ে দাঁড়ালে ? 'বার শেষ রক্ষা ক'রে পারবে না, কেন সে লক্ষ্যহীন কর্ণে মুর্খের মত নেতৃত্ব গ্রহণ ক'রলে ? তোমার মনে এক, বাহিরে আর এক, তুমি নাস্তিকেরও অধম, নিত্যান্ত ঘৃণিত পতিভের ও পতিত । তারা করে অন্তরে বাহিরে এক হ'য়ে ক'রে, তোমার মত এরূপ হীন শঠতাপূর্ণ আত্মপ্রতারণা করে না, সম্প্রদায়ের ছোট বড় সকলের মুখ এমন ঘৃণার লজ্জার কালিমাক্রান্ত ক'রে দেয় না । আর অধিক ব'লতে চাই না, এতদিন তোমার গুরুত্ব ক'রেছি, আজ লোক চরিত্রে তুমি আমার গুরু হ'য়ে দাঁড়িয়েছ, যা শিক্ষা দিয়েছ, বেশ বুঝিয়েছ, মানুষ নিজেকে বতই চেপে চলুক, সময়ে তার হৃদয়গত বহুকণা আপনি ঠিকরে পড়ে ।

(প্রস্থান ।)

শ্রীরামচন্দ্র কাব্যস্থিতিমীমাংসাতীর্থ ।

প্রাণী ও উদ্ভিদের বৃদ্ধি

—:~:—

দেহের বৃদ্ধি সাধন করা জীব মাত্রেয়ই প্রধান ধর্ম। দেহের বৃদ্ধি কাহাকে বলে, তাহা আমরা সকলেই বুঝি, কিন্তু ছুই চারি কথায় তাহার একটা সংজ্ঞা দিতে পারি না। আয়তনের বা গুরুত্বের বৃদ্ধিকে দেহের বৃদ্ধি বলা যায় না। দেহে যখন মেদ সঞ্চিত হয়, তখন প্রাণী মাত্রেয়ই দেহ ক্ষীত হইয়া পড়ে, কিন্তু ক্ষীততাকে বৃদ্ধি বলা যায় না। মৃত প্রায় শুষ্ক মূলা প্রভৃতিকে কিছুক্ষণ জলে ডুবাইয়া রাখিলে, তাহা জল শোষণ করিয়া আয়তনে বড় হয়; ইহাকেও বৃদ্ধি বলা যায় না। ভেক প্রভৃতি প্রাণী শীতকালে মৃত্তিকার নিম্নে বা কোন নির্জন স্থানে লুকায়িত থাকিয়া নিদ্রার কালক্ষেপ করে। এই সময়ে তাহারা আহার করে না। এই কারণে বসন্তকালে যখন নিদ্রাভঙ্গ হয় তখন তাহাদের দেহ শীর্ণ হইয়া পড়ে। কিন্তু তাহাদিগকে এই অবস্থার অধিক দিম থাকিতে দেখা যায় না; ছুইএকদিন পুষ্করিণীর জলে বিচরণ করিলেই তাহারা আবার পুষ্টাবহ হয়। ভেকের দেহের এই পুষ্টিকে ও বৃদ্ধি বলা যায় না। বাহিরের জল শরীরের ভিতরে প্রবেশ করিয়া দেহের ক্ষীতি দেখায়।

দেহের বৃদ্ধি সাধন করা কেবল জীবেরই ধর্ম একথা ও বলা সঙ্গত মনে হয় না। ঘন চিনির রসে বা ফিটকিরির জলে যখন দানা বাধিতে আরম্ভ করে, তখন প্রথমে একটি ক্ষুদ্র দানা দেখা দেয় এবং পরে তাহাই পরিপুষ্ট হইয়া বহু বৃহৎ দানার উৎপত্তি করে। প্রাণী ও উদ্ভিদগণ যেমন আপনা হইতেই দেহের বৃদ্ধি করে, এম্বলে দানা গুলি ও কতকটা সেই প্রকারেই বৃদ্ধি প্রাপ্ত হয়। সুতরাং দেহের বৃদ্ধি সাধন করা কেবল, জীবেরই ধর্ম এ কথাও বলা চলে না। তবে চিনি বা ফিটকিরির দানার বৃদ্ধি এবং জীবের বৃদ্ধির মধ্যে পার্থক্য এই যে, চিনির দানা জল মিশ্রিত চিনি হইতেই উপাদান সংগ্রহ করিয়া যে প্রকারে বৃদ্ধি প্রাপ্ত হয়, প্রাণী ও উদ্ভিদ সে প্রকারে পুষ্ট হয় না। খাদ্যের এবং বাস প্রবাসের সহিত যে সকল পদার্থ জীবের দেহে প্রবিষ্ট হয়, তাহাই নানা প্রকার রাসায়নিক প্রক্রিয়ার দ্বারা

রূপান্তর গ্রহণ করিয়া দেহের পুষ্টি সাধন করে । ইহাই জীবের বৃদ্ধির বিশেষত্ব । চিনির দানা পার্শ্বস্থ জল হইতে চিনি সংগ্রহ করিয়া, আয়তনে বড় হয় ; উদ্ভিদ মাটি হইতে রস এবং আকাশ হইতে বায়ু শোষণ করে এবং এই সকল উপাদানে জীব সামগ্রী (Protoplasm) উৎপন্ন করিয়া আকারে বড় হইয়া দাঁড়ায় ।

প্রাণী ও উদ্ভিদ, যতদিন জীবিত থাকে, ততদিন প্রতি মূহুর্ত্তই তাহাদের দেহের ক্ষয় হয় । প্রাণীগণ চলাফেরা করিয়া এবং উদ্ভিদগণ দেহের নানা পরিবর্তন দেখাইয়া জীবনের যে সকল পরিচয় প্রদান করে, তাহার জন্ত শক্তির প্রয়োজন হয় ; জীবগণ নিজেদের দেহক্ষয় করিয়া সেই শক্তি যোগায় । কিন্তু ক্ষয়ের পূরণ না হইয়া যদি কেবল ক্ষয়ই চলিতে থাকে, তাহা হইলে জীবের দেহ থাকে না, তখন এই সৃষ্টি বৃথা হয় । কিন্তু বিধাতার এই সৃষ্টি বৃথা হইবার নহে ; এই কারণেই জীব মাঝেই বাহির হইয়া খাদ্য সংগ্রহ করিয়া আহার করে, এবং সেই খাদ্যই দেহস্থ হইয়া ক্ষয়ের পূরণ করে । যাহা সংসারের নানা প্রয়োজনে খরচ হয়, কোন ও গৃহস্থ যদি তাহা-অপেক্ষা অধিক উপার্জন করিতে পারেন, তবে তাহার ভাগারে কিছু কিছু সঞ্চিত হইতে থাকে । সকল গৃহস্থ এই প্রকারে বিস্তর সঞ্চিত করিতে পারেন না । কিন্তু প্রাণী ও উদ্ভিদগণ ক্ষয়ের পূরণ করিয়া ও দেহে কিছু কিছু সঞ্চিত করিতে পারে, এই উদ্ভূত বস্তুই তাহাদের বৃদ্ধি দেখায় । বৃদ্ধ জীব খাদ্য হইতে যাহা দেহস্থ করে, তাহা কেবল ক্ষয়ের পূরণ করিতেই ব্যয়িত হইয়া যায়, এজন্য ইহাদের বৃদ্ধি দেখা যায় না । জরাগ্রস্ত বা রুগ্ন জীব যাহা দেহস্থ করে, তাহা দ্বারা ক্ষয়ের পূরণ হয় না, এই জন্ত তাহা-দিগকে ক্রমে দুর্বল ও ক্ষীণ হইতে দেখা যায় । প্রাণীর বৃদ্ধি সম্বন্ধে এই সকল কথা সর্বজন বিদিত, সুতরাং ইহার বিশেষ আলোচনা নিম্প্রয়োজন । আধুনিক জীবতত্ত্ববিদগণ প্রাণী ও উদ্ভিদের বৃদ্ধি সম্বন্ধে যে সকল নূতন তথ্য সংগ্রহ করিয়াছেন, এই প্রবন্ধে আমরা কেবল সেইগুলিরই আলোচনা করিব ।

কলের চুম্বীতে নিয়মিত ইন্ধন জোগাতে থাকিলে, কল নিয়মিতভাবে চলে এবং আমরা তাহার সাহায্যে অনেক কাজ আদায় করিয়া লইতে পারি । যে ঘরে এবং যে অবস্থায় কলটিকে রাখা হইয়াছে, তাহার সহিত কলের কাজের কোন সম্পর্ক থাকে না । জীবের দেহ ও এক প্রকার যন্ত্র । কিন্তু যে কোন স্থানে জীবকে রাখিয়া তাহার সম্মুখে প্রচুর খাদ্য ধরিলে, তাহার দেহযন্ত্র সাধারণ

বস্ত্রের স্থান কাজ করে না ; পারিপার্শ্বিক অবস্থা যদি দেখে রক্তার অঙ্কুল হয় তবেই যন্ত্র খাদ্য গ্রহণ করিবার সামর্থ্য পায়। জীবের জীবনে কার্যের এই ব্যাপারটি প্রাচীন পণ্ডিতেরা জানিতেন, কিন্তু, ঠিক কোন কোন অবস্থা প্রাণী ও উদ্ভিদের বৃদ্ধিতে অঙ্কুল তাহার, তাহা নির্দেশ করিতে পারেন নাই। আধুনিক বৈজ্ঞানিক দিগের গবেষণাতেই এসম্বন্ধে অনেক তথ্য জানা গিয়াছে, ইহারা বলিতেছেন, কেবল বাহিরের বায়ু দেহস্থ করিয়াই জীবগণ বৃদ্ধি প্রাপ্ত হয় না ; বাহিরের তাপ আলোক এবং বৈদ্যুতিক অবস্থা প্রভৃতি প্রত্যেক ব্যাপারের সহিত যোগরক্ষা করিয়া তাহার বৃদ্ধি প্রাপ্ত হয়। বাহ্য প্রকৃতির একটুকর পরিবর্তন হইলে সঙ্গে সঙ্গে উহাদের বৃদ্ধির ও পরিবর্তন হয়। সূর্যালোক নানা জড় পদার্থে পতিত হইয়া নানা প্রকার রাসায়নিক কার্য দেখায়, কিন্তু উদ্ভিদে দেহে পতিত হইয়া উহা যে কার্য করে, তাহা বড়ই আশ্চর্যজনক। কার্বন অর্থাৎ অঙ্গার দেহের প্রধান উদাদান। উদ্ভিদগণ বায়ু হইতে অঙ্গারক বাষ্প শোষণ করিয়া দেহস্থ করে, কিন্তু এবাষ্পস্থিত অঙ্গারেরই সাহায্যে নূতন পদার্থ উৎপন্ন করিয়া দেহবৃদ্ধি করার শক্তি তাহাদের থাকে না। সূর্যালোকই উদ্ভিদের দেহে পতিত হইয়া তাহাদের বৃদ্ধির উপযোগী নানা উপাদান প্রস্তুতর সাহায্য করে। কিন্তু সর্বদাই সূর্যালোক পাইলে উদ্ভিদ বৃদ্ধি পায় না, দিবা রাত্রির বিভাগ অনুসারে একবার সূর্যালোক পাওয়ার পরে দীর্ঘকাল গভীর অন্ধকারে থাকাই তাহাদের বৃদ্ধির অঙ্কুল। সূর্যালোক যে সাত প্রকার মূল বর্ণের মিশ্রণে প্রস্তুত, সেগুলির মধ্যে বেগুনিয়া প্রভৃতি বর্ণগুলি উদ্ভিদের বৃদ্ধিতে বাধা দেয়। এই কারণে সূর্যালোকের সংযোগে উদ্ভিদেহে বৃদ্ধির উপাদান প্রস্তুত হইলে ও উক্ত বর্ণগুলির প্রতিকূলতার দিনের বেলায় উদ্ভিদগণ বৃদ্ধি প্রাপ্ত হইতে পারে না ; তাহার দিনের আলোকে প্রস্তুত উপাদান অইয়া রাত্রির অন্ধকারেই অধিক বাড়ে।

উদ্ভিদের বৃদ্ধির উপরে তাপের ও অনেক কার্য আবিষ্কার হইয়াছে। পরীক্ষা করিয়া দেখা গিয়াছে, ৭১ ডিগ্রি হইতে ৯৮ ডিগ্রি পর্যন্ত, উষ্ণতা এই সীমার উর্ধ্বে উঠিলে বা নিরে নামিলে, বৃদ্ধির পরিমাণ কমিলে আসে। শেষে তাহা শূন্য ডিগ্রিতে নামিলে ষ. ১২২ ডিগ্রিতে উঠিলে উদ্ভিদের বৃদ্ধি একবারে রোধ পাইয়া যায়।

প্রাণীর বৃদ্ধির উপরে ও তাপের অনেক কার্য আছে । যে সকল জীবকোষ দ্বারা প্রাণীর দেহ গঠিত, সেগুলি পরিপূর্ণ হইয়া যখন নূতন কোষের সৃষ্টি করে, তখনই প্রাণী দেহের বৃদ্ধি হয় । কেবল প্রাণীর নব উদ্ভিদগণের ও বৃদ্ধি এই প্রকারেই হয় । বৈজ্ঞানিকগণ পরীক্ষা করিয়া দেখিয়াছেন, অধিক শীতে দেহে নূতন কোষ প্রচুর পরিমাণে জন্মে না এবং ইহা ফলে দেহের বৃদ্ধি হ্রাস হইয়া আসে । মেরু প্রদেশের উষ্ণতা অত্যন্ত অল্প, এই কারণে উষ্ণ প্রধান দেশের প্রাণীগণ যেমন দ্রুত বৃদ্ধিপ্রাপ্ত হয়, শীত প্রধান দেশের প্রাণীরা সেইরকম বাড়ে না, এই সকল স্থানের প্রাণী ও উদ্ভিদ উভয়েই ধীরে ধীরে বীড়িয়া দীর্ঘায়ু লাভ করে ।

জন্মকাল হইতেই সূক্ষ্ম জীব মাত্রেই ধীরে ধীরে বৃদ্ধি প্রাপ্ত হয়, কিন্তু, সেই বৃদ্ধির পরিমাণ এক একটি নির্দিষ্ট সীমায় আসিয়া পৌঁছিলে, জীবের আর বৃদ্ধি দেখা যায় না । জন্মগ্রহণের পর হইতেই মানব শিশুর দেহ বড় হইতে আরম্ভ করে, কিন্তু তাহা বড় হইয়া কখনই হস্তীর ঞ্চার প্রকাণ্ড আকার গ্রহণ করে না ; ধাতুস্বক অক্ষুরিত হইয়া ধীরে ধীরে বড় হইতে থাকে, কিন্তু তাহা বড় হইয়া কখনই আত্র বৃক্কের ঞ্চার উচ্চ হয় না । জীবের বৃদ্ধির এই প্রকার সীমা কোথা হইতে আসে এই প্রশ্নটি লইয়া আধুনিক জীবতত্ত্ববিদগণ অনেক গবেষণা করিয়াছেন । এইজন্য এসম্বন্ধে অনেক নূতন কথাও শুনা যাইতেছে ।

এই বিষয়টি বুঝিতে হইলে, কি প্রকারে জীব দিগের বৃদ্ধি হয়, প্রথমে তাহার একটু পরিচয় দেওয়া প্রয়োজন হইবে । আঘরা পূর্বে বলিয়াছি প্রাণী ও উদ্ভিদের দেহ কতকগুলি অতি সূক্ষ্ম কোষের সমষ্টি । প্রত্যেক কোষের মধ্যে যে জীব সামগ্রী থাকে, তাহা ভুক্ত খাদ্যের সারাংশ দ্বারা পুষ্ট হয় এবং কোষ গুলিকে ক্ষীত করে । কিন্তু এই ক্ষীতি চিরকাল চলে না । গোলাকার পদার্থ ক্ষীত হইলে তাহার ভিতরকার পদার্থের পরিমাণ যে অল্পপাতে বাড়ে, তাহার পৃষ্ঠদেশ কিন্তু সে অল্পপাতে বাড়ে না । কারণ গোলাকার পদার্থ মাত্রেই আরতন তাহার ব্যাসার্ধের ঘনফল (cube) অল্পসারে পরিবর্তিত হয় এবং তাহার পৃষ্ঠ দেশ সেই ব্যাসার্ধেরই বর্গফল (square) অল্পসারে বাড়ে বা কমে । কাজেই কোন ও জীবকোষ যদি পুষ্ট হইয়া আরতনে চারিগুণ হইয়া দাঁড়ায়, তবে তাহার পৃষ্ঠ দেশ চারি গুণের অনেক

কম হয়। পৃষ্ঠদেশ দিয়াই কোষের ভিতরে পুষ্টিকর দ্রব্য প্রবেশ করে, তাহাই কোষগুলিকে জীবিত রাখে। কাজেই ভিতরের কোষ সামগ্রীর তুলনার পৃষ্ঠ দেশের পরিমাণ অল্প হওয়ার কোষের মধ্যে প্রয়োজনানুযায়ী পুষ্টিকর দ্রব্য প্রবেশ করিতে পারে না, ইহার ফলে অতিরিক্ত ক্ষীত কোষগুলির বৃদ্ধি রোধ পাইয়া যায়। কিন্তু, বৃদ্ধি রোধ পাইলে ও কোষস্থ জীব সামগ্রীর পুষ্টির প্রয়োজন থাকে, এবং এই প্রয়োজন সিদ্ধির জন্ত প্রত্যেক কোষ দ্বিধা বিভক্ত হইয়া আবশ্যিক মত খাদ্য সংগ্রহ করিতে আরম্ভ করে। এই প্রকারে একটা কোষ হইতে ক্রমে দুইটা চারিটা আটটি ইত্যাদি কোটি কোটি কোষের উৎপত্তি হয়, এবং সঙ্গে সঙ্গে জীবের দেহ ও বৃদ্ধি প্রাপ্ত হয়। প্রাণী ও উদ্ভিদের দেহ বৃদ্ধি পাইতে পাইতে এক একটি নির্দিষ্ট সীমায় পৌঁছিলে কেন আর অধিক বাড়ে না, পূর্বেকৃত ব্যাপারটি হইতে তাহা কতকটা বুঝা যায়। জীবতত্ত্ববিদগণ বলেন, যে সকল ক্ষুদ্র কোষের সংযোগে জীবের দেহ উৎপন্ন হয় সেগুলি যখন বৃদ্ধির সীমায় আসিয়া দাঁড়ায়, তখন দেহ ও বৃদ্ধির সীমায় আসিয়া পৌঁছায়। বলা বাহুল্য রাসায়নিক দিগের এই উক্তিটি সম্পূর্ণ অনুমানমূলক। মানুষ উন্নত বুদ্ধি এবং জ্ঞানের সাহায্যে অনেক প্রকার ব্যাপারের কারণ নির্দেশ করিয়াছে সত্য কিন্তু তথাপি এখন ও এমন শত শত ব্যাপার রহিয়াছে যাহার কারণ নির্দেশ মানুষের সক্ষমানে কুলায় নাই। আমাদের আলোচিত ব্যাপারটি রহস্যবৃত্ত রহিয়াছে স্বীকার করিতে হয়।

জীবের দেহ কখনই বিশৃঙ্খল ভাবে বৃদ্ধি প্রাপ্ত হয় না; প্রত্যেক অঙ্গ প্রত্যঙ্গ এক একটি নিয়ম মানিয়া বাড়িতে আরম্ভ করে। কোথায় কোন ঘরটি এবং কোথায় কোন কোন দরজাটি থাকিবে তাহা মনে রাখিয়া যেমন রাজ মন্ত্রী ধীরে ধীরে একটি বৃহৎ বাড়ী প্রস্তুত করিয়া ফেলে, জীব দেহের গঠন ও যেন সেই প্রকার। মানুষের হস্তধর অপরিপুষ্ট রহিল, অথচ সমগ্র দেহ সম্পূর্ণ পরিণতি লাভ করিল; কিংবা নাসিকা হঠাৎ ভয়ানক বাড়িয়া পড়িল, অথচ দেহ ক্ষুদ্র রহিল; এই প্রকার উদাহরণ হ্রস্ব। সকল অঙ্গ প্রত্যঙ্গের সহিত সামঞ্জস্য রক্ষা করিয়া প্রাণী ও উদ্ভিদগণের বৃদ্ধি বড়ই আশ্চর্যজনক। আধুনিক বৈজ্ঞানিকগণ এই বিস্ময়টি লইয়া ও গবেষণা করিয়াছেন, এবং ইহা হইতে যাহা জানা গিয়াছে তাহা অত্যন্ত বিস্ময়কর। প্রাণিদেহের নানান্থানে gland নামে যে বিশেষ মাংসপিণ্ড থাকে

পাঠক হয় ত তাহার কথা শুনিয়াছেন । আমাদের কর্ণমূলে গণ্ডের নিম্নে কুঁচকিতে বাহ ও দেহের সংযোগ স্থলে এই প্রকার মাংস পিণ্ড আছে, কখনও কখনও এগুলি ফুলিয়া উঠিয়া কি প্রকার পীড়াদায়ক হয় তাহা আমরা সকলেই জানি । শরীরতত্ত্ববিদগণ পরীক্ষা করিয়া দেখিয়াছেন, ঐ সকল মাংসপিণ্ড যথা দেহে সংযোজিত হয় নাই ; এগুলির প্রত্যেকটি হইতে এক এক প্রকার রস নির্গত হয়, এবং তাহা দেহের নানা কার্যে লাগে । এই রসগুলির মধ্যরই কয়েকটি প্রাণিদেহের বৃদ্ধিকে নিয়মিত করে এবং প্রয়োজন অনুসারে সংযত রাখে । মাংসপিণ্ড হইতে ঐ শ্রেণীর রস নিয়ত নির্গত হইয়া প্রথমে রক্তের সহিত মিশ্রিত হয় এবং রক্ত প্রবাহ তাহাই বহন করিয়া প্রাণীর সর্বদেহে চালনা করে । এই প্রকারে রসগুলি নানা অঙ্গ প্রত্যঙ্গ স্পর্শ করিয়া প্রয়োজন অনুসারে তাহাদের কোনটির বৃদ্ধি সহায়তা করে এবং কোনটির বৃদ্ধি রোধ করে ।

শরীরতত্ত্ববিদগণ এই আবিষ্কার করিয়াই কান্ত হন নাই ; দেহস্থ কোন মাংস পিণ্ডের রস কি ভাবে কোন্ অঙ্গের বৃদ্ধি নিয়মিত করে, ইহারা ক্রমে তাহার ও সন্ধান পাইতেছেন । আমাদের কর্ণনামীতে যে পিণ্ডাকার হাড় (Adam's apple) আছে তাহার ছই দিকের মাংসপিণ্ড হইতে এক প্রকার রস নির্গত হয় । শরীরতত্ত্ববিদগণ ইহারও কার্য আবিষ্কার করিয়াছেন, ইহারা দেখিয়াছেন, এই রস সর্বদেহে বিস্তৃত হইয়া প্রাণীর অস্থি ও মস্তিষ্কের বৃদ্ধির সহায়তা করে । এবং মস্তিষ্কের তলদেশে এক প্রকার অদ্ভুত পদার্থ আছে,— শরীরবিদগণ ইহাকে ইংরাজীতে Pituitary Body বলেন । মস্তিষ্কের এই অংশটি হইতেও এক প্রকার রস নির্গত হয়, পরীক্ষার দেখা গিয়াছে, ইহাও প্রাণীর অস্থি বৃদ্ধি করার । এই রসের কার্য সম্বন্ধে সম্প্রতি যে সকল পরীক্ষা হইয়াছে, তাহা বড়ই বিস্ময়কর । সৈনিক হইয়া কোনও পন্টনে প্রবেশ করিতে হইলে পদপ্রার্থীর দৈহিক উচ্চতা কত তাহা সর্বদেহে পরীক্ষা করা হয় । যে সকল প্রার্থীর উচ্চতা অল্প তাহাদিগকে সৈনিক পদে নিযুক্ত করা হয় না । কিছু দিন পূর্বে জর্টনক যুবক থর্সকার বলিয়া নানা ক্ষেত্রেও সেনাদলে প্রবেশ করিতে পারে নাই । দৈহিক উচ্চতার বৃদ্ধি করিবার কোনও উপায় না পাইয়া যুবকটি একজন সূচিকিৎসকের শরণাগত

হইরাছিল। চিকিৎসক বুঝিয়াছিলেন, মস্তিষ্কের রস (Pituitary hormones) প্রচুর নির্গত না হওয়ার বৃক্ক খর্বাকৃতি হইয়াছে। তিনি কয়েক মাস ধরিয়া গরু ও ভেড়ার মস্তিষ্ক জাত ঐ রস বৃক্কের দেহের রক্তের সহিত মিশাইতে আরম্ভ করিয়াছিলেন; সে এই চিকিৎসায় শীঘ্রই দীর্ঘাকৃতি লাভ করে। ইহা দ্বারা কেনই বা কতক আজীবন খর্বকার থাকিয়া যায়, তাহা বুঝা যায়। বামনাকৃতি লোকদের মস্তিষ্ক রস অতি অল্পই নির্গত হয়, তাই তাহারা বয়ঃপ্রাপ্ত হইলেও উচ্চতায় বাড়ে না। দীর্ঘাবয়ব ব্যক্তির মস্তিষ্ক রস প্রচুর নির্গত হয়; এই কারণে তাহার অস্থি অত্যন্ত পুষ্ট হয় এবং সবে সবে তাহার উচ্চতাও বাড়িতে থাকে।

আমরা এ পর্যন্ত কেবল প্রাণীর নিয়মিত বৃদ্ধির বিষয় আলোচনা করিলাম। প্রাণীর ন্যায় উদ্ভিদ ও নিয়মিত ভাবে বৃদ্ধি প্রাপ্ত হয়। এ সম্বন্ধে গবেষণা করিতে গিয়া বৈজ্ঞানিকগণ উদ্ভিদের দেহেও বিশেষ বিশেষ গুণসম্পন্ন রসের পরিচয় পাইয়াছেন এবং এই সকল রসই যে দেহের নানা অংশে বিস্তৃত হইয়া বৃক্ষাদির বৃদ্ধি নিয়মিত করে, তাহা বুঝা যাইতেছে। উদ্ভিদের মূল অত্যন্ত বৃদ্ধি প্রাপ্ত হইলে, স্বভাবতঃই তাহাতে এক প্রকার রস উৎপন্ন হইতে আরম্ভ করে। পরীক্ষা করিয়া দেখা গিয়াছে এই রস মূলের অথবা বৃদ্ধি রোধ করে।

আমরা প্রায়ই বৃক্কের পত্র শাখা প্রশাণায় এরং কাণ্ডাদিতে ক্ষুদ্র বা বৃহৎ গোলাকার অংশ দেখিতে পাই। প্রাণীদিগের দেহের স্থানে স্থানে যেমন কখন কখন অমাবশ্যক মাংসপিণ্ড উৎপন্ন হইয়া “আভের” সৃষ্টি করে, বৃক্কদেহেও সে প্রকার “আভ” উৎপন্ন হয়। পূর্বেকৃত গোলাকার অংশগুলিই বৃক্কের “আভ” এগুলির উৎপত্তিস্থ অণুসন্ধান করিতে গিয়া, জীবতত্ত্ববিদগণ উদ্ভিদের দেহে আর এক প্রকার রসের কার্য আবিষ্কার করিয়াছেন। এই রস উদ্ভিদের দেহ হইতে নির্গত হয় না; বাহির হইতে দেহে প্রবেশ করিয়া তাহা দেহের অথবা বৃদ্ধি করার। পাঠক অবশ্যই মেনিরাছেন মক্ষিকা প্রভৃতি পতঙ্গ কোন ও নিভৃত স্থানে অসংখ্য ডিম্ব প্রসব করে। প্রসবের পরে ডিম্বের সহিত মাতার আর কোনও সম্বন্ধ থাকে না; সেগুলি আপনা হইতেই পরিণত হইয়া কুটিল হয়, এবং অসংখ্য সুরোপোকায় আকারের ক্ষুদ্র প্রাণী উৎপন্ন করে। এই গুলিই পক্ষে পূর্ণাঙ্গ পতঙ্গে পরিণত হয়। পতঙ্গ দিগের মধ্যে এক জাতি বৃক্কের শাখা

প্রশাখা বা পত্রের স্বক ভেদ করিয়া তাহাতে ডিম্ব প্রসব করে। এই সকল স্থানে থাকিয়া পরিণত হইলে ডিম্ব হইতে সুরোপোকায় আকারের কীট বহির্গত হয় এবং সেগুলি নিম্নেদের দেহ হইতে এক প্রকার লাল নিৰ্গত করিতে আরম্ভ করে। বৈজ্ঞানিকগণ পরীক্ষা করিয়া দেখিয়াছেন, এই লাল বৃক্ষের যে অংশ স্পর্শ করে তাহা অপর অংশের তুলনায় দ্রুত বৃদ্ধি প্রাপ্ত হয়। সুতরাং দেখা যাইতেছে পতঙ্গ বিশেষের দেহের রসই বৃক্ষের “আভের” উৎপাদক।

প্রাণীর জীবন কালের কোন সময়ে কি প্রকার হারে দেহের বৃদ্ধি হয়, বৈজ্ঞানিক বহু পরীক্ষা করিয়া তাহারও অনেক তথ্য সংগ্রহ করিয়াছেন। মাতৃ-গর্ভে প্রাথমিক ডিম্বকোষ প্রাণময় হইলে, কি প্রকারে বৃদ্ধি প্রাপ্ত হয়, তাহারও পরীক্ষা হইয়াছে। ইহাতে দেখা গিয়াছে,—প্রথমে জগস্থ সেই একটি কোষ বিভক্ত হইয়া দুইটিতে পরিণত হয় এবং পরে সেই দুইটি ক্রমে বহুকোষে বিভক্ত হইয়া ক্রমে কোষসংখ্যা বৃদ্ধি করে, কিন্তু সমগ্র বস্তুটি আকারে বাড়ে না। মানব জন্মের কোষসংখ্যা গর্ভসঞ্চারের পরবর্তী তিনমাসে পূর্কোক্ত প্রকারে অত্যন্ত বাড়িয়া চলে। চতুর্থ মাসে কোষগুলির আকার বৃদ্ধির সময় উপস্থিত উপস্থিত হয়,—তখন একমাসের মধ্যে জগ পূর্কের আকারের প্রায় ছয়গুণ হইয়া দাঁড়ায়। কিন্তু এই প্রকার বৃদ্ধি অধিক দিন চলে না,—পঞ্চম মাস হইতেই উহা মন্দীভূত হইতে আরম্ভ করে এবং প্রসবের পূর্কমাসে জগস্থ শিশু, তখনকার আকারের কেবল এক চতুর্থাংশ পরিমাণে বৃদ্ধি প্রাপ্ত হয়।

ভূমিষ্ঠ হওয়ার পরে মানবশিশুর বৃদ্ধি আর এক প্রকারে চলে। প্রথম বৎসরের শিশু প্রায় তিনগুণ বাড়ে, কিন্তু ইহার পরবর্তী পাঁচ ছয় বৎসরের বৃদ্ধি, এই অল্পপাত রক্ষা করে না; তখন বয়সের বৃদ্ধির সঙ্গে সঙ্গে দেহের বৃদ্ধি সম্পূর্ণ কমিয়া আসে। ইহার পরে শিশু যৌবনে পদার্পণ করিলে বৃদ্ধির আর একটি সময় আসিয়া উপস্থিত হয়। বালকগণ সাধারণত পনেরো ষোল বৎসরে এবং ষালিকাগণ বারো তের বৎসরে এই বয়ঃসন্ধিতে উপস্থিত হয়। তখন হঠাৎ ষালক ষালিকাদিগের দেহের উচ্চতা বাড়িয়া যায়, এবং পরে ধীরে ধীরে দেহের ওজন বৃদ্ধি প্রাপ্ত হইতে আরম্ভ করে।

ইতর প্রাণীর দেহ বৃদ্ধিতে আরও বিচিত্রতা দেখা যায়। পতঙ্গ জাতীয় প্রাণীদের দেহে পাখা উঠিলে তাহারা আর বাড়ে না। ডিম্ব হইতে বহির্গত

হইয়া যখন ইহারা সূর্যোপেকার আকারে থাকে, সেই সময়েই ইহাদের বৃদ্ধির কাল। সুতরাং বুঝা যাইতেছে প্রজাপতি পিপীলিকা মক্ষিকা উই এবং ভ্রমর প্রভৃতি প্রাণী যতই আহাৰ করুক না কেন, আহাৰে তাহাদের দেহের বৃদ্ধি হয় না ; যখন সূর্যোপেকার আকারে থাকে, তখনই তাহাদের দেহের চরম বৃদ্ধি হয়।

মৎস্য বড়ই অদ্ভুত প্রাণী। জীবতত্ত্ববিদগণ ইহাদের বৃদ্ধির সীমা নির্দেশ করিতে পারেন নাই ;—যতদিন পর্য্যন্ত ইহারা আহাৰ করে এবং জীবিত থাকে ততদিন ধরিয়াই ইহাদের দেহের বৃদ্ধি চলে। সরীসৃপ জাতীয় প্রাণীরও বৃদ্ধির সীমা নাই। কুস্তীর সরীসৃপ অতিদুৰ্দ্ধ দীর্ঘকাল জীবিত থাকিলে ইহারা প্রকাণ্ড আকার প্রাপ্ত হয়। কিন্তু পক্ষী ও স্তম্ভপায়ী প্রাণী সুদীর্ঘ জীবন লাভ করিলেও নির্দিষ্ট সীমা অতিক্রম করিয়া বৃদ্ধি প্রাপ্ত হয় না। কাঠবিড়াল স্তম্ভপায়ী প্রাণী, তাহা কখনই বিড়ালের স্থায় বৃহদাকার পায় না। কিন্তু পুটি মাছ দীর্ঘকাল জীবিত থাকিয়া যদি পোনা মৎস্যের স্থায় বৃহৎ হইয়া দাঁড়ায়, তাহাতে বিশ্বয়ের কারণ থাকে না।

জ্যোতির্বিদ্যা এবং পদার্থবিদ্যা দি যে প্রকার প্রাচীন, জীববিজ্ঞা সে প্রকার নয়। অতি অল্প দিন হইতেই ইহা বৈজ্ঞানিক দিগের গবেষণার বিষয় হইয়াছে এই কারণে প্রাণী ও উদ্ভিদের বৃদ্ধি সম্বন্ধে অনেক ব্যাপার আজও রহস্যাবৃত রহিয়াছে ; নানা দেশের বৈজ্ঞানিকগণ আজকাল যে প্রকার উৎসাহের সহিত এই বিষয়ের গবেষণা করিতেছেন, তাহাতে আশা হয় শীঘ্রই অনেক নূতন তত্ত্ব আমাদের গোচরে আসিবে।

শ্রীজগদানন্দ রায় !

স্মরণ ॥

(কবির বরদাচরণ মিত্রের মৃত্যুদিনে)

থেমেছে এমনি দিনে কঙ্কার মোহন,
তারে তারে বেজেছিল যে বীণা সুবনে ;
নিবেছে এমনি দিনে ফুৎকারে কুৎসে,
জ্বলেছিল যে কনক-দীপ সুধরণ !
নীলবতা সনে জাগে গীতের স্বরণ,
আধারে প্রদীপ-জ্যোতিঃ পড়িতেছে মনে—
স্বতির কেতকী-বাস ফিরে হৃদি-বনে,
শোক-স্বরভিতে আজ বহে সমীরণ !

চোখে মোর অশ্রুজল, হৃদয়ে বেদনা—
নিখিল-নয়নানন্দ কোথা সেই জন
আচারে সুভদ্র, প্রাণে ঋষির প্রেরণা,
স্বপ্নের দেবতা মম সূচারু-দর্শন
শ্রদ্ধের মাতুল মিত্র বরদা চরণ ?
সবে বলে রহিয়াছে বরদা-শরণ !

শ্রীচণ্ডীচরণ মিত্র

স্বাস্থ্যরক্ষায় রোগবিজ্ঞান।

রোগ ও রোগবিজ্ঞানের উপায়ে অভিজ্ঞতা লাভ করা, সকলেরই বিশেষ কর্তব্য। চরক ও সুশ্রুত প্রভৃতি সংহিতা সমূহে রোগবিজ্ঞানের যে সহপদেপ সকল প্রদত্ত হইয়াছে, এ প্রস্তাবে তাহার আলোচনা সংক্ষেপে করিবার প্রয়াস করা যাইবে।

১। রোগ ও রোগের আশ্রয়।

রোগ ও রোগের আশ্রয় সম্বন্ধে সুশ্রুত বলেন ;—“অগ্নিন্” (আয়ুর্বেদ) শাস্ত্রে পঞ্চমহাভূত শারীরসমবায়ঃ পুরুষ ইত্যচ্যতে। তস্মিন ক্রিয়া। সোধিষ্ঠানম্। *** তদুঃখসংযোগা ব্যাধয় ইত্যচ্যন্তে।”

ক্ৰিতি (মৃত্তিকা), অপ্ (জল); তেজঃ (আঁচ), মরুৎ (বায়ু) ও ব্যোম (আকাশ) এই পাঁচটির নাম পঞ্চ মহাভূত। আয়ুর্বেদ শাস্ত্রে এই মহাভূত পঞ্চক এবং শরীরী (জীবাণু) সমবায় অর্থাৎ আলৌকিক সংযোগে বিশেষের নামই পুরুষ। মহাভূত পঞ্চক ও জীবাণুর ঐশ্বরিক সংযোগ সংঘটিত না হইলে, পুরুষের উৎপত্তি হয় না।

এই মহাভূতপঞ্চক ও জীবাণু সমবেত পুরুষকেই সুখ ও দুঃখ এবং শীত ও উষ্ণ প্রভৃতি বৃন্দবর্গ আশ্রয় করিয়া থাকে ; এই হেতু পুরুষই সুখ ও দুঃখাদির অধিষ্ঠান অর্থাৎ আধার। পুরুষে কোন প্রকার দুঃখের সংযোগ হইলে, তাহাকেই ব্যাধি অর্থাৎ রোগ বলা হইয়া থাকে।

রোগের আশ্রয় সম্বন্ধে চরক বলেন :—

“সম্বমাত্মা শরীরঞ্চ ত্রয়মেতৎ ত্রিদণ্ডবৎ।”

লোকান্তিষ্ঠতি সংযোগাত্তত্র সর্বং প্রতিষ্ঠিতম্।

সপুমাং শ্চেতনং তচ্চ তচ্চাধিকরণং মতম্॥

এহলে চরক পৃথকভাবে মনের নির্দেশ করিয়াছেন, কিন্তু সুশ্রুত আর স্বতন্ত্র ভাবে মনের বিষয় উল্লেখ করেন নাই, জীবাণুর সহিত অন্তর্ভুক্ত ভাবেই মনকে ধরিয়া লইয়াছেন।

স্ব (মনঃ), আত্মা (জীবাত্মা) ও (পঞ্চভূতাত্মক) শরীর, ত্রিদণ্ডের (তেজটের) মত পরস্পরের সহিত সংযোগ প্রাপ্ত হইলেই, লোক অর্থাৎ পুরুষের উদ্ভব হইয়া থাকে । এই পুরুষই চেতনামান্ এবং সুখ ও দুঃখাদি সকলের অধিকরণ অর্থাৎ আধার ।

২ । রোগ ও প্রকৃতি ।

চরক বলেন,

“বিকারো ধাতুবৈষম্যং সাম্যং প্রকৃতিরূচ্যতে ।

সুখম্ স্তকমারোগ্যং বিকারো দুঃখমেব চ ॥”

বাহারা শরীর ধারণ ও পোষণ করিয়া থাকে, আয়ুর্বেদ শাস্ত্রে তাহাদিগকেই “শারীরিক ধাতু” বলা হইয়া থাকে । সুতরাং বাত, পিত্ত ও কফ * এবং রস, মজ্জা, মাংস, মেদ, মেদও শুক্র প্রভৃতি সকলই ধাতুশব্দে পরিগৃহীত হইয়া থাকে ।

দেহস্থ ধাতু সমূহের বৈষম্য অর্থাৎ স্বাভাবিক পরিমাণ অপেক্ষা ন্যূনতা বা আধিক্য ঘটিলেই বিকার অর্থাৎ ব্যাধির উৎপত্তি হইয়া থাকে ; আর ধাতু সমূহের সমতা বা সমতা হইলেই শরীরের প্রকৃতি বা স্বাস্থ্য ।

এই প্রকৃতি বা আরোগ্যই মানবের যাবতীয় সুখস্বরূপ এবং বিকার বা রোগই নিখিল দুঃখের আধার ; অর্থাৎ ধাতু সমূহের সমতা বর্তমান থাকিলেই শরীরের সুখ অনুভূত হয় আর তাহার বিপর্যয়েই সকল প্রকার দুঃখের সঞ্চার হইয়া থাকে ।

৩ । ধাতুর সমতা ও বৈষম্য ।

শরীরস্থ ধাতু সমূহ কেমন বিষমতা প্রাপ্ত হয় আর বৈষম্য ঘটিলেই বা ধাতু সকলের সমতা বিধানের উপায়ী কৃত চিকিৎসা কি, এবিষয়ে চরক বলেন ;—

“জায়ন্তে হেতুবৈষম্যাধিষমা দেহধাতবঃ ।

হেতুসাম্যাং সমস্তেবাং স্বভাবোপরমঃ সদা ॥”

*বাত, পিত্ত ও কফ রোগ উৎপাদনে সাক্ষাৎ ও প্রত্যক্ষ কারণ হইলেও দেহের ধারণ ও পোষণে এবং অস্তিত্ব ধাতুর ক্ষয়ও বৃদ্ধি ব্যাপারে ইহাদেরই কর্তৃত্ব এইজন্যই “ধারণাধাতবঃ” শরীরধারণ করিয়া থাকে বলিয়াই ইহারা ধাতু ।

হেতুর বিষমতায়ই দেহস্থ ধাতুর অর্থাৎ রস ও রক্তাদির বৈষম্য ঘটয়া থাকে এবং হেতুর সমতা নিবন্ধনই ধাতু সমূহের সমতা সংরক্ষিত হইয়া থাকে অর্থাৎ সমানশুণ আহার ও আচারাদি অনুষ্ঠিত হইলেই ধাতুসমূহের বৃদ্ধি আর বিপরীত শুণ আহার ও আচারাদি বশত তাহাদের হ্রাস এবং সমতা সম্পাদক আহারাদিই ধাতু সকলকে স্বপ্রকৃতিতে নিবদ্ধ করিয়া থাকে ।

৪ । চিকিৎসা ।

চরক বলেন ;—

“যাভিঃ ক্রিয়াভিজ্ঞারস্তে শরীরে ধাতবঃ সমাঃ ।

সা চিকিৎসা বিকারাণাং কৰ্ম তদভিষজাং মতম্ ॥

কথং শরীরে ধাতুনাং বৈষম্যাং ন ভবেদিত্তি ।

যে রূপ ক্রিয়া অনুষ্ঠিত হইলে, শরীরগত ধাতুর সমতা হইয়া থাকে, তাহাই চিকিৎসা এবং ধাতুর সমতা বিধান করাই চিকিৎসকের কর্তব্য কৰ্ম ।

কি রূপে ঔষধাদির সম্যক প্রয়োগ কৃত হইলে, বিষমতাপন্ন শারীরিক ধাতু প্রকৃতিস্থ হইতে পারে ইহাই চিকিৎসা ক্রিয়ার মুখ্য উদ্দেশ্য ।

অহিতজনক আহার ও আচার প্রভৃতিই ধাতুর বৈষম্য কারক এবং তন্নিবন্ধন প্রকোপিত দোষ হইতেই বিবিধ ব্যাধির উৎপত্তি হইয়া থাকে । এই বিষমতা জনক হেতুর পরিত্যাগ এবং সমতা সম্পাদক আহার ও আচারাদি পরিগ্রহেই ধাতুর বিষমতা বিদূরিত এবং সমতা হইয়া থাকে অর্থাৎ বিকল্প আহারাদিই ধাতুর বৈষম্য কারক, তাহা হইতেই বাতাদিদোষ প্রকাশিত হইয়া রোগের কারণ হইয়া থাকে । অতএব রোগের একমাত্র মূলকারণ বিকল্প আহার ও আচারাদির অভাব ঘটিলেই কেবলমাত্র ধাতু সমূহের সমতা সংরক্ষিত হইতে পারে ।

ধাতুর সমতা রক্ষিত হওয়ার উপায় ।

শরীরং সহসংজ্ঞক ব্যাধীনাশাশ্রয়োমতঃ ।

তথা সুখানাং যোগস্ত সুখানাং কারণং সমঃ ॥

শরীর ও মন এই উভয়েই ব্যাধির ও সুখের আশ্রয় । কাল প্রভৃতি হেতু-
জন্মের সমযোগই সুখের কারণ ।

কালাদি হেতুত্রয় কি ?

“কালবুদ্ধীজ্ঞিয়ার্থানাং যোগো মিথ্যা ন চাতি চ
ঘরাশ্রয়ানাং ব্যাধীনাং ত্রিবিধো হেতুসংগ্রহঃ ॥”

কাল, বুদ্ধি বা ইঞ্জিয়ার্থ সমূহের মিথ্যাযোগ, অযোগ বা অতিযোগই শরীর ও
মন এই উভয় অশ্রিত ব্যাধিসমূহের তিন প্রকার হেতুরূপে বিনির্দিষ্ট হইয়াছে ।
এই হেতুত্রয়ের বিবরণ চরক বক্ষ্যমাণরূপে সবিস্তার উল্লেখ করিয়াছেন ;—

“ত্রীণ্যায়তনানি রোগাণামিতি—অর্থানাং কর্মণঃ কালস্ত চাতিযোগাযোগ-
মিথ্যাযোগাঃ ।”

আয়তন শব্দের অর্থ হেতু । প্রধানত তিন প্রকার কারণ হইতেই রোগের
সমুৎপত্তি হইয়া থাকে । সেই তিনটি কারণ এই ;—অর্থ অর্থাৎ ইঞ্জির সকলের
বিষয়, কর্ম ও কালের অতিযোগ, অযোগ বা মিথ্যাযোগ ।

অর্থ, কর্ম বা কালের অতিযোগ, অযোগ বা মিথ্যাযোগ কি এবং কিরূপেই
বা এই সকল অনুষ্ঠিত হইয়া রোগের কারণতা প্রাপ্ত হয়, তাহা এইরূপ উক্ত
হইয়াছে ;—

৬ । অর্থ বা ইঞ্জির বিষয় ।

(ক) চক্ষু ।

“তত্রাতিপ্রভাবতাং দৃশ্যানামতিমাত্রং দর্শনমতিযোগঃ সর্বশোহদর্শনমযোগঃ ।
অতিসূক্ষ্মাতিবিপ্রকৃষ্টরৌদ্রভৈরবাত্ত্বিষ্ট বীভৎসবিকৃতাদিরূপদর্শনং মিথ্যাযোগঃ ।”

প্রথম দীপ্তিশালী সূর্য্য প্রভৃতির অতিরিক্ত দর্শনে চক্ষু ইঞ্জিরের অতিযোগ ;
সর্বদা দর্শন কিয়ার অভাব ঘটিলে অযোগ এবং অত্যন্ত সূক্ষ্ম, অত্যন্ত দূরবর্তী,
রৌদ্র, ভৈরব, অদ্বিত, বিদেহভাবাপন্ন, বীভৎস বা বিকৃতরূপ দর্শন করিলে
চক্ষুর মিথ্যাযোগ হইয়া থাকে ।

(খ) কর্ণ।

“তথাতিমাত্রান্তনিত পটহোং ফুষ্ঠদীনাং শব্দানামতিমাত্রং শ্রবণ অতিযোগঃ।
সর্বশোহশ্রবণমযোগঃ। পুরুষেষ্টবিনাশোপযাতধর্ষণভীষণাদি শব্দ শ্রবণং
মিথ্যাযোগঃ।”

ভীষণতম মেঘগর্জন, গভীর নাদী চক্কা প্রভৃতির মিনাদ অথবা অন্যবিধ
উৎকট শব্দের অতিশয় শ্রবণে শ্রবণাতিযোগ; সর্বথা শব্দাদির শ্রবণ অভাবে
শ্রবণাযোগ এবং মানসিক উদ্বেগ জনক শব্দ, ইষ্ট ব্যক্তির মৃত্যু সংবাদ, প্রিয় জনের
অপঘাত বার্তা অথবা মনের বিরক্তিকর ব্যক্তি বা স্থান বিশেষের নাম প্রভৃতি
শ্রুতিগোচর হইলে, শ্রবণ ইন্দ্রিয়ের মিথ্যাযোগ হইয়া থাকে।

(গ) নাসিকা।

“তথাতিতীক্লোগ্রাভিষ্যন্দিনাং গন্ধানামতিমাত্রং শ্রাণমতিযোগঃ। সর্বশোহ
শ্রাণমযোগঃ। পুতিদ্বিষ্টামেধ্যাক্লিন্নবিষপবনকুণপগন্ধাদিশ্রাণং মিথ্যাযোগঃ।”

অতিতীক্ল মরিচাদি, অতিশয় উগ্র চম্পকাদি ও অত্যন্ত অভিষ্যন্নি জ্যোতিষ্মতী
(মতাপুটকি) প্রভৃতির গন্ধ অধিক পরিমাণে গ্রহণ করিলে শ্রাণজ অতিযোগ;
একেবারেই গন্ধ গ্রহণ না করিলে অযোগ এবং পুতিগন্ধ, বিষেষ জনক বস্তুর
গন্ধ, অপবিত্র বস্তুর গন্ধ, ক্লেদ ভাবাপন্ন বস্তুর গন্ধ, বিষ ছষ্ট বস্তুর গন্ধ ও
শবের গন্ধ প্রভৃতি গ্রহণ করিলে, শ্রাণজ মিথ্যাযোগ হইয়া থাকে।

(ঘ) জিহ্বা।

“তথা রসানামত্যাদানমতিযোগঃ। অনাদানমযোগঃ। মিথ্যাযোগো
রাশিবর্জ্যেচ্ছাহারবিধিবু বিশেষায়তনেষু পদিক্যতে।”

মধুরাদি রসের অতিশয় গ্রহণে জিহ্বা ইন্দ্রিয়ের অতিযোগ, একেবারেই
কোনরূপ রসের আনন্দ গ্রহণ না করিলে অযোগ এবং প্রকৃতি, সংস্কার, সংযোগ,
দেশ, কাল, আহারের উপযোগ নিরম ও উপযুক্ত তোক্তা এই সকলগুলির
মধ্যে কোন একটির ও বিরুদ্ধউপক্রমে আহার গ্রহণ নিবন্ধনই রসনার মিথ্যা-
যোগ সংঘটিত হইয়া থাকে;—সুতরাং আহার গ্রহণ সময়ে এই প্রকৃতি • প্রভৃতি

আহার বিষয়ক একে এই প্রকৃতি প্রভৃতির বিষয় আন্দোলিত হইবে।

সকল গুণের প্রতি বিশেষ অভিনিবেশ সহকারে লক্ষ্য রাখা স্বাস্থ্যলাভের জন্য বিশেষ প্রয়োজন ।

“তথা শীতোকানাং স্পৃশানাং স্নানাত্মোৎসাদনাদীনাঞ্চাত্মপ্লেবনমতি
যোগঃ । সর্কশোহ্মুপসেবনমযোগঃ । বিষমস্থানাভিঘাতাশ্চিভূতস্পর্শাদম্বেতি
মিথ্যাযোগঃ ।

অতিরিক্ত শীত বা অতি উষ্ণ জ্বরের একান্ত স্পর্শন এবং স্নান, অভ্যঙ্গ
(তৈলাদি মাখা) ও উৎসাদন (পাউডার ব্যবহার) প্রভৃতির অতিরিক্ত ব্যবহার
বশতঃ স্পর্শন ইন্দ্রিয় জাত অতিযোগ ; একেবারে কোনরূপ বস্তুর সংস্পর্শ না
ঘটিলে অযোগ এবং বিষম স্থান স্পর্শ (উচ্চনীচস্থানে শরন প্রভৃতি) অভিঘাত
(গ্রহণ) অপবিত্র স্থানের সংস্পর্শ অথবা ভূতাদি দেবযোনির উপজ্বর নিবন্ধন,
স্পর্শম ইন্দ্রিয়ের মিথ্যা যোগ হইয়া থাকে ।

৭ । কর্ম ।

কর্ম কি ? “কর্ম বাচনঃ কারপ্রবৃত্তিঃ ।” বাক্য মন বা শরীর দ্বারা বাহ্য
কৃত হয় ; তাহাই কর্ম । অতএব বাচনিক, মানসিক ও কারিক এই তিন
প্রকার কর্মের মিথ্যাযোগ, অযোগ ও অতিযোগ কথিত হইতেছে ।

(ক) বাচনিক ।

“সূচকানুতাকালকলহাপ্রিরাবদ্ধানুপচারপরুবচনাদির্বাঙমিথ্যাযোগঃ ।

সূচক (খলতাসূচকবাক্য) মিথ্যাকথা, অসময়ে বাক্য প্রয়োগ বিবাদ
জনক বাক্য, অপ্রিয় কথন, অসংবদ্ধ বচন, প্রতিকূল বাক্য ও কর্কশ কথা
প্রয়োগ প্রভৃতি বাক্যকৃত মিথ্যা যোগ ।

(খ) মানসিক ।

“ভয়-শোক-ক্রোধ-লোভ-মোহ-মানের্ব্যা মিথ্যাদর্শনাদি মানসো মিথ্যাযোগঃ ।

ভয়, শোক, ক্রোধ, লোভ, মোহ, অতিমান, ঈর্ষ্যা ও মিথ্যাদর্শন (নাস্তিকী
বুদ্ধি) প্রভৃতি মানস মিথ্যাযোগ ।

(গ) কারিক :

“বেগধারণোদীরণ-বিষম-স্থলন-পতন-প্রণিধানাক্রমদূষণ-প্রহার-মর্দন-প্রাণো-পরোধসংক্লেষণাদিঃ শারীরো মিথ্যাযোগঃ ।

বহির্নিঃসরণশীল মলমূত্রাদির বেগ ধারণ বা অপ্রবর্তনশীল মলাদির বেগ প্রবর্তন ; বিষম ভাবে স্থলন, পতন বা অঙ্গ বিক্লেপণ ; অঙ্গকণ্ডূয়ন, প্রহার বা অঙ্গমর্দন প্রভৃতির অতিরিক্ত অনুষ্ঠান ; নিশ্বাস ও প্রশ্বাসের অযথা ভাবে বেগ ধারণ (প্রাণায়াম—কুম্ভকাদির অযথা অভ্যাস) এবং সংক্লেষণ (দীর্ঘকাল ব্যাপী কষ্টপ্রদ উপবাস প্রভৃতিতে আসক্তি) ; এই সমুদয় কার্যকৃত মিথ্যাযোগ ।

“সংগ্রহেণ চাতিযোগাযোগবর্জ্যং কৰ্ম বাহ্ননঃশরীরজমাহিতমনুপাদিষ্টং যত্চ মিথ্যাযোগং বিদ্যাৎ ।”

সংক্লেপতঃ অতিযোগ বা অযোগ ভিন্ন, বাক্য, মন বা শরীরকৃত অহিত জনক ব্যাপার মাত্রকেই বাক্যাদির মিথ্যাযোগ বলিয়া জানিবে ।

৮ । প্রজ্ঞাপরাধ ।

“ত্রিবিধবিকল্পং ত্রিবিধমেব চ কৰ্ম প্রজ্ঞাপরাধ ইতি ক্যবশ্তেৎ ।”

অতিযোগ অযোগ বা মিথ্যাযোগ,—এই ভেদত্রয়বান্ বাক্য মন বা শরীর কৃত তিন প্রকার কৰ্মকেই “প্রজ্ঞাপরাধ” বলিয়া জানিবে । “সেই প্রজ্ঞাপরাধ” কি ?

“ধী--ধৃতি-স্মৃতি বিলষ্টঃ কৰ্ম যৎ কুরুতেহস্তম্ ।

প্রজ্ঞাপরাধং তং বিদ্যাৎ সর্কোদোষ প্রকোপনম্ ॥

বুদ্ধি, ধৈর্য বা স্মৃতি পরিলষ্ট হইয়া পরিণামে নিজের অন্তত জনক যে কারিক বাচনিক বা মানসিক কৰ্ম কৃত হইয়া থাকে, তাহাকেই “প্রজ্ঞাপরাধ” বলিয়া জানিবে । এই “প্রজ্ঞাপরাধ” সকল প্রকার দোষের প্রকোপনে কারণ হইয়া থাকে ।

বক্ষ্যমাণ অহিত জনক অনুষ্ঠান গুলি, কেবলমাত্র প্রজ্ঞাপরাধরশতই চবিষ্যদ্ ব্যাধির কারণরূপে সংঘটিত হইয়া থাকে ;—

“উদীরণং গতিমভ্যুদীর্ণানাঞ্চ নিগ্রহঃ ।
 সেবনং সাহসানাঞ্চ নারীণাঞ্চান্তি সেবনঞ্চ ॥
 কৰ্মকালান্তিপাতশ্চ মিথ্যারম্ভশ্চ কৰ্মণাম্ ।
 বিনয়চারলোপশ্চ পূজ্যানাঞ্চান্তিবর্ষণম্ ॥
 জ্ঞাতানাং স্বয়মর্থীনাংমহিতানাং নিষেধণম্ ।
 পরমৌন্মাদিকানাঞ্চ প্রত্যয়ানাং নিষেধণম্ ॥
 অকালাদেশসঞ্চারো মৈত্রী সংক্লিষ্ট কৰ্মভিঃ ।
 ইন্দ্রিয়োপক্রমোক্তস্য সদ্ভূতস্য চ বর্জনম্ ॥
 ঈর্ষ্যামান ভয়ক্রোধ লোভমোহমদ ভ্রমীঃ ।
 তচ্ছং বা কৰ্ম যৎ ক্লিষ্টং ক্লিষ্টং বদেহকৰ্ম চ ।
 বচ্যান্যদীদৃশং কৰ্ম রজোমোহ সমুখিতম্ ।
 প্রজ্ঞাপরাধং তং শিষ্টা ক্রবতে ব্যাধি কারণম্ ॥”

অপ্রবর্তনশীল মন ও মূত্রের বহিঃনিঃসারণের চেষ্টা ; প্রবর্তমান মন-
 দির বেগ নিরোধ করা ; নিজ অপেক্ষা সমধিক বলবান ব্যক্তির সহিত
 স্বল্পবুদ্ধে প্রবর্তন প্রভৃতি অসম সাহসের কৰ্ম্মানুষ্ঠান ; উদ্যম প্রবৃত্তির বশীভূত
 হইয়া অতিরিক্ত স্ত্রী সহবাস করা ; কৰ্ম্ম কালের অবধা সময় অতিপাত করা
 অর্থাৎ দোষ বিশেষ অতিশয় বৃদ্ধি প্রাপ্ত হইলেও যথাসময়ে যথাসম্ভব বমন বা
 বিবেচন প্রভৃতি দোষ সংশোধক ক্রিয়া না করিয়া নিশেষ্ট ভাবে অর্থাৎ যে পরিমাণ
 দোষের বৃদ্ধি হইয়াছে, সেই দোষের অল্পরূপ বমন বা বিবেচন ক্রিয়া না করিয়া
 দোষের উদ্রেক অপেক্ষা কম বা অধিক পরিমাণে সংশোধন প্রভৃতি ক্রিয়ার
 অনুষ্ঠান করা বিনয় বা আচার হইতে বিচ্যুত হওয়া ; পূজনীয় ব্যক্তিগণের অবমান
 লুচক ব্যাপারে প্রবৃত্ত হওয়া ; জানিয়া শুনিয়া ও অহিত জনক আহার বা আচার-
 দিতে প্রবৃত্ত থাকা ; উন্নতের ত্রায় হিতাহিত জ্ঞান পরিশূন্য হইয়া যাহা হইতে
 কোন রোগ উৎপন্ন হইতে পারে, সেইরূপ কার্য্যে অর্থাৎ হঠযোগ প্রভৃতি ব্যাপারে
 প্রসক্ত হওয়া ; অসময়ে বিপৎসঙ্কুল নিবন্ধ স্থানে গমন করা ; বিরুদ্ধ ধর্ম্ম
 জ্ঞাপন বা ভ্রষ্ট চরিত্র ব্যক্তিগণের সহিত সংসর্গ করা ; চরকের ইন্দ্রিয়োপক্র-
 মোক্ত অধ্যায়ে অভিহিত সদ্ভূতাদির উপদেশ ;—যথা কাহাকেও সমুন্নত ও ঈর্ষ্যা
 পরায়ণ সুখী দেখিলে, বিবেচনায় সেই ব্যক্তির অনিষ্ট সাধনে চেষ্টা না করিয়া

সেই ব্যক্তি কিরূপ অধ্যাবসার বলে তাদৃশ আশ্রয় অবস্থার অভ্যাস সাধন করিয়াছে ; সেইরূপ চেষ্টার প্রবৃত্তি হওয়া ; এই সকল উপদেশ পরম্পরা পরিত্যাগ করা ; ঈর্ষ্যা, অভিমান, ভয়, ক্রোধ, লোভ, মোহ, মদ ও ভ্রান্তি প্রভৃতি প্রবৃত্তির তাড়নার অথবা ঐ সকল কুপ্রবৃত্তি সমুদ্ভূত নিকৃষ্ট ব্যাপার পরিলিপ্ত হওয়া এবং রজ (অহংকার) ও মোহ (অজ্ঞানতা) হইতে উৎপন্ন অপর যে সমুদয় কার্য্য সম্পন্ন হইতে পারে ; আয়ুর্বেদ-বিশারদ শিষ্টাচারপরায়ণ আচার্য্যগণ—এইরূপ নিষিদ্ধ কার্য্যিক বাচনিক বা মানসিক যে কোন প্রকারেই অনুষ্ঠিত হউক না কেন, সেই সকলকেই সাক্ষাৎ ব্যাধির উৎপত্তির কারণ, “প্রজ্ঞাপরাধ” বলিয়া নির্দেশ করিয়া গিয়াছেন।

৯। কাল ।

“অর্থ” অর্থাৎ চক্ষুরাদি ইন্দ্রিয়ের এবং কার্য্যিক, বাচনিক ও মানসিক তিন প্রকার কর্ম্মের বিষয় অভিহিত হইয়াছে ; এবং এখন নির্দেশ অনুযায়ী রোগ উৎপত্তির তৃতীয় কারণ কালের কথা বলা যাইতেছে ;—

“শীতোষ্ণবর্ষলক্ষণাঃ পুনর্হেমন্ত গ্রীষ্ম বর্ষা সংবৎসরঃ । সংকালঃ ।”

সাধারণত শীত, উষ্ণ ও বর্ষণ এই লক্ষণ ত্রয়যুক্ত হেমন্ত (হেমন্ত ও শীত) গ্রীষ্ম (বসন্ত ও গ্রীষ্ম) এবং বর্ষা (বর্ষা ও শরৎ) সমন্বিত সংবৎসরই কাল ।

“তত্রাতি মাত্ৰস্বলক্ষণঃ কালঃ কালাত্ৰিযোগঃ । হীনস্বলক্ষণকালঃ কালাত্ৰিযোগঃ । যথাস্বলক্ষণ বিপরীত লক্ষণস্ত কালমিথ্যাযোগঃ ।”

সাধারণত দেশের প্রকৃতি অনুসারে বেরূপ শীত অনুভূত হইয়া থাকে, তদনুসারে সেই সময়ে অধিক শীতের প্রতীক হইলে, শীতের অতিরিক্ত, শীত-কালে শীতের অভাব পরিলক্ষিত হইলে শীতের অযোগ এবং শীতকালে শীতের বিপরীত গ্রীষ্ম বা বর্ষা সম্বন্ধে ও এই প্রকারে অতিরিক্ত ও মিথ্যাযোগ হইয়া থাকে ।

“কালঃ পুনঃ পরিণাম উচ্যতে ।”

কালকেই পরিণাম বলা হইয়া থাকে, কারণ কালবশেই বস্তু মাত্রেয় অবস্থার পরিবর্তন সহকারে বিনাশ সংঘটিত হইয়া থাকে ।

১০ । বিকার ও প্রকৃতি ।

“ইত্যসাঞ্ছৈল্লিয়ার্থসংযোগঃ প্রজ্ঞাপরাধঃ পরিণামশ্চৈত ত্রয়ল্লিবিধবিকল্পাঃ
কারণং বিকারাণাম্ । সমযোগযুক্তাস্তু প্রকৃতিহেতবো ভবন্তি ।”

উল্লিখিত অসুখকর ইল্লিয়বিষয় পরিগ্রহণ, প্রজ্ঞাপরাধ ও পরিণাম এই তিনটির প্রত্যেকেই অতিযোগ, অযোগ ও মিথ্যাযোগ এই তিন প্রকার অবাস্তব ভেদের সহিত যাবতীয় রোগের উৎপত্তির কারণ হইয়া থাকে । পক্ষান্তরে যেরূপ আহার ও আচার সংঘটিত হইলে, দেহের সমতা রক্ষিত হইয়া, শরীর বলবীৰ্য্য সম্পন্ন হয়, তাহাই প্রকৃতি এবং উহাই স্বাস্থ্যরক্ষার মূল ।

১১ । ব্যাধির প্রকার ।

রোগ উৎপত্তির হেতুসমূহ প্রদর্শিত হইল । এখন ব্যাধির প্রকারভেদ ও কিরূপেই বা তাহার উপশম হইতে পারে, তাহা উল্লিখিত হইতেছে । চরক বলেন ;—

“ত্রয়ো রোগা নিজাগন্তুমানসাঃ । তত্র নিজঃ শরীরদোষসমুখঃ । আগন্তু
ভূতবিষবারুণি সংগ্রহাদিসমুখঃ । মানসঃ পুনরিষ্টস্যলাভান্নাভাচ্চানিষ্ট
স্যোপজায়তে ।”

নিজ, আগন্তুক ও মানসিক ভেদে, ব্যাধি তিন প্রকার । তন্মধ্যে শারীরিক দোষ অর্থাৎ বাত, পিত্ত ও কফাদিসমূহ ব্যাধিই নিজ অর্থাৎ দোষজাত । ভূতাদি দেবঘোনি, বিষসংযোগ, অগ্নুৎপাত বা গ্রহাণ্ড প্রভৃতি কারণ বশত আগন্তুক পীড়ার উৎপত্তি হইয়া থাকে । আর আকাঙ্ক্ষিত বিষয়ের অপ্রাপ্তি বা বিরক্তিকর পদার্থের লাভ বশতঃ মানসিক ব্যাধির উদ্ভব হইয়া থাকে ।

রোগের লক্ষণ বিনির্দেশে সূত্রত বলিতেছেন ;—

“তে (ব্যাধয়ঃ) চতুর্বিধা আগন্তবঃ শারীরা মানসাঃ স্বভাবিকাশ্চ । তেষামাগন্ত-
কাঅভিঘাতনিমিত্তাঃ । শারীরাস্ত্রপানমূলা বাতপিত্ত কৃফশোণিত সন্নিপাতবৈষম্য
নিমিত্তাঃ । মানসাস্তু ক্রোধশোকভয়হর্ষবিষাদির্দর্ষ্যাভ্যস্মরাদৈন্তমাৎসর্ঘ্যালোভকাম
প্রভৃতয় ইচ্ছাদোবৈর্ভবন্তি । স্বভাবিকাঃ সূৎপিপাসাজরামৃত্যুনিমিত্তাপ্রভৃতয় ।

ত এতে মনঃশরীরাধিষ্ঠানাঃ । তেষাং সংশোধন-সংশমনাহারাচারাঃ সম্যক্প্রযুক্তা
নিগ্রহহেতবঃ ।”

ব্যাধি চারি প্রকার, যথা—আগন্তুক, শরীর, মানস ও স্বভাবজাত । অভি-
ঘাত (প্রহার প্রভৃতি) হইতে সমুদ্ভূত ব্যাধি, আগন্তুক । অন্নপান প্রভৃতির
অযথা ব্যবহার নিবন্ধন উৎপন্ন বাত, পিত্ত, কফ, রক্ত বা উহাদের পরস্পর
সন্নিপাত (দুই বা বহু দোষের একত্র মিলন) ইহাতে শরীর অর্থাৎ দোষজ
ব্যাধির উৎপত্তি) ক্রোধ, শোক, ভয়, হর্ষ, বিষাদ, ঈর্ষ্যা, অভ্যস্তিয়া, দৈন্ত, মাৎসর্য,
লোভ ও কাম প্রভৃতি হইতে মনের ইচ্ছা বা দোষ বশত মানসিক ব্যাধির
প্রোত্ৰ্ভাব হইয়া থাকে । আর ক্ষুধা, পিপাসা, বার্কক্য, মূঢ়্য ও নিদ্রা প্রভৃতি
স্বাভাবিক ব্যাধি অর্থাৎ কালবংশে যথা সময়ে এই সকল ঘটয়া থাকে । *

দোষ ও তাহার প্রতীকার ।

শরীর মন আশ্রয় করিয়াই ব্যাধি সমূহের সমুৎপত্তি । শরীর বা মানসিক
রোগের হেতুভূত দোষ ও তাহার প্রশমনের উপায়ে চরক বলেন ;—

“বায়ুঃ পিত্তং কফশ্চাক্তঃ শারীরো দোষসংগ্রহঃ ।

মানসঃ পুনরুদ্দিষ্টো রজশ্চ তম এব চ ॥

প্রশাম্যতোষধৈঃ পূর্বো দৈবযুক্তি ব্যপাশ্রয়েঃ ।

মানসো জ্ঞান বিজ্ঞান ধৈর্যস্বতি সমাধিভিঃ ॥

বায়ু, পিত্ত ও কফ, এই তিনটি শারীরিকদোষ এবং রজঃ (অহঙ্কার)^১ ও
তমঃ (মোহ) এই দুইটাই মানসিক দোষ বা তজ্জাত ব্যাধি সমূহ দৈব অর্থাৎ
শান্তি স্বস্তায়নাদি এবং যুক্তি অর্থাৎ সংশমন বা সংশোধনার্থ প্রদত্ত ঔষধাদি
প্রক্রোণে প্রতীকার হইয়া থাকে । মানসিক ব্যাধির উপশমার্থে জ্ঞান

* এহলে চরক, ব্যাধির সংখ্যা বিনর্দেশে কেবল মাত্র বৈকৃতিক ব্যাধিরই সমুন্লেখ করির
ব্যাধি তিন প্রকার বলিয়া গিয়াছেন । সুশ্রুত বৈকৃতিকব্যাধির সহিত স্বাভাবিক ব্যাধিরও
উন্লেখ করিয়া রোগের চারি প্রকার ভেদ, ব্যক্ত করিয়া গিয়াছেন । স্বভাবজাত ব্যাধির
উন্লেখ করা, এহলে চরকের অভিপ্রেত নহে, সুতরাং এই কারণে এই বিষয় লইয়া আচার্য্য
ধরের বতর্দেধ করনা করা সুসঙ্গত নহে ।

(কর্তব্যাকর্তব্য বুদ্ধি), বিজ্ঞান (জগৎ অসত্য কারণ পরিবর্তনশীল ও ত্রুটি সত্য ইত্যাদি বোধ), ধৈর্য, স্থিতি ও সমাধি (যোগ) অবলম্বন প্রয়োজন ।

১৩। শরীর দোষ ও তাহার প্রতিকার ।

“রুক্ষঃশীতোলঘুঃস্থল্লশ্চলোহথ বিশদঃ খরঃ ।

বিপরীতগুণৈর্জীব্যে মারুতঃ সংপ্রশাম্যতি ॥

সন্নেহ মুষ্ণুঃ তীক্ষ্ণঃ দ্রবমগ্নঃ সরঃ কটু ।

বিপরীতগুণৈঃ পিত্তং দ্রব্যৈরাণ্ড প্রশাম্যতি ॥

শুক্ৰশীত মৃদুশ্লিষ্ণ মধুরস্থিরপিচ্ছিল্লাঃ ।

শ্লেষ্মণঃ প্রশমং যাস্তি বিপরীত গুণৈর্গুণাঃ ॥

বিপরীতগুণ দেশমাত্রা কালোপপাদিতৈঃ ।

ভেষজৈর্বিনিবর্তন্তে বিকারাঃ সাধ্যসন্নতাঃ ॥

সাধনং নত্বসাধ্যানাং ব্যাধীনামুপদিশ্যতে ॥

রুক্ষ, শীত, লঘু, চলনশীল, বিশদ ও খর, এই করেকটি বায়ুর গুণ । ইহা-
দিগের বিপরীত অর্থাৎ শ্লিষ্ণ, উষ্ণ, শুক্ৰ, স্থল, মৃদু, পিচ্ছিল ও শ্লক্কগুণ বিশিষ্ট
দ্রব্যের ব্যবহারে প্রবৃদ্ধ বায়ু উপশম প্রাপ্ত হইয়া থাকে ।

উষ্ণ, স্নেহ, তীক্ষ্ণ, তরল, অগ্ন, সর, ও কটু এই গুলি পিত্তের সমান ধর্ম-
অর্থাৎ পিত্তেতে এই সকল বর্তমান থাকে, অতএব ইহাদিগের বিপরীত অর্থাৎ-
শীত, মন্দ, সাস্র, স্থির, কষার ও মধুর গুণবিশিষ্ট দ্রব্যের প্রয়োগে পিত্তের
প্রকোপ দূরীভূত হইয়া থাকে ।

শুক্ৰ, শীত, মৃদু, শ্লিষ্ণ, মধুর, স্থির ও পিচ্ছিল এই সমুদয় শ্লেষ্মার গুণ ; ইহা-
দিগের বিপরীত অর্থাৎ লঘু, উষ্ণ, তীক্ষ্ণ, রুক্ষ, ও কটু প্রভৃতি গুণবিশিষ্ট দ্রব্যের
ব্যবহার নিবন্ধন কক্ষের প্রকোপ নিবারিত হইয়া থাকে ।

দেশ, মাত্রা, এবং সময় প্রভৃতির প্রতি বিশেষ লক্ষ্য রাখিয়া বিপরীতগুণ
বিশিষ্ট ঔষধে প্রয়োগ করিলে সাধ্য ব্যাধির নিশ্চয়ই উপশম হইয়া থাকে ;
কিন্তু অসাধ্য লক্ষণাবিত রোগের প্রতিকার সর্বক্কে কোন উপায়েই পরিলক্ষিত
হয় না ।

১৪। উপসংহার।

শরীর রক্ষার জন্য অমৃতময় আয়ুর্বেদের উপদেশ গ্রহণ করা এতদ্যেক মনুষ্যেরই কর্তব্য। কেন রোগ হয় এবং কিরূপেই বা সেই ব্যাধির কারণগুলি দূরীভূত করিতে সক্ষম হওয়া যায়, আয়ুর্বেদ হইতে সংক্ষেপে তাহা যথাসাধ্য এই প্রস্তাবে প্রদর্শন করিতে প্রয়াস করা গিয়াছে।

শ্রীমথুরানারথ মজুমদার কবিরাজ কান্যতীর্থ কবিচিন্তামণি।

২১ নং বাগবাজার, ষ্ট্রীট, কলিকাতা

৫ই ফাল্গুন, ১৩২০ সাল।

(বৃন্দাবন দর্শনে)

কত কষ্ট করে এসেছি এবারে
সেই সে বৃন্দাবনে।

যেখানে গোপাল চরাত গোপাল

খেলিত গোপাল যনে ॥ ১ ॥

এখানে যখন বাজাত মোহন
বাশরী চিকণ কালা।

লাজ তেরাগিরা উধাও হইয়া

ধাইত ব্রজের বালা ॥ ২ ॥

তনিয়া সে সুর ময়ুরী ময়ুর

নাচিত মেলায়ে পাখা।

পঞ্চমের সুরে কুহরে কুহরে

গাহিত মাধব সখা ॥ ৩ ॥

কত জনে ধরি কর ষোড় করি
 শুধানু কোথায় হরি ।
 বাউরা বলিয়া কেহ গালি দিয়া
 কেহ গেল ব্যঙ্গ করি ॥ ১০ ॥

যে কানু হেরিতে যে বাঁশী শুনিতে
 আইনু বৃন্দাবনে ।
 দেখিনু এখানে সে মনোমোহনে
 নাহিক কাহারো মনে ॥ ১১ ॥

সেই কৃষ্ণময় কারো প্রাণময়
 নাহি সে ভকতি আর ।
 তুলসীর কাটি ভালে পরিপাটি
 তিলক এখন সার ॥ ১২ ॥

দেখিয়া শুনিয়া অবাক হইয়া
 ভাসিয়া অঁাখির নীরে ।
 স্মরিয়া শ্রীহরি নমস্কার করি
 ঘরেতে আইনু ফিরে ॥ ১৩ ॥

ভক্তির ধন মদন-মোহন
 ভক্তি যাহার আছে ।
 বৃন্দাবন তার হৃদয় মাঝার
 হরিত তাহারি কাছে ॥ ১৪ ॥

শ্রীরাখালদাস মুখোপাধ্যায় ।

কালিদাস ও দ্বিতীয় চন্দ্রগুপ্ত ।

কালিদাস কবেকার লোক এ প্রশ্নের বহুস্থলে বহুবার আলোচনা হইয়াছে, তথাপি সেই পুরাতন কথা লইয়া আপনাদিগকে বিরক্ত করিতে বসিলাম, কমা করিবেন । আমার আজিকার প্রবন্ধের প্রয়োজন সংক্ষেপে বলিব ।

দেশের কিংবদন্তী—উজ্জয়িনীর রাজা বিক্রমাদিত্যের নবরত্নের সভা ছিল, কালিদাস ঐ সভার অন্যতম রত্ন । বিক্রমাদিত্য সংবৎ চালাইয়া গিয়াছেন, আর আজ ১৯৭৩ বিক্রম সংবৎ চলিতেছে । অতএব ১৯৭৩ বৎসর পূর্বে কালিদাসের বীণার মধুর বাক্য ভারতের গিরিশৃঙ্গ হইতে গিরিশৃঙ্গে প্রতিধ্বনিত হইতেছিল ।

এই কিংবদন্তী বহুকাল নির্বিবাদে চলিয়া আসিতেছিল, কিন্তু গত শতাব্দীর মধ্যভাগে প্রথমে ফারগুসন সাহেব ইহার প্রতিবাদ করিলেন । বলিলেন কালিদাস বিক্রমাদিত্যের সভাসদ ঠিক বটে, আর বিক্রমাদিত্য উজ্জয়িনীর রাজা ইহাও মিথ্যা নহে, কিন্তু যে বিক্রমাদিত্যের অস্তিত্ব ১৯৭৩ বৎসর পূর্বে ছিল বলিয়া আমরা ধরিয়া লইতেছি, তিনি কালিদাসের বিক্রমাদিত্য নহেন । কালিদাসের বিক্রমাদিত্যের প্রকৃত নাম হর্ষ, নামান্তর বিক্রমাদিত্য । ইনি খৃষ্টের ৫৪৪ বৎসর পরে উজ্জয়িনীতে রাজত্ব করেন ।

এই মত ইউরোপীয় পণ্ডিতমণ্ডলীর মধ্যে অচিরে সমাদৃত হইয়া পড়িল । কিছুকাল পরে আবার জেকোবি প্রভৃতি পণ্ডিতগণ এই মতের ও সত্যতা সম্বন্ধে সন্দিহান হইতে লাগিলেন । ক্রমে আর একটা নূতন মতের সৃষ্টি হইল । এই মতে বিক্রমাদিত্য বাহাল রহিলেন, কিন্তু উজ্জয়িনীতে নয়, এবারে মগধে । মগধরাজ দ্বিতীয় চন্দ্রগুপ্তের পূর্ণনাম চন্দ্রপ্রকাশগুপ্ত, নামান্তর বিক্রমাদিত্য ইহার পুত্রের নাম কুমারগুপ্ত । কালিদাস এই চন্দ্রগুপ্ত ও কুমারগুপ্ত এ উভয়ের রাজত্ব কালে খৃষ্টীয় পঞ্চম শতাব্দীতে বর্তমান ছিলেন । ইহাই আধুনিক পণ্ডিত মণ্ডলীর মত । আমি এ মতের পক্ষপাতী নই বলিয়া অধ্যাপক সিলভেঁ লিভি ব্যঙ্গস্বরে বলিয়াছেন, “ভারতবাসী আমাদের শতবর্ষের পরিশ্রমের আদর করিতে শিখিল না” ।

বলা বহুল্য ভারতবাসী অনেকেই এ মত গ্রহণযোগ্য মনে করেন না । বিগত ১৯১৪।১৫ সালে আমি কবি ভাসু সঙ্ঘকে আলোচনা করিতে যাইয়া ভিট প্রামে যে মাটির ফলক খানি আবিষ্কৃত হইয়াছে তাহা হইতে কালিদাসের কালের আভাস পাওয়া যায় ও কালিদাস যে খৃষ্টের পূর্বে জন্মিয়া ছিলেন সে বিষয়ে বড় একটা সংশয় থাকে না একরূপ মন্ত প্রকাশ করি । এই কথা জামিতে পারিয়া সংপ্রতি বোম্বাই অঞ্চলের প্রাচীন ও খ্যাতিমান অধ্যাপক শ্রীযুক্ত কাশীনাথ বাপু পাঠক মহোদয় তাঁহার সম্পাদিত মেঘদূতের একখণ্ড গ্রন্থ আমাকে উপহার পাঠাইয়া দিয়াছেন । গ্রন্থের উপক্রমণিকায় দেখিলাম জেকোবি সাহেবের অনুসরণ করিয়া পণ্ডিত পাঠক মহোদয় কালিদাসকে চন্দ্রগুপ্ত (স্কন্দগুপ্ত) ও কুমারগুপ্তের সহিত তুল্যকাল বলিয়া নির্দেশ করিয়াছেন । শুধু তাহাই নহ্ন কালিদাসের কাল সঙ্ঘকে ইহাই চরম কথা একরূপ আভাসও স্থানে স্থানে দিয়াছেন ।

উপহার খানি ভিটা ফলকের জবাব একথা বৃত্তিতে অবশ্য বাকি রহিল না, আর ইহাও বুঝিলাম যে স্থানান্তরে কালিদাসের কাল সঙ্ঘকে চর্চা করিতে যাইয়া জেকোবি প্রমুখ পণ্ডিতগণের মত কেন গ্রহণ করি নাই তাহার কৈফিয়ৎ দেওয়া অবশ্য কর্তব্য । অদ্যকার প্রবন্ধ আমার সেই কৈফিয়ৎ ।

কালিদাসকে দ্বিতীয় চন্দ্রগুপ্ত ও তৎপুত্র কুমারগুপ্তের সহিত তুল্যকাল মনে করার জন্ম প্রধানতঃ দুই প্রকার হেতু উপস্থাপিত করা হইয়া থাকে ।

প্রথম—কালিদাসের গ্রন্থাবলীতে গুপ্ত রাজবংশের, বিশেষতঃ রাজা চন্দ্রগুপ্ত ও কুমারগুপ্তের, প্রতি বহুস্থলে উল্লিখিত দেখা যায় । বাঙ্গালা দেশে স্বর্গীয় হরিনাথ দে পণ্ডিত রাজেন্দ্রনাথ বিদ্যাভূষণ মহাশয়ের “কালিদাস” নামক গ্রন্থের উপক্রমণিকায় ডাক্তার ব্লক ও পণ্ডিত রামাবতার শর্ম্মার নামে এই হেতুর সংক্ষিপ্ত বিবরণ দিয়াছেন । হরিনাথ বাবু বলেন—

“The date of Kalidasa has been at last conclusively settled by the industry of two eminent scholars, viz, Dr. T. Bloch and Pandit Ramavatar Sarma, Sahityacharya, the results of whose researches, carried on independently of each other, happily agree in almost every detail. They have suc-

ceeded in satisfactorily proving from evidence, both internal and external, that the author of *Raghuvamsam* and *Kumara-sambhavam* flourished during the reign of Chandra Gupta II, Vikramaditya, and that of his son Kumaragupta.”

ইহার মর্ম এই—“এতদিনে কালিদাসের কালের নির্ণয় হইল । কবির কথা হইতে ও বাহিরের প্রমাণ দেখিয়া ডাক্তার ব্লক ও পণ্ডিত রামাবতার শর্মা সাহিত্যাচার্য্য স্থির করিলেন যে রঘুবংশ ও কুমারসম্ভবের রচয়িতা বিক্রমাদিত্য নামে খ্যাত দ্বিতীয় চন্দ্রগুপ্ত ও তাঁহার পুত্র কুমার গুপ্ত এই দুয়ের রাজত্ব কালে প্রাহুভূত হন” ।

দ্বিতীয় শ্রেণীর হেতু এই যে কালিদাস রঘুর দিগ্বিজয়ে হুণ জাতির যে বাসস্থান নির্দেশ করিয়াছেন তাহা পঞ্চম শতাব্দী ভিন্ন অন্য সময়ের সঙ্গে মিশ খায় না ।

অগ্রে প্রথম প্রকারের হেতুর আলোচনা করা যাউক, দেখা যাউক কবির “ইঙ্গিত” কিরূপ ।

রঘুবংশে আছে—“সৌহহমাজন্মশুকানাফলোদয়কশ্মণাম্ । আসমুদ্র-ক্ষিতীশানামানাকরথবজ্জনাং” । ইত্যাদি । এখানে ডাক্তার ব্লক প্রমুখ পণ্ডিতগণ মনে করেন গুপ্ত বংশের প্রথম রাজা সমুদ্রগুপ্তের প্রতি স্পষ্ট ইঙ্গিত রহিয়াছে । নচেৎ ‘আসমুদ্রক্ষিতীশানাং’ এ বিশেষণ কেন ? বিশেষণের অর্থ “সমুদ্র হইতে আরম্ভ করিয়া যাহারা রাজা” অর্থাৎ “গুপ্তবংশের রাজা” এরূপও করা যায় । অবশ্য অবিকল সমুদ্রগুপ্ত শব্দের উল্লেখ নাই, কিন্তু তাঁহারা বোধ করি ভাবিতেন, যেমন ভীম বলিলে ভীমসেন বুঝি তেমনি সমুদ্র শব্দে সমুদ্রগুপ্ত বুঝিতে পারা যায় ।

অন্যত্র কবি বলিতেছেন—“তন্মৈ সভ্যাঃ সভার্য্যায় গোপ্তে গুপ্ততমেন্দ্রিয়াঃ । অর্হণামর্হতে চক্রমূনয়ো নঃচক্ষুবে” । আবার—“তামস্তিকন্তবলিপ্রদীপামবাস্ত গোপ্তা গৃহিণীসহায়ঃ ক্রমেণ স্তপ্তামনু সংবিবেশ স্তপ্তোখিতাং প্রাতরনুদতি-ষ্ঠৎ” ॥ ইহারা বলেন এ উভয় স্থলে গুপ্ত বংশের স্পষ্টই উল্লেখ রহিয়াছে । দ্বিতীয় শ্লোকে গুপ্ত না হইয়া গোপ্ত্ হইয়াছে, কিন্তু এ সামান্য প্রভেদ উপেক্ষার যোগ্য ।

পুনশ্চ দেখুন ইহাদের মতে “শরীরসাদাকসমগ্রভূষণা মুখেন সালক্ষ্যত
লোত্রপাণ্ডুগা । তনুপ্রকাশেন বিচেয়তারকা প্রাভতকল্পা শশিনেব সর্করী ।”
এই শ্লোকে রাজা চন্দ্রপ্রকাশের নাম রহিয়াছে । ‘তনুপ্রকাশেন’ শব্দে রাজার
নামের ‘প্রকাশ’ অংশটুকু আছে, আর ‘শশিনা’ শব্দে চন্দ্রকে লক্ষ্য করা হইতেছে ।
ছই জড়াইয়া ‘চন্দ্রপ্রকাশ’ নামটী পাইতেছি ।

ইহারা কুমারগুপ্তের নামও দেখিতে পাইতেছেন । “ইক্ষুচ্ছারনিষাদিগ্নস্তস্য
গোপ্তুগুণোদয়ম্ । আকুমারকর্থোদ্বাতং শালিগোপ্যো জগুর্ঘশঃ ॥” এই শ্লোকে
কুমার শব্দ আছে । আর ‘গোপ্তুঃ’ ও ‘গোপ্যঃ’ এই দুই হইতে ‘গুপ্ত’ শব্দ
পাওয়া যায় ।

যুক্তির সমর্থনে এ কয়টি ছাড়া আরও বহুতর শ্লোক আছে কিন্তু সবই এই
একই ছাঁচে ঢালা ।

উত্তরে বলি এ যুক্তির বহুদোষ । প্রথমতঃ এতে গুরুতর অনিষ্ট প্রসঙ্গ
হইতেছে । যে সকল গ্রন্থ স্পষ্টই গুপ্ত রাজত্বের সময়ের নয়, এ যুক্তি মানিলে
সে গুলিও গুপ্ত সময়ের হইয়া উঠিতেছে । প্রাচীন গ্রন্থে প্রায়ই দেখা যায় যে
গুপধাতু ও রক্ষ ধাতু একার্থক হইলেও গুপধাতুর প্রয়োগই বেশী । অর্থাৎ
সে সকল গ্রন্থে গুপ্ত, গোপ্তা, গোপা, প্রভৃতি শব্দের ছড়াছড়ি দেখিতে পাই ।
সে গুলিকেও তাহা হইলে গুপ্ত সময়ের গ্রন্থ বলিতে হয় । কুতূহলী হইয়া সেদিনে
যদৃচ্ছাক্রমে মহাভারতের ভীষ্মপর্বের স্থানে স্থানে দেখিতেছিলাম । ১৫ অধ্যা-
য়ের ১৪ শ্লোকে দেখিলাম—“নাতঃ কার্য্যতমং মন্যে রণে ভীষ্মস্ত রক্ষণাৎ ।
হত্যাং গুপ্তোহ্যসৌ পার্থান্ সোমকাংশ্চ সমৃঞ্জয়ান্ ।” এতে গুপ্ত শব্দের প্রয়োগ
রহিয়াছে । উহারই ২০ শ্লোক এই—“বামঃ চক্রঃ বৃধামন্যরুত্তমোজাশ্চ
দক্ষিণম্ । গোপ্তারৌ ফাল্গুনং প্রাপ্তৌ ফাল্গুনশ্চ শিখণ্ডিনম্ ।” এখানে আছে
গোপ্তু শব্দ । সেখানটা ছাড়িয়া ৫২ অধ্যায়ে গেলাম, দেখিলাম ২১ শ্লোকে আছে
—“সৈন্ধবপ্রমুখেগুপ্তঃ প্রাচ্যাসৌবীরকেকয়েঃ । মহসা প্রত্যাঙ্গীয়ায় ভীষ্মঃ
শান্তনবোহর্জুনম্ ॥” এতে গুপ্ত শব্দ স্পষ্টই রহিয়াছে । ৫৬ অধ্যায়ের ১৮ শ্লোকে
আছে—“ততোহভূদ্ বিপদ্মাং শ্রেষ্ঠো বামপার্শ্বমুপাশ্রিতঃ । সর্বশ্চ জগতো গোপ্তা বস্ত
গোপ্তা ধনঞ্জয়ঃ ॥” এতে গোপ্তু শব্দ এক জোড়াই আছে ! ৬০ অধ্যায়ের ১০
শ্লোকে পাইলাম—“প্রকল্লিতং গুপ্তমুদায়ুধেন কিরীটিনা লোকমহারথেন ।

তং বাহরাজঃ দদুশুস্তুদীয়াশ্চতুশ্চতুব্যালসহস্রকীর্ণম্ ॥” এখানে আবার অবিকল গুপ্ত শব্দ । ৬১ অধ্যায়ের ১৭ শ্লোকে দেখা গেল—“তেন কীর্ত্তিমতা গুপ্তমনীকং দৃঢ়বননা । প্রবুদ্ধরথনাগাঞ্চ যোৎশ্রুমানমশোভত ॥” এতেও অথগু গুপ্ত শব্দ—ইত্যাদি কত বলিব ।

যুক্তিসাদৃশ্যে যদি বলি এ সব গুপ্ত বংশের প্রতি ইঙ্গিত ও বেদব্যাস গুপ্ত বংশের সময়ের লোক, তাহা হইলে অন্ততঃ ব্রহ্ম সাহেবের দল আপত্তি করিতে পারেন না । বাস্তবিকরও ঐ গতিই হয় । এমন কি বেদকর্তা স্বয়ং ব্রহ্মাও বাদ যান না । পাশ্চাত্য পণ্ডিতগণের কৃত স্থী হইতে দেখা যায় বেদ উপনিষদ্ প্রভৃতিতে গুপ্তধাতুর এই প্রকার প্রয়োগ বিস্তর রহিয়াছে ।

যথা—“সততক্ষান্নানং গোপায়ীত” “বিশ্বশ্চ কৰ্ত্তা ভুবনশ্চ গোপ্তা” “রাজসু-মধ্বরানাং গোপায়তশ্চ দীদিবিম্” ইত্যাদি । এই যুক্তি অনুসারে এ লেখা গুলিকেও গুপ্ত সময়ের বলিয়া ধরিতে হয় । তা ছাড়া বি পূৰ্ব্বক ক্রম ধাতুর প্রয়োগে বিক্রমাদিত্যের প্রতি লক্ষ্য মনে করা এ যুক্তির সম্পূর্ণ অনুযায়ী । তবে এই নিম্ন সোনার সোহাগা—“ইদং বিষ্ণুর্বিচক্রমে ত্রেধা নিদধে পদম্” পুনশ্চ “ত্রীনি পদা বিচক্রমে বিষ্ণুর্গোপাহদাত্যঃ”—এক আধারে গুপ্ত বংশ ও বিক্রমাদিত্য উভয়ই পাইতেছি । এর পর ঋগ্বেদ খানি গুপ্ত বংশের দ্বিতীয় চন্দ্রগুপ্তের সময়ের লেখা একথায় আপত্তি চলে না ।

এই গেল প্রথম শ্রেণীর দোষ । দ্বিতীয়তঃ দেখি এ যুক্তির মহাত্ম্যে কালিদাসের অকৌশল—ছন্দোরচনার অপটুতা—আসিয়া পড়িতেছে । কারণ যুক্তি হইতে বুঝিতেছি যে রাজা চন্দ্রগুপ্ত ও রাজা কুমারগুপ্ত যে তাঁহার মনিব, ও তাঁহারা যে গুপ্ত বংশের রাজা এ কথা কবি তাঁহার গ্রন্থে বুঝাইবার জন্য ব্যস্ত, স্থানে অস্থানে নানাবিধ চেষ্টা করিতেছেন, কিন্তু তাঁহার ভাষায় দংশল এতই কম, ছন্দের অনুশীলনে এতই অনভ্যাস, যে একবারও চন্দ্রগুপ্ত বা কুমারগুপ্ত শব্দ স্পষ্ট ভাবে যোল আনা উচ্চারণ করিতে পারিতেছেন না ! গুপ্ত শব্দ বুঝাইতে যাইয়া বহুস্থলে গোপ্ত, গোপী, গোপা প্রভৃতির প্রয়োগেই শ্রম সার্থক মনে করিতেছেন !! কবি ইচ্ছা করিলে অবিকল চন্দ্রগুপ্ত ও কুমার গুপ্ত শব্দের উচ্চারণ করিতে পারিতেন না একথা বিশ্বাস যোগ্য নহে । কালিদাসের কথা ছাড়িয়া দিন এই সেদিনকার একজন নগণ্য কবি তাঁহার একটী পণ্ডে চন্দ্র শব্দের ভূরি প্রয়োগ

করিতে যাইয়া লিখিলেন—“শ্রীরামচন্দ্র ভুবি বিহৃতকীর্তিচন্দ্র শ্বেরাস্ত্রচন্দ্র
রজনীচরপদ্মচন্দ্র ।” আনন্দচন্দ্র রঘুবংশসমুদ্রচন্দ্র সীতামনঃকুমুদচন্দ্র নমো নমস্তে ।”
চারি ছত্র পণ্ডে সাতটা আশ্র চন্দ্র । এ কবি মহানাটিক গ্রন্থের সংগ্রাহক মধুসূদন
মিশ্র । এ কেও ইহারা দ্বিতীয় চন্দ্রগুপ্তের সময়ের লোক বলিবেন কি ?

তৃতীয়তঃ, এযুক্তির আর একটা গুরুতর দোষ—ইহা কালিদাসের অবিবেচনার
উপর প্রতিষ্ঠিত । দেখুন সমুদ্রগুপ্তই যে গুপ্তবংশের প্রতিষ্ঠাতা ইহা বলিবার
জন্য কবি যে শ্লোকটা লিখিয়াছেন বলিয়া ধরিয়া লওয়া হইয়াছে, সে শ্লোক-
নীতে আসমুদ্রক্ষিতীশানাম্ শব্দটাই কবির লক্ষ্য হইয়া দাঁড়াইতেছে । অল্প
শব্দ গুলি আনুষ্ঠানিক মাত্র । তাহা হইলে যাহাতে প্রথমেই ঐ শব্দের প্রতি
প্রধান ভাবে পাঠকের দৃষ্টি পড়ে তেমন করিয়া শ্লোক রচনা করা উচিত ছিল ।
আসমুদ্রক্ষিতীশানাম্ শব্দ শ্লোকের গোড়ায় দিলে তাহা হইত । এখন নজর
পড়িতেছে শ্লোকের আদিতে স্থিত সোহহম্ এই কথার উপর—কবির নিজের
উপর । এটা কবির অভিপ্রায়ের অন্তরায়—তাহার অবিবেচনার দৃষ্টান্ত ।
“আসমুদ্রক্ষিতীশানামানাকরথবঅর্নাম্ । সোহহমাজমগুহানামাফলোদয় কক্ষণাম্ ॥”
এইরূপ লিখিলে উভয়দিক রক্ষা হইত ।

এ অপেক্ষা গুরুতর অবিবেচনার স্থল “শরীরসদাদসমগ্রভূষণা” ইত্যাদি
ডাক্তার ব্লকের উদ্ধৃত শ্লোক । এ শ্লোকে কবির যে শশী অর্থাৎ চন্দ্রগুপ্ত
তাহাকে তনুপ্রকাশ বলা হইল । তনুপ্রকাশ শব্দের অর্থ তনু অর্থাৎ অতি অল্প
প্রকাশ অর্থাৎ দীপ্তি যার । অতএব এতে বুঝা গেল চন্দ্রগুপ্তের তেজের হানি
হইয়াছে । এটা মনিবের অমঙ্গলের সূচক । আবার দেখুন রঘুর ১৯ সর্গে আছে
“দক্ষ শাপ ইব চন্দ্রমক্ষিণোৎ”—দক্ষেরশাপ যেমন চন্দ্রের ক্ষয় ঘটাইয়াছিল
তেমনি । এতে মনিবের পাপ ও তাহার প্রায়শ্চিত্তস্বরূপ সঙ্কট পীড়ার আশঙ্কা
জন্মাইতেছে । আবার অষ্টমে আছে “নিমিমীল নরোত্তমপ্রিয়া হৃতচন্দ্রাতমসেব
কৌমুদী” এতে রাহু কতৃক চন্দ্রের গ্রাসের উল্লেখ করিয়া কবি মনিবের মৃত্যুর
কথা উপস্থাপিত করিতেছেন ।

এ ক্ষেত্রে ইহাই মথেষ্ট, আর বলা অনাবশ্যক । বস্তুতঃ ডাক্তার ব্লকের
বৃত্তিতে সাহেবেরা বাহবা দিতে হয় দিন, কিন্তু ভারতবাসী হরিনাথ বাবু কি
দেখিয়া ভুলিলেন তাহা আমাদের চক্ষুচক্ষে লক্ষিত হইতেছে না ।

রুক সাহেব ও তাঁহার অনুবর্তিগণ সকলেই বুদ্ধিমান তথাপি এ গুরুতর দোষ গুলি দেখিলেন না কেন ? ইহার একমাত্র উত্তর—পঞ্চম শতাব্দীর মোহ । আগে হইতেই ইহারা পঞ্চম শতাব্দীর দিকে ঝুঁকিয়া আছেন, তাই, যেমন কৃষ্ণভক্ত প্রহ্লাদ 'ক' দেখিলেই কৃষ্ণপ্রেমে কাঁদিতেন সেইরূপ ইহারাও 'গ' দেখিলেই গুপ্ত বংশ বুঝিয়া বসিতেছেন ।

ভাল এ বোঁক ইহাদের কোথা হইতে আসিল, এ গুরুতর মোহের কারণ কি ? অনুসন্ধানে দেখি—আর বোধাই হইতে প্রেরিত মেঘদূত খানি হইতেও বুঝিলাম— কারণ প্রধানতঃ কালিদাসের রঘুদিগ্বিজয়ের বর্ণনা । অধ্যাপক পাঠক মহোদয় এ প্রসঙ্গে এই কয় পঙ্ক্তি উদ্ধৃত করিয়াছেন :—“ততঃ প্রতশ্চে কোবেরীঃ ভস্বানিব রঘুর্দিশম্ । শরৈরুশ্রৈরিবোধীচ্যানুধরিস্বান্ রসানিব ॥ বিনীতান্বশ্রমাস্তশ্চ বঙ্কুতীরবিচেষ্টনৈঃ । হৃষুর্বাজিনঃ স্কন্ধান্ লগ্নকুঙ্কমকেশরান্ ॥ তত্র হুণাবরোধানাং ভর্তৃষু ব্যক্তবিক্রমম্ । কপোলপাটনাদেশি বভূব রঘুচেষ্টিতম্ ।”

ভাব এই—“তারপর রঘু উত্তরদিক জয় করিতে গেলেন । পথ অতিক্রম করিয়া ক্লাস্ত অশ্বগুলি বঙ্কু নদীর তীরে গড়াগড়ি দিতে লাগিল, তাহাদের স্বন্ধে কুঙ্কম লাগিয়া গেল । সেখানে রঘু হুণদিগের উচ্ছেদ করিলেন ।”

একাদশ শতাব্দীতে অমর কোষের টীকাকার ক্ষীরস্বামী কুঙ্কমের পর্যায়ে বাহ্লীক শব্দের টীকা করিতে যাইয়া উদ্ধৃত অংশের চতুর্থ পঙ্ক্তির প্রতি লক্ষ্য করিয়া লিখিলেন—“বাহ্লীকদেশজং বাহ্লীকম্ । যত্রঘোরুত্তরদিগ্বিজয়ে— হৃষুর্বাজিনঃ স্কন্ধান্ লগ্নকুঙ্কমকেশরান্” । পাশ্চাত্য পণ্ডিতগণের অনুসরণ করিয়া পণ্ডিত পাঠক মহোদয় এখানে ক্ষীরস্বামীর বাহ্লীক শব্দে Bactria বুঝিয়াছেন ও তাহা হইতে কালিদাসের সময়ে Bactria তে হুণ জাতির আवास ছিল এ অনুমান করিয়াছেন ।

“.....Kshiraswāhim tells us that the country described in these verses is the Balhikadesa or Bactria”—Pathaka's Meghaduta, Introd., p viii. ভাব এই—“ক্ষীরস্বামী বলেন এ শ্লোক গুলিতে বাহ্লীকদেশকে লক্ষ্য করা হইতেছে । বাহ্লীকত্ব Bactria একই” । আবার বহুতর প্রমাণ প্রয়োগ দ্বারা পাশ্চাত্য পণ্ডিতগণ স্থির করিয়াছেন যে

কালিদাস, চৈত্র, ১৩২৩।] কালিদাস ও দ্বিতীয় চন্দ্রগুপ্ত। ৫২১

হুণেরা পঞ্চম শতাব্দীর পূর্বে Bactria তে আনেন নাই। তবেই হইল কালিদাস পঞ্চম শতাব্দীর পূর্ববর্তী নছেন।

এর বিপক্ষে বলব্য বাহ্লীক শব্দে হালে আমরা আমাদের পাশ্চাত্য গুরু-
পণের উপদেশে কি বুঝিতে শিখিয়াছি, তাহা এখানে অগ্রাসঙ্গিক। কীরত্বামী
পাশ্চাত্য শিক্ষার শিক্ষিত ছিলেন না, তাঁহার বাহ্লীক Bactria নাও হইতে
পারে। অতএব দেখা যাউক সংস্কৃত গ্রন্থে বাহ্লীক দেশটা কোথায় রাখা
হইয়াছে। এ প্রসঙ্গে মহাভারত অপেক্ষার বিশ্বাসযোগ্য প্রমাণ নাই।

কর্ণ পর্বে কর্ণ ও শল্যে বচসা হইতেছে। বাহ্লীক দেশ মদ্র রাজ্যের অন্তর্গত
ছিল সেই কথা লক্ষ্য করিয়া কর্ণ শল্যের নিন্দা করিয়া বলিতেছেন—পঞ্চ নদ্রো-
বহস্ত্যতাঃ যত্র পীলুবনান্যত। শতক্রশ্চ বিপাশা চ তৃতীয়েরাবতীতথা ॥ চন্দ্র-
ভাগা বিতস্তা চ সিঙ্ঘুযষ্ঠা মহানদী। আরট্টা নাম বাহ্লীকা এতেষাৰ্যো হি
মৌ বসেৎ ॥ ...পঞ্চনদ্রো বহস্ত্যতাঃ যত্র নিঃসৃত্য পর্কতাত্। আরট্টা নাম বাহ্লীকাঃ
নৈতেষাৰ্যো ষ্যহং বসেৎ ॥ ...আরট্টা নাম তে দেশা বাহ্লীকং নাম তদ্বনম্।”—ভাব
এই—“যেখানে শতক্র, বিপাশা, ইরাবতী, চন্দ্রভাগা, বিতস্তা, সিঙ্ঘু এই নদী
গুলি বহিয়া চলিয়াছে ও পীলুর বন রহিয়াছে, সেইটা আরট্ট বা বাহ্লীক দেশ।
ঠিক যেখানে পর্কত হইতে নদীগুলি বাহিরে আসিয়াছে সেই স্থানই আরট্ট
বা বাহ্লীক দেশ। দেশের নাম আরট্ট বনের নাম বাহ্লীক” ॥ এতে মনে হয়
বর্তমানে উত্তর পঞ্চাব যে স্থান অধিকার করিয়া আছে সেখানে পূর্বে এক বিশাল
বন ছিল—পীলুবন। সেই বন ভূমির নাম ছিল বাহ্লীক, আর সমগ্র দেশটার
নাম ছিল আরট্ট, কিন্তু ঐ বন সম্পর্কে দেশটাকেও বাহ্লীক বলিত। আরট্ট
বর্তমানে এখন যে স্থান ‘আটক’ (Attock) বলিয়া পরিচিত তাহাই হইবে।

আবার দেখুন বাহ্লীকের একটা লোক বহুকাল কুরুকুলে থাকিয়া
দেশের জন্ত উৎকণ্ঠিত হইয়াছেন, বলিতেছেন—“স। নুনং বৃহতী গৌরী
স্বন্দ্রকম্বলবাসিনী। নামনুস্বরতী শেতে বাহ্লীকং কুরুবাসিনম্ ॥ শতক্রঃ
গুকদা তীর্ষা তাক্ষরম্যামিরাবতীম্ গত্বা স্বদেশং দ্রক্ষ্যামি হুলজখ্যাঃ
শুভাঃ স্তিরঃ ॥—মহাভারত কর্ণ পর্ক। অর্থাৎ পূর্বদিক হইতে আসিয়া
শতক্র পার হইয়া ইরাবতীর পশ্চিমে ঘাইয়া পড়িলেই বাহ্লীক দেশ। পানিনি
এদেশকে বাহ্লীক দেশ বলিয়া গিয়াছেন। শাকল ইহার রাজধানী ছিল। কর্ণ

পর্কের ৩৭ অধ্যায়ে আছে “বাহ্লীকেষ্বিনীতেষু প্রোচ্যমানঃ নিবোধ তৎ ।
তত্র স্য রাক্ষসী গাতি সদা কৃষ্ণচতুর্দশীম্ ॥ .নগরে শাকলে ক্ষীতে আহত্য নিশি
ত্বন্দুভিম্ ॥” সার এই—“বাহ্লীক দেশে একটা কথা আছে যে সেখানে শাকল
নামক মহানগরে কৃষ্ণ চতুর্দশীর রাত্রিতে একটা রাক্ষসী গান গাইয়া বেড়াইত” ।
সভাপর্কের ৩৫ অধ্যায়ে আছে—“ততঃ শাকল মভ্যেত্য মজ্জাণাং পুটভেদনম্ ।
মাতুলং প্রীতিপূর্বেণ শল্যং চক্রে বশে বলী ॥” তাৎপর্য এই—“মদ্র দেশের
রাজধানী শাকল নগরে যাইয়া মাতুল শল্যকে বশ করিলেন” । পানিনির
সময়ে শাকলের অবস্থা হীন হইয়াছে, উহা গ্রামমাত্রে পরিণত হইয়াছে ।
“অব্যঘাত্যপ্” এই শূত্রে ভাষ্যকার বলিতেছেন—“শাকলং নাম বাহ্লীকগ্রামঃ” ।
পাশ্চাত্য পণ্ডিতেরা বলেন শাকলের বর্তমান নাম শিয়ালকোট ।

যদি তাহাই হইল তবে কোথায় Bactria আর কোথায় বাহ্লীক ! বাহ্লীক
ও কাশ্মীর গায়ে গায়ে । উভয়ই কুঙ্কুমের জন্মস্থান বলিয়া প্রসিদ্ধ । অমর
কুঙ্কুমের পর্যায়ে দেশের হিসাবে কাশ্মীর ও বাহ্লীক এই দুইটা মাত্র নাম
দিয়াছেন । অন্য অভিধানেও উহার দেশসংস্পৃষ্ট অপর কোনও নাম নাই ।
কালিদাসের বর্ণনার বিষয় হয় কাশ্মীর নয় বাহ্লীক, অন্য কোনও তৃতীয়
দেশ নহে । অতএব ক্ষীর-স্বামীর কথায় Bactriaর প্রসঙ্গ উঠিতে
পারে না ।

কিন্তু পঞ্চম শতাব্দীর ভক্তেরা এতে ভয় পাইবার নহেন । তাঁহারা মনে
করেন এখানে ক্ষীরস্বামীকে ছাড়িয়া দিলেও পঞ্চমের পোষক অন্য প্রমাণ আছে ।
বর্ণনার কালিদাস বঙ্কুনদীর নাম করিতেছেন ।

পাশ্চাত্য পণ্ডিতগণের মতে বঙ্কু ও Oxus একই নদী । তাই যদি হয়
তবে ক্ষীরস্বামীকে দিয়া দরকার কি, বঙ্কু হইতে Oxus পাইতেছি, আর
Oxus নদী Bactriaতে আছে এ প্রসিদ্ধ কথা । পণ্ডিত পাঠক বলেন—
“It is watered by the river Vankhu.....The identity of
Vankhu with the Oxus river has been already proved in
another paper.....Vankhu or Vankhu appears as the name
of the Oxus river both in the St. Peter'sburgh Lexicon and
in the Dictionary of Sir Monier Williams”—Megha, Introd.,

কালিদাস, চৈত্র, ১৩২৩।] কালিদাস ও দ্বিতীয় চন্দ্রগুপ্ত। ৫২৩

pp. viii—ix. সার এই—“এই দেশ দিয়া বঙ্ক্ষু নদী বহিতেছে। প্রবন্ধান্তরে দেখাইয়াছি যে বঙ্ক্ষু বা বক্ষু ও Oxus একই নদী। সেন্ট পিটাস্‌বর্গ অভিধান ও মনিয়ার উইলিয়মসের অভিধান উভয়েই আছে বঙ্ক্ষু বা বক্ষু Oxus নদীর নামান্তর”। অতএব আবার সেই Bactria তে হুণের বাস আসিয়া পড়িতেছে ও কালিদাস পঞ্চম শতাব্দীর উপরে উঠিতে পারিতেছেন না।

এর উত্তরে প্রথম কথা—এখানে “সিদ্ধুতীরবিচেষ্টনৈঃ” এ পাঠান্তর আছে। টীকাকারেরা অনেকে “বঙ্ক্ষুতীরবিচেষ্টনৈঃ” পাঠ ধরিয়াছেন সত্য, কিন্তু মলিনাথের পাঠ “সিদ্ধুতীরবিচেষ্টনৈঃ”। ক্ষীরস্বামীর পাঠ কি ছিল তিনি স্পষ্ট কিছু বলেন নাই, জানার চেষ্টা করা যাউক। ভাল, বলুন দেখি ক্ষীরস্বামী এখানে কি দেখিয়া বলিলেন, যে এ বাহ্লীক দেশের বর্ণনা? ইনি কি হুণের উল্লেখ দেখিয়া ওরূপ ভাবিলেন? তাহা নহে। কারণ ক্ষীরস্বামী ১১শ শতাব্দীর লোক, তখন বাহ্লীক—ক্ষীরস্বামীর বাহ্লীক—হুণদিগের আবাস ছিল বলিয়া জানা যায় না। দেশের বর্ণনার লোকে নিজের সময়ের অবস্থাই ভাবিয়া থাকে। কালিদাস ও, রঘুর সময়ে হুণেরা কোথায় ছিল সে কথা ভাবেন নাই, ইহাই আমরা ধরিয়া লইতেছি নতুবা পঞ্চমের ভক্তগণের যুক্তির এই খানেই মূলোচ্ছেদ হইয়া যায়। অতএব হুণের উল্লেখ হইতে এ বাহ্লীকদেশ ক্ষীরস্বামী এরূপ মনে করেন নাই।

তবে কি কুঙ্কুমের কথা রহিয়াছে বলিয়া বাহ্লীক মনে হইল? তাহাও নহে। কারণ বাহ্লীক দেশে কুঙ্কুম জন্মে এ কথা প্রমাণের জন্তই ক্ষীরস্বামী রঘু দিগ্বিজয়ের উল্লেখ করিয়াছেন। উপরে উদ্ধৃত ক্ষীরস্বামীর টিপ্পনী দেখিলেই ইহা স্পষ্ট বুঝা যাইবে। কুঙ্কুমের অন্ত নাম বাহ্লীক। কেন? ক্ষীরস্বামীর উত্তর—কারণ এ বস্তু বাহ্লীক দেশে জন্মে (বাহ্লীকদেশজং বাহ্লীকম্)। বাহ্লীক দেশে জন্মে কিসে জানিলে? স্বামী বলিলেন—এই দেখ রঘুর উত্তরঃ দিগ্বিজয়ে বাহ্লীক দেশে কুঙ্কুমের উৎপত্তির কথা আছে। যদি কুঙ্কুমের উল্লেখ দেখিয়া বাহ্লীক দেশ ভাবিতেন তাহা হইলে যুক্তি এরূপ হইত—বাহ্লীকভিন্ন কোথাও কুঙ্কুম জন্মে না। এদেশে কুঙ্কুম জন্মে। অতএব এ বাহ্লীক দেশ। এখানে যুক্তি প্রমাণের আরম্ভই একটা ভুল কারণ। কাশ্মীরেও কুঙ্কুম জন্মে। তা ছাড়া বাহ্লীকে জন্মে এ ধরিয়া লওয়া

হইল, এটা প্রমাণ করার কথা । তবেই হইল এখানে কুঙ্কুমের উল্লেখ হইতে বাহ্লীকের অনুমান হয় নাই । যদি হুণ থেকেও না হয়, কুঙ্কুম থেকেও না হয়, তবে বর্ণনায় আর কি আছে যে তাহা হইতে এটা বাহ্লীক দেশ বলিয়া জানা যাইতেছে? কবি এর অব্যাহিত পূর্বেই বলিয়াছেন, রঘু পারসীকদিগকে জয় করিলেন । তারপর বলিতেছেন “ততঃ প্রতস্থে কোবেরীম্” ইত্যাদি । এর অর্থ এমন নয় যে, পূর্বে বর্ণিত যে দেশ তাহারই উত্তরে গেলেন । পূর্বে, দক্ষিণ, পশ্চিম, উত্তর এই হিসাবে দেশবিভাগ বহুকাল হইতে ভারতে চলিয়া আসিতেছে । কোনও প্রসিদ্ধ স্থানকে কেন্দ্র ধরিলে তাহারই পূর্বে, দক্ষিণে, পশ্চিমে ও উত্তরে যে সকল দেশ ভারতের মধ্যে বা তাহার আসন্ন প্রান্তভাগে পাওয়া যায় সেইগুলিই যথাক্রমে পূর্বদিক, দক্ষিণদিক ইত্যাদি নামে অভিহিত হইয়া আসিতেছে । মহাভারতে তাহাই দেখি, রঘুতেও তাহাই আছে । “স যযৌ প্রথমং প্রাচীম্” বলিয়া কালিদাস ২৮ শ্লোকে দিগ্বিজয় বর্ণনা আরম্ভ করিলেন । ক্রমে সূক্ষ, বঙ্গ, উৎকল, কলিঙ্গ জয় করিয়া পূর্বদিক শেষ করিলেন । যখন সূক্ষ হইতে কলিঙ্গাভিমুখে চলিলেন তখন দক্ষিণ মুখে গেলেন সত্য, কিন্তু দেশবিভাগের হিসাবে কলিঙ্গ পার না হওয়া পর্য্যন্ত কবি বলিতেছেন রঘু পূর্বদিকেই রহিলেন । কলিঙ্গ অতিক্রমের পর ৪৪ শ্লোকে কবি বলিতেছেন—

“ততো বেলাতটে নৈব ফলবৎপূগমালিনা ।

অগস্ত্যাচরিতামাশামনাশাস্তজয়ো যযৌ ॥”

এইবারে রঘুর দক্ষিণে প্রবেশ হইল । সহ্যাদ্রি পার হইয়া পশ্চিমদিক জয় করিতে লাগিলেন । পারসীক দেশ জয় হইলে পশ্চিম শেষ হইল । তারপর উত্তরে আসিলেন । পারসীকদের উত্তরে আসিলেন এ অর্থ নহে । দেশ বিভাগে যে গুলি উত্তর দেশ বলিয়া গণ্য, সে গুলি জয় করিতে আরম্ভ করিলেন ইহাই বুঝিতে হইবে । কিন্তু পশ্চিম হইতে উত্তরে আসিতে গেলে প্রথম দেশই বাহ্লীক কিনা তাহা বর্ণনা হইতে বুঝা যায় না । আর উত্তরের প্রথম দেশই একটা বুদ্ধ হইল, তাহারই বর্ণনা কবি করিতেছেন এরও আভাস পাওয়া যায় না । অনেক দেশ কবি ছাড়িয়া গিয়াছেন । এই দেখুন পূর্বে বিজয়ে মগধ দেশের উল্লেখ নাই । অতএব—“ততঃ প্রতস্থে কোবেরীম্” এ হইতেও বাহ্লীকের অনুমান হয় নাই । তবে এ অনুমানের মূল কি? আমি বলি ক্ষীরসামীর

পাঠ “সিন্ধুতীরবিচেষ্টনৈঃ”—তিনি সিন্ধু দেখিয়া বাহ্লীকের অনুমান করিয়াছেন, কারণ তিনি জানিতেন বাহ্লীক দেশ ধৌত করিয়া সিন্ধু প্রবাহিত হইতেছে ।

যদি ক্ষীরস্বামী ও মল্লিনাথ উভয়েরই পাঠ “সিন্ধুতীর বিচেষ্টনৈঃ হইয়া থাকে, তবে অপর চীকাকারেরা যাহা বলিতে হয় বলুন, “বঙ্কুতীরবিচেষ্টনৈঃ” এ পাঠ সম্পূর্ণ উপেক্ষার যোগ্য ও এই পাঠ ধরিয়া পঞ্চম বাদীরা যে যুক্তির অবতারণা করিয়াছেন তাহা নিতান্তই হেয় ।

তথাপি মহতের ধৃত বলিয়া “সিন্ধুতীরবিচেষ্টনৈঃ” ইহাই প্রকৃত পাঠ, আর “বঙ্কুতীর বিচেষ্টনৈঃ” এই পাঠের পক্ষপাতিগণের মধ্যে কোনও বিশিষ্ট ব্যক্তির নাম নাই, অতএব উহা কবির পাঠ নহে, এরূপ বলা সম্ভব হইবে না । অতএব দেখা যাউক “বঙ্কুতীরবিচেষ্টনৈঃ” পাঠের ফলাফল কি ।

বঙ্কু নদীর নাম বড় একটা শুনা যায় না । পুরাণে বঙ্কু, বক্ষু ও চক্ষু এই তিন নামে একই নদী বর্ণিত হইয়াছে । Asiatic Researches গ্রন্থের অষ্টম খণ্ডে কাপ্তেন উইলফোর্ড সাহেব এই নদীকে Oxus নদীর সহিত অভিন্ন মনে করিয়া গিয়াছেন । কাপ্তেন সাহেবের কণ্ঠস্বর এখনও প্রতিধ্বনিত হইতেছে । পরবর্তী পণ্ডিতেরা উইলফোর্ড সাহেবেরই অনুসরণ করিতেছেন । উইলফোর্ড সাহেব বলেন—“...The fourth is the APARA GANDIKA or Western GANDIKA called more generally the CHAKSHU. It flows toward the west, and its present name among the natives toward its source, is Cocsha, and from the former is derived its Greek appellation Oxus—Asiatic Researches, vol. vii, p. 309. তাৎপর্য্য এই—“চতুর্থ নদী অপরগণ্ডিকা, সাধারণতঃ ইহাকে চক্ষু বলে । চক্ষু হইতেই গ্রীক নাম Oxus আসিয়াছে” । অধ্যাপক পাঠিক মহোদয় নাম মাত্রেয় সাদৃশ্য হইতে উচ্চারণগত প্রাদেশিক পরিবর্তন দ্বারা বক্ষু হইতে Oxus নামের উচ্চারণ করিয়াছেন । কিন্তু নামসাদৃশ্যে বহুস্থলে বহু লোক প্রতারিত হইয়াছেন । মদ্ররাজ শব্দের সহিত সৌসাদৃশ্যে মাদ্রাজ অঞ্চলকে রাজা পাণ্ডুর খণ্ডের দেশ মনে করিয়া অনেকে ভ্রমে

পতিত হইয়াছেন। মনিয়র উইলিয়মের মত বড় পণ্ডিতও তাতার দেশের বলুক (Balkh) নগরকে নামসাদৃশ্যে বাহুলীকের সাহিত্য এক বলিয়া গিয়াছেন। অতএব নাম সাদৃশ্য উপেক্ষা করিয়া মূলের অনুসন্ধান করা বাউক।

পুরাণগুলির মধ্যে বিষ্ণুপুরাণ সর্বাঙ্গের প্রাচীন বলিয়া সর্বত্র সমাদৃত।
উহার দ্বিতীয় অংশের দ্বিতীয় অধ্যায়ে আছে—

“চতুর্দশ সহস্রাণি যোজনানাং মহাপুরী ।
মেরোরুপরিমৈত্রেয় ব্রহ্মণঃ প্রথিতা দিবি ॥
তস্তাঃ সমস্ততশ্চাত্তৌ দিশাসু বিদিশাসু চ ।
ইন্দ্রাদিলোকপালানাং প্রথ্যাতাঃ প্রবরাঃ পুরঃ ॥ ৩০ ॥
বিষ্ণুপাদবিনিক্রান্তা প্লাবয়িত্বেন্দুমণ্ডলম্ ।
সমস্তাং ব্রহ্মণঃ পুর্যাঃ গঙ্গা পততি বৈদিবঃ ॥ ৩১ ॥
সা তত্র পতিতা দিক্শু চতুর্ধা সমপদ্যত ।
সীতা চালকনন্দাচ বঙকুভদ্রা চ বৈ ক্রমাৎ ॥ ৩২ ॥
পূর্বেণ শৈলাৎ সীতা তু শৈলং যাত্যস্তরীক্ষগা ।
ততশ্চ পূর্ববর্ষেণ ভদ্রাশ্বেনৈতি সাগরম্ ॥ ৩৩ ॥
তথা চালকনন্দাপি দক্ষিণেনৈত্য ভারতম্ ।
প্রয়াতি সাগরং ভূত্বা সপ্তভেদা মহামুনে ॥ ৩৪ ॥
বঙকুশ্চ পশ্চিমগিরীন্ অতীত্য সকলাংস্ততঃ ।
পশ্চিমং কেতুমালাখ্যং বর্ষমভ্যতি সার্গবম্ ॥ ৩৫ ॥
ভদ্রা তথোত্তরগিরীন্ উত্তরাংশ্চ তথা কুরুনু ।
অতীত্যোত্তরমস্তোধিঃ সমভ্যতি মহামুনে ॥ ৩৬ ॥

মর্ম এই—“মেরুর উপরে ব্রহ্মার পুরী, তার চারিদিকে ইন্দ্রাদি লোকপালের বাস। আকাশ হইতে গঙ্গা ব্রহ্মার পুরীর চারিদিকে পড়িয়া চারিভাগ হইয়া গেলেন—সীতা, অলকনন্দা, বঙকু ও ভদ্রা। সীতা পূর্বদিকে ভদ্রাবর্ষের মধ্য দিয়া সাগরে পড়িল। অলকনন্দা দক্ষিণে ভারতের মধ্য দিয়া সাগরে পড়িল। বঙকু কেতুমালবর্ষের দিকে যাইয়া পর্বত পার হইয়া পশ্চিম

সাগরে পড়িল । ভদ্রা উত্তর পর্বত মালা ও উত্তর কুরু পার হইয়া উত্তর সাগরে পড়িল” ।

এখানে বঙ্কু সম্বন্ধে দুইটি মূলতত্ত্ব পাওয়া যাইতেছে । প্রথম বঙ্কু ও অলকনন্দা অর্থাৎ গঙ্গা এ দুয়ের উৎপত্তি স্থান পরস্পর সম্বন্ধিত । দ্বিতীয় বঙ্কু পশ্চিম সাগরে গিয়া পড়িতেছে । মনে রাখিবেন আমাদের পশ্চিম সাগর আরব সাগর, আটলান্টিক নহে । পৌরাণিকেরা ও কালিদাস প্রভৃতি কবিরা বলেন যে হিমালয় পশ্চিম সাগর পর্য্যন্ত বিস্তৃত । কিন্তু হিমালয় আটলান্টিক পর্য্যন্ত চলিয়া গিয়াছে একথা কিছুতেই ভাবা যায় না । অতএব পশ্চিম সাগর অর্থ আরব সাগর । তাহা হইলে দেখিতেছি এ দুই তত্ত্বের একটীতে ও Oxus এর সহিত বঙ্কুর ঐক্য নাই । প্রথমতঃ গঙ্গার উৎপত্তি স্থানের অক্ষাংশ ৩৩ ডিগ্রি, দ্রাঘিমা ৮৩ ডিগ্রি ; Oxus এর উৎপত্তির অক্ষাংশ ৩৬ ডিগ্রি দ্রাঘিমা ৭৫ ডিগ্রি । পরস্পরের দূরত্ব প্রায় ৭০০ মাইল । দ্বিতীয়তঃ Oxus যাইয়া আরলহুদে (Lake of Aral) পড়িয়াছে, পশ্চিম সাগরের দিকে মোটেই যায় নাই । এ দুই অসঙ্গতি হইতে বঙ্কু যে Oxus এ কথা উড়িয়া যাইতেছে ।

এখানে আর একটা ভাবিবার কথা আছে । সে এই—কাণ্ডেন উইল ফোর্ড বলেন—“Another irrefragable proof, that by *Meru* we are to understand the elevated plains of little *Bokhara*, are the four great rivers issuing from it, and flowing toward the four cardinal points of the world ; three of which are well-known to the Hindus,”—*Asiatic Researches*, vol. VIII., p. 309.—ভাব এই—“মেরু হইতে যে চারিটা মহানদী বাহির হইয়া চারিদিকে চলিয়া গিয়াছে তাহা দেখিলে নিঃসন্দেহে বুঝিতে পারা যায় যে little *Bokhara*র উচ্চ সমতল ভূমিই মেরু” । কাণ্ডান সাহেবের এই কথা হইতে কাহারও কাহারও হয়ত উপরি কথিত প্রথম অসঙ্গতির নিম্নলিখিত প্রকার একটা মীমাংসা মনে উঠিবে । গঙ্গার উৎপত্তি ও Oxus এর উৎপত্তি কাছাকাছি হইবে এমন নয় । এদের একটা ব্রহ্মপুত্রীর দক্ষিণেও অপরটা পশ্চিমে । এতে হঠাৎ অবশ্যই মনে হয় দুই নদী খুব কাছাকাছি । কিন্তু ব্রহ্মপুত্রী মেরুর উপর প্রতিষ্ঠিত ।

মেরু কি ? *Little Bokhara*র উচ্চ সমতল ক্ষেত্রেই মেরু । এই ভাবটা মেরু জড়িয়া ব্রহ্মার বাড়ী ছিল মনে করিলে অসঙ্গতি থাকে না । “এতৎপ্রতি দ্বিজ্ঞাস্য এই—একপ মনে করার কারণ কি আছে ? মেরুকে সকলেই পর্বতরূপে বর্ণন করিয়া গিয়াছেন । মধ্য এশিয়ার মালভূমি সমুদ্র বক্ষ হইতে বহু উচ্চ সন্দেহ নাই, কিন্তু তাহাশ উচ্চতা মাত্রে পর্বত হয় না । সন্নিহিত ভূমি ভাগ হইতে বাহার স্পষ্ট উচ্চতা দেখা যায় তাহাকেই লোকে পর্বত বলিয়া থাকে । সে হিসাবে মেরু শুধু পর্বত নয়, হিমালয়েরই মত একটা মহা পর্বত । মহাত্মার্তের কথাপ্রসঙ্গান পর্বে আছে—

“ভতন্তে নিরতান্ধান উদীচীং দিশমাস্থিতাঃ ।

দদৃশুর্যোগযুক্তাশ্চ হিমবন্তং মহাগিরিম্ ॥

তক্ষাপ্যতিক্রমন্তস্তে দদৃশুর্বালুকার্ণবম্ ।

অবৈক্ষন্ত মহাশৈলং মেরুং শিখরিণাং বরম্ ॥”

অর্থাৎ—“তাঁহারা যোগযুক্ত হইয়া উত্তর মুখে বাইরা হিমালয়ে উঠিলেন । হিমালয় পার হইতে হইতে বালুকার সাগর অর্থাৎ মহামরু ও সর্ব পর্বতের শ্রেষ্ঠ মেরু নামক মহাগিরি দেখিতে পাইলেন” । এই বালুকার্ণবই সম্ভবতঃ উইলফোর্ড সাহেবের কথিত *little* বোধারার উচ্চ সমতল ক্ষেত্র । ভারতকার মেরুকে এখানে এই বালুকার্ণব হইতে পৃথক বলিয়া বর্ণন করিলেন । তা ছাড়া একটীকে বলিলেন অর্ণব, অপরকে শিখরিশ্রেষ্ঠ মহাশৈল । ইহাতে কাণ্ডেন সাহেবের কথার খণ্ডন হইতেছে । এই মেরু হিমালয় পার হইবার পূর্বেই দেখা গেল । “অতিক্রমন্তস্তে দদৃশুঃ” আছে “অতিক্রম্য তে দদৃশুঃ” নয় । অতএব বোধ করি এ মেরু কাঞ্চনজঙ্ঘের গার হিমালয়েরই কোনও একটা শৃঙ্গ । কালিদাস মেরুকে হিমালয়ের সখা বলিয়া বর্ণন করিয়াছেন । তাঁহার মতে মেরু প্রভৃতি দেবভূমি গুলি সবই হিমালয়ের প্রদেশ । শিব তপস্বিনী গৌরীকে বলিতেছেন—

“দ্বিবং যদি প্রার্থয়সে বৃথাশ্রমঃ ।

পিতৃঃ প্রদেশান্তব দেবভূময়ঃ” ॥

যদি স্বর্গ চাও তবে এ শ্রম কেন, তোমার পিতার প্রদেশ গুলিই তো দেবভূমি-দিগের গৃহ । যদি মেরু যথার্থই পর্বতবিশেষ ও মধ্য এশিয়ার সমতল ক্ষেত্র

না হইল তবে অসঙ্গতি যেমন ছিল তেমনই রহিয়া গেল। যাহা হউক এ অসঙ্গতি উপেক্ষা করিলেও দ্বিতীয় অসঙ্গতি অটল থাকিয়া যাইতেছে। অতএব বঙ্গু Oxus নহে একথা এখন আমরা ধরিয়া লইতে পারি।

ভাল, বঙ্গু যদি Oxus, নয় তবে এ আবার কোন নদী? মানচিত্র অনুসন্ধান করিলে দেখা যায় অক্ষাংশ ৩২ $\frac{১}{২}$ ° হইতে ৩৩ $\frac{১}{২}$ ° ও দ্রাঘিমা ৮২ $\frac{১}{২}$ ° হইতে ৮৩ $\frac{১}{২}$ ° এই চতুঃসীমার মধ্যে তিনটি প্রকাণ্ড নদীর উৎপত্তি স্থান রহিয়াছে পূর্বে ব্রহ্মপুত্র, দক্ষিণে গঙ্গা, পশ্চিমে সিন্ধু। উত্তরে স্পষ্ট কোনও নদী পাওয়া যায় না বটে কিন্তু কতকটা বুঝা যায় যে এককালে ওবি (Obi) নদী এই তিন নদীর কাছাকাছি ছিল, কিন্তু মধ্য এশিয়ার বালুকামাগরের আক্রমণে উহা এখন স্থানে স্থানে মরিয়া গিয়া দূর্বর্তী হইয়া পড়িয়াছে। এখন কথা হইতেছে—এই চারিটি নদীই বিষ্ণু পুরাণের সীতা, অলকনন্দা, বঙ্গু ও ভদ্রা এরূপ মনে না করি কেন? যদি সেরূপ মনে করা হয়, তবে বঙ্গু ও সিন্ধু অভিন্ন হইয়া পড়ে। মহাভারতে চারি নদী নাই, উহার মতে গঙ্গাগেড়ারই সাতভাগে বিভক্ত হইলেন। ভীষ্ম পর্বে ৬ অধ্যায়ে আছে—

“ভদ্রা দিব্যা ত্রিপথগা প্রথমং তু প্রতিষ্ঠিতা ।

ব্রহ্মলোকাদপক্রান্তা সপ্তধা প্রতিপত্ততে ॥৪৮॥

বশ্বোকসারা নলিনী পাবনী তু সরস্বতী ।

জম্বু নদী চ সীতা চ গঙ্গা সিন্ধুশ্চ সপ্তমী ॥৪৯॥”

এতে বিষ্ণু পুরাণের সীতা ও গঙ্গা অর্থাৎ অলকনন্দা এই দুইটি আছে। বঙ্গু ও ভদ্রা নাই। বদলে অন্বে পাঁচটি নাম আছে তার মধ্যে সিন্ধু একটা। ভারতকার বঙ্গুকেই সিন্ধু বলিয়াছেন এ সন্দেহ স্বতঃই উপস্থিত হয়। কারণ বিষ্ণু পুরাণে বঙ্গু ও মহাভারতে সিন্ধু এ ছাড়া পশ্চিমে অন্বে নদী নাই। ভারতের বশ্বোকসারা, নলিনী, সরস্বতী ও জম্বু উত্তরের নদী; সীতা পূর্বে; গঙ্গা দক্ষিণে। আবার দেখুন বিষ্ণু পুরাণ বলেন—বঙ্গু কেতুমাল বর্ষের দিকে চলিয়া গিয়া পশ্চিম সাগরে পড়িয়াছে। কেতুমালেরদিকে গিয়া বলিতেছেন, কেতুমাল পার হইয়া বলেন নাই। “কেতুমালমভি পশ্চিমৈর্নবকামতি” ইহাই তাঁহার আশা। ভাগবতেও আছে—“কেতুমালমভি বঙ্গুঃ প্রতীচ্যাং দিশি সরিৎপতিং প্রবিশতি”।

কিন্তু অন্য তিনটি নদী সম্বন্ধে ভাষা ভিন্নরূপ । সীতার সম্বন্ধে বলেন, “ভদ্রা-
শ্বেনৈতি সাগরম্” । ভদ্রাশ্বেন এ তৃতীয়স্ত পদে ভদ্রাশ্বের উপর দিয়া যাওয়া
বুঝা যাইতেছে । অলক নন্দার বেলাতে ও “এত্য ভারতম্” বলাতে ভারতে
প্রবেশ বুঝাইতেছে । অতএব “কেতুমাল মতি” এই কথাতে বুঝিতেছি বঙ্গু
প্রথমে কতকটা উত্তর পশ্চিম কোণের দিকে চলিয়া পর্ত পার হইয়া দক্ষিণ-
বাহিনী হইয়া আরব সাগরে পড়িতেছে । একথা সিদ্ধু ভিন্ন অপর কোনও নদীর
প্রতি প্রযুক্ত হইতে পারে না । তবে সিদ্ধুই বঙ্গু ; অর্থাৎ কালিদাসের পাঠ
সিদ্ধুই হউক আর বঙ্গুই হউক, ফলের ভারতম্য নাই । কালিদাসের সময়ে
Bactria তে হুণেরা রাজ্য স্থাপন করিয়াছিল একথা প্রমাণিত হইতেছে না ।
বরং হুণেরা তখনও Bactria তে যায় নাই কাশ্মীরের কোণে সিদ্ধুর তীরেই
রহিয়াছে ইহাই পাওয়া যাইতেছে ।

এই দিগ্বিজয় উপলক্ষে কালিদাস যে সকল প্রদেশের নাম করিয়াছেন
মহাভারতে তদপেক্ষা অনেক বেশী নাম আছে । কারণ, সব কয়টা প্রদেশের
নাম করা কবির অভিপ্রেত ছিলনা । কিন্তু মহাভারতের সহিত কবির এক
বিষয়ে বিলক্ষণ প্রভেদ লক্ষিত হইতেছে । ভারতকার হুণ ও পারসীক উভয়কেই
উত্তর দিকে রাখিয়াছেন । উদ্যোগ পর্বতের ৯ অধ্যায়ে আছে—

“উত্তরাশ্চাপরে শ্লেচ্ছাঃ ক্রূরাঃ ভারতসত্তম ।

যবনাশ্চীনকশ্ছোজা দারুণা শ্লেচ্ছজাতয়ঃ ॥

সকৃদ্গ্রহাঃ কুলখাশ্চ হুণাঃ পারসিকৈঃ সহ ॥”

কিন্তু কালিদাসের সময়ে পারসীক পশ্চিমে গিয়াছে হুণ উত্তরেই আছে ।
হুণ ও পারসীক উভয়েরই প্রসার পূর্ব হইতে পশ্চিমে । আমার বিশ্বাস কোনও
পুরাবিৎ পণ্ডিত যদি এই দুই জাতিকে কালিদাস যে স্থান দিয়াছেন, নিরপেক্ষ
ভাবে তাহার আলোচনা করেন, অর্থাৎ হুণ কাশ্মীরের কোণ হইতে কবে সরিল
ও পারসীক ভারতের পশ্চিমে কবে গেল, এ সম্বন্ধে আলোচনা করেন, তবে
দেখিতে পাইবেন, কালিদাস দ্বিতীয় চন্দ্রগুপ্তের বহুপূর্বে প্রাহুভূত হইয়াছিলেন ।

অতঃপর বোধ করি ধরিয়া লইতে পারি যে, কালিদাস দ্বিতীয় চন্দ্রগুপ্তের
সহিত তুল্যকাল এমতের মূলে কিছু নাই । অন্ততঃ রঘুর দিগ্বিজয় হইতে কিছু
পাওয়া যাইতেছে না । তথাপি কথাটা অন্য প্রকারে দেখিতে চেষ্টা করিব ।

মনে করুন তর্কের খাতিরে মানিলাম যেন ৭ম শতাব্দীর ভক্তেরাই ঠিক বলিতেছেন—কালিদাস চন্দ্রগুপ্ত ও কুমারগুপ্তের রাজত্ব কালেই বর্তমান ছিলেন । এখন আসুন মালবিকাগ্নিমিত্রের ঘটনাটার একটু চর্চা করা যাউক ।

খৃষ্টের ১৮৪ বৎসর পূর্বে মগধরাজ বৃহদ্রথের সেনাপতি পুষ্পমিত্রসুগ প্রভুব্রাণ সংহার করিয়া স্বয়ং রাজা হইলেন । ইনি সুগবংশের প্রতিষ্ঠাতা । বৃদ্ধকালে ইনি পুত্র অগ্নিমিত্রের হস্তে দক্ষিণ অঞ্চলের শাসন ভার অর্পণ করেন । অগ্নিমিত্র পিতার অধীনে বিদিশার রাজধানী স্থাপন করিয়া রাজত্ব করিতে থাকেন । এই সময় পুষ্পমিত্র পৌত্র বসুমিত্রের বীরত্বে ভারতের সর্ব রাজমণ্ডলকে পরাজিত করিয়া অশ্বমেধ যজ্ঞের অনুষ্ঠান করেন । এই সত্য ঘটনা অবলম্বনে কালিদাসের মালবিকাগ্নিমিত্র লিখিত হইল । যেমন সূর্য্যবংশীয় রাজগণের পর পর পুরুষের বৃদ্ধান্ত অবলম্বনে রঘুবংশ, তেমন সুগরাজগণের পর পর তিন পুরুষ আশ্রয়ে মালবিকাগ্নিমিত্র । পুষ্পমিত্র, অগ্নিমিত্র ও বসুমিত্রকে কালিদাস দিলীপ, রঘু ও অজের সহিত একাসনে বসাইতে চেষ্টা করিয়াছেন । বিস্তরভয়ে কথাগুলি অতি সংক্ষেপে বলিলাম । অনুসন্ধিৎসুগণ মালবিকাগ্নিমিত্র দেখিয়া লইবেন ।

নাটকখানির ইতিবৃত্ত দেখুন । প্রস্তাবনায় দেখি যখন এখানি রচিত হয়, তখন উৎসবাদিতে ভাস প্রভৃতির নাটকই অভিনীত হইত । একদা বসন্তোৎসবের সময়ে কালিদাসের প্রভু, অর্থাৎ পঞ্চমবাদিগণের মতে দ্বিতীয় চন্দ্রগুপ্ত, ইচ্ছা করিলেন নূতন একখানি নাটক অভিনীত হউক । তাঁহারই আদেশে প্রাচীন নাটকের অভিনয় প্রথা রহিত হইল ও মালবিকাগ্নিমিত্র অভিনীত হইল । প্রমাণে দেখুন সূত্রধার বলিতেছে—

“অভিহিতোহশ্বি পরিষদা.....মালবিকাগ্নিমিত্রম্.....প্রয়োক্তব্যমিতি ।”

পারিপার্শ্বিক আপত্তি করিল—“বর্তমানকবে: কালিদাসস্ত কৃতৌ কিং কৃতৌ বহমানঃ” । উত্তরে সূত্রধার বলিল—“বিবেকশূন্যমভিহিতম্” । পারিপার্শ্বিক বুদ্ধিগ, বলিল—“আর্য্যমিশ্রাঃ প্রমাণম্” । তখন সূত্রধার তিতরের কথা বুঝাইয়া বলিল, এটি “আজ্ঞা”—হুকুম, অনুরোধ নহে—“শিরসা প্রথমগৃহীতা-মাজ্ঞামিচ্ছামি পরিষদঃ কৰ্ত্তুম্” । বিক্রমেশ্বরশী বা শকুন্তলার এরূপ আজ্ঞার উল্লেখ নাই ।

বিক্রমোর্কশীর সূত্রধার সাদা কথায় বলিতেছে—“নবেন ত্রোটকেন উপস্থাস্ত্রে ।” শকুন্তলায় আছে—“নবেন নাটকেন উপস্থাতব্যম্” । সূত্র মালবিকাগ্নিমিত্রেই পরিষদের আজ্ঞার দোহাই । এখানে মনে রাখা উচিত যে রঙ্গালয়ে স্বয়ং রাজা, অর্থাৎ পঞ্চমবাদিদিগের চন্দ্রগুপ্ত, উপস্থিত । তিনিই পরিষদের অগ্রাসনে উপবিষ্ট, পরিষদের আজ্ঞা তাঁহারই আজ্ঞা ; এই জন্যই তাঁহা মস্তকে করিয়া ধারণ করা হইল—“শিরসা প্রথমগৃহীতাজ্ঞাম্” । ইহাও মনে রাখা উচিত যে রাজারা সকলেই ইচ্ছা করেন যে স্বয়ং পূর্ববর্তীগণ অপেক্ষা সর্বগুণে সমধিক হইবেন, প্রজারা একবাক্যে বলিবে বর্তমান রাজার মত রাজা আর আমাদের কেহ হন নাই । কবিও এ সত্য জানিতেন । তিনি রঘুর বর্ণায় বলিয়াছেন—

“মনোংকষ্ঠাঃ কৃতান্তেন গুণাধিকতয়া গুরো ।

ফলেন সহকারশ্চ পুষ্পোদগম ইব প্রজাঃ ॥”

অজের বেলায় লিখিয়াছেন—

“রঘুমেব নিবৃত্তযৌবনং তমমন্তস্ত নবেশ্বরং প্রজাঃ ।” দশরথের সম্বন্ধে বলিয়াছেন—“অভবদশ্চ ততো গুণবত্তরং সনগরং নগরক্করৌজসঃ ।” ইত্যাদি

সুঙ্গসিংহাসনে একগুণে গুপ্তগণ আসীন ইহারা সুঙ্গগণ হইতে পৃথক বংশ । অতএব গুপ্তগণের অন্তরে তাঁহাদের পূর্ববর্তী সুঙ্গগণের যশ । হরণের ইচ্ছা বলবতী ছিল একরূপ মনে করিতে পারি । তুল্য বংশেও যাহা স্বভাবিক, ভিন্ন বংশে তাহা অবশ্য প্রবলতর । সুঙ্গ বংশের প্রতিষ্ঠাতা পুষ্পমিত্র অশ্বমেধ যজ্ঞ করিয়াছিলেন । গুপ্তবংশের আদি পুরুষ সমুদ্রগুপ্ত ও অশ্বমেধের অনুষ্ঠান করিয়া গিয়াছেন । বিক্রমাদিত্য উপাধিতে ভূষিত চন্দ্রগুপ্ত স্বয়ং, অগ্নিমিত্র অপেক্ষা ন্যূন নহেন । তাঁহার পুত্র কুমারগুপ্তও বীরত্বাদি রাজগুণে বসুমিত্র অপেক্ষা হীন একরূপ মনে করার কোনও কারণ নাই । বিশেষতঃ গুপ্তবংশ ক্রমোন্নতির পরিণামে মগধের সিংহাসন লাভ করিয়াছে । সুঙ্গবংশের ঠায় রাজ্য লোভে রাজদ্রোহ, বিশ্বাসঘাতকতা ও প্রভুহত্যার পাপে কলঙ্কিত নহে ।

এ অবস্থায় তাঁহার ও তাঁহার বংশের গুণগ্রাম উপেক্ষা করিয়া তাঁহার আশ্রিত কবি তাঁহারই আদেশে রচিত ও তাঁহার চক্ষের উপর অভিনীত নাটকে সুঙ্গগণের তিন পুরুষের উৎকর্ষ স্বর্ণবর্ণে চিত্রিত করিবেন এ অপেক্ষা হুঃখ ও অপমান

চন্দ্রগুপ্তের পক্ষে কি হইতে পারে? কবির কি বিষয় বুদ্ধি এতই কম ছিল যে তাঁহার গ্রন্থের প্রতিচ্ছত্র পরিষদের পুরোভাগে উপবিষ্ট রাজার হৃদয়ে শূলের মস্ত বিদ্ধ হইতেছে, একথা তিনি বুঝিতে পারিতেছেন না? রাজা চন্দ্রগুপ্তই বা কেমন, তিনি কি অভিনয়ের পূর্বে নাটক খানি একবার দেখিয়াও দেন নাই। রাজসভায় কি এমন কেহ ছিলেন না যিনি এ অসঙ্গতির প্রতি কবির দৃষ্টি আকর্ষণ করিয়া তাহার সংশোধন করাইয়া লন? অধ্বিনিত্র স্থলে চন্দ্রগুপ্ত ইত্যাদি সামান্য পরিদর্ভনেই, তোমার সর্বপ্রকার সামঞ্জস্য রক্ষা পাইত। ফলে পঞ্চম শতাব্দীর ভক্তেরা একটু ভাবিয়া দেখিলেই বুঝিতে পারিবেন যে মালবিকাগ্নিমিত্রের অভিনয় তাঁহাদের মতের মস্তকে বজ্রপাতবই নহে। চন্দ্রগুপ্তের সভাসদ মালবিকাগ্নিমিত্র লিখিতে পারেন না, চন্দ্রগুপ্তের রঙ্গালয়ে মালবিকাগ্নিমিত্রের অভিনয় হইতে পারে না। এক কথা বলি যদি মালবিকাগ্নিমিত্র হইতে কোনও অনুমান যুক্তিযুক্ত হয়, তবে কালিদাস অগ্নিমিত্রেরই রাজকবি ছিলেন এরূপ অনুমানই সঙ্গত। তাঁহারই আদেশে তাঁহার ও তাঁহার পিতা ও পুত্রের গুণ প্রশস্তিরূপে মালবিকাগ্নিমিত্র রচনা করিয়া গিয়াছেন।

গ্রন্থের উপসংহার হইতে এ অনুমান আরও পরিষ্কৃত হইবে। এ নাটকের ভরতবাক্য আর বিক্রমোর্কশী ও শকুন্তলার ভরতবাক্য সম্পূর্ণ পৃথক প্রকৃতির বস্তু। শকুন্তলার ভরত বাক্যের আলোচনা অস্ত্র করিয়াছি এখানে পুনরুল্লেখ করিব না। মোটের উপর উহা রাজা ও প্রজার প্রতি আশীর্বাদ। উহাতে কাহারও নাম নাই, সুতরাং উহা সর্বকালে সর্বপাত্রে প্রযোজ্য। বিক্রমোর্কশীতে আছে—

“পরম্পরবিরোধিতোরেকসংশয়হর্লভম ।
সঙ্গতং শ্রীসরস্বত্যোভূষাহৃদুতরে সতাম্ ॥
সর্বস্তরতু হর্গাণি সর্বো ভদ্রানি পশ্যতু ।
সর্বঃ কামানবাপ্নোতু সর্বঃ সর্বত্র নন্দতু ॥”

এও ঐ প্রকৃতির। কিন্তু মালবিকাগ্নিমিত্রের ভরত বাক্য এই—

“আশান্তমভ্যাধিগমাং প্রভৃষ্টিং প্রজানাং
সম্পদ্যতে ন ফলু গোপ্তরি নাগ্নিমিত্রে ॥”

প্রজাপালক অগ্নিমিত্রের হাতে রাজ্য আসা অবধি কার কোন অভিনাষ পূর্ণ না হইয়াছে ।

এতে প্রথমেই দেখিতেছি রাজবিশেষের নাম ধরিয়া দেওয়া হইয়াছে । অগ্নিমিত্র শব্দের স্পষ্ট উল্লেখ রহিয়াছে । এ সম্পূর্ণ রীতি-বিরুদ্ধ । এ নাটক অগ্নিমিত্র ভিন্ন অন্য কোনও রাজার সম্মুখে অভিনীত হইতে পারে না । প্রাচীন টীকাকার কাটয়বেম এই দেখিয়া বলিলেন—

“সর্বনাটকপ্রয়োগান্তে ভারতেন সর্বকালসাধারণে আশীর্ষচনে কর্তব্যে সতি অত্র প্রজানাশাস্ত্রসিদ্ধিং প্রতি গোপ্তুরগ্নিমিত্রস্ত কথনং তৎকালরাজ্যোপ-লক্ষণমিতি মন্তব্যম্ ।”

অর্থাৎ অগ্নিমিত্র শব্দে এখানে যখন যিনি রাজা তাঁহাকেই বুঝাইবে ইহাই কবির অভিপ্রায় । কাটয়বেম ভারতবাসী পণ্ডিত, প্রাচীন ইতিহাসে সম্পূর্ণ অনভিজ্ঞ । তিনি জানিতেন না যে, অগ্নিমিত্র নামে সত্যই একজন রাজা ছিলেন । কাজেই ও কথা বলিয়াছেন । কবির অভিপ্রায় এরূপ নয় যে অগ্নিমিত্র এখানে রাজমাত্রের উপলক্ষণ হউক, বা এ ভারতবাক্য অগ্নিমিত্র ভিন্ন অন্যের প্রতি প্রযুক্ত হউক । “অভ্যধিগমাৎ প্রভৃতি” কথাটির প্রতি লক্ষ্য করুন । পুত্রের পক্ষে পিতার রাজ্য সম্বন্ধে ‘অধিগম’ অর্থ উত্তরাধিকার সূত্রে প্রাপ্তি । কিন্তু অভিনয়কালে পুঙ্গমিত্র বাঁচিয়া আছেন, কাজেই অগ্নিমিত্রের রাজ্য সম্বন্ধে ‘অধিগম’ শব্দ ব্যবহৃত হইতে পারে না, তাই কবি অভি উপসর্গ যোগ করিয়া দিয়াছেন । “অভ্যধিগম” অর্থ এখানে ন্যাসরূপে প্রাপ্তি । সুধু ‘অধিগম’ থাকিলে যে কোনও রাজার প্রতি কতকটা খাটিত ও কাটয়বেমের কথা কোনও প্রকারে গ্রহণ করিতে পারিতাম । উপস্থিত ক্ষেত্রে এ ভারতবাক্য আশীর্ষাদই নয়, সার্বজনীনও নয় । কবি স্তুতি গাইয়াছেন, সে ব্যক্তি বিশেষের স্তুতি, অগ্নির জন্ম মোটেই উদ্দিষ্ট নয় ।

অবার দেখুন অগ্নিমিত্র যদি কোনও অতীত রাজ বিশেষ হইতেন তবে কবি তাঁহার সম্বন্ধে ‘সম্পদ্যতে’ এরূপ বর্তমান কালের নির্দেশ করিতেন না । ‘সমপদ্যত’ এই অতীতের প্রয়োগ থাকিলে অগ্নিমিত্রকে কবির পূর্ববর্তী বলা দোষের হইত না । কিন্তু ‘সম্পদ্যতে’ পাঠে কবি অগ্নিমিত্রের সমকালীন হইয়া পড়িতেছেন । আরও দেখুন ‘আশাস্যঃ সম্পদ্যতে’ বলিলে বুঝি যখন যাহা চাই

তাহাই পাই। “আশাস্যং ন সম্পদ্যতে ন” আরও জোরের কথা। এতে যাহা চাই তাহাতো পাইই বরং বেশী ও ফলিয়া যায়। এর পর যদি আবার অবধারণ-সূচক “থলু” শব্দ যোগ করিয়া “আশাস্যং ন থলু সম্পদ্যতে ন” এরূপ বলা যায় তাহা হইলে মনে হয় যেন বক্তা রঙ্গালয়ের দিকে চাহিয়া আস্তিন গুটাইয়া বলিতেছেন “চাহিয়া পাও নাই একথা কে বলিতে পার বল দেখি।” রাজার তুল্য-কাল ও স্তাবক ভিন্ন অন্তের মুখে একথা শোভা পায় না। এ দুটের কথা বলিলে চলিবে না। কারণ কবি নটের একই সময়ের লোক। নট কবি” সম্বন্ধে “বর্ত্তমানকবেঃ” এই শব্দ প্রয়োগ করিয়াছে। ফলে অগ্নিমিত্র অভিনয়কালে বর্ত্তমান, রঙ্গালয়ে উপস্থিত এ বিষয়ে কোনও সন্দেহ থাকিতে পারে না। তাহারই আদেশে মালবিকাগ্নিমিত্র লিখিত ও অভিনীত হয়। তৎকালে প্রাচীন নাটক অভিনয় করার প্রথাই প্রচলিত ছিল। প্রতিভার পথের কণ্টকস্বরূপ এই কুপ্রথা অগ্নিমিত্রই রহিত করিলেন। এপ্রথা সমাজে এতই বদ্ধমূল হইয়াছিল যে সামাজিকবর্গ অসমুদ্র হইবেন এ আশঙ্কা হইয়াছিল, তাই পারিপার্শ্বিকের মুখে “মা ভাবৎ” ইত্যাদি কথা শুনিতে হইয়াছে ও সূত্র-ধারকে “পুরাণমিত্যেব ন সাধু সর্কম্” এই কৈফিয়ৎ দিতে হইয়াছে। কৈফিয়তের ভাষাও দেখিবেন যেন পরওয়ানার ভাষা, নরম মোটে নাই। “পুরাণমিত্যেব ন সাধু সর্কম্। ন চাপি কাব্যং নবমিত্যবদ্যম্” এ নরমও নয় গরমও নয় ; “মস্তঃ পরীক্ষ্যান্যত্ রত্নজস্তু” এ নরম গরম ; “মূঢ়ঃ পরপ্রত্যয়নেয় বুদ্ধিঃ” এ ষোল আনা গরম। এ কৈফিয়ৎ আঙ্গাবিশেষ—পরিষদের প্রতি আঙ্গা। অগ্নিমিত্রের আঙ্গার কবিপ্রতিভার প্রসর নির্বাধ হইয়া পড়িল ও সুধীবর্গ শকুন্তলার রসাস্বাদের অবকাশ লাভ করিলেন।

পুষ্পমিত্র, অগ্নিমিত্র ও ষমুমিত্র এই তিনটী ব্যতীত কালিদাস তাহার গ্রন্থাবলীতে অণু কোনও ইতিহাস প্রসিদ্ধ পুরুষের নাম করেন নাই। এ সব কয়টা কথা ভাবিলে বুঝি কবির পক্ষে এ অপেক্ষা স্মৃতির আত্মপরিচয় সম্ভব নহে। অধ্যাপক লেভির শতবর্ষের গবেষণা, সত্যের আলোকের অশুসন্ধানে বাহির হইয়াছেন, কিন্তু কালিদাসের প্রসঙ্গে তিনি মালবিকাগ্নিমিত্রের প্রকৃত তৎস্বরূপ মধ্যাহ্ন মার্ভণ্ডের প্রতি অন্ধ, অথচ অতিশয়ের তিমিরে ছায়া দর্শনে পুঙ্কিত ! অহো বিড়ম্বনা ! ! !

মালবিকাগ্নিমিত্রের আলোকে কবির গ্রন্থাংশীর অনেক অঙ্ককার স্থল আলোকিত হইবে। মেঘদূতে বিদিশা, উজ্জয়িনী, দশপুর প্রভৃতি নগরের উল্লেখ আছে। কিন্তু বিদিশা ভিন্ন অন্য কোনও নগরকে কবি রাজধানী বলিয়া বর্ণন করেন নাই। কালিদাসের হৃদয়ের টান উজ্জয়িনীর দিকে। শতকাজ ফেলিয়া হইসেও, দশক্রোশ পথ ঘুরিয়া গেলেও, উজ্জয়িনী না হইয়া তিনি যান না। তেমন যে তাঁহার আদরের উজ্জয়িনী, ভারতের শিরোভূষণ স্বরূপ অবস্থি দেশের রাজধানী যে উজ্জয়িনী, তাকেও সাদা উজ্জয়িনী নামেই অভিহিত করিয়া “সৌধোৎসঙ্গপ্রণয়বিমুখো মা স্ব ভুরুজ্জয়িতাঃ”—উজ্জয়িনী তোমাকে কোলে লইতে উৎসুক, তাহার আদর উপেক্ষা করিও না—এই পদটী রচনা করিলেন। অথচ বিদিশার বেলায় বলিলেন “তেষাং দিকু প্রথিতবিদিশালক্ষণাং রাজধানীম্” “দিকু প্রথিত” এবিশেষণটীও অনুধাবন করিয়া দেখিবেন। যে উজ্জয়িনীর যশের বিমল কিরণে সমগ্র ভারত উদ্ভাসিত, সেই উজ্জয়িনী, সেই ত্রীবিশালা বিশালা, “দিকু প্রথিত” হইল না, হইল নবরাজধানী বিদিশা! স্মন্দর্শী কবির এ অবিবেচনা কেন? উত্তর সম্মুখেই রহিয়াছে, বিদিশা অগ্নিমিত্রের রাজধানী, আর কালিদাস অগ্নিমিত্রের রাজ কবি কালিদাসের পক্ষে বিদিশার ঐরূপ বর্ণনা স্বাভাবিক, অন্তথা হইলে অসঙ্গত হইত।

ইন্দুমতীর স্বরংবর বর্ণনার কবি কল্যাণকে প্রথমেই মগধরাজের নিকটে লইয়া গিয়া একরাস্তরে ভারতীর রাজগণের মধ্যে মগধরাজকে সর্বোচ্চ আসনে কাইলেন। তাহা ছাড়া স্মন্দার মুখে স্পষ্ট ভাবেই বলিলেন—“কামং নৃপাঃ স্তম্ভ সহস্রশোভন্তে । রাজহস্তীমাহরনেন ভূমিম্ । নক্ষত্রতারাগ্রহসকুলাপি জ্যোতিষ্যতী চন্দ্রমসৈব রাত্রিঃ ॥”—অর্থাৎ “হাজার হাজার রাজা আছেন মানি কিন্তু ইনি আছেন বলিয়া আজ সংসারে প্রকৃত রাজা আছেন বলিতে পারিতেছি। অথচ রঘুর দি গুজয়ে কবি মগধ দেশটী ডিঙাইয়া গেলেন। মগধদেশ পূর্বদেশ। পূর্ববিকারে যদি মগধদেশ বর্ণনার যোগ্য না হইল, তবে স্কন্ধ বঙ্গ প্রভৃতি বিজয়ের কথার উল্লেখের কি প্রয়োজন ছিল? উহাতে রঘুর প্রতিপত্তি কিছুই বাড়িল না। ভারতের সর্বপ্রধান রাজ্যই যদি অবিজিত রহিয়া গেল, তাহা হইলে দেশটির অসম্পূর্ণ রহিল মনে করিতে হইবে। মালবিকাগ্নিমিত্র হইতে এ অসঙ্গতিরও মীমাংসা হইতেছে। অগ্নিমিত্র ষোল আনা রাজা ছিলেন না। প্রকৃত

রাজা ছিলেন তাঁহার পিতা পুষ্পমিত্র মগধে। অগ্নিমিত্র পিতা মগধরাজের প্রতিনিধিরূপে বিদিশায় রাজত্ব করিতেন। অগ্নিমিত্রের রাজকবি কোন্ প্রাণে কোন্ সাহসে মগধ বিজয় বর্ণন করিবেন। কবির মগধ ও বিদিশা উভয়ের প্রতি তুল্যাদর। অগ্নিমিত্রের সভাসদ ভিন্ন অপরের সেরূপ হওয়ার কথা নহে। বাহিরের অন্ধকারেও মালবিকাগ্নিমিত্রের আলোক পড়িতেছে। ভিটার ফলকে শকুন্তলার চিত্র রহিয়াছে, আর ভিটার ফলক সুন্দরাজগণের করা। কালিদাস পঞ্চম শতাব্দীর লোক হইলে এ কিরূপে সম্ভবে? Archaeological Survey বিভাগের ডিরেক্টর সাহেব তাই বলিলেন, “এ চিত্র শকুন্তলার নয়”। অথচ কেহ এমন অন্য কোনও গ্রন্থ দেখাইতে পারিতেছেন না বাহার অবলম্বনে এ চিত্র অঙ্কিত হইতে পারে। কিন্তু মালবিকাগ্নিমিত্রের প্রকৃত তত্ত্ব বুঝিতে পারিলে দেখিব কবি সুন্দরবংশের প্রতিষ্ঠাতা পুষ্পমিত্রের সময়ে বর্তমান—খৃষ্টের পূর্বে দ্বিতীয় শতাব্দীতে বর্তমান। অতএব সুন্দরাজগণের করা ভিটা ফলকে শকুন্তলার চিত্র থাকা বিশ্বাসের কথা কিছুই নহে।

পুষ্পমিত্র বা অগ্নিমিত্র বিক্রমাদিত্য উপাধি গ্রহণ করিয়া ছিলেন কি না জানা যায় নাই। তবে যে সকল উপকরণের সছাবে অপরে ঐ উপাধি গ্রহণ করিয়াছেন, দিগ্বিজয়, অশ্বমেধ প্রভৃতি সে সকলই তাঁহাদেরও ছিল। হইতে পারে অনুসন্ধান কখনও জানা যাইবে যে মালবিকাগ্নিমিত্র লেখার পর ইহাদের অন্তর সে উপাধি গ্রহণ করিয়াছিলেন, আর কবির বিক্রমোর্কশীতে ঐ ঘটনার প্রতি কটাক্ষ রহিয়াছে। “বিক্রমোর্কশীর” নাম যেন কেমন এক প্রকারের, সহজে এর অর্থ বোধ হয় না। “বিক্রমাজিতা উর্কশী” “বিক্রমলক্ষা উর্কশী” প্রভৃতি কর্মধারয় মনে লাগে না। “বিক্রমশ্চ উর্কশী চ” এরূপ বন্দ সমাস করিতে স্বতঃই প্রবৃত্তি জন্মে। তা ছাড়া “ছ” প্রত্যয় হইতেও মনে হয় “শিগুক্রন্দমসভবন্দেজজননাদিত্যশ্চঃ” এই শূত্রে বন্দ হইতে নাটকের নাম করা হইয়াছে। কিন্তু তাহা হইলে উর্কশী যেন নায়িকার নাম হইল, বিক্রম আবার কে? নায়কের নাম যে দেখিতেছি ‘পুরুবাবঃ’। রাজা পুরুবাবকে বিক্রম বলাতে রাজ বিশেষের বিক্রমাদিত্য আখ্যা গ্রহণের প্রতি কবি কটাক্ষ করিতেছেন কি না বলা কঠিন। তবে একটা দেখি বঙ্গদেশের চলিত শকুন্তলার প্রস্তাবনার “রসভাববিশেষদীক্ষা গুরোর্বিক্রমাদিত্যশ্চ নরপতেরভিরূপভূয়িষ্ঠা

পরিষৎ” এরূপ পাঠ আছে। এ পাঠ ঠিক হইলে অগ্নিমিত্র বিক্রমাদিত্য আখ্যা গ্রহণ করিয়াছিলেন এরূপ অনুমান নিতান্ত অযৌক্তিক হইবে না। কিন্তু এখন এ একপ্রকার হাওয়ার গলায় দড়ি বলিতে হয়, এ নিয়া আজ আর আপনাদের ধৈর্যচ্যুতি ঘটাইব না। এক্ষণে আলোচিত বিষয় গুলির প্রতি আর একবার আপনাদের দৃষ্টি আকর্ষণ করিয়া এই খানেই প্রস্তাবের উপসংহার করিব।

(১) কালিদাসের গ্রন্থে চন্দ্রগুপ্ত ও কুমার গুপ্তের প্রতি ঈঙ্গিত পাওয়া যায় না। যাহারা ঐ প্রকার ঈঙ্গিত দেখিতে পান তাহাদের যুক্তি গুলিতে দীনবন্ধুর “জামাই বারিক” মনে পড়ে।

(২) হুণদিগের আবাস Bactria তে ছিল কালিদাসের গ্রন্থে এ কথাই আভাস আছে বলিয়া মনে হয় না।

(৩) মালবিকাগ্নিমিত্রে কবি আত্ম পরিচয় দিয়াছেন, আমরাদিগকে স্পষ্টই জানিতে দিয়াছেন যে তিনি খৃষ্টের পূর্ব দ্বিতীয় শতাব্দীতে বিদিশার রাজা অগ্নিমিত্রের রাজ কবি ছিলেন। এই আত্ম পরিচয়ের বিরুদ্ধে মল্লিনাথ দক্ষিণা-বর্ত প্রভৃতি প্রদত্ত কবির পরিচয় গ্রাহ্য নহে। অর্থাৎ কালিদাস পঞ্চম শতাব্দীর দিঙনাগাচার্যের এক সময়ের লোক এ কথা উপেক্ষার যোগ্য। ইতি—

শ্রীসারদারঞ্জন রায় ।

সাহিত্য-সভার কার্য-বিবরণী ।

১৬শ বার্ষিক নবম-মাসিক অধিবেশন ।

৮ই ফাল্গুন, রবিবার, অপরাহ্ন ৬ ঘটিকা, ২০শে ফেব্রুয়ারি, ১৯১৬ ।

১। সভাস্থলে নিম্নলিখিত ভদ্র মহোদয়গণ উপস্থিত ছিলেন :—

- ১। শ্রীযুক্ত রায় বাহাদুর ডাঃ চুনিলাল বসু, এম্, বি।
- ২। „ রজনীকান্ত দে এম্, এ।
- ৩। „ জ্যোতিপ্রকাশ বসু।
- ৪। „ সুধীরকুমার বসু।
- ৫। „ বিপিনবিহারী সোম।
- ৬। „ জগদানন্দ দে।
- ৭। „ কালীনাথ ভট্টাচার্যী।
- ৮। „ কানাইলাল মিত্র।
- ৯। „ কুমার প্রমোদকৃষ্ণ দেব বাহাদুর।
- ১০। „ গোপালচন্দ্র মুখোপাধ্যায়।
- ১১। „ কুমুদবিহারি বসু।
- ১২। „ কুমার প্রদ্যুম্নকৃষ্ণ দেব বাহাদুর।
- ১৩। „ „ প্রকাশকৃষ্ণ দেব বাহাদুর।
- ১৪। „ কুঞ্জলাল বন্দ্যোপাধ্যায়।
- ১৫। „ যতীন্দ্রনাথ দত্ত।
- ১৬। „ সাতকড়ি চট্টোপাধ্যায় সিদ্ধান্তভূষণ।
- ১৭। „ বিনোদবিহারী বসু।
- ১৮। „ নাট্যাচার্য্য অমৃতলাল বসু।
- ১৯। „ সুরেশচন্দ্র চক্রবর্তী।

- ২০ । শ্রীযুক্ত যোগেন্দ্রনাথ নাগ ।
- ২১ । „ সরোজরঞ্জন বন্দ্যোপাধ্যায় এম, এ, ।
- ২২ । „ নলিনকৃষ্ণ বসু ।
- ২৩ । „ কেশবচন্দ্র ভট্টাচার্য্য ।
- ২৪ । „ দ্বারিকানাথ শাস্ত্রী ।
- ২৫ । „ রায় রাজেন্দ্রচন্দ্র শাস্ত্রী বাহাদুর, এম, এ, পি, আর, এম্ ।
- ২৬ । „ কুঞ্জলাল সিংহ সরস্বতী ।
- ২৭ । „ অনিলপ্রকাশ বসু ।
- ২৮ । „ কালীকৃষ্ণ চট্টোপাধ্যায় ।
- ২৯ । „ ভূদেবচন্দ্র মুখোপাধ্যায় ।
- ৩০ । „ ভূপেন্দ্রনাথ মুখোপাধ্যায় ।
- ৩১ । „ রঘুনাথ মুখোপাধ্যায় ।
- ৩২ । „ মহারাজ কুমুদচন্দ্র সিংহ বাহাদুর ।
- ৩৩ । „ যোগেন্দ্রচন্দ্র ভট্টাচার্য্য ।
- ৩৪ । „ সূর্যকুমার চৌধুরী ।
- ৩৫ । „ আশুতোষ সিংহ ।
- ৩৬ । „ ভূপেন্দ্রকুমার দত্ত ।
- ৩৭ । „ মহামহোপাধ্যায় সতীশচন্দ্র বিদ্যভূষণ, এম, এ, পি, এইচ্, ডি ।
- ৩৮ । „ ললিতকুমার ঘোষ ।
- ৩৯ । „ আশুতোষ বন্দ্যোপাধ্যায় ।
- ৪০ । „ বসন্তকুমার মুখোপাধ্যায় ।
- ৪১ । „ ললিতমোহন চট্টোপাধ্যায় ।
- ৪২ । „ যোগেন্দ্রকৃষ্ণ বসু ।
- ৪৩ । „ দেবেন্দ্রপ্রসাদ ঘোষ ।
- ৪৪ । „ হারাণচন্দ্র মুখোপাধ্যায় ।
- ৪৫ । „ হারাণচন্দ্র ভট্টাচার্য্য ।
- ৪৬ । „ শশিকান্ত চট্টোপাধ্যায় ।
- ৪৭ । „ ভূপেন্দ্রকুমার দাস ।

- ৪৮। শ্রীযুক্ত হীরলাল সিংহ।
- ৪৯। ,, কবিরাজ বিনোদলাল দাস গুপ্ত।
- ৫০। ,, রায় মতিলাল হালদার বাহাদুর।
- ৫১। ,, সুরেশচন্দ্র সন্ন্যাসপতি।
- ৫২। ,, বামন বাজীবালাকরাচাঁ।
- ৫৩। ,, চণ্ডীচরণ মিত্র।
- ৫৪। ,, নগেন্দ্রনাথ বন্দ্যোপাধ্যায় বি, এল।
- ৫৫। ,, দেবেন্দ্রনাথ বন্দ্যোপাধ্যায়।
- ৫৬। ,, গৌরচন্দ্র শীল।
- ৫৭। ,, প্রফুল্লকুমার বসু।
- ৫৮। ,, উমেশচন্দ্র বিদ্যারত্ন।
- ৫৯। ,, সূর্য্যকুমার শীল।
- ৬০। ,, মহিমানাথ ভট্টাচার্য্য বি, এ।
- ৬১। ,, অবিনাশচন্দ্র রায়।
- ৬২। ,, রামচন্দ্র বসু।
- ৬৩। ,, যোগেন্দ্রনাথ মিত্র।
- ৬৪। ,, কবিরাজ গিরিজাপ্রসন্ন সেন।
- ৬৫। ,, রসময় লাহা।
- ৬৬। ,, ডাঃ শরচ্চন্দ্র মুখোপাধ্যায়।
- ৬৭। ,, জে, এন, বসু।
- ৬৮। ,, ডাঃ বলাইচাঁদ সেন।
- ৬৯। ,, চারুচন্দ্র বসু।
- ৭০। ,, ডাঃ যোগেন্দ্রনাথ ঘোষ এল, এম্, এস।
- ৭১। ,, গিরিন্দ্রনাথ বসু।
- ৭২। ,, কুমার শোভেন্দ্রকৃষ্ণ দেব বাহাদুর।
- ৭৩। শ্রীযুক্ত মহারাজ কুমুদচন্দ্র সিংহ বাহাদুর সভাপতির আসন গ্রহণ করেন।
- ৩। গত অধিবেশনের কার্য-বিবরণী পঠিত ও সর্বসম্মতিক্রমে পরিগৃহীত হইল।

৪। কুমার গিরীন্দ্রকৃষ্ণ দেব বাহাদুরের মৃত্যুতে সভা নিম্নলিখিত শোক প্রকাশ করিতেছেন।—

এবং এই মন্তব্যের একখণ্ড প্রতিলিপে তাঁহার শোকসন্তপ্ত পরিজনবর্গের নিকট প্রেরিত হউক।

৫। রায় বাহাদুর ডাঃ চুনিলাল বসু এম্. বি, মহাশয় আলোক চিত্রাবলী সাহায্যে ম্যালেরিয়া সম্বন্ধে বক্তৃতা করেন।

৬। সমালোচনা প্রসঙ্গে পণ্ডিত সুরেশচন্দ্র সমাজপতি মহাশয় বক্তার ও বক্তৃতার বিশেষ প্রশংসা করিয়া বলেন যে প্রবন্ধোক্ত উপদেশগুলি যাহাতে কার্যে পরিণত হয় সে বিষয়ে সাধারণের বিশেষ যত্ন করা কর্তব্য।

বোম্বাইয়ের ডাক্তার বামন বাজী কল্করলী মহাশয় বলেন যে, ম্যালেরিয়া ও প্লেগ ভারতবর্ষের দুইটি অতি ভীষণ রোগ। ডাক্তার বেণ্টলি ম্যালেরিয়া সম্বন্ধে গবেষণা করিয়া ভারতবাসীমাত্রেয়ই ধন্যবাদভাজন হইয়াছেন। চুনিবাবু বেণ্টলি সাহেবের গবেষণার ফল বাঙ্গালা ভাষায় সর্বসাধারণের বোধগম্যরূপে বিবৃত করিয়া বিশেষ উপকার করিয়াছেন। এ বিষয় আমাদের কেবল গবর্ণমেন্টের উপর নির্ভর করিয়া থাকিলে চলিবে না। জনসাধারণে যাহাতে ম্যালেরিয়া প্রতিষেধক উপায় সকল বুঝিতে পারে ও তদনুসারে কার্য করে সেদিকে শিক্ষিত সম্প্রদায়ের দৃষ্টি থাকা একান্ত কর্তব্য।

৭। সভাপতি মহাশয় বক্তার বিশেষ প্রশংসা করিয়া বলেন যে, বক্তৃতা বেশ হৃদয়গ্রাহী হইয়াছে; বক্তব্য বিষয় বিশদভাবে শ্রোতৃবর্গকে বুঝাইয়া দেওয়া হইয়াছে।

পার্টির চাষের জন্ত ম্যালেরিয়ার প্রকোপ বৃদ্ধি পাইতেছে কিনা তাহা ভাবিয়া দেখা উচিত, প্রাচীন আয়ুর্বেদের ভল্লনের টীকার কীটতত্ত্ব, বিষয়ে অনেক কথা আছে। তাহারও আলোচনা হওয়া কর্তব্য। প্রাচ্য ও প্রাশ্চাত্য জ্ঞানের সমন্বয়ে বিশেষ সফল লাভেরই আশা করা যায়। যাহা হউক, জমিদারেরা যদি বিলাস বাসনা কিঞ্চিৎ পরিত্যাগ করিয়া দেশের উপকারে মনোযোগী হন, তাহা হইলে স্বার্থই বড় ভাল হয়। আমাদের বঙ্গেশ্বর লর্ড

ফাল্গুন, চৈত্র, ১৩২৩।] সাহিত্য-সভার কার্য-বিবরণী। ৫৪৩

কারমাইকেল বাহাদুর ম্যালেরিয়া নিবারণের জন্ত যেরূপ যত্ন করিতেছেন তাহাতে তিনি বঙ্গবাসী মাত্রেয়ই অশেষ ধন্যবাদের পাত্র।

৮। যথারীতি সভাপতি মহাশয়ের ধন্যবাদের পর সভাভঙ্গ হয়।

শ্রীরাজেন্দ্রচন্দ্র শাস্ত্রী

শ্রীকুমুদচন্দ্র সিংহশর্মা

সম্পাদক (১৩।৪।১৬)

সভাপতি।

সাহিত্য-সভার কার্য বিবরণী।

১৬শ বার্ষিক দশম মাসিক অধিবেশন।

৩১শে চৈত্র, ১৩২২। বৃহস্পতিবার। ১৩ই এপ্রিল, ১৯১৬। অরবিহ ৫ ঘটিকা।

১। সভাস্থলে নিম্নলিখিত সভ্য মহোদয়গণ উপস্থিত ছিলেনঃ—

- ১। শ্রীযুক্ত রায় রাজেন্দ্রচন্দ্র শাস্ত্রী বাহাদুর এম, এ
- ২। " রাধাবল্লভ জ্যোতিষ তীর্থ।
- ৩। " কবিরাজ গিরিজাপ্রসন্ন সেন।
- ৪। " সরোজরঞ্জন বন্দোপাধ্যায়, কাব্যরত্ন, এম, এ।
- ৫। " যতীন্দ্রনাথ দত্ত।
- ৬। " কুমার প্রমোদকৃষ্ণ দেব বাহাদুর, বি, এ।
- ৭। " যতীন্দ্রমোহন রায়।

- ১৮। শ্রীযুক্ত মথুরানাথ মজুমদার কাব্যতীর্থ ।
 ১৯। „ গোপালচন্দ্র মুখোপাধ্যায় ।
 ২০। „ ডাক্তার বারিদবরণ মুখোপাধ্যায় এল্, এম্, এন্স ।
 ২১। „ কৈলাশচন্দ্র জ্যোতিষার্ণব ।
 ২২। „ সুরেশচন্দ্র চক্রবর্তী, বি, এ ।
 ২৩। „ মহারাজ কুমুদচন্দ্র সিংহ বি, এ ।
 ২৪। „ জিতেন্দ্রনাথ বসু এম্, এ, বি, এল ।
 ২৫। „ সাতকড়ি সিদ্ধান্তভূষণ ।
 ২৬। „ ডাক্তার যোগেন্দ্রনাথ মুখোপাধ্যায় ।
 ২৭। „ মন্থনাথ বিদ্যারত্ন ।
 ২৮। „ মহামহোপাধ্যায় প্রমথনাথ তর্কভূষণ ।
 ২৯। „ যোগেন্দ্রচন্দ্র শাস্ত্রী ।
 ৩০। „ কুঞ্জলাল সিংহ সরস্বতী ।
 ৩১। „ কুমার শোভনকৃষ্ণ দেব বাহাদুর ।
 ৩২। শ্রীযুক্ত গিরিজাভূষণ ঘোষাল ।
 ২। মহারাজ কুমুদচন্দ্র সিংহ মহোদয় সভাপতির আসন গ্রহণ করেন ।
 ৩। গত অধিবেশনের কার্যবিবরণী পঠিত ও পরিগৃহীত হইল ।
 ৪। সাহিত্য-সভার ১৩২৩ সালের কার্য নির্বাহক সমিতির সভ্য নির্বাচনের ফল প্রকাশ করা হইল । নির্বাচিত সভ্যগণের নাম ও তাহার প্রত্যেক সভ্য মত (ভোট) পাইয়াছেন তাহার তালিকা নিম্নে প্রদত্ত হইল :—

নাম	মত সংখ্যা
১। শ্রীযুক্ত মহামহোপাধ্যায় কামাখ্যানাথ তর্কবাগীশ ...	৮০
২। „ রায় রাজেন্দ্রচন্দ্র শাস্ত্রী বাহাদুর, এম, এ	... ৭২
৩। „ রায় ডাক্তার চুনিলাল বসু বাহাদুর এম্, বি	... ৮০
৪। „ কুমার প্রফুল্লকৃষ্ণ দেব বাহাদুর বি, এ	... ৭৮

	নাম	মত সংখ্যা
৫।	মহামহোপাধ্যায় ডাক্তার সতীশচন্দ্র বিষ্ণাভূষণ এম্, এ	৭৮
৬।	মহামহোপাধ্যায় প্রমথনাথ তর্কভূষণ	৭৫
৭।	মাননীয় মহারাজ শ্রী মনীন্দ্রচন্দ্র নন্দী বাহাদুর কে, টি, সি, আই, ই	৭৪
৮।	গোপালচন্দ্র মুখোপাধ্যায়	৭৩
৯।	কুমার প্রমোদকৃষ্ণ দেব বাহাদুর বি, এ	৭২
১০।	পণ্ডিত সুরেশচন্দ্র সমাজপতি	৭২
১১।	নাট্যাচার্য্য অমৃতলাল বসু	৬৯
১২।	সরোজরঞ্জন বন্দোপাধ্যায় এম্, এ কাব্যরত্ন	৬৬
১৩।	মহারাজ কুমার শৈলেন্দ্রকৃষ্ণ দেব বাহাদুর	৬৫
১৪।	রঞ্জিত সিংহ বাহাদুর	৬২
১৫।	কুমার প্রহ্লাদকৃষ্ণ দেব বাহাদুর	৬১
১৬।	পঞ্চানন মুখোপাধ্যায়	৫৭
১৭।	পণ্ডিত দুর্গাচরণ সাংখ্যবেদান্ততীর্থ	৫৪
১৮।	ডাক্তার বিপিনবিহারী ঘোষ এম্,	৫০
১৯।	সতীশচন্দ্র পাল বি, এ	৪৯
২০।	পণ্ডিত হরিদেব শাস্ত্রী	৪৮
২১।	দক্ষিণাচরণ স্মৃতিতীর্থ	৪৭
২২।	রায় মতিলাল হালদার বাহাদুর বি, এম্	৪০
২৩।	নগেন্দ্রনাথ বন্দোপাধ্যায় বি, এল	৪৪
২৪।	কুমার শোভেন্দ্রকৃষ্ণ দেব বাহাদুর	৩৫
২৫।	পণ্ডিত সাতকড়ি সিদ্ধান্তভূষণ	৩৪

৫। নিয়মাবলীর ৫৮ ধারানুসারে সভার অবৈতনিক কর্মচারীগণ, কার্য/নির্বাহক সমিতি ও শাখা সমিতির সভ্যগণ স্বয়ং পদ হইতে অবসর গ্রহণ করিলেন। স্থির হইল নূতন কার্য নির্বাহক সভা গঠিত না হওয়া পর্যন্ত রায় বাহাদুর রাজেন্দ্র চন্দ্র শাস্ত্রী মহাশয় সম্পাদকের কার্য করিবেন।

৬। নিম্নলিখিত শোক প্রকাশক প্রস্তাব সর্বসম্মতি ক্রমে পরিগৃহীত হইল :—

সাহিত্য-সভা ব্যোমকেশ মুস্তফী মহাশয়ের অকাল মৃত্যুতে গভীর শোক প্রকাশ করিতেছেন তিনি বঙ্গ সাহিত্যের অমুরাগী ছিলেন ও একনিষ্ট ভাবে সাহিত্য পরিষদের সেবা করিয়াছেন । তাঁহার মৃত্যুতে সাহিত্য পরিষদ বিশেষ কতিগ্রস্ত হইলেন ।

এই প্রস্তাবের একখণ্ড প্রতিলিপি তাঁহার শোক সন্তপ্ত পরিবার বর্গের নিকট প্রেরিত হউক ।

৭। অধিক সংখ্যক সভ্য উপস্থিত না হওয়ার “ভারতীয় জ্যোতিষ ও জ্যোতিষের আবশ্যিকতা” শীর্ষক প্রবন্ধ পাঠ স্থগিত রাখিল ।

৮। বধারীতি সভাপতি মহাশয়ের ধন্যবাদের পর সভাভঙ্গ হইল ।

শ্রীরাজেন্দ্রচন্দ্র শাস্ত্রী

সম্পাদক ।

৭।৫।১৬

শ্রীকুমুদচন্দ্র সিংহ শর্মা

সভাপতি ।

বিজ্ঞাপন ।

সাহিত্য সংক্রমে কাহারও কোন বিষয় জ্ঞাত হইবার আবশ্যক হইলে বা প্রবন্ধাদি পাঠাইতে হইলে অথবা পত্রাদি লিখিবার প্রয়োজন হইলে সহকারী সম্পাদকের নামে লিখিবেন ইতি ।

সহকারী সম্পাদক,

শ্রীকৃষ্ণেন্দ্রনাথ বন্দ্যোপাধ্যায় ।

